





北京大學《儒藏》編纂中心

圖書在版編目(CIP)數據

儒藏. 精華編. 二一二/北京大學《儒藏》編纂中心編. 一北京: 北京大學出版社, 2009. 6

ISBN 978-7-301-11930-3

I. 儒··· Ⅱ. 北··· Ⅲ. 儒家 Ⅳ. B222

中國版本圖書館 CIP 數據核字(2009)第 081556 號

書 名: 儒藏(精華編二一二)

著作責任者:北京大學《儒藏》編纂中心 編

責任編輯:王應

標 準 書 號: ISBN 978-7-301-11930-3/B • 0616

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 43.75 印張 428 千字

2009年6月第1版 2009年6月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會科學基金重大項目 一十一五」國家重點圖書出版規劃項目,重大工程出版規劃

《儒藏》精華編第二一二册

首 席 總 編 纂 季羡林

項目首席專家 湯一介

總

編

纂

湯一介

本

册

主

編

孫欽善

龎 樸

孫欽善

安平秋

(按年齡排序)

則的典籍的叢編。 爲儒家經典和反映儒家思想、體現儒家經世做人原 、中國傳統文化以儒家思想爲中心。《儒藏》 收書時限自先秦至清代結束。

一、《儒藏》精華編爲《儒藏》的一部分,選收《儒

藏》中的精要書籍

寫者一 互見。 《中國古籍善本書目》,於個别處略作調整。 漢文寫作的儒學著作,編爲海外文獻部類 已收入入選的個人叢書或全集者,僅存目録 分類法分類,大類、小類基本參照《中國叢書綜録》和 土文獻。傳世文獻按《四庫全書總目》經史子集四 三、《儒藏》精華編所收書籍,包括傳世文獻和 律收其釋文文本。 出土文獻單列爲一 韓國、日本、越南儒學者用 個部類,原件以古文字書 ,並注明 凡單書 部 出

立性

四、所

收書籍的

篇目卷次,一

仍底本原

選

編,不改編,保持原書的完整性和獨

爲主,酌校異同。校記力求規範、精煉。 勘價值的版本爲校本。 出校堅持少而精,以校正誤 確定内容完足、精確率高的版本爲底本,精選有校 五、對人選書籍進 行簡要校勘。 以對校爲主,

例,進行規範化標點。 六、根據現行標點符號用法,結合古籍標 專名號除書名號用 角號(《》) 點通

外,其他一律省略 落。正文原已分段者,不作改動。千字以内的 七、對較長的篇章,根據文字内容,適當劃

短文

分段

般不分段。

出現順序前詳後略。 及其他有關情況。 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡要 重複出現的作者,其生平事蹟按

九、本書用繁體漢字豎排,小注 律排爲單行。

鳴

謝

本焕法師

《儒藏》精華編惠蒙善助,共襄斯文,

謹列如左,用伸謝忱。

壹佰萬元

北京大學《儒藏》編纂中心

本册責任編委本 册 審 稿 人

沙志利

集

部

《儒藏》精華編第二一二册

顥 程

二程全書[北宋]程

頤

1

程全書

〔北宋〕 程

顥

姜海軍 程

頤

撰

校點

	二先生語二下 ······· 五五	河南程氏遺書第二下 ········· 五五	元豐己未吕與叔東見二先生語 二〇	二先生語二上 二〇	河南程氏遺書第二上 二〇	拾遺 一九	端伯傳師説 九	二 先生語一 九	河南程氏遺書第一 九	河南程氏遺書目録 二	河南二科	可有二是AII 青悤目	交占公司	•	目録	
河南程氏遺書第九 一〇四	二先生語八 〇	河南程氏遺書第八 一〇一	二先生語七 九七	河南程氏遺書第七 九七	二先生語六	河南程氏遺書第六 八四	二先生語五 八〇	河南程氏遺書第五 八〇	游定夫所録 七三	二先生語四 七三	河南程氏遺書第四 · · · · · · · · · · · · · · · · · · ·	拾遺 七二	謝顯道記憶平日語 六五	二 先生語三 六五	河南程氏遺書第三 ········ ··· ··· ··· ··· · · · · · ·	附東見録後 五五

亥九月過汝所聞 一三六	明道先生語四 一三六	河南程氏遺書第十四 一三六	亥八月見先生於洛所聞 一三四	明道先生語三 一三四	河南程氏遺書第十三 一三四	戌冬見伯淳先生洛中所聞 一三二	明道先生語二	河南程氏遺書第十二 [] []]	師訓 一一六	明道先生語一 一一六	河南程氏遺書第十一 一一六	洛陽議論 一〇九	二先生語十 一〇九	河南程氏遺書第十 一〇九	少日所聞諸師友説 一〇四	二先生語九 一〇四
周伯忱本 二六六	伊川先生語六 二六六	河南程氏遺書第二十 二六六	楊遵道録 二四七	伊川先生語五 二四七	河南程氏遺書第十九 二四七	劉元承手編 一七八	伊川先生語四 一七八	河南程氏遺書第十八 一七八	伊川先生語三 一七〇	河南程氏遺書第十七 一七〇	己巳冬所聞 一六九	伊川先生語二 一六九	河南程氏遺書第十六 一六九	入關語録 一三九	伊川先生語一 一三九	河南程氏遺書第十五 一三九

春秋録拾遺 四〇一	河南程氏外書第九 四〇一	游氏本拾遺 三九八	河南程氏外書第八 ·············· 三九八	别本拾遺 三九六	胡氏本拾遺 三九二	河南程氏外書第七 ············· 三九二	羅氏本拾遺 三七八	河南程氏外 書第六 ························ 三七八	馮氏本拾遺 三七六	河南程氏外書第五 ················ 三七六	程氏學拾遺 三七五	河南程氏外 書第四 · · · · · · · · · · · · · · · · · · 三七五	陳氏本拾遺 三七〇	河南程氏外書第三 ············ 三七〇	朱公掞問學拾遺 三六五	河南程氏外書第二 三六五
獼猴 四五〇	遊紫閣山 四五〇	馬上偶成 四五〇	白雲道中 四四九	游鄠山詩序 四四八	偶成	顔樂亭 四四八	銘詩 四四八	明道文集卷之一 四四八	明道先生文集目録 四四五		傳聞雜記 四一八	河南程氏外書第十二 四一八	時氏本拾遺 四〇九	河南程氏外書第十一 ·········· 四〇九	大全集拾遺 四〇三	河南程氏外書第十 四〇三

春雪 雲際 早 桃 晚 是遊 西 新 下 凌霄三峰 長 長 草 高 游 目 之西 晴 寒 花 春 Щ 嘯 重 嘯 堂 湖 却 觀 也得 野 菊 偶成 Ш 不 洞 雲 巌 谷 窗 見 中 録 步二首 北 戲 小 蓋 口 得 作五 望 松黄楊各四本植於公署 爲 冰 仙 大頂如 以 絶呈邑令張 掌 石 敲 所 列 餐 蔽 屏 甚 幛 佳 寺丞 比 到 山 : 前 四 四 四 四 四 四 四 四 四 四 四 四 四 四 四 Ŧī. Ŧī. Ŧi. Ŧī. Ŧi. Ŧi. 五 五 五 五 Ti. Ŧi. Ŧī. Ŧī. Ŧī. 0 0 0 象戲 陪 送吕 贈 九 遊 和 題 和 和 和 和 戲 贈 中 環 渔淮南寺 翠亭 題 王求 秋月 堯 堯 邵堯夫打乖吟二首 詠草 陸子 五首 月 家君早寒之什 司 日訪張子直 陂 晦 夫西街之什二首 夫首尾吟……… 馬 履 君 叔 甫 遊 實 赴 鐵 河 白 如 陽 石 意 承出看花戲書學舍 萬 古 四 四 四 四 四 四 四 四 四 四 四 四 四 四 四 四

Ŧī.

Ŧī.

七

Ŧ.

Ŧī.

七

Ŧī.

六

Ŧi.

六

Ŧi.

六

Ŧi.

六

Ŧi.

六

Ŧi.

Ŧi.

Ŧī.

Ŧi.

Ŧī.

Ŧī.

五.

四

五四

Ή.

74

五.

四

 $\mathcal{T}_{\mathbf{L}}$

四

答横渠先生定性書 四七五	陳公廙園修禊事席上賦 四六〇
書 四七五	盆荷二首 四六〇
明道文集卷之三 四七五	下白徑嶺先寄孔周翰郎中 四六〇
謝澶州簽判表 四七三	春日江上 四五九
論養賢劄子 四七三	郊行即事 四五九
論十事劄子 四七〇	後一日再和 四五九
辭西京提刑奏狀 四六九	和諸公梅臺 四五九
再上疏 四六八	子直示以新詩一軸偶爲四韻奉謝 … 四五九
諫新法疏 四六七	和花菴 四五九
請修學校尊師儒取士劄子 四六五	晚暉亭 四五八
論君道 四六四	藥軒 四五八
論遣張載按獄 四六三	汙亭 四五八
論王霸之辨 四六二	野軒 四五八
奏疏表 四六二	小園 四五八
明道文集卷之二 四六二	和王安之五首 四五八
哭張子厚先生 四六〇	代少卿和王宣徽遊崇福宫 四五八
酬韓持國資政湖上獨酌見贈 四六○	秋日偶成二首 四五七

目 録	南廟試佚道使民賦 四九八	明道文集卷之五 四九八	澶娘墓誌銘 四九七	程邵公墓誌 四九六	程郎中墓誌 四九四	程殿丞墓誌銘 四九二	華陰侯先生墓誌銘 四八九	李寺丞墓誌銘 四八七	邵堯夫先生墓誌銘 四八五	墓誌銘 四八五	明道文集卷之四 四八五	故户部侍郎致仕彭公行狀 四七八	祭彭侍郎文 四七八	祭富鄭公文 四七七	祭文 四七七	晉城縣令書名記 四七六	記 四七六
t	上仁宗皇帝書 五三四	代富弼上神宗皇帝疏稿 五三二	代吕晦叔應詔疏 五二八	代彭中丞論濮王稱親疏 五二五	代太中上皇帝書 五二三	爲太中上皇帝應詔書 五一四	奏疏 五一四	伊川文集卷之一 五一四	伊川先生文集目録············· 五〇八		第五道 五〇六	第四道 五〇五	第三道 五〇三	第二道 五〇二	第一道 五〇〇	南廟試策五道 五〇〇	南廟試九敘惟歌論 四九九

又上太皇太后疏 五五二	論冬至稱賀劄子 五五二	再辭免狀 五五一	辭免判登聞鼓院奏狀 五五一	上太皇太后書 五四六	乞六參日上殿劄子 五四五	再辭免狀 五四五	辭免崇政殿説書表 五四四	第三 五四三	第二 五四三	論經筵第一劄子 五四二	乞再上殿論經筵事劄子 五四一	辭免館職狀 五四一	再辭免表 五四〇	辭免西京國子監教授表 五四○	表疏 五四〇	川文集者之二
學制 五六六	伊川文集卷之三 五六六	謝復官表 五六五	再辭免狀 五六四	辭免再除直秘閣判監狀 五六三	申河南府乞尋醫狀 五六三	謝管勾崇福宮狀 五六三	再辭免表 五六一	辭免服除直秘閣判西京國子監狀 … 五六〇	第二狀 五五九	乞致仕第一狀 五五九	第三狀 五五八	第二狀 五五八	乞歸田里第一狀 五五七	論開樂御宴奏狀 五五七	又上太皇太后書 五五四	多家實沒處詞記孝光

	目録
爲家君請宇文中允典漢州學書	印銘 五八七
謝吕晦叔待制相見書	動箴 五八七
爲家君上宰相書	言箴 五八七
書啓	聽箴 五八六
伊川文集卷之五	視箴 五八六
三首	四箴并序 五八六
雜説	修立孔氏條制 五八五
謝王佺期寄藥	爲太中作試漢州學生策問 五八四
游嵩山	賑濟論 五八三
聞侯舅應辟南征詩	漢文殺薄昭論 五八二
詩	顔子所好何學論 五八一
爲太中書家藏寶字後	雜著 五八一
書養魚記後	伊川文集卷之四 ········ 五八一
養魚記	論禮部看詳狀 五七二
蜀守記	回禮部取問狀 五六八
遺金閑志	論改學制事目 五六七
	三學看詳文 五六六

五 五 五 九 九 九 九 四 四 二 二

答楊時論西銘書 六一〇 問名	與呂大臨論中書 六〇六	答吕進伯簡三 六〇五 婚禮 :::	又謝簡 六〇五 禮	謝韓公啓 ··························· 六〇四 / 伊川文集卷之六	答楊時慰書 六〇四 答求婚書	上孫叔曼侍郎求寫兄墓誌書 六〇三 又書	上韓持國資政求撰兄墓誌 六〇三 定親書	上文潞公求龍門菴地小簡 六〇二 答鮑若三	答朱長文書 六〇一 答門人書	答人示奏草書 六〇〇 答楊迪#	上河南帥書 答楊時#	答富公小簡 五九九 答張閎-	上富鄭公書 五九八 答周孚先	再答 五九七 與金堂謝	答横渠先生書 五九七 上謝帥智	- 1
				之六	育			雨書并答問	育 :	書	書	中書	九問	砌君書	師直書	ノー写材言尊旧多言

	目録
叔父朝奉墓誌銘	明道先生行狀 六三二
上谷郡君家傳 六五五	行狀 墓誌 祭文 六三二
先公太中家傳 六四八	伊川文集卷之七 ············· 六三二
太中自撰墓誌 六四七	禰 六三一
墓誌 家傳 祭文 六四七	先祖 六三〇
伊川文集卷之八 六四七	始祖 六三〇
祭朱公掞文 六四六	祭禮 六三〇
祭楊應之文 六四六	作主式 六二六
祭李端伯文 六四五	記葬用栢棺事 六二五
祭劉質夫文 六四五	葬法决疑 六二三
爲家君祭李屯田九縣君文 六四五	下穴昭穆圖 六二三
爲家君祭吕申公文 六四四	葬説 六二二
爲家君祭韓康公文 六四四	奠莱 六二二
爲家君祭司馬温公文 六四三	成婚 六二一
孝女程氏墓誌 六四二	請期 六二〇
明道先生墓表 六四二	納徴 六二〇
明道先生門人朋友敘述序 六四一	納吉 六二〇

禮序 六六九	易序 六六九	易上下篇義 六六九	書縣廳壁 六六九	酌貪泉詩 六六九	放蝎頌 六六九	河南程氏遺文 六六九	附録 六六九	附録總目 六六七		祭李通直文 六六六	祭李邦直文 六六五	祭四十一郎文 六六五	祭張子直文 六六四	祭席仁叟文 六六四	改葬告少監文 六六三	家世舊事 六五九	
上下篇義 ····································	周易程子傳序 六九三	易序		後序	朱子辨論胡本錯誤書 六七七	書序 六七七	傳聞續記 六七三	寄范淳夫書 六七三	答謝良佐書 六七三	與横渠簡 六七三	答晁以道書 六七三	謝傅伯壽手謁 六七二	謝執政書 六七二	與方元寀手帖 六七二	書銘 六七二	禘説	

		无 復 剥		師	訟 七二四 噬嗑	蒙		乾	伊川易傳卷之一 ····································
--	--	-------	--	---	------------	---	--	---	--

姤 八九八	夬	益	損	解	蹇	睽	家人	明夷	晉	大壯 八四九	遯	恒	咸 八三六	周易下經	伊川易傳卷之三 ·············· 八三六	離 八三一	二程全書
涣	兑	巽	旅	豐 九五一	歸妹 九四七	漸	艮	震 九三三	鼎	革 九二二	井 九一八	困 九一三	周易下經 九一三	伊川易傳卷之四 ········ 九一三	升	萃	<u></u>

目 録	詩解 一〇一二	伊川經説卷之三 〇 _	改正武成 〇一〇	舜典 一〇〇五	堯典 九九八	書解 九九七	伊川經説卷之二 九九七	繋辭 九九二	易説	伊川經説卷之一 九九二	河南程氏經説目録 九九一		未濟 九八六	既濟 九八三	小過 九七八	中孚 九七五	節 九七二
一五	君子陽陽 一〇二一	碩人 〇二	考槃 一〇二一	淇澳 0 10	干旄 0 0	相鼠 一〇一九	蝃蝀 一〇一九	定之方中 一〇一八	君子偕老 一〇一八	北風 一〇一七	簡兮 一〇一七	谷風 一〇一六	召南 江有汜 一〇一五	麟之趾 一〇一五	汝墳 一〇一四	漢廣 〇 四	周南 關雎

墓門 一〇二七	無衣 一〇二七	晨風 一〇二六	終南 一〇二六	蒹葭 一〇二五	采苓 〇二五	葛生 一〇二五	無衣 〇二五	園有桃 一〇二四	盧令 一〇二四	東方未明 一〇二四	東方之日 一〇二三	子衿 〇二三	緇衣 〇二二	丘中有麻 一〇二二	中谷有蓷 一〇二二	揚之水 一〇二二
七	七	六	六	五	Ħ.	五	五	四	四	四	Ξ	Ξ	=	=	Ξ	Ξ
伐木	常棣	皇皇者華	四牡	小雅 鹿鳴 ::	狼跋	九罭	伐柯	破斧	東山	鴟鴞	豳 七月:	下泉	候人	蜉蝣	匪風	防有鵲巢 …
一〇三七		一〇三六	一〇三五	一〇三五	一〇三四	一〇三四	101111				一〇二九	一〇二九	一〇二八	一〇二八	一〇二八	1011七

目録	春秋 ······ 一〇五三	春秋傳序 一〇五二	伊川經説卷之四 ·············· 一〇五二	皇矣 一〇四七	大雅 旱麓 一〇四六	白華 一〇四五	白駒 〇四四	庭燎 一〇四三	吉日 一〇四三	車攻 一〇四三	采芑 〇四二	湛露 一〇四一	南山有臺 一〇四一	魚麗 〇四	出車 〇四〇	采薇 一〇三九	天保 一〇三八
一七	孟子解 一一〇八	程氏經説卷第七 一一〇八	子罕 一一〇六	泰伯 一一〇四	述而 100	雍也 一〇九七	公冶長 一〇九六	里仁 一〇九四	八佾 一〇九三	爲政 一〇九二	學而 一〇九一	論語説 一〇九一	程氏經説卷第六 一〇九一	伊川先生改正大學 一〇八六	明道先生改正大學 一〇八三	禮記 一〇八三	程氏經説卷第五 一〇八三

校點説明

等薦 任州 孔、 稱 潛 二程十五六歲時,同受業於周敦頤,周敦頤教其「尋 定十三年 安石執政時,類爲屬官,後因與王安石政見不合,外 顥於嘉祐年間中進士,熙寧初任監察御史裏行。 派的開 道 先生; 争 N'S 生大部分時間都在洛陽聚衆講學,是宋代洛學 伊川先生,今河南洛陽人。 顏樂處,所 縣官 爲 著述講學,屢薦不起。 程顥(一〇三二—一〇八五),字伯淳,世 敗, 秘 創 賜謚 程頭(一〇三三一一一〇七),字正叔,世 吏。 書省校書郎,又擢升爲崇 者,也是宋代理學的奠基者,世稱「二程」。 放 歸 純。 哲宗立,召爲宗正丞,未赴而卒。 樂 田 何 里, 程頤年輕時舉進士不第,後居 事」,引導他們入 編 管 哲宗時,司馬光、吕公著 涪 州 程顥、程頤兄弟兩 政 程 道學之門。 殿 頤 説書。 在 貶 所, 不稱 後 王 嘉 家 程 撰 因 人 明

> 學上 學。 學在中國古代思想史上具有重要地位,對我國古代 國古代社會後期占統治地位的 後來爲朱熹所繼承和發展,世稱程朱學派。 並受到了後世歷代王朝的尊崇,以致逐步演變爲我 政治思想和哲學思想都産生了重要而深 周 易傳》。 徽宗 建立了以「天理」爲核心的理學體系,二 年 不久遇赦,返 間 7病卒。 嘉定時 回 洛 賜謚正公。 陽,聚 思想。 衆講 遠的 學, _ 程 程 程 傳 影響 理學 在 朱 播 理 哲 理

元時 栻 的 《粹言》、《易傳》、《文集》六種。 和 時 所記二程答問之語,爲朱熹所編。 主要以叢刻本《二程全書》的形式流傳。 集》是程顥和程頤文章的 重編。 發揮。 應 補遺或續編,亦朱熹所編,此部分來源較雜,使用 謹慎。 期有單 二程著述今所傳者有《遺書》、《外書》、《經説》、 《易傳》是程頭 《粹言》是楊時對二程言行的 《經說》主要是程 刻 本,有合刻 對《周易》經 合編。 本。 頤 明 對 其中《遺書》是弟子 代 這 儒家 《外書》是《遺書》 以後,二程著述 幾 傳 種 的 記録,曾經 經典的 著述,在宋 注 解。 解 \Rightarrow 文 張 説

本,難以分類,姑且作爲附 版本,作一簡單羅列。由雜凑兩個系統而形成的 將《文集》作爲版本系統區分的標準,可以將《二程 四卷、三卷、二卷、一卷之别,或無此項内容。 卷、《易傳》四卷、《粹言》二卷在卷次和内容上大體 書》二十五卷附録一卷、《外書》十二卷、《經説》八 卷次多有不一。 大體内容相同,但 遺》、《附録》、《後序》部分卷數不同,所以有時各本 集》十三卷本系統。 全書》分爲兩個系統,即《文集》十二卷本系統和《文 主要有十二卷本和十三卷本兩種(文集補遺不計)。 全書》的《附録》、《後序》等内容,各本多寡不一,有 就《二 而《文集》部分,根據卷次和內容上的不同, 程 全書》而 在不同版本的《二程全書》中、《遺 .總卷數卻不同,請讀者注意。 下面將《二程全書》兩個系統 言 明 録。 清 以 由於各本《文 來 編 刻 次 數 較 集 如 多, 果 補 版 的

(一)《文集》十二卷本系統

善心刻本,今已佚。譚刻本包括《遺書》、《外書》、《文集》十二卷本系統的源頭是元至正年間譚

本。 此有所指摘並作了校勘。 卷系統《二程全書》今存者有: 除吸收了朱熹的校勘成果,還對 年間長沙本爲底本,長沙本又以胡安國家藏本爲底 有《明道文集》四卷、《伊川文集》八卷。 文集》三部分,共五 胡安國曾以己意改削家藏《文集》,後來朱熹對 一 十 一 卷。 譚善心在刊刻《文集》時, 《文集》部 編次作了調 《文集》十二 分以宋乾 整,計 道

刻本,六十五卷,包括《遺書》、《外書》、《文集》、《易十一卷,包括《遺書》、《外書》、《文集》。 一、明嘉靖三年(一五二四)李中、余祜刻本,五

(二)《文集》十三卷本系統

留良刻本。

部著述。

傳》、《經說》、《粹言》。是本系統中首次合刻二程

所增加的《易傳》、《經説》、《粹言》皆據

吕

全

卷。其《文集》部分亦出胡安國家藏本,其編次因襲本,包括《遺書》、《外書》、《文集》、《經説》,共六十二《文集》十三卷本系統的源頭爲明成化段堅刻

校點説明

卷系統《二程全書》今存者有: 生文集》五卷、《伊川先生文集》八卷。《文集》十三舊刻,於朱子所改定之異文皆兩存之,計有《明道先

世界 一、明成化十二年(一四七六)段堅刻本,六十二卷,包括《遺書》、《外書》、《文集》、《經説》。其中 五卷,包括《遺書》、《外書》、《文集》、《經説》。其中 五卷,包括《遺書》、《外書》、《文集》、《經説》。 其中 五卷,包括《遺書》、《外書》、《文集》、《經説》。 其中 五卷,包括《遺書》、《外書》、《文集》、《經説》。 其中

十五卷,爲陳宣刻本的覆刻本。三、明萬曆二十年(一五九二)蔣春芳刻本,六

宣刻本爲底本(《遺書》恢復爲二十五卷)。著述的本子。除《易傳》、《粹言》之外,其餘皆以陳傳》、《經説》、《粹言》。本系統中首次合刻二程全部本,六十七卷,包括《遺書》、《外書》、《文集》、《易四、清康熙十二年(一六七三)石門吕留良刻四、清康熙十二年(一六七三)石門吕留良刻

書》(無《附録》一卷)、《外書》、《文集》、《易傳》、《經五、清康熙年間內府寫本,六十四卷。包括《遺

説》、《粹言》。

共六十六卷。除《經説》七卷外,其餘各部分皆以吕六、清乾隆間《四庫本書》本,各部分單獨著録,

十七卷。吕留良刻本的覆刻本。七、清光緒十八年(一八九二)傳經堂刻本、

留良刻本爲底本。

六十七卷。吕留良刻本的覆刻本。八、清光緒三十四年(一九○八)澹雅局刻本,

刻本。九、長沙小鄉嬛館刻本。吕留良刻本的覆

書》、《經説》、《文集》。 十、高麗活字本,六十二卷,包括《遺書》、《外

(三)附録

卷,但編次與其他十三卷本不同,據徐必達序,乃依卷,第八、九卷合并爲一卷,《文集》雖然也是十三本,《外書》十卷,將十二卷本之第四、五卷合并爲一本,《外書》十卷,將十二卷本之第四、五卷合并爲一本,《外書》十卷,將十二卷本之第四、五卷合并爲一一、明萬曆三十四年(一六○六)徐必達刻本,六一、明萬曆三十四年(一六○六)徐必達刻本,六

文集版本,在内容和編次上已失宋元刻本舊貌。中州本和五羊本彼此參訂,再加整合,形成的一個新

知以何本刊刻,頗爲混雜。十一卷。此書刊刻粗劣、率意删改、《文集》部分不二、清康熙二十五年(一六八六)程湛刻本,五

三十二卷,删節本。三、清康熙四十七年(一七〇八)正誼堂刊本,

《伊川易傳》。 影印和刻本《二程全書》,其底本是徐必達刻本,缺荒木見悟主編,京都中文出版社一九七二年版)所元、見下主編,京都中文出版社一九七二年版)所四、日本《影印和刻近世漢籍叢刊》(岡田武彦、

紹 刊》第三二卷)中所提到的家刻本,由於只有大體 程德祥先生在《二程全書版本源流及佚文》《《孔孟 詳 卷、《伊川文集》七卷、未曾目驗、其編次與内容不 善本書目》著録其《文集》部分包括《明道文集》 十一卷,包括《遺書》、《外書》、《文集》。《中國古 ,没有明確的卷次、内容、源流的記載,難 知,故未列入以上版本系統 另外,明隆慶四年(一五七○)金立敬刻本,五 中。 再者,程 以 頤 歸 後 能 籍 月 四 介 裔

> 現後 是流傳至今保存完整的家刻本《二程全書》)。 爲待考)、清同治程德尊本《二程全書》(程氏認 録於此 清 嘉 慶 程 擬 章 本《二程 遺 書 $\stackrel{>}{\sim}$ 程 爲 氏 這 認

本)。 校點本、一九九五年《傳世藏書》校點本。 要時還參校了影印 二卷本系統中的精刻涂宗瀛刻本(簡稱涂刻本),必 系統較早的陳 版本,是清代諸多刻本的底本。 流行,是此系統中繼陳宣刻本之後 (《萬卷精華樓藏書記》卷七四),且此本在清代非常 板式雅潔,全非明人刻書之體,勝 述合刊的本子,雖然晚出,但校勘精審,「編次有法, 因爲它是《文集》十三卷系統中首次將二程全部著 此次校點以吕留良刻本《二程全書》爲底 標點時,我們 宣刻本(簡 文淵 還參考了一九八一年 閣《 稱 四 陳刻 庫全書》本(簡 校本我們選 本)以及《文集》十 流 於祠堂本遠 傳最 中華 廣 稱 擇 的 了 四 矣 本。 庫 同 個

校點者 姜海軍

河南二程全書總目

遺書二十五卷 附録一卷

外書一十二卷

伊川先生文集八卷明道先生文集五卷

周易傳四卷 附銀二卷

粹言二卷

經説八卷

河南程氏遺書目録

第

二先生語一

端伯傳師說李籲字端伯,洛人。 伊川先生曰:

「《語録》只有李籲得其意,不拘言語,無錯編者。」

故今以爲首篇。

第二上

一先生語二上

第五

元豐已未呂與叔東見二先生語昌大臨字與

叔,藍田人。學於横渠張先生之門,先生卒,乃入

洛。 己未,元豐二年,然亦有己未後事。

第二下

二先生語二下

附東見録後别本云亦與叔所記,故附於後。

第六

第三

謝顯道記憶平日語謝良佐字顯道,上蔡人。元

豐中從學。謝嘗言:「昔在二先生之門,學者皆有

《語録》,惟良佐未嘗録。」然則此書蓋追記云。

第四

二先生語四

游定夫所録游酢字定夫,建州人。 元豐中從學。

一先生語五

此四篇本無篇名,不知何人所記,以其不分二先生語

故附於此。

一先生語六

同上篇。 此與下一篇,間有疑誤不可曉處,今悉存之,

一先生語三

111		書目録	河南程氏遺書目録
多九月過汝所聞時先生監汝州酒稅。	亥	論。此最在諸録之前,以雜有横渠議論,故附於洛陽議論、熙寧十年,横渠先生過洛,與二先生議	洛陽議論
明道先生語四	第十四	二先生語十	第十
亥八月見先生於洛所聞元豐六年癸亥。	亥	不知何人所記,以其不分二先生語,故附於此。少日所聞諸師友説元本在《端伯傳師説》之後,	少日所聞
明道先生語 三	第十三	二先生語九	第九
戌冬見伯淳先生洛中所聞元豐五年壬戌。	戌	相雜,故附於此。 本自爲一篇,專説《論》、《孟》,似諸别録,然不與諸篇	相雜,故附於此。本自爲一篇,專説《
· 明道先生語二	第十二	二先生語八	第八
訓劉絢質夫録《緱氏人。	師訓		同上篇。
明道先生語一	第十一	二先生語七	第七
此。 蘇昞季明録 關中人,張氏門人也。		不敢删去,以俟知者。	不敢删去

伊川先生語一或云明道先生語。 / 第十八

第十五

伊川先生語四

劉元承手編劉安節字元承,永嘉人。

所記

有

元祐

得之於元承之子,有題誌在後。

五年遭喪後、紹聖四年遷謫前事。

延平

- 陳淵

幾

曳

人關語録關中學者所記。按《集》,先生元豐庚申、

箭的耳具双名字,是更早月也。 元祐辛未,皆嘗至關中。但辛未年吕與叔已卒,此

篇尚有與叔名字,疑庚申年也。

第十六

伊川先生語二

己巳冬所聞不知何人所記。己巳,元祐四年也。

本在《少日所聞諸師友説》後。

伊川先生語三

第二十

伊川先生語

六

建中靖國

初

第十七

本無篇名,不知何人所記。或曰永嘉周行己恭叔,或

也,故存其篇而闕其目。按元祐三年劉質夫卒,此云永嘉劉安節元承,或云關中學者所記,皆不能明

篇有質夫名字,則三年前語也。

第十九

伊川先生語五

楊遵道録楊迪字遵道,延平人,文靖公之長子也。

所記有元符末歸自涪陵後事。

第二十一上

一 上

伊川先生語七上

門人張繹録 張繹字思叔,壽安人。

師説

四

伊川先生語七下

第二十四

伊川先生語十

鄒德久本毗陵鄒柄,道鄉公之子。未嘗親見先生,

不知其所傳授。

舊附《東見録》後。

第二十一下 附師說後胡文定公家本,除複重,得此數章。 以其

辭意類《師説》,故以附其後。

伊川先生語八上

伊川雑録

唐棣彦思 毗陵人。

伊川先生語八下

第二十二下

附雜録後延平陳氏本,自爲一篇,無名氏,間與《雜

録》相出人,故以附之。

第二十三

伊川先生語九

鮑若雨録永嘉人,字汝霖,一云商霖。

第二十五

伊川先生語十一

暢潛道録暢大隱字潛道,名見《東見録》。 此篇見

獨間見於延平羅氏《别録》,則注云暢本,然則潛道 《晁氏客語》中,不云何人之言,亦不云何人所記

所記與? 胡氏本亦有之,而題其上云:「張杲暘叔

所傳,識者疑其間多非先生語。」今考之信然,故附

於此。

右程氏遺書二十五篇,二先生門

人記其所見聞答問之書也。始,諸公

各自爲書,先生没而其傳寖廣,然散出 並行,無所統一,傳者頗以己意私竊竄

Ŧî.

不敢復 書。 承 遠 見 材 孔 某之心,所記者徒彼意耳。] 尹公自 先生曰:「某在 得朱光庭所抄先生語 此,以見分别次序之所以然者。 書最爲精善。 竊聞之: 伊川 而 小首尾 ,而先生之戒猶且 (,其於先生之嘉言善行,又皆耳 藏數篇,皆著當時 當時從游之士,蓋亦莫非天下之英 、孟既没,千載不傳之後,可謂盛矣。 而手記之,宜 歷 篇 篇目皆因 時 ,因稍以所聞 讀。 通 既 貫 久,始無全篇。 夫以二先生唱 蓋 先生無恙時,門人尹 後益 其舊,而 ·,何 其 未 必讀 親 以 更後 記録 歲月先後,第爲 丁寧若是。 切不 奉 類訪 此書。 又别爲之録 人之手, 主名 而質諸 熹家 差,可 求,得 明 語語 道學 若不 有 先生。 贵 以 聞 然嘗 凡 故 意 先 厚 於 是 , 得 不 行 目 此 如 其 相 人

> 明,知 當復 則可 重 裂補綴,非復本篇。 有 拾於殘編墜簡之餘,傳誦 間,或者失之毫釐,則其謬將有 以 坐判矣。 其本,窮理 其亦悮矣。● 分,而謂真足以盡得其精徼嚴密之旨, 言者乎? K 爾 以 複 學者未知 知已。 出 得乎先生之心 精 别 之,以 而 爲 此 又况後此且 本益 以進 $\stackrel{\cdot}{\sim}$ 心傳之要, 外諸家所抄尚衆,率皆割 讀是書者,誠能 外 附 雖然,先生之學,其 今録。 一固,則一 書》, 其知,使本 一,而 異時得 以 日用之間,且 於疑 數十年,區 無 而 待 道説,玉石 則 滯 信之傳, 後之君子 其所自來 立 亦將 主 於 而 敬 言 不可 大要 語之 去其 以 知 品 可 將 不 勝 益 立 掇

「悮」,涂刻本作「誤」。

0

録

明 道 先生行狀見《伊川先生文集》

人 朋友叙述劉立之 邢恕 朱光庭 范祖禹

行 狀 後游酢

墓 一表見《伊川先生文集

安朱熹謹記。

哀

詞吕大臨

伊川先生年譜

祭文張繹

奏狀胡安國

凡八篇,伊川先生《祭文》一篇,《奏狀》一 右附録 卷、《明道先生行狀》之屬,

末、當時無所論著、熹嘗竊取《實録》所 篇,皆其本文,無可議者。 獨伊川行事本

證者,次其後先,以爲年譜。既不敢以意 書、《文集》、内外書所載,與 凡他書之可

南程氏遺書目

乾道 以自得之,則斯道之傳也,其庶幾乎! 學者察言以求其心,考跡以觀其用,而 爲一卷,以附於二十五篇之後。 形容,又不能保無謬誤,故於每事之下, 各系其所從得者,今亦輒取以著於篇,合 四年,歲在著雍困敦夏四月壬子,新 嗚呼! 有

七

河南程氏遺書第一

端伯傳師説

一先

生語

消修治 舊。 足之物。 是天然完全自足之物,若無 外尋道,便不是。 爲 而 而行之,若小有污壞,即敬以治之,使復 此不好 易行。 不 所以 伯淳 好底性 而 底性 能 不修治,亦是義也。 若合修治而修治之,是義 禪學者總是强 先 「則請」 生嘗 使 著。 如 舊者,蓋爲自家本質 語 道即性也,若道外尋性,性 聖賢 别 韓 尋 持 論 或 生事。 箇 天 日 德 所 好 : 故常簡易明 蓋謂 如如 污壞,即 底性來,换 至 如 也 説妄説 自家 山 元 若不 當 是完 河 台 大 如 直 元 了 幻

> 得 此言上看得破,便信 四 免疑問,故曰『小子何述』,又曰『天何言哉 孔 地 日 之説 ·時行焉,百物生焉」,可謂明白矣。 子,道 『予欲無言』。 蓋實是無去處説,此理本無二故 是 如 他 日星之明,猶患門人 Ш 河 如 大地,又干 顔子, 是 會禪 則 便 你何 也。 默 未 識 能 事 非 ? 其 也。 盡 是 若能 曉,故 未 他 至 尋 於 未 如

二: 有 適道』者也,立是『可與立』者也。」 進 至於立, 「三十而立」,進則是『吾見其進也』。 ,則是卓然一作「立」。 王彦霖問立德、進德先 立而 則進而至於立道處也,此進 後 進,有 進 定後有所進 而 至 後。 於 立。 曰:「此 立 是可 立 有進 而 則 與 是 而 後 有

有 是 時 教焉。 自爲善,然又 方有所得,亦難 王彦霖以爲:人之爲善,須是他自肯 『修道之謂教』,豈可不修?」 不 强。 可 爲 曰:「此言雖 如 此 却 都 不管他,蓋 是,人須 爲

九

以修業也。 外」之實事。❶ 辭 言能修省言辭,便是要立誠。 誠才一作「方」。 己之誠意,却是體當自家『敬以直内,義以 生曰:「『修辭立其誠』,不可不子細 講習,只是空言無益,質之兩先生。 忠信所以進德」爲實下手處,『修辭立其誠』 爲 心,只是爲僞也。 蘇季明嘗以治經爲傳道居業之實,居常 『終日乾乾』,大小大事,却只是 有可居之處,有可居之處 道之浩浩,何處 若修其言辭,正爲 若只是修飾 下手? 伯淳先 理會。 惟 則 方 口 V 文 言

> 也。 也。 書,却患在空虚者,未免此弊。」 言。今有人心得識達,所得多矣。 居常講習空言無實者,蓋不 有人不見者,一人指之,不如衆人指之自見 近,高下精粗,森列於其中。 爲實修業處。」正叔先生曰: 治經最好。苟不自得,則盡 如國家有九經,及歷代聖人之迹,莫非實學 『譬諸草木、區以 如登九層之臺,自下而上者爲是。人患 如《中庸》 一卷書,自至理便推之於事 别矣。』道之在經,大小遠 治 ·自得也。 譬諸日月在上, 「治經, 五經,亦是空 有雖 實學也。 爲學, 好讀

臣、父子、兄弟、夫婦,有多少不盡分處。 天地生物,各無不足之理。常思天下君不能盡用天下之才,此其不能大治。 天地生一世人,自足了一世事。但恨人

❶ 「却」,涂刻本作「乃」。

道也! 分 是者爲真,不是者爲假, 也」,理甚分明。」又曰:「道無真 道,亦是道也。實未嘗離得,故曰『可離非 日 别處。克己復禮之爲道,亦何傷乎公之所謂 克己復禮,非道而何? 在己,不是與己各爲一物,可跳 未嘗相離,則若不克己復禮,何以體道? 上 既 明。」 説 『此道也』。他本無可克者。 更 無真,又無假,却是都無物也。 道 有 先 也。 生常論「克己復禮」。 甚克,莫錯否?」曰: 如公之言,即是一人自指其前 克己復禮,乃所以爲道也,更無 至如公言,克不是 便是道,大小大 韓持國曰:「道 「如公之言 身而 若知道與己 (無假 到底 人者也。 物, 須 道 是 道 只

佛學「作「氏」。只是以生死恐動人。可信」,「從事於斯」,「無是餒也」,「立之斯立」。古人見道分明,故曰:「吾斯之未能

聖賢以 必不肯削髮胡 果有 學,今則人人談之,瀰漫滔天,其害無涯 世則已無之。如道家之説,其害終小。 蔽,或本只以利心上得之?」曰:「本是利 此 佛之學爲怕死生,故只管説不休。 怪二千年來,無一人覺此,是 禪者曰:『此 子易簀之理,臨死須尋一尺布帛裹 嘗問學佛者,『《傳燈録》幾人?』云『千七百 怛化」者, 意亦如此 曰:「此學,不知是本來以公心求之,後有 固多懼,易以利動。 上得來,故學者亦以 ,然要之只是此 一人見得聖人「朝聞道,夕死 某曰:『敢道此千七百人無一人達者 生死 爲本分事 迹也,何不 服 而 箇 終。 也。 利心信之。莊生云『不 至如禪學者,雖自 ,無可 意見,皆利 論其心?」曰:『心、 如楊、墨之害,在今 是誠 懼 無一人達者。 故 被他恐 可矣」與曾 不 心 下俗之人 頭而 也 動 惟 死 日 死 生。 也。 異 舊 佛 此 籲

迹 與 幻。』曰:『子以爲生息於春夏,及至秋冬便 理?』學禪者曰:『草木鳥 斷,内面是一處,外面又別是一 之外」者,方何嘗有内外? 行。」豈有此 方行,指其心曰:「我本不欲行,他 却變壞,便以爲幻,故亦以人生爲幻,何不付 理也,方是道。 他。 也 物生死成壞,自有此理,何者爲幻?』」 贵 理? 迹非 莊子曰「遊方之内」、「遊方 蓋上下、本末、内外,都 而 心是者也? 獸之生,亦皆是 如此則是道 處,豈 正 兩 如 有 有隔 脚 兩 此 是 自 脚

生。得陰陽之偏者爲鳥獸、草木、夷狄,受正氣者人也。」一本此下云:「人與物,但氣有偏正耳。獨陰不成,獨陽不草木鳥獸之心也,但人受天地之中以生爾。天地之間,非獨人爲至靈,自家心便是

然一變可以至道。

後漢

人之名節

,成於風俗,未必自得也,

與

先王之世,以道治天下,後世只是以法 |

把持天下。

形而 之不 終日 也。 亦道,道亦器,但得道在,不繫今與後、 浩然之氣,可謂 道,修道則謂之教」。 謂之神,其命於人則謂之性,「率性則謂 臭」,其體則謂之易,其理則謂之道,其 蓋若便以爲仁,則反使不識仁,只以所言爲仁 在其上,如在其左右」,大小大事 -可揜 對 故但曰仁之方,則使自得之,以爲仁也。 上爲道,形而 語仁而 「忠信所以進德」,「終日乾乾」,君子當 越在 如 日 此夫」。 天也。 「可謂仁之方也已」者,何也? 盡 下爲器,須著 矣。 蓋「上天之載,無 徹 孟子去其 一作「性」。 上徹 下,不 中又發 如 故説 而 此 過 只日 神「如 如 聲 揮 用 誠 此。 之 則 出 無

不細。富貴驕人,固不善。學問驕人,害

亦

少 然知得,客氣消散得漸 ,爲君子小人之别。 義 理 與客氣常 相 勝,又看 少,消盡者是大賢 義 理所 得 消 漸多,則 長 分數 自 多

『成於樂」,便須見有無所用力處。」
至「成於樂」,自然見無所用力。一本云:「興於至「成於樂」,自然見無所用力。一本云:「興於至」,成於樂」,自然見無所用力。

若不能存養,只是説話。

爲救 若以 有 此分明也? 求 語 詳。」若不是佗見得,豈千餘年後便能 醇。」又曰 雖有 取 者 時反本之言,爲可取,却尚 老子「剖斗折衡,聖人不死,大盗 至如 ,才見此人。 韓 愈 病,然自孟子而後,能將許大見 亦 槌 「荀與楊 近 如楊子看老子,則謂「言道 提仁義,絶滅禮 世 豪傑之士。 至如 擇 焉 斷 而 曰:「孟 不 如《原道 學,則 精 可恕。 語 氏 焉 不 無 斷 一》中言 醇 如老 止 取 德 得 而 識 則 乎 如 不 尋

上

達也

却言其「道德有取」,●則蓋自是楊子已不見義,失義而後禮」,則自不識道,已不成言語,子言「失道而後德,失德而後仁,失仁而後

「予天民之先覺者」,渭段乃天主比民中道,❷豈得如愈也?

約之使反,復入身來,自能尋向上去,下學而以予之,皆彼自有此義理,我但能覺之而已。以予之,皆彼自有此義理,我但能覺之而已。盡得民道而先覺者也。既爲先覺之民,豈可盡得民道而先覺者也。既爲先覺之民,豈可盡

此 説 如此 十三級塔上相 先生嘗語 極是分明。 王介甫曰 輪 對 如某則戅直,不能 望 :「公之談道 而 談 日 1,相輪 ~, 正 如 如 如

[「]道」上,涂刻本有「言」字。「德」下,涂刻本有「則」字。

② 「則」,陳刻本、涂刻本無。

然某 直 直 與 常 佗 箇 此 至 分 孟子言「堯、舜性之」,舜由仁義行,豈不是尋 亦一作「言」。 明。 不知 義 説 道 相 也 至 人 + = 話 却 塔 輪 如 道, 至相 則 ? 實 中 陰陽、剛柔、仁義,只是此 如 此 此 在 級。 和「性」字、「由」字,也不消道,自 至於《易》,只道箇「立人之道曰仁 只説道時,便不是道 上 如 塔中, 自分明,只作尋常本分事 輪 如 尋 此 此 中 時 相 。」介甫只是説道,云 坐 雖 去 輪 只 時 猶 相 佗説 ,依舊見公對塔談 未 辛 輪 見 勤 漸 道 相 登 近, 一時,已 輪 攀 能 要之須可以 也。 邐 如 箇道 與道離 迤 公之言 有道者 我 ,説了 而 知有 説 理 上 E

事。 合, 亦 則 ,,亦有 有祭。 嘉 後世 死 禮 不 不野合,野合則秕 習俗廢 時爲之,非經禮也。 墓 如《 祭。 《禮》望: 禮,有踏青、藉草 蓋 墓 燕 爲 饗、 壇,并墓人爲 稗也。 祭 祀 後世在 乃 故 飲 官 生不 食, 上者 室 墓 祭 故 中 野

> 祠 未 堂之類 能 制 禮 亦 則 且. 隨 爲 俗 之可 未 免墓 也 祭。 既 有 墓 則

《禮經》中既不説墓祭,即是無墓祭之

文也

神 語,此亦未盡 墓之文有曰「 如何可 張横渠於墓祭 合而 也。 奔 爲 走 如 荆 ? 合一 獻 棘 P , 分 殽 則 亂 可 食 合 桮 而 盤 祭 而 爲一,鬼 之 之,故 列 告

后 者,非也。 土之禮。 墓人墓祭則爲尸 蓋古人祭社之外, 如今城隍神之類 ,舊説爲祭后 ,皆不當 更無 所 土 在 則 有 爲 祭

死 事 生,以四 而 故 家祭, 問 也 安 拜爲再拜之禮者,蓋 事 却是瀆 凡 死如 拜皆 事 神。 當以 生,誠 若 兩 祭祀 意 拜 則 爲 中 有 當 禮。 間 祝、有 如 有問 此 今 安之 人事 至 謝 如

ĮЦ

^{● 「}官」,陳刻本、涂刻本作「宫」。

神等事,則自當有四拜、六拜之禮。

類。 蓋 何,三代之末,已是不得已而廢。 以尊卑之勢,遂不肯行爾。 神,宜其饗之。後世不知此,一本有「道」字。 類而依之。 饗,無主則不依。 「王假有廟」,即涣散之時事也。 人之魂氣既散,孝子求神而祭,無尸則不 己與尸各既已潔齊,至誠相通,以此求 人祭祀用尸,極有深意,不可不深思 人與人既爲類,骨肉又爲一家之 故《易》於《涣》、《萃》皆言 古人爲尸者,亦自處如 魂氣必求其 直

謂别子之子、繼禰者之兄弟宗其小宗子也。子五人,五人各爲大宗,所謂「兄弟宗之」者,「宗子繼别爲宗」,言别則非一也。如别

道即性也。

言性已錯,更何所得?

凶嫁娶之類,更須相與爲禮,使骨肉之意常相有花樹韋家宗會法,可取也。然族人每有吉會以合族,雖無事,亦當每月一爲之。古人會以合族,雖無事,亦當每月一爲之。古人

通。骨肉日疎者,只爲不相見,情不相接爾。

易見,婦難知。所繫甚重,豈可忽哉。世人多慎於擇壻,而忽於擇婦。 其實壻

見道 之養心耳。 於樂,目之於禮,左右起居,盤盂几杖,有銘 事時,如何存養得熟?」曰:「古之人,耳之 之心生矣"貌不莊不敬,則怠慢之心生矣。」 有戒,動息皆有所養。今皆廢此,獨有理義 『敬以直内』是涵養意。 不甚分明。 漢儒如毛萇、董仲舒,最得聖賢之意,然 籲問:「每常遇事 但存此涵 下此,即至楊雄,規模窄狹。 ,即能知操存之意, 養意,久則自熟矣。 言不莊不敬 ,則鄙詐 無

下事」,則亦可尚矣。若志在富貴,則得志便舉耳。若果有曰「我心只望廷對,欲直言天猶强起之,乃就對。至如後世賢良,乃自求漢策賢良,猶是人舉之。如公孫弘者,

驕縱,失志則便放曠與悲愁而已。

治不可治者十人皆中,即爲上。上。若十人不幸皆死病,則奈何? 但知可上。若十人不幸皆死病,則奈何? 但知可

何勞何苦? 佗人日踐危地,此乃勞苦也。」五十年,應甚勞苦。」先生曰:「吾日履安地,有人勞正叔先生曰:「先生謹於禮四、

時 者知道否? 儒 虞、顔、柳輩 日 者事最 ,於道便 子弟凡百玩好,皆奪志。 近,然 誠誠 平生精 有 妨 爲好人則有之。 向 處,足知喪志 好著,亦自喪志 力一用於此,非惟 至於書札,於 也 曾見有 如 :善書 徒 王、 廢

意

又如虚器入水,水自然入。若以一器實之以 蓋其四面空疎,盗固易入,無緣 得,西面 日 實,實則外患不能入,自然無事 水,置之水中,水何能 : 此 正 又一人至矣,左右前 如 破 屋中禦寇, 入來? 東面 後 蓋 一人來未逐 作得主定。 驅 中有主則 逐 不暇。

孔子曰:「其如示諸斯乎。」指其掌。《中庸》便曰:「明乎郊社之禮、禘嘗之義,治属其如示諸掌乎!」蓋有人疑孔子之語、《中庸》又直指郊禘之義以發之。曾子曰:「夫子之道,忠恕而已矣。」《中庸》以曾子之言雖是如此,又恐人尚疑忠恕未可便爲道,故是如此,又恐人尚疑忠恕未可便爲道,故是如此,又恐人尚疑忠恕未可便爲道,故是如此,又恐人尚疑忠恕未可便爲道,故以以前下教人。」此又掠下教人。

此。人自人,物自物,道理甚分明。也,不能物物,則我爲物之物也。」亦不消如也,不能物物,則我爲物之人

果能明辨,不有益於介甫,則必有益於我。」是。如有説,願往復,此天下公理,無彼我。禮曰:「爲我盡達諸介甫,我亦未敢自以爲伯淳近與吴師禮談介甫之學錯處,謂師

人以料事爲明,便駸駸入逆詐、億不信

去也。

教人以射、御、象勺,所養之意如此。 射中鵠,舞中節,御中度,皆誠也。 古人

者,便知人性,善卜者知人姓名,理由此也。也,何以便有此名。 蓋出自然之理,音聲發也,何以便有此名。 蓋出自然之理,音聲發也,何以便有此名。 蓋出自然之理,音聲發以爲天,●天未名時,本亦無名,只是蒼蒼然以爲天,●天未名時,本亦無名,只是蒼蒼然以爲天,●天未名時,本亦無名,以是蒼蒼然以爲天,●天未名時,本亦無名,以是蒼蒼然以爲天,

而行恕則可,謂著心求恕則不可。蓋恕自有惟恕上合著心。」是否?」曰:「彼謂著心,勉籲言:「趙澤嘗云:『臨政事不合著心,

然此人之論,有心爲恕,終必恕矣。」之理,舉斯心加諸彼而已,不待求而後得

誠者「合内外之道」,「不誠無物」。

在持其志而已。」 氣 志。非獨趨蹶,藥也,酒也,亦是也。 然矣,志壹則動氣。 則氣爲吾使,志壹則動氣矣。」先生曰 者 多,氣動志者少。 持國曰:「凡人志能使氣者,能定其志, 然亦不可不思氣壹 雖 氣亦能 動 志, 然志 然 則 「誠 亦 動 動

收放心。」 「此三者,人終食之頃未有不離者,其要只在住則神住,此所謂存三守一。」伯淳先生曰:

「欺有三:有爲利而欺,則固可罪,有畏罪持國常患在下者多欺。伯淳先生曰:

① 「則」,涂刻本作「如」。

八

而欺者,在所恕,事有類欺者,在所察。」

却 不 箇 身 知 道 與 於外物奉身者,事 自家身與心,却已先不好了 心,却不要好。 苟得 事要好,只有自家 外 面物 也 好 時

鬼神』,又却迷也。」此,死又却爲彼?』儘似見得,後却云『自有此,死又却爲彼?』儘似見得,後却云『自有生爲

物自爾也,乃人與氣有盛衰爾。 少年時見物大,食物美。後不能然者,

惡,后 説 不 類。 此 也 性 示 謂之性 兩 是 容説 物 ,只是説 「生之謂 稷之克岐克嶷,子 氣 相 生氣禀,理有善惡,然不是性 禀有 才 也。 對 而 然也。 性 説性時,便 「繼之者善」也,孟子言人性 蓋「生之謂 生 也。 性 越椒始 善固 有自 即 氣,氣 已不是性 性」,「人生而 性 生人知其必滅若敖氏 幼 也,然惡 而善,有 即 性 也。 生之 亦 自 中元 静」以 凡 不 幼 人 善 可 而 有 謂 之

> 善之謂 不 天 也。 道 對,各自出來。 力敏 是 亦 則却只是元 之少者。 有 煩人力之爲 下 命以 與焉者 也。 不是取 出 也。 也 如此 勇 而 循 則 至 也 皆水 甚遠 夫 所 一於教 也 此 出 疾清 ,則人不可 清濁雖不同,然不可以濁者不 也,有 故 濁 而 初水也。 也? 謂 方有 7,我無 來置在 修之,各得其 不是善 ,用力緩怠則遲清,及其 此理,天命 繼 之者 流 所 有 以不 加 流 而至海,終無所污, 濁。 與 亦不是將清來换 善 損 而 隅 悪 加澄治之功。 為,此 未 有濁 也。 也。 也 在 分 遠 者 性中 川則 」, 固 順 之多者 水之清 猶 舜 而 ·爲兩 有 教 已漸 水 循之, 天下 也。 流 却 清 物 爲 則性 故 有 濁 此 而 濁, 也 自 而 則 相 用 水 濁 何 就

賓客 稍 不 語 足 邢 言尚 則 和 叔言: 倦 ,所以 可見,况 「吾曹常 臨 臨 事 皆 大事乎? 勉 須 强 愛養 而 無 精 誠 力 意 精 接 力

嘗與趙汝霖論爲政,切忌臨事著心。

曰:「此誠是也,然唯恕上合著心。」

拾遺

道,一 有 理 之者,蓋不知義也。楊遵道所録伊川語中,辨此一段 地之間。 剛 則無所屈,以直道 而在義也,非自外襲而取之也。 浩然之氣,天地之正氣,大則無所不在 置私意則 「配義與道」,氣皆主於義 餒 矣。 順 「是集義所生」, 理 而 養,則充塞於天 而 告子外 無 事 不 事 在

志已堅定,則氣不能動志。動志則動氣,爲養氣者而言也。若成德者,則意,則,之,字同。一動氣則動志,一

非明道語

能於無懼。子夏,篤志力行者也。曾子,明北宫黝之勇,在於必爲。孟施舍之勇,

理守約者也。

助長」,乃正也。「心勿忘」,必有事也。「必有事」者,主養氣而言,故必主於敬。

理强,故聖人貴之。 「北方之强」,血氣也。 「南方之强」,乃

己可以治怒,明理可以治懼。「忿懥」,怒也。治怒爲難,治懼亦難,克人患乎懾怯者,蓋氣不充,不素養故也。

有省。」
展世與云:「某年十五六時,明道先生展世與云:「某年中五六時,明道先生與其講《孟子》,至「勿正心,勿忘,勿助長」與某講《孟子》,至「勿正心,勿忘,勿助長」與某講《孟子》,至「勿正心,勿忘,勿助長」

河南程氏遺書第一

一九

河南程氏遺書第二上

二先生語二上

元豐己未吕與叔東見二先生語

古不必驗。今之所患,止患不得爲,不

患不能爲。正

唇,是人元無二唇。明 「居處恭,執事敬,與人忠」,此是徹上徹

下語,聖人元無二語。明

運。正 物之理,一日之運即一歲之物之理即萬物之理,一日之運即一歲之

一人之心即天地之心,「心」,一作「體」。

之迫,觀天地之化乃可知。正則反爲不誠。蓋實理中自有緩急,不容如是志道懇切,固是誠意。若迫切不中理,

聖人用意深處,全在《繫辭》,《詩》、《書》

乃格言。明

欲明道。今人若不先明義理,不可治經,蓋古之學者,皆有傳授。如聖人作經,本

若不先求卦義,則看《繫辭》不得。

觀《易》須看時,然後觀逐爻之才。一爻

不得傳授之意云爾。

如《繫辭》本欲明《易》,

臨時參考。須先看卦,乃看得《繫辭》。必重事。又有且言其時,不及其爻之才,皆亦有《易》中言之已多,取其未嘗言者,亦不之間,常包涵數意,聖人常取其重者爲之辭。

己,須用知巧,亦有元本無「有」字。 反失之,如天機。 若平心用之,亦莫不中理,但不有諸高,亦能窺測見其一二,得而用之,乃自謂泄莫非中理。 知巧之士,雖不自得,然才知稍莫非中理。知巧之士,雖不自得,然才知稍

蘇、張之類。

楚,别以道格其心,則不須檟楚,將自化矣。 亦不能爲害。如有不率教之人,却須置其檟不能使之改,惟豶其勢,則性自調伏,雖有牙牙」。豕之有牙,既已難制,以百方制之,終時,已先制之,善之大者。其次,則「豶豕之時,已先制之,善之大者。其次,則「豶豕之時,已先制之,善之大者。其次,則「豶豕之時,已先制之,善之、

龍事,亦相類。 事君須體納約自牖之意。人君有過,以 事君須體納約自牖之意。人君有過,以 事君須體納約自牖之意。人君有過,以 事君須體納約自牖之意。人君有過,以

或過或不及便如此,如楊、墨之類。明天下善惡皆天理,謂之惡者非本惡,但

别也。智,知也。信,實也。體,四者,四支。仁,體也。義,宜也。禮,仁、義、禮、智、信五者,性也。仁者,全

之,只是私己,終不足以達道。 學者須敬守此心,不可急迫,當栽培深不可不應,但隨分限應之,雖不中,不遠矣。 不可不應,但隨分限應之,雖不中,不遠矣。

時,世既無人,安可不以道自任? 顔子陋巷自樂,以有孔子在焉。若孟子之

無補也。明此地位,自别有見處,不可窮高極遠,恐於道學者其體此意,令有諸己,其地位已高。到學者其體此意,令有諸己,其地位已高。到

狀。仁者,以天地萬物爲一體,莫非己也。醫書言手足痿痺爲不仁,此言最善名

認 以 故 故 己 取 止 得 得仁之體。 譬,可謂仁之方也已」。 相 博 干。 爲 曰「己欲立 施 己 濟 一,何 如手足不仁,氣己不貫,皆不屬己 衆」,乃聖人之功用。 所 明 不 而 立 至 ? 人,己欲達而 若不 欲令如是觀 有 諸 仁至 己,自 達 人 一難言, 仁,可 能 不 近 與

不 也 足 明 以 博施 及 此,言「博 濟衆」,云「 必 施 也聖乎」者,非 濟 衆 者,乃 功 謂 用 仁

外求。 天,一 要誠 長 出 安。 西 實,只在京 門,便 嘗 作 喻 只 性 心便 以 便 可 心 是 到長安,此猶是言作兩 知天,猶居 是天,盡 天」。 師 便 是到 當 處 之便知 京 長安,更不 便 師 認 往長 性,知 取 (安,但 更 性 可 處 不 便 别 求 若 口 知 知

元 無 次序,不可將窮理作知之事 窮 理 盡 性 以 至 一於命. 三, 三, 事 若實窮得 時 並 了,

理,即性、命亦可了。明

培。如求經義,皆栽培之意。學者識得仁體,實有諸己,只要義理栽

未

平

微」而 稍 相 可全不信, 親。 示, 世 己。 但言與不是,元未嘗告之。 間 有鬼 嘗以 此 亦 神馮依言語者,蓋屢見之。 所 有 求語 理。 「莫見乎隱 劉絢,其後 近 以 莫 來 其 顯 求 思

得

於衆。 决 不 然未嘗真 傷,有人説虎傷 不 善 爲 而 真知與常知異。 若虎能傷 猶爲不 矣。 知。 真 善,是亦未嘗真知。 人,衆莫不驚 知 人,雖三尺童子莫不知之, 須 如 常見一田 田 夫乃是。 獨 田 夫,曾被 夫 若真 故 色 人知 動 知 異 虎

蒲人要盟事,知者所不爲,况聖人乎?

果要之,止不之衛可也。盟而背之,若再遇

蒲人,其將何辭以對?

未 血 有人言「比因學道,思慮心虚」。 有 得,中心悦豫。沛然有裕者,實得也。 ·得,心氣勞耗者,實未得也,强揣度耳。 聞自古聖賢因 氣,固有 欲知得與不得,於心氣上驗之。 虚實,疾病之來,聖賢所不免,然 學而 致心疾者。」 曰:「人之 思慮有 思 嘗 慮

學者須先識仁。仁者,渾然與物同體。

道。 窮索。 合彼,終未有之。一本下更有「未有之」三字。 對,大不足以名之,天地之用皆我 義、禮、知、信,皆仁也。 而樂,亦不患不能守也 奪舊習。 失,以昔日習心未除,却須存習此心, 忘,勿助長」,未嘗致纖毫之力,此其存之之 存之,更有何事? 得樂?《訂頑》意思,乃備言此體。以 大樂。若反身未誠,則猶是二物有對, 子言「萬物皆備於我」,須「反身而誠」,乃爲 防,心苟不懈,何防之有? 之而已,不須防檢,不須 若存得,便合有得。 存久自明,安待窮索? 此理至約,惟患不能守。 「必有事焉 識 蓋良知良能 明 窮 得此 索。 理有未得 理,以 而勿正 此道 若 既能 之 心 用 與 久 懈 誠 元 故 物 又安 體之 此 以 敬 則 不 則 口 喪 己 無 存 勿 意 須 孟 有

有美惡,蓋物之不齊,物之情也。但當察之,事有善有惡,皆天理也。天理中物,須

不可自入於惡,流於一物。明

介甫·顥對曰:「王安石博學多聞斯有之,●守約則未也。」」 學不是。」上愕然問曰:「何故?」對曰:「豆嘗稱 區德,形容如是之盛。如王安石,其身猶不 盛德,形容如是之盛。如王安石,其身猶不 此以近事明之。臣嘗讀《詩》,言 學不是。」上愕然問曰:「何故?」對曰:「臣 學不是。」上愕然問曰:「何故?」對曰:「臣

欲「老者安之,朋友信之,少者懷之」。 不與者多矣,安得爲天地? 故聖人之志,止之有道爾。若善者親之,不善者遠之,則物地豈嘗有心揀别善惡,一切涵容覆載,但處聖人即天地也。天地中何物不有? 天

言體天地之化,己剩一體字,只此便是言之。死之事即生是也,更無别理。明止此理爾。孔子言「未知生,焉知死」,蓋略死生存亡皆知所從來,胸中瑩然無疑,

天地之化,不可對此箇別有天地。明

JЦ

之類。嘗言劉彝善治水利,後果爲政,❷皆道者,講之於中。如治兵、治民、水利、算數胡安定在湖州置治道齋,學者有欲明治

興水利有功。

而喻」,惟有德者能之。「睟面盎背」,皆積盛致然,「四體不言

《大學》乃孔氏遺書,須從此學則不

差。明

從之。 孔子之列國,答聘而已。若有用我者則

内處得其當,方爲合義。若須更改而後爲,論爲治,不爲則已,如復爲之,須於今之法度居今之時,不安今之法令,非義也。若

- ❶ 「斯」,涂刻本作「則」。
- ② 「果」,涂刻本作「累」。

養? 此已不識誠,又不知所以養。誠。荀子言「養心莫善於誠」,既誠矣,又何孟子言「養心莫善於寡欲」,寡欲則心自

必言命。
以不求。若賢者則求之以道,得之以義,不以不求。若賢者則求之以道,得之以義,不命」,是求無益於得,知命之不可求,故自處下,乃以命處義。如言「求之有道,得之有下,乃以命處義。如言「求之有道,得之有

異,或上下文異,則義

須別

而禮意已得。明克己則私心去,自然能復禮,雖不學文,

於不聽,擇其甚者去一二,使足以警衆可也。 治,有所不逮 何察,州縣 本此下云: 今之監司,多不與州縣一體。 監司專欲 詩 《書》載道之文、《春秋》聖人之用。 「五經之有《春秋》,猶法律之有斷例 專 ,可教者教之,可督者督之,至 欲 掩蔽。 不若 推誠 心與之共 也 律

勢須如此,不可事事各求異義。但一字有有重疊言者,如征伐盟會之類。蓋欲成書,此書,所謂「不如載之行事深切著明」者也。此書,所謂「不如載之行事深切著明」者也。

皆出 也? 來立 罪?」「魏徵事皇太子,太子死,遂忘戴 異?」曰:「管仲之事與徵異。 子稱其能 譬而反事之,此王法所當誅。 後世特以其後 曰:「敢與太宗、肅 掩?」曰 「然。」又曰:「敢辯魏徵之罪乎?」曰:「何 朝風節 君實修《資治 自 小白長而當立,子糾少亦欲立。 : 經 不死,曰:『豈若匹夫 「管仲不死子糾之難 於溝 而掩其罪。有善有惡,安得 瀆而莫之知 通 宗正篡名乎?」 鑑 一》至唐 齊 也。」與徵何 而 事。 匹婦之爲 侯死,公子 事 ,桓公, Œ 曰 叔 天之 孔 相 問 諒

南程氏遺書第二上

加

小白。 奉子糾 以 既 夫既盟而殺之也。與徵之事全異。」 至『齊人取子糾殺之』,此復繫子者,罪齊大 納糾」,二《傳》無「子」字。 於齊」,以國繫齊,明當立也。 而 義言之則未可死。 小白殺 以 奔魯,小白 少犯長,又所不當立,義已不 子糾,管仲以所事言之則可 人 齊,既 故《春秋》書『齊小白人 糾去子,明不當立也。 立 仲 又書『公伐齊 納子糾以 死 順 抗

之外,更别無誠。 之者一」。一則誠也,止是誠實此三者,三者之者一」。一則誠也,止是誠實此三者,三者

子,入聖人爲近,有用力處。明孟子才高,學之無可依據。學者當學顏

曰:「吾老矣,不能用也。」此孔子不繫待之子。季、孟之間,則待之之禮爲至矣。然復季氏强臣,君待之之禮極隆,然非所以待孔

輕重,特以不用而去。

用之淺深,臨時裁酌而應之,難執一意。朝廷百官,至於天下,此其序也。其間則又繫用我者」,正心以正身,正身以正家,正家以正無談經論道則有之,少有及治體者。「如有談經論道則有之,少有及治體者。「如有

觀」,日月常明而不息,故曰「貞明」。 天地之道,常垂象以示人,故曰「貞

心 乃吾氣也。 有道有理,天人一也,更不分别。浩然之氣 如是,更無別途。 以 學、《坤》卦言賢人之學,惟言「敬以直内,義 而已矣,便是約處。 所 方外,敬義 蔽 學者不必遠求,近取諸身,只明人理,敬 則 養而 欿 立而德不孤」。至於聖人,亦止 然 不害,則塞乎天 而 穿鑿繋累,自非道理。 《易》之《乾》卦言聖人之 餒,知其小也。● 地。 一爲私 思無 故

❶ 「知其」,涂刻本作「却甚」。

邪」,「無不敬」,只此二句,循而行之,安得有

差? 有差者,皆由不敬不正也。明

良能良知、皆無所由、乃出於天、不繫

於人。

德性謂天賦天資,才之美者也。

如是。

凡立言欲涵蓄意思,不使知德者厭,無

德者惑。

雖不中,不遠矣。所守不約,泛濫無功。明且省外事,但明乎善,惟進誠心,其文章

得是道矣。學文之功,學得一事是一事,二「不習無不利」,「未有學養子而後嫁」,蓋先學者須學文,知道者進德而已。有德則

者,須心手相須而學,苟得矣,下筆便能書,四體,四體不言而喻」。譬如學書,若未得學,不是德。有德者不如是。故此言可爲知事是二事,觸類至於百千,至於窮盡,亦只是

方所。

不必積學。

孔子,孟子言堯、舜。止是造道之深,所見有德者,止言己分事。造道之言,如顔子言有德之言,有造道之言,有述事之言。

量力有漸。志大心勞,力小任重,恐終敗事。所見所期,不可不遠且大,然行之亦須

某接人多矣,不雜者三人: 張子厚、邵

堯夫、司馬君實。

立宗非朝廷之所禁,但患人自不能聖不可知,謂聖之至妙,人所不能測。

行之。

清濁虚實乃可言神。道體物不遺,不應有立清虚一大爲萬物之源,恐未安,須兼

舞,如古《詩》三百篇,皆古人作之。如《關義人未見意趣,必不樂學。欲且教之歌

二七

曉。 節,令朝夕歌之,似當有助。 雎 日 》之類 使人聞之。 别欲作詩,略言教童子灑掃應對事長之 正家之始 此等詩,其言簡 故 用 之鄉 人, 奥,今人未易 用之邦 或

物,則物理盡。「致知在格物。」格,至也,窮理而至於

養其耳,●舞蹈以養其血脉,皆所未備。辭讓以養其體,文章物采以養其目,聲者以今之學者,惟有義理以養其心。若威儀

己 但 如 者,於聖人幾矣,後世謂之亞聖,容有取 人,則如天地,如「老者安之」之類。 孟子疑誤。 ·有小大之差,皆與物共者也。 ,故無伐善。 「盍各言爾志」,子路、顔子、孔子皆一意, 孟子之於道,若温淳淵懿,未有如 知同於人,故無 顏子不自私 施勞。 若聖 顔 焉。 子

者,見知所止。

持 自 物以 使手舉物,無不從。 得 取 而 物,知其不利 後動,與慮 而 慮則 後 動 異。 未 在 得在 己,如手 中 如

子,既知則遂行而已,更不須 德,惟官名 之疑,須問辨而後明。學者有所不知 知之,則 聖人於文章,不講而學。 可否自 禮文 决,不 有 所未知,故 待講論。 講 蓋講者有 問 如孔子之盛 於郯子、老 問問 可 否 而

無 爲 在 而 天一有「地」字。爲一,安得有二? 知識 異,不可 中,不思而得」,莫不在此。 非心,故有 IE. 上,故反以心爲 叔言:「不當以體會爲 小 心小性大之説。 了 佗,不可一作 小。」時本注云: 八非心。 「若或」。 此心即與天 聖人之神, 至於『不 横渠云 將 以體 心滯 地 勉 會 與

民

者,使人用此道以自

新。

「在

止於至善」

大學》「在

明

明

德」,先明此道。

在

新

^{■ 「}者」,陳刻本、涂刻本並作「音」。

「心禦見聞,不弘於性。」」

異處。聖人有不能爲天之所爲處。「鼓舞萬物,不與聖人同憂」,此天與人

人作,須有損益。 與古人不同。若全用古物,亦不相稱。雖聖同,故所處不得不與古異。如今人面貌,自同,故所處不得不與古異。如今人面貌,自

孝愛而得其饗。全用古事,恐神不享。 交神明之意,當在事生之後,則可以盡

《訂頑》之言,極純無雜,秦漢以來學者

所未到。

君與夫人當異廟,故自無配。明

禘,王者之大祭; 祫,諸侯之大祭。

明

伯淳言:「學者須守下學上達之語, 0乃

學之要。」

嫂叔無服,先王之權。後聖有作,雖復

制

服

可矣。

河

南程氏遺書第二上

深,稱其情而已。下至曲藝,莫不有師,豈可也,其成己之功,與君父並。其次各有淺之大小處之。如顔、閔於孔子,雖斬衰三年師不立服,不可立也,當以情之厚薄、事師不立服,不可立也,當以情之厚薄、事

一概制服?

子厚以禮教學者最善,使學先有所

據守。

在胸中無疑,乃可處之無差。斟酌去取古今,恐未易言,須尺度權衡

以沿革。學禮者考文,必求先王之意,得意乃可

不之東則之西,故須著模佗别道理,♥只爲足也。譬之一物,懸在空中,苟無所倚著,則凡學之雜者,終只是未有所止,內不自

-)「達」,原誤作「逵」,據陳刻本、涂刻本改。
- ❷ 「模」,涂刻本作「摸」。

貧 自 了者 見 家 不 人 内 説 足 金 也 ,須借他 譬之家 底 藏良 看 金 不 索 外 求

害能 害至: 今雖故: 數 卑 救 試 於諸 中者 爲 亦 了知者,才愈高明,則陷溺愈深。 而 害,却 ·德薄 悵 繫時之污隆。 孟 ! 則 小。 君 有 若嘗試 子,亦無如之何。 恨者久之。 朋 昨日之會,大率談 古亦有釋氏,盛時尚只是崇設像教,其 人有 甚? 友 爾 既 只是閑 無 今日之風,便先言性命 講習,更莫如 不 可 ,則已化 直 可 况之今日,殊不足言。 奈何佗。 初 須 回。 本無「一」字。 言談,又豈若今日之 清談盛 此 置 説天下已成 而 而 今初本無「今」字。 禪,使人情思不樂, 不 只看孟子時,楊、墨 相觀而善工夫多。 自爲之矣。 然據今日次第, 而 論 晉室衰。 爲 更休 此 學 風,其 在某, 道 日 而 要之,决 德 然清 此 且 只 害 陷 先先 待 有 道 事 便 何 溺 則 嘗 談 蓋 之 有 驅 能 歸 望 其 ? 才

> 不過至 憑,考之。」今日所 私 談禪』章内,一本云云,上下 下云:「然爲其學者,詰之,理雖有屈時 本,則不患不周 不 寓,故其爲忠孝 臣、父子、夫婦、 去? 又其迹須 附於此。 大 無 又要得脱世網,至愚迷者也 上不容有此理。 獨 概 過世上少這 取 善、枯槁 0 且 一似佛。 異時 初 是 本 絶 無 有别鋟 倫 此 Ш 佛者 上二十 類 患者 林, 遍。 仁義者,皆以 兄弟,處 要出家,然 箇 版者,則 ,初本卷末注 又其言 自適 人。 九 要之,决 ·皆同,版本已定,不可 **簡胡爾,**●佗本是箇 患在 字。 當以此爲正。」今從之。 又却 而 待 此 已。 其 引 云: 等 則 要 要周 術 無 又却 取 出 爲 事,皆以 家者,不 「昨日 若只如是,亦 畢竟學之者 此 了 初 不 世 遍 亂說, 中人以 本 理 . 得 一, 出 一,謂 之會, 作 增 已 卒不 佛 過 爲 那 既 益,今 本 爾 學。 上 得 自 寄 君 裹 世 此

 \equiv

⁰ [類] 涂刻本作「點」。

得,蓋· 然須 佗有一 得。 下,自 這 爲 此 之際,皆處 者 譬之贊《易》,前後貫穿,都説得是有此 之有喜怒哀樂者,亦其性之自然,今强 殺 者,只爲 「義以 盡絶,爲得天真,是所謂 德行」字。 道 得 ·; 其 此學者三十年矣,其所得者,儘說 識 默 盡 理,然至於「反身而誠」,却竟 如人之有耳目口鼻,既有此氣, 方外」。 力 未之有得。 **箇覺之理**,可 所見 ,然後以爲至道也。 些秉彝,又殄滅不得,故當忠孝 至 有 而成之,不言而信,存乎德行」一再有 處, 於不得已,直欲和這些 以 此 者色,所 是 自立,故 其直内者,要之其本 亦有: 所謂 其徒 甚 以「敬以直内」矣,然無 聞者聲,所食者 自 不 亦有肯道佛卒不 執持? 得 可 喪天真也。 也。 回。 然而畢竟消 談 今彼 若只 禪 秉 無 亦 中 者 言 得 味 則 彝 持國之 不是。 得 道 世 可 雖 知 日 須 殺 都 人 處。 理 有 以 以 消 義 説 有 必 網

治天下國家者,然又須道得本則可以周遍。

殄滅 言 將 廢 其説至於不可窮處,佗又有一箇鬼神爲説。」 理,然自亦以天下國家 「若盡 誰 則是,今尚不廢者,猶只是有 「爲其道則 不得。 有問: 告耶? 「立人之道曰仁與義。」據 爲 佛, 「若使天下 以此思之,天壤間 則 是 可,其 無 倫 迹 盡 爲不足治,要逃世網, 類,天下却都没 則 爲 不 佛 可。」伯 可謂 今日,合人 那 可 乎? 此 孤 秉 淳 *"*立,其 **水彝**,卒 人去 其 道 徒

做身主不得,爲人驅過去裹。爾,然其所執理,有出於禪學之下者。一日爾,然其所執理,有出於禪學之下者。一日

若 日 日 :「近得 此 不 寐,可 則 君實嘗患思 幾 何 謂 術,常以 而 良 不 自苦。 慮紛亂,有時 摧 殘 中爲 人 以 盡 都 念。」則 也 來 中夜而 多 其 少 又 後 是 血 作,達 爲 告 氣 中

受。 甚 ? 也。 却不 所 名言之中 亂 如 夜以 殊不知中之無益於治心,不如數珠之愈 只 與 中 是不與心爲主,三更常有人唤習也。 安身,睡 又 揀 串 何 得 形 數 ? 珠。 箇 則 合眼,不知苦苦思 好 如 及與佗數 字。 何 念 與 得 其 佗 珠, 佗又不 爲 中所 只 是 量 亂 於 箇

以

昨

言 著 能 乎巧言令色?」巧言令色直消言畏,只 邦,孔子既告之以 之,不爾則駸駸然入於其中矣。 佞人者,是佗一邊佞耳,然而於己 放鄭聲,遠佞人」,曰「鄭聲淫,佞 如 使 常戒到 人 學者於釋氏之説,直須如淫聲美色以 此 移、故 戒 慎,猶恐 自家自信 危 也。 五帝、三王之事 不 後,便 · 免。 至於禹 釋氏之學,更不 不 能亂 之言 一,而 則危,只 得 人殆」。 顏 淵 復 是 問 何 戒 消 須 畏 是 遠 彼 以 爲

以 書傳道,與 П 相 傳,煞不 相干。 相 見

> 言多 而 言, ,其實不盡 因 事 發 明 則 并 意 思 時 傳 了 雖

至此 理。 化去。 大。 氣艷 此道之流,以 來 至 伯 幾乎 餽 ,故生是 生一物須有 士人相 觀 吁 ! 邊喪亡,今日事未可知,大有 秦中氣艷衰,邊 衰矣。 繼 可 人。 至今日。 淪喪,爲足 怪 此氣,不論美惡 至如 也。 只介父一箇,氣 闕 凡言 昔横 事所困,累歲 里,有許 粧 渠説 王 點 氣 關 者,實 須 中 出 多 · 者 此 氣 可 艶大小 有 `憂者。 不稔。 道 艷 許 有 則 故故 理, 遂 大 此

諸本無此八字。

者,蓋爲昔 而 日 與叔 :「不知舊日曾有甚 伯淳嘗與子厚在 所問,今日 亦有 雜學。 宜 興 示 故 一人於此 國寺曾講 今日疑 在 有 疑 處 所 論 講 進 今 終 此 有 出 事。」 日 相 差 似 池

⁰ 「寺」,原作「事」,據陳刻本、涂刻本改

截 斯 信 是 日思 身如枯 聽、言、 也 前 處 須 何,又幾時須 須 極 君則是君 所以 爲忠信 有思慮 ,又安得爲槁 欲 狂 也 日 則 得 慮 妄 思 遂 木,心 動 人耳。 進德」者何 紛擾,又非義理,又非事故,如 如 慮 疑 邪 必必 也。 紛 槁 養 擾,今要 木死 如 欲 臣 如 氣 斯 懲此以 如 枯 爲 則 死 木死灰? 爲 閑 何是閑邪? 灰,又却不 是 木 灰? 也 槁 有 矣。 死 ? 臣,凡事 木 助。 虚 爲病,故要得 灰? 死 静,故 以此言之, 閑 又如絶四後,畢竟如 灰,除 便休信 既活則須有 邪 如此,大小 「敬以直 則 · 是。 以 非禮 是 誠 爲 此 自 死 蓋 又幾 虚 有 説 而 存 也 内」,則 人 静 是 助 誠 動 勿 大直 活 則 時 蓋 「忠 視、 作 其 要 物 只 前 爲

豈 只是敬,敬字上 須 得 有言養氣 道 更 將 可 敬 一更添 以 兄 爲 助之? 不 養心 得。 之助 譬之敬父矣, 又如 曰 : 今端坐 敬 又 則 附

> 助之? 曾到長安,若一處上心來,則 火,是敬 猶之有 於 向 火 人曾到東京, 矣,又豈 不得。」❶ 須 道 他 又曾到 更 處 將 不容參然, 敬 西京, 於 水 又 以

則

人心裹著兩

件物

也。 志,只血氣亦不可使亂,但使 才,後更曉 尹子曰: 邢和 飲酒 叔 不 練世 「明辯有才而復染禪學,何所不爲也。」 可 後 使 來 事 一醉,不及亂者,不 亦染 ,其於學,亦「日 禪學,其 浹 洽 爲 月至焉」 而 人 獨 已可 明辯 不 可 也 者 亂 有

伯淳 來?」伯淳答以「蓋 遠之。」嘗 如 伯淳自 此 有 聰 謂 明, 朝 一只 大 士 恐回 久 何 得佗 不 許 頭後錯 見,謂 多 人 待 時 做 終 伯 也 惡 不 淳 人, 肯 日 П 敬 以 而 頭

叔 作「與叔」。 巽之凡相見須窒 據 理 却 合 礙 蓋 滯 礙, 有 先定之意。 而 不 然者 「, 只 和

則 人, 陳 刻 本、 涂刻本作 在 心。 則 當屬 E

0

三四

是佗至誠便相信心直篤信。

物 窮 盡,只是「至於命」也 ,後來此議 理與盡 理 則 性 須 窮,性 如 必 穿渠引源。 改 來 則須 横渠昔常譬命是 盡,命則不可言窮 然則渠與源 是兩 源 與

道 幾 時要如死灰? 所貴乎「動容周 死灰,則却於何處有 木,心便如 「必有 時 ? 要如 今語道,則須待要寂滅湛静,形便 事焉」。 所貴乎「智周天地萬物 稿木? 死 灰。 一本有「而勿正心」字。 豈有· 論 事 心 術 直做牆 無 如 ൬ 壁 孟 旋中禮 今既 不遺」, 木 子,也 石 如 而 又幾 只謂 _, 又 如 槁 謂 木 之 槁

只是天資自美爾,皆非學之功也。不知學。堯夫之坦夷,無思慮紛擾之患,亦君實之能忠孝誠實,只是天資,學則元

伯 淳 言 持 或 「克便是克之道。」持 嘗論 克己復禮 以以 謂 克 或 又言 却 不是 道 道

> 持 須克得己便然後復禮 則 或 不 事。 須 克 在聖人,則 伯 淳 言 無 事 道 可 則 克。 不 消 今日 克 却 持 不 是

之。 新學 了數篇,其後盡 介父之學,大抵支離。 極精,今日一 游 酢、楊 時 能 是學得靈 推類以 有所問,能 通 利高 伯淳嘗與 之。 盡 才 知 也。 其 楊 楊 短 時 而 時 讀 持 於

不行 其 當 今日之事,塗炭天下, 元 時 時 `天下,岌岌 介父直以數事 新政之改,亦是吾黨争 則决其去。 乎 伯淳於上前 始哉 上前卜 亦 ! 須 去就 ,之有 介父欲去數矣。 兩 分 ,若青苗之議 與孫莘老同 其 太 罪 過 可 成 也。

棋其 得。 且 之患觀之,猶 上。 罪 得 兵爲言,朝廷 去,而上問 天 莘老受約束 從也?」介父道:「此 故?」介父之意只恐始爲 順人心』。 父 力争於上前,上爲之一以聽用,從此黨分矣。 伯淳當言: が顔 放 、要得 既而除 Ŀ 上言:「有甚文字。」伯淳云:「今咫尺 风過,又 ,尚不: 伯淳却道:「但做順人心事,人誰 (日於中書大悖,緣是介父大怒,遂以死 意 要 者數 擔 且 能 今參 以京西提刑,伯淳復求對,遂見 了 「管仲猶能言『出令當如流水 而不肯行,遂坐貶。 何 是 群臣 少回天意,文字更復何用?」欲 當 當 四。 妨 自 政 1 此 ? 無能任陛下事者。 家 須 事 伯淳每以陛下不宜輕 而 不 伯 則感賢誠意。」却爲 要做不 介父之意 善從 淳當言職 大抵 人所沮 容。 E 順人心 意 而 至如 尚 ,其後行 ,苦不曾使 不 伯淳遂待 亦 以今日 欲 看苗 事 無 抑 不 必。 用 天 願 不 何 以 介

免此。 言職者,必以詆訐而去爲賢,習以 文字,大綱只是於上前 只是備禮 人言不 稱職 苟如是爲,則是爲己,尚 以 去,爲落便宜 大抵自仁祖朝優 説 了 昨 ·, 其 有私 來 他 諸 容諫 些小 成 風 意 君 臣,當 文字, 惟 在 一,却 恐

便也,故特惡之深。會事,只是理會學,這裏動,則於佗輩有所不會事,只是理會學,這裏動,則於佗輩有所不今日朝廷所以特惡忌伯淳者,以其可理

不在朝廷,不干事理

此。 據當時事勢,又至於今日,豈不是命 之,誠如河濱之人捧 誠,其德尚薄,無以感動佗天意,此 然據今日許大氣艷,當時欲一二人動 以吾自處,猶是自家當初學未 土以 塞 孟津 誠 自思則 至, 可笑也 意 如 未

裹缺了佗,則便這裹没這物。浩然之氣又不然之氣處。「誠者物之終始,不誠無物」。這只著一箇私意,便是餒,便是缺了佗浩

此 爲 待 堯 外 便是明善。 存,不爲桀亡」。 至 是「 集 義 所 生 只是人不到佗這 者。 這 箇 道 理 裏,知 不

不 亦 性 之物,須是謂之性。 有春 便有 只 萬 須分别牛之性、馬之性。 如釋氏説蠢動含靈,皆有佛性 也」,成却待佗萬物自成其一作「甚」。 「天命之謂性,率性之謂道」者,天降是於下, 物流 是 做 通 作「各正 牛 人 意 一箇元底意思。「元者善之長」,萬物皆 以生爲道,繼此 告子云「生之謂性」則可。 生生之謂易」,是天之所 底 物 行,各正性 ,便是「繼之者善也」。 性; 而 性命」。 言。 牛 則爲 循 而不失,是所謂 命者,是所謂性 性者,馬 皆謂之性 生理者,即是善 牛之性,又不爲馬底 是他 則 一, 如 以 爲 便只道一 則可,於中却 凡天地所生 「成之者性 爲 馬之性,又 此則不 道 也。 道 性 也。 也。 也 領得 循 般, 可。 此 天 其 善

> 生爲道 成性 之。「成性存存,道義之門」,亦是萬物各 有? 謂教」,此則專在 物同 性 求復之,則 存存,亦是「生生不已」之意。 流,天幾時 此 是「由仁義行」也。 所 謂 入於 率 性」也 分别出是人是物? 學。 人事,以 若元 則是性已失,故 失其本性,故 在 不失,則 天 地 之間 天只是 修 何 修 修 道之 與 修 以 有 之 而 萬

舜誅 人幾時 相 Ŧī. 惡則 則 五服五章哉」,此都 如言「天討有罪,五刑 , 堯 豈 不 理 用,曷嘗容心喜怒於其間 四 一當喜,如 理當惡, 萬物皆只是一箇天理,己何 與? 凶,堯豈不察? 知 ? 與則便是私 一作「怒」。 五. 服 只以佗善未著,故 自 只 有 五. 彼 是 只爲佗惡未著,那誅 用 意。 天 箇次 自 哉 理自然當 哉? 絶於 有善有惡。 第 理,故 以 與 天 舜舉十六 章顯 命 焉 ? 自 如 有 Ŧi. 此。 刑 至

敬

也

得佗? 舉與誅,曷嘗有毫髮厠於其間哉?

只有一箇義理,義之與比。

乃知釋氏苦根塵者,皆是自私者也。一般看,則有甚妨礙? 雖萬身,曾何傷?人能放這一箇身公共放在天地萬物中

漏」與「慎獨」,這是箇持養底氣象也。信者。言難爲形狀。養之則須直「不愧屋要修持佗這天理,則在德,須有不言而

定來助知止也。 知止則自定,萬物撓不動,非是別將箇

一箇公共無私底意思,則言王。上下千百歲言帝,有一箇包涵徧覆底意思,則言天,有《詩》、《書》中凡有箇主宰底意思者,皆

是敬此者也,非是别有一箇誠,更有一箇如天理底意思,誠只是誠此者也,敬只

中,若合符契。

之聖。不疾而速,不行而至,須默而識之處,故謂之神。」 此下云:「得這箇天理,是謂大人。以其道變通無窮,故謂存亡加減? 是佗元無少欠,百理具備。胡本存亡加減? 是佗元無少欠,百理具備。胡本不加」,「窮居不損」。 這上頭來,更怎生説得不加」,「窮居不損」。 這上頭來,更怎生說得不過,更有甚窮已?

事 乎熄矣」。 書,是易之道也。 毁,則無以見易」。 一作「只是」。❶ 天地設位 易是箇 盡天理,便是易也。 ,而易行乎其中矣」,「乾坤 甚? 不要將易又是 「易不可見,則乾坤 易又不只是這一 箇事 或 即即 部 幾

從 物之出者,何可 之兩扇磨行,便其齒 此參差萬變,巧歷 天地之化,既是二物,必動已不齊。 得 齊 不 ? 齊,不得齒 能 轉 窮 則齒更不復得齊。 也 齊。 既 動,則

❶ 「一作」上,涂刻本有小注「一作唯」三字。

箇道理在那裏放著來。 見,經歷數十年,一日念之,了然胸中,這 天 地之間 ,有者只是 有 譬之人之知 識

聞

不可,然敬須和樂,只是中心没事也。 此與「敬以直内」同理。謂敬爲和樂則 中心斯須不和不樂,則鄙詐之心人之 養心者,且須是教他寡欲,又差有功。

皆已自致,只要申其志而已。 爲君子。」蓋命苟不知 固已定,君子須知佗命方得。 言,直如人以力自致之謂也。 困窮之時,須致命便遂得志。 大凡利害禍福,亦須致命。 ,無所不至。 其得禍得福, 得之不得,命 「不知命無以 須得致之爲 故君子於

道,非道則不求,更不消言命也。 言求得不濟事。 元本無「不」字。 此言猶只爲中 人言之,若爲中 求之有道,得之有命」,是求無益於得, 人以上而言,却只道求之有

> 戲以亂世之姦雄中,道學之有所得 自言須如我與李之才方得道 不恭 人不曾來學。 堯夫豪傑之士 極甚。又嘗戒以不仁,己猶不認,以 伯淳言:「堯夫自是悠悠。」 一,根 本不 帖 帖 地 者,然無 伯 淳 嘗

三八

禮

爲

天下國家故也 者,謂其全盡天之生民之理,其術亦足以治 欠,亦無增加,未嘗不足。「達可行於天下」 覺也,元無少欠。 蓋言天生此民,將以此道覺此民,則元無 底事業。 「天之生斯民也,將以道 以我先覺。故摇擺其未覺者亦使之覺,及其 般爾。 「天民之先覺」,譬之皆睡,佗人未覺來, 「天民」云者,蓋是全盡得天生斯民 蓋亦未嘗有所增加 覺 斯 他,適 民 少

同理。 可欲之謂善」,便與「元者善之長」

禮樂不可斯須去身。

具備,元無少欠,故「反身而誠」,只是言得已 ,更不可道甚道。元本「道」字屬下文。 能 反躬,天理滅矣。」天理云者,百理

之場。 言皆有理。又曰:「卷舒萬古興亡手,出 夫有 蓉月向懷中 「義以方外」也。 到頭争。」此其肅如秋,其和如春。 行,齒都不齊,既不齊,便生出萬變。 理皆自然。」若安排定,則更有甚理? 重雲水身。」若莊 終不齊也。 不齊,物之情也。 停息,陽常盈,陰常虧,故便不齊。 陽之變,便如二扇磨,升降盈虚剛柔,初未 詩云:「拍 命之曰易,便有理。一本無此七字,但云: 堯 夫 堯夫有言:「泥空終是著,齊物 却 照,楊柳風 皆 拍滿懷都 如春,觀萬物皆有春意。 有 周、大抵寓言 而莊周强要齊物,然而 理,萬事皆出於理,自以 來 面 是春。」又曰:「芙 上吹。」不止 ,要人佗放 譬如 如秋便是 故物 天 磨 人 地 風月, 道 蕩 幾 既 嘗 堯 物 之 陰

> 平鋪地放著裏,何必如此。」 云:「堯夫詩云:"聖人喫緊些兒事。」其言太急迫。 爲皆有理,故要得縱心妄行總不妨。一 此道 本此 理 下

説做一體,猶二本,那堪更二本三本。 今雖 塞則不能化育,言贊化育,已是離人而言之。 是爲不知者引而致之。天人無間。夫不充 生,除了身只是理,便説合天人。合天人,已 誠便「合内外之道」。今看得不一,只是心 知「可欲之爲善」,亦須實有諸己,便可言誠 可見,打揲了習心兩漏三漏子。 今如此混然 須是大其心,使開闊。 觀天理,亦須放開意思,開闊得心胸,便 譬如 爲九層之

臺,須大做脚須得。●

而 言,「通」,元本作「詠」字。 「元亨」者,只是始 而亨者也。 謂始初發生,大概一 此 通 人物

0 須」,涂刻本作「始」。

利 爲 例 爲 本,情是性之動 亨 屬 本」, 通 也 而 只 言 及 是 也 到 順 處,情又幾時惡 利 利 利 貞者 貞 處 爲 分在 性, 便 是 若 性 各 與 情 「故者 情 IE. 則 性 須 只 命 是 以 性

不認義理爲不仁,譬最近。醫家以不認痛癢謂之不仁,人以不知覺

道

也。

處

正

也。

厭 知 都 頭 他 此 那 也 如 裏來。 起意 理。 枯 惡 此 在 物 ,去佗身上起意思,奈 萬 不 釋 木 所 要得 、故看 氏 物 人則 以 死 與有也。 其實 中 「生生之謂易」,生則一 謂 灰 去 能推,物則氣昏,推 萬 得道理小了佗底。 例 物 盡 是愛身,放 然没 人只 看,大小大快活。 根塵,爲心 體者,皆有此 此 爲自私,將自家軀殼 理,要 不 何那身不得,故 有 源 ·得,故 此 不定,故 不得 理,只 理 放這身來, 時 釋氏 説許多。 。 除 不不 生, 要得 皆完 是 以 可 爲 死 却 道 不 上 從

> 譬 頭 又 惟嫌重也 如 如 抱 負 石 販 之 沉 河, 蟲 己 以 載 其 不 重 起 愈 猶 沉,終不道 自 更 取 物 放 在 下 身。

則 孟 博學詳説 子 論四端 而 處,則 反説: 約。 欲 擴 此 而 内 充之。 外 交相 説 約

些孝 堯 減 都 雖 盡 得 能 自這裏出去,只是物不能 道多? 君 推之,幾時 分 ? 萬物皆備 道,添 元 百 得 來 添 此 理 於 依舊 三 君 得一分? 具 我」,不獨 在 道 多; 平, 鋪放 推 舜 不能推之,幾 人 一人則 盡子道,添 爾 著。 物 能 幾 推之。 皆 時 然。 道 時 得

來 箇 清 ,然而人又更别處走。 横渠教 虚 大,只圖 人,本只 得 是 人 謂 稍 今日且只道 世 損 學 得 膠 没 古 去 就 敬 故 道 説 理

底一箇氣象,吾曹亦心知之,欲學聖人,且須聖人之德行,固不可得而名狀。若顏子

學顏子。後來曾子、子夏,煞學得到上面也。

是箇循理而 要人道如 今容貌必端,言語必正者,非是道獨善其身, 爲自然底道理,故不自在也。 者非體之禮,❶是自然底道理 安者,只是心生,亦是太以敬來做事得重,此 恭而無禮則勞」也。恭者私爲恭之恭也,禮 今學者敬 何,只是天理合如此,本無私意,只 Ë 而 不 見得,元本有「未」字。 也。 須是恭而安。 只恭而不 又不

益預防,如此便道理出來。處,爲小人侵陵,則修省畏避,動心忍性,增吃箇麤礪底物方磨得出。譬如君子與小人之物,若將兩塊玉來相磨,必磨不成,須是得之物,若將兩塊玉來相磨,必磨不成,須是得

道」,中以一膀,書「毋不敬,思無邪」。 中處三十六隔,一書「天道之要」,一書「仁義之公掞昨在洛有書室,兩旁各一牖,牖各

之,此意亦好。

或同 消鑠盡不得,故且恁過,一日之中,起多少巧 善,至長而不見異物,故易以成就。今人自 乎聖賢之不生,和氣之不兆也。 僞,萌多少機穽。 更有甚天理? 鄉黨之教。 歲寂寥? 些時和歲豐,亦出於幸也。不然,何以 少所見皆不善,才能言便習穢惡,日 時、或同家並生聖人,及至後世,乃數千 古人雖胎教與保傅之教,猶勝今日 古人自幼學,耳目游處,所 須人 據此箇薰蒸,以氣動氣,宜 理皆盡,然尚以些秉彝 尋常間 日消鑠 古者 見皆 或有 庠序

規模。 外面畢竟是箇甚? 若言著外,則須似有箇外面畢竟是箇甚? 若言著外,則須似有箇人多言天地外,不知天地如何説内外,

❶ 「體」下,涂刻本有小注「一作禮」三字。

四一

件 化 將 氣 則只是氣, 這 事 育 ",更 氣 也 凡 言 充 説 實 充 甚 之。 塞 費 更説甚充塞? 云 ? 者 然 贊與 此 却 只 似 (充塞 是 笛 指 有 了,又早. 如 而 規 化 示 模 育 却 之 底 則只是 是 近 體 别 耳 面

兒既 只 住 到 是 壞 佗 理之盛 生 空 説 箇消 便 亦 日 亂 日 成 衰之説 長 道 日 壞 盈 又去 則 長 虧 行 可 耳 與 窺 更没 元不 住 釋 測 與空 氏 得 曾 别 初 些? 則 住 事 劫 非 之言 是佗 彼其 也。 言 本 如 如 理 小 成 何

測景, 爲 未 氏 則 已 足 兼 中 中 及 ·, 故 愛, 爲 者 極 以 萬 爲 中 子 其 三萬 亦 天 Ŧi. 莫 也 中 時 千 地 於 不 里 中 中 里 此 故 可 耳 爲 是也 曰 定下 而 中 者 天地之運 地 一然論 若有窮 以 形 執 譬 執 有 中 地 其 高 如 然。 無 蓋 中 楊 中 下 儘 權 如 氏 則 有 無 初 有 爲 猶 中 至一 適 説 也 我 執 者 而 邊 墨 然 適 不 據

> 終 左有 限,便至 地 也 有盡 之化 ___ 右 若 處,不 有 不 是 百千 可 大 前 窮 地 知 有 萬 也。 形 後, 如 億 高 何 若定下不易之中 四 亦 下 爲 隅既定,則各有 猶 盡 無 是 也 適 有 而 數。 不 爲 蓋 中 有 遠 則 數 近 須 則 之 則 有 天

心是須 是。 充 寅 譬之鋪 降 地 而 今天之蒼蒼 有 則 般, 之中,然 出 塞 不 限 爲 日 没 日之形, 則 寅 非 無),則 彌 古 中 其 上 是 所 溜 Ш 陽 光 則 須 不 有 有 氣 柴薪 党贵 精 日 亦 人 日 到 光 有 須 也 是天 無 無 須 莫 光 塊 有 從頭 然 有限。 適 適 不 若這 行 所 精 物 之形 而 不 而 見 到 不 處, 推 蒸著 如 不 不 上 卯 到 著 若只 似 爲 舊 故 爲 列則 頭 ? 處 行 輪 火火 説 精 精 其 得 將 視下 又安 卯 似 周 在 也 也 見 箇 到 去。 \equiv 餅 上 如 意 (處,其 П 也 有 萬 0 有 地 氣 思 輪 而 光 氣 行 既 亦 此 其 里 如 行 便 行 光 形 滿 無 須 理 中 餅 若 皆 升 知 氣 到 天 如 滴 中

得 生物之理

當遷。 災。 聖人,聖人不容有妄舉。 自 屋之,則與遷之無以異。既爲亡國之社 미 議 曰 王城至國都皆有之,使爲戒也。 者,湯不可之也。 以爲不可而 亳社災」,然 此制計 觀 湯既勝夏,欲遷其社 以爲遷之不若不遷之愈,故但屋之。 書者,亦須要知 之必 不遷 始於湯也 則 魯有亳社,屋之,故有火 ,則是湯先有妄舉也。 湯以爲國既亡,則社 得隨文害義。 若湯始 ,不可。」既 欲遷社 故《春秋》 處 如《書 湯 「則 宗衆 自 不 爲

之詩 自 也 雨 自 東自 北 ; 故 自 而 長 雨 西 安西 北 風 自 「朝隮于 皆 則 南 蝃 屬 風 雨 陰 蝀 陽 而 , 也,陰唱 自 在 雨,終未曉 西 坎卦 東」, 南 崇 自 本陽。 則是陰先唱 朝 西 則 其 則 陽 此理。 陽 雨 不 不 唱 和。 雨 而 是 須是自 陰 也 《蝃 陽 何 和 者 來 故 蝀》 莫 東 唱

此

之敢 道 西 也。 則是陰先唱也,故雲雖 指」者 《易》言「密雲不 非 謂 手指莫 雨 敢 密而不 自 指 陳 我 也 西 雨 郊」,言自 猶言 今西 不 風 口

而

雨

,恐是山勢使然

那下 總有 分明 故 狀處,然須説 分明,則不走作。 人異教。 章 一生出不得。 須得。 説得 説,又費力説道理,又打 學者用了許多工夫,下頭 無「落道了是 只爲自家這 成熟? 雖則 盡 四四 心知性知天,亦須於此留意 今日須是自家這下 心 形而 字。 世人所惑者鬼 有一作「 下元未曾得 下、形而 存。 人箇 須 上者 默 神 箇安 落 識 無 ,有難名 亦 底 轉化,佗 道 照得 之壑, 了,是 泊 須 理 更

失。 墨 其 流 亦 同 學則 必 異教之書,「 是堯、舜,同 乖 與 故不 佗 可 窮 雖小 以 理 非 盡 道 樂、紂 事 必 性 遂 有 以 都 可 至 是 觀 取 於 之。 非 者焉」。 命一, 則 若楊、 可 則 也, 然

四四四

其 要之,只有箇理 是吾依本分事 就 上 所 説 則 小就 是 上 成 過說,則 就 他 説 是佗私意 也 非 桀 説 是 箇 堯

是如今雜亂膠固,須著説破。講學本不消得理會,然每與剔撥出,只

僕隸。」

若 不可 去。 此 文,醇然無 只説到道 法不 篇 西銘》則是《原道》之宗祖 ·能自 其 ,故教之也。 既庶既富,然後以「飽 孟 子論王道便實。「徒善不足爲政,徒 間 ,元未到得《西銘》意思。 行 語 出 古 此文也,自《孟子》後蓋 便 多 先從 孟子 病,然要之大 養 而後,却只有《原 生 食煖衣而無教」爲 作 也。 道。 / 意 儘 《原道》却 據子厚之 上 近 一説 未 道》 理。 見 將

人。 本章首有云云,下同,餘見「昨日之會」章。」學佛者 初本 聖人之教,以 無此 + 六字。 所貴率人,釋氏 卷 末注云: 「又「學佛 以 者 所 難 賤 吾 言 率

> 隸 難 願 <u>`</u> 也,其不爲堯、舜,是所可賤也,故以爲 聲 去。 Æ 吾言 叔言:「人皆可 謂「 人皆 口 以 以 爲堯、舜、聖 爲 堯、 舜 則 人 無 所 僕

中 則 太 德氣,似箇貴人氣象,只是却有氣短處,規 愛,老而好學,理會直是到底。 乃方學禪,是於此蓋未有所 處,故來此,却恐不變也。 以 也 只是才敏。 事 游酢、楊時先知學禪,已知向裹没安泊 爲重,傷於周至,却是氣 須是天祺與景庸相濟,乃 暢大隱許多時學, 得 也。 天祺 局 小。 吕進 自 然 景 伯 庸 規 口

此 敬 準,須是質諸天地,考諸三王不易之理 者 則 也。 只是敬此者 子 理則天下只是一 厚 則 又 高才,其學更先 日 1:「顛 也,仁是仁此 沛 箇 造 理,故 次 從雜 必於是。」又言 者也,信 推 博 至 中 几 過 是 海 來 故 而

「吾斯之未能信」,只是道得如此,更難爲

名狀。

争。 整 州,則不必治彼而 議 是介甫之學。 釋氏 討之,當 下之士往往一作「又」。 自自。 頓 ,要討逐節度者,而李文饒之意,要先 之説 惟當· 介甫之學,壞了 然在今日,釋氏 今異教之害,道家之説 是釋氏 時便使 自 衍 明吾理,吾 蔓 盛 譬之盧從史在 迷 而 道 溺 自敗矣。如今日,却要先 處 後生學者。 家 却 至 自從其學,自難 逐 蕭索。 深。 未消理會,大患 理自立 其 節 則 一路州 今日「今日」, 度 方其 則 更没可闢 使。 知知 彼 盛 與之力 朝 朝 不 時 討 廷 者 廷 必 天 潞 之 將 却 與 唯 作

是有命,然吾輩不謂之命也。 異教之説,其盛如此,其久又如是,亦須

後, 却 人之於患難,只 須 泰然處之。 有 有 人 遇 箇 處 事 置 丁,則 盡 心 心 謀 念 之

> 便是無義無命也。 念不肯捨,畢竟何益? 若不曾處置了放下,

也」。賢者則只過當,不肖又却都休。「道之不明也,賢者過之,不肖者不及

箇 爲 過 暗 理。 義,終萬物,始萬物, 便是道理。天地之間 也。陰陽之際,亦不可截然 冬至一陽生,却須斗寒,正 此理最 ,如是者 不相 妙 一如欲曉 極多。 》,須玩 接 艮之 厮 而 侵 反

若 卦 誰與佗安排? 之義,須要玩 人,則便分君道 古言乾、 坤 佗如 退 無 處 是,須有道 爲 不 用 臣 之 道 地 有 理。 爲。 而 用 故如 若天則 六子。

齊 降 生者何也? 此 大 が節 早梅冬至已前發,方一 各有 也。 然逐枝自 其榮其枯,此萬物 乾、坤也。 有 各自有箇消 箇 陽未 榮 枯, 生, 箇 長 分 然 陰 八只是 限 陽 則 升 發

四五

得消息? 之際有發生之物,何足怪也 箇 柏,亦不是不彫 消 息 方夏生長時,却有夏枯者,則冬寒 惟 其 消 ,只是後彫 息 此 所 , 彫得不覺, 怎少 以 不 窮 至 如 松

物理最好玩。

理,須去參差,●然一箇升降生殺之分,不可陰陽於天地間,雖無截然爲陰爲陽之

無

也

得土之氣,故重濁也。
之,雖木植亦兼有五行之性在其中,只是偏者,「本乎天者親上,本乎地者親下」。然要動植之分,有得天氣多者,有得地氣多

而不於此,則便不仁不孝也。」且教佗人讀書,要之仁孝之理備於此,須臾後,未有人及此。得此文字,省多少言語。伦子厚有如此筆力,佗人無緣做得。孟子以佗子厚有如此筆力,佗人無緣做得。孟子以

必然。要之,皆得大意,只是後之觀《詩》者 甚意思?《大序》則是仲尼所作,其餘則未 失之迹者是也。 亦添入。 (詩))前 序 必是當 不得 此,則何緣知 時 人 所 傳 或 得 史 此 明 篇 乎 是 得

六

便有 眉」、「瓠犀」是也。 稱美之言也,如「于嗟乎騶虞」之類是 之子,衛侯之妻」是也。 何看得詩? 分付與《頌》矣。《詩》中且没却這三般體,如 與《國風》矣,雅則分付與大、小《雅》矣,頌 或有偏得一二者。今之解《詩》者,風則分付 《詩》有六體,須篇篇求之,或有兼備者, 興喻之意。比則 風之爲言,便有風動之意。 賦 則 賦 雅則正言其事,頌 直比之而已,「 陳 其事,如「齊侯 也 蛾 則 賱 即

「差」,陳刻本、涂刻本作「錯」。

關雎》之詩,如言「樂得淑女,以配君

0

子 知 ; 此意是作詩者之意也。 憂在 進賢,不淫其色」,非后妃之事 如此 類推之。 明

數篇 之所 也。 以其爲教於衽席之上,閨門之内,上下貴賤 亦 也,特陳后妃夫人之事,如斯而已。 之爲樂章是也 爲國之常政,其詩 南》之詩,必是周公所作,佗人恐不及此 有當 化天下只是一 同 ,如燕群臣、遣戍役、勞還卒之類,皆是 詩》言后妃夫人者,非必謂文王之妻 也 時詩附人之者、《汝墳》是也。 故 用之鄉人邦國,而謂之國 亦恐是周公所作, 箇風。 至如《鹿鳴》之詩 如後. 然其後 且二 X 風

《蒸民》、《文王》、《大明》之類,其 之音而 詩 人學至於此,安能 也 論語》中言「唐棣之華」者,因 已,亦是謂 孔子删《詩》,豈只取合於《雅 及此 合此義理也。 ? 作詩者又非 義 如《皇矣》、 權 理,非人 》、《頌 而 言逸

退

陳

磯

上下數千年若合符節,只爲合這 不合義理,孔子必不取 也。 箇 理,若

戀。 塞淵有義理。 謂賢人永誓不復告君,不復見君,又自誓 爲非此則不能坰牧。 者,在此 中却言「思無邪」。 淵,騋牝三千」,須是塞淵,然後 子之於齊,是甚君臣,然其去,未嘗不遲遲 善意,汪洋浩大,皆是此意。 猶父子,安得 其不 而窮 而 也。 實 今此君才不用,便躁忿如此,是「不 夫子言「興於《詩》」,觀其言,是興起人 ·得見君與告君, 、如此也,據此安得有賢者氣象? 處,心不忘君,怨慕之深者也 乃知此詩,解者之誤。 一句。 又如《駉》之詩,坰 不怨? 坰牧而必要「思無邪」者,蓋 「《詩》三百,一言以蔽之」 又如《考槃》之詩,解 故直至於寤寐弗忘,永 又陳其 牧 如言「秉 此 此詩是賢 是 騋牝三千。 誠之不詐 賤 事,其 君 者 可 顧 臣

詐

四八

須

集

也。此章注「塞淵有義理」,一作「塞淵於義理」

禹之德則似湯、武,要之皆是聖人。 湯、武是「學而能之」。 子分别出 子言「性之」「反之」,自古無 與舜 來,便知得堯、舜是「生而 更無 優劣,及至湯、武 文王之德則似 人 如 此 便别。 説,只孟 知之」, 堯、舜, 孟

然别 理。 文王 王, 昊天曰旦,及爾游衍」,只爲 文王之德,直是 德之純」,「蓋曰文王之所以爲文也」。 穆不已」,「蓋曰天之所以爲天也」。 王 ,萬邦作孚。」上天又無聲臭之可聞,只看 一便萬 此 詩》云:「上天之載,無聲無臭,儀 箇 邦 作「理 取 信也。 似天。「昊天日 亦 又曰:「維天之命, 須 待佗 心 常是這 明,及 熟 「文王之 然 便 箇 爾 刑文 自 則 道 出 於

如此。「苟爲不熟,不如稊稗」。「樂則生,生則烏可已也」,須是熟方能

義,這上 是 頭 集 莫 義 非 所 生, 義 也 非 義 襲 而 取 之 也 0

於心 到 四 此? 體 不 而 「仁義禮智根於 生色也、「醉於面、盎 言 而 喻一, 孟 子非 心,其 :自及 生色」,言 於背,施於四 此 2,焉能 四 道 者本 得

則 右逢其原也 而 捨之則亡」,然而持之太甚,便是「必有 「德不孤,必有鄰」,到德盛後,自 正是 正之」也。 今志於義 剩一 箇助 亦須 理 之 而 且恁去如此者,只是德 長。 心不安樂者, 雖 則 心「操之則 無窒礙,左 何 也? 事焉 孤 此

枯木死灰以爲得也。説「優優大哉」。又却非如異教之説,須得如説「優優大哉」。又却非如異教之説,須得如《中庸》言「禮儀三百,威儀三千」,方是

出 得? 得 此 視世之功名事業,真譬如 義 理 在 此,甚 事 不盡 ? 閑 更有 甚 視 世

論 ? 也。 得,則何緣仰 之仁義者,真 則又見其卓爾。 自是天 若知得這 來大事,處 高鑽堅,在前在後也? 煦煦孑孑,如 箇義理,便有進處。 以 兀 此 夫匹 理,又 婦 曾何 之爲 若不 竭吾才 知 足 諒

言「反身而誠,樂莫大焉」,却是著人德者,得也。須是實到這裏須得。

 上説。

是人看他不見。此箇亦不少,亦不剩,只看做知了也,百姓又「日用而不知」,此所以看做知了也,百姓又「日用而不知」,此所以一道箇義理,仁者又看做仁了也,知者又子言「其嗜欲深者,其天機淺」,此言却最是。

多後,自然見去。

今天下之士人,在朝者又不能言,退者

義,固如此乎? 從,尚食其禄,視其危亡,曾不論列,君臣之臣,父子也,父子之義不可絶。 豈有身爲侍從,又不曾有大横見加,便豈可自絶也? 君遂忘之,又不肯言,此非朝廷吉祥。雖未見

若不一本,則安得「先天而天不違,後天然」,雖不動,感便通,感非自外也。常理不易,何曾動來? 因不動,故言「寂無欠少,「不爲堯存,不爲桀亡」。父子君臣,無欠少,「不爲堯存,不爲桀亡」。父子君臣,

之理,又不道是窮得一理便到,只是要積累所務於窮理者,非道須盡窮了天下萬物而奉天時」?

水,直待出水,方知動不得。 識天地也。人之在天地,如魚在水,不知有

狄之。 嚴。 愈道 法、《詩》正而 初 其名理皆善。 恐人入於禽獸 元本無 化不 韓愈言「《春秋》謹嚴」,深得其旨 失 知又不得。 「故」字。 則 葩、《春秋》謹嚴、《左氏》浮誇。」 爲 中國 夷 也,故於《春秋》之法 狄 其言曰:「《易》奇 再 而 失 用 則 夷狄 爲 禽 禮,則便 默 極 聖 而 韓 夷 謹 人

間 奈 箇 塍 道 敗,朝廷遂震,何 天下遂不支梧。 稻 奔命不暇,然足以自維持數百年。 何 壞 塍 萬頃陂,要起卒起不得,及一起則汹 ,各有限 各 不得 便 當春秋、戰國之際,天下小國介於大國, 時柔了人心,雖 有界分 時 隔,則卒不能壞。 以 壞,元本無此一「壞」字。 祖宗 約 也? 今日堂堂天下,只西方一 束。 德 澤 有豪傑,無 蓋 後世遂有 仁 天下之勢,正 一厚,涵 今天下却 陳 土崩之勢, 養 此勢却似 箇 涉 端 百 湧, 一叛, 倪 餘 似 如 遂 起 年 稻

> 兵却鬭 得, 便只要安静 , 特 一 本 無 「恃」字。 不 宜 使 此 摇 中國之福 動 雖 夷 也。 狄 亦 散

「此」字下有「非」字。

廷 正 賈誼 天地 使著,故得許多時 動 有五餌之説,當時笑其迂疎, 静之理,天 圓 寧息。 則 須 轉 地 方 則 今日 須

朝

安静。 莫非自然也 北者,在坎離也。 南北 之位 贵 坎離 可 又不是人安排得來 不定 下 ? 所 以 定南

是 ? 者矣。 正 論語》爲書,傳道立言,深 如《鄉黨》形容聖人,不知者豈能及 得 聖 一人之學

無他 孟子若爲孔子事業,則儘做得,只 造化 譬如 「不愧! 孔、孟之分,只是要别箇聖人、賢人。 功。 剪綵 屋漏」,便是箇持 「綏斯來,動斯 以 爲花 花則 養氣象。 無 和」,此是不可 不 似 是難 處

只

是

似

聖

如

斯之未能信」,皆是古人此理已明故也。 只是這箇理,以上却難言也。如言「吾

也。敬不可謂之中,但敬而無失,即所以敬而無失,便是「喜怒哀樂未發之謂中」

中也

心 亦 過入於禪談,不常議論,則以苟爲有詰 艱 不克易其言,不必信心,自以 於取 微仲之學雜,其愷悌 人,自以才高故 嚴 爾 重 才 語 寬大處多, 近 高 學 也 則 難, 不 惟

「何不問他? 疑甚不如劇論。」 佗既已不疑,而終復有疑,何故? 伯淳言:則不能無疑」,然亦未知果能終不疑。不知則不能無疑」,然亦未知果能終不疑。不知

不幸。

大 密,有所 議 州 和叔任道擔當,其風力甚勁,然深 舉 不逮於與 學試 得 失, (叔。 便不 蔡州謝 復計 良佐 較。 雖 建 時 州 潛 學 縝 中 游

> 自小來便在此。 南 酢 操履,然才識穎悟,自是不能已也 差魯,然所問便能躬行。 劍州楊時雖不 ,非昔日之游 酢 李端伯 逮 也,固 酢 ,然煞穎 相聚雖不久,未見佗 一是穎, 劉質夫久於其 悟。 然資 林大節雖 質温 厚。

今則是佗已去,不知今日却留下害事。拒絶言路,進用柔佞之人,使之奉行新法。同,故只去上心上把得定,佗人不能摇,以是而,改父當初,只是要行己志,恐天下有異

不幸適喪此人,亦深足怜也。此等事皆是重昨春邊事權罷,是皆李舜舉之力也。今

必不肯主這下事。元豐四年取興、靈事。李憲本意,佗只是要固蘭會,恐覆其功,

又皆學《春秋》,愈駭俗矣。異,且動作亦必有異,故爲學中以異類待之,新進游、楊輩數人入太學,不惟議論須

南程氏遺書第二上

之類 二字。「我得此大者,則萬 定。」然未必 諸天地,天地不對,弄丸餘暇,時往 其爲人則直是無禮不恭,惟是侮玩,雖天理 下之理,須出於四者,推到 作「地」。亦爲之侮玩。 夫之學,先 有術,要之亦 從 理 如《無名公傳》言「問 上 難以 推 理處,曰:「處日」添 事 意 由 言 治天下國家。 我,無有不 象 數 時 言 來 天

戲謂:「且就平側。」矣,然言誠盡,則誠之爲道,非能盡也。」堯夫何,然言誠盡,則誠之爲道,非能盡也。」堯夫

也。 「微」,一作「綦」。 司 馬子 微 嘗 作 ^ 坐忘 論 \approx 是 所 謂 坐 馳

求無疾,如道家修養亦何傷。若須要存想飛以意數之,已尚不疑,再數之不合,不免令人一一聲言而數之,乃與初數者無差,則知越一一聲言而數之,乃與初數者無差,則知越不定。

擊衆而取勝者多,蓋兵多亦不足恃。 昔者袁 莽百 紹以 昇,此則不可 白 彼雖十萬人,亦未必能勝二萬人。 之,兵衆則易老,適足以資敵人,一敗不支, 在城中者,然則只是數千人取之。 苻堅下淮 . 萬 萬之衆,而光武 十萬阻 徐禧奴才也,善兵者有二萬 而謝玄才二萬人,一麾 官渡,而曹操只以 昆陽之衆 而 萬卒取之。 有八千,仍有 亂 人未必死 古者以少 以 此觀 王

外 者出 則自 下 聞 能 一人輕捷,兩人相當,則擁腫者遲鈍 無之。 之事 也。 至 相徇,安得不如此? 入左右之,則必困 ,則是自 相 其源在不任將帥,將帥不慎任人。 蹂 ,將軍處之,一 然今日邊事,至號疎曠,前 踐 相 至 殘 如 也。 聞 風聲鶴 一中覆,皆受廟算 矣。 譬之一 元豐五年永樂城事。 自古師 唳 人 (,皆以 軀幹極 旅 爲 古未 爲 勝 輕 晉 敗 大, H 閫 之 不 捷 軍

必 箇道 亦 彼,亦有是理,只是心之感通也。 世界上 杜 有 容有 死 箇無,既 甫詩,却有此 人平生不識 矣,故 理,自相 楊定鬼神之説,只是道人心有感通 一實有 此 理。 過 有即有,無即無。 社甫詩,故人之心病及至精一有 感通。 金 有 理。 Ш 字,一 人過江 寺 天地間 爲 以至人心在此,託夢在 日 作 ,其妻墮 佛 病 事,只是一箇有 作,却念得 事 如杜甫詩者 水,意其爲 死者託夢, 方追薦次 -,是 部 如

> 通。 事 然則其婢 妻還之,乃未嘗死也,蓋旋於急流中救活之。 忽其婢子 ,是誠死 既説 通 有感通,●更説甚生死古今之别? 子之通 也。 傳 墮 及三二日,有漁 水之妻,意 傳是何也? 度 亦是心相感 在 1 某 撐 舟 處 以其 作 甚

是 意,人觀其德量如此。 常愛用一卒長,及將代,自見其人 治之無少貸。 氣局 天祺自然有德氣,望之有貴人之象,只 小,太規規於事 罪已正,待之復 爲 重 也。 如 初,略不介 盗笥皮,遂 昔在司 竹,

正 近 又請伽 追攝之者,以其貴朝 (於君。」子厚謂:「若終不伏,則 叔 謂 正 項,非也。 叔 謂 寧使公事勘 子厚:「越獄 不已太辱矣? 廷。 不 以以 成則 有旨追 謂 休,朝廷大義 卿 將 貴貴,以 攝 監 可 奈何?」 已 上不 也 其

) 「説」下,涂刻本有「心」字。

五.四

因

不可虧也。」子厚以爲然。

俗人酷畏鬼神,久亦不復敬畏。

窮 攙 也 大抵終始萬物,莫盛乎艮,此儘神妙 此 掩 ? 過。 理 冬至一陽 陰陽消長之際,無 如天將 生,而 曉,復至 每遇 截 陰 然 至 斷 黑,亦是理 後 絶之理 則倍 ~,須儘 寒, 一, 故 也。 研 相 何

大小者 於律。 有 其 正 自有 用之,此 樂,取羊頭 而 今羊頭 因人而制 定法可也。 ,便將黍以實其管,看管實幾粒,然後 知音者,將上下聲考之,須 今尺長於古尺。 律取黄鍾,黄鍾之聲,亦不難定。 Ш 特未 方應其數,然後爲正。 黍 Щ 不相 黍,用三等篩子篩之,取中等者 爲定也。 古法: 律管當實千二百粒 如言深衣之袂一尺二寸,若古 應,則 欲尺度權衡之正,須 將數等驗之,看 此尺是器上所定,更 昔胡先 一作「既」。 生 如 世 定 何 推 得 起

> 人身而定。 人身材只用一尺二寸,豈可運肘? 即知

父母 後? 也,故須著道 言出爲人後,則本父母 父,以爲母。 人後者爲其父母報,便道須是稱親。 亦稱父母 既是爲 後之立疑義者,只見禮不杖期 人後者,便須將所後者呼之以 不如是,則不正也,却當甚 爲其父母以别之,非 也 反呼之以 爲 謂 内,有 叔 禮 却 將 文 爲 爲 **含蓋** 本 伯 爲 爲

耳。 女 獲功,官至團 子不娶小國,蓋 心也,而 此 哲廟取孟 段 以 非 孟 元豐時 元孫女詔者,伊 練 后韶云: 孟 使, 事 元 ,疑後人記 將 而 校,曾隨 孟 在 是 元孫 時止是 M 云: 文 女。」后 潞 小 自 公貝 ·使臣 孟 古 州 天 在

河南程氏遺書第二上

河南程氏遺書第二下

二先生語二下

附東見録後

論。 言 當 羊叔子建議,而 師 取 宫女有張夫人者,猶上書諫。 壽 事,不能無可否是非,亦須有 而 時 取 也,主之者惟張 春之役,其朝廷宗室,固多有言者,以 喪邦 以爲 蔡州 今則廟堂之上無 今許 ,此則在中國容其數十年恣睢 大西 不宜取者,固無義理,然亦是有 也。 事, 元豐四年,用种諤、沈括之謀伐西夏。 朝 華 無 廷亦不能 一人敢議 一人言者,幾何不「一 人而 無言。 른 議 西晉平吴,當 者。 論 然當 自古 又如 如 時 苻 然 議 唐 雖 至 堅 舉

> 「責」。 就 ! 使禍 紛紛 然則既如此,曷爲 城 昨 宦,苟有軍事,不能 是爲利禄,爲功名。 軍 一國,又是甚 底,則又何益 興 福死生利害由 今日 在己,則自當 君子於任 事 西 務 繁夥,是 師 , 功名? 君子耻之。 Œ 事 而 ? 之際 惟 生死 人處之,是不可 由今之舉,便使得人一 不已也? 免 亦學也, 但恐只了 事 如從軍者之行,必 此,是復 本 以之。 須 不 成 Ė 敗之 今致其 蹈前事 更説 今日從 也。 由 甚 作 也 竟 佗 如 去

神住 惠安 氣猶 與聖人之學不干事,聖人未嘗説著。 孟子説浩然之氣,又不 是第二節事,亦須以心爲主,其心欲慈 則氣住,則是浮屠入定之法。 一作「虚」。 胎息之説,謂之愈疾則可,謂 静,故 於道 . 如 一爲有 此。 助,亦不然。 今若言存心 之道, 雖 若言 謂 則 養

心。 雜 不 者,只爲奈何心不下,故要得寂湛 養 只 也 似 待爲養這些氣來,又不 釋 「坐如尸,立如齊」,只是要養其志,豈 本 只 氏 亦 趨 是 不 攝 專 末,又濟甚 須得道,只 心 爲 之術。 此 氣 又 論學若 事 閉目 所 ·如是 爲 .静 今言有 者 如 也 坐爲可 小 是,則 圃 助 捨 己, 以 大 於 大 養 段 又 道 務

其 故 如 其 處,但只消 施 丽 心,爲 箇風,風 説 之學者, 今日 術 國定」也。 介 所 浮 甫之學, 佗便只是 靡然 以化衆人也,故人亦有 屠之術、最善化誘、故人多向之。 害 而 如是 誰 最 遂 此學 而 日 能 甚 安 同,無 ,則靡然無不向 出 除了 , 其 其 其 極 學。 如之 右 有害。以介甫 便没事。 有 ? 去 今天下之新 異者,所 何 人主 ! 始則 心 向有不向者。 故天 也 其學化 且 謂「一正 術 以 才辯,遽 處 下 法 利 加 只是 革 害 而 功 事 君 然 從

> 足耻 以堅吾約,則 日 新,莫須相從。 不得已, ? 今日 只 西 須 朝 事 邊 著 廷 要 然此恐未易。 推 患未已 如 已 此。 寬大天 亦 也。 但夏 有 甚 人 地之量,許之自 難 本通下章爲一段。 (更重· 朝廷之意,今 ? 前 一有所要, 事 亦 何

之,却未見其人,只是更不復講。 關中學者,以今日觀之,師死而遂倍

只可 二百 運 而 遠敵,若是深入遠處 人破二十五人。然古者行 海隅之粟以饋邊,率三十鍾而致 足者。然於古則有兵車,其 一夫而 供 倍以來。 餽運之術,雖自古亦無 七 助 日 其餘 一兵,仍須 今日師行,一兵行,一夫饋, 日 必 ,則决無省力。 十五五 俱 乏 兵在 日 食也。 不 便回 中 · 煩 中 載 民、不 且 國,又不 糗 一石,是 且 計 糧 日不 如 動 秦 摇

也者,古人必不得已而後用者,知此耳。回,則一日乏食。以此校之,無善術。故兵

也,何畏之有! 室中率置尖物,須以理勝佗,尖必不刺人室中率置尖物,此事不得放過,便與克下。

得。 也。 急正 意。 感。 禮文之類,尚皆可緩,且是要大者先正 几,唯設一位祭之,謂夫婦同牢而祭也。 知父,狗 害義者,稍變得一二,佗所未遑也。 氏歲時失之疏」。 疏 數之節,有所不及,恐未合人情。一本作「日 在 若四時之祭有所未及,則不得契感 今程氏之家祭,只是男女異位,及大有 一本作 横渠墓祭爲一位,恐難推同几之義。 人須去上 此。 彘 「疏則不契感之情」。 是也。 凡祭祀,須是及祖。 面立 雨露既濡,霜露既降,皆有 知父 一等,求所以自異始得 而不 今祭祀,其敬 知 吕氏、 祖,飛 知 吾曹 母 定一 鳥是 而 所 始 之 歲 不 齊 所 同

> 斥放,正叔無此等事,故只有病耳。」 正 者,便於世事差遂。 類,略去近道,則須憔悴舊日交遊。 截得直是齊整,不惟 亦須朝廷之中君子小人雜進,不似今日剪 人少則治,小人多而君子少則 叔近病,人有言之曰: 自古治亂 相 承,亦 不得進用,更直 此道理,不知 常 「在佗 事 o 亂。 君 人 則 子 然在古, 多 有 爲甚? 只 憔 改 追 悴善 而 節 小 駁

異者。 上,一面誅殺,亦斷不得人議論,今便都無蓋只消除盡在朝異己者。在古,雖大惡在蓋只消除盡在朝異己者。在古,雖大惡在

理。 卦象而問之,便不應,蓋没此理。 凶,莫非有此理。 作「心向」。 蓍龜 卜筮之能應,祭祀之能 雖 焉,其應也如響。 無情,然所 以其有是理也,故以 以爲 享,亦只 若以 卦, 愐 私 今日之理 卦 是 心 是 及錯 有 問 箇

氣 如 如 與 向之,故享也。 不容有二三,只是一 ,有此病服之即應,若理不契,則藥不應。 祭祀之享亦同。 前 處藥治病,亦只是一箇理。 日 已定之 理 只 鬼神之理 是 箇 在 理 此藥治箇 位,我 故 應 以 也 理 此 如 也 何 理 至

曾道 所信者目,目亦有不足信者耶 足信,或是 好談 出 只 如 不明,便傳以 、爲道 也 聞 鬼神者、皆所未曾聞見、皆是見説、 見 歎息之聲,亦不曾道 古之言鬼神,不過著於祭祀,亦只是言 然武 士先説與在甚處,使端目其地 如 何形 心 帝 爲信也。 病 作詩,亦曰 狀。 ",或是 如漢武帝之見李夫人, 目 假使實所聞見,亦未 病。 一是耶 聞 如 如 何言 非 孔子言 此言極善。 耶 語 故故 。",亦不 嘗問 人之 燭 想 理

> 鬼神 盡 不無底人馬,凡百皆爾,深不然也。」 不有不無底物。」某謂: 何 謂:「既是人馬,須有鞍韉之類皆全,這箇是 此嘗言,有人家若虚空中聞 無 處 則 此 何也? 死 理。 得來?」堯夫言: 師 死 巫 在 又言留 則謂之鬼可也。 此 聰明如邵 降 下藥,尤 言 在 堯夫,猶 「如此説,則須有 「天地之間 彼 知其 但不知世俗所 只 人馬之聲。 是 不免致疑 不 抛 然。 亦 得 有 遠 生 不 某 般 有 在 謂 氣 决

日二郎廟,皆有之。 地間 氣 風 非 肅 然起於人心 土偶 人所能 恐怖。 爲 也。 要之,風 漢時 神君,今 是 天

摇,無 思 察,及有 無物不入其中,有甚定形? 心,則與 人心作主不定,正 須臾停,所感 人成就得箇甚好見識 所學,便覺察得是爲害。 萬 端 如 又如 箇 不學 ? 翻 懸 車 著 則 ·, 流 鏡 作 却 空中 無 箇 都 轉 意於 不 意 動

嘗專志於養焉。」 亂, 不能 又爲 君實 來制 張 學,則皆不之察,暨用 疾 爲之間,欲爲不善,又若有羞惡之心者。 有 不 養,養之却在修 本無二人,此正交戰之驗也。 不得思量事。」不思量 人 思慮 天棋 人成何見識」。 ,其佗疾却未可知。 此大可驗。 中 自 胸中常若有兩人焉,欲爲 縛,亦須寄寓 亂,此大 -繋縛。 冥 .謂「吾得術矣,只管念箇中字」,此 昔常言:「自約數年,自上著牀, 然 要之,聖賢必不病心疾,佗藏府 無知,此 心若不做一箇主,怎生奈何 可 且中字亦何形 養家。 心自觀,即覺其爲害。 驗。 在 一箇形 要之,聖賢必不害 事,後 又過 一 作 : 佗藏府,只爲元不 與 「持其志,使氣不能 須 象,皆非自 不及之分 象? 若愚夫 善,如有惡以 持其志便氣 强把佗這 存此 有患, 紛 雜,竟 則不 也。 然。 曾 心 則 心 便

祖 時 北 使 進言, 高麗 自來臣屬 北

> 又 朝 地 寢兵。佗都不言彼兵事勢,只看這一 遂屈無答,不覺汗流浹背,俯伏於地 兵,王子未必能誅得,且是屠戮百姓。」北 思之,只是王子罪,不干百姓事。 將去也,召而前,語之曰:「適議高麗事,朕 聞 ·, 近 之量,亦至誠 臣 來 屬 職 南 貢 朝, 全缺, 有以 今來報 格佗 殊 失 知。」 也 臣 禮,今欲 祖 不答。 今既 加 箇天 歸 兵。 及 使 加 而

於此所熱。 屋陰則寒,屋陽則燠,不可言於此 天下之或寒或燠,只緣 人夢不惟聞見思想,亦有五藏 人心緣境,出入無時,人亦不覺。 且以尺五之表定日中一萬 佗地 形 所 感者

高

下。

所寒,

Ŧi.

如

里

,就外觀未必然

陽 般 明 深 根固蒂底道 人有壽考者,其氣 周 旋 而 下 - , 至於 理。 兩 血 作 氣 脈息自深,便有 氣 П 象」。 自 然匀長,故 脈 起 於

頭,血 於不 如 於 心 曾不介意,只道是皮包裹,不到 然莫曉。 便 乘之,便須發怒。 之,便須 陰,至如男女之生,已有此象。 甚物是没底? 四端便爲 人有五藏。心,火也,著些天地間風 大不察。近取諸身,一身之上,百理具備, 人問著,己不能知,却 氣 此 是義也,推之四端皆然。 便是 箇 秋 知 П ° 視 脈 底 脈 、發燥。 如 今人於家裏 至如 氣象 此等 四體,仁便是一箇木氣象,惻隱 箇 何行動 又 生 只只 事 人爲 物 背在上故爲陽,胸在下故爲 肝,木也。 最 道 春 有 推之五藏皆然。 自 腹中有多少藏府」,皆 人 切 底 知爲 問 於 頭 有多少家活屋舍,被 氣 箇去就 众身,然 而 「你身 象,羞惡之心 著些 下, 不智,於此 此箇 斷 至足大衝 上 天 而 天有五行, 少欠,大小 割 事,又著箇 有 人安然 地 底氣 幾 孟 間 不知, 氣 便 子 條 風 是 之 將 乘 冥 骨 恬 氣 亦

> 爲下,「兼三才而兩之故六」也。 是人爲天地心,是心之動則 所以爲三才。 者多矣。 就利,别所愛惡,一一理完。更如 後便昏了 亦然,都恁備具,只是流形 甚安排得 「天地設位,聖人成能」,直行乎天地之中, 人,故於獸中最爲智巧,童昏之人見 亦有木底氣象,又豈無羞惡之心? 然而唯人氣最清,可以 , 佗氣。 也? 天 此箇 如其子愛其母,母愛其子, 地 本 道 理,雖牛 物,地 不同 分了天爲上,地 亦 ,各隨形氣, 馬 輔 天也 獮 血 相 解 猴 如避 氣之類 裁 尤 成, 皮 只 似 害

陸 中 箇 異。 有鬼國 之 蟲 理 上之物。 至如 天地 則 魚 狗 鳥 人,形 國,百種怪 般。 之氣,遠 默,不 雖 極其異,要之只是水族而 其 必 有 啻百千萬億 異,曾何 近 作 異,固亦有之。 異 有」。 像, 足 則 異者, 論 卒無有 知 1 愈 礕 遠 要之這 如 史 則 同於 如 海 册 愈

之聚, 坤 地 處 只是土,土亦一物爾,不 者,只是 者 元承天,是地之道也 空闕 特於 以 地 其 氣 之中, 處 動。 久而 一作「爲」。 如 何,地之下 理 凡 不 必 所 散 天中 相 指 也,故爲 直 可言 地者,一 豈 則 無天? 物 地。 四 對。 爾。 邊當 作「損 更須 凡 如 有 今 缺處」。 地 雲 所 要 空 知 闕 動 氣 謂

可供。 九 賙 畝九人固不足,通天 計之,所收似不足以 人,只十六已别受田 捄之義,故亦可足。」 古者百畝,今四 有不足者,又有補助之政,又有 供九人之食。 + 下 計 ,其餘皆老少也, 之則 畝 餘。 亦可。 若以 日 : 「 家 鄉 土 黨 故 有 百 地

衰 帝當其 \mathbb{H} 也 ,其 後 盛 (盛時 世雖有作 初開 則 有 故 荒蒔 衰 也 又 者,虞帝不可 種甚盛 其 是 間 其 有 間 以以 如 之盛衰,推之後 夏衰,殷衰,周 次遂漸 及 也。 薄, 猶之 虞

> 衰,一 世 姓之所以蕃庶者,由受姓之祖,其流之盛也。 家,一家有幾人,人之盛 廣,其氣 衰,又且只據書傳所有,聞見所及。 有 生,亦有 有彫謝。 皆若 辰初、辰正、辰末之差也。 時之中又有盛衰,推之至如一辰,須 是 不 彫 又如一歲之中,四時之氣已有盛 也 齊,又安可計 謝 如 桑 榆既 樹, 衰矣,亦 衰休 方 ? 其 譬之一 今言天下之盛 戚未 榮 有 時 發 有齊者 或 亦 天地之 有幾 有 發 亦

謹禮,恐不如是之煩。 《内則》謂「請靧」、「請浴」之類,雖古人

尾,自 鞭 以 視,行則 來,惟 上 声。 古人乘車,車中不内顧,不親指 然 知 有 鳴 執 鞍 箇 環 鞭 佩, 君 馬 非 爲便利, 子大人氣象。 貴 在車 X 事 則 雖 聞 萬 和 戀, 乘之尊,猶執 自 Ŧi. 式 胡 則 不不 亂 視 遠 華 馬

使人謂之啞御史猶可,且只是格君心。

安。 堂上 無 棺 壓 女 列,亦須北首,各於其穴安夫婦之位。 之次,設 貴 異 内 使 椁 底 人 日 土 若直 一,則 所 雖 四 也。 决不爲路,不 正 奪 親 堅 向 叔 男東 如 一、恐不 不致 流 膚之義 下便以 嘗 推 尊穴南 此 水 而 能 爲 必 耕 葬 女西, 卧於室中, 則男 土實之、則許大一塊虚 法觀之,葬,須 勝許多 趨 犂所及,此大要也。 説 置 向 土 ₩, 城郭,不爲 北 虚 有 首,陪葬者前 土頭,有失比 處,大不 Ŧī. 事 : 溝 相 爲坎 便 渠 地 也 不 化 室 坐 外 爲 其 須 者 且 爲 於 穴 爲 而 兩 使

形,只 則 得 氣 即 有 須 也 有 此? 是 心 是有此 無 П 物 所 即 生 感 乃 既 無 則 通 觸 知 理。 ,無古今前後。 者,只 氣 無 則 聚,死 若言涉於形聲之類, 此 須 理 是 是 ,便不可信 身。 則 理 散 也。 其 至如 而 質既 歸 知天 夢 盡 壞 寐 下 有聲 皆 事 則 又 安 是 無 有

> 却 土 在中,脾在 草 木 土 在 内 下 也。 因 升 非 降 土 則 而 食 無 土 由 氣 生 ; 動 物

答 曰: 之日 帝,是以非 於祭祀廢之,則不 非禮見也。 爾 事 行 由 難行。 致 「父在 禮》言「惟天地 「古人居喪,百事皆此有闕字。 得齋,又安能脱 昔者英宗初即位,有 縱天地之祀 禮見上帝也,故不 既言越紼 爲母喪,則 今天子爲父之喪,以此 若 爲 無 之祭爲 則 不 喪服 廢 不 可 是猶 爲 廢,只 敢見其父, 人以 衣 越 如 愈 祭服? 在 無 紼 也。」子厚 此問 層宮 消 祭 而 如常 使 行 見 不 先 此 冢 於 事 敢 Ē 生 時 特 室 H 皆

攝

難

無

此

兒飲 也。 却自 潤 與 人人絶見 乳 人雖是靈,却核喪處極多,只有 然,不待學,不待教,如營巢養子之類 萬物皆 是自然,非學 相 似,只是不 備 於我」,此 也,其佗皆誘之也。 能 推 通 人 物 然禽 而 二 件, 獣之 言 性 嬰 欲 禽

以

得人家嬰兒善,且 他自然,亦須完得些本性須別 自 小 不 要引 佗,留 也 佗 真 性

常。 其 養異類且爾,况人乎? 使孰從? 故 베 扑之。 善 和 至如養犬者,不欲其升堂,則時其升堂 氣, 養子者,當其嬰孩,鞠之使得 勿 謂 乃至長 若既扑 小兒無 雖日撻 其升堂,又復食之於堂 而性美,教之示以 記 而 性 求其不升,不可得 一,所 故養正者,聖人也 歷 事皆能 所養, 好惡 不忘。 也 則 有 全

當 過三萬 處不 直。 極 不 下 萬 千 見,遂以爲 可 有 今人所定天體,只是且以眼定,視 五. 極 里中。 里。 千 窮,然以土圭之法驗之, 大星十,則今所見 ,須爲天下之中。 里。 然 若 而中國 故以尺五之表測之,每一寸 盡。 就 彼 然向 只到 觀 H 天地之中,理 曾 天 鄯善、莎車 有於 尚 體 只是三 蓋 日月升降 海 未 上見 定。 ·, E 萬 所 必 不 里 雖 南 極 相

> 此 食 如 中 至,在彼夏至者。 矣,屋之西北又益寒。 差之,則 屋 也。 ,則知數 韭黄,始食 陰 則 天下之或寒 寒,屋陽 百 須 懷州 里 争半歲。 間 雖然,又没此事,只 韭,次食澤州,又次 氣 則 或 候 燠,不 伯淳在澤州,嘗 暖, 争三月 如是,則 只 可 緣 言於 矣。 地 有 形 在 若 此 高 是一 食并 此 都 三次 所 下 久 寒 以

州

之史畫 嘗問 箇 實:「能 過身,猶 生將身伏事不 觀 電 貴姓子弟於飲食玩好之物之類,直 者 匣 史 如 不 陰 畫 是 此 能 陽 一, 0 猶 也 與佗 事 相 持 懈 軋 更 得,更有 畫否?」君實曰 能 ,如管城之陳醋瓶 有 題 雷 甚 品品 者陰 事? 奈 甚 陽 煩 工 夫 伯 相 :「自家 伯 到 淳 擊 此? 淳 與 也 洛 問 君 君 軋 實 中

問 涂 刻本作 一同一。 般

爲冬爲夏而

E

作「甚 者 也。 如 石 相 也。 磨 或 而 傳 火 光 京 出 師 者 少 聞 電 雷、恐是 便 有 雷 擊 地 者 有 是 高

下

色 而 非 須是學至此,則知自至此 死 嗅味,知得是甚 也。 矣,安得生? 神 若小毒,亦不當嘗, 農作《本草》,古傳一 氣,作此藥,便可攻 其 所 以 得知者,自然視 日食藥 若大毒, 七十死 此 病 嘗

適足以啓其不逊爾,彼 而 人也。 一本此下云:「若是莊周,夫子亦不敢叩之責之, ,不識義理,觀夫子責之辭, 歌 ,疑是莊 或以謂原壤之爲人,敢慢聖人,及母 周,非也。 亦必須有答。」 只是一 箇鄉 可 以 見其 里 麤 爲 鄙 死

是也。 不 之也。 古人適異方死,不必歸葬故 古人之法,必犯大惡則焚其屍。 其言骨肉歸於土,若夫魄氣 然觀 季子所 處,要之非 知 里,如 禮 0 者 今風 季子 則 也 無

> 異。 人,妄以其先人棺 此 俗之弊,遂 怪,可不哀哉 巨怨,及親拽其親 須三里外方得 軍人出戍,許令燒焚,將骨 事只是習慣,便不 更是公方明立條 以 爲 燒 禮 人, 槻 而 雖 納之火中,則 一彈,❷ 以爲事。 則 孝 貫,元不爲禁: 是 子 殖 别 慈 則 歸;又言郊壇 有 孫 便以 今有狂夫醉 焚屍之法。 略 亦 爲 不 不 深 如 以 以 爲 雙 爲

嚴。 福 遂止。 故父子異宫,猶今有逐位 英宗欲改葬西陵,當是時,潞公對以 父子異宫者,爲命士以上, 其語雖若詭對,要之却 愈 濟 非 貴 事 如 則 異 禍 愈

河 南 程 氏 遺書第二下 居也

魄, 櫬」,原作「襯」,據涂刻本改。 涂 刻本作「魂」。

河 南程氏遺書第三

河南程氏遺書第三

二先生語三

謝顯道記憶平日語

正 此一段子思喫緊爲人處,與「必有事焉 心」之意同,活潑 鳶飛戾天,魚躍于淵,言其上下察也。」 會得時,活潑 而 潑 勿

地,不會得時,只是弄精神。 切脈最可體仁。鄭轂云:「嘗見顯道先生問此

語,云:「是某與明道切脈時,坐間有此語。」」

觀雞

雛。

此可觀仁。

漢成帝夢 上帝敗我濯龍淵,打不過

古人却因甚如 問 鬼神有 此道? 無。 日 : 待説與賢道有時,又 「待説 與 賢道没時,

却恐賢問某尋。」

射法具而不滿者,無志者也。

尸居却龍見,淵默却雷聲。

須是「合内外之道」,一天人,齊上下,

「下學而上達」,「極高明而道中庸」。

既得後,便須放開,不然却只是守。

詩》「可以興」。

某自再見茂叔後,吟風

弄月以歸,有「吾與點也」之意。

古人互相點檢,如今之學射者亦然。

鐵劍利而娼優拙。 此重則彼輕。

自「舜發於畎畝之中」,至「孫叔敖舉於

海」,若要熟,也須從這裏過。

之聚而形於此,爲其涣散,故立此以收之。 《萃》、《涣》皆「享於帝,立廟」,因其精神

之語,其弊至此 「隘與不恭,君子不由」,非是瑕疵夷、惠

趙普除節度使權,便是烏重胤 之策,以

六五

兵付逐州刺史。

善行别作一册,洛中見之,云是玩物喪志,蓋言心中不宜容策。鄭轂云:「嘗見顯道先生云:「某從洛中學時,録古人以記誦博識爲玩物喪志。 時以經語録作一

張子厚、邵堯夫,善自開大者也。

絲髮事。」

彈琴,心不在便不成聲,所以謂琴者禁

也,禁人之邪心。

舞正樂,其袖往必反,有盈而反之意。今之舞蹈本要長袖,欲以舒其性情。某嘗觀

舞者,反收拾袖子結在一處

張子厚聞生皇子,喜甚,見餓莩者,食

便不美。

一日游許之西湖,在石壇上坐,少頃脚某寫字時甚敬,非是要字好,只此是學。

踏處便濕,舉起云:「便是天地升降道理。

六六

日見火邊燒湯瓶,指之曰:「此便是

陰陽消長之義。」

時,●要他頭,也須開口,如荆軻於樊於期。 須是因論「口將言而囁嚅」。 「若合開口

『聽其言也厲』」。

舜由仁義行,非行仁義也。

「有「柔」字。 方成就得人。「他山之石,可以攻玉。」「善」下 與善人處,壞了人,須是與不善人處,

● 「若」上,涂刻本有「云」字。

又言:「不哭底孩兒,誰抱不得?」

所 知 須是就事上學。 後,方能 如此。「何必讀書, 蠱,振民育德。」然 然後 有

子須是硬脊梁漢方擔得 「士不可以不弘毅,任 重 而 道遠。」重 檐 爲學?」

詩》、《書》只説帝與天。

仕、可以止則止」,不得爲聖之時, 有人疑伊尹出處合於孔子「可 以 何 也? 仕 則

日 : 「終是任底意思在 0

可見。何嘗道聖人孝,聖人廉? 行豈所以名聖人? 至於聖,則自不

雖堯、舜之事,亦只是如 太山爲高矣,然太山頂上已不屬 太 虚 中 點浮 太 山 雲

點檢!

孟子 執 事 知言,正 須是敬,又不可矜持 如人在堂上方能辨堂下人 ,太過 過目。

曲直。 若自下去堂下,則却 辨不得。

勿忘勿助長之間,正當處 也

顏子合下完具只是小,要漸漸恢 廓。

孟

子合下大,只是未粹,索學以充之。

學者要學得不錯,須是學顏子。

有準的。

參也,竟以「魯」得之。

「默而識之,不言而信,存乎德行。」

「毛猶有倫」,入毫釐絲忽終不盡

滿腔子是「惻隱之心」。

衆人安則不恭,恭則不安。

「君子以言有物 而 行有常。」

邢恕日三點檢,謂 亦 可哀 也,何時不

威儀」。

學射者互相 點檢病痛,「朋友攸攝,攝以

0 之」下,涂刻本有小注「恢 作開」四 字。

六七

右明道先生語人致却太平後,某願爲太平之民。 有甚你管得我? 有甚我管得你? 教

秋》。已後別有說。

一里不足四,無四三王之理。如忠質文是不足四,無四三王之理。如忠質文是不能行。孔子知是理,太明治,子丑寅之所建,歲三月爲一時之理。如語類淵爲邦是也,其法,欲爲百王之通法,

西北東南,人材不同。

適與度量合,故可用,今時則不同。 秬黍之比也。 秬黍積數,在先王時,維此爲以律管定尺,乃是以天地之氣爲準,非內寸更,

李覯謂若教管仲身長在宫内,何妨更六坼可驗吉凶。 物之可卜者,惟龜與羊髀骨可用,蓋其

也。 人。 能用管仲之理。 若已蠹,雖管仲可奈何? 此語 不 · 然。 管仲 時, 桓 公之 未有 心 特 心蠧 未 尚 蠧

子之言善者,乃極本窮源之性。 牛之性猶人之性歟」,然不害爲一。若乃孟之性爾,故不同。繼之以「犬之性猶牛之性,謂性」爲不然者,此亦性也,彼命受生之後謂謂性」爲不然者,此亦性也,彼命受生之後謂

故太陽無北觀者。 日月之形,如人有身須有目,目必面前,

仁則一,不仁則二。

仁道難名,惟公近之,非以公便爲仁。

先生少時,多與禪客語,欲觀其所學淺

南程氏遺書第三

深,後來更不問。蓋察言不如觀貌,言猶可

以所聞强勉,至於貌則不可强。

氣,形而下者。

語學者以所見未到之理,不惟所聞不深

徹,久將理低看了。

性不可以内外言。

神是極妙之語。

神一本無。與性元不相離,則其死也,何

合之有? 如禪家謂别有一物常在,偷胎奪

魂謂精魂,其死也,魂氣歸於天,消散蔭之説,則無是理。

之意

某欲以金作器比性成形。先生謂「金可

以比氣,不可以比性」。

唐人伎藝,亦有精絕過今人處。

日月謂一日一箇亦得,謂通古今只一箇

亦得。

如言「天且弗違、况於人乎? 况於鬼神乎」,謙」,此通上下理亦如此,天道之運亦如此。《易》言天亦不同。如「天道虧盈而益

此直謂形而上者言,以鬼神爲天地矣。

莊生形容道體之語,儘有好處。老氏

「谷神不死」一章最佳。

禪家出世之説,如閉目不見鼻,然鼻?ネネンタュ゚ーュュサイ

聖人不記事,所以常記得。今人忘事,自在。

以其記事。不能記事,處事不精,皆出於養

之不完固。

位矣。曾爲大夫。 陳恒弑其君,夫子請討,當時夫子已去

所以釋子謂又不是野狐精也。用則不知。知不如不知之愈,蓋用便近二,人固可以前知,然其理須是用則知,不

二三立,則一之名亡矣。

六九

感 而 遂 通 天下之故 以 其 「寂 然 不

動 」,小則事物之至,大則無時而 不感。

人之禀賦 有無可奈何者,聖人所以戒

忿疾於頑」。

不以爲事者,亦有昏愚爲人所誤,以前路自 去處者。 釋氏處死生之際,不動者有二: 有英明

有

窮,置却則得。 心 一作「必」。欲窮四方上下所至,且以 若要真得,一作「識」。 須是 無

有剪桐之戲,則隨事箴規,違養生之

體合。

戒,則即時諫止 未有不能體道而能無思者,故坐忘即是

坐馳,有忘之心乃思也。

書與不讀書。 許渤與其子隔一窗而寢,乃不聞其子讀 先生謂:「此人持敬如此。」曷

嘗

有如此聖人。

度之心,因語以戒學者,「心不可有一事」。 之民間。 伯淳 後因出入,見林木之佳者,必起計 在 澶 州 日脩橋 ··; 少 一長 梁,曾博求

心必喜,既喜則如種下種子。

閱機事之久,機心必生。 蓋

方其閲時,

了幾處 見一學者忙迫,先生問其故。 人事。」曰:「某非不欲周旋 人事者, 曰 : 公欲

曷嘗似賢急迫?」

忘物與累物之弊等。

疑病者,未有事至時,先有疑 端 在 心;

周羅事者,先有周事之端在心,皆病也

較事大小,其弊爲枉尺直尋之病。 一作

論。

忘敬而後「無不敬」。

聖人之心,未嘗有在,亦無不在,蓋

合内外 事神易,爲尸難。 ,體萬物 苟孝子有思親之心,

意,但其流入於妄僞,豈有通幽明之理!所以祖考來格者以此。後世巫覡,立尸之遺以至誠持之,皆可以盡其道。惟尸象神,其

死者不可謂有知,不可謂無知

及太虚,曰:「亦無太虚。」遂指虚曰:「皆是先生謂:「不曾禀得,何處交割得來?」又語當問先生:「其有知之原,當俱禀得。」

爲悔。 罪己責躬不可無,然亦不當長留在心胸

理,安得謂之虚? 天下無實於理者。」

理? 然窮理亦當知用心緩急,但苦勞而不有淪肌浹骨如春和意思,何况義一作「見」。理以養心如此。蓋人有小稱意事,猶喜悦,須知「義理之悦我心,猶芻豢之悦我口」,玩須知「義理之悦我心,亦是燭理不明,亦是氣不足。

入道莫如敬,未有能致知而不在敬者。

知悦

處,豈能養心?

少得者,不可惡也。事累心,乃是心累事。當知天下無一物是合今人主心不定,視心如寇賊而不可制,不是

或謂許大太虚,先生謂:「此語便不是,

大抵人有身,便有自私之理,宜其與道這裏論甚大與小?」

難一

0

人之於性,猶器之受光於日,日本不動人之於儀形,有是持養者,有是修飾者。

須是識在所行之先,譬如行路,須得

光照。

之物。

伯有爲厲之事,别是一理。

右伊川先生語陰一陽道也,如一闔一闢謂之變。「一陰一陽之謂道」,道非陰陽也,所以

七

拾

遺

減定,即終日不换。 許渤 初起,問 人天氣寒温,加 減衣服,

加

許 渤在潤州,與范文正、胡宿、 周茂

叔游。

古人立尸之意甚高。

萬取千焉,千取百焉。」《齊語 》謂某處取某

處遠近。

與於斯文也, 天之未喪斯文也, 匡人其如予 若孔子謂:「天之將喪斯文也,後死者不得 何!」喪乃我喪,未喪乃我未喪,我自做著天 當今之世,舍我其誰?」此是有所受命之語。 「夫天未欲平治天下也,如欲平治天下,

古人求法器。 張横渠謂范文正才氣老成。 笑指揮趙俞。

聖人之言,氣象自别。

禮樂只在進 孟子答公孫丑問「何謂浩然之氣」,曰: 反之間,便得性情之正

氣。 難言也。」只這裏便見得是孟子實有浩然之 若他人便亂說道是如何,是如 何。

子路亦百世之師。人告之以有過則喜。

右明道先生語

謂「 不爲』之事。」先生謂:「二公語過矣。 『殺一 戰伐所喪亦多,非『殺一不辜而得天下 先生在經筵日,有二同列論武侯 事業,

侯以天子之命討天下之賊何害?」 不辜而得天下不爲」,謂殺不辜以私己。武

楊雄 漢儒近似者三人: 董仲舒、大毛公、

右伊川先生語

河 南程氏遺書第三

河南程氏遺書第四

二先生語四

游定夫所録

雖有受道之質,孰與成之? 師學不明,成,雖有良法美意,孰與行之? 師學不明,人材之不成。善脩身一作「善言人材」。者,不人材之不成。善脩身一作「善言人材」。者,不

自暴自棄者,孰不可與爲君子?事之失,莫甚於亂,則亦治之而已矣。苟非事之失,莫甚於惡,則亦改之而已矣。

其故,曰:「决科之利也。」先生曰:「汝之是人有習他經,既而舍之,習《戴記》。問

煌,旁燭無

疆,孫于不虞,以保天命。」「孫

應舉。 第。」注云:「尹子言其詳如此。」 習《禮記》,决科之利也。」先生云云,顯道乃止。 命。 不能無留情耳。 也。」一本云:「明道知扶溝縣事,伊川侍行,謝顯 其間,多見其不信道也。 識,曷嘗規規於貨利哉? 特於豐約之間, 心,已不可入於堯、舜之道矣。 伊川曰:「何不止試於太學?」顯道對曰:「蔡人鮮 有志於道者,要當去此 且貧富有命,彼乃留情於 故聖人謂之『不受 心而 夫子貢之高 後 道將歸 是歲登 可語

其合於先王,則求之六經足矣,奚必佛?」 乎? 其迹非也。」曰:「所謂迹者,果不出於道 處之際,不能 也。使其道不合於先王,固不願學 漢儒之中,吾必以 先生不好佛語。或曰:「佛之道是也, 然吾所攻,其迹耳,其道,則 無過 也。 楊子爲賢。 其言曰:「 明哲 然於出 也。 吾不 煌 知 如

七四

《劇秦美新》之類,非得已者乎?事可見矣。古之所謂言遜者,迫不得已,如之興,使雄不死,能免誅乎? 觀於朱泚之于不虞」則有之,「旁燭無疆」則未也。光武

厭之,故有東晉之放曠。 亡不旋踵,故漢興,頗知尊顯經術,而天下亡不旋踵,故漢興,頗知尊顯經術,而天下

節嗜欲,定心氣,如斯而已矣。」乎?」曰:「吾嘗夏葛而冬裘,飢食而渴飲,人有語導氣者,問先生曰:「君亦有術

者淺矣。」謂之藝,猶之可也。讀書謂之藝,則求諸書謂之藝,猶之可也。讀書謂之藝,則求諸書世有以讀書爲文爲藝者。曰:「爲文

明道

父配之。以季秋者,物成之時故也。成形於地,而人成形於父,故以季秋享帝而祖配之。以冬至者,氣至之始故也。萬物祖配之。以冬至者,人本乎祖,故冬至祭天而

秦之子厚而已。 世之信道篤而不惑異端者,洛之堯夫、

之餘,而多出於漢儒一時之傅會,奈何 追復矣。明道 信而句爲之解乎? 制,已不聞其詳。今之禮書,皆掇拾 爲尤詳,又載籍未經秦火,然 孟子之時,去先王爲未遠,其學比後世 然則其事固不可一二 而 班 爵 於煨 欲 禄 盡 燼 之

然達於外,故「不得於心,勿求於氣」可也。人必有仁義之心,然後仁與義之氣晬

未嘗知道固在我而不在人也,故使「歸而求所虧者成之而已。孟子之不受曹交,以交所虧者成之而已。孟子之不受曹交,以交

不同,恐漢儒所記未必是也。 孟子論三代之學,其名與《王制》所記

其將 心 公所能 於是爲至。 也。夫管叔未嘗有惡也,使周公逆知 畔,果何心哉? 象憂亦憂,象喜亦喜」,蓋 知 也,則 舜之於象,周公之於管叔 其 過 有 惟其管叔之畔, 所不免矣。 天理 故 人情, 其用 孟 非 子 周

献 事 棲乎? 學孟子者,「以意逆志」可 論 畝之中,豈容象 孟子言舜完廩浚井之説,恐未必有 其理 而 己。 得以殺兄,而 堯在 上 而 使 百 使二嫂 也。 官 事 治 舜 其 於 此

「周公之過,不亦宜乎?」

而

乎? 犯 果 荆 有 徑理 棘 或謂 故外 而 已。 佛 仲尼之道 則 之理 」侍講 仲尼豈 比 孔 欲 而 子爲 使學者迂遠 由徑,則是冒險 徑 曰 : 而 天下 難 阻 至

授之以 亦 奚以 窮經,將 政,不 爲?」今世之號 達; 以致 使於四 用 也。 爲 方,不 如「 窮經 誦《 能 者 詩》三 專對 果能 雖 百, 達

> 章句之末耳,此學者之大患 於政 事、專對之間乎? 則其所謂 也 窮 經者,

語。 矣,恐君子或不然。」曰:「然。 自謂不能者,使學者務本而已。」明道 蓋自謂不能 問:「『我於辭 辭 命,則 命則 不能」, 以善言德行自居 孔子兼之, 恐 非 孟 子

得獨 以 氏 周公之功固大矣,然臣子之分所當 聞 事 僭 謂「周公其衰矣」。 有 君若周 用天子之禮乎? 八佾,三家僭雍 自 孟子曰:「事親若曾子可也。」吾以 知 公可 其 不足者矣,未聞其爲 也。 蓋子之事父,臣之事 侍 徹 其因 講 故仲 襲之弊,遂使季 尼 論 有餘 I 爲 也 而 非之, 安安 也 謂

不敢 以 X 君所 裕 安 己 師 也 以致治者,皆賴其臣,而使召公謀所 於保也,周 保之任,古人難之。 公作書 以 故 勉之,以爲在昔 召公不 説

復子明辟 二,如 稱告嗣天子王矣。

於仁 也。 於君 夫君子立乎人之本朝,則當引其君於道,志 人 足以 所 而後已。 命 工尹商陽自 謂「 反 而 介命」, 殺 乃 行 人之中 彼商陽者士卒耳,惟當 慢君 私 謂 情 莫 可朝 於其間,孔 又有禮 甚焉,安在 不 坐,宴不與,殺三 焉」者,疑 子蓋 爲有禮 不 致 記 與 力 ?

與 人 未 盟 个嘗盟 而 盟 適 可 用 衛 同,故孔子 者, 也, 要之 特 行 適 則 其 要矣。❶ 衛 本 不 可。 情 無 耳。 疑 故 蓋 孔 使 要 與 子 盟 之 與 盟 而 蒲

可

用

與賣國

背君

亦可

者 親 知 知,雖知之有 或非 不 天」。 可不知人」。 不知天,則 其道,而 不知 所不盡,故「思知人不 人,則所 於人之愚智賢否 辱身危親者有之,故「 故堯之親九族,亦明 親者或非其 有 人, 可 所 俊 思 所 以 不 德 由 事 能 不

> 之人爲先。 蓋 有天下者, 以 知人爲 難 以 親

七六

賢爲急。

之詩。 下 之心爲然也 哀 也,故《序》以 之身以化在位者,文王是 言夫人,又次言大夫 家之法,使邦家鄉 ·國家者,未有不自齊家始。 而不傷」,蓋《關 二《南》之詩,蓋 《關雎》詩所謂「窈窕 爲 配 君子。 雎》之義如 人皆得 聖人 妻。 也,故繼之以 所謂 而 歌 取 淑女」,即 古之人有 之以 咏之也。 先言后妃,次 此, 「樂而 非 爲天 謂 后 能 后 文 有 下 妃 妃 王 脩 天 或

政 也何 安定之門人往 有 往知稽古愛民矣, 則於

爲

争鬭之獄。 古者鄉 今之郡邑之訟,往往出於愚民, 田 同井,而民之出 入相· 友,故無

0 與」,涂刻本作「则」,且下有小注「一作與」三字。

公所 於是爲至。 其將畔,果何心哉? 心 能 也。 象憂亦憂,象 知也,則其過 夫管叔未嘗有惡也,使周公逆 舜之於象,周 喜 有 惟其管叔之畔, 亦喜」,蓋 所 公之於管叔 不免矣。 天 理 故 人情 其 孟 非 周 知 用

献 棲 事 論 乎? 學孟子者,「以意逆志」可 畝之中,豈容象得以殺兄,而 孟子言舜完廩浚井之説,恐未 其理 而已。 堯在 上 而 使 百官 使二嫂 也 事 必 治 舜 有 其 於 此

曰

「周公之過,不亦宜乎?」

加

乎? 犯 果 荆 有 棘 徑 或 故外 理 謂 而 己。」侍講 ,則仲尼豈 佛之理 仲尼之道 比 孔 欲 而 子爲徑。 使學者迂遠 由 徑 一,則是冒 曰 : 而 1險阻、 難至 天 下

授之 亦 奚 以 窮 政,不 以 經 將 爲?」今世之號 以致 達; 使 用 於四 也。 爲 方, 如「 窮經者 誦 不 《詩》三百, 能 果能 車 對,雖 達

> 於政 章 句之末耳,此學者之大 事、 專 對之間乎? 患 則 其 也 所 謂 窮 經

矣, 語。 自謂不能者,使學者務本而已。」明 恐君子或不然。」曰 蓋自謂不能 問:「『我於辭 辭 命則 命,則以善言德行自居 「然。 不能」, 孔 恐 子 非 兼 孟 子

聞 事 以謂「周公其衰矣」。 氏僭八佾,三家僭雍 得獨用天子之禮乎? 周公之功固大矣,然臣子之分所當 有 君若周公可 自 孟子 知 曰:「事親若曾子可也。」 其 不足者矣,未聞其爲 也。 蓋子之事父,臣之事 徹,故 侍 其因 仲尼論 [襲之弊,遂使季 有餘 爲 而非之, 一吾以 也,安 也。 謂

人 不 以 君 裕 敢安於保也,周公作書以 己也 所以致治者,皆賴 師 保之任,古人難之。 其臣,而使召公謀所 故召公不説者 勉之,以爲在昔

父子 而 父子 以 至爲夫婦 在 所 親 即 者也。 外之,不 不 外馬,●可 然 則 與 語 混

言之。 爲長 則不然,率性而已。 答,一作「放肆」。 不可須臾離 君 無 有也,故滞固者入於枯槁,疏通者歸於肆 道爲有間,非天地之全也。 也,無莫也,義之與比」。若有適有莫,則於 分於道也遠矣。故「君子之於天下也,無 敬以直内」則有之矣,「義以方外」則未之 臣 適 而 幼、爲朋友、無 而 君臣 非 道 也 在所嚴,一作「敬」。 世 此佛之教所以 然則毀人倫、去四大者,其 即 所爲 斯理也,聖人於《易》備 而非道,此道所 彼釋氏之學,於 爲隘 也。 吾道 以 適

坤,學者之分也,「有諸己」之信屬焉。 乾,聖人之分也,「可欲」之善屬焉。

配。蓋仁者體也,義者用也,知義之爲用而「立人之道曰仁與義。」而孟子言仁必以義仲尼言仁,未嘗兼義,獨於《易》曰:

、之,不然則混而無别,非知仁義之説-外焉,●可與語道矣。世之所論於義者多

七八

學之近乎仁也。 自外乎? 貢以爲「仁之方也」。 也,獨能體是心而已,曷嘗支離多端 有視四肢百體而不愛者哉? 聖人,仁之至 而天地之間,品物萬形爲四肢百體。 剛毅木訥」,質之近乎仁也,「力行」, 故 「能近取譬」者,仲 若夫至仁,則天地 醫書有 以手足風 尼 所 爲一身, 夫人豈 以 而求之 頑謂 示 子

❶ 「焉」下,涂刻本有一「者」字。

手足在我,而疾痛不與知焉,非不 之四體不仁,爲其疾痛不以累 世之忍心無恩者,其自棄亦若是而已。 其 心 故 而 也。 何 夫

也; 恐懼乎其所不聞」而已。 離非道也。」脩此道者,「戒慎乎其所 已矣。故曰:「道也者,不可須臾離也, 「上天之載,無聲無臭」,可以馴致 一息不存,非中也。 物不該,非中也,一事不爲,非 何哉? 由是而不息焉,則 也 爲其偏 不 睹, 口 而 中

惲,則與戒慎恐懼者異矣,是其所以反 與中庸無異體矣。 也。 君子之於中庸 也,無適而不中,則 小人之於中庸, 無 所忌 其心 中

人有益,而在我者無辱矣。 責善之道,要使誠有餘 而言不足,則 於

庸

河 南 程 氏遺書第四

河南程氏遺書第五

二先生語五

理與心一,而人不能會之爲一。

如愚」之學於後世,有自然之和氣,不言而化秋殺盡見。仲尼,無所不包;顏子,示「不違仲尼,元氣也;顏子,春生也;孟子,并

已。仲尼,天地也;顏子,和風慶雲也;孟者也;孟子則露其才,蓋亦時然一作「焉」。而

矣。仲尼無迹,顔子微有迹,孟子其迹著。子,泰山巖巖之氣象也。觀其言,皆可以見之

人心常要活,則周流無窮,而不滯於

隅。

老子曰「無爲」,又曰「無爲而無不爲」。

偏之説矣。 感而遂通天下之故」,是動静之理,未嘗爲一 也」,此戒夫作爲也,然下即曰「寂然不動, 作《易》,未嘗言無爲,惟 當 有 爲 而 以 無 爲 爲之,是乃 日 有 無 爲 爲 思 也。 也, 無爲 聖人

語聖則不異,事功則有異。「夫子賢於

堯、舜」,語事功也。

論學便要明理

論學便要明理,論治便須一作「要」。

識體。

蹇便是處蹇之道,困便是處困之道,道

孟子有功於道,爲萬無時不可行。

世之師

其才雄

只見雄才,便是不及孔子處。

人須當學

顔

「事」下,涂刻本有小注「一作事實」四字。

0

子,便入聖人氣象。

之間。安得天分不有私心,則一本無「天分不」、 ·則字。「行一不義,殺一不辜」,有所不爲。 父子君臣,天下之定理,無所逃於天地

有分毫私,便不是王者事。

《訂頑》立心,便達得天德。

孔子儘是明快人,顏子儘豈弟,孟子儘

雄辨。

孔子爲中都宰,「知其不可爲而爲之」,

不仁,不知而爲之,不知。 。 豈有聖人不盡

仁知?

責上責下而中自恕己, 豈可任職分?

本無「任」字,「職分」兩字側注

萬 物無 一物失所,便是天理時中。一本無

時中」字。

·公孫碩膚,赤舄几几。」

爲君盡君道,爲臣盡臣道,過此則無理。

坤作成物」,是積學處; 「乾知大始」,

是成德處。

孔子請討田恒,當時得行,便有舉義爲

周之意。

人固有在上者,在下者。

九二「利見大人」,九五「利見大人」。

聖

「唯上智與下愚不移」,移則不可知。 上

雖公天下事,若用私意爲之,便是私

之爲聖,下之爲狂,在人一身念不念爲進

退耳。

「居處恭,執事敬,與人忠」,充此便睟面

盎背,有諸中必形諸外,觀其氣象便見得。

天命不已,文王純於天道,亦不已。 純

則無二無雜,不已則無間斷先後。

是 無誠處。 不能動人,只是誠不至,於事厭倦,皆

氣「直養而無害」,便「塞乎天地之間」,

有 少 私 意 即 是 氣 虧 無 不 義 便 是「 集 義

有 私 意便是「餒

能 物,與天地參贊 盡 ,何緣知性 心具天德,心有不 化育。 知 天? · 盡處, 費一本無 盡 己 心 便是天德處 「費」字。 則 能 盡 則直 人 盡 未

憂患 物 如 此。 「鼓萬物而不與聖人同憂」,天理鼓 聖人循天理而欲萬物同之,所以有 動 萬

養之而已。

章,外見之物。「含章可貞」,「來章有

慶」,須要反己。

敬義夾持,直上達天德自此。

别論。

成己,自洒埽應對,便上可到聖人事。● 舞、射便見人誠。 古之教人,莫非 使之

樂莫大焉」,「樂亦在其中」,「不改其

樂」,須知所樂者何 事。

乾、坤,古無此二字,作《易》者特立此二

字以明 難 明之道,「乾坤毀則無以見《易》」,須以意明

之。 以此形容天地 間 事。

《易》,聖人所以立 道。 窮

神

則

無

《易》矣。

其道。 水、然後爲海。 能發明大道。孟子必得賓師之位 孔子爲宰則爲宰,爲陪臣則爲陪臣,皆 猶之有許大形象,然後爲太山 以此未及孔子。 ,然後能明 ; 許

雖得天下不爲,與孔子同者,以 夷、惠有異於聖人大成處,然行一不義, 其誠 也。

顏子作得禹、稷、湯、武 事功,若德則

然所以成此事功者,即是聖也。 《詩》言天命、《書》言天。 文章成功,有形象可見,只是極致事業, 存心則上帝 臨

0 便上」,涂刻本此二字互乙。

106

萬物之始,皆氣化,既形,然後以形相

禪,有形化,形化長則氣化漸消。

黄非白」。 一本作「黄白大小」。 《中庸》言「無聲無臭」,勝如釋氏言「非

心有所存,眸子先發見。

張兄言氣,自是張兄作用,立標以明道。

「張兄」一作「横渠」,後同。 乾是聖人道理,坤是賢

人道理。

易之有象,猶人之守禮法。 待物生,以時雨潤之,使之自化。 「恭而安。」張兄十五年學。

河南程氏遺書第五

河南程氏遺書第六

一先生語六此卷間有不可曉處,今悉存之,不

兄義之實,須去一道中别出。

仁,人此,義,宜此。

事親仁之實,從

學原於思。

正名養老。

荀文若利。

魏鄭公正當辨。

質夫沛然。 擇之茫然,未知所得。

季明安。

兄厚臨終過西郊,却相疑,平生不相

疑。 「郊」,一作「洛」,「兄」指明道。

叔不排釋、老。「叔」指伊川。

惟善變通,便是聖人。

聖人於天下事,自不合與,只順得天

理,茂對時,育萬物。

堯、舜、共、鯀、皋陶,時與孔子異。「陶」

作「夔」。

明睿智皆由是出。以此事天饗帝,故《中庸》 脩己以敬,以安百姓,「篤恭而天下平」。 旋中禮,自然惟慎獨便是守之之法。❷ 掩如此。一本「聖人脩己」以下別爲一章。 承大祭」。看其氣象,便須心廣體胖,動容周 言鬼神之德盛,而終之以微之顯,誠之不可 不和,四靈何有不至? 上下一於恭敬,則天地自位,萬物自育,氣無 孔子言仁,只説「出門如見大賓,使民如 此體信達順之道,聰 惟

故特曰: 夫仁者達人立人,取譬可謂仁之 博施濟衆」,非聖不能,何曾干仁事?

0 「不」下,涂刻本有「敢」字。

「自然」下,涂刻本有小注「一無自然字」五字。

聖人未有不盡仁,然教人不得如此指殺。 本此下云:「繞塔説相輪,不如便入塔登之。 方而已,使人求之,自反便見 得 也。 始登時雖不 雖 然,

見,及上到頂,則相輪爲我有。」

四體不仁。

鬼是往而不反之義。

天人本無二,不必言合。

儼然,即之温,言厲。佗人温則不 厲

儼然則不温,惟孔子全之。 大圭黄鍾,全冲和氣。

李宏中力田養親。

節嗜慾,定心氣。 即是天氣下降,地氣上騰。

便和無疾。❶

看一部《華嚴經》,不如看一 艮卦。 經只

明。 論性,不論 本此下云:「二之則不是。」 氣不備; 論 氣,不論性不

言一「止觀」。

人自孩提,聖人之質已完,只先於偏勝

處發。 或仁、或義、或孝、或弟。

覺悟便是信。

自「幼子常視無誑」以上,便是教以聖

人事。

人之知思,因神以發。

成己須是仁,推成己之道成物便是智。

怒驚皆是主心不定。不遷怒。

非禮不視、聽、言、動,積習儘有功,禮

在何處?

便是「直養」。 去氣偏處發,便是「致曲」,去性 然同歸於誠。 一此章連「人自孩 上 脩,

提」章下爲一章。

事 ,猶爲化物,不得以天下萬物撓己,己立 「不有躬,無 攸利。」不立己,後雖 向 好

0 便」上,涂刻本有「心氣定」三字。

八五

後 自能 了當 得天下 - 萬 物。

地不改闢,民不改聚,只脩治便了。

在,便是廢天職。• 飢食渴飲,冬裘夏葛,若致些私吝心

立在人。

忠信進德、「修辭立其誠」,所以居業脩

日月,陰陽發見盛處。

月受日光,父子。 龍敏。 撾鼓。

·鼓動萬物」,聖人之神知則不可名。

凡 凡物參和交感則生,不和分散則 有氣莫非天,凡有形莫非 地。 死。

氣有偏勝處。「勝」,一作「盛」。

氣 Ŧi. 一行剛 柔 萬殊,聖人所由惟 理,

人須要復其 初。

元氣會則生聖賢。 理自生。

天只主施 ,成之者地 也

須要有所止。 止於仁,止於孝,止於大分。

有形總是氣,無形只是道

以心也。不得只恁地看過,更留心。 《咸》六四言「貞吉悔亡」,言感之不可 存養熟後,泰

然行將去,便有進。

艮 桂 只明使萬 物各 有止,止分便定。

艮其背不獲其身,不見其人。」

一殺一不辜,行一不義,得天下不爲」同 曾子疾病,只要以正,不慮 死,與

武武王

百官萬務、金革百萬之衆,飲水曲肽,

樂在其中。萬變皆在人,其實無一事。

蜀 山人不起念十年,便能前 知

只是 箇誠。天地萬物鬼神本無二。

觀天地生物氣象。 周茂叔看 清明在躬,志氣如神。

貴熟。

作「久且熟」。

⁰ 刻本有小注「吝心一作意」五字。 致」下,涂刻本有小注「一作置」三字,

在帝左右」,帝指何帝?

筮在精誠,疑則不應。 一本注云:「疑心

微生,便是不應。楊子江依憑事是此理。」

懈意一生,便是自棄自暴。

「勿忘勿助長,必有事焉」,只中 道

上行。

忠信而入,忠信 而出。 油火上竿禁蜈蚣。

涵養著落處,養心便到清明高遠。「處」,

作「意」。

天下之悦不可極,惟朋友講習,雖過悦

無害。兑澤有相滋益處。 一本注云:「兑澤有自

相滋益之意。」

凝然不動,便是聖人。

克得一件,其餘自正。一作「止」。 多驚多怒多憂,只去一事所偏處自克,

人少長須激昂自進,中年已後,自至成

德者事,●方可自安。

物,不役其知 致知在格物」,物 ,則意誠不動,意誠 來則 知 起。 自 定 物 則心 各付

正,始學之事也。

齋戒以神明其德。

明德」、「新民」,豈分人我? 是成德

者事。

天無形,地有形。

一作「體」。

虚心實腹。

天之生物無窮,物之所成却有别。 静後,見萬物自然皆有春意。

致曲」不要説來大。

和平依磬聲,玉磬聲之最和平者養心。

和氣, 羊頭山老子説一稃二米秬黍,直是天 十分豐熟。 山上便有,山下亦或

有之。

地

0 事」下,涂刻本有小注「一作漸至德成」六字。

八七

八十四聲,清者極吹盡清,濁者盡吹極

濁,就其中以中聲上生下生。「以」,「作「考」。

霜露,星之氣,異乎雨雪。

「密雲不雨」,尚往則氣散。先陰變風,氣隨

風散。

苔木氣爲水土始發。「始」,一作「所」。

草類竹節可見。黄鍾牛鳴。

意言象數,邵堯夫。胎息氣。此三字一本在

牛鳴」下。

周茂叔窮禪客。

明善在明,守善在誠。

復卦非天地之心,「復則見天地之心」。

管攝天下人心,收宗族,厚風俗,使人聖人無復,故未嘗見其心。「無」,一作「未嘗」。

有一年功夫。 不忘本,須是明譜系世族與立宗子法。一年

忿欲忍與不忍,便見有德無德。

《周南》、《召南》如《乾》、《坤》。

今之祭祀無樂,今之樂又不可用,然又

却不見得緩急之節。

勿視,出於天與,從幼小有如是才識。 叔一生不曾看《莊》、《列》,非禮勿動、

夷、惠,其道隘與不恭,乃心無罪。「無」,

一作「何」。

子,孔子爲不恭。自孔子觀吾輩,吾輩便孔子所遇而安,無所擇。自子路觀孔

隘。惟其與萬物同流,便能與天地同流。

去健羡,毋意,「義之與比」。親於其身爲

不善,直是不入。

山林之士,只是意欲不出。

應當有主。既埋重,不可一日無主,故設重,主道也。士大夫得有一作「設」。重,

苴,及其已作主,即不用苴。

有廟即當有主。

八八

技擊不足以當節制,節制不足以 當仁

義。 使人人有子弟衛父兄之心,則制 梃以

撻秦、楚之兵矣。

不應爲,總是罪過。

《詩》興起人志意。

小人小丈夫,不合小了,他本不是惡。

語默猶晝夜、晝夜猶生死,生死猶古

今。 消息。

慎終追遠」。不止爲喪祭。

鈆 鐵性殊,點化爲金,則不 辨鈆 鐵

民須仁之,物則愛之。

聖人緣人情以制禮,事則 以義制之。

息,止也,生也。 止則便生,不止則不

生。 艮,始終萬物

不常其德,則所勝來復; 正常其理,則

所勝同化。《素問》。

曾點、漆雕已見大意,故聖人與之。

勞」,是他顏子性分上事。孔子言「安之,信 顏子所言不及孔子,「無伐善,勿施

之,懷之」,是天理上事。

大抵有題目事易合。

只是他不著别事雜亂,兼無昏氣。人須致一 心風人力倍平常。將死者識能預知,

如此。

豈有不可爲? 孔子之時,事雖有不可爲,孔子任道, 魯君、齊君、孔、孟豈不知其

不足與有爲?

覺,便是他自然理會得

人雖睡著,其識知自完,只是人與唤

貧子寶珠。

誠則自然無累,不誠便有累。

君實篤厚,晦叔謹嚴,堯夫放曠 根本須是先培壅, 然後可立趨 向 也。

八九

向 既 正 作「立 所 造 有 淺 深, 則 由 勉 與

趨

不勉 也。 正

人多昏其心,聖賢則去其昏。

以富貴爲賢者不欲,却反人情。

聞見如登九層之臺。

《中説》有後人綴緝之。

觀 兩漢已前文章,凡爲文者皆似。

楊 子之學實,韓子之學華,華 則 涉

道淺。

祭而立尸,只是古人質。

顏子簞瓢,非樂也,忘也。

孟子「知言」,則便是知道。

夷、惠聖人,傳者之誤。「不念舊惡」,

此清者之量。

思與鄉人處」,此孟子拔本塞源。

庾公之斯,取其不背學而已。

楊、墨皆學仁義而流者也。墨子似子

張 楊子似子夏。

伊尹不可一本無此字。 言蔽,亦是聖之

時。 伯夷不蔽於爲己,只是隘

孔子兔匡人之圍,亦苟脱也。

四端不言信,信本無在。 在《易》則是

至理,在孟子則是氣。

《序卦》非《易》之藴,此不合道。 子産語子太叔,因其才而教之。

伯注。

仰之彌高」,見其高而未能至也。

鑽

之彌堅」,測其堅而未能達也。此顏子知聖

人之學而善形容者也。

義之精者,須是自求得之,如此則善求

義也。

讀《論語》、《孟子》而不知道,所謂

雖

多亦奚以爲」。

湯既勝夏,欲遷其社,不可。 聖人所欲

韓

康

然則聖 使陰明也。」《春秋》書「亳社災」,然則皆自 則 不 湯之不遷始也 社屋之,不受天陽 戒,故曰欲遷則 夫亡國之社遷之,禮也,湯存之以爲後 不 踰 矩,既 可 人亦有過乎? 爲 非 欲 矣; 遷社 不可也。 不 而 也。」又曰:「亳社北 可 又以 是, 曰 《記》 非 爲 則 也 不 欲 曰:「喪國之 ,聖人無 可 遷 、 欲 爲 非 遷 過。 矣。 是, 牖 世

處,則爲害也。

古者百步爲畝,百畝當今之四十一畝二百畝,二歲一耕。不易,歲歲耕之。此地之肥瘠不同也。郭。三易,再易,不易。三易三百畝,三歲一耕。再易至一、五畝之宅,田二畝半,郭二畝半,耕則居田,休則居

之勤惰相懸乃如此。以無飢,今以古之二百五十畝,猶不足,農也。古以今之四十一畝之田,八口之家可也。古者百步爲畝,百畝當今之四十一畝

雖有水,亦未爲害也。及堯之時,人漸多,古之時,民居少,人各就高而居,中國

就 非堯時水特爲害也,蓋已久矣。 時 漸 水之流濫 高 ,龍門未闢 就 而 平 居,則 廣 而治之,以爲天下後世 而 居,水泛 ,伊闕未拆,砥 不 爲 害 濫 後世人多,就下 乃 柱未鑿,堯乃因 始 爲 上世人少, 無窮之利。 害。 當 而 是

得以 之。 皆以 四人者始懷憤 堯非不知其不善也 其 因 及堯舉舜 四凶之才皆可 其迹而 才任大位,而不 誅竄之也。 於匹 怨不平之心 用。 夫之中而禪之位 ,伏則聖人亦不得 堯之時,聖人在上, 敢露其)而顯: 其惡, 不善之心。 故 則 而 是 誅 舜

張樂以爲樂? 若具慶者可矣。 人無父母,生日當倍悲痛,更安忍置酒

當,則所祭已是别人,大不便。 今人以影祭,或畫工所傳,一髭髮不

今之税實輕於什一,但斂之無法與不

均 耳

能見。 須者, 形,水無波,不害其爲水。 有一物而相離者,如形無影,不害其 如 心 無目則不 能 視,目 有兩: 無 物 心 而 則 必 不 相 成

升,❶則是千有二百絲,今蓋無有矣。 百四十絲,於今之布爲已細。 古者八十絲爲一升,斬衰三年,則是二 絲麻 十五

者將以行禮,今之强有力者將以爲亂。 之仕者爲人,今之仕者爲己,,古之强有力 「古之學者爲己,今之學者爲人」,方

言而不行,是欺也。君子欺乎哉? 方今有古之所無者二,兵與釋老也。 不

欺也。

捨則去,思之不熟也。 汎乎其思,不若約之可守也。 思則來,

經簡編,後分者不是。

詩》大率後 人 追作,馬遷 非

聖人於憂勞中,其心則安静,安静中却

有至憂。

聖人之言遠如天,賢者小如地。

天之付與之謂命,禀之在我之謂性,見

於事業一作「物也」。之謂理。 事君有犯無隱,事親有隱無犯」,有

時

而可分。

治必有爲治之因,亂必有爲亂之因。

受命之符不足怪

射則觀其至誠而已。

學行之上也,名譽以崇之,皆楊子

之失。

和,與己不同。 「由之瑟奚爲於丘之門」,言其聲之不

0 絲」,涂刻本作「緦」。

「視其所以」,觀人之大概,「察其所

安」,心之所安也。

子絶四:毋自任私意,毋必爲,毋固

執,毋有己。

「居是邦也,不非其大夫」,此理最好。

「出入」,可也,出須是同歸。

「博施濟衆」,仁者無窮意。

·無欲速」,心速;「七年」,理速。 ·知和而和」,執辭時不完。

養親之心則無極,外事極時須爲之極,

莫若極貴貴之義,莫若極尊賢之宜。

誠然後能敬,未及誠時,却須敬而後發於外者謂之恭,有諸中者謂之敬。

能誠

之謂誠。」《中庸》「言至誠無息」,非以無息能誠也。或以直云:「不欺之謂誠。」便以不欺爲誠。徐仲車云:「不息無妄之謂誠,不欺其次矣。一本云:「李邦

問先生,先生曰云云。」

贊馬遷「巷伯之倫」,此班固微詞。

他時,可以堅請出踐更錢,此最義。一作「最沒石奢不當死,然縱法當固辭乞罪,不罪

義」。

《易》爻應則有時而應,又遠近相感而

悔吝生。

王通《家人》卦是。《易傳》言明內齊外,非

象意,疑此「是」字上脱一「不」字也。

明是高子言,更何疑?
《詩序》必是同時一作「國史」。所作,然亦言語也。又如「高子曰:靈星之尸也」,分元」,只見《詩》中云「飲之食之,教之誨之,之」,只見《詩》中云「飲之食之,教之誨之,之」,以見《詩》中云「飲之食之,教之誨之,則是高子言,更何疑?

文王望至治之道而未之見,若曰民雖

九三

九四

者,周公之心必如是勤勞。 其有不合周公之心固無此。設若有不合以天子在上,諸侯善化及民,安得謂之至?使至治,止由之而已,安知聖人? 二《南》

人,予則私善於人而已。 「五世」,依約。君子小人在上爲政,其 后五世,在此,五世而後斬。當時門人 以推尊孔子之道,言「予未得爲孔子徒 以推尊孔子之道,言「予未得爲孔子徒 以上,五世而後斬。當時門人

邪説則終不能勝正道,人有秉彝,然亦

無恥之恥。注是。

惡亂人之心。

中亦有由而不知者,又更有不知則不能由。行之不著,如此人多。若至論,雖孔門

盡此一事,則可以當天下之大事。「養生」,「送死」,天下之至重。人心苟能竭力

也親喪乎!」
心如此,又安得不能當大事?「人未有自致,必人之常,此相對而言。若舜、曾子養生,其

所稱道。 「仁言」,爲政者道其所爲,「仁聲」,民

心爲主,若言失中,心不動,亦不妨。「不得於言,勿求於心,不可。」養氣以

可知。由之見信如此,刑法國人尚可信,其他由之見信如此,刑法國人尚可信,其他「一言而可以折獄者,其由也與!」言

樂,方成聖人,則盡之矣。 之勇,冉求之藝,合此四人之偏,文之以禮之勇,冉求之藝,合此四人之偏,文之以禮

文也。「文質彬彬,然後君子」,其下則史,孔「先進於禮樂」,質也;「後進於禮樂」,

此止文一事,●又有不從處,「乘商之輅」。子從之,矯枉欲救文之弊。然而「吾從周」,

用《周禮》,自漢以來用。
王者制作時,用先代之宜世者。今也法當下到今,更無聖人,若有時,須當作四王。便言三王酌損成王道,餘外更無意。三王便言三王酌損成王道,餘外更無意。三王

常人之言近時,便即是淺近去。此三句若推其極,堯、舜之治亦不過此。若可以治矣。聖人之言,雖至近,上下皆通。則至淺。言當時治千乘之國若如此時,亦則至淺。言當時治千乘之國若如此時,亦

亦未 食。 説 風俗亦甚美,到漢尚言齊、鲁之学天性。只 風 可 魯之風 俗,若謂聖賢,則周公自不之魯,太公 齊經管仲霸政之後,風俗尚權詐,急衣 知。 俗不如此,又仲尼居之。 又 謂 齊 經 田 常 弑君,無君臣 當時 1

下之分,也不然。

子、大舜可也,曾元是曾子之子,尚不能。却與此辭不相合。然推其極時,養志如曾更淺。若謂諭父母於道,能養志使父母説,更淺。若謂諭父母於道,能養志使父母説,「色難」形下面「有事服勞」而言,服勞

《文中子》。 仁字。然舜在家亦怨,周公狼跋亦怨。又引在字。然舜在家亦怨,周公狼跋亦怨。又引

免世之害矣。 「不有祝鮀之佞與宋朝之美」,才辨。

以學《易》」。言學者謙辭。學《易》可以無當孔子時,傳《易》者支離,故言「五十

「《詩》、《書》」,統言,「執禮」,人所大過差。《易》之道,惟孔子無大過。❷

- ❶ 「止」,陳刻本、涂刻本作「上」。
- 過差」。
 過差」。
 「道惟孔子無大過」,涂刻本作「書惟孔子能正之使無

九五

難

執 守。

地,不居亂邦。 賢者能遠照,故能避一世事,其次 避

「不愧屋漏」,則心安而體舒。

也。 知之次也」,以勉中人之學也。 可以弗畔矣夫!」此非自得也,勉而能守 「多聞,擇其善者而從之,多見而識之, 子曰:「君子博學於文,約之以禮,亦

專對也。」 云:「經者載道之器,須明其用。 而不知道,治器而不適用,奚益哉? 一本 經所以載道也,器所以適用也。 如誦《詩》須達於從政,能 學經

士,談經者泥爲講師,惟知道者乃儒學也。 夫内之得有淺深,外之來有輕重。 内 今之學者,歧而爲三:能文者謂之文

河 南程氏遺書第六 重

則可以勝外之輕,得深則可以見誘之小。

九六

河南程氏遺書第七

一先生語七此卷間有 不可曉處,今悉存之,不敢

删去。

與人爲善。

始初便去性分上立。晦叔

云:「明道年十六七時,好田獵,十二年暮歸,在田野間見 如前矣。」後十二年,因見,果知未。」一本注 之易也! 但此心潛隱未發,一日萌動,復 獵,自謂今無此好。 周茂叔曰: 「何言

周公不作膳夫、庖人、匠人事,只會兼

田獵者,不覺有喜心。」

衆有司之所能。

有 田 即 有 民,有民即 有兵,鄉 遂 皆

起兵。

河

南程氏遺書第七

稾鞂、大羹、鸞刀,須用誠相副。

禪學只到止處,無用處,無禮義。

介甫致一。

堯、舜知他幾千年,其心至今在。

心要在腔子裏。

體道」,少能體即賢,盡能體即聖。

孔子門人善形容聖人。

堯夫道雖偏駁,然卷舒作用極熟,又一

作「可」。能謹細行。

只外面有些隙罅,●便走了。 虚而不屈,動而愈出。」

只學顔子「不貳過」。

行近乎仁」、「求仁莫近焉」。仁道難言,故 忠恕違道不遠」,「可謂仁之方」,「力

止曰近,不遠而已,苟以力行便爲仁,則失

0 隙罅」,涂 刻本此两字互乙。

九七

之矣。「施諸 子之道忠恕」,非曾子不能知道之要,捨此 己而不願,亦 勿施於人」,「夫

不明。

則不可言。

聖人之明猶日月,不可過也,過 則

른, 聖人明於定分,須以東爲東,以西爲西。 知者知東不必爲東,西不必 愚者指東爲東,指西爲西,隨衆所見而 爲西。 唯

邵堯夫猶空中樓閣。

兵法遠交近攻,須是審行此道。 知崇禮

卑之意。

莊子有大底意思,無禮無本。 只是論得規矩準繩,巧則在人。

體 須要大。

外面事不患不知,只患不見自己。

雍也,仁而不佞。」晦

人當審己 如何,不必恤浮議。 志 在浮

> 議, 則心不在内,不可私。 本 無 「私」字,别

應卒處事」四字。

静坐獨處不難,居廣居、應天下爲難 三命是律,星辰是曆。

保民而王。今之城郭,不爲保民。

行兵須不失家計游兵夾持。「夾」,一作「挾」。

事,往往急便壞。

與奪翕張,固有此理,老子説著

不是。

誠神不可語

見之非易,見不可及。

孔子弟子少有會問者,只顏子能問,又

却終日如 愚。

只理會生是如何。

静中便有動,動中自有静。

灑 埽 應對,與佛家默然處合。

喪 事 ,人所不勉處,酒,人所 困 處,孔

有

便

子於中間處之得宜

翫 心 神明,上下同流。

敬下驢不起。世人所謂高者却是小。 陳先生

大分守不足。「足」,一作「定」。

堯、舜極聖,生朱、均。 瞽、鯀極愚,生

舜、禹。無所不用其極。

·開物成務」,有濟時之才。

禹不矜不伐,至柔也,然乃見剛。

子,係在他上,便不是。 信得及便是也。 以誠意幾楪子,何不可? 若有爲果

九德最好。

不學,便老而衰。

應卒處事。

不見其大,便大。

職事不可以巧免。

雍置師,内郡養耕,外郡禦守。

兵能聚散爲上。

放過。

把得地一作「性」。

分定,做事直是不

得

微仲焚禁山契書。

韓信多多益辦,只是分數明。

義勇也,是拘束太急,便性軼輕劣。

大

凡長育人材,且須緩緩。

道。 鼓聲,亦不忘却自家如何,如苻堅養民, 量力分外面與敵人合,此便是「合內外之 兵陣須先立定家計,然後以遊騎旋,旋 若遊騎太遠,則却歸不得。 至如聽金

敗便不可支持,無本故也。

坐井觀天,非天小,只被自家入井中,

井所拘,却入井中也不害。 但出井中,便見天大。已見天如此大,不爲 被井筒 拘 東了。 然井何罪? 亦何可 '廢?

於孝」、「爲人父止於慈」之類,不須外面,只 致知」,但知「止於至善」、「爲人子止

九九

務觀物理,汎然正如遊騎無所歸也。

著信,便是止也。 即目所學便持。「吾斯之未能信」,道

與之,當再拜而獻之。《晉書》謂「吾家書籍當盡與之」。

豊 止

不可? 力,知識遠過於人,况吾合天地之道,安有力,知識遠過於人,况吾合天地之道,安有病情不爲他物所奪,只有正氣,然猶有

矣。陳本有此兩段。 須是「無終食之間違仁」,即道日益明

之正道,庸者天下之定理。」 「不偏之謂中,不易之謂庸。中者天下

河南程氏遺書第七

河南程氏遺書第八

二先生語八

「傳不習乎」,不習而傳與人。

「學則不固」,連上說。

「有馬者借人乘之。」吾力猶能補史之

闕文。當史之職而能闕疑以待後人,是猶

有馬者借人乘之也。

能言不作者難。

「君子義以爲質」四句,只是一事,以義

爲本。

可使之往,不可陷以罔。

「君子矜而不争」,矜尚之矜。

南宫适以禹、稷比孔子,故夫子不

答也。

有難事,他所未曉,輕議聖人。孔子擊磬,「果哉,末之難矣」,果敢之果,不知更

何嘗無心,荷蕢於此知之。

辟世、辟言、辟色,非有優劣,只説大小

次第。

「不占而已」,有吉凶便占,無常之人更靈公問陳,孔子遂行,言語不相投。

不待占。

「踐迹」如言循途守轍。善人雖不循守

三代直道而行,毀譽公。

舊迹,亦不能入聖人之室。

論篤是與」,言篤實時與君子與色莊。

魯、衛之政兄弟也」,言相近也。

知及」、「仁守」、「莊涖」、「動禮」、爲政

始末。

「民之於仁,甚於水火」,不肯爲仁,如

0

蹈 水火。

·致遠恐泥」,不可行遠。

以近小,而後不教以遠大也。 以小者近者,而後教以大者遠者,非是先傳 先傳」、「後倦」,君子教人有序。先傳

夫强 食」,匏瓜無所爲之物,繫而不動 僭,聖人豈爲是乎? 吾其爲東周乎!」東遷以後,諸侯大 匏瓜「繋 而 不

故孔子知由之「不得其死」。 「子樂」,弟子各盡其誠實,不少加飾,

性相近也」,生質之性。

「小知」、「大受」,不可以小知君子,而

可以當大事。

之」,誰肯以夫子之道易己所爲? 「天下有道,丘不與易也」,「其誰以易

之以迹,子路不諭「九夷」、「浮海」之類。「示 佛肸召,欲往而不往者何也? 聖人示

之」,一作「示人」。

堯曰:「予小子履。」少「湯」字。

其親,又當使大臣不怨,至公不可忘私,又

「周公謂魯公」三句,反覆説,不獨不弛

當全故舊。

「大德」「小德」,如大節小節 雖有周親,不如仁人」,至親不

如

禮,然「信近於義」者,以「言可復也」,「恭近 親近於禮義,故「亦可宗也」。 於禮」者,以「遠恥辱也」,因恭信不失其所, 因不失其親」,信本不及義,恭本不及 如言禮義不

所以,初學與成德者事不同 子張、子夏論交,子夏、子張告人各有 可得見,得見恭信者斯可矣。

以其道得去貧賤,如患得之。 貧與賤,不以其道得之,不去也」,不

「卿以下必有圭田」,祭祀之田也,禄外

之田也。

餘夫也,俟其成家别受田也。以五口至八口爲率,受田百畝,如有弟,是以五口至八口爲率,受田百畝,如有弟,是「餘夫二十五畝」,一夫上父母下妻子,

「廛而不征」,市宅之地已有廛税,更不

征其物。

「法而不廛」,税有常法,不以廛故而厚

其税。

「廛無夫里之布」,廛自有税,無此

二布。

「國有道不變塞」,所守不變,所行

不塞。

位者正,所行者大,天下至中至大之所。「廣居」,「正位」,「大道」,所居者廣,所

「配義與道」,浩氣已成,合道與義。

道,本也。義,用也。❶

非義外襲我而取之也。「集義所生者」,集衆義而生浩然之氣

河南程氏遺書第八

❶ 「也」下,涂刻本有小注「本一作體」四字。

河南程氏遺書第九

二先生語九

少日所聞諸師友説

自然完具,信只是有此,因不信然後見,故四端不言性。若夫惻隱之類,皆情也,凡動者謂之情。性者者有此者也。萬物皆有信,❷此五常性也。輕重之極,禮者别也,定分。知者知也, 信輕重之極,禮者別也,定分。知者知也, 信

盡,要之不出於公也。」也已。』嘗謂孔子之語仁以教人者,唯此爲人,己欲達而達人,能近取譬,可謂仁之方人,己欲達而達人,能近取譬,可謂仁之方

孟子曰「天民」者,達可行於天下而後

明」者也。天民、大人,亦繫乎時與不時爾。者,则如《乾》之九二,「利見大人」,「天下文者,必達可行於天下而後行之者也。「大人」也,如伊尹可當之矣。民之名則似不得位也,如伊尹可當之矣。民之名則似不得位日「天民」者,能盡天民之道者也,踐形者是行之者也;「大人」者,正己而物正者也。

信非義也,以其言可復,故曰「近義」。恭不重則不威嚴,而學則亦不能堅固也。「君子不重則不威,學則不固」,言君子

「思無邪」,誠也。

不失其所親,「亦可宗也」,况於盡禮義者乎?

非禮也,以其遠恥辱,故曰「近禮」。

因其事而

而不惑」,明善之徹矣。聖人不言誠之一節「十有五而志於學,三十而立,四十

❷ 「信」,涂刻本作「性」,且下有小注「一作信」三字。❶ 「人」下,涂刻本有小注「一作仁」三字。

矩」,則聖人之道終矣。此教之序也。然猶滯於迹焉,至於「七十從心所欲不踰最末者也。至耳而順,則是不思而得也。而知之也。「六十而耳順」,耳者,●在人之者,言不惑則自誠矣。「五十而知天命」,思

各因其人材高下與其所失而教之也。或失於敬,子夏能直義,而或少温潤之色。伯者,以武伯多可憂之事也。子游能養,而對孟懿子問孝,告衆人者也。對孟武

之。 善學者也。 己者,亦足以發此,固仲尼知其不愚,❷ 愚。」「退而省其私」者,言顔子退 故孔子曰:「吾與回言終日,不 而識之」,乃所 謂 學也,惟顔 而 省其 違 子 可 能 在 謂 如

有君,不若諸夏之亡君也。子言當世天下大亂,無君之甚,若曰夷狄猶了,無我之亡也。」此孔

曰其争也,是君子乎?而升,下而飲,其争也君子。」言不争也。若而升,下而飲,其争也君子。」言不争也。若

「子曰:禘自既灌而往者,吾不欲觀之矣。」禘者,魯僭天子之大祭也。灌者,祭之始也。以其僭上之祭,故聖人自灌以往,不欲配之矣。「或問禘之説,子曰不知也」者,不欲斥言也。「知其説者之於天下也,其如不欲斥言也。「知其説者之於天下也,其如其於治天下,如指其掌,甚易明也,蓋名分其於治天下,如指其掌,甚易明也,蓋名分其於治天下,如指其掌,甚易明也,蓋名分其於治天下,如指其掌,甚易明也,蓋名分其於治天下,如指其掌,甚易明也,蓋名分其於治天下,如指其掌,甚易明也,蓋名分其於治天下,如指其掌,甚易明也,蓋名分其。

「瑚璉也」。 子貢之器,如宗廟之中可觀之貴器,故

日

或問辯。曰:「或曰:『雍也仁而不

[「]耳」,原無,據涂刻本增。

^{┛ 「}固」,涂刻本作「故」。

擇言,言滿天下無口過,佞何害哉? 於人,不知其仁,焉用佞?』一苟仁矣,則 佞 知其仁,則 (。)子 佞焉 用也?」 用 佞 ? 禦人 以 口 給 若不 屢 П 無 憎

於義也。與裁同,言由但好勇過孔子,而不能裁度適與裁同,言由但好勇過孔子,而不能裁度適子曰:「由也好勇過我,無所取材。」材

子,大賢之事也。子路,有志者之事也。) 附之信之,少者懷之。」此聖人之事也。顔 無伐善,無施勞」,此仁矣,然未免於有爲,蓋 無伐善,無施勞」,此仁矣,然未免於有爲,蓋 無伐善,無施勞」,此仁矣,然未免於有爲,蓋 無成善,無施勞」,此仁矣,然未免於有爲,蓋 其本,豈可以

下者終於此而已乎? 曰:亦有可進之下不可以語上也。」此謂才也。 然則中人以子曰:「中人以上可以語上也,中人以

道也。

愈於齊國,故可一變而至於道。道。」言魯國雖衰,而君臣父子之大倫猶在,子曰:「齊一變至於魯,魯一變至於

外而言之也。據。「依於仁」者,凡所行必依著於仁,兼內據。「依於仁」者,凡所行必依著於仁,兼內妙無窮,當志之耳。德者得也,在己者可以必無窮,當志之耳。」凡物皆有理,精微要子曰:「志於道。」凡物皆有理,精微要

『不圖爲樂之至於斯也。』門人因以記之。」人聞《韶》音之美,當食不知肉味,乃歎曰:味者乎?『三月』字誤,當作『音』字。此聖滯於物,安有聞《韶》雖美,直至三月不知肉。」」曰:「聖人不凝『不圖爲樂之至於斯也。」」曰:「聖人不凝『不圖爲樂之至於斯也。」」曰:「聖人不凝

也。《詩》、《書》、執禮,皆孔子素所常言也。也。」雅,雅素之雅,禮,當時所執行而非書「子所雅言,《詩》、《書》、執禮,皆雅言

溢也。唯天地之量,無得而損益,苟非聖不足算,若鍾鼎江河者,亦已大矣,然滿則河之量者,有天地之量者。斗筲之量者,固人有斗筲之量者,有鍾鼎之量者,有江

,孰能當之!

孟子曰:「我知言。」孟子不欲自言我剛。至大至剛之氣,在養之可以至焉。子曰:「棖也慾,焉得剛?」凡人有慾則無子曰:「吾未見剛者。」或曰:「申棖。」

卑而人益尊之、聖賢固有間矣。 孟子常自尊其道而人不尊、孔子益自

者也。 智欲 公侯干 不計 圓 其 董仲舒謂:「正其義不謀其利,明其道 「如臨深淵,如履薄冰」,謂小心也。「糾糾武夫」 而 功。」孫 行欲方。」可以法矣。今人皆反之 大 膽 思 邈 不 曰:「膽欲 爲 利回,不 大而 爲 義疾」,行之方 心欲小,

舍己從人,最爲難事。己者我之所有,也。「見機而作,不俟終日」,知之圓也。此言極有理。

雖痛舍之,猶懼守己者固而從人者輕也。

矣。所傳者子思、孟子,皆其學也。者,曾子也。觀其啓手足之時之言,可見了。參也魯。」然顔子没後,終得聖人之道

不守己也。「毋意」者,不妄意也。「毋我」者,循理

子曰「先進於禮樂,野人也」,言其質勝 必惑從周之説。 公惑從周之説。 公惑從周之説。 公惑從周之説。 子曰「先進於禮樂,君子也」,言其文質彬 文也,「後進於禮樂,君子也」,言其文質彬 文也,「後進於禮樂,君子也」,言其文質彬 文也,「其正於禮樂,野人也」,言其質勝

命也,言不受爵命而貨殖者,以見其私於利子曰:「賜不受命而貨殖焉。」命謂爵

一〇八

之深,而足以明顏子「屢空」之賢也。

是謂君子者乎? 徒能色莊者乎?」不可以言取人,今以論篤而與之,子曰:「論篤是與,君子者乎? 色莊

以「其言也訒」。
夷狄,不可棄也。」司馬牛多言而躁,故但告夷狄,不可棄也。」司馬牛多言而躁,故但告樊遲失於粗俗,聖人勉使爲仁,曰:「雖之可使南面。」對樊遲之問,亦是仁之目也,然可使南面。」對樊遲之問,亦是仁

能問也。 在也。孔子蓋欲憲疑而再問之,而憲未之 如有而不行焉,則亦可以爲難,而未足以爲 如有而不行焉,則亦可以爲難,而未足以爲 立伐怨欲,固爲仁已,唯顔子而上乃能之。

管仲之仁,仁之功也。

河

南程氏遺書第九

河南程氏遺書第十

先生語十

洛陽議論

蘇昞季明録

伯 則勤 是專爲 則好。」子厚謂:「此則在學者也。」 淳言:「雖自然,且欲凡事皆不恤以 子厚謂 閑 氣所使。」子厚謂:「此則自然 不得。」正 程卿:「夙興幹事,良由人氣 一叔謂: 「不可。 若此 也。」 恬養 則 清

才與至 誠,須二物只 而 才不足,才可以爲而誠 伯淳謂。「天下之士,亦有其志 誠 合一,方有 是一物。」伯淳言:「才而 濟。」子 不足。 厚謂:「 今 日 在 才 īF. 朝 與 廷 須

> 亦 誠 「只是一物」四字。 猶 出 於事爲,浮氣幾何 不 . 是 也。 若 非 至 . 誠, 而 雖 不 盡 有 也 忠 義 功 本無

其自處,必是有救之之術。」草,病未甚時可用也,病甚則非所能及。觀草,病未甚時可用也,病甚則非所能及。觀

多,●肯言及治體者,誠未有如子厚。」正叔謂:「某接人,治經論道者亦甚

饒,與民無害。 又側峻處,田 有坳垤處不管,只觀四標竿中間 「必先正經界,經界不正,則 只可用算法折 二程謂:「地形不必謂寬平可以 亦不甚美。 計 就 地 畝 夫之間 授 民。」●子厚謂 又經界必須正 ,所争亦不多。 法終不定。 地,雖不平 畫 方, 南 地 8

- 「治」下,涂刻本有小注「一作談」三字。
- 「畝」下,涂刻本有「以」字。
- 「謂」,原作「未」,今據涂刻本改。

地 形 有 寬 狹 尖 斜 經 界 則 不 澼 Ш 河

或五 之曲 北 假 , 其 七,或三四,或一夫,其實田 使 田 則 就 得 井處 爲 一井,不 能 數則 就 成 在 處

皆不害於畫之也。 之,無不可行者。 又或就不成 一夫 處,亦可計 如 苟如此畫定,雖便使暴 此,則 經界隨 百畝之數 Щ 隨 而 河, 授

專在 君 汙吏,亦數百年壞 ·秦時,其來亦遠,漸有壞矣。」 正叔云 不 · 得。 經界之壞,亦非

至如魯,『二吾猶

不足』,如何得至十一

無 也?」子厚言:「百 義 之徹。 畝 而 徹,言徹 而 耕,則: 取 功力均, 之徹 則

畝 且 數 相驅率,無一家得惰者。 7,是透徹 裒分之,以裒分之數,取十一之數,亦 透徹 及已收獲,則計

平直? 須是要『規矩』。」

可。 或謂:「井議不可輕示人,恐致笑及 有

議 也。」「若有 云 論 。」子厚謂:「有笑 如 有 能 X 聞 者,則己『願受 其説 ,取之以 有議 爲 論,則方 廛 己 而爲氓」, 功 心先 有 益 生

> 不足以 之道。又雖有『仁心仁聞』,而政不行者,不 某止欲成書,庶有取之者。」正叔言:「不 備,却在所以行之之道。」子厚言:「豈 都 均 於當時,行於後 可言民情怨怒,止論可不可 亦 「孟子於此善爲言。 由『先王之道也』。 ,則願者衆,不願 幸 無此怨怒,方可行。」正 也 爲政,徒法不能以自行」,須是行之 伯 淳 言 世,一也。」子 須是法先王。」正 只極目力,焉能 者 井 寡。」正叔言:「 田 叔言: 今 爾。」「須 取 厚曰:「『徒 民 「議 田 叔言: 使 盡 法 使 方圓 既 E 亦 貧 未

多。」又問: 與之,則無以别有 古之公卿。 「如文曾有田 程問:「官户 「其他 舊 極 有 多,只消 田 田 如 多者,與之采地 者、無田者。」 何?」「今之公卿,非 占 田 與五十里 過 制 者 如 采 何? 地 如 儘

人 ? 至不奪不曆。」 問何以利國,則説利不可言之理,極言之以 爲漢武帝言神仙之學,長年不足惜,言豈 焉?」子厚言:「堯夫 强兵後待做 人主? 聖賢之曉人,不如此之拙。 正 叔 如《周禮》,豈不是富國之術 説:「堯夫對上之詞,言陛 甚? 以 爲非是。 (抑上富强之説,正 此言安足 如梁 下 惠王 富 存 諭 口 猶 或

喜好之事爲之,不知只是合做。」不大,心大則做得大。」正叔言:「只是做一議,反以爲私説,何也?」子厚言:「只爲心議,反以爲私説,何也?」子厚言:「人爲心正叔言:「人志於王道,是天下之公

理,却於儒術未見所得。」如何觀得化? 嘗觀堯夫詩意,纔做得識道如何觀得化? 嘗觀堯夫詩意,纔做得識道一遭。」子厚言:「觀化他人便觀得自家,又一遭。」子厚言:「邵堯夫病革,且言試與觀化

正叔言:「蜥蜴含水,隨雨震起。」●子

厚言: 類,但 往茅山 致也? Ш 不害人也。」❷ 亦有之,其形狀 無他異,復爲小兒玩之致死。此爲魚蝦之 者則有應,今先懷不信,便非義 致雨?」正叔言:「伯淳守官 · 嵒,勑使人於水中捕得二龍,持之歸 :「未必然。 形狀差 請龍,辭之,謂祈請鬼神,當使信 今以 蜥蜴 異,如龍之狀爾。 同, 雹儘 求 只齧人有害,不如 雨 有 枉 大者 求 南 他 「, 豈 理。 此蟲, 方, 他 盡 既 長 又 蜥 茅 廣 到 吏 何 蜴 使 Ш 南 嚮 所 並 道

不必 便 十年騎馬 有 在 如 正叔言:「永叔詩:『笑殺穎陰常處士, 此 此説。」又言:「常秩 聽朝 鄉黨莫之尊也。」 雞。」夙 興 、趨朝、 晚 爲 非 利昏,元來 可笑之事

[「]震」,涂刻本作「雹」。

[「]也」下,涂刻本有小注「有害一作有毒」六字。

非 廉 指 養 恥 斥 之道 其 士 正 惡,如責不 叔 君子之意。 必斷言徒流杖數,贖之以 「今責 廉,則曰 如古人責其罪,皆不 罪 官 吏 温組 殊 豆 無 不脩』。」 養 士 銅 君 深 便 子

所

中

節

義

之官 叔言:「不可謂士大夫有不賢者,便爲朝 人不 有 人言:「今日 ·用賢· 也。 士大夫 未見賢者。」 正 廷

此 效已了 爲 報 彭 Ŀ 邪 汝 ? 之意已足?」 礪 懇 上冒天下 辭 臺職。 議論, 正 叔 言:「報上之 顯拔致此, 曾

非 此 其 但 人,只是從俗 正 叔 得其人,則事 言 禮院者,天下之事 而 己。 儘 可 以 考古立法; 無不 苟 關

不 上 頭 言 能 C結 髪 言 也 IE · 豈 叔言:「昏禮 結髮爲夫婦者,只是指 事 謂合髻子?」子厚云: 君 ,李廣言結髮 結髮 無 事 義、欲 匈 其 奴 八只言 去久矣, 少 小 非 也 禮 初

> 行 之,皆 謂 便 家 當 殊 去之。 得 如 俗 此。 也。 古 今無 人 至 凡 如 定 禮 朝 制 講 廷 每 修 之禮, 家各定, 已 定,家 皆 此 不 家

炎瘴, 欲 以 焚,破其 繼 月過嶺,以 前 時,又不候至秋涼迄冬,一 時不救應,放令縱恣,戰 近 未之有 死或逃, 再往 救兵,反 ,深至賊 點集,應急救援。 食嶺北, 正 朝廷以 也。 又 叔 竹 遂 論安南事:「當初邊上不便,令 寨幾 巢 瘴死者自數分。 無 爲 食積 不 猶 赤子爲憂,亦 舟 ,以栰渡 成 賊兵會 得 重,不 於 可 賊 功。 嶺 渡 辭 其時 南 合禽殺,吾衆 能 差順,遂得 所争者二十 Ŧi. 無 般 殺 得,復棹其 百 粮 運。 雖將 有 直趨寇, 至數萬。 及過 人過江,且 以 所 戍。 今乃 帥 不 境 有 恤 革 Ŧī. 又 此 無 空栰 詞 正 亦 今既 也 兵 里 救 謬 砍 粮 於 冒 可 耳。 算 承 或 續 以 後 逐 Ħ. 不 + 涉 其

者死八 當了 下三十萬口。 人生還,尚多病者,又先爲賊戮數萬,都不 萬 若 使其言猶未順 ,戰兵瘴死十一 其昏謬 無謀,如 萬 如 ,餘得二萬 何處之? 此甚 也 運 八 千 粮

言 非 凶。」正叔言: 鳩可以占吉凶耳。」 「此爲他誠實信之,所以就 有人言: 郭 但 璞 有 意 以 向 鳩鬭占吉凶。」子 此 便 可 而 以 占得 兆 也, 厚

盡

善。」

耕 可 理 有 問 日 而 知 壞 取 自 人欲 其 欲有之,大煞不識好惡。」子厚言:「昔年 可 如王 及 其 不 知 人 IE 然。 也。 爲范希文買緑野堂,希文不肯,識 如 叔 物 他 維 言:「郭逵新 何。 而有之,如何得安? 有 莊 在 如 之類。 力者致之,己則不可 韓王者,當代功臣,一 唐如晉公者,是可尊 後聞 人言欲買 獨 有晉公則 貴時,衆論喧 韓 不可 王宅,更不 取 在 一宅已 他 也 一然,未 人 寧 致 猶 使 道

> 亦能 事。 不 起,不起善矣,然猶 有幾人?❶ 今帥千人,能 正 一叔言: 管 嘗謂 使千 轄 人 夜驚 軍 亦 X 中 依 須 何 夜驚, 時 有 也 及 法 ? 節 亞夫 徒 得 亦是未 嚴 飯喫, 、堅配 不 濟

其先後,何用旋開卷呼名?」臣有愧色?」子厚言:「只先出榜,使之見進見? 何用二人把見趨走,得不使殿上大進見? 何用二人把見趨走,得不使殿上大正叔謂:「今唱名,何不使伊儒冠徐步

恁箇大肚皮。於子厚,却願奈煩處之。」 正叔言:「某見居位者百事不理會,只

「亦是自家規矩太寬。」叔言:「自是關中人剛勁敢爲。」子厚言:叔言:「自是關中人剛勁敢爲。」子厚言:「關中學者,用禮漸成俗。」正

正叔言:「某家治喪,不用浮圖。在

❶ 「亦」,涂刻本作「只能如此者」。

理 ? 洛 死者之前,至如慶禱,亦雜用之,是甚 之用螺鈸,蓋胡人之樂也,今用之死者之 僧必飯之,因使作樂於前。 側,是以其樂臨死者也。天竺之人重僧,見 如此事,被他欺謾千百年,無一人理 有 一二人家化之, 自不 今乃以爲 用 釋 氏 之於 道 義 塲

治。」子 伯 厚 淳 謂:「才 因 謂 與 此 誠 _ 何 物, 事 於仁,必 則 周 天 也 下 之 聖

叔 謂 :「老喜學者尤可 進 伯老 而 好學, 愛。 理 會 人 直 少出 是 到 則自當 底 正

> 乎 ? 聞 又年數之不多。 勉 乎? ,至於老矣,志 學不多,年數之不足,不猶愈於終不 力須 不曰『 倦 朝聞道 又 慮 學 夕死 之不 可矣』 能 及,

四

先後。」
已也?」子厚言:「十篇次叙,固自有語默間耳。」正叔謂:「若有他言語,又烏得語默問耳。」正叔謂:「若有他言語,又烏得

之處。 府。 也。 始 城之,或 分爲九州後 師保治於下邑? 城。」 孔安國 成周猶今言 正叔言:「成周 洛州有言中州、南州之名,恐是 是 6始言。 以成 其 始爲邑, 周爲下邑,非 西 白馬寺之所,恐是遷 成周,恐是舊 京 恐只是統名,雒 也 不爲 ,雒邑猶 城 也。 牆 城 今言 壞 豈 邑 故 是 而 作 頑 有 河 都 後 復 邑 民 以 南

者須是 道也。 是并萬物之性一齊盡得,如此然後至於天 性 此 理 至也?」 命與至於命, 義 便是至於命。」子厚謂:「亦是失於大快 ,則推類又盡 儘 (窮理爲先,如此則 其間煞有 有 次序。 儘有 人之性,既盡得人之性,須 事,豈有當下理會了? 須是窮理,便能 近遠,豈可以知便謂之 方有學。 盡 今言知 得己之 學

謂: 士人敦厚,東方亦恐難肯向 秦俗之化,亦先自和 正叔謂:「洛俗恐難化於秦人。」子 風。」 叔有力焉,亦 是 厚

周室亦恐不遠於今之宫闕也。」 穀、洛相合處在七里店南,既言毀王宫, 正叔辨周都言:「穀、洛鬭, 毁王宫, 則

之事 之果然,其救世之志甚誠 儘 子厚謂:「昔嘗謂伯淳優於正叔,今見 记得 熟。」 切,亦於今日天下

> 往爾。」 |叔言:「何必然? 居,與學者講論 子厚言:「今日之往 ,資養後生 義當來則 來, 力却 俱 來,當 無 成 益 得 往 不 事 如 則

正

閒

可知。 此 知之爲艱,然至於伎術能否,人情善惡, 則不 可 惟以秦武 知。 陽殺 人於市,見秦始皇懼

程言:「人不易知。」子厚言:

「人誠

便

河 南 程 氏遺書第十

Ŧī.

河南程氏遺書第十

地之間。

其爲氣也,配義與道,無是餒也。

是集義所生者,非義襲而取之也。」

氣

也,至大至

一剛,以

直養

而

無害,則塞乎天

明道先生語一

師訓

劉絢質夫録

!也。君德即天德也。 「毋不敬,儼若思,安定辭,安民哉」,君

「思無邪。」

德

「敬以直内,義以方外,敬義立而德不

孤。」德不孤,與物同,故不孤也。

「夫子之道,忠恕而已矣。」

聖人以此齊戒,以神明其德夫

「天命之謂性,率性之謂道,脩道之

謂教。」

孟子曰:「我善養吾浩然之氣。其爲

平」之道。
 一本也。知不二本,便是「篤恭而天下包心,以至誠參天地,不若以至誠體人物,也,以至誠參天地,不若以至誠體人物,

「範圍天地之化而不過」者,模範出

天地爾,非在外也。如此曲成萬物,豈有

來只此是道,要在人默而識之也。也,而曰道者,惟此語截得上下最分明,元曰:「一陰一陽之謂道。」陰陽亦形而下者地之道曰柔與剛,立人之道曰仁與義。」又者謂之器。」又曰:「立天之道曰陰與陽,立者謂之器,又曰:「形而上者謂之道,形而下

之。」不兩則無用。
剛,立人之道曰仁與義,兼三才一之也。而兩剛,立人之道曰仁與義,兼三才一之也。而兩

敬則無間斷,「體物而不可遺」者,誠敬而已「天地設位而易行乎其中」,只是敬也。

「純亦不已」,純則無間斷。命,於穆不已,於乎不顯,文王之德之純」,矣,「不誠則無物」也。《詩》曰:「維天之

上帝。「毋不敬,儼若思,安定辭,安民哉」,君上帝。「毋不敬,儼若思,安定辭,安民哉」,君以對越之者,以仲弓爲可以事斯語也。「雍也可使民如承大祭」,此仲弓之問仁而仲尼所以告民如承大祭」,此仲弓之問仁而仲尼所以告

也。釋氏,內外之道不備者也。「敬以直內,義以方外」,「合內外之道「祭如在,祭神如神在。」

必於是」。 自下而達上者,惟「造次必於是,顛沛

克勤小物最

難

也,故不能無憂,天則「不爲堯存,不爲桀「鼓萬物而不與聖人同憂。」聖人,人

亡」者也

咸、恒、體用也。 體用無先後。

「《易》窮則變,變則通,通則久。」

天則不言而信,神則不怒而威。

顔子默識,曾子篤信,得聖人之道者,

一人也。曾子曰:「吾得正而斃焉,斯已矣。」

理則「極高明」,行之只是「中庸」也。 天地之正氣,「恭作肅」,肅便雍也。

《中庸》言誠便是神。

天人無間斷。

耳目能視聽而不能遠者,氣有限耳,心

則 無遠近也。

學在誠知誠養。

學要信與熟。

正己而物正」,大人之事,學須如此。

敬勝百邪。

萬物皆備於我矣,反身而誠,樂莫

大焉。」

欲當大任,須是篤實。 「大人者,與天地合其德,與日月合其

明」,非在外也。

「失之毫釐,繆以千里」,深可戒慎。

「平康正直。」

聖乎! 固仁也,而仁不足以盡之,故曰:「必也 取譬者,可謂仁之方也已。」博施而能濟衆, 「己欲立而立人,己欲達而達人,能近

能 也。若以敬直内,則便不直矣。行仁義豈 者,人此者也。 曰:「敬義立而德不孤。」是以仁者無對,放 有直乎?「必有事焉而勿正」,則直 也。」《中庸》所謂「率性之謂道」是也。仁 敬以直内,義以方外」,則與物同矣。 孟子曰:「仁也者人也,合而言之道 「敬以直内,義以方外」,仁 也。

體仁之名也。一本「醫」字下別爲一章。準,放之北海而準。醫家言四體不仁,最能之東海而準,放之西海而準,放之南海而

天地一物也,而人特自小之,何耶?觀,此二元者善之長也」,斯所謂仁也。人與之性,中之性猶人之性,則非也。萬物之生意最可之性,生之謂性」。告子此言是,而謂犬之性猶牛化醇」,「生之謂性」。告子此言是,而謂犬之性猶牛

至誠可以贊化育者,可以回造化。人賢不肖,國家治亂,不可以言命。

無速,亦無至,須如此言者,不如是不足以「惟神也,故不疾而速,不行而至。」神

形容故也。

之,足之蹈之也。 然,非有安排也。每中夜以思,不知手之舞然,非有安排也。每中夜以思,不知手之舞

老子之言,竊弄闔闢者也。

别立一天,謂人不可以包天,則有方矣,是神也。「神無方」,故「易無體」。若如或者冬寒夏暑,陰陽也,所以運動變化者,

二本也。

「窮理盡性以至於命」,一物也。

「窮神知化」,化之妙者神也。

天地只是設位,易行乎其中者神也

則濁者非神乎?

氣外無神,神外無氣。

或者謂清者神,

安排布置者,皆非自得也。 大抵學不言而自得者,乃自得也,有

地閉,一 不息,謂之無 多「無」字。有無與動静同。如冬至之前天 言「有無」,則多「有」字,言「無無」, 可謂 静矣",而日月星 動可乎? 但 人不識 辰亦自 有 運 無 動 丽 則

正名,聲氣名理,形名理。名實相須。一事

静

爾

_

苟,則其餘皆苟矣。

忠信者以人言之,要之則實理也。

動以天,安有妄乎? 動以人,則有妄矣。加,安可往也,往則妄矣。無妄,震下乾上,育萬物」,各使得其性也。無妄則一毫不可與无妄,天性豈有妄耶? 聖人「以茂對時與无妄」,天下雷行,付

有當報者,則是循理而已。 「犯而不校」,校則私,非樂天者也。犯

「意」者任意,「必」者必行,「固」者固

「綏之斯來,動之斯和」,聖人之神化,執,「我」者私己。

上下與天地同流者也。

已。」如「鳳凰來儀」、「百獸率舞」之事,三代《禮》云:「後世雖有作者,虞帝弗可及

《泰誓》、《武成》稱一月者,商正已絶,

以

降無此也

周正未建,故只言一月。

常則不易,惟中不足以盡之,故曰「中庸」。則爲禽獸,爲夷狄,中則爲人。中則不偏,中之理至矣。獨陰不生,獨陽不生,偏

去。 陰陽盈縮不齊,不能無差,故曆家有歲

差法。

亦自别也。日月星辰皆氣也,亦自别。 古今異宜,不惟人有所不便,至於風氣日月薄蝕而旋復者,不能奪其常也。

蓋亦有其理故也。治亂,聖人必示可易之道,豈徒爲教哉?治亂,聖人必示可易之道,豈徒爲教哉?

甚人言,亦不動。待人之言爲是,何自得之有?知已遠矣。佛氏言印證者,豈自得也?其自得者,雖隅,舉其近。若夫「告諸往而知來者」,則其曰:「舉一隅不以三隅反,則不復也。」言三曰。學要在自得。古人教人,唯指其非,故

作

也

從周」之文不悖。「從先進」則爲時之弊言「行夏之時,乘殷之輅,服周之冕」,與

之,彼各有當也。

後可以踐形。」如此,方足以稱成人之名。 後可以踐形。」如此,方足以稱成人之名。 想,申求之藝」,備此數者,而「文之以禮樂, 之言,亦可以爲成人矣」。又曰「今之成人者何必然。 見利思義,見危授命,久要不忘平生然。 是言忠信也。 思信者實也,禮樂者文也。語成人之名,自 思信者實也,禮樂者文也。語成人之名,自 思信者實也,禮樂者文也。語成人之名, 與一「文之以禮樂,

逆之則難,各循其理,何勞於己力哉?也,故好是懿德。」萬物皆有理,順之則易,秉彝,好是懿德。」故有物必有則,民之秉彝「《詩》曰:『天生蒸民,有物有則,民之

人心莫不有知,惟蔽於人欲,則忘天德

誠知道,則豈以夕死爲可乎?曰:「朝聞道,夕死可矣。」死生亦大矣,非曰:「朝聞道,夕死可矣。」死生亦大矣,非皆實理也,人知而信者爲難。孔子

遠乎? 人只要知此耳。陽長則陰消,善增則惡減。斯理也,推之其善萬物莫不有對,一陰一陽,一善一惡,

可爲者,爲之而已矣。
者。孔子蓋曰:「耕也,餒在其中矣。」唯理子告之亦不如此。或疑如此亦有不得禄子所以告子張者也。若顏、閔則無此問,孔子所以告子張者也。若顏、閔則無此問,孔

於所事 辄,若納蒯聵則失職,與辄拒父則不義, 而 辄避位,則 也其死矣。」二者蓋皆適於義。孔悝受命立 退 可 孔子聞衛亂,曰:「柴也其來乎! 也。 拒蒯聵可 故子路欲勸 而孔悝既被脅矣,此子路不得 也,如辄拒父,則奉身 孔悝無 與於此,忠 如 由

聖人所當罪也,而《春秋》不書,事可疑耳。子郢志可嘉,然當立而不立,以致衛亂,亦不死耳。然燔臺之事,則過於勇暴也。公

「事君數,斯辱矣。朋友數,斯疏矣」。

數者,煩數也。

遠」異者,動以天爾。者體,恕者用,大本達道也。此與「違道不人道。忠者無妄,恕者所以行乎忠也。忠人道。忠者無妄,恕者所以行乎忠也。忠心,以己及物,仁也。推己及物,恕也。違以己及物,仁也。推己及物,恕也。違

「必有事焉而勿正,「事」者,「事事」之「事」。

志動氣者十九,氣動志者十一。

心勿忘勿助長」,養氣之道當如此

「祖考來格」者,惟至誠爲有感必通。

大凡出義則入利,出利則入義。天下行法以俟命」,「朝聞道夕死」之意也。「動容周旋中禮」者,盛德之至,「君子

之事,惟義利而已。

湯、武反之身之者,學而復者也。

由,所從之道也。察其所安。」志意所安也,所存也。「視其所以,以,用也,所爲也。觀其所由,

所似。 子夏信道,曾子明理,故二子各有烟,北宫黝或未能無懼。故黝不如施舍之「守懼,北宫黝或未能無懼。故黝不如施舍之「守

如此則能無畏懼而動心乎? 故孟子曰:公孫丑謂夫子加齊之卿相,得行道焉,

人心不得有所繫。

否,我四十不動心。」

「剛」者强而不屈,「毅」者有所發,「木」

者質樸,「訥」者遲鈍。

文過則奢,實過則儉。奢自文所生,儉自實文者,華也,末也。理是一物,文是一物。禮者,理也,文也。理者,實也,本也。

奢也寧儉。」言儉近本也。此與形影類矣。推此所出。故林放問禮之本,子曰:「禮,與其

,則甚有事也

人制行不以己,言則是矣,而理似未盡於此人制行不以己,言則是矣,而理似未盡於此君子得其大矣,一作「者」。安可使小者亦大君子得其大矣,一作「者」。安可使小者亦大君,一心而處之,必得其要,斯可矣。然則古人處事,豈不優乎!

氣者鮮也。 今之人以恐懼而勝氣者多矣,而以義理勝今之人以恐懼而勝氣者多矣,而以義理勝一有「志」字。則憒亂矣。

以 者爾,「不知命無以爲君子」是矣。 天,則不須言知命。 輔 義, 樂天知命」,通上下之言也。 一循 於義, 知命者,知有命 則 何庸 斷之以 命哉? 命者所 聖人樂 而 信之

若夫聖人之知天命,則異於此。

「仁者不憂」,樂天者也。

「孝弟也者,其爲仁之本與!」言爲仁

之本,非仁之本也。

懼」,學之序也。知以知之,仁以守之,勇以之序也。「知者不惑,仁者不憂,勇者不「仁者不憂,知者不惑,勇者不懼」,德

與萬物者,謂之天命。 言天之自然者,謂之天道。言天之付

行之。

德,乃卦之韞也。 實一也。「性之德」者,言性之所有,如卦之

「肫肫其仁」,蓋言厚也。

體中便誠者,雖亦是自明而誠,謂之「致曲」自明而誠,雖多由「致曲」,然亦有自大

則

不可。

所以勸士。」言盡其忠信而厚其禄食,此所不察矣,忠厚之至也。故曰:「忠信重禄,「體群臣」者,體察也,心誠求之,則無

以

勸士也

也。若「智者利仁」,乃先得後事之義也。也。「先難後獲」,先事後得之義也,仁之事「敬鬼神而遠之」,所以不黷也,知之事

中」,所以行之。用也。理也。「惟精惟一」,所以至之。「允執厥理也。「惟精惟一」,所以至之。「允執厥「人心惟危」,人欲也。「道心惟微」,天

也。

敬則誠。

「仁者其言也訒」,難其出也。

治道在於立志,責任求賢。

「知、仁、勇」三者,天下之「達德」,學之

要也。

操約者,敬而已矣。

顔子不動聲氣,孟子則動聲氣矣。

无妄,震下乾上。聖人之動以天,賢人

哉 ? 爾。 之動 無我,則聖人也。 「不遷怒,不貳過,無伐善,無施勞」, 以人。 惟只在於此間爾,蓋猶有己焉 若 . 顔 顔子切於聖人,未達一息 子之 有不 善, 豈 如 至於 衆 人

子曰:「語之而不惰者,其回也「三月不違仁」者,此意也。

與!

「誠者天之道」,敬者人事之本。 敬者用顔子之不惰者,敬也。

孫,順也,不止於言。 質」,則「禮以行之,孫以出之,信以成之」。 「敬以直内」,則「義以方外」。「義以爲

A.D.o. 片葉及語,建夏前加至?誠則無物,且「出入無時,莫知其鄉」者,人誠則無物,且「出入無時,莫知其鄉」者,人理人言忠信者多矣,人道只在忠信,不

「和順於道德而理於義」者,體用心也。若無忠信,豈復有物乎?

學者須識聖賢之體。聖人,化工也。「和順於道德而理於義」者,體用也。

志者,有德之言也;言聖人之事,造道之有有德之言,有造道之言。孟子言己

言也。

之也。

持天下者也。 持天下者也。

器與鬼器等,則非所以盡誠而失其本矣。祭者所以盡誠。或者以禮爲一事,人

年之服,禮之至,義之盡也。禮者因人情者也,人情之所宜則義也。

致知養氣。

河南程氏遺書第十一

能也。」 均也,爵禄可辭也,白刃可蹈也,中庸不可均也,爵禄可辭也,白刃可蹈也,中庸不可

子貢之知,亞於顏子,知至而未至「生生之謂易」,生生之用則神也。

成物之氣也,故有所革。别一般氣。至於戊己,春夏生物之氣已備。庚者,秋冬甲者,事之始也。庚者,有所革也。自甲乙事,「後甲三日」,以究其將然而爲之防。「先甲三日」,以窮其所以然而處其

不可解者也,其佗皆不可如是之固也。 王用亨于岐山。」唯太王之事,民心固結而也,故曰:「拘繫之,乃從維之,又從而維之。《隨》之上六,才與位皆陰,柔隨之極

刺,歌誦之以知善惡治亂廢興。禮者所以學之興起,莫先於《詩》。《詩》有美、

<u>-</u>

而威。至於如此,則又非手舞足蹈之事也。久則天,天則神,天則不言而信,神則不怒之舞之足之蹈之也。若夫樂則安,安則久,則生矣,生則惡可已也。惡可已,則不知手立也,「不學禮無以立」。樂者所以成德,樂

有子矣。平。婦人樂有子,謂妾御皆無所恐懼,而樂平。婦人樂有子,謂妾御皆無所恐懼,而樂《螽斯》惟言不妬忌,若《芣苢》則更和

居仁由義,守禮寡欲。

「君子上達,小人下達。」下學而上達,

意在言表也。

稱」,謂無善可稱耳,非狥名也。者,則狥名爲虚矣。如「君子疾没世而名不有實則有名,名實一物也。若夫好名

二六

焉。」不誠則逆於物而不順也。 「萬物皆備於我矣,反身而誠,樂莫大

也闢」,發散。不翕聚則不能發散。柔,「不柔」,一作「歸」。「其静也翕,翕聚。其動能直遂。坤,陰一有「物」字。也,不静則不静也專,專一。其動也直」,直遂。不專一則不静也專,專一。其動也直」,直遂。不專一則不

150

「致知在格物。」格,至也。或以格爲止

物,是二本矣。

人須知「自慊」之道。

乾元者,始而亨者也。利貞者,性情

❷ 「綌絺」,陳刻本、涂刻本互乙。 ● 「綌」,涂刻本作「綌」。

也。 也。」性情猶言資質體 不有其功,常久而不已者,貞也。 段。 亭毒化育 《詩》 皆利

曰「維天之命,於穆不已」者,貞也。

道也。 者,皆天氣也。惟無成而代有終者,地之 天氣不下降。天氣降而至於地,地中生物 虧,然月之光乃日之光也。 天地日月一般。月受日光而日不爲之 地氣不上騰,則

隨 又如此,故後世莫可及也。 用 世决可復,不以三代爲治者,終苟道也。 可及已。 其時而已矣。 亦異宜。 識變知化爲難。 蓋當是時風 是以聖人通其變,使民不倦,各 後世 古今風氣不同,故器 氣未開,而虞帝之德 雖有作者,虞帝爲不 若三代之治,後

妍媸 在 動 乎血氣者,其怒必遷,若鑑之照物, 彼 隨物以應之,怒不在此, 何遷

> 聖人之言,冲一作「中」。 和之氣 也, 貫徹

上下。

功也。 r功 自 人須學顏子。有顏子之德,則孟子之 有。 一作「立」。 孟子者,禹、稷之事

事

《中庸》之言,放之則彌六合,卷之則退

藏於密。

累於己爾。 桀亡」者也。 不加焉,雖窮居不損焉」,「不爲堯存,不爲 藏,惟我與爾有是夫!」「君子所性,雖大行 孔子謂顔淵曰:「用之則行,舍之則 「用之則行,舍之則藏」,皆不

與聖人同爾。 回也非助我者也,於吾言無所不悦」,

足也。 心,不足以合天心」者也 人須知「自慊」之道。 若有所不足,則張子厚所謂「有外之 「自慊」 者, 無不

一二八

之則。」不作聰明,順天理也。「文王陟降,在帝左右,不識不知,順帝

厥

靈根。」《測》曰:「藏心

於淵

,神不外也。」

信

無

不

在乎中。」《

養》首

-:

藏

心

於淵

「赤舄几几」,盛德之容也。終始一也。稱公孫云者,言其積德之厚,凡几。」取狼爲興者,狼前後停,興周公之德「狼跋其胡,載疐其尾,公孫碩膚,赤舄

餘,止乎禮義者節也。 「《詩》者,志之所之也。」有節故有足,不知手之舞之足之蹈之也。」有節故有嗟歎之,嗟歎之不足,故咏歌之,咏歌之不嗟,故嗟歎之,嗟歎之不足,故咏歌之,咏歌之不以,以,此乎禮義者節也。

故食 日月 相當 之
告
,
皆 月不受日光故食。不受日光者,月正 ,陰盛亢陽也。 可 鼓也。 鼓者所以助陽。 月不下 Ħ, 與日 Œ 然則 相 對

《太玄・中》首中:「陽氣潛萌於黄宫,季冬行春令,命之曰逆者,子尅母也。

顏子短命之類,以一人言之,謂之不幸楊子雲之學,蓋嘗至此地位也。

有。 群聖人言之,則天地之間亦富有餘 人 位,則是化工之全爾。以孔、顔言之,於 家言之則有餘矣。若孔子之至德,又處 而二人貧賤,以二人言之則不足,以父 退。譬如一家之事,有子五人焉,三人富 可 有所不足,以堯、舜、禹、湯、文、武、周 也,以大目觀之,天地之間無損益,無 也。「惠迪吉,從逆凶。」常行之理 也 一作亦云富 母 盛 貴 進

要識得真與妄爾。視聽、思慮、動作皆天也,人但於其中

周也。「如有用我者,吾其爲東周乎?」言不爲東「如有用我者,吾其爲東周乎?」言不爲東東周之亂,無君臣上下,故孔子曰:

履已定,但行其志爾,故曰「獨行願」也。「素履」者,雅素之履也。初九剛陽,素

祥,周至則善吉也,故曰「其旋元吉」。 「視履考祥」,居履之終,反觀吉凶之

「比之無首凶」,比之始不善則凶。

是也。「豶豕之牙吉」,不去其牙而豶其勢,則

而作,何俟終日哉?「介于石」,理素定也。理素定,故見幾

豫者備豫也,逸豫也。事豫故逸樂,其

義一也。

謙者治盈之道,故曰:「裒多益寡,稱

物平施。」

凡爲人言者,理勝則事明,氣勝則

招怫。

感慨殺身者易,從容就義者爲難。

「成性存存,道義之門」,道無體,義有

方也。

無失浸盡。 當當,直上直下之正理,出則不是,唯敬而當當,直上直下之正理,出則不是,唯敬而

無失最盡。

孟子謂:「必有事焉,而勿正,心勿忘,

天者理也,神者妙萬物而爲言勿助長。」正是著意,忘則無物。

新从三至京门YP。 天者理也,神者妙萬物而爲言者也。

帝者以主宰事而名。

《易》要玩索,「齋戒以神明其德夫」。

前,在輿則見其倚於衡,夫然後行。」只此是行不篤敬,雖州里行乎哉! 立則見其參於信,行篤敬,雖蠻貊之邦行矣。言不忠信,故「切問而近思」,則「仁在其中矣」。「言忠敬」。近裏,著己而已,學只要鞭辟一作「約」。近裏,著己而已,

❶ 「招怫」下,涂刻本有小注「一本作氣忿則招怫」八字。

學質美者 同 體。 其次惟莊敬持養,及其至則一也 明 得 盡,查滓 便 渾 化,却 與天 地

下云:「子路有聞,未之能行,惟恐有聞。」 人最可畏者是便做,要在燭理。一本以

宰予晝寢」,以其質惡,因是而言。

殖也。 來事。 言「夫子之言性與天道不可得而聞」,乃後 貢「不受天命而貨殖,億則屢 億」。聰明億度而知,此子貢始時事,至於 顏子「屢空」,空中一作「心」。 受道。 其言如此,則必不至於不受命而 中」,役一作 子 貨

兹乎」,此聖人極斷置以理 「天生德於予」,及「文王既没,文不在

箇誠,何助之有?

子,聖人以爲己任。 「文不在兹」,言文未嘗亡。唱道在孔

也,至於「性與天道」,則子貢亦「不可得而 「《詩》、《書》、執禮皆雅 言。」 雅素 派所言

> 聞 」,蓋要在 默 而 識之」也

「君子坦蕩蕩」,「心廣體胖」。

爲忠,循物無違謂信,表裹之義也

盡己之謂忠,以實之謂信。發己自盡

理義,體用也。理義之說我心。

居之以正,行之以和

所不見也。 止於恩,君臣止於義之謂。「艮其背」,止於 「艮其止,止其所也。」各止其所,父子

後天而奉天時」之謂也,非謂贊助。 只有一 天地參」。 贊者參贊之義,「先天而天弗違, 「至誠」「可以贊天地之化育,則可 以與

之」,則「可與存義也」。「知至至之」主知,「知終終 乃吉之先見,故曰「可與 未至爾。「知至而至之」者,知至而往至之, 知至則便意誠,若有知 幾也」。 而不誠者,皆知 。「知終而終

業」者,乾道也。「敬以直内,義以方外」者,「忠信所以進德,脩辭立其誠所以居

「脩辭立其誠」,文質之義。

只在公私之間爾

坤

道也。

而歲成焉。」也。「寒往則暑來,暑往則寒來,寒暑相推也。「寒往則暑來,暑往則寒來,寒暑相推一事生,中無間斷。「碩果不食」,則便爲復善息訓爲生者,蓋息則生矣。一事息,則

氣象。

測之謂神。」要思而得之。
「日新之謂盛德,生生之謂易,陰陽不

法、平價、謹權量,皆不可闕也。 人各親其為政須要有綱紀文章,先有司、鄉官讀

推此 才而舉之?」子曰:「舉爾 親 人其舍諸?」便見仲弓與聖人用心之大小。 ,然後能 起義,則 不 一心可 獨 親 其親。 以 喪邦, 仲弓曰 所知, 心可 爾 所不 「焉 以 興 知賢 · 知,

未仁,故以切己之事答之。曰:「居之無倦,行之以忠。」子張常過高而利。」子夏之病,常在近小。子張問政,子利。子夏問政,子曰:「無欲速,無見小子夏問政,子曰:「無欲速,無見小

「其爲氣也,配義與道。」道有冲漠之

齋戒,以神明其德夫」。 「聖人以此洗心退藏於密」,「聖人以此

河南程氏遺書第十一

南程氏遺書第十一

泂

Ξ

河南程氏遺書第十二

明道先生語二

戍冬見伯淳先生洛中所聞 劉絢質夫録

其次,則「日月至焉」者矣。 顛沛必於是」,「三月不違仁」之氣象也,又順沛必於是」,「三月不違仁」之氣象也,又

無 則亦無始,亦無終,亦 百姓日用而不知,故君子之道 曰:「仁者見之謂之仁,知者見之謂之知, 之者善也」,出道則有用,「元者善之長」也。 成之者」却只是性,「各正性命」者也。 ,亦無有處有,亦無無處 「一陰一陽之謂道」,自然之道也。 無 因 無。 甚有,亦無因甚 鮮矣。」如 繼 此, 故

者敗以取禍」,則乃是教也。養」之「生」,却是「修道之謂教」也。至下文始自云「不能也。「人之生也直」,意亦如此。若以「生」爲「生也。「民受天地之中以生」,「天命之謂性」

乎? 者,且謂之中,不可捉一箇中來爲中。 其中」,豈可只以今之《易》書爲易乎? 無中乎? 若以中外之中爲中,則外 且唤做中,若以 如「生生之謂易,天地設位 四方之中爲中,則 而 易 面 行 四 無 乎 邊 中 中

「其」字當玩味,自有深意。 其樂」。簞瓢陋巷非可樂,蓋自有其樂耳。 顔子在陋巷,「人不堪其憂,回也不改

「在止於至善」,反己守約是也。「大學之道,在明明德」,明此理也,

子事。 楊子出處,使人難説,孟子必不肯爲楊

舜氣象也,誠「異三子者之撰」,特行有不揜孔子「與點」,蓋與聖人之志同,便是堯、

于中国则从澧山之道,更中是宣气及之。只爲不達「爲國以禮」道理,所以爲夫子笑,焉者,真所謂狂矣。子路等所見者小。子路

若知「爲國以禮」之道,便却是這氣象也。

化爾。人當學顏子之學。一作「事」。 人之學,當以大人爲標垛,然上面更有

著力處。如「成於樂」,「樂則生矣」之意同。「窮理盡性」矣,曰「以至於命」,則全無

才,六年中待作多少事,豈肯如此? 起,則子貢之志亦可見矣。他人如子貢之之鈍矣。觀其孔子没,築室於場,六年然後夫子如此之久,方歎「不可得而聞」,亦可謂蓋於是始有所得而歎之。以子貢之才,從蓋於是始有所得而歎之。以子貢之才,從夫子之言性與天道,不可得而聞也。」子貢曰:「夫子之文章,可得而聞也,

中 幾乎息矣。」易畢 乾坤毁 生生之謂易,天地設位而易行乎 則 無 以見易,易不可 竟是甚? 又指 見,乾 加 言曰 坤 其 聖 或

是甚物? 人能至此深思,當自得之。深且明矣,終無人理會。易也,此也,密也,人以此洗心退藏於密」,聖人示人之意至此

間爾。若孔子,乃在其中焉,此未達一間也。孔子甚遠,顔子瞻之,只在前後,但只未在中道之無窮也;「瞻之在前,忽焉在後」,他人見頭子曰「仰之彌高,鑽之彌堅」,則是深知

知得力處。 凡人才學,便須知著力處,既學,便須「成性存存」,便是「道義之門」。

河南程氏遺書第十二

程 全 書

河 南程氏遺書第十三

明 道先生語三

亥八月見先生於洛所聞

劉 絢 質夫録

服 」,明無罪者有服也 公族有罪,磬于甸人,如其倫之喪,無

字。 所以害尤甚。 老一作「氏」字。 墨氏「兼愛」,疑於義。 故孟子則闢楊、墨,爲其惑世之甚 之害、甚於楊、墨、楊氏「爲我」、疑於仁。 楊、墨之害,甚於申、韓,佛、老一無「老 其言近理,又非楊、墨之比,此 楊墨之害,亦經孟子闢之,所 申、韓則淺陋易見。 也。 佛、

見也。

禮》云「惟祭天地社稷爲越紼 而行

以

有所不能祭爾 行之,宜亦可也。 蓋 未葬 時,哀戚方甚,人 事」,似

亦太早。

雖不

以 卑

廢 尊

,若既

葬

而

曰 之,四凶有罪而誅之,各止其所也。 止,安知止乎? 「艮其止,止 其所也。」八元有 吴本「罪」作「惡」,「誅」作「去」。 善 釋 加 氏 只 舉

釋氏無實。

聖人之道,則如 去,惟見一偏,不見四旁,故皆 釋氏説道,譬之以管窺天,只務直上 在 平野之中, 四 不能處 方莫不

是也。若「存心養性」一段事則無矣。 「盡其心者,知其性也。」彼所謂 上達 元不相連屬,但有間 而 釋氏本怖死生,爲利豈是公道? 無下學,然則其上達處,豈有是 斷,非道也。 「識心見性 孟子曰: 彼固 也? 唯務

曰出家獨善,便於道體自不足。一作「已非矣」。

此,怖令爲善。」先生曰:「至誠貫天地,人或曰:「釋氏地獄之類,皆是爲下根之人設

曾子易簣之意,心是理,理是心,聲爲

尚有不化,豈有立僞教而人可化乎?」

律,身爲度也。

灑埽應對便是形而上者,理無大小故

也。故君子只在慎獨。

仲知也,孟公綽仁也,卞莊子勇也。若孔子所謂「成人」,亦不出此三者。臧武知之明,信之篤,行之果,知仁勇也。

河南程氏遺書第十三

河南程氏遺書第十四

明道先生語四

亥九月過汝所聞

劉絢質夫録

在仗忠信,只不忠信,便是不善處也。」之相愛者,相告戒,必曰凡事當善處。然只為問:「先生相别,求所以教。」曰:「人

人之道也。」「爲己爲人」,吴本作「治己治人」。事,惟有此二者,餘無他爲。二者,爲己爲「《蠱》之《象》,『君子以振民育德』。君子之不無人治園圃,役知力甚勞。先生曰:

是徹上徹下之道。「仁在其中矣」? 學者要思得之,了此,便「仁在其中矣」? 學者要思得之,了此,便以言「博學而篤志,切問而近思」,何以言

弘,則無以居之。」《西銘》言弘之道。

遠。」先生曰:「弘

而不

毅,則

難立;

毅

而

不

曾子曰

:

士

不可

以

不

弘

毅

3、任重

而

道

讀書要玩味。

《中庸》始言一理,中散爲萬事,末復合

爲一理。

苟不至德,至道不凝焉。」皆是一貫。儀三百,威儀三千,待其人而後行。故曰:乎,發育萬物,峻極于天。優優大哉! 禮平,發育萬物,峻極于天。優優大哉! 禮洋

是至言。」 持國曰:「若有人,則豈不信? 蓋必有生 明知天矣;存其心,養其性,所以事天。」便 即若,然未之見也。凡云爲學者,皆爲此以 下論。孟子曰:『盡其心者知其性也,知性 下論。子之見也。凡云爲學者,皆爲此以 是至言。」

三六

佛氏不識陰陽、晝夜、死生、古今,安得

謂形而上者與聖人同乎?

德便可語王道,其要只在慎獨。 佛言前後際斷,「純亦不已」是也,彼安 一人。」 一人。 「《詩》曰:『維天之命,於穆不已。』 蓋曰天之所以爲天也。 一人之心,於穆不已。」 蓋曰天之所以爲天也。 一人之心,於穆不已。」 蓋曰天之所以爲天也。 「於乎不顯,文王之德之純。」 蓋曰文王之所以爲文也。 「於乎不顯,文王之德之純。」 蓋曰文王之所以爲文也。 (《詩》曰:『維天之命,於穆不已。』 蓋曰天之所以爲天也。 (《詩》曰:『維天之命,於穆不已。』 蓋曰天之所以爲天也。 (《詩》曰:『進者如斯夫!如爲文也,純亦不已」是也,彼安

人之學不進,只是不勇。

事言,似不同。」曰:「同。《繫辭》雖始從天或問:「《繫辭》自天道言,《中庸》自人

《詩》曰:「神之格思,不可 思。」夫微之顯,誠之不可揜,如 聞,體物而不可遺,使天下之人齋明盛服以 爲德,其盛矣乎! 言而信,存乎德行。』《中庸》亦曰: 地 承祭祀。 陰 陽鬼神言之,然卒曰:『默 洋洋乎如在其上,如在其左右。 視之而不見,聽之而 度 思, 此夫!]是 而 『鬼神之 成之,不 矧 可 射 不

豊不同?」

「樂則行之、憂則違之」、樂與憂皆道人多言廣心浩大、然未見其人也。

也,非己之私也。

費力,非自然也,故失之遠。 人循理,故平直而易行。異端造作,大小大分。佛氏總爲一己之私,是安得同乎? 聖聖人致公,心盡天地萬物之理,各當其

《易》中只是言反覆、往來、上下。

伊尹曰:「天之生斯民也,使先知覺後

三八

河

南程氏遺書第十五

密是甚?

河南程氏遺書第十五

爲本。

六經之言,在涵畜中默識心通。

精義

伊 川先生語

入 關 語 録或云: 明道先生語

志,氣之帥」,不可小觀。

知知,仁守,勇决。

涵養吾一。

浩然須要實識得他剛大直,「不習無不利」。 主一無適,「敬以直内」,便有浩然之氣。

敬即便是禮,無己可克。

大而化,則己與理一,一則無己。

安有 致知則 識 有知,有知則能擇。 得《易》後,不知「退藏於密」?

無不通。

物則

一作「即」。

事也,凡事上窮極其

理,

道無精粗,言無高下。

則

有主則虚,無主則實,必有所事。

知不專爲藏往,《易》言「知來藏 往 主

蓍卦而言。

是神,不必言作用。「三十輻共一轂」, 物形便有大小精粗,神則無精粗。 則 神 爲 則

車。 若無轂輻,何以見車之用?

理,則漸久後天下之物皆能窮,只是 要在明善,明善在乎格物窮理。 人患事繋累,思慮蔽固,只是不得其要。 窮至於物 一理。

定。要作得心主定,惟是止於事,「爲人君止 於仁」之類。如舜之誅四凶,四凶 人多思慮不能自寧,只是做他心主不 已一作「他」。

一三九

作 物,則是役 事 ,只是攬 惡 舜 從 物。 他事,不能使物各付物。 而 誅 爲物所役,則是役於物。 之, 舜 何 與 焉 ? 物 不 各付 止 「有 於

物

必有則」,須是止於事

是理 爲 善,亦是非禮。 也。 視、聽、言、動,非理不爲,即是禮,禮 不是天理,便是 無人欲即皆天理。 私欲。 人雖有 於 即

事

人心不同如 公則一、私則萬殊。 面,只是私 至當歸 心 一,精 義 無

人不 能祛 思慮,只是吝,吝故無 浩 然

神 小補而已。 行,綏之斯來,動之斯和」,固非小補 」,存主處便是神。 所過者化」,身之所 如「立之斯立 經 歷 虚; 二 ,伯者是 ,道之斯 所 存 者

孟子 教人常高 孔 子教人常俯 致,不 就,不 高致 · 俯 則門 就則門人不 人 一作「道」。 親

> 不 尊

釋,怡然理順。」然後爲得也。 元凱 之學者却只做一場話說,務 如人游心於千里之外,然自身却只在 人許之,亦以此自是實事。 往以游、夏爲 却總是實,如子路、公西赤言志如此,聖 語:「若江海之浸,膏澤之潤,涣然冰 古之學者,優柔厭飫,有先後次序。 小,不足學。 高 然游、夏一言一 後之學者好高, 而 今之學者,往 己。 此 常

待己實見聖處,方可信。 語,非自見。假如人言孔子爲聖人,也須直 人皆稱柳下惠爲聖人,只是因循前人之

不同,同即是天心。 合而聽之則聖,公則自同。 若有私 心便

其不 會文字,只看他氣象 至聖人? 曾子傳聖人學,其德後 如言「吾得 極好,被它所 正 來 而 不 斃 可 見處大。 測 且 安知 休理

後人雖有好言語,只被氣象卑,終不類道。

聞之知之,得之有之。耳剽臆度。

「養心莫善於寡欲」,不欲則不惑。所欲

不必沈溺,只有所向便是欲

雖多、盡是人事。人事不教人做,更責人惡多事,或人憫一作「欲簡」。之。世事

要息思慮,便是不息思慮。

誰

何?

天下也。人才愈明,往往所陷溺愈深。下皆至於聖人。佛以其所賤者教天下,是誤聖人盡道,以其身所行率天下,是欲天

禮義、敦本之意。 流是日用處,大德是存主處。「敦」如俗言敦「小德川流,大德敦化」,只是言孔子川

一古鼎古敦音隊。用之,自是人情不稱,兼亦禮,何謂也?」曰:「如此乃是與時稱。今將或曰:「正叔所定婚儀,復有壻往謝之

淳漓。 是一 裳,必待堯、舜然後 歲,此乃常理。 歲種之,可得數倍,及其久,則一歲薄於 時,生得物 所損益。 與天地 順之,治則須治之。 氣化息矣。 有衰,衰則終必復盛。 世至今,何故寂寥未聞 今人衣古冠冕,情性自不相稱,蓋自是氣有 古之被衣冠者,魁偉質厚,氣象自别。 蓋古人今人,自是年之壽夭、形之大小 冕,樂則《韶》舞』,是夏時之類可從則從之。 夏、商、周 箇聖人都做得了,然必須數 Œ 風 所因 如 如云『行夏之時,乘殷之輅,服周之 氣 如何,必然别。 聖人主化,如禹之治水,順則 春氣 不 損益 宜。 觀三代之時,生多少聖人,後 盛 可知 時,生得物如 垂衣裳? 禮, 古之伏羲, 豈不能垂 若冬不春,夜不晝,則 ,蓋氣自是有盛則 時 ,則能繼 今之始開荒田, 爲大,須當 據 周 世 如 何, 者 然後 此 春 亦 不同。 損 若使 氣 必 成 必 衣 衰 初

亦

此。 大,可以風後世,却只是明道。孟子言『五 是隨時也。 『勞之來之,匡之直之,輔之翼之。』 正 也,須是先 溥博淵泉,豈能 大 人一般,聖人其中,只有功用。 狗流俗非隨時,知事 時 而 己 有 舉禮文,却只是一 溥博淵 所 謂 時 出之? 泉也,方始 溥 博 可正,嚴毅 淵 泉, 時事。 大抵 能 而 放勳 氣 時 獨立 時 要所 化 出 出 須 在 日 乃 之 百 補 如 天 自 何能

爲?

在

無

終其 非 十二而 天子諸侯,亦必二十 可責之時。 (身不以成人望他也,徒行此節文何益 冠禮廢,則天下無成人。 或人欲如魯公 冠,此不 既冠矣,且不 可 冠 而 所 冠 以 責 責 成 以 成 人,十二年 人事 丁,則 ?

年必有王者興,其間

必有名世者」,大數則

,然不消催促

他。」

龍女衣冠不可定。 「信而後諫」,唯能信便發得 龍,獸 也。 人 志 衣冠人所

> 被,豈 之福 濟夫 不當立數十廟; 若以爲數十龍,不當同 人人也。 、謀臣之功、兵卒之力。 有 禽獸 大抵决塞,莫非 可 以被· 人 、衣冠 ? 天地之祐、社 不知在此,彼龍 若以 爲 爲善 龍

此 及其 知説 見得 能。 必不爲,其他事未必然。 不然。若士者,雖殺 安。人之一身,儘有所不肯爲,及至他 道者,心實不見。若見得,必不肯安於所不 此者,只爲不見實理。 者,只是説得,不實見。 日安於所不安 禮義 非。 臨 如曾子易簣,須要如此乃安。 人苟有「朝聞 利害,則不 凡實理,得之於心自别。 又如王公大人皆能言軒冕外物, 也。 道夕死可矣」之志 知就義 一作「教」。之使爲穿窬, 何止 實理者,實見得是,實 至如執卷者,莫不 理,却 及其蹈水火,則人 一 日 ? 就 若耳 人不能 富貴。 則 須 聞 臾 事又 不肯 如 若 不

勉强。 烏能 得之於心,是謂 經傷者,神色懾懼,至誠畏之,是實見得也 虎,則雖三尺童子,皆知虎之可畏,終不似曾 之心,則自然别。 皆避之,是實見得。 仁者,只是成就 義重於生」。 如 此? 古人有捐軀隕 生不 須是實見得生不重於義,一 有德,不待勉强,然學者則 安於死 一箇是而已。 昔若經傷於虎者,他 須是有「見不善如探 命者,若不實見得,則 也。 故有「殺身成 人語 湯 須 作

公病。 面,盎於背,施於四體,四體不言而 學者患 得之於心,謂之有德,自然「 學者只要立箇心,此上頭儘 心 慮 紛 亂 不能 寧静 ", 此 醉然見於 喻」,豈待 有 則 商 天下 量

導所 留 之日 致,及其病,乞還 葬埋所慮者,水與蟲耳。晉郭文舉爲 深 Ш 爲 虎狼食,不其酷哉?」 Ш ,欲枕一 石 而 死。 貴人 王

勉强也?

之不壞者,得柏心爲久,後又見松脂錮之又者鮮不被蟲者,雖極深,亦有土蟲。故思木「深山爲虎狼食,貴人爲螻蟻食,一也。」故葬

益久,故用松脂塗棺

凡物有本末,不可分本末爲兩段事。灑言涵蓄,無有精粗。欲言精微,言多則愈粗。語高則旨遠,言約則義微。大率六經之

埽

應對是其然,必有所

以然。

之物。 爲器,及其器成,方命得此是金器 體則與道合,語其用則莫不是義。 然之氣是「集義 浩然之氣,既言氣,則已是大段 如言志,有甚 所 生」者,既 迹,然亦 生得 儘 有 此氣,語 譬之以金 形象 有形 其 浩

氣,以爲造化? 近取諸身,其開闔往來,見然生生不窮,更何復資於既斃之形、既返之此,則殊與天地之化不相似。天地之化,自此,則殊與天地之化不相似。天地之化,自若謂既返之氣復將爲方伸之氣,必資於

然能 之鼻 書 不 作「人之氣生」。 復入以 何 亦不是將 窮。 則 物 生,往 息 便 不銷鑠了? 爲呼。 至如海水,因 然 有 夜 來 作 往往 於真元。 必 屈 「必是」。 氣則自 須 則 伸 便 只 |陽盛 本 是理 有 已 然生。 無 天之氣,亦自然 來。 此四字,有 涸之氣却生水。 而 也。 涸 天地 人氣之生,生 及陰盛 盛則 贵 中 字。 便有 如洪 而 生生 假 衰, 鑪 生 自 吸

甚 天 如言 升降於三萬 其體,有如城 規 以 西 與 地 模 海 目 天地 力所及,見其寒暑之序、日月之行 天 盡 便使 以 範 地 窺測 圍天地之化。」天本 升降 不 學者要默體天地之化。 無 相 里,不可道 西 他。 廓之類,都盛其 於八 似 海 ,其卒必 ,亦須是有 天地之化,不是天地之化 萬里中,不可 三萬里 有窒礙。 廓然無 山 外 氣。 0 道 更 如此言之, 無陰 有 八 無 假使言日 窮, 萬 物。 人言無 陽處,便 里外 立 但 又 此 人

> 無 日 月。

是本。 内。 爲誠 無此字。 只是中。 貌、整思一作「心」。 邪,則誠自存。 善來存著,如此則豈有入善之理? 存著 也。 便存閑邪,更著甚工夫? 閑 存 _ 此 主一,則既不之東,又不之西,如 邪 今人外 敬 則 ,則自然天 既不之此,又不之彼,如是則 以 誠 自存 面 直 故孟子言性善,皆由 慮,則自然生 役役於不善,於不 内」, 涵 不是外 八理明。 養 面 學者須是將 此意,「直 捉 一敬,敬 但 惟 善中 箇 内出 只 是 誠 只 是 只 是 動 是 尋 將 内 閑 是 則 主 容 只 笛 本 來

爲 日 月 寒暑 庸 天 地 書 之化,雖 夜之變,莫不 廓 然無 窮,然 有常,此 而陰陽之度、 道之所以

中

番,皆是道之生,後來生長,不可 道 則 自 然生 萬 物。 今 夫 春 生 道 夏 却 將既 長 了 生

乙氣,後來却要生長。道則自然生生不息。

之必 情 得 是絶類也。 爲自家獨 且 人爲之而己不爲,別做一等人,若以此率人, 臣、父子、夫婦之道,而謂他人不能如是,容 心,亦不可爲君子之心。 大率以所 他 本怖死愛生,是利也 以 迹 ,比至窮得 不同,便可置之。 釋氏之學,更不消對聖 上觀之。 賤 處 於山 所輕 至如言理性,亦只是爲死生,其 ,自家已化而爲釋氏矣。 佛逃父出家,便絶人倫,只 施於人,此不惟非聖人之 林、人鄉裏豈容有 今窮其説,未必能 釋氏 人之學比較,要 自己不爲 此 物? 今 君 窮

之一本有「久」字。 又省工夫。 須把敬來做 僻之心。 敬以 如是,則安得不虚? 直内」,有主於内則 爲 件事著。 此 必 語 别 雖近似常人所論,然持 此道最是簡,最是易, 虚,自 必 有事焉」, 然無非

古,則戊辰同祀文、武,考之今,則宗廟之祀天子七廟,亦恐只是一日行禮。考之

亦

是一日。

義一也。必齋,不齋則何以交神明? 祭無大小,其所以交於神明、接鬼神之

爲多。 之。常窮味有二萬八千六百,此非人 歲差著幾分,其差後亦不定。獨邵堯夫立 法。其法,以所差分數,攤在所曆之年,看 日 所染畫得,亦是自然也; 和,是自然也,色有二萬八千六百,又非 法,冠絕古今,却於日月交感之際,以陰陽 他皆可推。洛下閎作曆,言數百年後當 於這一作「漲」。裏差了。曆上若是通理,所 盈求之,遂不差。 ,其差理必然。何承天以其差,遂立 曆象之法,大抵主於日,日一事正,則其 堯夫之學,大抵似楊 大抵陰常虧,陽常盈,故只 獨聲之數只得 雄,然亦不 所 盡 歲 半 差 合 诵 虧 差 差 如

之誤。 影。 數 斯有影 日 不 據《皇 地 行 不不 下,遂數不行,此皆 蓋 極 聲 可謂今日之影,却收以 經 世 陽 》,色味皆一萬七千二十四,疑此記 也 只 是於 日 有 出 理。 地 上 爲 譬之有 數得 來日之 形 到 者

繼者 ·,天意. 君子宜 如 獲祐 何? 然而 氣 鍾 有貧悴短 於賢者, 夭, 固 有 以 所 至 不 無

周

也。

工夫。 主 僻之奸。 作「莊 則不消言閑 閑 整」。 邪 如何一作「行」。 此意但 則 嚴 固 肅 則 邪。 有「主」字。 涵養久,則天理自 心便 有以 一者,無他,只是 一,一則 爲難 矣, 然一 見,不可 自是 然明 作 無 整 能 齊 下 非

也。 則是「勿正」也。 勿 正」者,若思 「勿忘」,則 必有事焉」,有事 是「必 此 後言之漸重,須默識取 而曰 有 善,然後 事」也。 於 此一作「敬」。 「勿 爲之,是正 助 主 長」, 也。

之意。

命,常人之至於聖賢,皆工夫到這裏,則有修養之所以引年,國祚之所以祈天永

此應。

主之。 唐時立 四方,往往親未絶,不相識 巨公之家行之,其術要得拘 宗子法壞,則人不自知來處, 廟院,仍不得分割了 守得 今且試 祖 沒須是。 一業,使 以至 以 且 流 如 轉

自信,則雖甚人言語,亦不聽。 後無疑,則是信人言語,不可言自信。若果却須要印證,則是未知也,得他人道是,然却須要印證,則是未知也,得他人道是,然

故須入此。 學者之流必談禪者,只是爲無處撈摸,

川流」,日用處也。此言仲尼與天地同德。「大德敦化」,於化育處敦本也,「小德

著

心 ? 怎生尋所寓? 只是有操而已。操之之道,『操則存,舍則亡,出入無時,莫知其鄉』,更有言:「未感時,知如何所寓?」曰:

此正與「巧言令色」相反。 只爲輕浮巧利,於仁甚遠,故以此爲「近仁」。 「剛毅木訥」,何求而曰「作「以」。 近仁?

『敬以直内』也。」

水飲之,皆不濟事,不穩當。今以種果實,只做果子喫了,種糯,使之化爲今以種果實,只做果子喫了,種糯,使之化爲

近聖人氣象。子尤温淳淵懿,於道得之更淵一作「深」。粹,孫温淳淵懿,於道得之更淵一作「深」。粹,顏、孟之於聖人,其知之深淺同,只是顏

率氣者在志,養志者在直内。

先立下名義,則茫茫地何處下手? 何處「率性之謂道」,率,循也。若言道不消

少工夫。然思慮則儘不廢。於外事雖奔迫,文字上一有「雖」字。無閒暇,終是一無二字。

然思慮儘悠悠。

及。 模。何以言之? 天地之間,有生便有死,有 之乃意在翕之,又大意在愚其民 之學,更挾些權詐,若言與之乃意在取之,張 樂便有哀。釋氏所在便須覓一箇纖姦打訛 則秦之愚黔首,其術蓋亦出於此 處,❶言免死生,齊煩惱,卒歸乎自 乎高深,然要之卒歸乎自私 釋氏之學,又不可道他不知,亦儘 而 自利之規 私 自 智,然 極 老 一作 氏

甚事? 天地之間,只有一箇感與應而已,更有

《老子》言甚雜,如《陰符經》却不雜,然

■ 「纖」,陳刻本作「綴」,「纖」下,涂刻本有小注「一作綴

四 八

皆 窺 測 天 道之未 盡 者 也

知。 文官名,既欲知舊物,又不可鑿空撰得出,須 禮於老聃,訪官名於郯子,何害於孔子? 縱使孔子是生知,亦 生知者,只是他自生知義理,不待學而 於天地間,並無窒礙處,大小大快活 何 害於學? 如 禮 問

以 斂怨自安。 慰安人心。 東晉之微,寓於江表,其氣奄奄欲盡,且以 蕭何大營宫室,其心便不好,只是要得 謝安之營宫室,却是隨時之宜

是問

他先知者始得。

須放 母 秦子弟在外,恐内有父兄爲變, 二是漢 `妻子在楚;三是有懷王 高祖其 他 人 來者,有三事: 、勢可以守關,不放入項王,然而 是有未坑二十萬 三父

義 入神,通貫只一理。 一人之道,更無 精粗,從灑 雖灑 埽應對,只 埽 應 對 看 至 所 精

理

求

以 然 者 如 何

切要之道,無如 「敬以直内」。

乎公平。 言得不濟事,亦須實見得近處,其理固 立人達人,爲仁之方,强恕,求仁莫近, 公平固在,用意更有淺深,只要自 不出

家各自體認得

待人旋 却 皆是一貫,不可道上 已 只是一箇塗轍 應不是後。 冲 安排引入來,教入塗轍 漠無朕,萬象森然已具,未應不 如百尺之木,自根 面一段事,無形無兆,却 本至 既 是 一枝葉, ·是先, 轍

「安安」,下字爲義。 安,其所安也; 安

自知 安,是義也。 死生之説,不須將死生便 原始反終,故知死生之説」,但窮得,則

做一

箇

道

道二,仁與不仁而已」,自然理 如 此。

損一人,一人行則得其友,只是二也。」有非,無一亦無三。故《易》曰:「三人行則道無無對,有陰則有陽,有善則有惡,有是則

此一卷書。 曾子言夫子之道忠恕,果可以一貫,若 他人言之,便未足信,或未盡忠恕之道,曾 使他人言之,便未足信,或未盡忠恕之道,曾 意,如視諸掌,《中庸》亦指而示之近,皆是恐 、如視諸掌,《中庸》亦指而示之近,皆是恐 人不喻,故特語之詳。然則《中庸》之書,决 人不喻,故特語之詳。然则《中庸》之書,决 一卷書。

忠恕所以公平,造德則自忠恕,其致則

而以人體之,故爲仁。只爲公,則物我兼照,之理,不可將公便唤做仁。一本有「將」字。公仁之道,要之只消道一公字。公只是仁

故仁,所以能恕,所以能愛,恕則仁之施,

則仁之用也。

萬端害於仁。敬也。敬則是不私之説也。才不敬,便私欲敬也。敬則是不私之説也。才不敬,便私欲「出門如見大賓,使民如承大祭」,只是

自,非鹹非苦,費多少言語。 聲無臭」四字,總括了多少釋氏言,非黄非驚天動地,言語走作,却是味短。只爲乍見,不似聖人見慣。如《中庸》言道,只消道「無驚天動地,言語走作,却是味短。只爲乍見,

物來感於此也。 遂通」,感則只是自内感。不是外面將一件「寂然不動」,萬物森然已具在,「感而

主於一也。主於内則外不入,敬便心虚故言者,爲敬其心也,故視而不見,聽而不聞,有人旁邊作事,己不見,而只聞人説善

五〇

所 學,豈可不自此去? 敬其心,乃至不接視聽,此學者之事也。 也 欲不踰 必 有 矩 事 焉 不 忘,不 至聖人,則自是「從心 要施 之 重 便 不 好 始

下一法,「盈科而後進」,須是成章乃達。次。聖人未必然,然亦是一作「且」。爲學者立孔子自十五至七十,進德直有許多節

與他 無 德以言之,至如八卦、《易》之大義在乎此,亦 至如《易》,雖言「元者善之長」,然亦須通 且 譬 人曾解來。 1分别出五常,若只是兼體,却只有四也 自古元不曾有人解仁字之義,須於道中 身: 乾健坤順之類,亦不曾果然體認得。 頭 也;其他 四端,手足 也 四

則 源 照,因又言其道之無窮。 之無 無以「容光必 登山 窮, 難爲言,以言聖人之道大。 則 無 照」。 以 爲 瀾 其下又言其篤實而 瀾,水之動處,苟非 非 日 月之明 觀瀾 無 有 必

> 由 有光 光 大積則有大 有光輝。 輝 輝 也 0 也。 作 光輝 若使積珠玉,小積則有 今以瓦礫積之,雖 「篤 實 而 不窮」。 成 章 如 者 Ш 7小光輝 嶽 亦 無 而

利爲本」,本欲利之也。 必求其故者,只是欲順而不害之也,故曰 致」,亦只是不鑿 也,故者,本如是者也。今言天下萬物之性 「行其所無事」,是不鑿 「天下之言性,則故而已矣」,則, 也 此章皆爲 也,「日 至 知 可 而發, 坐 而 助

不席地而倚卓,不手飯而匕筯,此聖人

必隨時,若未有當,且作之矣。

於此。 安其所未安? 意 所處,不能一朝居也。 ,便知其不達。 昔謂異教 再嘗考之,卒不達,若達,則於其 中疑有達者,或是 如毁其人形,絶其倫類,無 「朝聞道 觀曾子臨死易 ,夕死可 無 矣」,豈 歸 簣之 前 且 君 安

尚可言隨其國俗,至若人道,豈容有異?臣父子之道,若達則不安也。只夷言左衽,

必彈琴? 肉以全哀,况彈琴可乎? 使其哀已忘,則何哀未忘,則「子於是日哭,則不歌」,不飲酒食。 受祥肉彈琴,●恐不是聖人舉動。 使其

學者爲氣所勝、習所奪,只可責志。

聖人合。 力」。 迹之判,便是亂說,不若且於迹上斷定,不與 其心不取其迹,有是心則有是迹。 合者,固 説未能窮,固已化而爲佛矣。 其設教如是,則其心果如 釋氏之説,若欲窮其説 所不取。 其言有合處,則吾道固已有,有不 如是立定,却省易。一作 而去取之,則其 只且於迹 何,固難 王通言心 上考 爲 取

也,其勢自然如此。蓋智窮力屈,欲休來,又儒者其卒必一作「多」。人異教,其志非願

故儒者而卒歸異教者,只爲於己道實無 若己有家,人言他人家爲安,己必不肯就 無安處,則言某處安,某處不安,須就安 之」,則自無事可奪。今夫有人處於異鄉,元 由徑,只爲前面逢著山,逢著水,行不得,有 須從之。 知得未安穩,休不得,故見 必有窒礙者,何也? 室礙,則見一邪徑,欣然從之。 譬之行一大道,坦然無 只爲不致知。 人有 道 儒者之所 阻 「知至 理,其 ,則更不 彼 處。 所 以 至

人慣見,故其説走作。佛、莊之説,大抵略見道體,乍見不似聖

得,雖

日

聞道,終不曾實有之。

則 氣 必 有 有 淳 時所以有古今風氣人物之異者,何也 始,有晝則必有夜。 漓 ,自然之理。 有盛 則 譬之一片地,始 必 有 衰,有終 ?

0

[「]肉」,原作「内」,據陳刻本、涂刻本改。

爲。 歲 開 E 來皆别,所尚異 氣 荒 心所以 \mathbb{H} 亦盛 則 衰 其 然者,只爲 故 收 也。 穀 倍 也。 至如東、西漢 ,及其久 尚 生得 所 來如 以 也 異,亦由 此 歲 才 至 薄 如 心 文章 於 所 春

春 事 所 須各以其時,不可一也,須隨時。 夏秋冬,所生之物各異,其栽培澆灌之宜,亦 生 生之物,春初生得 所謂 又 别 時 者,必明 禮 之隨 道以 時 又别,春中又别,春 處 貽後 宜,只是正 人。 只如均 得 當 盡 是 時 時

贵 思 無 慮 倦 有 怠者,只是一 反 儘悠悠 有 爲 謂 心 因 古書學 害? 而 箇慎生不恣意,其於外事, 某氣本不 至失、 心者,學本是 盛 一,然而 能 不病 治 心,

名。 合 而 言 之道 也, 仁 固 是 道, 道 却 是

則

自

然行簡

,若居簡

而

行簡

却

是

不

簡

只

總

者 如 大而 人操尺度量 化之」, 只是謂 物, 用之尚不 理 與 己 免有 其未 差 若 化

> 及、「在後」是過之,此過不及甚微,惟顏 之,但未至爾 知,他人不與。 於 Ė 在 化 此 者 ,若化 則 己 則便是仲尼也。 「卓爾」是聖人立 便 是尺 度, 尺 度 「在前」 便 處,顔子 是己 是不 子自 見 顔

子

至

Ŧī.

皆是一理,至如一物 但 難 所 上 得 者 窮 以 事 敬 不得,且别窮一 爲孝者 上 格物窮理,非是要盡窮天下之物,但 各隨 薊 道入得便可。 窮 自虚 盡 人深淺, 如 其他 静 何, 不 窮 可 如千蹊 事,或先其易者,或先其 可 理。 一事,雖小,皆有是 以 所以能窮者,只爲 把 類 虚 推 萬徑 無此 静 唤 二字。 至如言孝,其 一。皆可 做 如 適 理 萬 居 或 物 敬 於

所 居 者已剩 簡字。

聖人之道,如《河圖》、《洛書》,其始止於 退藏於密」,密是用之源 ,聖人之妙

所非,不過只是當年數人而已。學者不觀他未必得其理。至如《春秋》,是其所是,非其畫上便出義。後之人既重卦,又繫辭,求之

書,只觀《春秋》,亦可盡道。

深,只是己辭,更有甚? 鬼神之所以幽顯。若只言天只是高,地只是鬼神之所以幽顯。若只言天地之所以高深,

絶四。一有「去」字。 一、中「去」字。 一、中「去」字。 一有「學者之事」。始則須

石沈河。孟子所言,只是推而言之,未必至使伯夷之清既如此,又使念舊惡,則除是抱念舊惡,怨是用希」,則伯夷之度量可知。若夷、惠之行,未必如此。且如孔子言「不

嚴。 如 然而從,豈不是時? 言伊尹,始在畎畝,五就湯,五就桀,三聘翻 有「尚同」、「兼愛」之説,然觀其書,亦不至於 聖人極 其流必至於孟子所論。 夷是聖人極清處,惠 視鄰之子猶兄之子,蓋其流必至於此。 何止於偏? 此。 如此而防,猶有流者。 和 然聖人於道,防其始,不得 處,聖人則兼之而時出之。 其流 則必 然後來見其以天下自 有害。 夷、惠之行不已, 墨子之道,雖 不如是之 清、和 至如

聲數。

任,故以爲聖人之任。

由經窮理。

者 中 得,何止有差等,直是相去懸絶。 中」即常中,「不思而得」即常得,所謂「從容 ·道」者,指他人所見而 ,自在道上行,又何必言中? 不勉而中,不思 而 得」,與 言之。 勉 若不 不中,不勉, 而 不 中,思 勉不思 勉 而 而

心 所見規模雖略 不思者。 不 之一無「之」字。氣象,不可只於名上理會。 人則已,欲學之,須熟玩 默 思 識 亦 玩 有 所謂「 索久之,庶幾 大 小 相 日月至 深 似,其意味 淺 馬 至 味 自 」,與 於 得。 氣 曲 無 象迥 久 藝 「味」字。 學者不 而 亦 列 不 有 7,須潛 息者 聖人 學 不 如 聖 勉

是 以 性 天人所爲,各自 乃「天聰明自我民聰明」,止謂只是一理,而 至 與天 至 誠,更不須 盡物之性,然後可 費天 地 參矣。 、地之化育」,自人而言之,從盡 有 論。 言人盡性 分。 所謂「人者天地之心」, 以贊天地之化育, 所 造 如此。 若只 其 可

此,

只是講論文字。

天 地 ,必積 ,須是集 浩然之氣,所養各有 而 義 後至。行不慊於心,止是防 乃 能 生。 漸,所 以 至於充 患 塞

「不可一朝居」者,孟子之時,大倫亂,若

「意」。 弑亦先於魯。 齊,何以魯一變至於道? 變,是不可一 君 亦上有天子,下有方伯,須謀 之衆加齊之半,此 子請討,一事 爲之兆,得可 且,及其末世,并其法又壞,亂甚於魯,故其 之法,齊 聽 於 如 臣 此,則孔子只待 既 壞 父 Ē 朝居 爲 孔子之仕於魯,所一作「欲」。 聽 太公之法,後 則 處便爲。 於 也。 百事自己,不得傳言以 子 非孔子請討之計。一作 動 然魯有 去 則 如 魯只是不修周 角 來立 陳 弑 而 力,借使言 君 恒 三桓,無 後行 法, 弑 弑 父, 其君 已是 以 須 孔 魯 荷 公 異 著

道。此語至常淺,孔子固能如此,但觀其氣《禮》,「我戰則克,祭則受福」,蓋得其

象,不似聖人之言。

市不 事 ·易肆 如 嘗觀自三代而後,本朝有超越古今者五 百 年 ; 百 無 年未 内 亂 嘗誅殺大臣; 至誠 四 聖 百年; 受命之日, 以 待

如此,蓋睿主開基,規模自别。夷狄。此皆大抵以忠厚廉恥爲之綱紀,故能

尚 維持得數十年。 雖 宇文周,其官名法度,小有可觀。 小 書省,近似六官,但法不具也。 有善處,然皆出 大綱不 正,萬 目即、 於臆斷。 紊。 唐之治道,付之 惟能如是,故 隋文之法, 後世無如

災異 無 之廟」,此天應之也。 宋而言「隕石」; 此等皆是異事也,故書之。大抵《春秋》所 不足信,儒者見此,因盡廢之。 飛 應,其實皆應之。 」,倒逆飛也。 ,皆天人響應,有致之之道。 隕 石於宋」,自空凝結而 夷伯之廟震,而言「震 倒逆飛,必有氣軀之也。 然漢儒言災異,皆牽合 但人以淺狹之見,以 隕;「六鷁 如石 夷 隕 爲 伯 書 退 於 如

爲應天之氣? 豈可如此間别? 聖人之生,麟乃和氣所致,然春秋之時有者,何以

便

齊

有

出非其時,故有感,如聖人生不得時。之際,生孔子何足怪? 况生麟? 聖人爲其亦天地交感,五行之秀,乃生聖人。當戰國

有一。 可説。 不可 氏言 便有 何 ? 蓋 抵 因此一事乃作,故其書之成,復以此終。 出 形 須 《春秋》豈不作? 感。 影 道 虚 有發端 「一陰一陽之謂道」,此理固深 孔子感麟 <u>-</u> 曰 : 果無《河圖》、《洛書》,八卦亦須作。」 今日 所 而 時,不可言今日有形 生氣,非 所以開闔者道,開闔便是陰陽。 以陰陽者道,既 言開闔,己一作「便」。 《春 處,如 有陰,明 而作《 秋 也。 ৺ 畫 不 日有陽。 八卦,因 害感 春 孔子之意,蓋亦有素, 陰陽開 秋》,或謂不然,如 日 麟 氣, 見《河 小明日 闔 而 是感,既二 如 本 則 作,然麟 人 小説則 便是 有 圖》、《洛 有 無先後, 影,有 形影, 作 則 無 老

五五

五六

樂未 事。 致 天理,便見得天尊地卑、萬物化育之道,只是 知 也 發、既發之謂 若論道,則萬理皆具,更不說感與未感 中 寂 然不 和」,若只於人分上言之,則喜怒哀 動 感 也。 而 遂通」,此已言人分上 若「致中和」,則 是達

理者,天下不易之理也,是經也。孟子只言常。猶言中者是大中也,庸者是定理也。定中者,只是不偏,偏則不是中。庸只是是不及也,「不見知不悔」,是中者也。

却末。《孟子》其書,雖是雜記,更不分精粗,一衮説《孟子》其書,雖是雜記,更不分精粗,一衮説《中庸》之書,是孔門傳授,成於子思。

反經,中在其間

「小人之中庸,小人而無忌憚也」,小人

則 其心畏謹 理,則無忌憚, 更有甚中庸? 可,謂之中庸則不 而不中,亦是反 無忌憚所以反 脱一「反」字。 可 中 庸。 小 中 庸 語惡 人不主於義 也。 有 亦有 淺

命。 得其 常人之至於聖賢,皆此道也 者能之。 且。 則須有報應,但人以狹淺之見求之,便謂 也;不得其報者、非常理 應也。 天之報應,皆如影響,得 「知天命」,是達天理也。「必受命」,是 天命不可易也,然 如修養之永年,世祚之祈天永命, 命者是天之所賦 有 也。 可易者,惟 其報者是常理 然 與,如 而 細推之, 命令之 有德 差

方始應其感。若傅説非聖賢,自不相感。如説。高宗只思得聖賢之人,須是聖賢之人,夢説之事,是傅説之感高宗,高宗感傅

❶ 「且」,涂刻本作「互」。

其卒三者必合矣。使書策之言不合於理,則今人卜筮,蓍在手,事在未來,吉凶在書策,

自不驗

不生於其間? 若已有人類,則必無氣化海中島嶼稍大,人不及者,安知其無種之人百蟲禽獸草木無種而生,此猶是人所見。若所如生民亦如是。至如海濱露出沙灘,便有厥初生民亦如是。至如海濱露出沙灘,便有

事則無,如變夏爲冬降霜雪,則無此理。 說太甚,只是盛夏感而寒慄則有之,理外之匹夫至誠感天地,固有此理。 如鄒衍之

者是積義所生者,却言配義,如以金爲器,既用,配者合也。氣儘是有形體,故言合。氣「配義與道」,即是體用。道是體,義是

天地之間皆有對,有陰則有陽,有善則

成

則目爲金器可也。

之氣亦生朱、均,在朝則有四凶,久而不去。 但六分君子則治,六分小人則亂,七分君子 則大治,七分小人則大亂。如是,一無此二字, 之世只是以禮樂法度驅而之善,盡其道而 之世只是以禮樂法度驅而之善,盡其道而 已。然言比屋可封者,以其有教,雖欲爲惡, 不能成其惡。雖堯、舜之世不能無小人。蓋堯、舜 不能成其惡。雖堯、舜之世不能無小人。蓋堯、舜 不能成其惡。雖堯、舜之世,然於其家乖戾

形而上者則是密也。 陰陽,氣也。氣是形而下者,道是形而上者。 離了陰陽更無道,所以陰陽者是道也。

絪緼,陰陽之感。

焉,贰て焉;用宜定货。志? 志爲之主,乃能生浩然之氣。「志至志? 志爲之主,乃能生浩然之氣,則何者爲「志,氣之帥。」若論浩然之氣,則何者爲

醫者不詣理,則處方論藥不盡其性,只焉,氣次焉」,自有先後。

知逐物所治,不知合和之後,其性又如何?

作「理」。 白皆亡。 白 其 五. 假 臭,辨其色,知其某物合某則 亡,離而 四。 者得金之性多。 氣,故凡生物,莫不具有五性,居其一 如 既成黑,又求黄與白,則是不知物性。 訶 古之人窮盡物理,則 子 至如草木也,其黄者得土之性多,其 爲一二則三亡。 又如一二合而爲三,三見則 黄、白 一、整白、合之而成黑、黑見則 既成三,又求 成 食其味, 何性。 而 嗅 天 有 其 與 黄 有

雖至親,恩亦薄。廢,人家不知來處,無百年之家,骨肉無統,廢,人家不知來處,無百年之家,骨肉無統,宗子法廢,後世譜牒,尚有遺風,譜牒又

其 則 學,舞勺舞象,有絃歌以養其耳 氣 ,則非僻之心無自而人,今之學者,只有義 佩 絃 血 古人爲學易,自八歲入小學,十五 出 有 人 禮義以養其心,又且 間 巷,耳目視聽及 政 ·舞干羽 急則 事 之施 佩 韋 入大 以 如,如 緩緩 養

理以養其心。

無功,禹則導之而已。河北只見鯀隄,無禹隄。鯀堙洪水,故

雖庶人,必祭及高祖。比至天子諸侯,者,井人所重,行宁廊也,其功幾何?「誣祀」,無「之」字,「誣」又作「淫」。言,報則遺其重五祀恐非先王之典,皆後世巫祝之一作

凡物之散,其氣遂盡,無復歸本原之理。止有疏數耳。

氣? 之終始。 潮水生也,非却是將已涸之水爲潮,此是氣 出則水涸 氣,豈有復在? 天地間如洪鑪 其造化者 開 ,是潮退也,其涸者已無也,月出 闔 便是易,「一 ,雖生物銷鑠 , 自是生氣。 天地造化又焉用此既散之 闔 亦盡 至如 闢 謂 海 ,况既散之 之變」。 水 潮 則 日

矜式 告,時 須識 欲 如言 其父頑,過 子故曰:「如使予欲富,辭十萬而受萬,是爲 聖人也,若不言清、和,便以夷、惠爲聖人,豈 陳 過,人必知之」。 式,孟子何不 子,齊王 由 曰」,傳者乘放勳爲堯號,乃稱「放 不有害? 爲 司敗亦知之矣。又如言伯夷、柳下惠皆古 得舜意。 ,須知不 乎?」若觀其文,只似孟子不肯爲國 比,便信此一句,豈不有害? 「聞斯行之」,若不因公西 雖 具巫 孔 不 子 「欲養弟子以 告 時 又如孟子言「放勳曰」,只當言「堯 馬 IE 期 可處? 不爲娶,堯去治之,堯命瞽使 ,堯固告之矣。堯之告之也,以 可以 可 若使舜便不告而娶,固不可以 欲反命之意,孔子 蓋孔子答,巫馬期亦知之, 作「合」。 利誘之意。 但時子以利 萬鍾」,此 不 答其 一赤有 舜不告而娶, 事 問,必 誘孟 勳 方言「苟有 欲 問,及 日。 又 國 子 如 人 更有 仲 又 舜 人 孟 矜 孟

故

殺舜, 君 而 象欲 治之而 無 以 可 殺 己。 見之迹,發人 舜 爲事,堯奚 今之官府,治人之私 爲 隱 不治? 慝 而治之,非 亦多 蓋象之 然

堯

也。

户不 於此 若以手足胼胝 理,方可看《春秋》。 子》,更讀 但他經論其義、《春秋》因其行事,是非 不是中。 **%** 窮 出 理爲要。 ,此亦窮理之要。 何 學《春秋》亦善,一 欲知《 物 則於此 若當手足胼胝,則於此爲中, 爲 中 經,然後看《春秋》。 權? 嘗語學者, 庸 , 閉户 不出, 二者 之間 爲中。 ×, 義 無 以 也。 如 然他經豈 何爲 權之爲言,秤 句是 權, 且先讀《論 然也 準? 須 事 是 只是説 先識得箇義 不 了, 是 時 可 無 取 語 而 錘 非 以 如 》、《孟 較著 中 爲 得 之義 當閉 便見 中。 中 到 便

庸

以 上,涂刻本有「春秋」二字。 也

義,義以上更難説,在人自看如何。

其見則别。 始未必善,到悠久須差精。人則只是舊人, 始未必善,到悠久須差精。如始學《詩》者,其

故一可 火,只是知。 辨」、「審問」、「慎思」,皆「致知」、「知至」之 至之,知幾之事,故「可與幾」。 行,只是知得淺。 事,「篤行」便是「終之」。 行之必至,無有知之而不能行者。 遂」字。 」,因其「始條理」,故能「終條理」,猶「知 即能「終之」。 與存義」。 知至」則當「至之」,「知終」則當遂一無 「終之」。 人爲不善,只爲不知。 知至是致知,「博學」、「明 飢而 須以知爲本。 不食烏喙,人不蹈水 如「始條理」、「終條 知終而終之, 知之深, 知而 知至而 不能 則

古之學者,先由經以識義理。蓋始學《春秋》、《傳》爲案,《經》爲斷。

不能以知經。」 之人得其師傳,故因經以明道。 人須看了《易》,方始看得《繫辭》。 始看得經。 時, 盡是傳 授。 如《易》,《繋辭》所以 後之學者却 後世失其師傳,故非 先 須 解《易》,今 識 一本云:「古 義 理 明道 方

「噍以殺」,皆此類。如「治世之音安以樂」,「怨以怒」,「粗以厲」,如「治世之音安以樂」,「怨以怒」,「粗以厲」,不言至直,此是文勢。

治道亦有從本而言,亦有從事而言。從資之深? 不惟自失,兼亦誤人。解義理,若一向靠書册,何由得居之安,

室軟,道他不是又不可,只是好笑。不曾見 學者好語高,正如貧人説金,説黄色,説 學者好語高,正如貧人説金,説黄色,説 學者好語高,正如貧人説金,说數則小益。 學者好語高,正如貧人說金,就數則已,若 學者好語高,正如貧人說金,就數則已,若 。若從事而言,不救則已,若 。若從事而言,不救則已,若

仲尼於《論語》中未嘗説神字,只於《易》

中,不得已言數處而已。

有主則虚,無主則實,必有所事。

以物待物,不可以己待物。

之機而已。所出之息,非所入之氣,但真元養,皆是外氣涵養之道。出入之息者,闔闢居天地氣中,與魚在水無異。至於飲食之是水爲之,但必以水涵養,魚乃得生爾。人是水爲之,但必以水涵養,魚乃得生爾。人真元之氣,氣之所由生,不與外氣相雜,

假此氣以助真元也。 自能生氣,所入之氣,止當闔時隨之而入

德。 人。人有養便方定志於學。 志定。只營衣食却無害,惟 學,至四十方仕,中間自有二十五年學,又無 既入學則亦必有養。 養,若士大夫之子則不慮無養,雖庶人之子, 業,既入學則不治農,然後士農判。 何由得向善? 利可趨,則所志可知,須去趨善,便自此成 可教者聚之,不肖者復之田畝。 後之人,自童稚間,已有汲汲趨利之意 古者八歲入小學,十五入大學,擇其 故古人必使四十而仕,然後 古之士者,自十五人 利禄之誘最 蓋士農不易 在學之 才

做官奪人志。

只是言北辰。皆星也,何貴乎北辰? 北辰容二十八舍。若謂五星,則不可稱辰。或恐不是。 是辰。若以日月之次爲辰,則辰上恐不

之最尊者。「尊」,一作「宗」。 是 不 動 只 不 動 ,便是爲 氣 之主,故 爲 星

自

則 聲,須得律。 可 但古人爲之,得其自然,至於一作「如」。 物、雖出於自然,一有「之數」字。 今之法且以爲準則 自然之數。 求,人耳又不可全信,正惟此爲 極盡天下之方圓 先王之樂,必須律以考其聲。 至如今之度量權衡,亦非 律不得,則中聲無由見。 可,非如 古法也。 亦須人爲之。 難。 今律既 正也。 規矩, 此等 律者 求中 不

納音之類。 律之遺,則如三命是也。 然皆有此理,苟無此理,却推不行 律曆之法,今亦粗存,但人用之小耳。 曆之遺,則是星算人生數,一作 其法只用五行支幹

設如定四方,分五行,各配與一方,是一 知之,天之氣運 《素問》之書,必出於戰國之末,觀其氣 只 如 此 但 繋看 者 如 一般絡 何。

> 角而 今,善觀人者必有見於己」。 模大則大,規模 善言天者必有驗於人,善言古者必有驗於 看之,又一 般分 小則 而 小,然善言亦多。 爲二十四,又一 如言 般 規

此。 理,自然不息。 不必將既 義,只於鼻息之間見之。 元不斷續,陽已復生,物極必返,其理須 有生便有死,有始便有終。 近取 屈之氣,復爲方伸之氣。 諸身」,百理皆具。 如《復》言「七日來復」,其間 屈伸往來只是理, 屈伸往 生生之 來之 如

亦是守身之一,「齊戰疾」,聖人之所慎 「守身爲大」,其事固有大者,正惟養疾

廟,或祭寢廟,則雖異亦不害祭及高祖,若止 只是祭及高祖。 節,未有可考,但其理必如此。 高祖。服既如是,祭祀亦須如是。 自天子至於庶人,五服未嘗有異,皆至 大夫、士雖或 三廟、二廟 七廟五廟,亦 其疏數之

而不及一有「高」字。祖,非人道也。祭禰,只爲知母而不知父,禽獸道也。祭禰

義。 也。 之帝爲東 義。 莊公,只是禘祭,言吉者以其行之太早也。 事於太廟,躋僖公」,即是合食閔、僖二公之 不見言給,只言禘,言大事者即是祫。 禘者,只爲得用天子禮樂,故於《春秋》之中 「以」字。 時之祭,有禘之名,只是禮文交錯。 諸侯 若時祭一有「即」字。 禘從帝,禘其祖之所自出之帝,以 天子曰禘,諸侯曰祫,其理皆是合祭之 群廟之主合食,是爲給。 介向 無 之尊,其餘合食於其前,是 所出之帝,只是於太祖 當言有事。吉褅於 魯所 廟 言「大 一有 以 爲 所 有 褅 出

言上 景 也。 丘 帝, 一面 在郊言天,以其冬至生物之始,故祭於 郊祀配天,宗廟配 以 配 以 季 秋 祖 成 , 陶匏稿鞂 物之時,故祭於明堂,而 上帝,●天與上 ,埽地 一而祭。 帝 宗祀 配

> 灼。 以父,其 當言文王配。 當推成王爲主人,則當推 但《孝經》之文,有可 禮必以宗廟之禮 若文王配,則周 武王以 疑 享之。 處。 公自當祭祀 配上帝,不 周 此 公祭祀 義 甚

矣。周公必不

如此

有」。 信。 四者有端 而 隱則屬愛,乃情也,非性也。 須要分别出。若仁則固一,一所以 如東即東,西即西,則無一有「不」字。 恕非仁也。 若以 信。 仁、義、禮、智、信,於性上要言此 東爲 而信 如 東 無端。 因 西、以 西 其惻隱之心,知其有仁。 南 北 南爲北,則 只有不信,更無一作 己 有定體 恕者入仁之門, 是有不信。 更不可言 信。 爲仁,惻 五. 事 惟 重

心積慮,優遊涵養,使之自得。今一日説盡,説書必非古意,轉使人薄。學者須是潛

● 「廟」,涂刻本作「祀」。

一六四

説 只 是 教 薄 至 如 漢 時 説 下 帷 講 誦 猶 未 必

只是智 通 狂 子,聖 者便言聖,如聖 不 必 是 睿聖,狂 義 忠和,豈 不 必 是 狂 一必是 狷。

義。 嚴, 情 與夫人,如合祭之時,考妣當各異位。 不害夫婦並 亦 雖同時 (無舅婦同坐之禮,如特祭其廟之時, 執事且爾,况今日事之,便如國之先 如 配 共室,亦無嫌,與喪祭執 位时,男男尸,女女尸。 事 不 祭事 蓋 嫌 則 人 君 主 同

其 知思 此 紛 交感萬 亂 照,是鑑之常,難爲使之不照。人心 本無此四字。 ,則是「絶聖棄智」。 學者先務,固在心志。 則是須坐禪入定。 物,亦難爲使之不思慮。若欲免 唯是心一作「在人」。 有欲 有謂欲屏去聞 如 明鑑 屏 去 有主。 思 在 此,萬 慮 如 不 患 見

> 之事也。 者,無適之謂一。 事,則他 得不虚? 甖,有水實内,則雖江海之浸,無所能入, 能 何 至於不敢欺、不敢慢、尚不愧於屋漏 直内,義以方外」,須是直内,乃是主一之義 人之言。一無「聖人之言」四字。《易》所謂 無二三矣。一作「不一則二三矣」。言敬,無 此患乎? 之主,尚無思慮紛擾之患,若主於敬,又焉 注,安得不實? 大凡人心不可二用,用 爲 主 無 ? 事 但存此涵養,久之自然天理 主則實,實謂物來奪之。 所謂敬者,主一之謂敬。 敬 更不能人者,事爲之主也。 無水 而 已 於内,則停注之水,不 矣。 且欲涵泳主一之義,一則 有 主 則 虚 虚 所謂 今夫 ,皆是敬 明。 謂 敬 可 如 事 於 邪 勝 聖 爲 有 不

復有自西人,逐得一人,一人復至。 室, 垣牆 閑邪存 不修,不能 誠」; 閑 防寇,寇從東來 邪 則誠 自 存。 逐 不 如 人有 之則 如 修

其垣牆,則寇自不至,故欲閑邪也。

行住 時。 便是常忙。 坐卧 至忙者無如禪客。 答以市井之人雖日營利,然猶有休息之 學禪者 ,無不在道。 常謂 天下之忙者,無 存無不在道之心,此 何以言之? 如 禪者之 市 井之

可 所生,學至堯、舜,則自有堯、舜之事。 則 不 聖人亦非不欲兼 聖人所治,不過 濟 食肉,然所養有所不贍,此病其施之不博也 七十乃食肉,聖人之心,非不欲少者亦衣帛 謂曾子之孝已甚 能 爲 衆」,豈非聖人之所欲? 「脩己以安百姓」,須有所施爲,乃能安人。 病 濟衆 論語》有二處「堯舜其 可 知。 也。 苟以爲吾治已足,則便不是聖 推此 九 濟,然所治有所不及,此病 州 以求,「脩己以安百姓」, 四海,然九州四海之外, 猶病諸」,「博施 然五十乃衣帛 言孝者必言曾子,不 此則自我

對柔 地道。 得。 者。 剛 是積 道 爲已是地道,又是二,又是六,地道之精純 如此,自然「不習無不利」。 剛,無害。大只是對小而言是大也,剛 復云"「至柔而動也剛。」以其先言柔 方便是剛,大便是大,直便是直。 德,方始見「浩然之氣」。 是積土乃成 亦未盡,須是見「至大」、「至剛」、「以直」之三 一作「山」,一作「土」。 而言方者,言剛則害於地 《坤》: 至如六 當行不慊於心之時,自然有此氣象。 而言是剛 義,「所生」如 集義 《坤》六二,「直方大,不習無不 雖是學者之事,然亦有聖人之道。 所 五便 Щ 生,非 也; 非是 不同。 「浩然之氣」難 直只是對 集大成。 義 山已成形,乃名爲 襲 欲得學,且只看取 而 若要見時,且 取之也。」「 《坤》之六二,只 道,故下一作 若累土 曲 而言是直 識,須要認 於坤不言 爲 而 Ш 集 利 只是 後 :「不」。 看 也。 須 云 取 地

迫,其發無二,但至一作「只」。 有深淺大小。 乾》九二是聖人之事,《坤》六二是學者之事。 聖賢之

嚴威儼恪,非敬之道,但致敬須自此人。

之道,不是但嘿然無言。「作「爲」。只是主於敬,便是爲善也。以此觀之,聖人只是主於敬,便是爲善也。以此觀之,聖人「舜孳孳爲善」,若未接物,如何爲善?

游子擇中庸,得善拳,中庸如何擇? 於道,只是患在不能守,不能斷。 此則在學者自加功也。大凡於道,擇之則在 此則在學者自加功也。大凡於道,擇之則在 此則在學者自加功也。大凡於道,獨之則 就中庸。 此則存乎「致知」。「致知」者, 如「博學之」,又「審問之」,又「明辨之」,所以 如「博學之」,又「審問之」,又「明辨之」,所以

正」,正之爲言輕,「勿忘」是敬也。正之之「必有事焉」,謂必有所事,是敬也。「勿

六六

甚,遂至於助長。

得否? 编闢整續終自正。和叔未知終

自

千里,直至無父無君,如此之甚。亦是義,墨子兼愛則是仁,惟差之毫釐,繆以之時,其流浸遠,乃至若是之差。楊子爲我之時,其流浸遠,未至大有兼愛之意,及孟子

厚、堯夫,然其説之流,恐未免此敝。有不入禪學者。就其間特立不惑,無如子世人之學,博聞强識者豈少? 其終無

門?「本「張」作「夏」「夏」作「張」。中更有過、不及,豈是師、商不學於聖人之中更有過、不及,豈是師、商不學於聖人之機子似出於子張,墨子似出於子夏,其

^{● 「}而」,涂刻本作「明」。

約。敬是。

要 論 IF. 明 在此,若得 邂逅却正 辨 與叔、季 他 明 語 折難堅叩,方能終其説,直 以 及 知 至 一要處 思聞見爲 世之學者,大敝 患,某甚 喜此 須

事? 只爲 物,便是致知 守?」先生言: 康仲 不知之故,遂流 須先在 一作「拯」。 致知。 且 問:「人之學非願 未 致 於不同, 説 知,盡 到 持 知 不 守。 也。 知 持 如 窮 有差, 理 守 何 格 甚 持

隨 隨 須 和 爲 於義。 有 且 時 則 别 和 隨,當治則治。 溥博淵泉,方能出之。 禮 了, 其 「隨時之義大矣哉 同,只是流 ,孰爲大? 故學者患在不能識時,時出之,亦 風 氣 使 狗耳,不可 之,至 時爲大」,亦須隨 當其時 如 !」尋常人言隨 今之人自是與古 壽 作其事 謂 考形貌 和,和則已是 ,便是能 時。 皆異。 時 當

> 人。 此間 則可 必有 非聖人智慮所不及,只是時 則 不同也。 形 古人皆不 衣裳,至周文方備,只爲時也。 得者,須知三王之禮與物不必 可催促得他? 豆 簠 象 , 見 矣。」 簋 被 聖人出,百事皆做了,後來者没事 殷因於夏,周 王者興,其間 ,自是不可施於今人,自時不相 冠冕之類,今人豈 些功 他 時上盡窮得理。 減 嘿識 百 用 餘歲,今豈 堯之於民,匡直 得此體用,大約 因 舉此 必有名世 於殷 數 端可 , 損 有 有 孟子言: 不 一者,以 此 此 同。 可 益 以 等人 若不是隨 輔翼 人 可 也 ? 常久者,示 是如此,豈 其時考之 知 自 「 五 百 (, 聖賢 ? 觀 畫 稱, 卦 嘿觀 古人 故 時 於 年 簿 又 垂 時

❶ 「之」下,涂刻本有小注「一作箇」三字。

之,

一作「箇」。

只歸之自然,❶

則無可觀,更

無

可

,玩賾。

於金山 所以 傷人。又有曾於鐵 其行步如虎。茅山者則不嚙人,北五臺者則 陽洞曾跳出,其狀殊可愛,亦有時乾處能行, 足怪。虎行處則風自生。 木石之微,感陰氣尚亦有氣,則龍之興雲不 氣烝然自出,如濕物在 非 神。 知者,許大物亦自靈也。 雲從龍 寺,龍能壅水上寺門,取卵不得。 更一等龍,必須胎生。 風 從虎」,龍 狗廟下穿得一龍卵,後寄 日 中,氣亦 龍只是獸,茅山華 陰 物 龍以卵生者, 也, 自 出 出 來 則 龍 雖 濕

河 南程氏遺書第十五 亦

極,

無適而不爲中。

河南程氏遺書第十六

伊川先生語二

己巳冬所聞

若念舊惡,將不能處世矣。」惡,怨是用希。』何也?」曰:「以夷齊之隘,惡,怨是用希。」何也?」曰:「以夷齊之隘,問:「孔子稱伯夷、叔齊曰:『不念舊

乎 仁在事,不可 仁,故測度而設問也。 謂仁乎?』子曰: 及不遠不廣。 病諸』,果乎?」曰:「誠然也。 ,!」仁聖何以相别?」曰:「此子貢 問:「子貢曰:『博施於民而能濟衆,可 以 四海之治也,孰若兼四海之外 爲聖。」又問:「『堯、舜其猶 「何 惟聖人爲能盡仁,然 事 於仁? 聖人惟恐所 必 未 也 識 聖

> 故仁不足以名之。」 亦治乎? 身嘗以爲病也。博施濟衆事大,

利心也。聖人以義爲利,義安處便爲利。如心,便不可。如作一事,須尋自家穩便處,皆謂利者何利?」曰:「不獨財利之利,凡有利趙景平問:「『子罕言利與命與仁』,所

成仁者,未之有也。」蹈仁而死?」曰:「赴水火而死者有矣,殺身蹈是而死?」曰:「走水火而死者有矣,殺身

釋氏之學,皆本於利,故便不是。」

河南程氏遺書第十六

六九

河

南

程氏遺書第十七

伊川先生語三

就 詳 則《韶》舞。」此是於四代中舉這 回云:「行夏之時,乘殷之輅 世不易之法。 文質,隨時之宜。若孔子所立之法,乃 上脩之,二千年來,亦無 細雖 三王之法,各是一王之法,故三代 不可見,而孔子但示其大法,使後 孔子於他處亦不見說,獨答顔 一人識者。 服周之冕,樂 箇法式,其 通 損 X 萬 益

義

不盡也。善善善,者,只得此一卷書,終身用

狠 亢,以剛 不 以察,所 以爲明,獨於睽便變爲惡。 睽之上九 在 以 上則爲狠,以明在上變而爲察,以 爲睽 離 之 也 極 也 離 之 爲 以 德 陽 9 在 在 諸 上則 卦 爲 莫

依前例觀之,殊失之也。 以錯綜之。 睽 睽 後來,書得全别,一 己察之所致。然往 是所以能 解 極 一則必 也 大抵卦爻始立,義既具,即聖人別 故 曰:「見豕負塗,載 睽 通 如《春秋》已前,既 解睽者,却是用明之功 解 ,若睽極不通,却終於睽 有二義: 般事便書得別有意思,若 而 遇 是物 雨則吉」,遇雨者, 鬼 以立例, 極 車。」皆自任 則 也 必反,故 而 到 起 已; 近

然某於《易傳》,後來所改者無幾,不知如何。之稱『聰明不及於前時,道德日負於初心』,書,但逐旋脩改,期以七十,其書可出。韓退告生嘗説:「某於《易傳》,今却已自成

解《詩 故 是天 播 庸》書却已成。今農夫祁寒暑雨,深耕易耨, 滿意,焚之矣。」 方見尹子於姑蘇,問《中 器用,吾得而用之。 不得,惟有補緝聖人遺書,庶幾有補爾。」陳長 土字,吾得 且更期之以十年之功,看如 種 八地間一 五穀,吾得而 》,全無 劉 絢 而 文字到,却用 <u></u>
富也。 安之。 意思,此却 食之。今百工技藝,作爲 庸解》。 功澤又不及民,别事又做 甲胄之士披堅執鋭以守 却如此閑過了日月, 功亦 尹子云:「先生自以爲不 待出些文字。 不多也。 何。《春秋》之 今人 。 令 中 即

理會也

得,不理會也得。

且須於學上格物,不可

不

詣

理也

食,却釀爲水後,令人飲之,又不當飢飽。若此。如損節得酒課,民食亦爲小充。分明民之蠹也。損民食,惰民業,招刑聚寇,皆出於酤,民有買撲,無故輒令人聚飲,亦大爲民食酤,民有買撲,無故輒令人聚飲,亦大爲民食

未能絕得買撲,若且只諸縣都鄙爲之,亦利

不

細

須是集衆理,然後脱然自有悟處。 然於物上人要明理,若止一物上明之,亦未濟事,

只是一箇風 人衆後 常 便成 見伯淳 以動之也 風 成 所在 風 臨 則 政, 有 便上下響應 所 鼓 動。 天 地 到了

漸好。 存正,分别善惡,識廉恥。如此等人多,亦須存正,分別善惡,識廉恥。如此等人多,亦須大凡儒者,未敢望深造於道,且只得所

州 多即 是不 亦由乎教也。 明,其 道 或問:「古之道如是之明,後世之道 一明,知 一時間 故 者少 所出 何 以魯國言之,止及今之一大 也?」曰 大賢十餘人, 豈不是有教 即道不 明 也 此 無 他,知 知者多少, 道 者 如

者 以 以 後世天下之大,經二千年間,求如 致 ,不可得也。」 然 也 ? 蓋 是聖人 既 出 故 有 許多賢 顔、閔 者

便至 至如 我,其過不及同 些,然而厚則 於聖人中道 微,其終則不可救。 於此 ,楊、墨,亦未至於無父無 大抵儒者潛心 師師 蓋其差必至於是也。 漸 1.出於儒者,其末遂至楊、墨。 只是過 至 於兼愛,不及 正道,不容有差,其 如「師 於厚些,商 也過,商也 君 則便至於爲 孟子推之, 只 是 不 ·及」。 不及 始 甚

較 那 只 間 不當爲,便是命在其 而 ? 計 是 者 避 謂 害 較,便是爲有利害。 箇公與私 孟子辨舜、跖之分,只在義利之間。 利 聖 害者,天下之常情也。 相去不甚遠,所争毫末爾。 人則 也。 更不 纔出義,便以利言也。 中也 論 利 害,惟 若無利害, 看義 皆 義 當 知 何用 與 爲 趨 利, 言 計 只 與 利

> 矣。 差。 也, 道 聖人之學,若 傳 經爲 何 嘗息? ·由也。 難。 如 只 非 聖 是 子思、孟子,則 人 人 之後纔百 不由之。 年,傅之已 幾 道 非 乎息

七二

何 已,豈有加也?」 不見責 人或勸先 以 盡 生 禮 前 以 加禮 責 之以 近 加禮 貴。 先 生 禮 曰 盡 則

幽

厲

不

言,則遠近皆 是學之淺者,及其 處,即却無包含不 之語,語近則遺遠,語遠 「知人」,且看 聖人之語,因 盡 此 語 問 有甚 盡 人 仁,曰「愛 處。 而 則不 包含不 變化; 如 樊 知近,惟聖人之 盡 遲於聖門,最 語 人」,問 處? 雖 有 知 他 淺 日 近

濶 步 ,及到峻處,便逡 今之爲學者,如 登 巡。 Ш 麓,方其迤邐 本無「便止」二字,■

⁰ 無 ※便止 二字」,涂刻 本

云:「或以峻而遂止,或以難而稍緩。 苟能遇難而益堅,聞

過則改,何遠弗至也?」

却絶,不若亦如此處之,亦與田五、七頃。唐狄仁傑、顔杲卿之後,朝廷與官一人,死則每處只消與田十頃,與一閑官世守之。至如年代帝王陵寢下,多有閑田。推其後,

則入於禽獸。「人理」一作「禮」。後世人理全廢,小失則入於夷狄,大失

義也。失其義,陳其數,祝史之事也。 大凡禮,必須有意。● 禮之所尊,尊其

充長之,「設」是撰造也,撰造則爲僞也。 「益長裕而不設」,謂固有此理。 而就上

大。朝廷一有違禮,皆禮官任其責,豈得爲人或以禮官爲閑官,某謂:禮官之責最

閑官?

相之職,非知學,安能如此? 陳平雖不知道,亦知學。 如對文帝以宰

留意於獄者則有之矣,未聞有治市者。曹參去齊,以獄市爲託。後之爲政者,

心也。」
至於暴厲。. 曰:「只是志不勝氣,氣反動其至於暴厲。. 曰:「只是志不勝氣,氣反動其或謂:人莫不知和柔寬緩,然臨事則反

却無學者。 已。然求學者,不必在同人中,非同人,又已。然求學者,不必在同人中,非同人,又學者所貴聞道,執經而問,但廣聞見而

① 「意」,涂刻本作「義」。

七二

一七四

别有一等神人,神即聖而不可知。又曰: 「謂孟子言「聖而不可知之謂神」,非是聖上

聖之至妙,人所未能測。」

義理

之,則 俟其反命,故須至答也。 來告,正合不答,然孔子答之者,以陳司 不 曰 知 : 禮 陳 「知禮。」彼國人來問君知禮否,不 有所不答,顧 也。 司 敗 如 問:「昭公知禮 陳 司 敗數 左右而言他。 昭 公失禮之事 乎?」孔子 及 巫)敗必 成 馬 而 説 期 問 對

得之。」 知 心 凡學問,聞之知之,皆不爲得。 通。 則 或問:「如何學可謂之有得?」曰:「大 穎 學者欲有所得,須是篤誠 悟 自 别 其 次,須 以 得者,須默 義 意 理 燭 涵 理 養 識 上 而

> 物,比一至美物。 質如此不美。今人比之古人,如將一至惡古有教,今無教。以其無教,直壞得人

造道深後,雖聞常人語,言淺近事,莫非

序。 者。 禮義之言。 所習,安得不善? 於里俗之言,盡不可聞,皆繫其習也。 如今所傳之《詩》,人人諷誦 三老坐於里門,出 唐太宗,後人只知是英主, 元不曾 古者家有塾,黨 。 今人雖白首,未嘗知 以今所習,安得不惡 有庠,故 入察其 人 長 未 有《詩 莫非 幼 有 揖 不 ? 以 止 讓 人 有 古 學 至 於 之

宗,即位靈武,分明是篡也。只做得箇功臣,豈可奪元良之位? 至如肅:就其惡,至如殺兄取位。若以功業言,不過

止息之理,亦有生息之理。《睽》卦不見四《革》言「水火相息」,息,止息也。既有

已? 須有濟睽之道。「本「睽卦」以下別爲一章。方睽之時,猶足以致小事之吉。不成終睽而德,蓋不容著四德。繇言「小事吉」者,止是

文中子言「古之學者聚道」,不知道如何

聚得?

則無可奈何也。可奈何。雖周公,亦知立法而已,後人變之,可奈何。雖周公,亦知立法而已,後人變之,凡爲政,須立善法,後人有所變易,則無

當其剛浸長之時,便戒以陰長之意。《臨》言「八月有凶」,謂至八月是遯也。

民之力也。 《春秋》之文,莫不書之,其意止欲人君重功之事,無小大莫不書之,其意止欲人君重

書大雩,雩及上帝,以見魯不當爲,與書

郊者同義。

若書子糾,則正了他當得立也。書公伐齊納糾,糾不當立,故不言子糾。

説隨」,此是就卦才而得隨之義。「澤中有兩體便得其義者。《隨》「剛來而下柔,動而凡易卦,有就卦才而得其義者,亦有舉

是一二巨公之家立法。宗法立,則人人各知宗子之法不立,則朝廷無世臣。宗法須雷,隨」,此是就象上得隨之義也。

來處。

宗子者,謂宗主祭祀也。

之宗绝,亦當繼祖。禮雖不言,可以義起。禮,長子不得爲人後,若無兄弟,又繼祖

凡大宗與小宗,皆不在廟數。

收族之義,止爲相與爲服,祭祀相及。

所謂宗者,以己之旁親兄弟來宗於己,

七六

所 以 得 宗之名,非 己宗於 人 也

其父。 是六世 祖之子尚存 凡 宗子 七世 小宗以 有君 ,亦須計會今日之宗子,然後祭 欲 五世爲法,親 祭其父,則見爲宗子者。 道 盡 則族散。 若高 雖

祭祀須别男女之分。 生既不可雜坐,祭

豈 可 雜坐?

著 ,却是僞也,必須用時之服 祭非主 今行冠禮,若制古服 則 無依,非尸則無享。 而冠,冠了 又不 常

都 作「祭於殯」。 無 事 喪須三年 禮卒 哭於何處? - 哭猶 而祔,若卒哭而 存朝夕哭,若無主在寢, 袝,則三年 .却

獺 知 祭。 物有自 禮 亦 得天理者,如蜂蟻 出 於人情 而 知衛 其君,豺

其 可 知者, 祭先之禮,不 無遠近多 可 少,猶當盡 得 而 推 者, 祭之。 無 可 奈 祖又 何;

> 遠,豈得無報 ?

豈

可不

· 報 ?

又豈

口

厭

多?

蓋

根

本

在

雖

然亦不當道七十,只道雖老 宗子雖七十,無 禮云:宗子如一作「不」。 無主 婦,此謂 無 爲殤。 無主婦便得。 承祭祀 宗子有

也

君之道,豈有殤之理 ?

在諸 甚 是含喜怒哀樂在其中矣。 謂之和 事物物皆有中。 作「本」。 麽? 處,不可皆名健, 喜怒哀樂未發謂之中」,只是言 便 體。 只可謂 不中也,言和 既是喜怒哀樂未發,那裏 之中。 「發而皆中節謂之和」,非 然在其中矣。天下 則中 如乾體 在其中矣。 便是 健 及 有 箇 事 分 笛 中 便

是要 人謂 有」。 要 如眼 知見,豈有不能行? 箇 力 知見 前 行 諸 難 亦只 人,要特立獨行煞不難 人只被這 是 淺 近 語。 箇 知 切 人既 見不 事皆所 能 得,只 通 當 作

河

爲,不必待著意做。 纔著意做,便是有箇私

心。 這一點意氣,能 得幾時了?

然後謂之物也,自一身之中,至萬物之理,但 今人欲致知,須要格物。 物不必謂事 物

理會得多,相次自然豁然有覺處。

也。 物物上皆天然有箇中在那上,不待人安排 此二者之中,不知怎麽執得? 之,此皆是不得中。 安排著,則不中矣。 楊子拔一毛不爲,墨子又摩 至如「子莫執 識 得 中一, 頂 則 放 事 踵 欲 事 執 爲

是,豈有不得道理? 古人此箇學是終身事,果能 知之必好之,好之必求之,求之必得之。 顛沛造次必於

「立則見其參於前」,所見者何 事 ?

異乎?

顔淵問.

仁,而孔子告之以禮,仁與禮果

亦未足以語君 説 先於樂者,樂 子。 由 説 而 後 得 然 非 樂則

河 南 程氏遺書第十七

一七七

七八

河南程氏遺書第十八

伊川先生語四

劉元承手編

古 謂之仁。退之言『博愛之謂仁』,非也。 隱之心,仁之端也」,既曰仁之端,則不可 愛爲仁? 固是愛也。 所言仁處,類聚觀之,體認 惻隱之心,仁也。]後人遂以愛爲仁。 博愛,然便以博愛爲仁,則 問 孟子言惻隱爲仁,蓋爲前已言『惻 曰 : 愛自是情,仁自是性,豈 \neg 此 在 諸 公自 出 不可。」 來。 思之, 孟子 將聖賢 可 仁者 專 惻 曰 便 隱 以

孔子言:『何事於仁? 必也聖乎!』便謂仁又問:「仁與聖何以異?」曰:「人只見

可以贊天地之化育。」此言可見矣。 未是。 盡 聖。』此語何如?」曰:「此語固無 者,即是聖人,非聖人則不能盡 敢?」此又却仁與聖 通上下言之也。 仁,亦可謂之仁,至於盡 極 必也聖乎!」蓋仁可以通上下言之,聖 施 小 曰:「人有言:『盡人道謂之仁,盡天道 理之極,更不 中庸》言:『盡 也。 也。 人之性,則 濟 而 聖大。 衆,問 安有知 聖人,人倫之至。 豈 人道 得 殊 能 可 來 不 自是: 人道而 盡 己之性,則 以 事 如曰:『若聖與仁,則吾豈 知 一物之性;能盡 大,故 有 此 人道,天道 加。 俱大也。 言是 不知天道者乎? 仁道,亦謂之仁,此 倫,理也。 曰:『何止 若今人或 孔 能 子 盡 大抵 自是天道? 見 得 人之性; 物之性,則 病,然措意 子 仁 盡 一事 . 道 既 於 貢 楊子 心。」問 謂之 仁 一則其 通 問 能 道 是 博 人

卑; 道,坤 通其 伎。』此亦不知道之言。 能此,何害於 人者哉? 「通 地道也,便是亂說。 如 論其道,豈有異哉?」 天 則餘皆通。 如止云通天之文與地之理,雖不 地 儒? 人曰 儒, 天、地、人只一道也。 如後人解《易》,言乾天 通 豈有通天 天 論其體,則天尊地 地 而 不 地而 通 人 不 纔 通 日

二之本歌!二 問:「『孝弟爲仁之本」,此是由孝弟可 置孝弟是什之一事,謂之行仁之本則可,謂 蓋孝弟是仁之一事,謂之行仁之本則可,謂 之是仁之本則不可。蓋仁是性一作「本」。也, 之是仁之本則不可。蓋仁是性一作「本」。也, 一之上之一事,謂之行仁之本則可,謂 以至仁否?」曰:「非也。謂行仁自孝弟始。 問:「『孝弟爲仁之本」,此是由孝弟可

如其仁」,何也?」曰:「此聖人闡幽明微之孔子未嘗許人以仁。或曰:「稱管仲

此聖人言語抑揚處,當自理會得。」仁,此甚小却管仲,故孔子言其有仁之功。道。只爲子路以子糾之死,管仲不死爲未

孔門如子貢者,便能曉得聖人意。 著一箇『不行』,不免有此心,但不行也,故 復問曰:『非歟?』 孔子告之曰:『非 他有所啓發。 「人無克伐怨欲四者,便是仁也。 子謂『可以爲難』。 「女以予爲多學而 以貫之。」原憲則不能 問:「克伐怨欲 他承當不得,不能 識之歟?」對曰: 此孔子著意告原憲處,欲 不行,可以爲仁?」曰 也 再發問也。 只爲 且如曰 『然。』便 也。 原 憲

用, 山 處,仁是就事言。」曰:「若是,則仁是心之用 否?」曰:「固是。若説仁者心之用,則不 只可謂身之四支。 心譬如身,四端如 問:「仁與心 何異?」曰: 孤支。 四端 固 四支固是身所 具於心,然亦 「心是 所 主

却 種 未 是情也。 可 便 (待陽氣而生。)曰:「非 謂 之心 心譬如穀種,生之性便是仁也。」 之用 或 曰 : 是。 礕 陽 如 氣發處 五. 穀之

間?」曰:「不如此説。 且 只 箇義字亦得。」 有 如 有 《今東者自東,西者自西,何用信字? 不信,故有信字。」又問:「莫在 四端,却 問:「四端不及信,何也?」曰:「性 ·無信。 爲有不信,故有信字。 若如此説時,只説一 四端之 只 中

未能 忠以 否?」曰:「恕字甚大,然恕不可獨用,須得 用,須要理會得。」又問:「恕字,學者可用 以貫道,但子思恐人難曉,故復於《中 一等言之,曰『忠恕違道不遠』。 爲體。不忠,何以能恕? 相 一焉。』恕字甚難。 問:「忠恕可貫道否?」曰:「忠恕」 用 處。 孔子 曰:『君子之道 孔子曰:『有一言可 看忠恕兩字, 忠恕只是體 四,丘 庸 ※ 古 功 降 可

以終身行之者,其恕乎!」」

終? 人。 朋友,皆當以敬 淺薄,以相懽狎爲相與,以 首。」或曰:「君子淡 『比之无首凶。』象曰:"比之无首,无所終 如此者安能久? 若要久,須是恭敬。 句,是否?」曰:「不可。 曰:「是也。 也。』比之有首,尚懼无終。既无首,安 與人恭而有禮,言接人當如此也。 問:「人有以『君子敬而 故曰: 『无所終也。』 比之道, 須當 豈有甘而不壞者?」 爲主也。 以 成,小人甘 敬是持己,恭 《比》之上六 無圭角爲相 無失與人」爲 以 懽愛, 君臣 是接 得 有

出門者,事也。非因是事上方有此敬,蓋素時可知也。且見乎外者,出乎中者也。使民若思」之時也。當出門時,其敬如此,未出門方其未出門、未使民時,如何?」曰:「此『儼問:「『出門如見大賓,使民如承大祭。』

冠 敬 來 誠, 也。 ,尊其瞻視 非因 如人接物以誠,人皆曰 接 物而 ,其中自有箇敬處。 始 有此 誠 也 誠 儼然 人,蓋 雖 白無 IE 其衣 是素

敬自可見。」

恐不直内,内直則外必方。」外」,何如?」曰:「「有諸中者必形諸外。」惟問:「人有專務「敬以直内」,不務「方

事也?善。譬如門,不出便入,豈出入外更别有一善。譬如門,不出便入,豈出入外更别有一有一箇善,一箇惡,去善即是惡,去惡即是事,然亦只是一事。閑邪則誠自存矣。天下事。然亦只是一事。閑邪存其誠」,雖是兩一數是閑邪之道。「閑邪存其誠」,雖是兩

賢所言 見,但人自不見,昭昭然在天地之中也。 如性,何須待 自 有。」或曰:「無狀 義還! 見者 因事而見否?」曰:「非 事 有 某所 物 方指 可見。」曰: 言見者 爲 性 理。」如「日 ? 一説 性 也。 自在 有 不見而 便 性 也。 是 且 中

彰」是也。

問: 誠意 冤民也。」「幙官言事不合,如之何?」曰: 何?」曰:「甚善。若能充其職,可使一郡 道事之,過則歸己,善則惟恐不歸於令,積此 只是争私意。令是邑之長,若能以事父兄之 何?」曰:「當以誠意動之。今令與簿不和, 邑,使民不爲盗,簿之責也,豈得爲輕?」或 是捕盗,不能 日 責天理而不修人事。 習舉業也? 已,若更去上面盡力求必得之道,是惑也。 必 「責輕於尉」。 不得已,有去而 ,豈有不動 人注擬差遺、欲就主簿者。 人多說某不教人習舉業,某何嘗不教 簿佐令者也,簿所欲爲,令或不從 人若不習舉業而望及第,却是 使民不爲盗。 某日 得人?」問: 른 :「却是尉 但舉業既可以及第 須權量事之大小,事 簿佐令以 「授司 責輕。 問其故, 理, 治 尉 無 如 則 即 X 只

大 今人只被以官爲業,如何 事大於争,則當争,事 於 去, 則 去 事 小 小於争 於 法得 去, ', 則 ? 亦 不 不 須 須 去 也 也

抑, 有剛 柔,須索勉强 學,便却 如子 古人佩韋絃之戒,正爲此耳。 柔也 人有 路, 移 實無 其 故强 初 也 剛 學 雖 來 猛者當抑之,畏縮者當 而 聖人 克己甚易。 氣蓋 亦被他 人者,其 陵,後 畏縮 氣 然剛 作 者 來 者易 氣 既 充養 「禀」。 知 本

也。張子厚善鑑裁,其弟天祺學之,便錯。 藻鑑人物,自是人才有通悟處,學不得

聖,亦 博 有 致 覺 知 而 問: 也。 智 思思 是 益 能 「學何以有至覺悟處?」曰:「莫先 日睿, 致知,則 學 箇思。 明。」又問: 而 無 睿作聖。』纔思 故曰: 覺, 思 則 日 勉 何 莫致 愈 益矣? 明 强 便睿,以 知 學 一日,久 問 與 力 又 川 奚 行 而 至 聞 作 學 後 兼 見

著這

事。

蓋

人之知、識,於這裏蔽著

得 勉强 用 否 自不須勉强也。 是循理爲樂,不 知亦有深淺也。 ? 三 ,此又上一等事。」 勉强,至於知穿窬不可 ,只是知循理,非是樂也。 爲常 循理爲不樂,何苦 若夫聖人不勉而中,不思而 古人言樂循理之謂 人言纔 知 爲,則 得 非 纔 不 禮 到 · 待 而 不 樂 勉 不循 君子,若 可 時 爲 ', 便 須

旭 有 思念至 又公孫大娘 事 留 感悟處,若不思 問: 上 心於書,若移此心於道,何所不至?」 思曰睿」,思慮 思未得,且 此 而 張旭學草書,見擔夫與公主争道 感發 舞劍,●而後悟筆法,莫是 否?」曰:「然。 , 怎生得如 别 换 久 後,睿自然生。 事思之,不可 此? 須是 然可 思 心常 若於 專 惜 張

■「又」,涂刻本作「及」。

佗事,莫是心不專否?」曰"「心若專,怎生解及别事?」」思亦不通也。一本此下云"「或問"「思一事,或泛及

卓立中途。 向 西 邊 與學者語,正 ,西邊扶 起 却 如 扶醉人,東邊扶 倒 向 東邊,終不能 起 得佗 却 倒

學。欲趨道,舍儒者之學不可。一曰文章之學,二曰訓詁之學,三曰儒者之古之學者三,異端不與焉。

歸? 必趨於道矣。訓詁,三惑於異端。苟無此三者,則將何亦之學者有三弊:一溺於文章,二牽於

須是 知 曰:「此固是。 夫婦兄弟朋友,於此五者上行樂 本,道之大本如 知得了 或曰:「人問某以 特 行 ',方能 難 然怎生地樂? 何 知 求? 樂 亦 得。 難 學者當先識道之大 也 某告之以 故 ^ 人力行,先須要 書》 勉强樂不得 曰:「知之 處便是。」 君 臣 父子

> 之 ? 後可 譬如 非 以此見知之亦難矣。」 艱 往。 人欲往京師,必知是 ,行之惟艱。」此 自古非無美材能力行者,然鮮能明道, 如不 知,雖有欲往之心,其將 古 是 出 也 那門,行那路,然 然知之亦 自 艱。 何

非固 族」。 賢 他 堯學他行事。 是知所以親親之道方得。 容安可妄學? 到底,須是知了方行得。 甚難。」曰:「子以誠 生行得? 意,是躐等也 也 動 有之也。 容周旋中 問:「忠信進德之事,固可勉强,然致知 親親本合在尊賢上,何故却 親 親 勉强 也。 禮? 無堯許多聰明睿知,怎生得 且如《中庸》九經,脩身也,尊 學者固 行者,安能持久? 如子所言,是篤信 堯 『有諸中,必形諸外。』德 敬爲 典》『克明 當勉强 可勉强,且恁地 若不知,只是覷 未 然 峻 致知,便欲 德,以親 在下? 而固守之, 不致知,怎 除非 燭 誠 九 如 却 理 須

四

今 泰 野 皆 深 如 有 難 事 明 數 無 知 佗説 也。 本 然 X 知 人,曾爲虎所 自 其 異 人,見佗説虎,非 行 則 亦 亦 然 (美,然) 知有多 ,然思今日,覺得意味與少時 如 了有畏懼之色,蓋真知虎者也。 將 不 不 樂 去也。 然。 此 難 循 貴 但 理 且 少 學者須是真 傷, 人聞 如 般 爲 某年二十時 性 膾 因言及虎,神色便變。 數 人不知,旋安排 著便 本 炙,貴公子與野 不知虎之猛 ,然有深 善 有欲 知 循 理 嗜 淺。❶ 解 纔 而 膾 釋 知 可畏,然 行 自 經 得 炙之色, 著 向 是 人莫不 是,便 義 别 學者 親 便 順 與 不 傍 見 道 理

正 也 必 + 知 子 47 於仲尼 誠 學 道 信 或 者須 問 這 有二般: 意 箇 要自信,既 怎生是,怎生非也。 ,得佗言説,❷便終身守之,然未 誠 進 意 修 有信人者,有自信者。 之 在 桁 致 何先 自信,怎生奪亦不得 知 致 知 曰:「莫先於 此信於人者 在 格 物」。 如 七

> 通衆 書,講 有 知?」曰:「怎生便會該 或 格 格 件 貫 應 理, 物 至 · ·, 明 理,雖 通 事 明 也 須 須 處 接 日 義 物 是 物 又格 顔子 如 理 窮 物 而 ; 致 格 祖 亦不 處 或 之, 其 考 其 件,積習既 論古今人物, 來 理 當, 敢 還 格 如 只 通 皆 二之格 窮 此 ? 格 窮 理 道 多 理 若 亦 0 然 物 須是 只 也 别 多 凡 而 其 後 格 端 萬 脱 今 或 是 物 然 日 物 理 問 非 或 上 格 皆 自 便 讀 有

涵養須用敬,進學則在致知

至,則 到 則 也 智 識 問:「人有志於學,然智 如 當 智 之何?」曰:「 自 識 漸 明 明 則 不曾見 力 量 只 自 人有 是 進。」問 致 識 知 蔽 件 曰:「何以 古 事 若 終思 力 致知 量 示

0

説

刻本

涂

刻本作

[「]然」,陳刻本、涂刻本作「煞」。

之多則理明,然人全在勉强也。」致知?」曰:「在明理。或多識前言往行,識

也,其可一日舍哉?則無所食,無所食,則不得生。士之於學則無所食,則不得生。士之於學士,猶農夫之耕。農夫不耕,

能

也?

問:「學者須志於大,如何?」曰:「志如只聽佗人言,却似説他人事,己無所與也。學者言入乎耳,必須著乎心,見乎行事。

自賊者也,謂其君不能者,賊其君者也。」」以道爲志,言人便以聖爲志。『自謂不能者,居仁由義者差等不同,其自小一也。言學便做第二等。才如此説,便是自棄,雖與不能無大小。且莫説道,將第一等讓與别人,且

能,如何?」曰:「技藝不能,安足恥? 爲士藏之,不可也。」問:「技藝之事,恥己之不「人恥其不能而爲之,可也。恥其不能而揜或問:「人有恥不能之心,如何?」曰:

亦曰 云「博學守約己不能之則」。 博學,己不博學, 者,當知道 勉之而已,又安可嫉人之能而諱己之不 一,己不知道,可 本無 知 可恥 道」已下至此十九字,但 恥 也。 也。 恥之如何, 爲 士者,當

心,便不是學。學是至廣大的事,豈可以迫學欲速不得,然亦不可怠。纔有欲速之

切之心爲之?

問:「敬莫是静否?」曰:「纔説 静字,便是忘也。 釋氏之説也。不用静字,只用敬字。 忘,勿正,便是勿助長。」 正,心勿忘,勿助長也。」必有事焉,便是心勿 用意? 若能不用意,●却是都 問:「敬還用意否?」曰:「其始安得不 孟子曰: 『必有事 無事了。」 静 纔説 焉 便 而 於 勿 又 著

❶ 「能」下,涂刻本有小注「一無此字」四字

一書

八六

能 徒 術 乎?」曰 日 各 如 ,常懷一箇欺人之心,更那裏得誠來?」 以 此 問 有之。」曰 私 誠邪? :「此是聖人之道 智探測 至 誠 可 至 欺邪?」曰:「此 以 理 列 蹈 子 而言也。」曰:「巫 水 言 火, 不明後,莊、列之 商 丘 有 開 此 輩 之 理 往 事 否 往 師 有 亦 有

敬 此 理 懼 久,則氣充,自然物動不得。 不足。」 則知所懼 然不 何也?」曰:「只是 問:「 免懼 獨 心者,只是氣不充。 者妄,又何懼焉? 處一室,或行 燭 理 不明。 然有懼心,亦 闇 中, 須是 有 人 若 多 雖 能 有 涵 是 養 如 燭 驚

無 也 如 疑 何 懼,何也?」曰: 須是於原字上用工夫。」或曰: 問:「世言鬼神之事 遊 可 魂 以 爲 曉 變』與『原始要終』之説 悟 其理?」曰:「 「此只是自疑 雏 知 理會得『精 其 無 爾 便 然 遊 曰 能 不 能 魂 氣 知

> 然不 Ш 與賢,雖 者亡,堅者腐,更 爲 曰 事。 : 變」,是 「何以 惑。 會 變化 氣 得 得 未 無 亦信 之變 充,要强 恐 無物 懼 不過,須是自得 否 ? 也 不 曰:「須 日 鬼 得。」 : 神之道 既 因 是 是 説 也。」 氣 只只 變, 與 定 長 恁説 則 老 或 自 存 游

習。 此? 變也。 德 親宦官宫人之時 母,欲令上於一日 氣象,貴戚 「此亦當習。 性。」 今觀儒 只是 人 學至氣質變,方是有功。 語言緊 習 自 臣 習 也。 有 自 到言語自 急, 有 少, 之中親賢 某 般 一般氣象,武 莫是 舊 氣 所 當進 象。 以 然緩 氣 涵 士大夫之時多, 不 説 不 養 定 時 於主上 成 人只 臣 氣質, ?,便是 否? 生 自 來 有 是 及太 薰 便 氣 日 質 陶 如 箇 般

❶「自」,原誤作「目」,據四庫本《二程遺書》改

也。 已定,故雖死生許 如曾子易簣之際,其 勇,老而怯,少 人只爲 若是氣,體勞後須倦。 絲髮氣在,則志猶在也。」 若是志 氣勝 ···「人或倦怠,豈志不立乎?」曰 勝 志 而 氣 ,故多爲 廉,老而貪,此爲氣所 時,志既 大事,亦 氣之微 若是志,怎生倦 氣 一定,更不 所 動他不得。 可知,只爲 使。 如 人 可易 蓋 他 使者 少 得 有 志 而 ?

雖

IF.

亦 邪

乃謂劉質夫也。」 儼 叔六 否?」曰:「安有箕踞而 口 令拘 然 危坐 月中來緱氏,閒居中,某嘗窺之,必見其 問:「人之燕居,形體 迫 ~, 拘 · 可 迫 謂 則 敦 難 篤 久矣。」尹子曰:「嘗親聞此、 矣。 心不慢者? 學者須恭敬 怠 惰,心不慢, 昔吕 等,但不 與 可

心 壺 無 水投於水中 主、若主於敬、則自然不紛擾。 昔吕與叔嘗問 - , 壺中 爲思慮紛擾,某答以 既 實,雖江湖之水,不 譬如 但 以 爲

> 軍旅 否?」日 入矣。 主嚴 三 且 ,此是也。 曰:「若 一如在 思 宗 如 慮 廟 發 果出 則 不 主 以 敬, 於 時 ,紛然無度, IE. 朝 廷 亦 主 無 莊 害

能

此説 外 者 覩 然中間至之之方,更有 人。」 今人學者須讀書, 性至命,然其間 理 此説,却以禮義爲僞,性爲不善,佗自 道當如何? 綱説,固是自小以致大,自修身可 也。 欲力行之,以 會 不聞之時,則 問 : 不得,怎生到 如 何?」曰:「馴致,漸進 游 荀子曰: 宣 德云:『人能 多聞多見取之,其 「無聲無臭」之道 有多 得 聖人? 少般數,其所 『始乎爲士,終乎爲聖 纔讀 多少? 書 戒慎 大抵 也 便望爲聖賢 荀子 可 恐 所學者 以 以 以 然 以 懼 雖 此 堯 情 至 至 馴 之之 於不 性 能 於 致。 所 亦 杰 行 尚 如 大

問 「人有 日 誦 萬言, 或 妙 絶技 此 口

更不 柔必 進 尺之軀,能 强 止 除是 强。 論 可 才。 日 蓋 積學既 有多 進 聖人 大 不可 前 賢 少 與天 久,能變得氣質 以 鈍 /技藝? 0 者不 下, 大凡 地 即論才;大賢 可 合德,日 所受之才, 人有身, 使 利 ,則愚 也。 月合 須 惟 難 用 明 以 必 理 加 六六 才, 上 明 勉 口

聖人忘己,更不論

才也。」

者,是 量 則 大 量,有鍾 識 量 氣 荻。 一,道 矣, 無 量 是氣 不 問 滿 也 然 識 須有限。 人量 一人 ·可强。 有涯 不平 實未 鼎之量,有江河之量。江河 故聖人者, 常 隨識長,亦有 有涯 於 人之有量者,天資 至 杏 今人 大抵六尺之軀,力量只如此, ? 議 也。 論, 亦 딩 : 有斗 大凡 天 有 多 地 時 欲 筲之量 固 别 人識 之 而 己 是氣 事 滿 量 直, 人 惟 高 也。 也 不平 都 有 無 而 天 强 量 天資 聖 之 釜 含 地 得, 人 量 之 斛 不 亦 容 有 之 亦 之 惟 長 是 之

天資之 器盛 當 者 仁 雖 兩 了,有得 - 廟賜 時 府 欲 以 物 而 不 量,非 初滿 德 飛 滿 滿 行 者, 白 官 不 書 稱,名望甚 時 滿 而 知 口 日 尚 道者 滿 雖 得。 可 者 三王 有 有 以蔽護,更滿 也。 先後 且. 隨 重 如 改 德行 昔 ; ,然卒不 京 人 及 王 官 有 ·, 李 爲相,有 隨 而 得 甚 則必 滿 淑 免。 有 者 薦 文 器 出 章。」 譬 有 而 ·; 此 如 滿

鷩 求 作三 怪。 路 到 轉 這 運 裹,位高後便 使,王薄之,出 動 了,人之量 鄙 言,當 時 只 人 如 皆

此。 姜 七十,處得 維 古人亦有如此者多。 云云。 甚好,及因 謝安聞 謝玄破苻堅 下 蜀 有 如鄧艾位三公, 功 ,便動了。 對 客 韋 棋

人 報 大 至 醉 不喜,及歸折屐 後 益 恭 謹 者,只 齒,强終不得 益 一恭便 是 動 也。 T 更 雖 如 與

者 益 不 肆 ·同,其爲位所 者 高 不 益卑謙 同 , 其 ,只卑 爲酒 動 所 謙便是 動 也。 也。 然惟 動 了 又 知道者 如貴 雖 與 、驕傲 公子

位

放

自然宏大,不勉强而成。今人有所見卑下

者,無佗,亦是識量不足也。」

自是無人,豈是無時? 因言少師典舉、明道薦才事。人多言古時用直不避嫌得,後世用此不得。選,其子弟係磨勘,皆不爲理,此乃是私心。 一人纔有意於爲公,便是私心。 昔有人典

不須説,纔知義理便迫窄。若聖人,則綽綽聖人作事甚宏裕。今人不知義理者,更

有

裕

之高厚; 語其 即 有理,須是察。」 曰:「求之性情,固是切於身,然一草一木皆 當理會。」又問:「致知先求之四端,如何?」 否?」曰:「不必如此説。 曉此,『合内外之道』也。 問: 觀物察己,還 小,至一物之所以然,學者皆 因 物我 見物,反求諸 語其大,至天 理,纔 明 地 彼 身

觀物理以察己,既能燭理,則無往而

不識。

天下物皆可以理照,有物必有則,一

物

須有一理。

窮理、盡性、至命,只是一事。

纔窮

理便

聲、色、臭、味四字,虚實一般。盡性,纔盡性便至命。

凡物

有

形必有此四者,意言象數亦然。

爲人處世間,得見事無可疑處,必有此四者 意言多數亦然

多

少

快活

然仁是本。」然仁是本。」問:「學者不必同,如仁義忠信之類,只是一體事,若於一事上得之,其佗皆通也。於一字上求之,可否?」曰:「且如六經,則於一字上求之,可否?」曰:「且如六經,則

怠者,有憚其難而止者。 向嘗爲之説:今人之何?」曰:「有兩般:有思慮苦而志氣倦也,則:「人之學,有覺其難而有退志,則如

九〇

形

難

之學, 譬如 管見爲得也。」 喜不自勝,此終無所 堅」,此非是言聖人高遠實不可及,堅固 然也,人弗爲耳。 可入也,此只是譬喻,却 瞻之在前,忽焉在後』上。」又問:「人 實 處 而 以管窺天,乍見星斗燦爛,便謂 遂安者,如何?」曰:「此 便止,人情是如此。 難 如 登 登 也,聖人之道,不可 Ш 麓,方其易處,莫不 顔子言『仰之彌高,鑽 得。 無 若有大志者,不以 Ш 事,大意 高 實無所得也。 形 難 濶 登,是 象 步,及 有 却 非 所見, 八少有 是在 [實不 之彌 有 實 難 定 到

得

不得,其如命何 親奈何?」曰:「爲己爲親,也只是 仕 之累,何修可 ,然得之不得爲有 若志勝,自 問 :「家貧親老,應舉求 以 免此?」曰:「此只是志 無 此 孔子曰: 『不知命無以爲 命。」曰: 累。 家貧 仕 「在己固可 親老,須用禄 不不 免 事。 有 得 不 , 爲 若 勝 失

> 道,奈何得之須有命 每下者也。」孟子曰:「求之有道,得之有命。」求之須有 天者之事也。 於義,借使求則得之,然非義則不求,此 説,然後能安。 中人以上,於得喪之際,不能不惑,故有 命,蓋爲 動,見利必趨,其何以 君子。』人苟不 上,安於命。 中人 乃若聞命 以上者設,非爲上知者言 知 上智之人,安於義,中 若上智之人,更不言命,惟安 命,見患難必 爲 而 君子 不能安之者,又其 避 ! 然聖· 遇 得 人言 命之 喪必 人 也。 以

古人一 肯守 行,然不知有 行堯之行。』古人而殺一不義,❶雖得天下不 問:「前世所謂隱者,或守一節,或敦 節 節 事 行 專行之。 知道 也。 否?」曰:「若知 如 孟子 此 等人,鮮 曰:『服 明 堯之服, 理,多取 道,則不

0

而」,陳 刻本、涂刻本作「有」。

仕。 得 爲,則我 有 也。 高 尚隱逸,不 如 是以 此 亦 等,則 殺一不 東漢尚名節,有雖殺身不悔者, 肯 放效前人所爲 義, 就 仕 雖 則 得 我 天 亦 下不爲。 耳,於道鮮自 高 尚 隱 古人 逸 不

只

爲

不

知道

也

嵩山 稍 爾 來矣。蓋先生前一年嘗欲往,以事而止。」曰:「有之。 者,有諸?」因問王子真事。 菴外事, 莫是 向 聖人肯爲否?」曰:「何必聖賢? 近道 見 ,王佺已候於松下。 問:「方外之士,有人來看他,能 嵩 曰 理 一只是 Ш 一者,便不肯爲。 董 野 狐 五 精。 心静 經 問何以 能 釋 静 如 子 此。 知之,曰:去年已有消息 陳本注云"「伊 而後能照。」又問 釋氏嘗言,菴中坐,却 猶 不 問 肯爲, 何以 ĬII 使釋氏 一日 况 先知 能 聖 見 人

何。 若説 問 : 白 神 日 仙 飛 之説 昇之類則 有諸?」曰: 無,若言居 不不 知 Ш 如 林

> 術異也。」聖人能爲此等事否?」曰:「此 此 間、保形 使聖人肯爲,周、孔爲之久矣。」 天 爐 地 理也。」又問:「楊子言:『聖人不 火,置之風 間 鍊 賊,若非竊造化之機,安能 氣 中則易過,置之密室則 以 延年益壽, 則有之。 師 難過,有 譬如 延 仙 厥 是

惑矣。」 者也。 了 Ш 若是合有,又安可屏? 要屏事不問。這事是合有邪? 林之間,蓋非 ,更屏什麽? 問:「惡外物, 物安可惡? 理明者 彼方外者苟且務静 如何?」曰:「是不 釋氏之學便如 也。 若是合無, 世方以爲高, 合無 此 ,乃遠迹 自 然 邪? 知 釋氏 無 道

至於世,則怎生出 爲他不父其父,不母其母,自逃去 皇天,不履后土始得,然又却渴 釋氏有出家出 得 世之説。 ? 既 道 家本不 出 飲 世,除是不戴 而 古 可 飢食,戴 可 出 也。

天 而 履 地

不過日 神明?」 自私 箇 破 鏡 香,便道我有無窮福利,懷却這箇心,怎生 窮著他,便道 何?」曰:「只 觀,第二事 上,●怎生遁?❷ 伦 箇 燈之類, 一談仁談義,只爲 !處。」曰:「亦未得道他不是。 問 : 萬 爲輪回生死,却爲釋氏之辭善遁, 理歸 理無 某嘗讀《華嚴經》,第 包 含 我不爲 於一 爲釋氏要周 礙觀,第三 萬 且指他淺近處,只燒 理也。」又問:「未知所 象, 他歸宿處不是,只是 這箇, 無 有 事 遮, 到 事 窮 了 無 盡 言以蔽之, 礙 寫 真 百家 觀,譬 在 此 空 策 諸 理 絶 文 事 子 箇 以 子 纔 如 如 相

然後却 壞 壞,無住空。 也。 釋氏言成住壞空,便是不知道。 漸漸毀壞。 他 以 謂 且如草木初生既 如 木之生,生長 天下之物,無有住者。 既 成 生 足却 盡 只 自 有 便 住, 枯 成 嬰

> 兒 而 氣 生,長 體 日 漸 長大,長的 日 便 是 減 自長 日 ~,減 何 的 嘗 自 得 減 住 ? 然

九

相

干

也

爲二。」 夫 看 謂 復 既 了理字也。 明此 問釋氏 何 障 ? 理 理障之説。 而又執持是理,故爲障。 天下只有一 若 以 理爲 曰 : 障, 箇 「釋氏有 理 則 既 是 明 己 此 此 與 説 理

世事,往 也。 今之學禪者,平居高談 往直 有 都不 曉者,此 性 命之 只是實 際, 無 至 於 所

得

曰 : 何?」 曰 問:「 以先知覺後 : 釋氏 何必 有 知,以 浮 圖 宿 覺、言 孟 先覺覺後覺。」知是 子 嘗 下 覺 言 覺字矣。 之 説,如

遁」下,涂刻本有「得」字。

策」,涂刻本作「册」。

年書?」
話,勝讀十年書。』若於言下即悟,何啻讀十知此事,覺是覺於理。● 古人云:『共君一夜

是聖人之知,豈更有過?」
非《中庸》所謂『極高明』。如『知者過之』,若明之人,所謂『知者過之』也。然所謂高明,又何惑乎?」曰:「今之學釋氏者,往往皆高、迷暗;今之人人也,因其高明。』既曰高明,迷暗;何之知,豈更有過?」

「深固者難反。」」曰:「是可反否?」曰:處,其心便安於此。」曰:「是可反否?」曰:却爲佗求道未有所得,思索既窮,乍見寬廣「今人不學則已,如學焉,未有不歸於禪也。問:「世之學者多入於禪,何也?」曰:問:

也。」「横渠能充盡否?」曰:「言有多端,有粹者也。」曰:「充得盡時如何?」曰:「聖人問:「《西銘》何如?」曰:「此横渠文之

儘醇,自孟子後儒者,都無佗見識。」知此,如賢人説聖人事也。横渠道儘高,言事,如聖人言聖人事也。造道之言則知足以有德之言,有造道之言。有德之言説自己

有此理否?」曰:「固有之。」又問:「或言人問:「邵堯夫能推數,見物壽長短始終,

❶ 「於」,涂刻本作「此」。

九

四

還以 之類 精 極 亦 但 經世》,當作「三十」。 是大綱數,不必 壽 方 生下日 得 蓋 亦 百 有過 數推考?」曰:「形色亦可察,須 二十 不及。」又問: 數, 如此。 猫 犬 是否?」 得 馬牛得 十二,燕雀 日 「還察形 六十, 固 得 是, 色? 按《皇 六 年 此

> 却 新

及 理 邵 堯 夫數法出於李挺之,至堯夫推 數 方

答云: 微不能 唤大 之日 城 説 常 以 中。 人,甚懸絶矣。 聖人觀之,此亦未 郎 是 :「堯夫平日 邵 「你道生姜樹上生,我 堯夫已自爲塋。 答。 來云:「不得遷葬。」衆議始定。 時 堯 夫 諸 次 臨 公都 日 終 見之,却有 時, 所 他疾甚革,某往視之,因警 在 學,今日 佗 是,蓋 廳 只 在 上 是 房 議 諧 猶 間 聲 後 無 謔, 有 便 事 如 事 亦 意 須 聞 絲髮 否?」他 只 各欲 也 得 臾 得 來 而 依 令人 遷 又諸 比 大 去。 你 葬 氣 之

> 此,何 生之説 者不 『未知生,焉知死?』人多言孔子不告子路, 氏 先知 虚 公恐 得,便雖 此乃深告之也。 夫 念慮,不昏,便 更能要終,1 幽 報云云,堯夫問有甚 事 平生只學這箇事 而 州 , 必 明, 喧 死,何也?」 也。」以 佗自 也? 。」人能 學 他 萬 故 他 般安排著 聽得。 盡 如 他 知得 曰:「此只是 出 但 此, 人觀之, 原 如 外 燭 曰 : 事,日 又 曰: 死 始 此 亦 説 問 理 ,將這 理。 贵 ,亦不濟事。」 曰 : 知 明, 「只是一 話 有某事。 又 嘗學 便 得 『原 問 佗皆 自 箇做 病後 「堯夫未 以 作 生 能 「所以 始要 也? 爲 理, 堯夫曰: 之。 箇 聞 一件大 釋 氣 怪 死。 不 得 (終,故 氏 將絶, 作 孔 病 此 只 動 臨 所 我 子 如 事。 時 只 心。 若 終, 人云 將爲 以 知死 心 是 不 日 邵 不 生。 明 堯 學 釋 亦 無 如 心 收

⁰ 更」,陳刻本、 涂刻本作

問: 子厚以爲然 檢正 不當歸功水獸。 地之靈,宗廟之祐,社稷之福,與吏士之功, 云: 如之何?」曰:「某當辨云:大河之塞,天 「如何定龍女衣冠?」曰:「請 「在禮 「若使某當是事,必不如 所奪,只定得數箇謚,并龍女衣 張子 厚罷 空院,有: 禮 . 甚職 龍,獸也,不可衣人衣冠。」 官, 歸 事?」曰:「多爲 過 洛 陽 此 相 處置。」曰: 依品 見。 冠。 禮 某 秩。 問 房

之辨明也? 姦,此則未然。 明,智不足以破姦,故人與之爲敵。』 如《表》云:『忠不足以信上,故事必待於 之得君可 一勿使上知」之語,信乎? 」曰 甚 問 説此 「荆公可謂得君乎?」曰 也,然荆公之智識,亦自能 話。 舉此一事便可見。」曰:「荆 若君臣深相知,何 且如 作此 事當. |:「須 如何,更須詳 : 看 待 「後世 智 事 他 知 當 事 不 得。 公 自 使 破 時 謂

細,反復推究方可。」類,不成是欺君也? 凡事未見始末,更切子更須如何商量體察,今且勿令上知。若此審,未要令上知之。又如説一事,未甚切當,

問:「人之寐,何也?」曰: 静,闔闢之理也。 聚於內,如血歸肝之類。」今人不睡者多損肝 只是陰。 問:「魂魄何也?」曰:「魂只是陽, 人之有寤寐,猶天之有晝夜。 魂氣歸於天,體魄歸於地是也。 如 寤寐,須順陰陽始 人 寐 時 陰 血 陽 氣 得 魄 皆 如 動

道家三魂七魄之説,妄爾。」

者耳。《荀子》中自説 還與物同 蛇身者,莫無此 人,繁氣爲蟲否?」曰: 人,安有此等事? 或曰:「傳記有言,太古之時,人有牛首 生否?」 理 否?」曰:「固是。 曰 : 但有人形似鳥喙,或牛 。」問:「太古之時,人 然。 「同。」「莫是純氣爲 人乃五 既 之

九

六

者。 老人是也。 木生。 書》云:『有 化,到合化時自化。 是氣化而生者,若腐草化螢 化,今無氣化,何也?」曰:「有兩般。 知。」曰:「今天下未有無父母之人。 當徐論之。 氣, 自然禽獸生焉。」或曰:「先生《語録》中云: 是。 焉知海 無情 種生 生其間 初生時 此 且如人身上著新衣服 近 是 者。 去。 有土 人人處 天 島上無 ,此氣化 還 且 地 無情而化爲有情者,有有情而 有情 無情 此理甚明。」或問:「宋齊丘《化 而 古 清 以 生草 如海上忽露出一沙島,便有草 無,須 氣化之人?』如何?」曰 明 而 氣 而化爲無情者,如望夫化 也。 化 純 化否?」曰: 木,不足怪 爲 有 粹 是 氣既 氣化生之後 有情者 氣 極 所 ,過幾日,便有 遠 化後,更不化,便 是 生 處 一,若楓 也。 山此 也 有, 既 __ 必燭理 有草木, 古有 而 既 亦 樹 或 是 有 化 不 種 日 爲 化 蟣 全 氣 可 生 氣 爲 牛 纔 石 石

若望夫石,只是臨江 甚,只取 下凡江邊有石立者,皆呼爲望夫石。」如呼馬鞍 來採石,見此 中有蟬化爲花、蚯蚓化爲百合、如石蟹、石燕、石 木爲老人,形如 人之類有之。 頭之類,同天下同之。❶ 人,因 出 是 風 也 __ 便化 石膏 [採石 此 固有 語 爲 食之。 人在石中, ,石陷,遂 如 石。 老人也,豈 此 何 理。 ? Ш 此 不知幾年後,因别人復 有 某在 無 在 曰 引之出,漸覺身硬 石 可 : 石 便變爲老人? 如 怪 南 中, 莫 蓋 人形者。 中 無 幸 有此 時,聞有 此 不死 理 理 今天 也 飢 採]]] 楓

運,卒難 莫是氣否?」曰:「氣便是命 不若古人壽,是盛 問:「上古人多壽,後世不及古,何也? 理會。 且 以歷代言之,二帝、三王爲 衰之理歟?」曰 也。」曰:「今人 :「盛衰之

以

蝨

⁰ 上「同」字,涂刻本無。

大體 生,四 衰。 盛 運 盛 盛,此是 有多少盛衰。 然有衰而復盛者,有衰而不復反者。 若舉大 盛,天寶爲衰。以一歲,則春夏爲盛,秋冬爲 長,而數日自減,不相害也。」 雖赤子 王之盛,又其下不如漢之盛。至其中間,又 日,則寅卯爲盛,戌亥爲衰。 (生百年,五十以前爲盛,五十以後爲衰。 ,後世爲衰。 ൬ ,幽、厲、平、桓爲衰。以一君言之,開 以一月,則上旬爲盛,下旬爲衰。以一 言,則三王不如五帝之盛,兩漢不如三 而 時時 才生 往 衰 則 復 而 日日 來也。 有日衰削之理。 復盛之理。 如三代衰而 一代言之,文、武、成、 ,便是減 若論天地之大運,舉其 譬如 日 漢盛,漢衰 一時亦然。 也。 如人生百年, 月既 形體日自 晦 康 而 則 元 如 爲 爲 再 魏

不得有所成就。且古者「興於《詩》,立於禮,天下有多少才,只爲道不明於天下,故

之成材也易,今之成材也難 其血 興 儒 如 歌咏以養其性情,聲音以養其耳,舞 成於樂」, 治家皆無法度,是不得「立於禮」也。 而曉其義,故能興起於《詩》。 今人歌曲 尚不能曉其義,怎生責得學者? 於《詩 脈。 》也。 今皆無之,是不得「成於樂」也 如今人怎生會得? 般,雖閭巷童稚 古禮既廢,人倫 皆習 後世,老 古人於《詩 不 ·明,以 古人 是 聞 師 其 古 至 宿 説

是言在中之義,只一箇中字,但用不同。」或之中,同否?」曰:「非也。喜怒哀樂未發,蘇季明問:「中之道與喜怒哀樂未發謂

九

纔 却是思 不可。 E 士言: 發便謂 喜怒哀樂 也 既思於喜怒哀樂未發之前求之,又 之和,不可謂之中 既思即是已發。 未 發之前 求 中 也。」又問 思與喜怒哀樂一般。 可 否 ? 日 吕

中節 只 平 當 言 曰 : 則 語 時,則可,若言求中於喜怒哀樂未 也, 勉 不 如 「於喜怒哀樂未發之時,❷更怎 。」或 日涵 可。 何 强 恐無著模,●如之何而可?」曰:「看此 地下。 裁 『當求於喜怒哀樂未發之前。』信 養便是。 又問:「學者於喜怒哀樂發 曰:「有未 抑, 若言存養於喜怒哀樂未發之 於未發之前 涵養久,則喜怒哀樂發 發之中,有既發之中。」 當當 如 何 用 發之前 生求 時, 功? 自 ? 古 斯

季 ,明問: 「先生説喜怒哀樂未發謂之中 是

和

也。

古

是

得

中,

時

中之類。

只爲

將中和

來

分説,便

曰

:「非也

既發時,便是和

矣。

發

而

中節

之, 聞 中 體 言道 時,静時自有 曰 : 有 有 何也?」曰: 不發,便是中 是 已發之際觀之。 謂之無物則不 時 ? 在 知覺,却是 ,目無見,然見聞之理在始得。」曰 之時,耳 則有 之題 而中否?」曰:「何 中之義,不 固 然既謂之中,也須 是 時 目 所 而 無聞,目 「善觀者不如此,却於喜怒哀樂 爲 中。 也。」曰: 動 一般氣象,及至接事時又自别, 否?」曰: 可,然自有 皆中,然而 識 也,怎生言静? 賢 以道言之,何時 何意 無見 且 「中莫無形 ? 説 時 非 有 否?」曰: 静 知覺 而 觀 箇形 曰 時 也。 不 : 於 如 中 象。」 四 處。」曰 只 人説『復其 ? 體 何?」曰: 中 而 者未發之 喜 只 日 不中?! : 有 以 雖 怒 中 甚 事 耳 是 哀 既 無 當 形 笛 樂

模 時 」,陳 涂刻本作 刻 本作「漠」,涂刻本作

口

中

須

有

發之前

下

動

見

得這

事

備,遇事

便

自

隨其所止而止之,人多不能止。 蓋人萬物皆 若説道我只是定,更無所 止於仁」,「人臣止於敬」之類是也。《易》之 艮》言止之義曰: 『艮其止, 止其所也。』言 (便言止。且如物之好,須道是好, 不出來也。」或曰:「先生於喜怒哀樂未 .見天地之心。」或曰:「莫是於動上求 自古儒者皆言静見天地之心,唯某 時各因其心之所重者,更互而出 故聖人只言止。 重,便有這事出。 字,下静字?」曰:「謂之静 物自好惡關我這裏甚事 物始得,這裏便 謂至静能見天地之心 畫,便是 難。 爲,然物之好惡,亦 所謂止,如「人君 釋氏多言定, 若能物各付物, 動 也,安得謂 作「最」。 物之 纔 ? 則 聖 静 之 是 非 勿聽? 難 未了, 佗事如麻又生, 如 此 也。」曰:「赤子之心 不失赤子之心,若何?」曰:「取其純 否?」曰:「已發 也。]問:「《雜説》中以赤子之心爲已發,是 莫過焉而 目 充耳,凡物之過者,不見不聞也。 事 坐 不拘思慮與應事,皆要求一。」或曰:「當静 此不誠之本 E 。」季明日: 須 如 矣。」或曰:「敬 處。 時,物之過乎前者,還見不見?」曰:「 「聖人之心,如鏡,如 何。 見,耳須聞。」或曰:「當敬 學者莫若且先理會得 勿者,禁止之辭,纔説弗字 若是大事,如祭祀,前 不留 也。 「昞常患思 否?」曰:「不説 而 須是習。 何 去道未遠也。」曰:「大人 以 與聖人之心若 用 止水。」 功? 慮不定,或思一事 習能 何?」曰:「不可 敬,能 曰 : 道 旒 專 時,雖

自

在裏。

惡,須道是惡。

動

而

否?」曰:「固是,然最

也。

復之卦下面

見天地之心」,皆以

敬

則

自

知

莫

若

若無

事

見聞

非

禮

勿

視、

便不得

一近

道

何?

蔽

明

7, 黈纊

一時便好。

00

來。 不得 也。 無 這 己 譬 前 夢 箇 忽有 之 事 何 也 如 也。 者, 夢。 事。 ·, 豈 若人困 水 故 問 故 雖 若 爲 事 也?」曰: 特 亦有氣昏 若孔子夢周公之事,與常人 只有朕兆,便形於夢也。 存 風 白 與 夢 H 甚時,更無夢,只是昏氣蔽 養 激 H 此 見之者,只爲 日之間所有之事,亦有數 中 久底 所 事 而 所 成 憎惡者,亦 相感,或氣 不 「只是心不定。 無夢 浪 人,自 欲 風 爲 者。 之事 既 心中 不 聖人 如此 息 有 相 夜 舊 浪 時見於夢 感,然後發出 有此 無 多 今人所 人有 聖賢則 猶 夢,氣 見於夢 洶 夢 事 隔 氣 + 湧 别 也 平 清 清 無 未 年 夢

日

見

此

所 著 問 事 善,夜 人 心 夢 所 見之者,莫不 繫著之事, 則 害 否?」曰: 夜 見 於夢 夢

寐

顛

倒

即

是心志不定,操存

不固。」如楊子

於夢寐

間

亦

可

以

ト自家所學之淺

深

如如

江

宿

浪

可, 見周 雖 及既 聖人欲行周公之道,故雖 却 心。」曰:「心 謂夢見周公,豈是夜夜與周公語 雖 無 要定,●使佗 是 人心自由 害,捨 公,當如何?」曰:「此聖人 衰,知道之不可行,故不復夢也 善 事 心 此皆是妄動 便 誰 亦 放 思 使 是 去也。」 之? 時 動 方 no_」或 思 凡 曰 乃 事 夢寐 : 曰 是。 有 以以 : 朕 不忘 存誠 也? 「孔子嘗夢 兆 心 今人 入夢 使 周 處 心 都 然 也。 所 則 由

質 能 果 物,形 肖。 (無異, 豈學之不可至耶 嬴, 政也者蒲 自是二物 政之祝人,❷宜 質不同,尚祝之可化。 蘆也」,言化之易也。 但 氣 甚 類 於 相 蒲 似,然祝 蘆 人與聖人,形 矣。 之久, 然蒲 螟蛉 蘆 便 與

祝」,涂刻本作「化

雖」,涂刻本作「須」。

曰: 化, 豈非 也。 著」,又著見 物,方見。 輿則見其倚於衡」,「如有所立卓爾」,皆若 形 如技藝上可見,養由基射之類是也。「誠 能有誠」,就 終始」,猶俗説徹頭徹尾不 誠 然之謂也。 其次致曲」,曲,偏 事 「變如物方變而未化,化則更無舊迹,自 「明則 君則 誠 後 者 動乎? 成 便 自 動」,誠能 如 莊子言變大於化,非 人臣 有 一事中用志不分,亦能有誠。 也。 成 無 物。 Ĺ, 形,是見何物也?「形 著 如 或曰:「變與化 示不 如「立則 曲 至 動 則明」, 之謂 誠 誠 人 無 事 也。 非 誠,更有甚物 物 見 親 是 大道 其參於前 則 有光 君子所 也 「誠 成人子, 何别?」 也 輝之 者物之 過 曲 也。 者 則 時 有 在 則 且 至

猶難 命 也 語命 問:「命與遇何異?」張横渠云:「行 曰 : 語 遇可 長 也。」先 平之戰 生 日: 四 + 人 萬 遇不 人死 遇, ,豈命 同 即 報 異, 是

> 賤後 當刑 當 既 乎?」曰: 四海之人,同時而死,亦是常事。]又問:「或 如 曰命,便有此不同,不足怪也 此。 貴,此之類皆 而 王,或爲相 又况趙卒皆 「是亦命也。 而 命乎?」曰:「莫非 餓死,或先貴後賤,或先 只遇著白 國之人。 起, 使是 便 命 五. 是 湖 命

之以 以道 論其 量。 日 : 一 若云有限量,除是性外有物始得 知其性。」心即 「心之妙用有限量否?」曰:「自 ,又豈有限量? 所主爲心 道,安得無限量?」孟子曰:『 以有限之形,有限之氣 問:「人之形體 論心之形,則 性 ,其實只是 也。 安得 有限 天下 在天爲命,在人爲性, 量,心· 無 箇道。 荷不 限 更 無 量? 有 性 通 限 是人有 苟能通之 外之物。 盡 量 一作「用」。 又問 其心, 否? 限

在義爲理,在人爲性,主於身爲心,其實一問:「心有善惡否?」曰:「在天爲命,

西 既 也 只謂之水,至於流 發 却謂之流 心本 則可 謂 也。」 發 之情,不 於 而 思 爲派 慮 可 則 ,或行於東,或行於 謂之心。 有 善 有 不 譬如 善 水 若

許 得 豈水之性 便 如 喜怒,猶水之有波否?」曰:「然。 出於外,感於外 情 有 (有湍激 鏡 情 多 ?」又問:「喜怒出 生識,便有性,有 也 不 者,水之性也。 問:「喜怒出 善 底 也哉? 或風行其上 事 ? 而 於性否?」曰 然 人性 發 及遇沙石,或 無 於中 性 於外 水 中只有 便 ,便爲波濤洶 安得 有情。 也。」問 如 何?」曰: 波浪,無 四端,又豈 固 地 湛然平静 無 「性之有 勢不平, 性安 是。 湧。 非 性 得 安 有 此 纔

亦 須 不 索 知性 理 問 一人 會 也 孟子所以 性本明,因 孟子言 獨出諸儒 人性 何 善是 有蔽?」曰:「 者 也 以能 雖 荷 明 性 此

> 不得。 理 可移之理。」 自棄,不肯去學,故移不得。 者,才乎?」 自棄者則 上智與下愚不移,然亦 愚。」又問:「愚 氣,氣有清濁。 也 理 性 則自堯、舜至於途 性只 無 不 不 曰 : 「 一般,豈不 移 善 可 也。」曰:「下愚 禀其清者爲賢,禀其 而 變否?」曰: 固是也,然 有 不 ·可移? 有可移之理, 善 者 使肯學時, 却 才 可。 所以 也。 却 道 也 被 佗 他 自 惟 濁 才 性 不 孔 者 禀 亦 子 即 自 口 暴 自 有 棄 於 移 是

養 曰:「周道如砥,其直如矢。」此之 人 如《隨》卦言「君子向 理 時 晦 ,甚分明, 凡解文字, 之晦。 或問 如 但 易其 晦 條 作 人 心, 平 甚 宴息」,解 坦 自 晦 底 見 字 道 理 路。 謂 者 曰 理 多 也。]: 「此 作 只 是

❶ 「也」下,涂刻本有小注「在義爲理疑是在物爲理」十字。

處。 某與改之曰: 『聖人之言,其遠如天,其近 佗。」曰:「聖人之言,自有近處,自有 義?」或曰:「聖人之言,恐不可 曰: 『聖人之言遠如天,賢人之言近如 只是隨時之大者,向晦則宴息也,更别有甚 地。」 如近處,怎生强要鑿教深遠得? 以 淺 楊子 地。」 深 近 遠 看

如

井 事,孟子只取其不背師之意,人須就上 文義者,又滯泥不 何出得來,完廪又怎生下得來,若此之學,徒 會事君之道如何 (心力。 事,孟子只答佗大意,人須要理會浚井如 學者不泥文義者,又全背却遠去; 也。 通。 又如萬 如子濯孺子爲將之 章問 舜完 理 廪 面 會 理 浚

孟 以 理 問:「聖人之經旨,如何能窮得?」曰: 義去推索可也。 窮得《論》、《孟 》,自有箇要約處 學者先須讀《論》、 ",以此

> 聖人所答,不過如此。 雖善問,未必如當時人。 某嘗語學者,必先看《論 觀他經,甚省力。《論》、《孟》如丈尺權 似,以此去量度事 物,自 今人看《論》、《孟》之 語》、《孟子》。 借使問 然見得 長 如當時人, 短 輕 今人 衡相

書,亦如見孔、孟何異?」

卓爾躍如,分明見得方可。 養箇甚麽? 浩然之氣,須見是一箇物。 法,如不識,怎生養? 是實識得方可。 顔子言 「如有 《孟子》養氣一篇,諸君宜潛心玩索。 所立卓爾」,孟子言「躍 勿忘勿助 有物始言養,無物又 長,只是養氣 如也」。 之 須 如

法。 此告子淺近處 心之精微,言有不得者,不可便謂不知, 「不得於言,勿求於心,不可。」此觀人之

配義 持其志,無暴其氣」,内外交相 與道」,謂 以義 理 養成 此 養也 氣,合義

都了。 言合 及其 與 也 須是以 ,就事上便言義 道 、養成浩然之氣,則氣與義合矣。 爲未養時言也。 若以 人行道始得。 方 其 人而言,則人自是人,道自是道, 未 養 則 氣 言義又言道,道,體也,義,用 如言道,則是一 自 是氣, 義 自 本不可 是義 箇道

信 勇 聖人 本 不 北 而 宫黝之勇必行,孟 可 力行,曾子是明 知 却 因北宫 黝 理 施舍無懼。子夏之 而 可 見。 子夏是篤

生 ? 事 義 也。」又問: 敬 義 ,然須心有此恭敬,然後著 只 問: 是 理 只知 在 也 只 心 二必 涵 恭 是 内。 用敬,不 養 「義莫是中理否?」曰:「 敬, 發 有 苟 雖 而 事。 事焉」,當用 不主 見 因 知 必必 於 幣 『集義』,却是 外 義,浩然之氣從 帛 有 者。 威 事 儀 見。 敬 焉」,須當 且 而 如 否?」曰 若心 後發 恭 中 都 敬 無 見 何 理 無 恭 於 集 幣 而 在 事

> 問 當 幣帛 敬, 豈 箇孝字? 却 己,然後謂 而 敬只是持己之道,義 特 如 是 行,是爲義也。若只守一箇敬,不知 而 何 何,温· 都 事上求合義也?」 義 後 以 無 有 只 能 事 恭 在 之德 須是 凊 敬 爾 也。 事 當 ? 也。 Ŀ, 如 知所以爲孝之道,所 也。」幣之未將之時,已有恭敬 且如欲爲孝,不成只守著 所 問 : 何,然後能盡 如 謂 何 便知 德 ?! 敬、 者 有是有非 義 得 : 何 也 「内外 孝道 别 須 ? 也。」又 以 是 集義 侍 得 曰 順 ·, 非 奉 理 於 因

合得? 得 氣, 只 否?」曰 將敬,安能 一分,便有一分,養得二分,便有二分。 體 方能 問"「人『敬以直内』, 所 如曰『其爲氣,配義與道』,若説 充,自是一 生浩然氣象。 : 「氣須 便到 是養, 充 件事,敬 塞 天 人 集 地 但 義 氣便能 自是 處 看 所 所 ? 生 敬,怎 養 充塞 且 如 積 氣 何, 生 自 集 天 是 地 與 便 既

_

義時自別,怎生便能使氣與義合?」

子問 近 ? 言相 話 也 謂性。」「凡言性處,須看他立意如 分處。」又問:「中人以上可以語上,中人以 否?」曰:「此是才。 生之謂 言性急性緩之類,性安有緩急? 此言性者, 言人性善,性之本也,生之謂性,論其 只是大綱説,言中人以上可以與之説 下不可以語 ,中人以下不可以與説近上話也。」「生之 佗,他説,便不是也 孔子言性 近?」曰:「此只是言氣質之性。 只論 性 相近 也。」又問:「上智下愚不移 其 上,是才否?」曰 所禀也。 也,習相遠 相近,若論其本,豈可言 須理會得性與才所 告子所云固是,爲 也。」性一也, 「固是。 何。 近上 是 如 然此 所 且. 何 孟 相 禀 如 以 性 俗 以

非才之罪」。此言人陷溺其心者,非關才事。「乃若其情,則可以爲善。若夫爲不善,

皆有四者之心? 若是毀鑿 之言也。若説一人之才,如因 言非才之罪?」曰:「才有美惡者,是舉天下 才猶言 材料,曲 壞 了, 豈關 可 或曰:「人材有美惡,豈 以 才事 爲 輪, ? 直 下 可以 富歲而賴 面 不是説 爲 梁 因

凶歲而暴,豈才質之本然邪?」

豈有出 心本善,而流於不善,是放也。」 人無時,莫知其鄉」,此句亦須要人理 以目視地。 否。 問:「『捨則亡』,心有亡,何也?」曰 此只是説心無形體,纔主著事 入? 便在這裏,纔過了便不見。 亦以 操捨 而 言也。 「放心」,謂 時,先生 如「出

必如 如此之心 子所謂盡心。」曰:「盡心 盡己,安有不誠? 此數,只是盡心 問:「盡己之謂忠,莫是盡 能 盡 得,便能 盡己則 便了。 莫是 知 無 性 纔數著 所 我 否 有 誠 不 ?」曰:「何 惻 盡 否?」「既 便不 隱 羞 如

而 如 數 所 主 白 在 少 心。 却 纔盡 便 爲 不 心即 盡 也。 是知性 大抵 禀 ,知性即 於天 日 是知 性

天

矣。」羅本以爲吕

與叔問

蹇涩。 不妄發,此却可著力。」 否?」曰:「須是養乎中 熟底事 問 須是涵 , 説得便分明; 出 辭 養久,便得自然。 氣 莫 是 ,自然言語 於言 若是生事 語 若是慎言語 上 順 ,便説 用工 理 得 夫 今

待憤 後 則 爲 非 沛 然矣。 佗 獨佗不曉,亦止人好問之心也 悱 孔子教人,「不憤不啓,不悱不發」,蓋 説,便好。 而 發,則自知之不固,待憤悱 學者須是深思之。思而 初學者,須是且爲佗説,不 不 而 - 得,然 後發,

宋。 汲 喜 水治 亦 舜既 喜 孔 子既 見 或 禹、稷救 .作 象之將 知宋桓魋不能害己,又却微服 長 短、自有命數、人君何用 飢 殺 溺者,過門不入,非不 己 而又象憂亦憂,象 汲 過

> 知 數者之事 不相悖」處可 飢 溺 而 ,何故 死 者 也。 自 如 有命, 今且説聖人非不知命,然於人事不 此 ? 又却 須思 救 量到 之 如 道 此 並 其 行 而

得不盡,此説未是

治朕棲』,堯爲天子,安有是事?」 説舜心也。 萬章所傳聞,孟子更不能理 其欲殺己而逃之乎?」曰: 於聖人?」曰:「昔瞽瞍使舜完廪浚井 可殺也? 聖 人可殺否?」曰:「聖 問:「聖人與天道何異?」曰:「無異。」 只如今有智慮人,已害他 如下文言『琴朕,干戈朕,二 人智足 本 一會這 無 下事 以 此 不 周 事 -得,况 身, 此 嫂 只 使 知 且. 是

無過 如待學《易》後 大過,此 無大過矣。』不知聖人何以因學《易》後 ?」曰:「先 問:「加 大 段 失 我數年,五 無大過,却是未學《易》前 儒 却 文 謂 意。 孔子學《易》後 十以學《易》, 聖 人 何 嘗 有 可 始 過 以 可 嘗 能 ? 無 以

期之 故 之,其過鮮也 道 有 前此學《易》者甚衆,其説多過。 大過差,若所謂贊《易》道 可 大過 謂 不 以 明。 弟 無 五十,然後贊《易》,則學《易》者可 子 過 也 仲尼既修佗經,惟《易》未嘗發明, ? 曰:『加我數年,五十以學《易》。』 此聖人如未嘗學《易》,何以 蓋孔子時學《易》者支離、《易》 聖人使弟子俟其贊而後學 而黜《八索》是也。」 以 知其 無

見之 見 與 顔 子博學於文,約之以禮,亦可以弗畔矣夫!』 而詳説之,將以反説約 此,既博之以文,而後約 此 子 而 稱 問: 謂。 教人只此 約 同乎?」曰: 聖 束 以 約 人 博我以 禮 只是使之知要也。」又問:「『君 最 兩 切 雖 字。 文,約 當 「這箇只是淺近説,言多聞 未 處。 能 博是博學多識 知 我以 也。 之以禮,所謂 聖 道 人 禮。」曰 庶 博與約相對。 教 幾 人,只 可 多聞 :「此是 以 「博學 是 弗 畔 多 如

> 於道 識 句 甚異,此只是聞之者也。」又曰:「聖人之道, 犯 説『人病 豈字,便露筋骨,聖人之言不如此。 言? 從之,多見 成,去知道甚遠。 又問:「此莫是 『夫道若大路然, 豈難知哉』? 夫何遠之有?]此言極有涵畜意思。孟子言 言難,以阻人之進。 知之莫甚難?」曰:「聖人之道,安可以難易 却 得。」 非 禮者爾,非顏子所以學於孔 説 聖人未嘗言易,以驕人之志,亦未嘗 此言善人君子多識前言往 得 不求耳,子歸而求之,有餘 好。 而 識之,知之次也。」聞見與 小成 孔、 如曰:『多聞,擇其善者 仲尼但曰: 『未之思也, 孟 否?」曰: 言 有異 處, 只下 「亦未 子之謂 師」,這 行 亦 · 這 一 而 如 知之 須 是 下 能 也 箇 小 不 面

吾以女爲死矣。」曰 或問: 三子 ,畏於 子 囯 在 顔 淵 口 後 何 敢 子 死?! 日 :

問: 在 力 道 養 可 止 口 古 子之事。 有 去之、言我有親、是大不義 曰 E 「豈特」 傍 扶 親 去用力。 可 設 獨 須 大大醉 ,持,尋 無親 昔有二人,同 行 豈 相 使 且 使 無 出 顔 到 也 孔 死 譬如二人捕 可 孔 守 去, 子之於孔子也? 若云遇害, 臨 ? 子 常 卧在 也。 到 子 須結 亦須 時却 如執干戈衛 之理 遇 曠 但 曉 遇 又問: 當 害, 野 地上,夜深歸不 難 伴 結 自 除 不 中 預先謂 在 而 伴 規 虎, 顔子 顔 又不當言敢不敢 成 有 出。 非 嵩 避 同 淵 親 不 虎 是鬭 去 也 社 Ш 一人力盡 有 死之否乎?」 吾有 顧 豹 至如 若二人同 ? 便 也。 稷,到急處便 在則 同 可 了 盗 死 有 且如常 出 親 死 親 當此 自 賊 · 得 :患難. 然鬭 如 "; 此 不 就 之 歸 在 一人又 店 一,爲 之何?」 行 理 也? 時 也。」又 人 相 X 可 人須當 死 飲 · 豈 遇難 否 曰 : 遂 爲 親 行 遁 非 死 酒 ? 只 無 之 啚 則 問 逃 此 不 顔

> 死,如 以 以 死」者, 義 死 死者,有親 理 所 如二 戰 此 當 或 言亦 然 人同 游 者 不在 俠,爲 在 也 行之類 人用得 不可許 親 ^ 禮 不 是 **>** 在,乃爲人復讐, 友以 言 也。 蓋 親 有 死 在 不可 者 親 不 在 許 許 口 可 許 友 友 許 其 以 友 以 友

非

理

也

否? 怒在 曰 : 於 好 事 録》 鏡 須是理會得,因 只 物 市 何 而 被説 有怒甲不遷乙之説,是否?」曰: 「若此 四 嘗 問: 來 怒之,聖人之心,本 有 有 時 凶 且 能 得 不 好惡也 一,舜 `,便見是好,惡物來時,便見 如 則 怒 粗 怒 甚易,何待顔氏 了 何 遷怒,不貳過」, 何不遷 ', 諸 人 與 人, ? 而 馬 君 世之人固有怒於室 不怒 對 ? 便道 怒? 那 無 蓋 别 人 怒 易,此 因 人者 説 也 而 如 是人有 話 舜之誅 後 何 能能 譬 莫 能 也? 能 ? 三 是 如 忍 可 無 是惡 明鏡 几 最 得 怒 是。」 耐 \sim 凶 難 如 色 語 色

今人見有可喜可怒之事,自家著一分陪奉怒,此莫是甚難。君子役物,小人役於物。此,已是煞知義理。若聖人,因物而未嘗有此,已是煞知義理。若聖人,因物而未嘗有

他,此亦勞矣。聖人心如止水。」

犯而不校』之類,抑可謂大勇者矣。」若是。』孰勇於顔子? 如『有若無,實若虚,觀其言曰:『舜何人也,予何人也,有爲者亦問:「顔子勇乎?」曰:「孰勇於顔子?

大賢 篤。 在 子夏之言語,子貢、子張之才辨,聰明者甚 口 多,卒傳聖人之道者,乃質魯之人。人只要 見。 時甚少,後來所學不可測,且易簣之事,非 箇誠實。 《語》曰:「參也魯。」如聖人之門,子游、 以 曾子傳聖人道,一作「學」。只是一箇 上 作不 聖人説忠信處甚多。曾子,孔子 · 得。 曾子之後有子思,便 誠

「曾子執親之喪,水漿不入口者七日,不

可以 聖人大中之道,賢者必 堯、舜則以天下與人。 必當就禮法。 合禮,何也?」曰:「曾子 人便不可。 太王則委而去之。 而及。若曾子之過,過於厚 禮 法 拘 然聖人所以教人之道,大抵使之 也。 自大賢以上,則看佗 且守社 守宗廟者,天子之職 如三聖賢則無害,佗 俯 稷者,國 而 者, 者也。 就 過於厚者 ,不肖者必跂 君 若衆 如何,不 之職 也, 也, 也

「知至至之,知終終之」是也。「知至至之,知終終之」是也。始於致知,智之事也。行所知而至其極,聖之事也。《易》曰《詩》曰「依我磬聲」是也。始於致知,智之事之義也。樂之作,始以金奏,而以玉聲終之。

爲人,須盡得人理。衆人有之而不知,賢人也。人得天地之正氣而生,與萬物不同。既「惟聖人然後踐形」,言聖人盡得人道

循禮法而已。」

之而未盡。能踐形者,唯聖人也

踐

却「雖死不怨」。
 故水火,是求所以生之也,或有焚溺而死者,不怨」。「生道殺民」,謂本欲生之也。且如不怨」。「生道殺民」,謂本欲佚之也,故雖「勞而

德之昭著也。如「仁聞」,謂風聲足以感動人也,此尤見仁如「仁聞」,謂風聲足以感動人也,此尤見仁

化 衆人習而不察者,只是饑食渴飲之類,由之 而 言,雖孔門弟子亦 察』,謂人習之而不省察也。」曰:「先 不著」,謂人行之而 此言大道如此,而人由之不 不自 入於善而不自知 問「行之而 知 也。 如孔 不 有 著,習矣而 門弟子,却 不明曉也。 也。 此 病,何也?」曰 衆者言衆多也 知 不 也。 是聞聖 『習矣 察」。 『行之而 人之 生 而 曰 : 在 有 不

> 者無 傷 害?」曰:「是有害於惠也。 也。 以給、合當衣帛食肉者便不足也。 者衣帛,五十者食肉,豈不更好? 然力 却五十者方衣帛,七十者方食 以不與。若與之時,財或不贍,却於合當 廉矣。」曰:「取傷 之事乎?」曰 惠。」 然己自可足,是不可取也,纔取之,便 可 與之。且博施 「有之。 廉,固 濟衆, 如朋友之饋 不 可, 固聖人所 可 肉,如 以 然與 與,然却 了, 是 傷 此 使 欲, 所 不 四 惠 可 以 與 傷 口 口 何 取

能有爲邪?」 纔有所不爲,便可以有爲。若無所不爲,豈 《此只是有所擇之人,能擇其可爲不可爲也。 問「人有不爲,然後可以有爲」。曰:

以物與人爲義,過與是非義之義也。」曰: 也?」曰 問 : : コ 非 「恭本爲禮,過恭 . 禮 之禮,非 義 是 非 之 禮 義 之禮 何

問:

「可以取

,可以無取」,天下有兩

可

細人之事,猶言婦人之仁也,只爲佗小了。此事何止大人不爲?」曰:「過恭、過與是

大人豈肯如此?」

也。 聖 也。 者,天吏也。大人者,又在二者之上。 别 E 大,惟堯則之。」如此等事甚大,惟堯、舜可 曰:「孔子嘗論 也。」或曰:「堯、舜、禹、湯、文、武如 别有一等神人,但聖人有不可知處便是神 之謂聖,聖而不可知之之謂神。]非是聖人上 民、天吏? 曰:「充實而有光輝之謂大。」聖人豈不爲天 「觀 人。」或曰:「 ?」曰:「順天行道者,天民 若湯、武 化與變化之化同。若到聖人,更無 問:「『天民』、『天吏』、『大人』, 其 心 如文王、伊尹是也。 雖是事不同,不知是聖人不是 如一行 可以 堯、舜矣。 湯、武之心求之否?」 不義,殺一不辜,雖得 如曰:『惟天 也。 一大而 順天 何? 何以 八爲 化之 差等 孟 爲 稱 子 政

事,又却别有一箇氣象。大抵生而知之,與觀舜稱其不矜不伐,與孔子言『無閒然』之王,則分明是大聖人也。禹又分明如湯、武,爲得。若非聖人,亦是亞聖一等人也。若文天下不爲』,此等事,大賢以上人方一作「言」。

學而知之,及其成功一也。」

之也。 時。 端,是執持而不用。 湯執中何如?」曰:「執是一 行,而用 持,使不得行也。舜執持過不及,使民 不及,又何執乎?」曰:「執猶今之所 摩頂放踵利天下時,有當拔一毛利天下不爲 及,遂於過不及二者之間執之,却不 不及之兩端」,是乎?」曰:「是。」曰 執中而不通變,與執 蘇季明問:「舜『執其兩端』,注以 若子莫執中,却是 其 中使民行之也。」又問:「此 湯執中 子 無異。」 莫見楊、墨 而不失,將 箇執。 : 知 舜 既 為『過 執 不 謂 過 以 執 有 用 與 得 调 不 執 兩

季明問 君子時中」,莫是隨 時 否 ?

堂 在 此 在 之類皆然?」曰:「是也。 其門不入,則非中也。」或曰:「男女不授受 不中矣。居陋巷,在顔子之時爲中,若三過 其門不入,在禹、稷之世爲中,若居陋巷,則 且 日 喪祭則不如此矣。」 盛 類 爲中,言一 一試言 :「是也。 寒 可見矣。且如初寒時,則薄裘爲中,如 前 一廳則中央爲 用初寒之裘,則非 國則堂非中而國之中爲中, 中字最難 中,一 識 男女不授受中也, 家則廳中 中 須是默識 也。 更如三過 非 心通 中 推 而

功 曰 : 正 舜性之,湯、武身之。』湯、武豈不性之邪?」 有 也。」 間 也。 「堯、舜生知,湯、武學而知之,『及其成 問: 否?」曰:「無間。」曰:「孟子言:『堯、 「堯、舜、湯、武 身之, 言履之也。 事迹 雖 反之,言歸於 不同 ·; 其 心德

> 此道,但言『仰之彌高,鑽之彌堅』而已。 聖人動容注措甚好,使學者宛如見聖人。」 威而不猛 道,以謂 來如曾子善形容聖人氣象,曰:『子温 論聖人,皆非善稱聖人者。 曰:「堯、舜豈可賢也? 或 問: 仲尼垂 ,恭而安。』又《鄉黨》一篇,形容得 『夫子賢於堯、 法萬世,故云爾。 但門人推尊夫子之 如顔子,便不 舜」, 然三子之 信諸 而 厲 後 如

故知日月之明無 「日月有明,容光必照」,以言其容光無不照, 便見源之無窮。今人以波對瀾,非 觀水有術,必觀其瀾」,瀾湍急處 窮 也。 也。 ?,於此 下文

之』上有 幾希。 庶民去之,君子存之。』且人與禽獸甚 理,却不能存得,更做甚人也? 懸絶矣,孟子言此者,莫是只在『去之』、『存 問:「孟子曰:『人之所以異於禽獸 不同處?」曰:「固是。 泰山 人只有箇天 孫明復 者

乎? 時。 如 有 獸,又惡可謂之人也?」此意 如此。」或曰:「退之《雜説》有云:『人有貌 某不盡記其文,然人只要存一箇天理。」 4 面 詩云: 『人亦天地一 首蛇形鳥喙 若非道義充其腹 説人與萬物皆生於天地意思,下面二句 即有顔如渥丹者,其貌則人,其心則禽 而心不同焉,可謂之非人 何異 物爾, 鳥 飢 如何?」曰: 獸安鬚眉?」 食渴 飲無休

「天道無親,常與善人。若伯夷者,可謂善人埋。司馬遷以私意妄窺天道,而論伯夷曰:「莫之爲而爲」,「莫之致而致」,便是天

人計較天理,非知天也。 測? 如曰顔何爲而殀,跖何爲而壽,皆指一非邪?」天道之大,安可以一人之故,妄意窺

自説了『莫非命也』,然聖人不説是命。」命。」或曰:「桎梏死者非命乎?」曰:「孟子命否?」曰:「聖人只教人順受其正,不説問:「「桎梏而死者,非正命也」,然亦是

弊也 也。 得無利? 又直道不得近利。 有弊,故孟 子與《周易》所言一般。 利便害性,利只是順。 不爲,然後奪之於君,奪之於父,此其趨利之 孟子者,却道不合非利,李覯是也。其信者, 如求安不已,又要褥子,以求温暖,無所 「故者以利爲本」,故是本如此也,纔不 利只是一箇利,只爲人用得別 且譬如 子拔本塞源,不肯言利。 椅子,人坐此便安,是利 人無利,只是生不得,安 天下只是一箇利,孟 只爲後人趨著利 其不信 便

Л

道

求 猶 之」,纔説姑待來日,便不可也。 來,迫切了底死地如此。 其所 :「朝聞道,夕死可 如 食,終夜不寢,以思,無益 而 此 悠悠,安可得也? 博 説 以 奕 ",所以 如 小 此 數,不專心 何 教人也。 故,始 矣。」不知聖人 致志 得。 仲尼言:「吾嘗 「學如 文意 不不 聖人固 猶 不難會,須是 不 不 如 及 可得,况 學 ,猶恐失 是生知 有 也 終 甚 又 日 事 學

曰

肆 和 時 説 象,此皆弟子善形容聖人處也。爲『申申』字 申 必必 亦著此四字不得。 不盡,故更著『夭夭』字。 今人不怠惰 申 太嚴厲 是和樂中有中正 『子之燕居,申 ,嚴厲時則著此四字不得,放 申夭夭」,如 除非是聖人,便自有 氣象,夭夭是舒 何?」 曰 泰 肆 氣 中 放 :

爲 知 ?」曰:「只此兩句,説 問 「務民之義,敬 鬼 知 神 亦 而 盡 遠 且 之一, 人多 何 以

> 也? 成都不得西行? 惑,不信者 不 佛,莫是惑否?」曰:「是也。 處, 後能敬能遠否?」曰: 遠,可謂知矣。」又問:「莫是知鬼神之道 敬 行者皆遇之也。 忌,次日不成不 類,太白 否?」曰:「佛亦 人爲之,則鬼神 鬼 敬者只是孟 且 神者 至如 大 在 綱 ,只是惑,遠者又不 亦是孟浪不信。 陰陽卜筮擇日之事,今人信 西,不 説,當敬不惑也。」問:「 大抵人多記其偶 亦 衝太白也? 浪不 是胡 可西行,有 、勞矣。 又却初 信。」又 「亦未 人之賢 如行遇 行日忌,次日便不 如出行忌太白之 人在 敬佛者不惑,❶ 説 中耳 能 如使太白爲一 智者, 問 風 到 敬 佛 雨 東方居,不 之類 如 安 今 此 能 則 當 者 可 人 深 敬 凡 敬 奉 必 慢 遠 能 在

問:「伯 夷不 念舊惡, 何 也?」曰:「此

[「]不」,陳刻本、涂刻本作「必」。

佗隘 清者之量。 所 只是不食其禄,非餓而不食也。 守常理,而不知聖人之變,故隘。不食周粟, 夷叩馬諫武王,義不食周粟,有諸?」曰: 氣象甚宏裕,此聖人深知伯夷處。」問:「伯 於世,必負石赴河乃已,然却爲 叫 作二二。 載諫 馬 處。 則不可知,非武王誠有之也,只此便是 詞,皆非 年矣,安得父死不葬之語?」 君尊臣卑,天下之常理也。 伯夷之清,若推其所爲,須不容 也。 武王伐商,即位已十一 他不 至如《史記 念舊惡, 伯夷知

藥,

自不當飲。」

言也。」

立、糜爛其民,皆不義之伐,宜仁人不忍故,糜爛其民,皆不義之伐,宜仁人不忍如柳下惠之時則不可。當時諸侯,以土地之「不知怎生地伐國? 如武王伐紂都是仁人,問:「『伐國不問仁人』,如何?」曰:

此愚也。既與他戰,又却不鼓不成列,必待問:「宋襄公不鼓不成列,如何?」曰:

成列,圖箇甚?」

羊祜雖不是酖人底人,然兩軍相向,其所餉送絹償禾之事,甚好。至抗飲祜藥,則不可。問:「羊祜、陸抗之事如何?」曰:「如

之道。 也? 道。 實則 何 他 此 于我師」,自可見,然湯亦嘗升自 使王者之師,當如此否?」曰:「固是。 如 須要勝,不成要敗? ?」曰:「這 師 則 此,有甚 衆,非我敵,决水使他一 攻左,左實則 Ħ. 問:「用兵,掩其不備、出其不意之事 不 且如漢、楚既約分鴻溝,乃復還襲之, 但湯、武之兵,自不煩如 可。 如 兩軍 不 如 箇 得 相 韓 不可也。」 處?」又問:「 信 向 ",必擇 攻右,不成 囊 既要勝,須識 沙壅 地 水 半不得渡,自合 可 之類,何 攻 間 道 此,「罔 「陑,陑 處 我 洪 洪 之 事 如 所以 议之, 不用計 。用兵 害? 亦 有 勝 右 間 敵

冉子 爲 子 華 . 請 粟,而與之少 ; 原 過

辭。 得,又請益,再與之亦少。 子請之,自不是,故聖人與之少。 思爲宰,宰必受禄,禄自有 思爲之宰,則與之多。 其意 子華使於齊,師使弟子,不當有所請 問 聖人寬容,不欲直 常 如何?」曰:「原 數,故不 佗理會 得 冉 不 而

拒佗,冉子終不喻也。」

子道 之也。」 徒,豈止如 邦,孔子止曰『可使爲之宰』之類,由、求之 之國,孔子止曰『可使治其賦』,求也欲 曰:「據佗説這一句言語,自是仕有餘,兼孔 能 !信。』漆雕開未可仕,孔子使之仕,何也?」 可以仕,必是實也。如由也志欲爲千乘 問:「子使漆雕開仕,對曰:『吾斯之未 此? 聖人如此言,便是優爲 爲 小

言『諱君之惡』,是否?」曰:「是。」「何以 問 三丘 也幸,苟有過,人必知之』,注 歸

> 禮 可道:『丘也幸,苟有過,人必知之。』」 也。又不成却以娶同姓爲禮,亦不可也。 箇 陳 不 不言而 司敗欲使巫馬期,以娶同姓之事去問 於己?」曰: 知禮,却 己。 須要回 若説道我爲諱君之惡,不 非 是歸過於己。 一報言語 也。 聖人只 此 事 有 是 却 可 只 是 知

路。 何害?」 上,若此非中理。若使小路便於往來,由之 道 「只是不正當處,如履田疇之類,不必不由 歸,行數里,方覺不是,却須要回就大路 昔有一人因送葬回,不覺被僕者引 問:「「行不由徑」,徑是小路否?」曰 自 他 小

墓,何 子先反修虞事,使弟子治之,弟子誠敬不至, 必 修墓者,欲初爲墓時,必使至堅固 敬。 問:「古者何以不修墓?」曰:「所 以速崩如 若不誠敬,安能至久?」曰:「 此 邪?」曰:「非孔子也。 一、故須 孔子爲 必 以 孔 不 誠

何害? 聖人言不修者,所以深責弟子也。」纔雨而墓崩,其爲之不堅固可知。 然修之亦

也。 樂,君子也。」孔子何以不從君子而從野 子,則過乎文者也。 之野人,是言文質 野人者,據當時謂之君子、野人也。當時謂 文從質之説,是否?」曰:「固是。然君子、 人?」曰:「請 蓋當時文弊已甚,故仲尼欲救之云爾。」 問:「『先進於禮樂、野人也,後進於禮 諸 君細思之。」曰:「先儒 相稱者也。 是以不從後進而從先 當 時謂 之君 有變 進

曰:「賜也,非爾所及也。」人」,正解此兩句。然此兩句甚難行,故孔子人。」《中庸》曰「施諸己而不願,亦勿施於人。」《中庸》曰「施諸己而不願,亦勿施於

好義與下人,已是達了。人所以不下人者,下人」,何以爲達?」曰:「此正是達也。只下,何以爲達?」曰:「此正是達也。只問:「『質直而好義,察言而觀色,慮以

不知。 心則一也。今市井間巷之人,却不爲名。爲 何?」曰:「子張之意,以人知爲達,纔達 非 只爲不達。達則只是明達。『察言而 汲爲善,非是使人求名也。」 理會。此只是言君子惟患無善之可稱,當 如孔子言『疾没世而名不稱』,此一句人多錯 者,只是内不足,内足者 急於人知,沛然有餘,厥聞四馳」。 名而學者,志於名而足矣,然其心猶恐人之 抵爲名。爲名與爲利,清濁雖不同,然其利 要近名,方是。有意近名,則大本已失,更學 仁而行違,居之不疑』也。 人知,故孔子痛抑之,又曰『夫聞 人自知矣,此更不須理會。子張之意,專在 何事? 爲名而學,則是僞也。 明 達 韓退之直是會道言語,曰『内不足者 而 何?」又 問:「子張之問 學者須是務實,不 ,自是 今之學者,大 無 也者,色取 大抵爲名 意 觀色」, 達, 於名。 則

也。 是通,不得如此 同。 却言『作《易》者其有憂患』,須要知用處各别 己,在人?」曰:「在己。」曰:「既在己,舜 有怨?」曰:「怨只是一箇怨,但其 天下只有一箇憂字,一箇怨字。 舜自是怨。 問 在 邦無怨,在家無怨」,不知 執泥。 如舜不怨,却不是也。 如言『仁者不憂』,又 既有 用處 學須 怨 此 不 何 在

以

乎?』曰: 『天下皆憂,吾獨得無憂?』問疑。 迹之判,便不是,此皆後人附會,適所以爲 如此自不相害,説得 曰:『天下皆疑,吾獨得無疑?』謂董常曰: 樂天知命,吾何憂? 極好,至下面數句言心 窮理盡性,吾何疑?」

爲後

人附會亂

却。

如魏徵問: 『聖人有

憂

二字,聖人安得無之? 如王通之言甚好,但

人不使知之耶? 問:「『民可使由之,不可使知之』,是聖 是民自不可知也?」曰:

也。」

術也。 三暮四之術哉?」「謝景温」,一作「趙景平」。 暮四之術亦不 使民知,豈聖人之心? 是後世朝三暮 天下由之耳,安能使人人盡知之? 無義理。 欲家喻户曉,比屋皆可封也。 人不能,故曰:『不可使知之。』 若曰 聖人非 某嘗與謝景温説此一句,他争道 不欲民 説聖人順人情處亦有之,豈有 ·可無 知之也。 ,聖人亦時有之,此 蓋聖人 蓋聖人但 設教,非不 聖 此 四之 大故 朝 人 是 能 不 聖 使 朝

及。 時,夫是之謂有成。 『苟有用我者,朞月而已可也,三年有成。』仲 尼言有成者,蓋欲立致治之功業,如堯、舜之 孫丞相言:『三年而化,臣弘尚切遲之。』●唐 某嘗言後世之論治者,皆不中理。 問 爲政 遲 速。 此聖人之事,佗人不可 曰:「仲尼嘗言之矣: 漢公

切」,涂刻本作「竊」。

言。 也。 之然也。 爲也。」又問:「孔子言用我者,三年有成,言 之治,惟聖人能之,三王以 也。聖人之事,後世雖不敢望如此,然二帝 也」者,謂紀綱 李石謂『十年責治太迫』。此二者,皆率爾 時,此非積久,何以能致? 謂仁者,風移俗易,民歸於仁。 王者,則曰『必世而後仁』,何也?」曰:「所 聖人之言自有次序,所謂『朞月而 如欲民仁,非必世安可?」 『有成』者,謂法度紀綱有成而 布也"。『三年有 其曰 『必世』,理 下事業,大賢可 天下變化之 成」,治功 化行 己 成 可 而

也。 歉。」曰: 然『大則不驕』此句,却有意思,只爲 如?」曰:「若以『大而化之』解此,則未 『化則不吝』,化煞高,『不吝』未足 驕與吝兩字正相 問:「『大則 何 如 不驕,化則不吝」,此 則 是?」曰:「吝是吝 對,驕是氣盈,吝是 小 以 是; 語 便 嗇 言 驕 何

> 大若吝時,於財上亦不足,於事上亦不足,凡 大若吝時,於財上亦不足,於事上亦不足,凡 大若吝時,於財上亦不足,於事上亦不足,凡 以之才之美,使驕且吝,其餘不足觀也已」, 公之才之美,使驕且吝,其餘不足觀也已」, 公之才之美,使驕且吝,其餘不足觀也已」, 也,且於嗇上看,便見得吝嗇止是一事。且

至 及至 未 知 醒也,莫不 道者 如 醉 人"方其 愧 恥。 人之未知學者 醉 時 無 不

===

駭 自 且 視 一懼矣。 以 爲 無 缺 及 既 知 學,反思前 日 所 爲 則

約,無有包含不盡處。 爲缺,有之徒爲贅,雖多何益也? 聖人言雖一不制,則生人之用熄。後世之言,無之不一不制,則生人之用熄。後世之言,無之不

大 却 言,言不盡意」也。 率言語須是含蓄而 有此 言貴簡,言愈多,於道未 語云:「言高則旨遠,辭約則 有餘意,所謂 必明。 書不 義 杜 微。 元 盡 凱

《中庸》之書,其味無窮,極索玩味。

缶, 是 明 至 約 聖 處 誠 自 牖」, 也。 謂 人 問 論 牖 當 「《坎》之六四,「 者,開 險 大臣 何義也?」曰:「坎,險之時 納 難之時,更用甚得? 約 處險難之法。『樽 明之處也。 自牖」,言欲 樽酒 納 欲 開 約 簋 悟於君,若 於君 貮 酒 無 用 簋 非 當 也, 缶 貮 是 自 此 納 用 用

> 也。 是高 左師 於 子之利害開悟之也。」 子,高祖知天下豪傑歸 祖豈不知得分明? 子,他人皆争以嫡 夫太后只知愛子,更不 下,皆豪傑之力,故憚之。 四皓,此 君所 昔秦伐魏,欲以長安君爲質,太后不可。 祖 觸 龍 蔽 所蔽處,更豈能曉之? 正高祖所明處。 請 處 見,云云,遂以 何 由 庶之分。 人 直知不是了犯之。此 得 察利 心於惠帝,故更不易 ? 蓋高祖自匹 留侯 如 害、故 長安君爲質焉。 夫嫡庶之分, 漢 獨留 以 高 左師 四 帝 侯 皓 欲 夫 易 以 有 招 輔 太 太 致

雷之類於天地間,如 乾位 人 類,便是天地之用,豈天地外别有六子? 處於無爲之地,此大故無義理。 生六子,則 西 易八卦之位,元不曾有 北 ,坤位西南,然乾、 有各任以事,而 人身之有耳目手足,便 人説。 坤任六子 父母 風)自開 雷山 先 儒 以 而 謂 如

大抵 只取 《洛書》而 是人之用也。 之物,故尾 此兔,亦可作八卦,數便此 爲乎? 多植尾於車上,以候雨晴,如天將雨 一向下,纔晴便直立。」 兔何 陽物尾長,陽盛者尾愈長。 神物之至著者耳。 大 以無尾,有血 畫八卦。 見 極長,又其身文明。 賣 豈可 兔 者,日 謂 然何必《圖》、《書》,只 手足耳目皆用 無脂? 一聖人 只如 中可起。古聖人 樹木,亦 只是爲陰物。 今之行車者, 如雉是盛陽 (見《河 ,則尾先 而 可 圖 身 見 無 看

地 男女同 生,安得爲異?」曰:「牧又謂乾、坤 中只是一箇生。 屯,雲雷豈無形耶?」曰:「牧又謂上經是 經言形器以下事。」曰:「非也。 生萬物,下經是男女生萬物。」曰:「天 或問: 生。 劉 日 牧言上經言形 人之生於男女,即是天地之 非 也 譬 如父母生男女, 器 上經言雲雷 以 與坎、離 上事,下 地 天

> 既是同生,則何言六子耶?」 得六 **豈男女與父母同** 有此理。 子。 若曰 謂乾、坤、坎、離同 乾、坤生 生? 既 時,六子 有 乾、坤,方三索而 生,豈 ,生理同 有 此 有, 事 則

理也。 水,水生木,只是迭盛 以 火,火得土方能生金,故土寄王於四 根却無處去。」曰:「克也。」曰:「既尅,則是 只古人説迭王字説盡了,只是箇盛衰自然之 曰:「何以見?」曰:「如木之生,根既 土化爲木矣。」曰:「不是化,只是克。 爲不然。木生火,火生土,土生金,金 或 人多言五行無土不得,木得土方能 曰:「凡物之生,各隨 也 氣 勝 處 時。 長大, 五行 化。

如 性, 也?」或曰: 居 如何?」曰:「非也。 問: 中 位 便言 劉牧以坎、離 五五 得 一行是 中 氣, 一氣。」曰 得 其 佗 Ē 據 餘 性,艮、 方位 豈 「人以爲 不 如 得 巽 此 中 得偏 氣

是一 物 也 ? 某 箇 Ŧī. 道 道 物 是 備 五 然後 物 既 謂 能 既 之五 生 謂 之五 且 常, 如 行 安 五. 豈 常,誰 得 不 混 是 而 不 五. 爲 知 物

也

?

陽四 費 交也 及 牧言 有 也。」下來却 屯、蒙、師、比皆是相交。 曰 力。」 重 强,有 ? 陰 問:「 挂 兩 「怎生 一,只取 卦 相交,是否?」曰: 易須 相 似 劉 地 相 比 義起,然 是默 二象 交? 牧 反者,有相 以 上 識 相 經二 下經 亦是以爻也,爻變則 若論 交爲 心 通,只. 陰二 四 — 顛 一 相 生者,爻變則 義,豈又於卦畫 八 卦 交, 陽 如此 相 倒。 卦已相交了 豈 相 交, 交,下 特 窮文義,徒 卦之序 義變。 四 如 卦, 何? 經 義 相 四 劉 變 皆 如

聞 日 者 人人只 爲隱微 問 「『莫 以 然 耳 見 不 目 乎 知 所 隱 理 見 却甚 聞 莫 者 顯 顯 乎 爲 也。 微, 顯 見,所 且 何 如 也 昔 不 ? X 見

> 不夭?」 是。 夭。 虐之 欺 彈 惡 所 桀、紂之民, 然後爲見 如 有不 只 不 在 感 是 也 善 琴 疾 心 氣 者亦 疫之氣 壽夭乃是 善之心積之多者,亦足以動天地之氣。 政 然 也, 自 而 見 所 箇 耐 日 謂 人 螳 善。 感,此 所 也 知 若説人與我, 聞 人 蜋 何 亦 感 也 其琴 如 不 捕 善惡之氣所 故 如 更 善氣所生,安得 者 知之,然天地之理甚 楊 蟬 人所共見者,固 此。 鄙 如 且 前 亦 震 夭? 堯、舜之民 如 而 知之,豈 惡。 四 不可道 水旱,亦有 聞 知,然否?」曰 固分得, 若説 者 纔仁 惡 致。 以 非 事 氣 爲 便壽,纔鄙 不 仁 至目前 顯 所 何故仁 是也。 有 乎? 壽 所 則 生, 殺 致 著,不 ? 善 聲 天地, 氣 可 安 人有 鄙 如 見, 「亦 也 得 暴 則 可 殺 便

地之義,事天地之誠 問 : 天 地 明察 既 神 明 明 察昭著 彰 矣。」 曰 則 神 明 事 自 天

其 祥 不是 彰矣。」問: 通 「王祥孝感事 中矣。 神 孝於此 明 兩般事,只孝弟便是神明之理。」又問: 事。 孝弟之至,通 而物來於彼 神 -,是通 此感格 明 感 神 格 也。 便是王祥誠 明 否? 於神明。 否?」曰:「此 曰: 中 神明孝弟 感格 來, 非 亦 固 是 王 在

者, 之。 作 有 如 弟。」不識 只是一統底 本末,無有精粗,却被後來人言性命者 洒 人便將性命別作 由之而 般高 埽 然今時非 問 應對 一《行 遠 孝 不 説。 與 事,就孝弟 弟 知 狀》云:『盡 盡性 無孝弟之人,而 何 也。 故舉孝弟,是於人 以 至 能 命,亦是 般 中 盡 便 事 性 性 可盡性至命 説了 至 至 不 命 命 能 統 也? 性命孝 必必 盡 切 底 近 性 本 事 日 於孝 者 至 别 弟 命 無 至

以雷霆,潤之以風

雨」,是也。」

日 問: 此 句 須 窮 神 自 家 知 化 體 認 由 通 作 於 玩玩 禮 索」。 何 也 往 ? 往

> 禮樂。 然則 後國 見禮 樂無處無之,學者要須識 蓋 亡 禮樂,幽 由 也 箇造化。 叛亂 家始亡。 有 壞 後樂崩 蓋 上下尊卑之别也。 如 則 無統,不能 必有 國 有鬼神」, 「天尊 家 便 雖 總屬,必 謂 盗賊至所爲不道者,然亦 日 地 禮樂亡,然不 存 何 卑,乾、坤定矣」,『 時, 也? 相 日 相 聽 得 尚 除是禮樂亡盡 2。」問 順 聚 有 日 ,乃能爲盗 而 : 知禮 爲盗 日之禮 二明 鬼 樂 神 也 鼓之 則 只 未 一,然 是 禮 有 有

移風 鼓。 鍾 也 1,然推 鼓云乎哉?」「此固 易 先儒解者,多引『安上治下莫善於禮 禮云禮 俗 本 莫善於樂」。 而 言,禮只是一 云, 玉帛 云乎哉? 有禮樂,不 此 箇序,樂只是 固 是 禮 樂 樂之大 在 云 玉 樂云 帛 簡 用

❶ 「下」,涂刻本作「民」。

爲之。 故 説 言 然。 見 息 此是『生生之謂易』,理自然如此。 三,已往更無 須 子,纔不正便是無序,無序 莫是天 和 命,於穆不已』,自是理自相 又問:「如此 固是。 時。 而 而 而 包含無盡。 話 便有二,纔有一二,便有一二之間,便是 亦 盡 彰 如天 爲 只 如使可 了不動 只爲無 用 地之序? 此 也。』使釋氏千章萬句 天下無一物無 不能 地陰 也。 兩 字, 逃此 而變,無爲 ,則禮樂却只是一事。」曰::「不 窮。 釋氏 爲,故 有陰便有陽,有陽便有陰。 爲,雖使百萬 陽,其勢高下甚相背,然必相 含 樂莫是天地之和?」曰: 三句。 畜 老子亦言: 『三生萬 空周遮説爾,只是許多。」 不息。 多 少 禮 而成,天地之道 只爲聖人説得 義 便乖,乖 樂。 命中 般安排,也 續不已,非是 理。」 ,説得許大無限 且置 庸》言:『不 又 ·便不 「維 問 兩 須有 隻 天之 物。」 可 和。 要, 椅 禮 人 有

> 聖人亦 愚,無知者也,猶且能之,●乃若微細之事 也,何以言事?」曰:「固是。 事,孔子亦 理,聖人豈有不盡者? 豈可責聖人盡能? 聖人固有所不能 至微至細。 不徧能 問: 也。 何有不能、不知也?」曰:「天下之 『及其至) 豈能 上文言『夫婦之愚,可以與知』。 至纖 知哉?」或曰:「至之言 息委 也,聖人 曲 蓋於事有所不徧知, 處, 有 如 所 極至之至,如 農 不 圃 能」,不 百 也。 Ι. 極 之 知

「時措之宜」,言隨時之義,若「溥「君子之道費而隱」,費,日用處。

博淵

泉,而時出之」。

焉者,非三王之道,如諸侯霸者之事,故民焉者,三王以上,三皇已遠之事,故無證。下「王天下有三重」,言三王所重之事。上

❶ 「之」,涂刻本作「知」。

不尊。

溷濁,久自明快。水,久後稍引動得清者出來。 人思慮,始皆水,久後稍引動得清者出來。 人思慮,始皆「思曰睿,睿作聖。」致思如掘井,初有渾

嘗 夫? 也。 説1召公爲保,周公爲師,相成王爲左右,召 來否? 也 之不知者,爲成王爾。 召公之意,豈有召公之賢而不知周公者 不安,故不説爾。 公不説,周公作《君奭》』,此已上是孔子 〈詩》中言周大夫刺朝廷之不知。 9?. 疑 且召公初陞爲太保,與周公並 、周公?」曰:「《書》稱『召公不説」, 電以 當時之人,雖甚愚者,亦知周公刺 問:「召公何以疑周公?」曰:「召公何 請觀《君奭》一篇,周公曾道召公疑 古今人不知《書》之甚。《書》中分明 風 ,而啓金縢之書。 但看此一篇,盡 成王煞是中 成王無事 豈特 是周 才, 列,其心 朝 公留 周 如天 乎? 而 廷 他 何 大 説

書猶非孟子,召公心未説周公」,甚非也。」悟周公爾。近人亦錯看却其《詩》,云『荀子金縢之書作甚? 蓋二公道之如此,欲成王

王乎? 其兄,更豈問命耶?」● 周公不知命乎?」曰:「周公誠心,只是欲 焚埋之禮,欲敬其事,故藏之金縢 曰:「近世祝文,或焚或埋。 又問: 何既禱之後,藏其文於金縢也?」 「《金縢》之書,非周公欲 必是古人未 也。」「 以 然 悟 代 則 有 成

矣。 逆知 白樂 相 否?」曰:「《詩》中自言王居鎬京,將 逼 或言平王東遷,非 或問:「人有謂 數百載下有犬戎之禍 何更疑 知其後必有患,故營洛也。」 也? 周 周公營 公只是爲犬戎 也。 洛,則 周 乎? 公雖 成 聖, 是 與 不 王 説 鎬 其 能 既 京 能 遷 以

❶ 「更豈」,涂刻本互乙。

河

南程氏遺書第十八

三五

世既難得人而争奪興,故以與子。 與子。論其至理,治天下者,當得天下最 能 私,亦天下之公法,但守法者有私心耳。」 者一人,加諸衆人之上,則是至公之法。 爾,亦未嘗有大惡。 舜以天下授人,欲得如己者。商均非能 之不害己與 一人賢於天下者而授之。 化 商 均?」曰 不至大惡 : 所謂 大抵五 也。 示不 三王家天下,遂以 若 格 帝官天下 姦』者, 商均 與子 則 但 不 雖 故 如己 能 是 賢 後 使

問:「四凶堯不誅,而舜誅之,何也?」曰:「四凶皆大才也,在堯之時,非特不爲惡,不平之心,而肆其惡,故舜誅之耳。」曰:「堯不平之心,而肆其惡,故舜誅之耳。」曰:「堯不去,何也?」曰:「在堯之時,未嘗爲惡,不去,何也?」曰:「在堯之時,未嘗爲惡,亦賴以爲用。」

之。

有所

感必

有所

應,自然之理

也。」又問

有物

必

照,非鏡

往

照

物,亦

非

物

來

入鏡

也。

大抵人心虚

明,善則必先知之,不善必先知

感。

亦非

此

往

亦

非彼

來。

礕

如

懸

鏡

於此

往水

傅説

耶?

傅説來入高宗夢耶?」曰:

不足怪。

至於卜筮亦然。今有人懷誠心求

如常人夢寐間事有先見者多矣,亦

卜,有禱

輒

應,此理之常然。」又問:「高宗夢

見於夢。

蓋

高宗至誠

,思得賢相,寤寐不忘,故

朕

兆

先

乎?」曰:「此是得賢之一

事,豈必

盡

然?

100

問

高

宗

得

傅

説

於夢

文

Ŧ.

得

太

公於

三六

古之聖賢相

遇多

矣,

何

不

盡

形

於

夢

1

「高宗只是思得賢人,如有賢人,自然應他

「納於大麓。」麓,足也。百物所聚,故麓

問:「舜能化瞽、象,使不格姦,何爲不

僞也, 聖

人豈僞

乎?

矣,恐群臣未信

,故託夢卜以神之。」曰:「此

或言高宗於傅説,文王於太公,蓋已素知之

豈 有 有 大録萬機之意。 試 而 納 於 Ш 若司馬遷謂納舜于山 麓 耶 ? 此 只 是 歷 麓 試

舜

也

海 則 遂以「堯曰」爲「放勳曰」也。 功 而 也。 泉陶 Ŀ 有甚義 ,以神道設教,不言而化,至堯方見於事 放勳非堯號,蓋史稱堯之道也,謂三皇 後人以放勳爲堯號,故記《孟子》者, 當號允迪,禹 曰文命,下言「敷於 若以堯號放勳, 四

求。 有后. 德」,皆以爲文王之后妃。 者,後人往往不知是聖人作。 進賢,不淫其色」,以爲后妃之德如此 漢以來」。 妃可 妃? 問:「《詩》如 詩》之大序,分明是聖人作此 稱,后妃自是配了 更無人理會得《詩》。 又如『樂得淑女,以配 何學?」曰:「只在大序 文王,諸侯 更何别求淑女以 自仲尼後,一 如言『后妃之 君子,憂在 以 也,豈 配 教 惟 中 學 作

《詩 也。 樂得淑女之類,是作《關雎》詩人之意否?」 時 非國史,則何以 國史得詩於採詩之官,故知其得失之迹。 矣。」或曰:「《關雎》是后妃之德當如此 色 ? 爲配? 曰:「序中分明言『國 看大序,即可見矣。」曰:「莫是國史作否? 「是也。」問:「《詩》小序 『能逮下』之類,皆爲其德當如此否?」曰 思賢才,而無傷善之心焉。」是《關雎》之義 女,以配君子,憂在進賢,不淫其色,哀窈窕 曰 「如言『又當輔佐君子,則可以歸安父母』,言 :「是也。 無 只著箇 『是以』字,便自有意 時 小 此不 序,雖聖人亦辨不得。」曰:「聖 曾 淫其色,乃男子事,后妃怎生會 難曉。 删 大序言: 『是以《關 改 知其所美所刺之人? 小序否? 但將大序看數遍 史明乎得失之迹」,蓋 何人作?」曰: 曰 : 雎》樂得淑 有 思。」 害義 則 使當 日 否 淫 口 「但 删 見 其 理 如

作。 作?」曰:「周公作。 處,也 作。」「後人多言二《南》爲文王之詩,蓋其 故 有文王事也。」曰:「非 之道當如此也。二《南》之詩,多是周公所 下,下以風刺上」,蓋自天子至於庶人,正 人附之者。]曰: ,猶言古人有行之者,文王是也。」 曰『用之鄉 如《小]須删 雅 改。 · 六月》所序之詩,亦是 人焉,用之邦國焉,上以 今之《詩序 「《關 周公作此以風教天下 雎》之詩,是何 也。附文王詩 》,却 煞 錯 亂 周公 人 於 風 有 中 家 化 所 中 後

常人之思也矣。」

『《關雎》樂而不淫,哀而不傷』,何問:「《關雎》樂而不淫,哀而不傷』,何問:「《關雎》樂而不淫,哀而不傷」,何問:「《關雎》樂而不淫,哀而不傷」,何問:「《關雎》樂而不淫,哀而不傷」,何

而

獲免,便使之避也。」

也。」問:「避讐之法如何?」曰:「此因 官,而他自謀殺之,此則正其專殺之罪 殺,其子見之,不及告官,遂逐殺之,此 「此非治世事,然人情有不免者。 君子之道,本諸身,發諸心,豈遠乎哉 而義者,可以無罪。 問:「《周禮》有復讐事,何 「執柯伐柯,其 其親 則不遠」,人猶以爲 既被人殺,不 也?」曰 如親 自 復 被人 口

世,固無 之不信者,治世 觀之,可决是非也。」又問:「司 多。周公致治之大法,亦在 人情而用之。」 問:「《周禮》之書有訛缺否?」曰: 此 事。 然人情亦有此事,爲政者因 亦有此乎?」曰:「盛 其中,須知 盟 有 詛 治 道 萬 甚 之 民

武王?」曰:「大抵周家制作,皆周公爲之,問:「嚴父配天,稱『周公其人』,何不稱

故言禮者必歸之周公焉。」

者,罪紀侯輕去其國也。●紀侯大,名也。去其國,豈齊之罪哉? 故聖人不言齊滅之死守之可也。齊侯、衛侯方遇於垂,紀侯遂明,如上四者,是一類事也。國君守社稷雖師」,「齊師殲于遂」,「郭亡」之類。郭事實不師」,「齊師殲于遂」,「郭正」之類。郭事實不

言語,後來被人傅會,不可謂全書。若論其問王通。曰:「隱德君子也。當時有些

楊雄去就不足觀。如言「明哲煌煌,旁 獨無疆」,此甚悔恨,不能先知。「遜于不虞, 以保天命」,則是只欲全身也。若聖人先知, 以保天命」,則是只欲全身也。若聖人先知, 以保天命」,則是只欲全身也。若聖人先知, 以保天命」,則是只欲全身也。若聖人先知, 也看人如何用之。雖作十《玄》亦可足保 但看人如何用之。雖作十《玄》亦可足保 《玄》乎?」

矣。然韓子責人甚恕。韓子稱其「大醇」,非也。若二子,可謂大駁韓子稱其「大醇」,非也。若二子,可謂大駁

韓退之頌伯夷,甚好,然只説得伯夷介

0

[「]其國」,涂刻本作「社稷」。

處 念舊惡,怨是用希。」此甚說得伯 要 問:「退之《讀墨篇》如 知 伯 夷 之 心 須 是 聖 何?」曰: 人。 語 夷 「此篇 心 曰 也。

學者稍 千里。 嘗有 孔 謂 之學者,又不及楊、墨。 正 必 意 人乃不學仁義。 子言墨子愛其兄之子猶鄰之子,墨子書中 子 忠 其 至 亦 於 尚 恕 本 甚 如此等言? ·, 故 此。 同 ,然持教不 楊朱本是學義,墨子本是學仁,但 好,但言不謹嚴,便有不 偏,故其 兼愛,與 推 大凡 至 此。 流 但楊、墨之過,被 儒者學道,差之毫釐,繆 遂至 · 知謹 但孟子拔本塞源,知 墨子 退之樂取 於無父無君,孟子 嚴,故失之。 同,則甚不可也。 楊、墨本 人善之心, 是處。 學仁義,後 孟子指出 至若言 其 且 欲 流 後 可 所 何 以 孟

天王聖明。」道得文王心出來,此文王至德韓退之作《羑里操》云:「臣罪當誅兮,後人無人指出,故不見其過也。」

處也。

傳者. 得其傳。」似此言語,非是 日 德,有德然後有言,退之却倒學了。 空撰得出,必有所見。 求 何事 所未至,遂有 退之晚來爲文,所得處甚多。 ? 《原性》等文皆少時作 所得。 若無 蹈 如 襲前 所 티 : 見 不 人,又 軻 學 -知言 之 因 本 非 死 學文 是 所

退之正在好名中。

壞者不少,安能補也? 退之言「漢儒補綴,千瘡百孔」。漢儒所

識 危 得 興 漢 廢存亡之理 凡讀史,不徒 家 四 百 年 要記 終始 且. 如讀 事 治 跡,須 高帝一《紀》, 亂 當 要識 如 何, 治亂 便 安

學也

詁 也? 爲 事。 問 且如 漢儒 「漢之經術 解 至有白首 **雪**堯 典』二字,至三萬餘言, 安用 不 能 只是以 通 經者, 章 句 何

是不 人尚 大毛公、董仲舒、楊雄。 一三十年來議論 也。 知要 名節,只爲不明理。 自漢以來,惟有三人近儒者氣 也。 東漢 專一,使人更不致思。」 則又不足道 本朝經術最盛,只近 若使明理,却 也。 東 象 皆是 漢 士

也。如王諸吕時,責他死節,他豈肯死?」以力相勝,力强者居上,非至誠樂願爲之臣未必不激吕氏之怒矣。且高祖與群臣,只是曰:「王陵争之不從,乃引去。如陳平復諍,曰:「陳平當王諸吕時,何不極諫?」

謀,亦不克成。及迎文帝至霸 氏 東 間」,此豈請 士卒,豈不謬哉? 而 守 問 右 行 ,設或右袒,當如之何? 袒。」既知爲 周 縣 勃入北軍,問曰:「爲劉 至 絳 間 必必 時 邪? 劉氏,又何必問? 若不 合家人被 當誅諸吕時,非陳平爲 至於罷 甲執兵 己爲將,乃 氏 相 橋,曰「 就 左袒,爲吕 或 而 見, 願 每 河 之 問 知 請

此欲何爲? 可謂至無能之人矣。

問: 擊殺之,亦足矣,何暇自爲謀耶?」 乎?」曰:「欲報君仇之急,使當時若 既分,而勸漢王背約追之,則 不願爲其臣可知矣。 天下,故張良助之。良豈 及高祖興義師、誅項王、則高祖之勢可 韓報仇,故送高祖 良,非也。張良用高祖 俯仰中,留侯當此 無其勢也。 王 張良欲以鐵鎚擊殺秦王,其計 介甫 及天下既平, 詠 張 良 人 每從容。」人言高 詩最 關。 張良才識儘高,若鴻溝 爾。 好,曰:「漢業 既滅秦矣,故辭 乃從赤 願爲高 秦滅韓,張 無 松子遊,是 行 祖臣哉 也。 祖 不已 得 以平 良爲 用 存 以 疎 張 鎚 或 ?

乎?」曰:「諸葛近王佐才,禮樂興不興則未「王通言:『諸葛無死,禮樂其有興。』信

■ 「合」,涂刻本作「令」。

某嘗謂 殺了 雖得 復 曰 : 誅 覺 欲 人邪? 君,孔子請討。 而 口 漢 天下之賊,殺戮 不辜,以利一己,則不可。若以 曰:『不然。 取 不 知 三國 (室,則 能 多少人耶?』某謂之曰:"行一不義,殺 天下不爲」。 魏 間 孫覺曰: 『諸葛武侯 ,幾年定天下,其不 有爲於天下?」曰: 蓋誅 曰 之 IE. 也 興,孰爲正?」曰:「蜀 天下之賊,則有所不得顧爾。」 一亮果 聖賢「行一不義,殺一不辜, 孔子豈保得討陳恒 武侯區區 雖 王 多,亦 佐 才 及而 孔 有 何害 保完一國,不知 何 儒 明固言 爲 者氣象。』孫 死 ? 僻 天下之力, 則 時不殺 守 志 陳 命 在 明年 恒 蜀 也。 興 弑

當 所 温 時 以 薄 殺 以 漢文帝殺薄昭,李德裕以爲殺之不當 之之故 昭有罪,漢使人治之,因殺漢使也, 爲 殺之當,說 ,須是權事勢輕 皆未 是。 重 據史,不見他 論 之。 不知

> 是變詐 漢文帝 事 輕 説 量輕重,使之合義,纔合義,便是經也。 輕,那箇重,然後論 漢使,太后 之,太后 還 權 重。 是 須著用權。 薄 不 殺 或權術。 昭 孔子曰:「可與立、未可 是經,便是經 不食 與 薄昭, 雖不食,不 漢使 而 古今多錯 死,奈何? 而 飲 不知權只是經所不及者 太 酒 他 也。 因 后不安,奈 殺 可 用 免 得當與不當 |忿怒而 權只是 權字, 也。 若漢治其 與 須權 致殺之 一稱錘 何? 權 纔 説 佗那 也 罪 **些,稱量** 權 既 也 而 便 論 箇 殺 殺 ?

問: 也。」又問:「天性自有輕重 法日 之愛本是公,才著些心做,便是 不 不 安寢,只是不起與十起,便是私 同,自謂之私 「視己子與兄子有間 問:「第五倫視其子之疾,與兄子之疾 「兄弟之子 如如 猶子 何?」曰:「不 也。」 否? 一、疑若 是 欲 曰 視 私 特安 有 也 也。」 間 聖 之 猶子 父子 寢 立 又 與

如避嫌

,雖賢

者且不爲,况聖人乎?」

可

知。

以孔

子爲避

嫌,則大不是。

性 ? 性。 爾。己之子與兄之子,所争幾何? 子之道天性也。』此只就孝上説,故言父子天 「只爲今人以私心看了。 若君臣兄弟賓主朋友之類,亦豈不是天 只爲今人小看,却不推其 孔子曰:『父 本所由 是同 來故 出

足。人多以異形故,親己之子,異於兄弟之 於父者也。只爲兄弟異形,故以兄弟爲 不 及 手 亦得。

也。 子,甚不是也。」又問:「孔子以公冶長 長,何也?」曰:「此亦以己之私心看聖 南容,故以兄之子妻南容,以己之子妻公冶 凡人避嫌者,皆内不足也。聖人自是至 人

耶? 若孔子事,或是年不相若,或時 之子美,必擇其才美者爲之配。 公,何更避嫌? 凡嫁女,必量其才而求配。 或兄之子不甚美,必擇其相稱者爲之配, 己 **豈更避** 有先 嫌

> 近,如將二十四氣移换名目,便做千百 是三皇五帝典墳,文章自别。 《素問》書出於戰國之末,氣象 其氣運 可 見。 處 絶淺 樣

地乎? 故云「天有五賊,見之者昌」云云,豈非盗天 知道所趨向,故各自以私智窺測天地,盗竊 室下衰,道不明於天下,才智之士甚衆,既不 先王之時,聖道既明,人不敢爲異説。 天地之機,分明是大盗,故用此以簧鼓天下。 《陰符經》,非商末則周末人爲之。 若是

之,必固與之」之類。然老子之後有申、韓,看申、 言自不相入處,如冰炭。 秦、張儀則更是取道遠。 韓與老子道甚懸絶,然其原乃自老子來。 玄妙處,後來却入做權詐者上去。 問:「老子書若何?」曰:「老子書,其 其初意欲談道之極 初秦、儀學於鬼谷 如一將欲

後用 辭 其 孟 中,説令出之。 :鬼谷去,鬼谷試之,爲張儀説所動。 術 子時已有置而不足論也 先 揣 鉗 鈎 摩 然其學甚不近道,人不甚惑之, 其 其端然後鉗制之。 如 何 然後 捭 闔 捭闔 其學既 既 如人菴 動 然 成

問: 其周公之衰乎!』聖人嘗譏之矣。 天子之禮樂哉? 嗣 子之位?」又問"「君薨,百官聽於冢宰者三 年爾,周公至於七年,何也?」曰:「三年,謂 公位冢宰,百官總己以聽之而已,安得踐 天子之位,行天子之事乎?」曰:「非 曰 ·始亂周公之法度者,是賜也。 無 王居憂之時也。 :『履天下之籍,聽天下之斷。』周公果 過。 問:「世傳成王幼, 賜周公以天子之禮樂,當否?」曰 一作「罪」。 成王之賜,伯禽之受,皆不 《記》曰:『魯郊非禮也, 七年,爲成王幼故也。」又 周公攝 人臣安得用 政, 説者乃 荀 也。 卿 天 周 踐 亦

臣所 所不得 其功不過做得 樂。若太宗却不知此。 陽公主葬以鼓吹則可,蓋征戰之事,實非 來,而謂人臣所不能 業者,以君之人民也,以君之勢位 人之所能 功業大於周公,亦是以君之人民、勢位做 爾。臣之於君,猶子之於父也。 來,豈是分外事? 若曾子者,僅 其孝雖過於曾子,畢竟是以父母之身做出 豈不見孟子言『事親若曾子可也』,曾子之孝 之功業哉? 而懷怏怏之心者,必此言矣。 若唐高 亦大矣,孟子纔言可也。 云: 當 周公有 用之禮樂,則妄也。人臣豈有 爲 爲 爾。 人臣不能 也,故賜以 借使功業有大於周公,亦是人 人臣 功臣,豈可奪元良之位? 而不當爲,其 爲 爲之功業,因 可 婦人 太宗佐父平天下,論 乎? 蓋曰:子之事父, 所不得用之禮 使人 臣之能 可以 誰爲之? 也。 賜 臣 祖 不 以 假 免責 賜 恃 立 人臣 平. 功 出 如 功

之功,非也。」
李光弼、郭子儀之徒,議者謂有人臣不能爲宗亂之,終唐之世無三綱者,自太宗始也。太子之與功臣,自不相干。唐之紀綱,自太

節 風 如 甚,必有英雄 之士變而爲曠蕩,尚浮虚而亡禮法。 節之士,有視死如 不得不褒尚名節,故東漢之士多名節。 者衆,故王莽之亂,多守節之士。 者多,雖未知聖人之學,然宗經師古,識義 其弊,必尚寬德崇經術之士,故儒者多。 隋不可謂有天下,第能 亡,與夷狄無異,故五胡亂華。 三綱 貞觀、 而不知節之以禮,遂至於苦節,故當時名 秦以暴虐,焚《詩》、《書》而亡。 開元 不 正 **,無父子、君臣、夫婦,其原始於** 間,雖號治平,然亦有夷狄之 出而平之,故隋、唐混一天下。 歸者。苦節既 驅除爾。 夷狄之亂已 極、故魏、晉 世祖繼起, 唐有天下, 漢興,鑑 禮法既 知名 理 儒

足以

感動得天地,不可道殺孝婦不能致

也

]。」 或

曰:「殺

姑

而

雨,是衆

人怨釋否?」

太宗也。 萬 不君,臣不臣,故藩鎮不賓,權 使肅宗,便篡。 有五代之亂。漢之治過於唐,漢大綱正,唐 目 舉。 故其後世子弟,皆不可使。 本朝 大綱 肅宗纔使永王 甚 正,然萬目 臣跋扈,陵夷 璘,便反。 亦未盡舉。 玄宗纔 君

因問「十世可知」,遂推此數端

致邪?」曰:「國人寃固是,然一人之意,自也,更不答其所由。公孫弘大是姦人。也,更不答其所由。公孫弘大是姦人。 理思之。漢武帝問禹、湯水旱,厥咎何由,公更思之。漢武帝問禹、湯水旱,厥咎何由,公

釋婦寃而致雨也。」

人

雖亡,然冤之之意自在,不可道殺姑不能

曰:「固是衆人冤釋,然孝婦寃亦釋

也。

其

木中 爾。 怒氣 生 出 自 氣 之作惡,是怒亦惡氣也。 否?」曰:「不然。 何也?」曰:「雷自有火。 麥,或隔 地之惡氣相擊搏,遂以震死。 是雷震之也。」「如 善之心, 然之理。 就相合處去也。」曰:「雷所擊 也 惟 有火,豈不燒了木? 且如今人種蕎麥,自有畦隴,霜降 也 問 鐵 聞霹靂 無 如人之怒,固 人有不善,霹 畦麥有不殺者,豈是此 不必木,只如 火,然戛之久必熱,此 震 人之作惡,有惡氣,與天 懼 是雷 而 自有正 靋 死否?」曰:「不然, 震之,還有使之者 怒氣與惡氣 兩 如鑽木 震死 蓋 石相 是 霹靂,天 ,然怒 動 莫是 處 戛,亦 取 處 極 則 火,如使 必 無 亦 相 時 人懷不 有 陽 霜 是 時殺 有 感 地 必 火, 生, 蓋 陽 火 故 爲 之

相 夏, 鑽 用 木取火,人 力極 則 陽生。 謂 火 今以 生於木,非 石相 軋,便 也。 有 兩 火 木

出。非特木也、蓋天地間無一物無陰陽

冷而下温。

雨

水

冰

`, 上

温

而

下

冷。

隕霜

不殺草,上

天火力

曰

災。

天火曰災,人火曰火,人火爲害者亦

分也。」 受日光,以 歸於一也。」問:「月有定魄,而 虧,何以 「日月一也,豈有日高於月之理? 否?」曰: 問: 成歲? 「此理甚難曉 日 人所 月 有定 見爲 蓋月一分光 形, 有 盈 還 究其 虧 自 然 氣 則 日遠於月,月 極 否? 散 是 月若 則 魄 别 此 티 : 自 虧 無 説 盈 聚

霜。 亦星月之氣,看感得甚氣即 如言露結 霜 與 露 不 爲霜 同。 非 霜, 也 金氣,星 爲露,甚 月 之 氣。 氣 即爲 露

上無雹,雖有不爲災。雖不爲災,沴氣自在。雹是陰陽相搏之氣,乃是沴氣。聖人在

後世 之事 必 此 以 相 自 祥瑞者,蓋因災異而修德則 有 王 譬如小人多行不義,人却不説,至君子未有 曰:「亦有此理。 日 生於陸、陸中物生於水,豈非異乎?」又問 漢文多災異,漢宣多祥瑞 有 是 時 常 小惡爲大惡,此是 事,便生議論,此是一 似和氣致祥,乖氣致異,此常 恃則有害也。」問: ·禎祥。』人有喜事 一有以麟駕車者,却是怪也。 果 問 數,何治 理 則是異 理 有之否?」曰: 「鳳鳥 也。 此 到 也。 世 《詩》中 極 不至, 少 譬如盛 處 如麟 而 理 ,氣見面目。 亂 煞 河不出圖」,不知符瑞 五代多祥瑞 「有之。 幽 是太平 理也。 世 燭 冬時 王大惡爲 也。」又 何 多 理 無 党 明 發出 也?」曰:「且 和 損,因祥瑞 理 至白者易汙, 『國家將興, 也 譬如水中 人事乎?」 氣所 問 也 聖人不貴 ,何也?」 小惡,宣 ,然出不 一朵花 天人之 日日 生,然 食 物 而

問 : 際甚 之否?」曰:「魚與火則不可知,若兆朕 那 邊 「魚躍于王舟,火覆於王 微, 勝 否?」曰 宜 更思索。」 : 「似之,然 日 : 莫是天 未 屋,流爲烏, 易言 數 也 人 事 有 又

先,應亦有之。」

只輸 成癖,文似 安能與天地同 文,不專意則不工,若專意,則志局於此,又 陽之氣有常存而不移者,有消 月 謂之陽月者,陽盡恐疑於 古之學者,惟 爲文亦玩物 文者,專務章句,悦 也。 問:「作文害道否?」曰:「 問:「十月何以謂之陽月?」曰: 一作「惟 然何時 相 傳」。 也 如 務 其大也。 無 始 養 顔 吕 陽 情 氏 類 人耳 與 ? 俳。 性,其佗則 得 叔 如 《書》云『玩 自。 有詩云「學如 心齋」。 日 無 獨 立孔 有 陽 既 長 光之類 也 務悦人,非 害也。 不學。 而 此詩 門無 」, 故謂 物喪志」, 無 窮者。」 元 甚 「十月 凱 凡爲 之陽 蓋 事 好。 方 陰

章 學,何也?」曰:「游、夏亦何嘗秉筆學爲 所謂 優 以 「只」。 見六經,便以 也? 化成天下」,此豈詞章之文也?」 而 有 何 攄 ? 發 且如『觀乎天文以察時變,觀乎 德 者必 胸 日 爲聖人亦作文,不知聖人亦一作 中 : 「古者學爲文否?」 有言』也。」曰:「游、夏 所 藴 , 自 成文耳。 一作「章」。 日 人 文 稱文 人 詞

是句。」

蛺蝶深 言語 是用 謝 語 生嘗説:「王子真曾寄藥來,某無以答他,某 『可惜一生心,用在五字上』。 人詩云『吟成 道 不作詩,亦非是禁止不作,但不欲爲此 王子真詩云: 功,方合詩 或問:「詩 出 深見,點 且如今言能詩 做甚? 五. 人格。 可學否?」曰:「既學時,須 至 水 箇字,用破一生心」,又 某所 蜻 誠 蜓款款 無如 以 通化藥通神,遠 既用功,甚妨 不嘗 杜 此言甚當。」先 飛」,如 甫,如云『穿花 作詩。❶ 此 事。 寄衰 今 閑 寄 閑 謂 古 言

> 斯民。』子真所學,只是獨善,雖至誠潔行,然 大抵只是爲長生久視之術,止濟一身,因 濟 病身。 我亦 有丹君信否? 用 時 還解 壽

翁

作不 也? 憂,又疾 説撰成之。《禮》之名數,陝 也。」曰:「聞有《五 送與吕與叔,與叔今死矣,不 朝廷,則 「舊日作此、已及七分、後來 "惟《易》須親撰,諸經則關 有聖人格言,亦有俗儒乖謬之説。乖謬之 可也。 問:「先生曾定六禮,今已成未?」曰 然所定只禮之名數,若禮之文,亦 病數年,今始無事,更一二年 當 行之朝廷,不當 《禮記》之文,亦删定未 經解》,已成否?」 中諸公分去 爲私 被 西諸公删定,已 召 · 知其 書, 人 (朝,既 了, 書安 既 日 可 而 某 其 在 成 遭 在

中

嘗」,涂刻本作「常」。

生意。」 識 説,本不能混格言,只爲學者不能 時雖似相類,然終不若化工所生,自有一般 枝花,或有剪裁爲之者,或有繪畫爲之者,看 後人决學不得,譬之化工生物。 章自深,與學爲文者不同。 玉之在泥 ,則不知孰爲泥 沙、泥沙豈能混珠玉 沙,孰爲珠玉也。聖人文 如《繫辭》之文, ? 且如生出一 辨别, 只爲 無人 如珠

子諸侯於孟 事。 桃之類。 大故害義理者,須當去。 理,一二年書成,可皆如法。 戀河北舊俗,未能遽更易,然大率漸使知 就,後被召遂罷,今更一二年可成。 冬至祭始 某舊嘗修六禮、冠、婚、喪、祭、鄉、相見。 冠、婚、喪、祭,禮之大者,今人都不以爲 四時祭用仲月。 月 者,爲 祖 首 ,厥初生民之祖 時 每月朔必薦新,如仲春薦 也。 用仲月,物成也。 時 祭 禮從宜,事從 之外,更有三 立春祭先祖 家閒 古者天 俗,有 義 多 將 含

> 母配。 是 甚瀆禮經, 亦各祭。 爲祭,無後者祭之别位。爲叔伯父之後也。 位」。 異所者,舅婦不同享也。 季秋祭禰。 自父而推,至於三而止者,緣人情也。 之上,非一人也,故設二位。 祭先祖,亦無主。 配於廟中,正位事之。❷祭只一位者,夫婦同享 之始一作「時」。● 也。 祭始祖,無主用祝,以 春者,生物之始一作「初」。 也。 如葬,亦惟元妃同穴。 或奉祀之人是再娶所生者,即 凡配,止以正妻一人,如諸侯用元 但於左右附葬可也。❸ 他則不祭。 先祖者,自始祖 常祭止於高祖而下。 冬至,陽之始也。 後世或再娶,皆同穴而葬, 也。 忌日,必遷主,出 祖妣異位,一云二二 旁親 季秋者,成 而 有後者自 下 以 ', 高 如殤 所 祖 也 物 立 妃 妣 牛

0

[「]時」,原作「也」,據陳刻本、涂刻本改

[「]事」,涂刻本作「享」。

[「]附」,涂刻本作「祔」。

有 室 正 蘭,古 難 寢 以 今 者 獨 正 庶 寢 享 正 人祭於寢,士大夫祭 也。 堂 也 0 於 正 蓋 寢 廟 可 中 以 於 尊 盡 廟。 思 者 慕之意。 所 庶 人無 據 無 在 者 此。 灌

家必

又同

於

夫婦自. 埋 於所 可可 立 葬處 相配爲位 一影堂。 ,如奉祀人之高祖而 廟 ,舅婦不同坐也。 中異 位 祖 上,即 居中,左右以 廟 當桃 必有主。 也。 昭穆次序,皆 其 既祧 大 當 略

徹

去可

也。」傾在他器

物 享後 祖 存 死之理,❷當厚於奉生者。 7,知母 飛 得 方可 此等事 鳥 而 是 ,薦數則瀆,必因告朔而 也 不 數件,雖幼者漸 知父,走獸 惟 人 則能 是也 知 可使知禮 薦乃合宜。 至於當 祖 若 知父 不 新 嚴 而 人家能 義 必 於 不 薦, 祭 知 凡

此

厚於奉養

而

薄

於祖先,甚不可也。

凡

事

如

此。

且

如

豺獺皆知

報

本,今士大夫家

多忽

也。 奠,祭 又問 問 法 祭酒 「既奠之酒 中却 用幾奠?」 用 九 奠。」 何 以 以 日 置之?」曰: 禮 : 有 家中 九獻 樂有 尋 常 古古 九 用

祀

1, 始與

鳥獸

無

異

矣。

之間 以 故 降 今人以澆在 . 神 酒 必 故 灌 以 茅 於 地 縮 地 上, 酌 甚非 若 謂 謂 求 也。 奠酒 神 於 既 則 陰 安 陽 則 有

四

0

質,專一. 禮 廟 廟 古 故古 既 ,但簡於四時之祭也。」 無 或問 葬,則設木 但緣習俗,然不 也。 人惟專精祀於 葬只是 「今拜埽 主 藏 之禮 既 體 害義 除 廟 魄, 何 几 理 據 筵 而 今 ? 神 亦 古人 則 曰 : 則 用 木 必 拜 主 直 埽 安 歸 是 此 之 於 於 誠 禮

若 可 所 也。 四 産之木,取 方 木主必 無 栗, 以栗,何也?」曰 亦 其 堅 不 也。 必 用, 今用栗 但 取 : 其 從 周 木之堅者 周 用 栗,土 制 也。

0

[「]理」,涂刻本作「禮」。「寢」,涂刻本作「廳」。

笑 與 齊者」,此非聖人之語。 容有思,有思則非齊。 (鬼神接,然能事鬼神,已是上一等人。 語,此孝子平日 凡祭必 致 齊。 思親之心,非 齊之日,思其居處 「齊三日,必見其所爲 齊者湛然純一,方能 齊也。 齊不 思其

能爲尸者,亦非尋常人。女無可以爲尸者,故無女尸。後世遂無尸。女無可以爲尸者,故無女尸。後世遂無尸。古者男爲男尸,女爲女尸。自周以來,

子弟爲强。 弟從之。 時,只是以帛書與沛父老,其父老便能 勢自尊。 之,安可? 下之分,然後順從 後子弟皆聽其 法,則人知尊祖重本。 今無宗子法,故朝廷無世臣。若立宗子 又如 古者子弟從父兄,今父兄從子弟, 由不知本也。 且 命而從之。只有一節尊卑上 相如使蜀,亦遺書責父老,然 立宗子 而 不 亂 法,亦是天 且如 人既重本,則朝廷之 也。 漢高祖欲下沛 若無法以 理。 率子 譬 聯 屬 如

> 然之勢也。 古者天子建國,諸侯奪宗云 又如水,雖遠,必 木,必從根直 然又有旁枝達 上一榦, 有 正 源 如大宗。 亦 而 必 爲 亦 有 、幹者。 必 分派 有 旁 處 故

是禰 會。蓋本是大宗之祖,别子之諸子稱之,却 無大宗也。 是諸子之禰。「繼禰者爲小宗」,此有小宗 也,别子之諸子,祭其别子,别子雖是祖 子之嫡子,即繼祖爲大宗,此有大宗無小 祭,下亦無人宗之,此無宗亦莫之宗也 祭祀也。「別子爲祖」,上不敢宗諸侯,故 也。 凡言宗者,以祭祀爲主,言人宗於 有小宗而 無大宗,此句 極 難 此 别 理 而 不 而

夫何故? 以父母之體重於己之體也。至於口重於己之口也。得一衣,必先以衣父母,得一食,必先以食父母,夫何故? 以父母之今人多不知兄弟之愛。且如閶閻小人,

四

犬

也。 若讐敵、舉世皆如此、惑之甚矣。 馬 獨 亦 愛父母之子,却輕於己之子,甚者至 待 父母 之犬 馬 ; 必 異 乎己之犬 馬

乃呼 叔 父者,言事之之理與父同 ·伯父叔父爲伯叔,大無義 伯 叔,父之兄弟,伯是長,叔是少,今人 也。 理。 呼爲伯父

何害? 己可 養 不 便 爲 愛之道 何?」曰: 成 敢 當 醜 發 出 不 行 問 也。」曰:「接弟之道如何?」曰:「盡 或 善 也。 遂 ,或有隱惡,爲其陰持之,以至 而 曰:「事兄盡 如子思亦嘗出妻。今世俗乃以 Ë , 豈不害事? 妻可 「但當起敬起孝,盡 不敢爲,古人不如此。 只爲今人將此作一件大事 出 乎?」曰:「妻不賢, 禮,不得 人修身刑 兄之懽 至誠,不 妻有 家 最 一縱恣, ,隱忍 不善, 心 急 出妻 出 求 之 友 奈 伸

善,使 與 叱狗 子,自有一箇含容意思。」 如 識 但 以 他 之,何也?」曰:「此古人忠厚之道 以 意 之: 『出妻令其 而 人絶交不出惡聲,君子不忍以大惡出 自 此。 者, 否?」曰:「是也 不 此 平 以 對 於親 微罪 是,則如之何?」曰:「彼必自 細 己理直可矣,何必更求他人知? 日有故,因此 姑 他人知之,是亦淺 當自知之也。 大凡人説話,多欲令彼 故 叱 前 見 去之,以 狗 者, 逐,安能 蔾 可嫁,絶友令其可交。』乃 蒸 亦有 此見其忠厚之至也。 不 事出 熟 甚大故不是處? 無 如 者 辭 必 丈 ? 之爾。」或曰:「彼 待彰 夫 亦 或 兼 無 曲 而 曰 暴其 他 己。 其 我 一:一古 直。 惡 也 知 妻之不 君 不 而 一其妻, 其 語 古之 若 子 知 只 且 遽 此 有 如

修

身便

到

刑家

上也。」又問:「古人出

妻,有

⁰ 理」,陳刻本,涂刻本作「禮」。

古亦 可, 之命服,乃古之下士之服。 仕,士未仕者也,服之其宜也。 若農商則 曰:「無 曰 非其 不 有是,士乘墨車之類。 問 昏 得不 此 姻 類 服 士 也。」或曰:「不必 一禮。 而 未 可 服之,恐僞。」曰:「不然 以爲悦,今得用而 仕 重其禮 丽 昏, 今律亦 者,當盛其 用 命 古者有其德 用, 服 許假借。」 用之,何 可 禮 服 否? 乎? 不 則 今 况

却是。 事 昏禮豈是 宴樂,禮畢也; ,不用樂也。「昏禮不賀,人之序也」,此説 婦質明 禮 幽陰? 不用 而見舅姑,成婦也,三日 宴不以 樂、幽 但古人重此大禮,嚴肅 夜,禮也。 陰 之義」,此 説非 而 是。 後 其

害?

過

期

非

也。

之何 ?」對日 問:「臣拜君,必於堂下,子拜父 父子主恩,有尊卑,無貴賤,故拜 君 臣 以義合,有貴賤 人母, 故 於 拜 如

匐

堂上。 於堂下,禮也。」 若婦於舅姑,亦是義合, 有貴賤

拜

然無事 者所以 道也。 所以 曰 : 自 豈有同 若兄弟,則己之屬也,難以妻道屬其妻,此古 之屬也,故兄弟之子之婦服,與兄弟之子同。 母伯母之服,與叔父伯父同。兄弟之子,子 母,下有子有婦。叔父伯父,父之屬也,故叔 嫂與叔,且遠嫌,姑與 居之親,古却無服,豈有兄弟之妻死,而 救之,况至親乎?」 在 「《禮記》曰:『推 無服者,只爲無屬。 問:「嫂叔古無 其夫屬乎子道者,妻皆婦 無服。 乎?」曰:「古者雖 H 居之親 如 鄰 以義理推不行也。 里之喪,尚春不 而 無 服者?」 而遠 服,今有之,何 嫂,何嫌之有? 其夫屬於父道者,妻皆母 道 無 之也。』此 也。 服 又問: 今之有服亦是。 相不巷歌,匍 ,若哀戚之心 今上 説 一有父 既 也? 不是。 古之 是同 己恝 有

四四四

獨無服 舅而 亦謂 之子無服 異姓之服,只推得一重。若爲母而推 姑 當報之也,故姑之子,舅之子,其服同。 以 止。若爲姑而推,則可以及其子。 之從服。●從夫也。蓋與夫同奉几筵,而己不可 期,今以三年,於義亦可,但名未正,此 服 報服,若姑之子爲舅之子服 IE ,却爲既與姑之子爲服,姑之子須 有 義 有從, 有報 古者婦 ,則及 是 故舅 喪 也。 舅

大歲爲下殤,十四爲中殤,十九爲上殤, 七歲以下爲無服之殤。無服之殤,更不祭。 等,兄弟主之,終兄弟之身。上殤之祭,兄弟 之子主之,終兄弟之子之身。上殤之祭,兄弟 之子主之,終兄弟之子之身。上殤之祭,兄弟 之子主之,終兄弟之子之身。上殤之祭,兄弟 之子主之,終兄弟之子之身。上殤之祭,兄弟 之子主之,終兄弟之子之身。上殤之祭,兄弟 之子主之,終兄弟之子之身。上殤之祭,兄弟

曰:「不可。既歸夫家,事佗舅姑,安得伸己問:「女既嫁而爲父母服三年,可乎?」

之私?」

可説與他商量。」陳本止此。 令醫者説道 如畫工,然他却 事,奈何?」曰:「且如識 之手,豈不害事? 肯任其自爲也。今人視父母疾,乃一任醫者 琢之也。 蓋百工之事,不可使一人兼之,故使玉 是大事。 「己未能盡醫者之術,或偏見不到,適 是如何,藥當如何,故可任醫者也。」或 問:「人子事親學醫,如何?」曰:「最 若更有珍寳物,須是自看,却 今有璞玉於此,必使玉人彫琢之。 理,便自見得,或己有所見,亦 識 别 必須識醫藥之道理,别病 得 工 以下八段,别 啚 拙 畫 人,未必 如 自己曾學, 本所 人彫 畫 足 必 日 害

於周,或文或質,因襲損益,其變既極,其法上古之時,自伏羲、堯、舜,歷夏、商以至

^{● 「}亦」,涂刻本作「可」。

王而 中制 既 之以「行夏之時,乘殷之輅,服周之冕,樂則 韶》舞」,則是大抵聖人以道不得用,故考古 詳,於是孔子參酌其宜,以 作,亦非是。 ,此其所 以《春秋》作也。 但顔淵問「爲邦」,聖人 爲百王法度之 孫明 復 主 以 對 無

驗今,參取百王之中制,斷之以義也

之謂美」,與《詩》之美不同。字字相梗,當觀其文勢上下之意。如「充實字字相梗,當觀其文勢上下之意。如「充實

須求 節 困 則 纏 是佗須看《莊子》,爲佗極 縛,則須覓一箇出身處。 學者後來多耽《莊子》。若謹禮者不透, 尚 放曠之説以自適。 節 行 太 甚,須 有東 譬之有人於此,久 |有膠| 如東漢之末 晉 放 固 曠,其 纏 縛,則 勢 尚

必然。

如葬埋昏嫁之類,極有害。 也,乃可行也。今歷法甚好,其佗禁忌之書,理,則必去之矣。如今靈臺之書,須十去八理,則必去之矣。如今靈臺之書,須十去八理,則必去之矣。如今靈臺之書,須十去八書,不知周公一一曾與不曾看過,但甚害義義。古太史既有此職,必有此事。又如太史

「極高明,道中庸」,所以爲民極,極之爲性,或觀人之所問意思而言及所到地位。《論語》問同而答異者至多,或因人材

物,中而能高者也。

君子不成章不達」、《易》曰:「美在

其

中,暢於四肢。」成章之謂也。

劉元承之子縣丞諴,問其父所録伊川先予官吉之永豐簿,沿檄至臨川,見

❶ 「王」,涂刻本作「上」。

「説」,涂刻本作「語」。

二四六

河南程氏遺書第十九

伊

川先生語

五.

楊

遵

道

録

得諸 以 如 推 通。」又問: 能 是理。」又問:「只窮一物,見此 之所以熱,水之所以 不拘。 爲 何 <u>Ŧ</u>i. 聞 ? 曰 問: 不是,晚年盡支離了。」 行生成。 理否?」曰:「須是徧求。 知十,若到後來達理了, 凡眼 格物是外物,是性分中物?」曰: : 如荆公窮物,一部《字解》,多是 前 荆公舊年説話煞得,後來却自 如今窮理,亦只 無 非 寒,至於君臣父子 是 物,物皆有理。 如此著工夫, 一物,還便見 雖顏 雖 億 子亦只 萬 間 如 亦 火 皆 口

未

到不動處,須是執持其志。」

先須要仁。』仁所以愛人,正是顛倒説却。」能及人。初學只是爲己。鄭宏中云:『學者是要爲己,是要爲人?」曰:「須先爲己,方是要爲己,是要爲人?」曰:「須先爲己,方

「新民」,以明德新民。

問:「『日新』有進意,抑只是無弊意?」

曰:「有進意。學者求有益,須是『日新』。」

謂無,只是不以此動一本作「累」。其心。學者正。』是要無此數者,心乃正乎?」曰:「非是問:「『有所忿懥、恐懼、憂患,心不得其

用 律 師 師 也 不 以義者,有 師 惟務勝 師 出以 出 當以 而已。 律,否臧 行 律,不 師 而 凶。」律 然,雖 無 號令節 臧 有二義: 亦凶。 制者 皆失 有 今人 出

弟子輿尸,貞凶。」帥師以長子,今以弟

二四七

子衆主之,亦是失律,故雖貞亦凶也。

之,便無由禁之,此見聖人機會處。 牙,如何制得? 今人爲惡,却只就他惡禁「豶豕之牙。」豕牙最能嚙害人,只制其

易非難易之易,乃和易樂易之易。並進,六五以陰居位,惟和易然後可以喪羊。「喪羊于易。」羊群行而觸物。大壯衆陽

理會得文義,且要熟讀,然後却有用心處。不曉文義,且須看王弼、胡先生、荆公三家。《易》有百餘家,難爲徧觀。如素未讀,

下,故言「反復」。 道 貞 先知有 知幾者,安能先識至處?「知終終之」,知 也。三位在二體之中,可進 四 德,缺却 讀《易》須先識卦體。 反復道也」,言終日乾乾往來,皆由 至 處,便從此至之,是「可與幾 一箇,便不是乾,須要認得 「知至至之」,如今學者且 如乾有元、亨、利、 而上,可退 也」。 而 於

湯、武。「知至至之」,只是至其道也。事。使人臣常懷此心,大亂之道,亦自不識云:「九三知九五之位可至而至之。」大煞害學之終處而終之,然後「可與守義」。 王荆公

健,又安可更爲物先? 爲物先則有禍 爻皆用九,故曰:「見群龍 是不爲首,六爻皆同。 「不敢爲天下先」。 是行健處。「天德 荆公言,用九只在上九一爻,非 乾順時 不可爲首」,言乾以 无首,吉。」用 而 動,不過處,便 也。 所 至 九 謂 剛 便

爻只作得三百八十四件· 害,但不要拘一。 貳,則做儲貳。 義。」先生云:「亦不妨,只 問:「胡先生解九四作太子,恐不是 使九 若執 四近君,便作 一事,則三百八 事便休也 看如 何 儲 用。 貮 十四四 當儲 亦 卦

聖人自有聖人用,賢人自有賢人用,衆人自看《易》,且要知時。凡六爻,人人有用。

君 臣 有 用 衆 有 無 人用,學者自有學者 用 處 所 否?」先生曰:「 不 通。 大 問 坤 用, 是 挂 君 何 是 有 無 臣 君 用? 之事 用,臣 有 如

夫利和義者善也,其害義者不善也。 陰助陽以成物者君子也,其害陽者小人也。 陰爲小人,利爲不善,不可一概論。 夫

.厚德載物」,人君安可不用

?

害。 利。 情。 不遺 則 何用。 先生曰:「凡字只有一箇,用有不同,只看 不 利。 有 未 害。 其親,不 然孟子言『何必曰利』者、蓋只以利爲 因問:「利 利貞者性情 凡順理無害處便是利,君子未嘗不 有仁 如『上下交征 而遺其親,未有 後其君,便是利。 與『以利爲本』之利同否?」 也」,言利貞便是乾之性 利 而 或 義 危」,便是 而 仁義未 後 其 君。」 嘗 心 欲 有 如

謝師直爲長安漕,明道爲鄠縣簿,論

先生。 《易》者。」師直 《易》及《春秋》。 使能 有所長、《易》則全 屈節問 先生答曰:「據某所見,二公皆深 主簿,以 曰:「何故?」先生曰:「以 明 理會 道云:「 一主簿敢言運使不 不得。」師 運使,《 直 春秋 日 説 知 運 知 猶 與

《易》,非深知《易》道者不能。」

「雲行雨施」,是乾之亨處。

聞時便是「乾乾」,納于大簏時便是「躍」。見:在側陋便是「潛」,陶漁時便是「見」,升乾六爻,如欲見聖人曾履處,當以舜可

君 觀 之衆若林。 有 未 日 ? 七十萬衆,未知是否。 絶,便是君也,爲人臣子,豈可 便是獨 兵之説亦自無此事。 介甫以武王觀兵爲九四,大無 安有此義? 夫,豈容更留之三年? 三年之中,豈肯容武 又紂鷙狠若此,太史公謂 如今日天命絶,則 然《書》亦自云 王如此便休 以兵脅 今日 義 理, 天 其 今 兼

年」,後 得 是前序一 妄,遂轉爲觀兵之説。 也 面 字錯却,便是後 正 是《 經便説 大 誓 \Rightarrow 「惟十有三年」,先儒 先王無觀兵之事,不 篇 面 前 正 序 經三字錯却。 云 + 有 誤

純 介甫 九 義 河圖》數見之,過六則一陽生,至八便不 八六只 理 陰 以 也 先 儒 爲 是 進君子而退小人,則是聖人旋安排 此 取 以 且定陰陽之數,豈便説得義 純 六爲老陰,八爲少陰,固不是。 陰純 陽。 惟六爲 純 陰,只 理 是 取 ?

君畜 小 先 便 生云:「不必 畜只是所畜者小,不必指定 是芥子 臣,臣畜君,皆是這箇道 或 陳瑩中答吳國華書,天在 以 小畜爲臣畜君,以 納 須彌 如此。大畜只是所畜 之義。」先 大畜 生謂 理,隨大小用。」 山 件 中,説 Ī. 爲 事 南 君 者大, 北 畜 便是 云 説, 臣。

他。

却

須彌無體,芥子無量

使。 曰 : 去, 只管 聖,亦只是箇不已。」 先生曰 乾」,未盡 則自然是盡 終日 若謂乾乾是不已,不已又是道,漸 節 問 節 乾乾可也」。 得《易》。 推 瑩 上去, 中 嘗 ,只是理不 愛文 可 據 此 知 中 此 是 子 語 如 或或 盡 :「凡説經義 最 句,只做 此 盡。 問 夫『 學《易 文王所 得 終 日 九 漸 乾 推 如

然怎 體一作「往」。如 曰 : 「此便是 生 子在川上,曰: 箇 無 無 此,這裏須是自見得。 窮。」先生 窮便了 逝者 得他?」 曰 : 如 斯夫」,言道 固 是道 作「便 道了却 無 張 繹 之

曰: 理 後 故云『賢人隱』,便做 ? 人緣此,謂 「六四位是在 問 : 向 林 括 希嘗有此説,謂 囊 有 事 朝 上,然 還 隱 做 者 不 得 「。」 先 得 坤 在 在 之六四 楊 位 位。 C 生 雄 使 曰 爲 却 否?」先生 又 禄 「安有 是重陰, 問 隱 此 恐 楊

知「明 譏之濟得 然王莽將來族誅之,亦未足道,又何足譏? 作?」先生云:「或云非是美之,乃譏之也 做 雄 真屋下架屋,床上疊床 玄》本要明《易》,却尤晦 尤難明亦得,只是不濟 於《易》中推出來,做一百般《太玄》亦得,要 數爲之,於曆法雖有合,只是 得 後 人只爲見他著書,便須要做他是,怎 是? 哲煌煌』之義,何足以保身? 甚 因 事 問:「 ? 或云且以免死,然已自 如《劇 事 如《易》,其實無益 他只是於《易》中得 秦》文,莫不 無益。 作《太 今更 當 不 生

坤 六位時成,却時乘六龍以當天事 道 惟是主利、《文言》「後得主而 先迷後得」是一句,「主利」是 大明終始。」人能大 明乾之終始,便 有常 一句,蓋 處 知

介甫 解「直 方大」云: 因 物之性 而 生

得

脱

却

一「利」字。

大 似 之,直也,成物之形 而生之,是甚義理? 好,只是不識 理。 如 而 此,是物先有箇 不可易,方也。]人見 全不識 也 坤

與先 便大 他 動 此。 説却。」先 是於至剛已帶却直意。又曰『以 方即 然孔子於《文言》又曰:「坤至柔而 養之」,則是以直字連下句,在學者著 大」是也。 一,闕一便不是浩然之氣。 便 都 人 生説别。 剛 是。 别。 多只依 别 舊嘗令學者不要如此編録,纔聽 「至大」,「至剛」,「以直」,此三者不 也。 不 生曰:「先兄無此言,便不 李籲却 舊 但坤 知尚 説 曾 因問:「見 時,不 解『至剛處』云『剛則不 看,只有李籲 ·卦不可言剛,言剛則害 有 得其意,不拘言 此語。 敢改 李籲 動,或脱 只「剛 録 如坤 本 明 直道 則不屈」,亦 所謂 道 無 語,往往 忘 動 錯 語 講 屈一, I 順 也 兩字, 1坤體 中, 直 編 得 剛。 論 夫 理 미 闕 處 方 轉 到 而 則 却

未穩當。」

以言語入者,有以德行入者。 孔子教人,各因其材,有以政事入者,有

下月录月录, 天下 丁多战? 一个大学,是,不肯學也。使其肯學,不知知,而有不移之理。所以不移者, 只有好則無不善。「惟上智與下愚不移」, 非謂不性則無不善。「惟上智與下愚不移」, 非謂不性則無不善。「惟上智與下愚不移」, 非謂不性則無不善。「惟上智與下愚不移」, 非謂不性則無不善。「惟上於天, 才出於氣, 氣清則才清, 氣濁性出於天, 才出於氣, 氣清則才清, 氣濁

楊雄、韓愈説性,正説著才也。不自暴自棄,安不可移哉?

學,以勝其氣,復其性,可無此患。有滅宗之理,所以聞其聲而知之也。使其能其必滅宗。此無足怪,其始便禀得惡氣,便其。滅宗。此無足怪,其始便禀得惡氣,便以言。此無足怪,其始便,以言。

之本。孟子所言,便正言性之本。 「性相近也」,此言所禀之性,不是言性

隱之心仁也。」云云。 數處,切疑才是一箇爲善之資,譬如作 以 以遇凶歲陷溺之耳。 亦 失之,或相倍蓰而無算者,不能盡其才也。』 械,須是有器械材料,方可爲也。 罪也。』則是以情觀之,而才未嘗不善。 所爲又梏亡之耳』。又云:『乃若其情則 豈人之情也哉?」所以無才者,只爲『旦晝之 又云: 『人見其禽獸也,以爲未嘗有才焉,是 是山之性未嘗無才,只爲斧斤、牛羊害之耳。 其濯濯也,以爲未嘗有才焉,此豈山之性?』 云:『非天之降才爾殊。』是不善不在才,但 則失之。』不肯言初禀 楊雄、韓愈皆説著才。 爲善矣,乃所謂善,若夫爲不善,非才之 無有不善,及言所以不善處,只是云:「舍 問 : 「先生云:性無不善,才有善不善, 故曰:『求則得之, 又觀『牛山之木,人見 然觀孟子意,却似才 時有不善之才。 如云: 舍則 觀此 「惻 如 口

事 ? 還自 能 否? 先生云:「上智下愚便是才,以堯爲君 性,欲爲善便是情,能爲善便是才,如 謂 則 如 且答他正意,不暇一一辨之,又恐失其本意。 象,以瞽叟爲 三者皆無不善,亦不肯於所禀處説不善。今 賓主,當是時,已自近君,豈復有完廪浚井之 云『非才之罪』者,蓋公都子正問性善,孟子 萬 盡 四 才有善不善,何也? 章問 端端 此 度得道殺却 必無 象欲使二嫂治棲,當是時,堯在上,象 四端之才也。 者 .象殺舜事,夫堯已妻之二女,迭爲 便是爲善之才,所 此 事。 父而 舜後,取其二女,堯便了得 然孟子未暇與辨,且答這 有舜,亦是才。 觀孟子意,似言性情 或云: 以不善者,以 善之地 然孟 何 ? _ 子只 而 便 有 是 才 不

問 生而 生 而 知之要學否?」先生曰:「 知 之」,「學 而 知 之, 亦 生而 是 オ。 知

之固不待學,然聖人必須學。

范堯夫,十件事只争得三四件便已。 便是好處。」 日 「君實只爲能受盡言,儘 先生每與司馬君實説話,不曾放過 人忤逆終不怒, 先生

如

言。 誰 今既如此,某雖有其人,何可言?」君實曰 公何爲若此言也? 「出於公口,入於光耳,又何害?」先生終不 口 一本云:「先生曰:「某斷不説。」」 爲者? 君實嘗問先生云:「欲除一人給事 願爲光説 如當初泛論 人。」先 生 人才却 百 相 中,

野 今觀之以爲朴也。 文質彬彬之名。 之人於禮樂,在今觀之以爲君子。 「先進於禮樂」,謂 一,而 「先進」、「後進」,如今人説 自 以當時爲君子,不 蓋 舊時 「後進於禮樂」,謂今晚進 周末文盛,故 前輩 知 之人 其過於文也。 前輩 於禮樂,在 以前 君子者 後 人爲

故孔子曰:「則吾從先進。」

弟子不能如此問,不是聖人不能如此答。 「無人皆惡之,何如?」又説:「足食足兵,民何先?」纔説「去兵」,便問:「不得已而去,於斯三者何先?」 傳問:「不得已而去,於斯二者何先?」 過說「去兵」,便問:「未可也。」便又問:「我會,自古皆有死,民無信不立。」不是孔子,以皆好之,何如?」曰:「未可也。」便又問:「鄉人皆好之,何如?」曰:「未可也。」便又問:「鄉人皆好之,何如?」曰:「未可也。」如問:「鄉人皆好之,何如?」曰:「未可也。」如問:「鄉

只『温柔敦厚』了却,皆不是也。」恰恨《易》,●便只『潔净精微』了却,《詩》,便之言,然亦不害義理。」先生曰:「煞害義理。吕與叔解,亦云:「《儒行》誇大之語,非孔子呂與叔解,亦云:「《儒行》,论不是。因舉

子爲乘田、委吏是也。」又問:「或云乘田、委問:「聖人有爲貧而仕者否?」曰:「孔《祭法》如夏后氏郊鯀一片,皆未可據。

待飢餓不能出門户時,當別相度。」
先生因言:「近煞有人以此相勉,某答云:十六字云:「有人云:「先生除國子監之命不受,是固也。」」却不是爲兆,爲魯司寇便是爲兆。」一本此下有吏非爲貧,爲之兆也。」先生曰:「乘田、委吏

荀、楊性已不識,更説甚道?

如伊 是也。 若以夷、惠爲聖之清、聖之和則可,便以爲聖 之』,夫君子無不敬 是門人録時,錯一兩字。 人則不可。 又問:「《孟子》書中有不是處否?」曰:「只 曰:「未敢便道他 尹又 鄧文孚問:「孟 更説夷、惠處云『皆古聖人』,須錯字。 别 看孟子意,必不以 初在畎 是聖人,然學已到至處。」 ,如有心去藐他人,便不 子還 畝,湯使人問之,曰: 如『説大人則藐 可 爲聖 夷、惠爲聖人。 人 否?

■ 「恨」,涂刻本作「限」。

當 湯 Ŧī. 我 就 以 何 湯,五就 禮 湯 以 然 之 湯 之 心 後 桀,自是後 爲 翻 幣 聘 然 心, 爲 而從之,亦是聖之時。 所 哉?」是 以 來 事。 五. 就 不 蓋已出了 桀, 肯 仕 不得 也 不 則 及 如

如

此。

政之學如捉風。」及後 「公之學如上壁。」言 ,且曰:「此人雖未 荆公嘗與 明 道 論 難 來逐 事 知道,亦忠信 行 不合, 也。 不附己者,獨 因 明 謂 道 明 日 人也。」 道 不 日 怨 參

道 却 語 引證。 會讀書。」戩不能答。 ,只這箇便是不會讀 張戩當於政 介甫乃 事 日 堂 : 「安石却不會讀書,賢 與 書。」 先生因云:「却不向 介甫 争辨事,因 舉 經

是 這 如 便 期 箇 道 不 去便傳得,安有此 佛家有印證之説,極好笑。 · 是 ? 理後 因 又 五 他 祖 人 令六 道 理? 是了 祖 方 三更時來傳法, 是, 豈有我 他 道不 曉 得

> 誤也。」 是,若謂只有這些子,却未敢信。」胡本注 此。 生曰:「這回比 乃覺。」繹言: 朱子權 有 乃 廟 不知 喜意 敬 佛 謝 親 殿 良 見 在 佐與 若還常敬 處 ,覺著此 謝先 開 便 敬,何 處時,此物安在 張 生云: 舊時煞長進。 伊云,只有這些子已 繹 不是。」先生 則 説 某 也? 到 未 某 嘗 佛 只是 如 到 殿 這些子已覺 此 (廟宇, ? 山 每 티 : 説 '常不敬,見 林 直 「人毎 中 恐 覺。 亦 到 傳 静 云: 静 只 録 處, 固 先 如 處 之 0

彼

神

便

多 貨殖 空。 受命者,不能 ,此子貢始時事。」 貨殖便生計較,纔計 屢空」兼 先生 順 云:「傳記 兩 受正 意。 命 惟 也 其 中言子貢貨殖處 較 能 吕 便是 虚 與 中,所以 叔 不受命,不 解 作 能 如 屢 亦

胡 本 注云」,原作「胡云本注」,今據涂 刻本改

0

二五六

子,●極有 只爲智多害之也。 初生,只有喫乳一事不是學,其他皆是學,人 萬 物 皆有 巧妙處,是他良能,不待學也 良 能 如 每 常 禽 鳥 中 做 得 窩

作兩處。 「人心」,私欲也,「道心」,正心也。 作兩處。 「人心」,私欲也,「道心」,正心也。 作兩處。

序》,則非聖人不能作。 不作,雖孔子亦不能知,况子夏乎? 如《大《詩・小序》便是當時國史作。如當時

底詩,蓋是修身治家底事。 一下皆用之詩及《大雅》、《小雅》,是當時通上下皆用一「用之鄉人焉,用之邦國焉。」如二《南》

《關雎》「樂得淑女,以配君子」,淑女即

如此也。 一位,故言配荇菜以興后妃之配君子,和樂 一位,故言配裳之,,言后妃之配君子,和樂 一位之。「左右芼之」者,順水而芼之。 一位之。 一位之德。「琴 一位之德。「琴

在 可 謂 而 人,賦 謂 后妃也。此一行甚分明,人自錯解 無傷善之心焉」,自是《關雎》之義如 「憂在進賢,不淫其色,哀窈窕,思賢 我須要得,是 口目耳鼻四支之欲,性也,然有分焉,不 於命有厚 薄,是命 有命也。 也,然有性焉, 仁義禮 智,天道 却 此 非 才, 可

子兄弟,須是先盡得孝弟,然後讀書,非謂已「則以學文」,便是讀書。 人生便知有父

以學,故君子不謂·

命

^{■ 「}窩」、涂刻本作「窠」。

前不可讀書。

由之。 禮以和 不行,知和 道 禮節之」,故亦不可行也。 斯 爲美,小大由之」。 禮 然却有所不行者,以「知 爲貴,故先王之道 勝 則 而 離、故「禮之用、和爲貴、先王 和,不 以禮節之,亦不 樂勝則流 以 此 爲美,而 和 而和,不以 故「有 可 行 小大 之 所

也,聖人亦無不盛。 蓋各因一件事言之。人謂各舉其最盛者,非王不泄邇」,非謂武王不能執中,湯却泄邇,紅在上,望天下有道而未之見。「湯執中,武河。」,皇道而未之見」,言文王視民如傷,以

也 不能爲之功,故得用 公之衰,是成王之失也。 故孔子曰:「周公之衰乎!」孔子以此 臣子身上,没分 魯得用天子禮樂,使周公在,必不肯受, 人 外 臣 過 介甫謂周公有 當底 所 不 事 得 用之禮,非 凡言舜、 爲周 人臣

言曾子爲孝,不可謂曾子、舜過於孝也。

《禮記》言「克明峻德,顧諟天之明命 親親 固 「凡爲天下國家有九經,曰 所當先,然不先尊賢,則不能知親 也。 克明峻德」,只是説 蓋 先尊賢,然後 修 能 能 身也,尊賢也, 親 明峻德之人。 親。 ,皆自明 親之道。 夫親親

「平章百姓」,百姓只是民。凡言百姓處也」者,皆由於明也。

皆只是民,百官族姓已前無此説

以 其 功 則 爲社稷者? 只是畏死。 謀 讓 隨 王 却。 陵 甚 能 陳平只是幸而 爲 拙,其後成功亦幸。 底 IE. 人,只是占便宜,令周 如令周勃先入北軍,陳平亦不是推 漢之君臣,當恁時,豈 使後來少主在,事變却時,他也 成 功,當時 如人臣之義,當 順 勃先試難也。 却 有樸 諸吕, 實 頭 亦

周勃當時初入北軍,亦甚拙,何事令左

Ŧi. 八

得 不 時 袒 ·從。 , 豈不生變? 已料得必左袒,又何必更號令? 則 甚 忽然當 只合驅之以義,管它從 時皆右袒,後 還 如 何? 如未 與 料 當

邪 ? 韓信之死爾。 豈不知此二人,乃肯放與項 却 又被史官瞞 也?」曰:「臣非亡,乃追亡者也。」當時 兩 韓信初亡,蕭何追之,高祖如失左右手, 日 不 乃是蕭 追, 何與高帝二人商量 當時史官已被高祖瞞過,後人 及 蕭 何 反, 問 羽,兩 之曰:「何亡 做來,欲 日 不 高 追 致 祖

不曾合戰。 口 觀 惜乎,韓信與 更得 這 項羽,諸葛亮與司 兩 箇戰得幾陣,不妨有 馬仲 達,

成 有幸而成,不幸而敗。 敗 ,然後却看 先 生每 讀 史到 有不合處,又更精思 半,便: 今人只見成者便以 掩 卷 思 量 , 其 一,料 間 爲 名 其

> 煞有是底。 是,敗者便以 爲 非,不 知成者煞有 不是, 敗者

便做是使,不知煞有誤人處。 處進 讀史須見聖賢所存治亂之機,賢 退,便是格物。今人只將他見成 人君子 底事

出

折 政 錢,豈有經筵官只請折支? 户部只欲與折支,諸公又理會,館閣 當廪人繼粟,庖人繼肉也。 例,初入京官時,用下狀出給料錢曆,其意謂 子,先生云:「某起自草萊,無前任曆子。」舊 公遂牒户部,問不支俸錢。 是俸給大段不足,後乃知到任 、殿説書多時,户 支,自後爲始,●支見錢。先生後 先生在講筵,嘗典錢使。 ,部遂定,已前 遂令户部自爲出券曆。 户 又檢例 不曾請 諸公因問 部索 未 朝 請 廷起我,便 自 前任 者 尚請見 已 俸。 涪 只 無 '; 必 陵 與 崇 曆 諸

⁰ 後」下,涂刻本有「來」字。

受事人不去,只令子弟録與受官月 索請 歸,復官半年,不曾請 券狀子,先生云:「自 俸。 來 粮 不 料 院 會 百 吏人 寫 狀 忽 子 來

益 祖 慣 害。」先生曰:「只爲而今士大夫道得箇乞字 先生云:「某家無命婦。」公二愕然, 及 後 至今無 叙 否?」「人皆以 後受命,豈有今日乃爲妻求封之理?」其夫人 太后 · 如 封。 省行,見曉示:至節令,命婦進 却,動不 ,但云: 先生在經筵時,與趙侍郎、范純 封 何?」先生曰:「此事體又别。」再三 先生曰: 太妃。 「其説甚長,待別 動又是乞也。」因 問:「今人 趙、范更問 爲本分者不一作「不以」。 「某當 時起自草萊,三辭 陳乞恩 備 時 [問: [] 辨 説 例, 因 表 陳乞封父 問先生。 賀 義 問 甫 當 太皇 何不 同 請 爲 然 然 在

是 時 范 堯夫爲 生 隨 侍 蜀 過 漕, 成都 成 都 堯夫出送, 帥 死,堯 先生已行 夫 權 府

時 此 乃 與 是 不得物事 中,只得些物事時 打散便是。」先生曰:「又更不是。 夫小人 不是。」堯夫驚愕,即 日公權府,前帥 人 福 其言非是。 如 日 堯 嗟歎 他 如此。」堯夫再三問之。 先生曰:「只 :「聞公嘗言: 夫 里,急遣 爲帥君。 不就席,只令通 也。」堯夫方喜。 事父母。]不知有此語否?」堯夫愕然, 事當時莫可罷?」堯夫云:「便是純仁 物 因 .問:「: 日 事 ,他自歸去,豈更知有 ,却歸去思量,因甚不得此物 人追 先生 「今日不出 小人須是切己,乃知思量。 先 方死,便使他 及 生 『當使三軍之士 曰:「公果有 判 之,回 便喜,不得 在 先生却云:「恐公未能 應聲曰: 伴坐。」先生曰:「此 此, ,安得聞此言?」 有 至 門 何 臣子張樂大排 便不足。 「悔 此語 所 頭 思量?」堯夫 僧 知 知 聞 當 一國 寺 初 事 元 相 若只 先 他 只 如 帥 . 當 合 之 疑 生 來 心 尤 前 使

二五九

不求者 居位 理?』夷叟云:『只爲正叔一作「姨夫」。 有 薦 其 云 與 持 章,常事 ,却不求人,乃使人到 急切公事,乃是求 : 『有一官員上書,謁見大資。』某 先 國、范 不 生 ·與,來求者與之,遂致人如此。』持 乙 夷叟泛舟于潁昌西湖,須 也。」某云:『不然。 韓 持 或 服 知己。 義 最 來求己,是甚 不 某云:『大 可 只 得 爲 太執 曾有 將 臾 資 道 謂 客 H

將

某

求

或

便服。」

錢 我 無 時 亦 供 曰 : 然官 士. 相 執 無 職 地 知 政大臣皆相知,故不當如此受。 道理不受。 先 新君即位,首蒙大恩,自二千里放 門人尹焞深難之,謂供職非是。 ,朝廷之意只是怜其貧,不使 生初受命,便在假,欲迤 則某必做不 某 須領: 某在先朝,則知某者也 他 朝 · 得。 廷 厚意,與受 既 已受他誥, 邐 尋醫 今則 飢 既既 先 月 却 餓 回 料 於 皆 當 生 不 而

> 他 供 職 朝 廷善意了,然後 是 與 不 ·受同 惟吾所 且 略 與 欲 供 職 數 日 承 順

六〇

地。 理 做 如 國 他 帛之交錯,鍾鼓之鏗鏘 爲從前人只計 事,合行申狀,豈有臺省倒申外司之理? 便至禮樂不興,自然住不得。 此。 會。」 他 底 子監自 不 官 須看聖人欲正 先生因言:「今日 得。 人不知,一 不 係 · 得, 吏人押申 臺 較 省,臺 若 利 似好做作 做 害,不 名處,見得道 他 省 轉 供職、只第一 哉 係 底 運 計 ? 朝 時, 司 只這 較 廷官。 狀,某 今日 事 夫禮樂,豈玉 些子。 名 體 第 不正時 直得 不曾簽。 外司 件 件 便做 某便 有 便 恁 只 與

子 與 故 謝 人耳。」 某曾問 族子謂程公孫 涪 州 之行,知 ,故人謂邢恕。 其 由 來 先 生答 乃 族

⁰ 若」下,涂刻本有「久」字。

厚,不 説 云: 尤臧氏?」因問:「邢七雖爲惡,然必不 云: 此 識 不可,只是義 在其間。」又問:「邢七久從先生,想都 傾先生也。」先生曰:「然。 後來 也。 此 『屢於權宰處言之。』不知身爲言官 話。 族子 敢 極狼狽。」先生曰:「謂之全無 疑。 未知傾與不傾,只合救與不救,便 至 愚,不足責。 孟 理不能 子既 知一作「繫之」。 勝利欲之心,便至 邢七亦有書到 故 人至 天, 作 安 知 無 到 情 却 某 用 如 則 知 更

以政,不達,使於四方,不能專對;雖多,亦今人不會讀書。如「誦《詩》三百,授之

《召南》,其猶 墙,方是有驗。 專對四方,始是讀《詩》。「人而 四 奚以 讀《論語》,舊時 南》、《召南 方不能 爲」,須是未讀《詩》時,授 專對 ×, IE. 既 未讀 大抵 似 墻 面 面 讀《詩》後,便 是這箇 讀書,只此 墻 而 立」,須是未 到讀了後, 人,及讀了 不爲 以 便是法。 達 政 於 《周 不 便不 讀《 政 達 後又 南 如 周 面 使

爻也。 大率上一爻皆是師保之任,足以當此一

只是這箇人,便是不曾讀也

不學。若要不學佛,須是見得他小,便自然

獨 **徵問:**「聖人有 處。 論 得 ,附會成書。 不憂?」問疑。 又有一件事,半截 文中子本是一隱君子,世 其間! 憂乎?」曰:「天下皆憂,吾 極有格言,荀、楊道 E 好,半截不好。 天下皆疑 人往 往得 ~,吾獨 如 其 不 得 魏 到 議

二六二

半截 憂? 心 不 疑 迹之判久矣。」便亂道。 ? 和云: 窮 徵 理 盡 「徵所問者迹也,吾告汝者心也, 退 性 謂 吾何疑?」此言極 董 常 日 樂 天 知 好。 命 吾 下 何

功德,非謂誇自己功德。 件矜誇底事。如《周頌》告成功,乃是陳先王誇治平,乃依本分祭天地,後世便把來做一漢之侈心乎!」此言極好。古者封禪,非謂文中子言:「封禪之費,非古也,其秦、

詩,又何足采?之備六代,如晉、宋、後魏、北齊、後周、隋之之備六代,如晉、宋、後魏、北齊、後周、隋之始於漢,自漢已來制誥,又何足記?《續詩》文中子《續經》甚謬,恐無此。如《續書》

本已失。楊子雖少過,然已自不識性,更説疵」則非也。荀子極偏駮,只一句「性惡」,大見得孟子意,亦道不到。其言「荀、楊大醇小見得孟子意」亦道不到。其言「荀、楊大醇小韓退之言「孟子醇乎醇」,此言極好,非

甚道?

知道 好。 與德爲虚位」,便亂 義,由是而之焉之謂道,足乎己無待於外之 謂德」,此言却好。 ,然却只是博 退之每有一兩處,直是搏得親切,直 韓退之言「博愛之謂仁,行而 也 説。 只云「仁與義 只如《原道》一 爲定名,道 宜之之謂 篇 似 極

却 得 這 問: 君子則不然,只一 有興乎!』諸葛亮可以當此否?」先 禮樂則未 於 此 事大不是,便是計較利害。 「如取 坐上 則 問:「文中子謂:『諸葛亮無 無以爲資。 執之? 劉 敢望 璋事 他,只説諸葛已近王 了, 如 箇 大段 然豈有 義,不可 何?」先生曰:「只 害事 人特 便休,豈 只 當時只爲不 是 派死,禮 地出 箇 佐。」 生 爲 迎 可 日 樂其 他, 利。 苟 又

與之 曰:「弱 ?!又 相 兼 者 問問 也。 兼 如如 之,非 昧者乃攻,亂 湯 謂 兼 并 弱 兼 攻 取 昧 他,只 者乃取,亡者 如 何?」先生 爲 助 他

乃

侮。」

肯 且 常言爲 便右,豈不是良用高祖乎? 事,皆是能 祖 道 事高 與 漢 成 高 良計謀不妄發,發必中。 張 祖 就 韓 良 祖 如 却 亦 王送沛公。 能 使 此 事。 是 用 高 箇儒者,進退 張 祖必從,使之左便左,使之右 後來與赤松子遊,只是箇不 良,却不知 觀良心,只是爲天下, 間 是張 良本不事高祖, 如後來立太子 極 有 良 道 能 理 用 高 人

之命,只爲有這道

理

有 歲言之,便自有一歲 般,自小至大,不可勝數。 日陰陽,一時言之,便自有 紀陰 五德之運,却有 陽; 氣 運 不 這道 陰陽; 息 理。凡事皆 如 王 一紀言之,便 日言之,便自 一時陰陽;一 者一代,又是 有 此 自 有 五

> 間 養形 事 須於這上有 火 德,多水一作「火」。 箇大陰陽 如 須言如此 此,蓋 奪 既 雖 道理。 也。 處之則吉,不如此處之 是 衰之年,聖人有道,以 天命, 唐是土 如關 災。 可以 德, 朗 蓋 八 下 百 年 人奪也 便少河患。 亦 有 此 事 理, 則 最 延 如 好,其 凶 已 只 仙 本 衰 朝 家 每 是

學他如 未嘗 先生曰:「亦安可盡? 不中,然某不 或云:「尋常 此,觀人皆不 觀人 ·與 中,此安可學? 他 如此。 出 昔横 辭 氣, 渠嘗以此 後來其弟戩 便 口 知 觀人, 人。 亦

旱,今年氣運 時,十日一風,五日一 亦 謂之《三墳》書則非 未説,就使其法不錯,亦用不得。 須 有來歷,其間只是氣 觀《素問》文字氣象,只是戰國時 當潦 也,道 然有 雨,始用得。 河 運 理 北 使不 却總是。 潦 · 得。 除是堯、舜 江南旱 且如 錯 想當 不 潦 時

此 旱不同者 且 做 各 有 方氣 ,怎生定得 不 同 义 却 有 州 縣 之中

不 昏惑 若物各付物,便役物也。 自 無 有 得,没著身處 迷暗 事。 許多道理,何事忘爲? 學佛 世人只被爲物所役,便覺苦事多。 者 海中,拘 多要忘是非,是非 滯 執 泥坑 世人只爲一齊在 裹,便事事 夫事外無心,心 安可 忘 轉 得 那 ? 動

自家不齊,不干物不齊也。不過得推一箇理一也。物未嘗不齊,只是你物如此多般,若要齊時,別去甚處下脚手? 莊子齊物。夫物本齊,安俟汝齊? 凡

問 博曾 令取文字示潞公,潞公始驚怪 桶 貮 ,欲理會,却聞得長樂宫,遂已。 隻,因見潞公,問之。 人禁中,見只是朱紅,無金爲者。」 先生在經筵,聞禁中下後苑作坊取 潞公言:「無 某當 當時 時 恐 便 某 金水 是 令 遂 彦

皇帝閣中,某須理會。

者,食菜必思始圃者,先 處,因説:「古人飲食必祭,食穀 『子畏於正』,是甚義理?」又講「君祭先飯」 説了 類,請自後只諱正名,不諱嫌名及舊名。」纔 時,宮嬪謂 心,皆是左右近習之人養成之也。 尊,居億兆之上,只嫌怕人尊奉過當,便 夫爲人臣者,居其位,食其禄,必思何所得 匡」爲 「正」。 書,見内 是 圭」處,内臣 上舊 , 0 先 生 次 臣 名。」先 舊 日 正 貼却 『容』字。 貼 在講筵,説《論語》「南 孫莘老講《論 先生云:「且著 月爲始月,蒸餅爲 却「容」字,因問之。 生講罷 , 因 説: Ξ 夫人主 一無德 語 \approx 箇 讀「子畏 地 不 炊餅,皆 必必 嘗觀 處 適 内臣 容三 名也 報 天 思始耕 來 如 下之 復白 生 臣 云 此。 得。 此 驕 講

❶ 「纔」,原誤作「讒」,據四庫本《二程遺書》改。

思所以報民。 勤 禄 之位者,蓋得之於天,與天下之人共戴也,必 勤 來 盡忠者,爲報君也。 處 乃 得 於君 古之人君視民如傷,若保 也。 必思 如 人主所以有崇高 所以 報其君, 赤 凡

子,皆是報民

也。」每講一

處,有以

開

導

人

主

不

甆

椀

中 木

如

此?

云: 仲 抄 之心處便説。 使 録 「但不道著名字,儘説不妨。」「又講君祭」以 人言:「今後且 ,後來見説著佞 始初内 人之類,皆惡之。 刻 臣宫嬪 可 傷 觸 門皆攜筆 人。」范 堯夫 吕 在 微 後

不 先 問 生 時,只與木石 曰:「纔説 或問:「横渠言聖人無 無 同 知,便不 也 堪是 知, 聖 因 人。 問 有 當人 知。

下,莆田本添

渠 無 説 先 生云: 處皆相從,纔 吕 與 有 叔 説 守 了 横 ,便不肯回 渠 學 甚 固 每 横

蘇 昞 録 横 渠 語 云: 和 叔言香聲。 横渠

> 此至清之神也。』先生云:『此 銀器中,隔外便見水珠,曾何漏 續,猶爲 云: 説 香 此 是水之清,銀之清,若云是水,因甚 與 粗 耳。 聲 猶 不如清水。 是 有 形 隨 今以 風 往 亦見不盡 隙之可 清 來 冷水 可 通 以 置 却 ? 之 斷

河 南 程氏 遺書第十九

河 南程氏遺書第二十

伊 川先生語六

周 伯 忱 本

可免。」 孔悝陷於不義,欲救之耳。蓋蒯聵不用君父 也。」曰:「子路當時可以免難否?」曰:「不 之命而入立,强盟孔悝,孔悝不合從之故 升堂,肯如是否?」曰:「子路非 問:「《左氏》言子路 助 衛 輒,觀 助輒 其 一、只爲 學已

云 黄聲隅問某如何看,❷答之曰:『有兩句 信,信其可信者耳。 以傳考經之事迹,以經别傳之真僞。」 問:「《左傳》 可信否?」曰:「不可 某年貳拾時,看《春秋 法 全

> 氏》。」「左氏即是丘明否?」曰:「《傳》中無 又問 明字,不可考。」 「《公》、《穀》如何?」曰: 「又次於《左

二六六

丘

動於中亦謂之慊,看用處如何。」 慊同否?」曰:「慊字則一也。不足謂之慊, 問:「『此之謂自慊』與『吾何慊 乎哉」之

河 南程氏遺書第二十

「本」,卷首目録及涂刻本均作「録」。 聲」,涂刻本作「贅」。

河南程氏遺書第二十一上

伊川先生語七上

師説

門人張繹録

甚乎? 何 何 尼 朝 辟之幕府,見公壻王讜。 用則亦已矣。]子未及對,會殿帥 仲尼之道,固不敢異。 且如朝廷議北郊,所議 也?」公曰:「陳恒弑其君,請討之,魯不 人,而敢比仲尼? 亦不如是。」程子對曰:「公何言哉? 廷 以 宣仁山陵,程子往赴,吕汲公爲使。 館 欲朝 職授子,子固辭。 廷 如 何 雖然,某學仲尼者,於 處 公以謂仲尼不如是, 不合禮,取笑天下。 先 讜曰:「先生不亦 生 公謂子曰: 也?」子曰 苗公至,子 一仲 時 某

言也。」
三、「於傳,仲尼是時已不爲大夫,公誤符,明、「汲公所言陳恒之事,是歟?」
事,朝廷不問而子問之,非可言之所也。」其問也?」讜曰:「北郊如何?」曰:「此朝廷

後世豈不知有一程某,亦嘗學禮,何爲

而不

專 之。」子曰:「公之所以遺某者,以某貧也。 公位宰相,能進天下之賢,隨才 何則可?」程子對曰:「且如山陵事。 亦衆矣。● 天下受其賜也。 兄子公孫 處,雖永安尉可也。」 吕汲公以百縑遺子,子辭之。 殿帥苗公問程子曰:「朝廷 在旁,謂子曰:「勿爲已甚,姑受 公帛固多,恐公不能周也。」 何獨某貧 也? 處先生,如 天下賢者 而任之,則 時子族 苟得

❶ 「賢」,涂刻本作「貧」。

二六上

古人 其 歌 養 舞以 其 心爾,可不勉哉 目,聲音以 自八歲入小學,十五入大學,有文采以 程 養其心。● 子 日 : 「古之學者易,今之學者 養其耳,威 ? 今則俱亡矣,惟義理以養 儀以 養其四 體 難

與 屬 視 焉。 帥 是,何也?」公曰:「可得聞歟?」子曰: 何?」子曰: 如 我?」子曰:「公嘗言爲將帥當使士卒視己 日 矣,何必復勞輿衛?」遂行。 官 帥 新亡,而公張樂大饗將校於府門,是教之 父母,然後可用,然乎?」公曰:「 帥 攝 公曰:「願少留 如 范公堯夫 願 主 同僚也,失同僚之義,其過小,屬 父 一見 母 之也。」子曰: 乎?」曰: 「公言是 也。 攝 帥 既見,曰: ,某將别。」子曰: 成 也。 「亦疑其不可, 都, 是 程 然公爲政 尤不可 公使人要於路 「先生何 子將告 也 「既 歸 不 以 故 「舊 若 如 别 使 公 教 别

> 於 弗 何? 主 不聞此矣。」其喜聞義 事 而 帥 頒 教 曰 : 「 其 也。」公曰: 則 義 必 重。 思 無 其 頒 日 所 也 : 「若從先 以 0 如此 廢饗 而 武 知 夫 生言 事 而 視 帥 頒之酒 酒 之義,乃 而 食爲重 不 食,

事

如

則

因

之功。 也 羿得盡其言,而 子 且 使羿立於其傍,道之以彀率之法。不從, 於此,發而多中,人皆以爲善射矣。 怒 聞 ,然聞羿之道矣,慮其害公之多中 而 程子在講 以 去矣。 一作「巧」。 書 謝 曰:「公知射 筵,執政有欲用之爲諫官者 從之,則戾其 用舍羿 故不若處羿於無事之地, 不 恤 乎? 故習 也。 而 有 某才非 也。」 失多 人執弓 日 中 羿 則 羿

曰 謝湜自蜀之京 爾 將何之?」曰:「將試 師,過洛 而 教官。」子弗 見 程 子。 子

⁰ ·以」下,涂刻本有「養其血氣義理以」七字。

遂爲説以獻貴人。」」注云:「獻蔡卞,如用説桎梏之類。」 求見者三,不許,因陳經正以請,先生曰: 也。」湜遂不行。 也。」今爾 試之,其母 湜曰 : 水爲 怒 「何如?」子曰 而 人 一本云「湜不能用」。又云:「謝湜 弗 師 許 ", 曰 : 而試之,必 : 吾女 「吾嘗買 「聞其來問《易》, 爲此 非 可 婢 媪 試 笑 者 欲

深

恥。

信 瓦 則 母。」子曰:「有人呼於 古 也。」子曰:「豈爲士而惑此也邪?」曰:「 將 利 ?」「然則子所信者,亦狂 沐。」子曰:「豈 書 無 父母也,否則不 墁 疑 謝愔見程子,子留 矣。 乎?」曰 在 己 : 無 庸 此 利於父母。」子亦將 何 他 市者曰:『毀瓦 狂 語, 恤 ? 日?」曰:「今日 人之言也, 言爾。 因 第云不 請 曰:「今日 利 何 畫 毁 墁 父 愔 吉 可

校其筋骨 盛 ,四十、五 先生謂 於盛 繹 + 曰:「吾受氣甚薄,三十 而 年 後完。 無 損 也。」又曰:「人待老 今生七十二年矣, 而 浸

> 矣。」繹 生邪?」夫子默 而 求 保 生, 曰:「先生 是 猶 然 貧 豈 曰:「吾以忘 而 以 厚 受氣之薄 蓄 積, 雖 生 勤 而 徇 後 亦 欲 無 爲 爲 保 補

矣。 致 未之有也。 人之無行也 本,莫大於使民 「爾之言,知計 半牛之價,復稱貸 曰 :「不得不然也。 也。」 且安得芻粟養無用之牛乎?」 程子與客 水旱螟 語爲政。 牛壯食其力,老則屠之。」客 人興行, 利 而 以 牛老不可用,屠之猶 不 民俗善 買壯者,不 蟲 知義者 程子 之災,皆不善之 Ĭ 而衣食不 也。 爾 「甚矣,小 爲 子 則 ·足者 政之 日 廢 耕 得

之事 之事 者 何 `,某所不 亦衆 事?」是 邵堯夫謂 矣, 子 時 知 程 者 適 能 子 雷 古 盡 i i 多 起 知 子 邪?」子 堯夫 然堯 雖聰 日 夫 · 曰 · 「 明, 所 子子 謂 然 天 知 不 天 下 下 雷 知

安用 堯夫 起 堯 起 處。」 夫 處 日 愕 數 乎 堯夫瞿然稱善。 :「子以爲起於何處?」子曰:「起 推 然 也 曰 : 子 ? 何 曰 以其 : 謂 某知之, 不 也?」子 知 故 堯夫 待推 日 :「既知之, 不 而 知 後 知。 也 於

則 女本 日 也 天 曰 冠 曰 所議惟小事爾。」子曰:「小 乎?」子厚曰:「大事皆爲 程 不 降 龍 如 子。 「如定謚及龍女衣冠。」子 張子 當有五十三廟,五十三龍 娘 龍何功之有? 祐 封善濟夫人。」子曰:「某 何?」子厚曰:「當依夫人品 ,則不當被人衣冠。 子 子, ,宗廟之靈,朝廷之德,而吏士之勞 ,厚罷 曰 : 龍邪? 「比太常 太常禮 又聞 院歸 Ŧi. 禮 十三龍 龍 矧大河之塞,本 院 禮房檢正所奪, 舅 事 有 所 則 中, 日 謂 五十三廟,皆 則不 議 不能。❶ 邪 : 何?」子厚 過 秩,蓋 前龍 ? 應盡 可 洛 得 女 而 衣 爲 龍 上 既 龍 聞 見

> 娘子也。」子厚默 然

也。」子曰:「福斯民者,不在公乎?」 中 聚 韓 持 浮 或 圖 帥 許 何 ,程子往見,謂公 也?」公曰:「爲 日 -民 祈 適 福

市

蓋掾 人也。」公曰:「奈何人見之則喜!」 惡也。 盆植 韓公持國使掾爲亭,成而蓮已生其前, 使之爲亭,而更爲此 而置之。公甚喜。 程子 以説 公, 曰:「斯 非

可

可使 遊。 公缺一字。 何事 問:「客何爲者?」曰:「上書。」子曰:「言 是 必有故, 人人求 ? 曰: 典謁 韓公持國與范公彝叟、程子爲泛舟之 無薦。 白 也?」公曰:「子不亦甚乎?」范 有 「求 亟見之。」頃之,遽 士人堅 薦爾。」子曰:「如 夫爲] 國薦賢 欲見公。 ,自當 還。 程子 斯 求 人 曰

公亦 好人求己,故 ?」韓公遂以爲 以子 ·不爲 人求之。 通。 子 曰:「大底今之大臣 如 不 好,人豈欲求怒

力不 帥 無 曰:「公有不豫色,何也?」公曰:「在維 知履安地,不知其危。」坐頃之,公不言。 子 子來見我乎? 足道 南 程子往見之。 固耳。」 陽,兄姊 韓持國罷門下侍郎,出帥 所 慮者貽兄姊之憂耳。」子曰:「領 何所憂?」公悟曰:「正爲定 子亦危矣。」程子曰:「只 子時 在 講 筵,公驚 南陽,已出 日 固 國

子曰 監 也。 則可,《 二公皆深於《易》者也。」公曰 司 一:「以 者 公曰 謝公師 易》則未也。」程子 不怒,爲 :「昔與伯 監 直 司 與 論 主 程子論《易》,程子未之許 學,而 簿 淳, 者 亦 敢 主 謂 Ē 言 簿 景 : 「何謂 敢 以 非 温 以 深 於《春秋》 爲 某 於《易》 觀之, 非,爲 也?

其

而 何?

理見乎 之所 之義 傳,自量精力未衰,尚冀有少進爾。 是也。」又曰 象之隱微,盡數之毫 『《易》之義本起於數。』謂義起於數則非 必直待身後,覺老耄則傳矣。 未嘗不傳也,第患無受之者爾。 義 理 知數,得 本起 尚 而後有象,有象 張 則象數在其中 辭矣 **閎中以書問《易傳** ,非儒者之所 於數」。 其義 [: 「理. 則 可 則象數 無 一矣。」」 由 程子答 辭 形 務 忽 而後 以 乃 也,故因 也,管輅、郭璞之學 在 》不傳,及 觀象。 有 其中矣。 曰 : 尋流逐末,術 數。 書雖· 「《易傳》未 象以 故曰 《易》 來書云: 未出 曰 必 然亦不 明理。 一:『得 欲 因 易》 也。 家 象 窮

以

有

都 降香峨眉,實察之也。 ,公時攝帥。 子言范公堯夫之寬大也:「昔余過 有言公於朝 公一日訪 者 朝 予款語, 廷 遣 中 使 成

者耳。 不爾 問 奏中使之過也。 謗,請聞於朝。』公既不折言者之爲非,又不 日 則拘 屬官喜謂 聞 東。』已 中 使 其有量如此。」 在 公曰:"此一事足以 圃 此,公 中使果怒,以 何 暇 也 |?||公 鞭傷 傳言 塞其 日

曰

人以 我師焉』。若止二大户,❶則一人以爲是,一 從天降地出 亦可,三之名不從天降地出也。」子曰:「乃 役,至三大户亦 『三人占,則從二人之言』,『三人行,則必得 三大户,不聞 也。」 爲非,何 雖然,近年諸縣有使之分治者,亦失此 程子過 也。 成都,時 兩 從 減 也。」宗道曰:「三亦可, 古者朝有三公,國有三老, 而决? 一人焉。 轉運判官韓宗道 三則從二人之言 子曰:「只聞 議 兩 有 減

也。」 先生曰:「君子之於人也,當於有 繹 日 鄒 浩以 極 諫 得 罪,世 疑 其 過 賣 首 中

> 求 無過 ,不當於 無過 中 求 有 過

也? 少,不知道者衆,自 乎?」 騭 父時已誅之矣,豈能俟其 逃父入山,終能 程子曰:「釋氏之道誠弘大,吾聞傳 趙公聞之,笑曰:「程子未知佛 則人類之存,不賴於聖賢,而 子哉? 病不能耳,非利其 侯子以告。 中、杜門謝客、使侯騭語子以釋氏之學。 1:「禍: 程子之盩厔,時樞密趙公瞻持喪居邑 若天下盡爲君 莫大於無類。 以告趙公。 程子曰:「豈不欲人人盡 成佛。 子,則 相 公曰:「天下 若儒者之道,則當 生養,何患 釋氏 成佛也?」 爲使也。若然 君子將誰使?」 賴 使 道弘 於下 人 無 · 知道 乎 者以 大耳。」 ·愚也。」 類, 爲君 無 逃 佛 類 者 可

韓 公持國 與程子語,歎 曰:「今日 又暮

河南程氏遺書第二十一上

二七三

河南程氏遺書第二十一下

伊川先生語七下

附師説後

孟子時則異矣。天下之大國七,非周所命者 也。 以爲王,則獨夫而已矣。二周之君,雖無大 義主也。 四,先王之政絶而澤竭矣。夫王者,天下之 齊、晉之霸,非挾尊王之義,則不能自立。 禽獸。《魚藻》之什,❶其《序》如此 衰於諸侯以及其九族,其甚也,至於視民 周之典禮 孔子之時,諸侯甚强大,然皆周所封 幽 王 民以爲王,則謂之天王天子,民 失道,始則萬 雖甚廢壞,然未泯 物不得其性,而 絶 也。 後 不 至 建 如 恩 故

> 救世,時行而已矣。 以王者,與孔子之所以告諸侯不同。君子之惡見絶於天下,然獨夫也。故孟子勉齊、梁

二七四

不動之異。
不動之異。
不動之異。
不動之異。此義也,此不義也。義吾所當捨,此以義制心者也。義語,不義吾所當捨,此以義制心者也。義吾所當別不動者。此義也,此不義也。義吾所不動者,有以義

凡有血氣之類,皆具五常,但不知充而

已矣。

以其用而言之則謂之命,命者,造化之謂也。則盡性,盡性則知天命矣。天命,猶天道也,理也,性也,命也,三者未嘗有異。窮理焉,則所以敵物者,不賴勇而裕如矣。

^{● 「}魚」,原作「無」,今據涂刻本改。

而行之,所謂道也。聖人本天,釋氏本心。《書》言天叙、天秩。天有是理,聖人循

非一以貫之之忠恕也。事也。忠爲體,恕爲用。「忠恕違道不遠」,忠者,無妄之謂也。忠,天道也。恕,人

真近誠,誠者無妄之謂。

夷」是也。

害而已,養氣則志有所帥也。 或曰養心,或曰養氣,何也? 曰:養心則勿者,養之至則清明純全,●而昏塞之患去矣。不知善者,氣昏而塞之耳。孟子所以養氣不知善者,氣昏而塞之耳。孟子所以養氣

「命之不猶」,則教化至矣。限得踰之時也。乃能謹於「抱衾與裯」,而知賤妾得進御於君,是其僭恣可行,而分

生,但戕賊之以 隱之心,人之生道 心生道也,有是心,斯具是形以生。 滅天耳。 也 一,雖 一桀、跖 始 則 不知愛物, 不 能 無 是 以 惻

而至於忍,安之以至於殺,充之以至於好殺

豈人理也哉?

者而後刼者、《春秋》書「鄭公子歸生殺其君者,而殺者次之。將以垂訓於後世,則先殺弗能爲也。今有刼人以殺人者,則先治刼弗能爲也。今有刼人以殺人者,則雖有强力,

復何嫌而不得悉兄弟之懽也!亮之處瑾爲得矣。使吴之知瑾如備之遇亮,善諸葛瑾使蜀,其弟亮與瑾非公會不覿,

已納幣則爲婦,違禮而昏則不可謂之夫人。曰「逆女」,此獨云「婦」,而又不曰「夫人」,蓋婦」,曰「夫人至」,恐後世不以爲非也。他皆也。唯哀姜以禫中納幣,則重疊譏之,曰「逆也。奪我》喪、昏無譏,蓋日月自見,不必譏

● 「則」,原作「斯」,據涂刻本改。

貞 而 不諒」,猶大信 不 約 也

哉 ? 也」。 僞,而老、莊之徒遂欲棄知,是豈性之罪 智出 善乎孟子之言:「所惡於知者,爲其鑿 於人之性。 人之爲智,或入於巧 也

其學術 故其 非 乎聖人,則推而行之,必有害矣。 異端之害滋深,故其論伯夷也以學。 道未盡 拔本塞源不能也 (論伯夷也以德。孟子之時,道亦不明, 孔子之時,道雖不明,而異端之害未甚, 而言之也。 夫闢邪説以明先王之道, 故孟子推

故 情,常欲汙白以 自樊而觀之,則樊爲近 必營營往來,或自近以至於遠,或自小而 而觀之,則二人爲 爲黑也,而其言不可以直達, 小而四國爲大。 而 棘、榛爲遠; 自二 讒人之

> 至於大,然後其 説 得 行 矣。

「赫赫於上」者也。 文王之德,正與天合,「明明於下」者,乃

用。 己欲達而達人」,所以「爲仁之方」也 人而已,未至於無我也。 忠矣,而行之以 所謂「强恕 孟子曰:「强恕而行,求仁莫近焉。」有 而 恕, 行」者,知以己之所好惡處 則以 故「己欲立而 無我爲 體, 以 立人, 恕 爲

受之。先生曰:「受其納券者,固 納者亦未爲得也。 富文忠公辭疾歸第,以其俸券還府,府 留之而無請 可 矣。」 無足議

名分正則天下定。

青蠅》詩言樊、棘、榛,言二人、四國。

「惟精惟一」,所以行道也。 微,道之體也。 良心者言之,則謂之道心,放其良心則危矣。 「人心惟危,道心惟微。」心,道之所 心與道,渾然 也。 對 放其 在

河南程氏遺書第二十一下

二七八

河南程氏遺書第二十二上

伊川先生語八上

伊川雜録❶

宜興唐棣彦思編

一篇書存,其他莫如《論》、《孟》。」「入德之門,無如《大學》。今之學者,賴有此棣初見先生,問:「初學如何?」曰:

體。今之人只有理義以養心,又不知求。」以養其目,舞蹈以養其血脉,威儀以養其四先生曰:「古人有聲音以養其耳,采色

明 至也,言窮至物 飛也。 又問:「如何 明者格物速,暗者格物遲。」 「但立誠意去格物,其遲 理 是格格 也。」又問 物?」先生 如 速却 何 曰:「格, 可 以 在 格

> 曰 : 貢。」❷伯温問:「子貢,後人多以貨殖短之。」 未去耳。」周恭先字伯温 「子貢之貨殖,非若後世之豐財,但此心 先 潘子文問:「『由之瑟奚爲於丘 生 曰 : 孔 子 弟子, 顔子 圃 下 之門」, 有

處。」潘旻字子文。 人時,乃暴悍之人,雖學至於升堂,終有不和處,何故學能至於升堂?」曰:「子路未見聖處。」伯温問:「子路既於聖人之門有不和如何?」曰:「此爲子路於聖人之門有不和如何?」曰:「此爲子路於聖人之門有不和

書,如何?』茂叔曰:『公老矣,無及也。待書也。嘗見李初平問周茂叔云:『某欲讀勝讀十年書。』若一日有所得,何止勝讀十年先生曰:「古人有言曰:『共君一夜話,

0

[「]有」,原無,據涂刻本補。「雜」,原作「語」,據涂刻本及後卷改。

某只説與公。」初平遂聽説話,二年乃覺悟。」

昔有數 君 曾受他拜。」王拱辰君貺初見周茂叔,爲與茂 問 拜二人,其一吕申公,其一張景 非 申字用休,温 叔 不知,受却公拜,今某却當納拜。」茂叔走避 卦,一作「説風天小畜卦」。 當受拜?」曰:「分已定,不受乃是。」謝天 貺 世 其 己 故 此 契,便受拜。 所尊敬,有德義服 先 生語 ,其一曰:「某曾拜他。」其 人同 一事亦過人。」謝 州 人。 坐,説 子良日 一人短,其間有二人不説。 及 : 「納拜之禮,不可容易。 坐 君貺乃起曰: 『某適 人者不可。 上,大風起,説大畜 用 休問:「當受拜 觀奉議 一曰:『某 余平生只 也 來

僧 所得,遂招來相見,語甚可愛。 出 先生曰:「曾見韓持國説,有一 暫憇 H 其 室,見一老行,遂 乃 僧之父,今 則 問 一日謁之,其 師 孫 其 僧甚 徒日 也。」 因 有

之。父子之分,尚已顛倒矣。」参時,必曰此人老也,休來。』以此遂更不見問:『僧如何待之?』曰:『待之甚厚。 凡晚

爲昭 薄。 故 用元妃、配享用宗子之所出。」又問 義起之可也。」 富公問配享,先生 三獻,何如?」曰:「公是上公之家,三獻 可爲昭穆,士大夫則不可。」 穆否?」曰:「國家弟繼兄,則是繼位 古之樂九變,乃是九獻。」曰:「兄弟 先生曰:「祭祀之禮 一, 難盡 如 古制 日 合 但 用

端?」曰:「非言無,只言有此數端 懼、好樂,則心不得其正。 正心矣。]又問:「聖人之言可 苟不可踐,何足以垂教萬世?」 棣問:「《禮記》言: 有忿懥、憂 如 踐 何 否? 得 則 無 不 患、 此 日 能 數 恐

但將 伯 温 問: 聖 人言 學 語 者 玩 如 味 何 可 以 則 有 自 所 有 所 得

日

當 將聖人答處便作今日耳聞,自然有 孟復生,不過以 孟》中深求玩味,將 深 求於《論 語 》,將 此教人耳。 來 諸 涵 弟 養成甚生氣質 子問 若能於《論》、 處 便 得 作 己 孔、 問

伯温又問:「心術最難,如何執持?」

曰:「敬。」

傳之真僞。』」看?● 某答曰:『以傳考經之事迹,以經別「某年二十時,看《春秋》,黄贅隅問某如何「뵱田二十時,看《春秋》如何看?」先生曰:

先生曰:「《史記》載宰予被殺,孔子羞

乃是闞止爲陳常所殺,亦字子我,謬誤如此。」死,是乃忠義,孔子何羞之有?及觀《左氏》,之。嘗疑田氏不敗,無緣被殺。若爲齊君而

八〇

後世否?」曰:「無孔子,有甚憑據處?」然。」伯温又問:「堯、舜,非孔子,其道能傳堯、舜之道而垂教萬世。門人推尊,不得不曰:「此是説功。堯、舜治天下,孔子又推曰:「此是説功。堯、舜治天下,孔子又推

如己者」,如何?」曰:「無友不忠信之人。」子夏是小子之交。」又問:「『主忠信,毋友不「子夏、子張皆論交,子張所言是成人之交,交,可見否?」曰:「氣象間亦可見。」又曰:交,可見否:「師也過,商也不及」,如論

説於天下邪? 將學孔子邪?」曰:「安能並棣問:「使孔、孟同時,將與孔子並駕其

❶ 「黄贅隅」,卷二十一上作「黄聲隅」。

優劣, 駕? 其立言如何。1凡學者讀其言便可以知其人, 老嘗問顏、孟優劣,答之曰:『不必問,但看 觀其 雖 顔 (立言,孟子終未及顔子。 子亦未 達 間 耳。 顔、孟 昔 雖 孫 無 幸 大

若不知其人,是不知言也。」

要知本,聽訟則必使無訟是本也。」也,必也使無訟乎? 無情者不得盡其辭,大也,必也使無訟乎? 無情者不得盡其辭,大

教民 鋤 師,設官以 言『左右民』,皆是也。 如何?」「古之盛時,未嘗不教民,故立之君 須聖人裁成輔相之。如歲有四時,聖人春則 之宜」,如何?」曰:「天地之道,不能自成, 耘 播 灌溉,是輔 李嘉仲問:「「裁成天地之道,輔相天地 種 , 秋則教民 治之。 相也。」又問:「『以左右民』 周 公師 收穫,是裁成 後 保 世 未嘗教民,任其 萬民 ,與《泰》卦 也; 教民

自生自育,只治其鬭而已。」李處遯字嘉仲。

見賢即變易顔色,愈加恭敬。」 張思叔問:「『賢賢易色』如何?」

曰:

『春王正月』,將如何書? 此漢儒之惑也。」於天子,如何?」曰:「此乃自然之理。不書棣又問:「漢儒以謂王加正月上,是正朔出謂周王,如何?」曰:「聖人假周王以見意。」以王道作經,故書王。」范文甫問:「杜預以以王道作經,故書王如何?」曰:「聖人

何其狹也! 然只做得這箇事。」與莊上,常合藥與人。有時自笑,以此濟人,與莊上,常合藥與人。有時自笑,以此濟人,先生將傷寒藥與兵士,因曰:「在墳所

他。 甚歎 服。一日 思叔告先生曰:「前日見教授夏侯旄, 既 問,却 一,前 不管他好惡,須與 時 來相 見,問 盡説與之。 後 極 説 與

● 「他」下,涂刻本有「來」字。

瓘 言『事 之事 君足矣,當時所爲,蓋不誠 矣』。唐子方作一事,後無聞焉,亦自以爲報 際,想亦洋洋自得,以爲孝有餘也。臣子身 乃大段不知事君。大凡人臣身上,豈有過分 能爲之功,故得用人臣所不得用之禮樂。」此 得他覺悟。 學之久,染習深 介甫平居事親最孝,觀其言如此,其事親之 觀其説魯用天子禮樂云:『周公有人臣所不 上。自古主聖臣賢,乃常理,何至如此? 又 意思,只是要『樂子之無知』。 上皆無過分事,惟是孟子知之,如説曾子,只 有爝火之不熄?』●皆是意思常要己在人主 ·秋水既至,因知海若之無窮,大明既升,豈 亦可謂難得矣。」先生曰:「陳瓘却未見其 ? 親若曾子可矣」,不言有餘,只言『可 凡有所爲,皆是臣職所當爲之事也。 亦曾説介甫不知事 不是 盡 説 意。」嘉仲曰:「陳 力 詆 君道理,觀 如上表言: 介 甫 無 他 緣

已。」夏侯旄字節夫。

極有失作經意處。」以謂必能盡得聖人作經之意,及再三考究,不知如何?」曰:「是孔門弟子所續。當時不知如何?」曰:「是孔門弟子所續。當時

成人矣。」曰:「須是合四人之能,又文之以莊子之勇,冉求之藝,文之以禮樂,亦可以爲又問:「如臧武仲之知,公綽之不欲,卞

^{)「}有」,涂刻本作「宜」。

^{) 「}語」,涂刻本作「話」。

止此,如今之成人,則又其次也。」禮樂,亦可以爲成人矣。然而論大成,則不

在地 苗民」,亦只是舜,孔安國誤以爲堯。」● 不成,故舜然後遠放之。 凶北面而臣之,四凶不能堪,遂逆命,鯀功又 堯亦不能知也。 職事皆修,堯如何誅之? 以治,是何義理? 四凶在堯時,亦皆高才, 四罪而天下服之類,皆堯所以在天下,舜所 及乎升黜之政,至《舜典》,然後禪舜以位, 典》,於舜、丹朱、共工、驩兜之事皆論之,未 字。道未始有天人之别,但在天則爲天道, 人道以事天」,如何?」曰:「介甫自不識道 則爲 又問:「介甫言『堯行天道以治人,舜行 地道,在人則爲人道。 及堯一旦舉舜於側微,使四 如《吕刑》言『遏絶 然堯已知其惡,非 如言《堯

不立則可,何必逃父邪? 叔齊承父命,尤不又問:「伯夷、叔齊逃,是否?」曰:「讓

道也。至否之時,天地不交,萬物不生,無人地交泰而萬物生,凡生於天地之間者,皆人嘉仲問「否之匪人」。曰:「泰之時,天

道,❷故曰『否之匪人」。」

縮只是直。」又問曰:「北宫黝似子夏,孟施

亨仲問:「『自反而縮』,如

何?」

曰 :

0

^{● 「}堯」下,涂刻本有小注「章内皆堯所以在天下句疑有

[「]道」下,涂刻本有「矣」字。

一八四

必爲而已,未若舍之能無懼 舍似曾子, 子夏之學雖博,然不若曾子之守禮爲 如 何?」曰:「北宫黝之養勇也 也,無懼則 能守

約

,故以黝爲似子夏,舍似曾子也。」

約

也。

宜,是非之公也。」 則《韶》舞』是也。 語之曰『行夏之時,乘殷之輅,服周之冕,樂 而聖人慮後世聖人不作,大道遂 王不易之法。 三王以後,相因既備,周道 言初獻,則見前此八羽也。《春秋》之書,百 聖人之意又在下句,見其『初獻六羽』也。 書。 棣問:「『考仲子之宫』,非與?」曰: 此義門人皆不得聞,惟顔子得聞,嘗 此書乃文質之中,寬猛之 墜,故作此 衰

問"「如何是『近思』?」曰"「以類而推。」 思 善之首也。 ,仁在其中」,如何?」曰:「仁即 范季平問:「『博學而篤志,切問 苟能學道,則仁在其中矣。」亨仲 道 也,百 而 近

> 般,用處不同。孔子以爲『吾與汝弗如 能勉進,則謬矣。」 己也,●不喻其言,則以爲聖人尚不可及,不 勉進學者之言。 『吾與點也』之「與」,如何?」曰:「與字則 亨仲問: 「吾與汝弗如 使子貢喻聖人之言,則勉進 也」之「與」,比 也」,

子須 傍。 先儒 爲君 可越 文王迎於渭,亦不是出 曰:「逆夫人是國 也。 親 先 國親迎耶? 説親逆,甚可笑。 棣 迎。 儒 問:「紀裂 以 况文王親迎之時,乃爲公子,未 此,遂泥 所謂 之重 須 於親迎之説,直至謂天 爲 疆 且如秦君娶於楚,豈 親 事,使卿 君 遠迎,周國自 迎者,迎於館 逆 女, 逆 亦 如 何? 無 在 耳 妨 渭

0

則」下,涂刻本有「知」字。 須」,涂刻本作「繻」。

鍾 E :「王之意 加 貴 使 或 問:「齊王謂時子欲養弟子 人 非 有 所 尊 矜式,孟子何故拒之?」 孟子,乃欲賂之爾,故 ,以萬

拒之。」

見。 之,少者懷之。」觀此數句,便見聖賢氣象大 伐善,無施勞。]孔子曰:『老者安之,朋友信 裘,與朋友共,敝之而無憾。』 顔子曰:『願 段不同。 曰:「盍各言爾志。」而由曰:「願車馬,衣輕 只是要理會語言,要識得聖賢氣象。 可爲人師,則窄狹却 處,學者極要理會得。若只指認温故知新 師』?」曰:「不然。 學者須要理會得聖賢氣象。」 用休問:「温 若讀 此不得見聖賢氣象,他處 故而知新」,如何『可以 只此一事 氣象 也。 可師。 凡看文字,非 如孔子 如 也難 此 等 爲 無 便

曰:「非是言武王之樂未盡善,言當時傳舜嘉仲問:「《韶》盡美,又盡善也。」先生

先生曰:「『子在齊聞《韶》,三月不知肉之樂則盡善盡美,傳武王之樂則未盡善耳。」

贊治。」文雖多而不知其意,文勝正如此也。」之史。 史,管文籍之官,故曰:『史掌官書以一『文勝質則史』,史乃《周官》府史胥徒味』,非是:『三月』,本是『音』字。」

又曰:「學者須要知言。」

博施濟衆,則無盡 仁之功也。 子稱管仲『如其仁』,何也?」曰: 此觀之,能博 之外皆被其澤,遠近有間,勢或不能及。 施濟衆,何故仁不足以盡之?」曰:「既 何?」曰:「不違處,只是無纖毫私 「欲」,下同。 春秋》書「公伐齊納糾」,稱 周伯 温 有少私意,便是不仁。」又問:「博 管仲其 問:「回也三月不 施 濟衆,則是聖也。」又問:「孔 也。 初事子 堯之治,非不欲 糾 糾 所事 而 「但稱 違 不 稱子糾, 意。 非 謂 四 如 海 作

害義 其 死之,理也。 不 死不死之是非,而 大功,聖人豈復稱之耶? 之功也。 無死矣。 召忽之死,正也。 量。」 敗 當 箇 公字。 理也。」又問: 立 也,可以 者也。 故仲尼稱之曰『如其仁』,謂其有仁 使管仲所事子糾正而不死,後 學者問仁,則常教 死,亦可以 知始事之爲非而 不 · 當 管仲之不死,權其宜 止稱其後來之是非, 「如何是仁?」曰: 立 而事之,失於初 無 若以聖人不觀 死。 改之,義 與人同事 他將公字 也 「只是 則 雖 可 也。 甚 其 以 及 而

國 稱,然輕欲變平,是甚國君之道?」 之世,何以不相侵伐?」曰:「不相侵伐固足君 又問: 而 輕變其平,反復 剪鄭 人 來渝平。」●曰:「更成 可罪。」又問:「 終隱 也。

思

大不是。」《左氏》之言甚非。 又問:「宋穆公立 與 夷,是否?」 穆公却是知 曰 :

> 行私惠之過也。」一作「罪」。 享之爲知人,則非 人,但不立公子憑,是其知人處。 也。 後來卒至宋亂,宣公 若以其子

二八六

人只看得此二書切己,終身儘多也。」 味,將聖人之言語切己,不可只作 先生曰:「凡 看《語》、《孟 ₩, 且. 場話 須 熟 玩

問也。」 敷?」曰:「然也。 也。」又問:「豈 子便理會 何?」曰:「孔子退 棣問:「『退 得,遂 非 曰『唯』,其他門人便須 而 孔子曰: 『一以貫之。』曾 省其 顔 省 子見聖人之道 其 心中,❷亦足 私,亦足以 發」, 以以 無 開 疑 發 如

如在』,言祭祖宗。『祭神如神在』,則言祭神 又問「祭如在,祭神如神在」。 曰 :

[「]心中」,涂刻本互乙。 渝」,原作「輸」,據涂刻本及《左傳》改

又問

:「克己復禮

如如

何是仁

|-|? |日 也。祭先、主於孝。祭神、主於恭敬。」

侯之制 影。」又問:「用主如何?」曰:「白屋之家 問:「今人不祭高 乎?● 聖人因而 獺有祭,鷹有祭,皆是天性,豈有人而不 否?」曰:「非 可用,只用牌子可矣。 如富家及士,置一影堂亦可,但祭時不可用 於寢,今之正廳是也。 有服,不祭甚 何?」曰:「此 今士庶家不 天子七廟,諸侯 毫差方可,若多 又問:「祭起 也。 大凡影不可用祭,若用影祭,須 可 非。 也。 亦只是禮家如此説。]又問: 立廟,當如何也?」「庶人祭 祖,如 裁成禮法以 Ŧi. 某家却祭高祖。」又問 祭先本天性,如豺有祭, 於聖人之制作以 一莖鬚,便是别 廟,大夫三,士二,如 凡禮,以義起之可也。 如某家主式,是殺 何?」曰:「高 教 人耳。」又 人。」 教 ·如鳥 祖 諸 不 人 自

凡人須是克盡己私後,只有禮,始是仁處。」「非禮處便是私意。既是私意,如何得仁?

謝用休問「人太廟,每事

問」。

티 :

雖

何?」曰:「古之祭名皆有義,如旅亦不可得知亦問,敬謹之至。」又問:「旅祭之名如

而

知。」

禮。」 也。 辛,中辛又不吉,則當便用下辛,不可更卜 苟卜不吉,事可已邪? 若此等處難信 納吉、納幣,皆須卜。 「又嘗疑 否?」曰:「信其 「《春秋》却有卜郊,但卜上辛不吉,則當 又問:「三年一郊,與古制如何?」曰: 如魯郊三卜,四卜,五卜,至於不郊,非 棣問:「如《儀禮》中禮 卜郊亦 可信。 非,不 贵 有問 知 如言 果 名了 昏禮 制 如 何? 可考而信 ൬ 云,問名、 又ト? 也。 卜中 曰 :

「鳥」,涂刻本作「物」。

二八七

年 日 則圓 祈穀,夏則恐旱暵而大雩,以至秋則明堂, 古者 不見父母,國 丘 親郊之禮?」 ,皆人君爲民之心也。凡人子不可一 年之間 君 ,祭天甚多,春 不 可一歲不祭天,豈有三 則因 民 播 種 冬 而

生 ? 此。 則 使,某與坐説話次,呂相責云: 『先生不 不知 安可亦用 不同。 秸,器用陶 元 大裘,皆以 是?』答曰:『相公見聖人不 祐 了聖人。 聖人當時不曾如此,今先生教朝 别 時 用 聖人固 朝 用 天是資始,故 休 服。 問 大裘? 廷議 匏,服用大裘,是也。 爲難行。不知郊天郊地 北 只如今朝廷,一北郊禮不能 不可跂及,然學聖人者,不 郊之禮。 行,只爲五 向日宣仁 當時諸公知大裘不可 凡 用物皆尚 曰:「北 <u>.</u> Ш 一月間 陵,吕汲公作 天子不 郊不可 地 純 如 則資 藉 禮 此 廷 處 可服 怎 用 制 可 可 服 生 廢 行 輕 怎 生 如 ナ 藁 自

> 報本之祭,須各以類祭,豈得同時邪?」」 可 詩,謂郊祀同。 公説邪?』是時蘇子瞻便據『昊天有成命』之 何?』答曰:『朝廷不曾來問,今日 吕公及其壻王某等便問:"北郊之禮 得 邪? 處何害? 又無 郊天地又與共祭父母不同也。 一人道 曰:『此詩冬至夏至皆歌,豈不 文潞公便謂譬如祭父母,作 西 京 有 程 某,復 問 豊當 句 當 此 對 也。 如

附 也。 之説,正與今人説六子是乾、坤 日 昊天上帝,而後又言祀五帝亦如 有上 之白帝,北則謂之黑帝,中 玄之徒從而廣之,甚可笑也。 此 《周 帝而别有五帝之理? 東則謂之青帝,南則謂之赤帝, 説。 又問六天之説。 禮 又 学中 問:《 説 祭祀 周禮》之説 曰:「此 1,更不 此因《周禮》言祀 則謂之黄帝 可 帝者 起 考證。 退 於讖 果 之,故諸 居不 如 西 氣之主 書, 何? 用之 則 儒 謂 鄭

人之四肢,只是一體爾。學者大惑也。」時同也。不知乾、坤外,甚底是六子? 譬如

曰: 是 此理,纔有水旱,便去廟 也。」又問:「名山 必有鬼神矣。」曰:「《易》説鬼神,便是造化 情狀否?」曰:「有之。」又問:「既有情狀, Ш 有神否?」曰:「只氣 甚物 能 「氣之蒸成耳。」又問:「既有祭,則莫須 又問: 興 、雲致 ,從何處 「《易》言『知鬼神之情狀」,果有 雨 却 出 一大川能興雲致雨,何也?」 ,復於廟中 都 不 便是神也。 説 中祈禱。 著, 求耶 却 於 ? 今人 Ш 不 知][名 外 不 雨 Ш 知 大 露 木

> 聖見。 皆人心興之也。 至 也。此時不做事,待何時邪?』惜乎定 解 伽 兵士昇僧伽 道 皆若此也。 此,一人曰如彼,只此可驗其妄。 爲 又問:「莫是人自興 土 此。 篤 天下之惑。 靈驗耳,豈知適然? 人身上討 在 火 者 及問人曰:「如 中? 曾 避火。 昔有朱定,亦嘗來問 在 雨 若爲火所焚,即是 若火遂滅,因使天下人尊敬可 露,木 泗 世人只因祈禱 州守官,值城中火,定遂 某後語定 妖?」曰 土人身上 何形狀?」一人 某常至 曰:『何不昇僧 無 洳 有 而 學,但 只妖 有 雨 靈驗,遂 州,恰值 興妖之人 露 雨 ,遂指 亦 耶 識 日 非 ? 無 使 如 口

有本,故無不及也。」「日月之明有本,故凡容光必照,君子之道」,一問「日月有明,容光必照」。曰:

用休問「老者安之,少者懷之,朋友信

九

之。 後觀聖人之言,分明聖人是天 E : 此 問:「 數 句 莊子 最 好。 齊 先 觀 子 論 路、顔淵 地 如 氣 何? 象。」 之

^

>

中 齊,如何齊得 日 何 :「莊子之意欲 待莊子而後齊? 所得何,遂著此 孟敦 夫 ? 此意是莊子見道淺,不奈胸 齊物理耶? 論 也。」 若齊物形,物形從來不 物 物理 從 、來齊,

説 來 否?」曰 上 耳 鬼 相 神甚 目口 承不 伯温 :「否,祭此 可笑。 鼻皆有神。」 問: 用, 「祭用 今待用 道家狂 全 祝 無 也。 文否?」曰:「某家 妄尤甚,以至説 義 理。 又 問: 釋氏 _ 有 與道 Ŧī. 人 自 身 家 祀

問: 此。 體 以 此 配 二配 又問 周 三者養氣 義言其用。」又問: 伯 義 「養 温 與道 問 否?」曰: 亡, 如 氣 「「至大」、「至剛」、『以 以 義 何 ·? 曰 否? 「不然,是氣之體 『我知言, 曰:「然。」 可配 道 我 直 善 言 其 又 如

> 凡言血 吾 居之。凡人血氣,須要理義勝之。」 北 方人柔弱,所謂强者,是理義之强,君子居之。 又問:「孔子言血 事接,亦清。 言、養氣答之。」又問:「『夜氣』如 養氣,蓋不知言無以 「此只是言休息時氣清耳。至平旦之氣,未與 ·夫子烏乎長』之問,不欲言我 浩然之 方人强悍,所謂 氣,如《禮記》説『南方之强』是也。 氣」, 只如 如 何 氣,如何?」曰:「此只是大 小兒讀書,早晨便記得 强者,是血氣之强,故小人 ? 知道也。 曰 : 知 此是答公孫 知 言 道,故 何? 然 後 以 也。 日 可 知 H. 以 南

何 之 周公矣。」因此説夢便可致思,思聖人 及 曰 晚年不遇、哲人將萎之時,自謂 : ?」曰:「此是誠意所感,故形於夢。」 夢 「孔子初欲行周公之道,至於夢 又問: 如 何, 『吾不 夢 是 何 ·復夢 物。 見周公」, 高 宗 夢 不復夢見 得 寐不 如 與衆 説 何 忘 如

又問:「《金縢》,周公欲代武王死,如

須詳看舜、周公用心處。《尚書》文顛倒處人自作文足此一篇。此事與舜喜象意一般,人臣之意,其辭則不可信,只是本有此事,後理否?」曰:「不問有此理無此理,只是周公何?」曰:「此只是周公之意。」又問:「有此何

天」也。後人遂有天祐生賢佐之説。」意也。既能如此,自然有賢者出,故『有隕自處,瓜美物生低處,以杞包瓜,則至尊逮下之處,瓜美物生低處,以杞包瓜,則至尊逮下之。和生於最高。以杞包瓜,含章,有隕自天」。 杞生於最高

多,如《金縢》尤不可信。」

之理 如 『皇天震怒』,終不是有人在上震怒,只是理 何?」曰:「只是理,理便是天道也。 、此。」又問:「今人善惡之報 ,善則有福,淫則有禍。」又問: 棣問:「福善禍淫如 何?」曰:「此 如 何?」 曰 一天 且 自然 道 如 説 如

「幸不幸也。」

此。 身; 以兼仁。 「仁者壽」,以静而壽。 「知者樂」, 别而言之,則有四支。 「知者樂水,仁者樂 如人之身,統而言之,則只謂 所一作「凡」。 仁可以兼知, 山」,言其 運 用 處 體 皆 知 動 樂; 静如 不 之 可

夫在筵中尤好。」温公彼時一言亦失,却道 處,且試看如何。』某家至今,人已數倍之矣。」 處,何故如此下穴?」某應之曰:"固知 但風調地厚處足矣。 地?」曰:「只昭穆兩字一作「眼」。是地理書也, 見修史自有門路。 而尊長召地理人到 不然,後來只用昭穆法。」或問:「憑何文字擇 父葬時,亦用地理人,尊長皆信,惟先兄與某 在 「世間術數多,惟地理之書最無義理。 講筵時,曾説與温公云:「更得 某應之曰:「不問有 葬處,曰:『此是商音 某用 昭穆法葬一穴、既 范 是 他 純 絶 絶 祖

二九一

九

陳 度少温潤之氣,純夫色温 但 是 非,道人主之意。」後來遂除侍講 筵中須得 ·他。」温公問何故,某曰:「自 而 氣和 九式 以 開

不然 天地生物常相稱,豈有人多地少之理?」 古 可行 用休問:「井田今可行否?」曰:「豈有 譬諸草木,山 而今不 可行者? 或謂今人多地少, 上著得許多,便生許多。

説,誠有此

理。」

分數。 守是也。」 法,本出於不得已。 嘉仲問:「封建可行否?」曰:「封建之 秦法固不善,亦有 柳子厚有論,亦窺 不可變者,罷侯置 測 得

問:「孔子夢坐奠於兩楹之間,如何?」曰: 説 於理有之。」 不可信,安有壽 伯温問「夢帝與我九齡」。 製而 與人移易之理?」棣 曰:「與齡之

曰 「蓋有之。」棣問:「如今人有養形者,是 陳貴一問:「人之壽數可以 力移否?」

> 難,可 事,功夫一般分明,人力可以勝造化,自是人 命, 不爲耳。 否?」曰:「然,但甚 養形 以奪造化之力:爲國 而至於長生,學而至於聖人。 故關朗有『周能過曆,秦止二世』之 難。 世 間 而 至 有 一於祈 三 件 此 天永 事

矣。」若,順也。」又問:「才出於氣否?」 情也哉?』至於不能順其情而悖天理,則流 者,於四端之情可見,故孟子曰: 『是豈人之 謂其禀受處不相遠也。人性皆善,所以 「孟子言性之善,是性之本,孔子言性相近, 生者爲聖人,禀得至濁之氣者生爲惡人。 • 氣清則才善,氣濁則才惡。 至於惡,故曰:『乃若其情, 棣問:「孔、孟言性不同,如何?」曰: 禀得至清之氣 則 可 以 爲 曰 善 善

而

⁰ 「惡」,涂刻本作「愚」。

皆先 也,所 者。 者性 生知 以 子所言『上智下愚不移』,亦無不移之理 如 而 而 未有不 而 榱桷者才也。 生知之聖人,若夫學而知之,氣無清濁,皆 何是才?」曰:「如材植是也。 至於善而 後 韓 中 爲 不移,只有二,自暴自棄是也。」又問:「如 窓; 也 也;『湯、武反之』,是學而 愈所言、公都子所問之人是也。 是 節 才乃人之資質,循性修之,雖 善。」又問:「性 佛 謂理 · 善。 則 而 亦 可以 復性之本。 是 後 ,性是也。天下之理,原其所 言吉凶,皆先吉而後凶,言是非 無 喜怒哀樂未發,何嘗不 説 非。 往 爲輪轅 今人説有才,乃是言才之美 本 而 善 不善。 又 問: 所謂『堯、舜性之』,是 只不 如何?」曰:「性 可 凡言善惡,皆先善 以 合將 佛 爲梁棟,可 説 譬如 知之也。 才做緣習。」 性 至惡 ·善? 木,曲 如 然此 何? 即 以 可 自 一,所 發 論 理 勝 孔 爲 直 口

廣

大。」

又問: 如 但爲愛脇持人説利害,其實爲利耳。 焉 聖人只一句盡斷了,故對子路曰: 『未知 有 否?」●曰:「此事説有説無皆難,須自見 以 知死?』佛亦是西方賢者,方外 些 管 意 一説 思。」 窺天,謂他不見天不得,只是不 生 死 又 如 問: 何 ? 佛 曰 : 言 死 譬 生 如 Ш 輪 水 林之士, 其學譬 口 温 生, 得。 可 亦

親 周 、則天道一變,人心亦隨以 ,至此猶未忘,故必至於再變,猶未忘,又 問:「喪止於三年,何義?」曰:「 變。 惟人子孝於 歲

心; 知天矣』,如 繼之以一時。」 能盡 伯温 心,則 問:「『盡其心則知其性, 何?」曰: 自 然 知 盡 性知天矣。 其

心

者,

我自

盡

其

如言「

知

其性

則

0 可」,涂刻本作

二九四

曰:「奉順之一本無「之」字。而已。」實,只能窮理,便盡性至命也。」又問事天。理盡性以至於命」,以序言之,不得不然,其

「作」。三界外事邪? 天下豈有二理?」曰:「吾釋子不知條貫。」曰:「賢將竟一作條貫,既退,先生問僧曰:「曉之否邪?」僧先生嘗與一官員一僧同會。一官員説

今人不同,雖老師宿儒,不知《詩》也。『人而人自小諷誦,如今謳唱,自然善心生而興起。貴一問:「『興於《詩》』如何?」曰:「古

亦有是理。 夷『耻居湯、武干戈地,來死 乙,則武王却須殺紂也。 紂而紂自殺,亦須言殺紂也。 殺紂,人只見《洪範》有『殺紂』字爾。 武 也。」問:「武王果殺紂否?」曰:「武王 只知君臣之分不可,不知武王順天命誅 舊惡,故孔子特發明其情。 然去之,可謂隘矣,疑若有惡矣,然却能 何?」曰:「觀其清處,其衣冠不正,便望 從修身齊家來。 恐其未盡治家之道爾。 不 「不食周粟如何?」曰:「不食禄耳。」 ·爲 《周 或問:「『伯 南》、《召 首陽乃在河中府虞鄉也。」問: 不然,則猶『正墻 南》, 夷、叔齊不 此乃 欲治國治天下,須 石曼卿有詩,言伯 唐、虞揖讓墟』, 武王伐紂 爲 念 向使紂曾殺 伯 舊 面 魚 惡 而立。」 而 伯 一不曾 王 獨 不 伐 如 夫 念 夷 望 蓋

使聖人爲之,則是仁否?」曰:「不然。聖人用休問:「陳文子之清,令尹子文之忠,

爲之,亦是清忠。」

帷裳固 朝 在 皆惡其文之著而爲之也。 欲其潔。 黄衣是蜡 各有用。 居之節。 之時,有容色者,蓋一 是過君之虚位。 等」是自堂而 氣,而至誠作威嚴以驅之。 私觀」則又和悦矣。 **'逞顏色」。「復其位」,復班位之序。「過位_** 車 服 儺」,古人以驅 中。 而 鄉黨》分明 朝」者,子在魯致仕 不殺矣,其他衣裳 服。 明 不必云緇衣是朝服,素衣是喪服 「緇衣羔裘,素衣麑裘,黄衣狐 衣 出降階,當此 如今凉衫之類。 **麂是鹿兒**。 「享禮有容色」,此享燕賓客 厲氣,亦有此理,天地 畫 出 在於莊,則情不通也 皆孔子爲大夫出 箇 「齊必有明衣布」, 「非帷裳必殺之」, 亦 時 時,放 式凶服、負版、蓋 聖 殺 月 人 朔 也。 緇衣、明衣, 出。 初朝也。 氣 「吉月必 不屏,故 降 一人起 裘」, 有 厲 鄉

> 乎簡 却 矣,然 居敬 簡 矣。 」則自然簡。 乃所 居敬」 以不簡 則 居簡 蓋 心中 先 而行簡」, 有 無 心 物, 於 簡 是 則似 乃 則

『仁者先難 而 後 獲」, 何 如 ? 曰 : 「有

簡

也。

多

爲仁而已,今人皆先獲也。」

爲

而

作,皆先獲也,

如

利

. 是

也

古人惟

知

聖人不得位,止能述而 又問:「『述而不作」,如何?」曰: 一此

子路遂 故往。❶ 下無不可與有爲之人,亦無 堅白」、「匏瓜」爲 公山弗擾、佛肸召,子欲往者,聖人以天 引親 然終不往者,知其 於其身爲 對。 繋而 不 善爲 (必不 不可改過之人, 不食」者,匏 問 能 ·; 孔 故 也。 子以 瓜

- 故」下,涂刻本有「欲」字。
- 刻本作「改」。

二九六

瓜亦不食之物,故因此取義也。繫而不爲用之物,「不食」,不用之義也。執

便是道也。自漢以下,更無人識權字。也,夫何遠之有?」蓋言權實不相遠耳。權之也,夫何遠之有?」蓋言權實不相遠耳。權之豈不爾思,但居處相遠耳。孔子曰:「未之思豈不爾思,但居處相遠耳。孔子曰:「未之思弟,今乃偏反,則喻兄弟相失也。兄弟相失,

人」,正《中庸》所謂「施諸己不願,亦勿施於人」,正《中庸》所謂「施諸己不願,亦勿施於「我不欲人之加諸我,吾亦欲無加諸

知,惟聖人作事無不知。 「蓋有不知而作之者」,凡人作事皆不

不踐己前爲惡之迹,然未入道也。」「不踐迹亦不入於室」之人也。『不踐迹』是殺?」曰:「只是能使人不爲不善。善人,或問:「善人之爲邦,如何可勝殘去

之事,皆當思其如何作爲,乃有益。」可以即戎矣。凡看文字,如七年、一世、百年年,亦可以即戎矣。」曰:「教民戰至七年,則世。王者之効則速矣。」又問:「善人教民七曰:「三十曰壯,有室之時,父子相繼爲一又問:「三十曰壯,有室之時,父子相繼爲一又問:「三十曰壯,有室之時,父子相繼爲一

畜君。」雖大而少,皆小畜也。不必專言君畜臣,臣雖大而少,皆小畜也。不必專言君畜臣,臣問小畜。曰:「小畜是所畜小,及所畜

不信乃所以爲信,不果乃所以爲果。」必果」,是出入之事否?」曰:「亦是也。然以無取之類是也。」又問:「『言不必信,行不以無取之類是也。」又問:「『言不必信,行不以無可之類是也。」又問:「言不必信,行不以無

范公甫將赴河清尉,●問:「到官三日,

^{■「}公」,涂刻本作「文」。

間 只 廟 問:「只恐駭衆爾。」曰:「唐狄仁傑廢江、浙 之神、社稷而已。 問:「城隍當謁否?」曰:「城隍不典。 及 例 是 爾。今人做不得,以謂時不同,是誠不然, 淫祠千七百處,所存惟吴大伯、伍子胥二 先聖是也。 須 謁 無 廟,如何?」曰:「正者謁之,如社 狄仁傑耳。 其他古先賢哲,亦當謁之。」又 何得更有土地邪?」又 當時子胥廟存之亦 土地 稷

所謂『尚往』者,陰自西而往,不待陽矣。」矣。 今雲過西則雨,過東則否,是其義也。「西郊陰所,凡雨須陽倡乃成,陰倡則不成善暢中伯問「密雲不雨,自我西郊」。 曰:

無

謂

《論 得,是不 意,未有文義不曉 語》,見聖人所以與弟子許多議論而無 凡看文字,先須 -易得 也 而見 讀 曉 書 雖多 意者也。 其文義,然後可求其 ',亦奚以爲? 學者看 一部 所

曰:「不可使知之者,非民不足與知也,不能子文問「民可使由之,不可使知之」。

使知之爾。」

此之謂。亮以天子之命,誅天下之賊,雖多也。」先生曰:「不然。所謂『殺一不辜』,非一不辜而得天下』,則君子不爲,亮殺戮甚多可以問:「諸葛孔明亦無足取。大凡「殺」

問: 得這道理後,篤信力行時,亦有見否?」曰: 得之,大抵只是一箇明理。」棣問:「學者見 曰:「思。『思曰 求之可矣。」伯温 曉,且見得路逕後,各自立得一箇門庭 得否? 學者要自得。六經浩眇,乍來 「見亦不一,果有所見後,和信也不要矣。」又 「莫是既見道理,皆是當然否?」曰: 周伯温見先生,先生曰:「從來覺 睿,睿作聖。」須是於思慮間 問:「如何 可 以 自 [得?] 有 難 所 盡 而

何害?」

二九八

爾。孟子於四端不言信,亦可見矣。」待信? 凡言信,只是爲彼不信,故見此是信「然。凡理之所在,東便是東,西便是西,何

則無出入矣,逐物是欲。」 伯温又問:「孟子言心、性、天,只是一理否?」曰:「然。自理言之謂之心。」又問:「是意也。」棣問:「是是心之所發否?」曰:「是意也。」棣問:「心本無出入,孟子只是據操舍言之。」 以問:「太有逐物,是心逐之否?」曰:「心本無出入,孟子只是據操舍言之。」 以問:「人有逐物,是心逐之否?」 只是一則無出入矣,逐物是欲。」

河南程氏遺書第二十二上

河南程氏遺書第二十二下

伊 川先生語八下

附

雜

録

後

也。 年雖 謂許田是許之田,如何?」曰:「《左氏》説是 祊田,黎淳以隱十一 既是許之田,如何却假之於魯? 十一 人許,許未嘗滅,許叔已奉祀也。」 問:「鄭伯以璧假許田、《左氏》以謂 年入許之事破《左 氏 \approx 易

天理也。」 不書秋冬。 人作經備 問:「桓 四時也。 ^ 春秋》只有兩處如此,皆言其無 四年無秋冬,如何?」曰:「聖 如桓不道,背逆天理,故

用休問「哀公問社於宰我」之事。

戰慄」,故仲尼有後來言語

社字本是主字,文誤也。宰我不合道『使民

在『是惑也』之後,乃在『齊景公有馬千駟』之 先生曰: 「『誠不以富,亦衹以異』,本不

上,文誤也。」

飲不勝者也。」 否?」曰:「古之制罰爵皆在堂下。」又問: 唯不勝下飲否?」曰:「恐皆下堂,但勝者 問:「『揖讓 而升,下而飲」,是下 堂飲

曹之徒如何?」曰:「此可爲漢時王佐才。」 周,其次莫如張良、諸葛亮、陸宣公。」 棣問:「史稱董仲舒是王佐才,如何?」曰: 曰:「不是王佐才。」嘉仲問:「如霍光、蕭、 識不足。」孟純問:「何顒常稱 仲舒是言其學術。 思叔問:「荀彧如 若論至王佐才,須是伊 何?」曰:「彧 其有王佐才。」 才高

二九九

便成之 處。 其 婦 聖人欲 文公則但 意,只直書 喪 幣,故聖人於其逆時,便成之爲婦,罪 女,皆分明 實與喪昏同 而 ?」曰:「此 凡事 取 問 爲 顯 也。 分明可見者,聖人更不微 婦 其 在 在 而 夏, 《 春 居 也 喪 喪 른 也。」 是文公在喪 喪 服 逆 服 秋 其意言雖至四 納幣之罪,故 納幣,至逆女却在四 中 婦 》微 如桓三年及宣元年 成昏,故只書逆女 姜 顯 於 闡 齊」, 服 幽 將 ", 乃 書『婦姜』, 年方逆女, 何 滿 故 之 文 在 以 時 便 其 如 年, 也 · 逆 納 見 此 居 書

只如此,然有差等矣。」類,觀其用心爲如何哉? 推此心以待人,亦類,觀其用心爲如何哉? 推此心以待人,亦先生曰:「周公之於兄,舜之於弟,皆一

修省,如治世而有此變,則不能爲災,亂世則食有定數,聖人必書者,蓋欲人君因此恐懼問:「《春秋》書日食,如何?」曰:「日

害;其氣 爲 災 矣。 血衰,則 人 血 氣 盛 爲害必矣。」 雖 遇 寒 暑 邪 穢 不 能 爲

之德,不能至也。」 是二公知之,因 尚幾不能保。《金縢》書,成王 景公,不能 亦未必然。成王一中才之主,聖人爲之臣 問:「熒惑退舍,果然否?」曰:「觀宋 至是。」問:「反風 此 以 示王。 弭變,非 如 亦安知? 只 何?」曰 有 動 天

四岳則曰『岳』,亦可見也。」二人數考之,固然。觀對堯言衆則曰『僉』,二人數考之,固然。觀對堯言衆則曰『僉』,問:「四岳一人否?」曰:「然。以二十

辭; 之,故書『曹伯』而 弑逆之罪,即執之是 而 未至於奪爵也。『歸自京師』,則言若 歸 罪天王不 歸之」者,强歸之辭。」 晉侯之執曹伯,是否?」曰:「曹伯 能 行爵 不去其爵。 也。 賞也。 晉與之同盟 凡言『歸』者,易 晉侯不 而 無 奪 後 執 有

無 ? 伸 爾。 問 但 非特龍,凡小物甚有能屈伸者。」 能隱 龍 能 見 有能 耳。 所以 無, 如 能 何?」曰:「 隱 見 者,爲能 安能 屈

書至」。曰:「告廟之禮不行。」「還只是歸復,如今所謂倒迴。」又問「隱皆不亦有不緣告廟而書者。」又問「還復」。曰:明:「書『至』,如何?」曰:「告廟而書,

與此合。」

者適遺下,●則便集而食矣。」來食,須是久乃集,蓋人有意在爾。若負粟有物,則群雀集而食之。人故與之,則不即有生指庭下群雀示諸弟子曰:「地上原

緣文姜而啓爾,莊公母子之情則不絶,故書國人已絶矣。然弒桓之惡,文姜實不知,但於廟,皆止曰夫人,而去其姜氏,以見大義與弒桓之惡,其罪大矣,故聖人於其遜於齊,致弒桓之惡,其罪大矣,故聖人於其遜於齊,致問:「禘於太廟用『致』,夫人是哀姜

義。本朝太祖皇帝立法,極合《春秋》之 義,❷法中有夫因婦而 人用法致嚴處,可以見大義,又以 廟,亦只稱夫人,則是文姜明 夫人焉。文姜遜齊,止稱夫人, 被殺者,以婦爲首,正 矣。 此 此 見子母之 禘 最 是 致 聖 於

食於祖廟,惟春則徧祭諸廟也。」然之祭,爲廟禮煩,故每年於四祭中,三祭合曰:「袷,合祭也,諸侯亦祭祫。 只是祠禴嘗祭,五年一禘,祭其祖之所自出也。」又問祫。問:「禘是如何?」曰:「禘是天子之

下廟。」曰:「兄弟相繼,如何?」曰:「此皆德,文、武之廟永不祧也。所祧者,文、武以問:「祧廟如何?」曰:「祖有功,宗有

[「]者」下,涂刻本有「過」字。

^{) 「}義」,涂刻本作「意」。

遂不 相 絶者 繼 祭 世 祖 如 於上 + 祖 嘗 送至 萬緡矣。」諸 賜 一前 宴, 一殿門, 否。 酒 酣 子弟各 謂 節度使醒 乃 其子弟曰:『汝父各 宣 以 各 緡 人 事 問問 子 對。 弟 所以歸,不 꽢 人 日 扶 各以 許 歸 失禮 朝

廷

太

0

於民 驅 損三五千人, 知。」先生 國 良 家養兵乃 可也。」 民 宣仁山陵 刺 面 曰:「相公豈 以以 將 良 (時,會呂汲公於陵下。 何自 至及士人。 策,凡四 而 補 不見景 方有警,百 ? 蓋有限之兵,忽 要知兵須是 德 中 公曰 事 姓 皆 耶 不 出

無託

者

可

再

嫁否?」曰:

「只是後

世

怕

寒

配

身,是己

失節

也。」又問:

「或有

孤

孀

貧

窮

曰

凡

取,以

配

身

也。

若

取

失

節

者

以

問

孀

婦

於

理

似

不

可

取

如

何 ? _

進如數。

此皆英雄御

臣之術。」

極

大。」

餓

死

故

有

是

説

然

餓

死

事

極

小,失

節

事

即位 之。 太祖 以故 ,以無錢久不賜,士卒至有題詩於後 太 日 祖 遊 ,每於郊時,各賜賞給,至今因以 初有天下,士卒人許賞二百緡。 後苑見詩,乃曰 好詩,遂索筆 苑 及 爲 和

不 以義 矣。 無 何 自 祧 可 立 桃之理。」 起 之 故廟雖 廟 若 廟 之 上 可 然 更 河 多 也。 如 有 東、閩、浙 ',亦不妨祧,只祧得服 吴 二廟 如 太 本朝 伯 不 兄 諸 祧 太 弟 處皆太宗取之, 0 祖、太宗皆萬 四 則 人

太 使竭 度 高 使,極有 祖 祖 安能 逐 土 或問:「 地 人 比 賜 加 術。 還 地 太祖? 漢),所畜 天下既定,皆召歸京師 高 方,蓋 祖 可 不貲 太 比 第,所 祖 太 多多 祖 愛,能 財 費皆數 否?」曰 亦 保 可 萬 全 節 患 諸 也。 度 又 漢 節

⁰ 如 何」,涂刻本無此二

可也,不數十年可革。」十年後可革否?」曰:「新兵本無此望,不與例,不能去。或問:「今欲新兵不給郊賞,數

歟?」曰:「聖人則不待推。」 思叔問:「孟子言『善推其所爲』,是

之説 也。 曾説與他。 質,伊尹亦不立也。《史記》以孟子二年、四 甲必能思庸,故放之桐三年。當時湯既崩, 年者,益知《書》傳 知「年」只是「歲」字。 年之言,遂言湯崩六年之後,太甲方立。不 須立太甲也。 太丁未立 立之,只被見是武帝孫,擔當不 此又與伊尹立太甲不同也。 縱縱 霍光廢昌邑,其始乃光之罪。 當時不合 别 一而死 無 後來又看《禮》,見王巡狩,問 可證 ,外丙方二歲,仲壬方四歲,故 太甲又有思庸之資,若無 · 理 亦稱歲爲年。 頃吕望之曾問及此,亦 亦 必 然。 且看《尚書》, 過,須立 二年、四 伊尹知太 年 是 之 百

> 王。 分明説 宫、居憂三年,終能思庸 可知凡文字理是後,不必引證 成湯既 没,太 甲元年。 伊伊 尹 以 又看 服 冕 王 徂 奉 嗣 桐

尊,是或一道也。」
問:「東向西向,以南方爲上,南向北高時,是或一道也。昭穆之位,太祖面東,左非祭祀昭穆之位。昭穆之位,太祖面東,左昭右穆,自内以及外。古之坐位,皆以右爲昭右穆,自内以及外。古之坐位,太祖面東,左明為,出,東向西向,以南方爲上,南向北問:「東向西向,以南方爲上,南向北

言『與』則公不能制明矣。」
而不書『及』,却有意,蓋言『及』則主在公也,夫人至也。如書『公與夫人如齊』,只書『與』
何?」曰:「當然。此却言公子能主其事,以問:「『僑如以夫人姜氏至』,書『以』,如

天下無一賢君,道不行,故言及此爾。 子路孔子願「乘桴浮於海」,「居九夷」,皆以

三〇四

其 不 不 知 能 其 棋 意 酌 便 也 謂 聖 人 行 矣 無 所 取 材

葛亮在蜀,十年不赦,審此 是過失之事故也。 告則肆之、告是自作之罪也、灾則赦之、灾 肆之,其 問 ···「『肆大告』,如何?」曰:「大告 失可 知。 ^ 凡赦何嘗及得 書》言『告灾肆 爾。 善人? 赦』者,言 諸 而

陳、 許最近畿,亦不 兵强弱 亦 有 時。 聞 勁。 往 時 今河 陳、 許 東 號 最 勁兵,今 盛

非我爲則彼爲,非甲爲則乙爲。 學者不可不通世務。天下事譬如一家,

射 盟 一,而射 子路「片言可以 止 願 得季路 折 獄」,故魯 一言,乃 其 願 證 與小 也 邾、

此。曰「予欲無言」,蓋爲子貢多言,故告之

以

謂 從民 問 望者是也。」 務 民 之 義 __ 日 : 如 項 梁 立義 帝,

> 貶。 理,故只書惠公、仲子,不稱夫人 始,周方書此一件事,且存天王之號以 賵 妻,不干仲子事 分,非謂 「不然。 《左氏》以爲 仲子是惠公再娶之夫人,諸侯 如 棣 問 何? 豈有 此事當 「『天 此 答曰 未薨,預凶 理? 理 王 而 使 書 宰 夫人子氏 書天王者,以 也,故書宰之 呵 事 來 歸 非 惠 自是隱公之 禮 也。」又問 公、 也 名 春 無 仲 秋之 曰 : 再娶 正 以 名 示

娶 緣奉公姑,或主内事 婦 死,一人再娶,一人再嫁之約? 以 侯天子,自 也。」 也。 Ĺ 無再娶禮。凡人爲夫婦時,豈有一人 又問:「再娶皆不合禮否?」曰: 但自大夫以 有嬪妃 可以供祀禮,所以不 下,有不 爾。 如大 . 得 夫以 己 只約終身夫 一再娶者,蓋 上, 至諸 大 夫

「《春秋》書盟,如何? 先王之時有盟

稍爲近正,故終齊、衛二君之世不相侵伐,亦周王之命,《春秋》書,皆貶也。 唯胥命之事但春秋時信義皆亡,日以盟詛爲事,上不遵所以有盟者,亦因民而爲之,未可非司盟也。否? 或疑《周官》司盟者。」曰:「先王之時

也,必是三人同盟。若不是脱字,别無「紀子伯莒子盟于密」,此是伯上脱一字

可

喜也。」

妹之類也。」字,如何?」曰:「子者言是公女,其他則姊字,如何?」曰:「子者言是公女,其他則姊「齊高固來逆叔姬,《公》、《穀》有『子』

廟不受也。」曰:「此娶仇女,故書『人」,言宗曰『人」?」曰:「此娶仇女,故書『人」,言宗又問;「『丁丑,夫人姜氏人』,何故獨書

齊侯、宋公盟。」曰:「此是本去媵婦,却遂及又問:「公子結媵陳人之婦于鄄,遂及

諸侯盟、聖人罪之之意、在遂事也。」

使諸侯爲主之理。」

「『祭公來,遂逆王后于紀』,如又問:「『祭公來,遂逆王后,却因過魯,遂何?」曰:「樂王姬之王后,亦使魯爲主,如何?」曰:「樂王姬之以朝魯爲主,而逆后爲遂也。」曰:「或説逆王姬下嫁,則同姓諸侯爲主,故先書其來,使若以朝魯爲主,而逆后爲遂也。」曰:「或説逆不如可。」曰:「樂王姬之以朝魯爲主,而逆后爲遂也。」曰:「乘王姬之以朝魯爲主,而逆后爲遂也。」曰:「樂王姬之以朝魯爲主,而逆后爲遂也。」曰:「祭公來,遂逆王后于紀」,如又問:「『祭公來,遂逆王后于紀』,如

曰:「古有之。」
曰:「然。」「媵之禮如何?」之故書否?」曰:「然。」「媵之禮如何?」如成八年、九年、十年,三書來媵,皆以伯姬姬是婦人中伯夷,爲其不下堂而死也。」曰:姬是婦人中伯夷,爲其不下堂而死也。」曰:「智伯姬,故詳録之。昔胡先生常説伯曰:「獨宋共姬書首尾最詳,何故?」

❶ 「禮」,涂刻本作「理」。

亦何必説某事有某應?」之際,亦略見些模樣,只被漢儒推得太過。「自漢以來,無人如此。董仲舒説天人相與「且漢以來,無人如此。董仲舒説天人相與又問:「漢儒談春秋災異,如何?」曰:

河南程氏遺書第二十二下

河南程氏遺書第二十三

伊川先生語九

鮑若雨録

淺,信之未篤。 今語小人曰不違道,則曰不違道,然卒 方,只是無增愛心,其實只是未知味。「守 君子,君子須增愛,說與小人,小人非不道 君子,君子須增愛,說與小人,小人非不道 死善道」,人非不知,終不肯爲者,只是知文 死善道」,人非不知,終不肯爲者,只是知之 死善道」,人非不知,終不肯爲者,只是知之

上助長,反不得。杜預云:「優而柔之,使忘廢。助長,於文義上也且有益,若於道理志不可不篤,亦不可助長。志不篤則

得也。」此數句煞好。
浸、膏澤之潤、涣然冰釋、怡然理順、然後爲自求之、、厭而飫之、使自趣之。若江海之

樂」。 觀聖人者。 如「子温而厲,威而不猛,恭而安」,皆是善 誾」、「行行」、「侃侃」,亦是門人旁觀見得。 子路行行如也, 冉有子 是得見聖人處。 《論語》是孔門高弟所撰,觀其立言,直 不得聖人處,怎生知得 如「閔子侍側、誾誾 責 侃 子樂? 侃 如也 如也 ¬; 子 冒間

便是聖人用處。 作《春秋》乎! 罪我者,其惟《春秋》乎!」《春秋》,聖人之用也。如曰:「知我者,其聖人之用,故作《春秋》。

之謂忠固是,盡物之謂恕則未盡。推己之人謂盡己之謂忠,盡物之謂恕。盡己

三〇七

三〇八

謂恕,盡物之謂信。

之後,不能無錯亂者。」 者。《樂記》曰: 『有司失其傳也。』 若非 者以征誅不及揖讓,征誅固不及揖 魯,然後樂正,雅、頌各得其所」,是知既 司失其傳,則武王之志荒矣。孔子『自衛 盡 善處,不獨在此,其聲音節奏亦 問 "「《武》未盡善處,如何?」曰"「 有未 讓, 盡 然未 説 正 反 有 善

怒,如舜之去四凶。 以至於無所不怒,是所謂遷也。若君子之之怒,出於心,作於氣,形於身,以及於物,一人之怒在己,君子之怒在物。小人

是。只這一字,須是子細體認。 忠上? 曰:「不然。 已矣」,則所謂一者,便是仁否?」曰:「 問:「『吾道一以貫之』,而 多 在恕上?」曰: 多在忠上。 纔忠便是一,恕 多多 日 在 『忠恕 還多 恕 上。 在 即 古 而

忠之用也。」

若比干之忠,見得時便是仁也。」仁,何也?」曰:「只是忠,●不可謂之仁。不可謂之仁。 又問:「令尹子文忠矣,孔子不許其

然氣貌改變。 是自强不息,将来涵養成就到聖人田地,自則肖之。又况人與聖人同類者? 大抵須則肖之。不说人與聖人同類者? 大抵須

曰 : 大段好如生也。」曰:「既死矣,敢問好 夕死可矣。]人莫重於生,至於捨得死,道 仁。』竊謂苟所 何?」曰:「聖人只睹 「但看生與仁孰重。 問:「『有殺身以成仁,無求生以 利 者大,一身何足 一箇是。」 夫子曰:『朝聞道, 惜 也? 處 須 如 害

問:「夫子曰『吾不復夢見周公」,聖人

❶ 「只」上,涂刻本有「此」字。

類 思,夜則成夢,設或不思而夢,亦 寤 古 公,大段害事,即不是聖人也。]又曰:「 人果無夢乎?」曰:「有。 和應。 嘗夢見周公乎?」曰:「不曾。 間 思 若是聖人,夢又别。 周 公,後不復 思 爾。 夫衆 若 如 人日 高 是 謂 孔子昔 宗夢 夢 舊 有 習 見 傅 所 聖 嘗 氣 周

説

,真箇有傅説在傅巖也。」

然,富· 也 道,得之有命,是求無益 之,是求有 是亦前定。 子先盡 曰:「雖不可謂之命,然富貴、貧賤、壽夭, 一。』故君子以義安命,小人以命安義。」 ,若在我者未盡 問: 貴 其在我者,則富貴、貧賤、壽夭,可 而 「富貴、貧賤、壽夭,固 益 壽, 孟子曰:『求則得之,舍則失 於得 是 也,求在 爲 徼倖,不 ,則貧賤 於得 我 者 也,求在 而 可 也;求之有 有 夭,理所當 謂 分定, 之命。 外 者 以 君

《中庸》之説,其本至於「無聲無臭」,其

處? 言,設或言時, 黄色,此人必 人心要處。 百 用 迹,無色,其實不過無聲無臭,必竟有 如大富貧子。横渠論此 ,威儀三千」,復歸 至於「禮儀三 大抵語論 與佛家之言相 是不識金。 别自有道 百,威儀三千」。 間 不 於「無聲無 難 見。 理。 若是識金者 事 反, 甚當 如 張子厚嘗 人 儘 臭」, 自 論 教 黄 説 禮 此 更不 謂 金 甚 無 言 儀 見 聖 形

之過,不肖者常失之不及。矣。其他皆以心處這箇道理,故賢者常失矣。其他皆以心處這箇道理,故賢者常失

不與者 子請 《左氏》載孔子之言,謂「陳 從 恁地是聖 其 陳恒 請 伐 ŦĹ 齊,以弑君之事討之。 半,以魯之衆加 , 弑其君, 孔子沐浴而朝, 請討之。 人以力角勝, 子必有 處置 一,須 都 齊之半 不問義理 使 恒 顔 弑 當 ', 可 口 其君,民之 時 使周,子 克也 哀公能 也 孔

路 此 使 件 事好做,奈何哀公不從其請 天 下 大 計 可 立 而 遂 孔 子 臨 可 老, 惜 有

得見 此? 明, 無 也。 氣。』只『我知言』一 句 却 失,類若此。 孟子 此言 問 ,然見北 是。『由 以 曰 恐過當。」日 横渠 管 : 斗,不 窺 _ 誠 言「由 若《西銘》 天, 我 以 知言, 句已盡 至明」, 可謂不是也 固 明 是見 : 山由 以 我 則 一 篇, 至 北 善養吾 明 横渠之言 不然 斗, 誠 以 誰 至 别 由 誠 浩 説 處 誠 誠 然 雖 得 不 即 以 能 之 不 到 明 此 至

氏 曾 政 稍 專 冉 聞 政 家 求 哲 與 聖人之道 , 孔 未 臣 不 事 問:「孔子對冉求曰:『其事也,非 · 肯 能 何 子 只 知 爲 異 因 是 陪臣 此。 ?! 家 以 何 明 事 皆 夫政出於國君。 , 安 之。 不知此?」曰:「當 I知得 閔 得 或 子 爲 此 問 騫 政 道 不 ? 理。 肯 季 當 冉求 路、 若季 爲 時 大夫, 政。」 爲 時 冉 季 氏 季 求

> 事 謂 君 矣。』『然則從之者與?』曰:『弑父與 臣 不從也。』除却 大臣 君 ,此言不 執 或 不 與?』 命, 可 足 則 目 怪 孔子 見 啃 弑父與君 耳 季氏: 曰 : 聞 今由 習 ,皆爲之。」 與 所 問問 熟 求 謂 爲 季路、冉求 也,可 大 常, 臣 都 者, 謂 不 君 以 具 知 臣 道 有 亦 可

速」。 時,李 職 時 如 置 昔嘗對哲宗説 「公孫弘謂『三年有成,臣 朝廷 何 ,三年有 亦 措 二者皆 · 石 期 不曾問 無 置,期月 月 責 一人問 成, 而 以 著 不 已,三年有 宰 臣 此 而 是。 著, 即 相 事 句 己 陳 之職 曰:『陛下若問), 臣 只李 須 \equiv 是知 即 年 謂 切遲之」。 成, 邦 陳 有 直 期 成 得 何也?」 臣 但 月 之事 遲 猶 云 之事 速之理 唐 以 稱 如 若 何 爲 文宗 職 曰 問 措 太 稱

隕 ? 春 此 秋 便 書 見 得 隕 天 石 人一 隕 霜 處。 何 故 昔 不 嘗 言 對 石 哲 隕 霜

0

夫,天應如此,况一人之尊,舉措用心,可不武同寢,太史奏客星侵帝座甚急。 子陵匹之,作惡則千里之外違之。 昔子陵與漢光説:「天人之間甚可畏,作善則千里之外應

戒

慎

、(新·) (二年、) (二年、)

及,此與《春秋》正相合。 三王雖隨時損益,各立一箇大本,無過不三王雖隨時損益,各立一箇大本,無過不

以言述。 某思之數日,便覺胸次廣闊,其意味 (寓 遠方, 先生前日教某思『君 竊有一 日 喻,願留 歸 故 鄉, 至 一嚴聽。 中途,適遇族兄 子和 今有人焉, 而 有 不 同。 不 可

> 贵 自然之理也。」先生曰:「此乃善喻也。」 已。今學者苟知大本,則視天下猶一家,亦 之族弟某人也。既而懽然相從,無有二心。 者,俱抵旅舍,異 向之心與今之心,豈或異 曰:彼之子,公之族兄某人也,彼之子,公 知爲 族弟,此 亦豈 居 而食, 知爲 八哉? 相 族 視如途人。 兄 知與不知而 邪? 或 告 彼

其爲仁之本與!」蓋謂 於中,事 敬而已,固未 兄,而仁之用於是見乎外。 謂:人之初生,受天地之中,禀五行之秀, 心日薄,本心失而仁隨 生也,幼而無不知愛其親,長而 方其禀受之初,仁固已存乎其中。及其 曰: 『君子務本,本立而道生。 「先生教某思『孝弟爲仁之本』。 物 誘 於外,事物之心日厚,愛敬之 始有事物之累。 修 喪矣。 爲其仁者,必本於 當是時,唯 及夫 故聖人教之 無不 孝弟也者, 情欲 知 某竊 敬 知 既 竇 愛 其.

弟。 夫子 孝 仁。」又問:「爲 惡於人。]不敢慢於人,不敢惡 弟 盡得仁,斯盡得孝弟,盡 故 曰:『敬親 也 先 者不 生 仁先 日 敢 : 從 慢於人,愛親 能 愛 如 物 此 得孝弟 於人,便是 上推 尋 究, 者 來, 便 甚 不 好 如 是 孝 敢

之心推而 禮;不愛其親 曾子之孝,優劣如 子『親親而仁民,仁民 何?」曰:「不敬 不仁民? 知 其 事 力 ', 雖 教 人 根。 參 事 不 ,良久而 親 曾皙建大杖 得無 可 能仁 親 信,却 而 疾乎?」乃退,援琴 却是墨子 民, 豈不 愛他 其 蘇、欣然起,進 何?」曰: 親 有 人 以擊其背,曾子 而愛物』。 而 義 者,謂之悖德,故 敬 愛物? 理 也。」因 他 曾子耘 「《家語》載 人者,謂之悖 問 能親親,豈 曰:『大人 若以 前 /仆地 瓜 歌 舜 愛 ",使 耘 與 物 君

> 得 「此只是恭也。 又 問 如 申 若舜,須 生 待 烹 逃 之 也 事 如 何

不

曰

父母,安可不盡其道?」 父母矣。 夫受職於君,尚 不 其 敬 身推之,則 道者則 問:「先生日 父 不盡 母,其 能 其 敬其身,敬其 期 身者資父母 斯 道 盡 之謂 『盡其 則不敬其身, 其 職 歟?」曰: 事, 道謂之孝弟。」夫 血 身者 又况親受身於 氣 以 不 則 生者 今 敬 能 其 士 敬 也 大 身 其

則

盡

以

是非 不 私 合 能 意 而 勝 非無不 聽之,則大同之中, 夫民,合而 是非 也 顛 ·當理 倒 聽 ,故聖。 故愚。 之則聖,散 蓋 有 散 公義 箇 而 秉 聽 而 在 聽 彝 之,則各任 私 之 在 則 前 欲必

河 南程氏遺書第二十三

知

體

康

孔

子

聞

而

怒。

曾子

至

孝

如

此

亦

有

這

些失

處。

若是

舜,百事從父母

',只殺

用

不

斬

瓜

河南程氏遺書第二十四

伊川先生語十

鄒德久本

於天理者也,人欲則僞矣。
「天下雷行,物與無妄」,先天後天皆合

之完書也,其間先後失次者,已正之矣。修身,當學《大學》之序。《大學》,聖人

繫之召。召,諸侯長也。曰公者,後人誤加繫之周。周,王室也。《召南》諸侯之事,故以感化天下,其後繼以文王詩者,言古之人以感化天下,其後繼以文王詩者,言古之人以感化天下,其後繼以文王詩者,言古之人。

用之。在、民婦道一、《關雎》雖后妃之事,亦可之也。夫婦道一、《關雎》雖后妃之事,亦可之也。《母》有二:或美盛歌於下。至若《鹿鳴》以下,則各主其事、《皇

扇扇 諼兮」之類是也。 也, 曰頌者,稱頌德美,「有匪君子,終不可 者,雅言正道,「天生蒸民,有物有則」之類是 其如玉」之類是也; 賦者,謂 《詩》有六義: 曰風者,謂風動之也; 雎鳩」、「瞻彼淇澳」之類是也; 鋪陳其事也; 日 曰比者,直比之,「温 興者,因物而 興起, 曰 雅 日

有數義者。一本章首云:「能治亂絲者,可以治《詩》。」也。六義,詩之義也。篇之中有備六義者,也。然國風》,大、小《雅》,三《頌》:《詩》之名

四始,猶四端也。

十五《國風》,各有次序,看《詩》可見。

義非子夏所能言也。小序,國史所爲,非後《詩》大序,孔子所爲,其文似《繫辭》,其

滅私欲則天理明矣。 人心私欲,故危殆,道心天理,故精微。

世所能知也

不合於天理如此。」歷,已見紂自絶於天矣。聖人一言一動,無周歷未建,故用人正,今之正月也。不書商《太誓》書曰:「一月。」曰:「商歷已絶,

《典》,即求堯所以治民,舜所以事君。 看《書》,須要見二帝、三王之道。如二

當緩之,非再駕之謂也。此周公所知,無顯「五年須暇」者,聖人討伐,必不太早,自

迹可推也。

一也。惟所禀各異,故生之謂性,告子以爲形,故不可更。如隙中日光,方圓不移,其光

一,孟子以爲非也。

謂也。 而 無 庾公之斯遇子濯孺子,虚發四矢, 害於國、權輕 國之安危在 此舉,則殺之可也; 重 可 也。 何 用 虚 舍之 發 甚 四

矢乎?

學而知之也。「堯、舜性之」,生知也。「湯、武身之」,

質幹爲才。
「仁之於父子,至知之於賢者」,謂之命
「仁之於父子,至知之於賢者」,謂之命

此,此訓所禀受也。若性之理也,則無不善,天性柔緩,天性剛急,俗言天成,皆生來如也。「天命之謂性」,此言性之理也。今人言性字不可一概論。「生之謂性」,止訓所禀受

曰天者,自然之理也。

元本,推其元本,無傷其性也。「天下言性,則故而已」者,言性當推其

大矣。 待放 初不立也。 此 甲 氏屠戮,寧使孔明爲之也。 其利害昭然也。 明以嗣子,「不可,使自爲之」,非權數之言, 任四歲,惟太甲長耳。使太甲有下愚之質, 而不受先王之委寄,諫不用,去之可也,放廢 下之賢者而與之,伊尹不自爲也。 人,必擇於湯之近戚,近戚無 同。 如 ,不可爲也,義理自昭然。 ,知其下愚不移也,始之不擇,則光之罪 不終惠,可廢也。 伊尹受湯委寄,必期天下安治而已。 若伊尹與光是太甲、昌邑所用之臣, 然則始何不擇賢? 苟無三人,必得於宗室,宗室 立者非其人,則劉氏必爲曹 孟子言「貴戚之卿」與 霍光廢昌邑,不 蓋外丙二歲,仲 人,必擇於天 劉備託 孔 無 太

> 然成敗有幸不幸,不可以一概看。 度其後之成敗,爲之規畫,然後復取觀焉。 先生始看史傳,及半,則掩卷而深思之,

看史必觀治亂之由,及聖賢修己處事

之美。

興劉氏可也。 不可爲也。若劉表子琮將爲曹公所并,取而明必求有成,而取劉璋。聖人寧無成耳,此地之無私心焉,行一不義而得天下不爲。孔地之無私心焉,行一不義而得天下不爲。孔

氣,久不得伸,必沮死不久也。 孔明不死,三年可以取魏,且宣王有英

孔明庶幾禮樂。

乎,起 解 子投閣,失之也。 然聖人明哲保身,亦不至轉身不得處。 西漢儒者有風度,惟董仲舒、毛萇、楊雄。 經未必皆當,然味其言,大概然矣。 荀 而圖之可也。 爽 從 董卓辟,遜 荀 逐角 知不足而强圖之,非 迹避禍,君子亦有之, 度其材,能興 如楊 漢 也。 萇 室

得 降,苞遽戰而殺其母,非也。 母在楚,而使楚質以招陵,陵降可也。 奈何遽戰乎? 生其母 東漢趙苞爲邊郡守,虜奪其母,招 」, 固 不 可。 不得已,身降之可也。 然亦當求所以生母之方, 以君城降 徐庶 王陵 而 以 求 城

説 者謂 ,大概研窮之,二三歲得之,未晚也 義 訓覺,訓人,皆非 訓 宜,禮 訓 别 智訓 也。 知,仁當 當合孔、孟 何 言仁 訓 ?

前 研究其義,六十以前反覆紬繹,六十以後 先生云:「吾四十歲以 前 讀 誦,五 + 以

義禮

智

亦

命 也 著 書 [。]著書不得已。

人思如湧泉,浚之愈新

釋、道所見偏,非不窮深極微也 至

神

動止。 知化,則不得與矣。 先生在經筵時,上服藥,即日就醫官問 天子方幼,建言選宫人四

干以

上者

侍

左右,所以遠紛華、養心性。

《易・無妄》曰:「天下 自有 以天 者,無僞而已,於天性有所損益,則爲僞矣。 者,盡己之性也。 得 理故也。 盡己爲忠、盡物爲信。 處 其大略如此,更須研究之, 盡物者、盡物之性 雷行,物與無妄。」 極言之,則盡 也。 動 則 己

韓文不 在 天 日 命 可漫觀,晚年所見尤高 ·, 在 人曰性,貴賤壽夭命

也,仁

動物 有知,植物無知,其性自異,但賦形

於天地,其理則一。

四端不言信者,既有誠心爲四端,則信

在其中矣。

「充實而有光輝」,所謂修身見於世也。

婚禮執鴈者,取其不再偶爾,非隨陽

亞夫夜半軍擾,直至帳下,堅卧不動,安之物。

聖人無優劣,有則非聖人也。

在其持重也。

主一者謂之敬。一者謂之誠。主則有

意在。

荀氏八龍,豈盡賢者? 但得一二賢子

弟,相薰習皆然耳。

犬吠屠人,世傳有物隨之,非也,此正如

海上鷗爾。

河南程氏遺書第二十四

三七

三八

河南程氏遺書第二十五

伊川先生語十一

暢 潛 道 本胡氏注云:「識者疑其間多非先生語。」

修者,未有能中於理者。

道矣。 也。 始。 也。 天下國家,則所謂末也,終也。 先後,則近道矣。」人之學莫大於知本末終 之。格猶窮也,物猶理也,猶曰 必本諸身,其身不正而能治天下國家者無 窮其 格物者適道之始,欲思格物,則固 「致知在格物」,則所謂本也,始也,治 《大學》曰:「物有本末,事有終始,知 是何也? 理,然後足以致之,不窮 以收其心而不放也。 治天下國家, 窮其理 則 不 已 能 而 近 致 所 已

而致知必有道,故曰「致知在格物」。

可以至聖人。不知格物,而先欲意誠心正身意得而不可以言傳也。自格物而充之,然後之,獨「格物」則曰「物格而後知至」,蓋可以《大學》論「誠意」已下,皆窮其意而明

之也。因物有遷,迷而不知,則天理滅矣,故「致知在格物」,非由外鑠我也,我固有

聖人欲格之。

躬而已矣。反躬在致知,「致知在格物」。得,然後可以至於聖人。君子之學,將以反隨事觀理,而天下之理得矣。天下之理

於誠。學莫大於平心,平莫大於正,正,學貴於自得,得非外也,故曰自得。

莫大

君子之學,在於意必固我既亡之後,而

知者吾之所固有,然不致則不能得之,

復 於喜怒哀樂未發之前 則學之至也

樂其 弗 心 思 放則不知求,豈愛其至輕而忘其至重哉? 皆由不思輕重之分也。 (所當樂, 慕其所不當慕, 不慕其所當 加 心 至 己 矣。 矣。 重,雞犬至輕。 今世之人,樂其所不當樂,不 雞犬放則知求之,

明

有所 所 我以文,約我以禮,欲罷不能,既竭吾才,如 瞻之在前,忽焉在後,夫子循循然善誘人,博 以善學孔子而深知孔子者也。 立 顔淵歎孔子曰: 卓爾、雖欲後之、末由也已。」此顏子 「仰之彌高,鑚之彌堅,

道。 之。」管子曰:「思之思之,又重思之,思之而 也。」此三者,循其言皆可以入道,而荀子、管 不通,鬼神將通之,非鬼神之力也,精神之極 而柔之,使自求之, 厭而飫之,使自 荀子曰: 有學不至而言至者,循其言亦可以 「真積力久則 人。」杜 預 日 趨 人

> 子、杜預初 不能 及此

自其内者得之,而兼於外者,謂之誠。誠與 也。 自其外者學之,而得於内者,謂 之明。

性之知,不假見聞 之,非内也,今之所謂博物多能者是也。 聞見之知,非德性之知。 物交物則 知 德

道; 存其 也。 爲重而天下爲輕。凡盡其所當爲者,如「可 於言語飲食進退與人交接之際 之學,自微而顯,自小而章。 食言語,去就 以仕則仕」,「人則孝」之類是也,此孔子之道 能盡去就之道,則可 誠。」閑邪 能盡飲食言語之道,則可以 蔽焉而有執者,楊、墨之道也 君子不以天下爲重而身爲輕,亦不以身 死生,小大之勢一也。 則 誠 自 存,而 以 盡 《易》曰:「閑 閑 死 其邪者,乃在 而 生之道。 已矣。 盡 去就之 故君子 邪 飲

也。 人而 則亦聖人而已矣。 後已。 孝其所當孝,弟其所當弟,自是而推之, 人皆可 不至 以 至聖人, 於聖人 而君子之學必至 而後已者,皆自棄 於 聖

自然者謂之天,自性之有形者謂之心,自性 如 此,故謂之性善。 君貴明,不貴察,臣貴正,不貴權 多權者害誠,好功者害義,取名者賊心。 稱性之善謂之道,道與性 性之本謂之命,性之 也。 以性之

善

皆道 也 爲仁義禮智信以名之; 以其施之不同 五 一者以 也。 自 而世人皆言性也,道也,與五者異,其亦 性 別之。 舍此 而行,皆善也。 而行,是悖其性也,是悖 合而言之皆道 聖人因其善也,則 ,别而言之亦 也,故 其道

> 道之所存 弗 學 歟 ! 歟 其 亦 未 體 其 性 也 歟 ! 其 亦 不 知

察乎! 異數日之近,人之性則亦大矣。噫! 思之,則千里之遠 自小者,亦可哀也已。 歲之日,其所動 人皆曰吾何能爲聖人,是不自信也。其 道孰爲大? 性爲大。千里之遠,數千 静 在於 起 居 人之性一 目前,數千歲之久 ,隨若亡矣。然 一也,而 世之 亦不 時 無 而

學貴信,信在誠。 自得者所守固,而自信者所. 誠 則信矣,信則誠 行不

不信不立,不誠不行。

事以

制名,故不同若此。

而後之學者,隨文

之有動者謂之情,凡此數者皆一也。

聖人因

析

義,求奇異之説,而去聖人之意遠矣。

凡 其所當爲,則吾之勳業,亦周公之勳業也。 曰 : 人之弗能爲者,聖人弗爲。」 「不然。 或問:「周 君子之學,要其所歸 聖人之所爲,人所當爲 公勳業,人不 而已矣。 可爲 也 也 己。

威 也; 民 民 可 可 明 順 也,不 也,不可强也; 可 愚 也,民 民 可教 可使也,不 也,不可

可欺也。

曾子之「三省」,室欲之道也。 明,則至於天理滅而不知反。故目則欲色, 知,則至於天理滅而不知反。故目則欲色, 知,則至於天理滅而不知反。故目則欲色, 以至鼻則欲香,口則欲味,體則欲 以至鼻則欲香,口則欲味,體則欲 以至鼻則欲香,以,則欲味,體則欲 以至鼻則欲香,以則欲味,體則欲 以至鼻則欲香,以則欲味,體則欲 以之爲不善,欲誘之也。誘之而弗

好勝者滅理,肆欲者亂常。

曰「君子而時中」。 久,可以速則速」,此皆時也,未嘗不合中,故人,可以住則仕,可以止則止,可以久則

皆中節謂之和。」和也者,言感而遂通者也,寂然不動者也。故曰「天下之大本」。「發而「喜怒哀樂之未發謂之中。」中也者,言

故曰「天下之達道」。

者是也。是二者皆無益於身,君子弗學。 何謂不求於本而求於末? 考詳略,採同異本也。不求於本而求於末,非聖人之學也。 中也。不求於本而求於末,非聖人之學也。 學也者,使人求於

君子弗貴也,以所謂學者非學也。正道而之他也。相如、太史遷之才至矣,而墨子之德至矣,而君子弗學也,以其舍

異乎? 乎? 不類乎? 子夏曰:「雖小道,必 之弊。矯時之弊,固若是乎? 也已。」此言異端有可取,而非道之正也。 觀者焉,致遠恐泥。」子曰:「攻乎異端,斯 惠,矯時之弊者也,其有異於聖人乎? 莊子,叛聖人者也,而世之人皆曰 莊周、老聃,其與伯夷、柳 伯夷、 下 柳 惠 有 抑 矯 時 可 類 無 下

將流 能 非,雖有尾生之信,曾參之孝,吾弗貴矣 行之,而 宕而不知反。 君子 以 識不足以知之,則有異端者出,彼 識 爲 本 内不知好惡,外不知 行 次之。 今有 人焉 是 力

於知要。 學莫貴於知言,道莫貴於識時,事 所聞者、所見者外也,不可以 莫貴 動

吾心。

能 而 養之則 無害。」此蓋言浩然之氣至大至剛且直也, 孟子曰:「其爲氣也,至大至剛,以直養 無 害矣。

下之事,非一一而學之,天下之賢才,非一一 而 知之,明其在己而已矣。 伊 尹之耕於有莘,傅説之築於傅巖,天

質者莫之與長 過質。才過德者不祥,名過實者有殃,文過 君子不欲才過德,不欲名過實,不欲文

或問:「 顔子在陋巷,而不改其樂,與貧

> 陋 賤 巷者,處富貴則失乎本心。 而 在 陋 巷者 何 以 異 乎 <u>'</u>? 日 顔 : 子在陋 貧 賤 巷猶 而 在

是, 處富貴猶是。」

者 則盡 也。 事鬼之道。死生人鬼,一而二,二而一 知生之道,則知死之道, 通乎晝夜之道,而 知晝夜 死 盡 生之道 事人之道, 也。

則 順 成章。 積於中, 孔子曰:「有德者必有言。」何也? 英華發於外也。 故言則成文,動 和

貴於當而已矣。政不貴詳,貴於順而已矣。 也,苟擴而充之,化旦晝之所害爲夜氣之所 所宜盡 然後可以至於聖人。 意 學不貴博,貴於正而已矣。 心也。 必 固我既亡之後,必 夜氣之所存者良 有 事 知也, 焉 言不貴多, ,此學者 良能

孟子曰:「盡其心者知其性也,知 其性 存

則知天矣。」心也,性也,天也,非有異也。

事父母。」夫充與不充,皆在我而已。能充之,足以保四海,苟不能充之,不足以能體而用之者,皆自棄也。故孟子曰:「苟人皆有是道,唯君子爲能體而用之。不

非一朝一夕之力也。不變,疾痛慘戚而心不動,●由養之有素也,病,以物不能擾也。故善學者,臨死生而色病,以物不能擾也。故善學者,臨死生而色

無所取,去就猶是,死生猶是,夫是之謂「不正,則雖熱不煩,雖寒不慄,無所怒,無所喜,於正其氣,欲正其氣,莫若正其志。其志既於正其氣,欲正其氣,莫若正其志。其志既心之躁者,不熱而煩,不寒而慄,無所惡心之躁者,不熱而煩,不寒而慄,無所惡

氣正,浩然之氣也。然則養浩然之氣也,乃 志順者氣不逆,氣順志將自正。 志順而

在於「持其志無暴其氣」耳。

與近之説哉?者言之耳。論其極,豈有可離與不可離而遠道也。」又曰:「道不遠人。」此特聖人爲始學道也。」又曰:「道不克人。」此特聖人爲始學

之爲难。 學爲易,知之爲難。知之非難也,體而

得之爲難。

「致曲」者,就其曲而致之也

人人有貴於己者,此其所以「人皆可以

爲堯、舜」。

者,所以未得者,句句而求之,晝誦而味之,唐者,當觀聖人所以至聖人,而吾之所以未至語》、《孟子》既治,則六經可不治而明矣。讀語》、《孟子》既治,則六經可不治而明矣。讀學者當以《論語》、《孟子》爲本。《論

❶ 「戚」,涂刻本作「切」。

中夜 人之意見矣。 而 思之, 平 其心,易其 氣, 闕 其 疑 則 聖

知 夫人之性至大矣,而爲形氣之所役使而不自 也,則有不足之色,其病也,則有可憐之言。 立功名,此皆血氣之盛使之然耳。 哀哉! 人之生也,小則好馳騁弋獵,大則 故 其 好 衰 建

邪」。

誠 而能爲善者也。 吾未見嗇於財而能爲善者也,吾未見不

其亦自賊其性矣。❶ 後覺」,而老子以爲「非以明民,將以愚之」, 君子之學也,「使先知覺後知,使先覺覺

立",立而化之,則可與權 善思,然後可與適道;思 有求爲聖人之志,然後可與共學; 而 有所得,則 學而 可 與

勿 、動」、視、聽、言、動一於禮之謂仁、仁之與 非禮勿視,非禮 勿聽,非禮 勿言,非 禮

> 禮 者乎? 賓,使民如承大祭,己所不欲,勿施於人。] 夫 君子能如是用心,能如是存心,則惡有不仁 非 有 異也。 而 其本可以一言而 孔子告仲弓曰 : 蔽之曰 出 門 如 思 見大

無

矣。 深且遠也,習聞之久也。 然聖人在上而民多善者,以涵泳其教化 無好學之志,則雖有聖人復出,亦 無益

記》,其亦近道矣乎! 最近道,學者深思 《禮記》除《中庸》、《大學》,唯《樂記》爲 自 求之。 其言正 《禮記》之《表

師者何也? 師,以所學者外也。 學者必求其師。記問文章不足以爲人 曰理也,義也。 故求師不可不慎。 所謂

少成若天性,習慣成自然。」雖聖人復

⁰ 矣」,涂刻本作「歟」。

也」、「唯上智與下愚不移」。下愚非性也,不出,不易此言。孔子曰:「性相近也,習相遠

能盡其才也。

也。苟縱其心而不知反,則亦禽獸而已。 君子所以異於禽獸者,以有仁義之性

形易則性易,性非易也,氣使之然也。

强人以不能也,所以防其欲,戒其侈,而使之「禮儀三百,威儀三千」,非絶民之欲而

「多識於鳥獸草木之名」,所以明理也。

人道也。

其能通於此而已。一致,微顯一源。古之君子所謂善學者,以一致,微顯一源。古之君子所謂善學者,以至顯者莫如事,至微者莫如理,而事理

盛德者言傳,文盛者言亦傳。 君子之學貴乎一,一則明,明則有功。

語有序,君子知之而不以爲始也。名數之學,君子學之而不以爲本也。言

焉,一也。
之,以至於孔子者,「自明而誠」也。及其至者,「自誠而明」也。由《鄉黨》之所載而學者,「自誠而明」也。由《鄉黨》之所載而學

能問不能,以多問寡」,顏子所以爲大賢也。「聞善言則拜」,禹所以爲聖人也。「以

後之學者有一善而自足,哀哉!

所以睿,睿所以聖也。不得也。故《書》曰:「思曰睿,睿作聖。」思

爲學之道,必本於思,思則得之,不思則

學以知爲本、取友次之、行次之、言

次之。

信不足以盡誠,猶愛不足以盡仁。

不計其功。|比董子听以度越渚子。| 董仲舒曰:「正其誼,不謀其利;明其

道,不計其功。」此董子所以度越諸子。

堯、舜之爲善,與桀、跖之爲惡,其自信

也。

三 五

三六

而爲五也。 仁而後義,失義而後禮。」則道德仁義禮,分仁而後義,失義而後禮。」則道德仁義禮,分

道一也。任,周公在上而道行,孔子在下而道不行,其武之征伐,伯夷之清,柳下惠之和,伊尹之武之征伐,伯夷之清,柳下惠之和,伊尹之武之征伐,伯夷之。堯、舜之讓,禹之功,湯、

也? 其得易失。 而 得之也。 ,未之有也。」 不深思則不能造於道,不深思而得者, 曰:「以無思無慮而得者,乃 以無思無慮爲不思 然而學者有無思無 慮 一而自 而得 所以 以 2者,何 深思 爲 得

春。 始,死生之説,如是 原之,其必有冬,以冬爲終而反之,其必 死生者,其與是類也。 原始則足以 知 而已矣。 其終,反終則足以 故以 春 爲 始 知 有 其 而

道遠。

「其次致曲」者,學而後知之也,而其成

而不止,此湯、武所以聖也。學,莫害於畫,莫病於自足,莫罪於自棄。學也,與生而知之者不異焉。故君子莫大於

學者爲物,其終至於喪已。「古之學者爲己」,其終至於成物。今之

也。「杞柳」,荀子之説也。「湍水」,楊子之

説

論矣。 與其殺不辜,寧失不經。」異乎後世刻核之罪,賞必當功,而曰:「罪疑惟輕,功疑惟重,無不盡也。然而《書》稱堯、舜,不曰刑必當聖人所知,宜無不至也,聖人所行,宜

自夸者近刑,自喜者不進,自大者去

道無所進退,以其所造者極也。新者必日退,未有不進而不退者。唯聖人之新,日新者日進也。不日

事上之道莫如忠,待下之道莫若恕。

曰 : 「戒慎乎其所不睹,恐懼乎其所不聞。」 中庸》之書,學者之至也,而其始 則

蓋言學者始於誠也。

子,悖聖人者也,故列孟子於十二子,而謂人 混,修其善則爲善人,修其惡則爲惡人。」荀 優柔而不决。其論性則曰:「人之性也善惡 之性惡。性果惡邪? 楊子,無自得者也,故其言蔓衍而不斷, 聖人何能反其性以至

可得而及,其近也亦可得而行。楊子曰: 聖人之言遠如天,近如地。其遠也若不

君子者也。

於斯邪?

聖人之言遠如天,賢人之言近如地。」非也。 或問賈誼。 曰:「誼之言曰『非有孔子、

墨翟之賢」,孔與墨一言之,其識末矣,其亦

不 善學矣。」

必 井田 一,必 封 建,必 肉刑,非聖人之道

> 建而 也。 迹也者,聖人因其一時之利而制之也。 怨。故善學者,得聖人之意而不取其迹也。 使之而民不勞,放肉刑 善治者,放井田 而 行之而民不病,放封 而 用 之而 民不

其學,則烏足貴哉? 將以行之也。學而不能成其學,成而不能行 夫人幼而學之,將欲成之也,既成矣,

邪 ? 邪 ? 兩得之矣,疑則兩失之矣,而未有 待人有道,不疑 雖疑不足以化其心。 疑則己德内損 流而已。 人怨 外生。 使夫人無 使夫人有 故 多疑 不 心 心害我 害我 能 疑

位 吾幼以及人之幼」; 爲大。」唯能親親,故「老吾老以及人之老,幼 曰:「仁者人也,親親 ,能者在職」。 昔者聖人「立人之道曰仁 唯仁與義,盡 唯能 爲大,義者宜也,尊賢 尊賢,故「賢者 人之道;盡 曰義」。 孔子 在

爲

則

之道 ,則謂之聖人。

以誠 雖然,誠者在知道本而誠之耳。 欲爲君子者乎? 人之怨。今小道異端,亦必誠 自棄其志; ●與人不以 無以爲君子。修學不以誠,則學雜,爲事不 ,則事敗,自謀不以誠,則是欺其 學者不可以不誠,不誠無以爲善,不誠 故曰:學者不可以不誠 誠,則是喪其 而 後得,而况 德 心 而 而 增

聖人之道益尊。

噫 ! 然,計其命之窮通,校其身之達否而已矣。 古者卜筮,將以决疑也。今之卜筮則不 亦惑矣。

壽,悲哉 者,受之於天,不可增損加益,而欲服食 世之服食欲壽者,其亦大愚矣。 不思故有惑,不求故無得,不問故不知 夫命 而

見攝生者而問長生,謂之大愚。見卜者

而 問問 吉凶 ,謂之大惑。

子思傳之孟子,孟子死,不得其傳,至孟子而 傳孔子之道者,曾子而已。曾子傳之子思, 孔子没,曾子之道日益光大。 或問性。 曰:「順之則吉,逆之則凶。」

孔子没,

之時者也。」故知《易》者,莫若孟子。 以久則久,可以速則速,孔子也。」「孔子,聖 者,莫若孟子。 征者上伐下也,敵國不相征也。」故知《春秋 秋》作。」「春秋無義戰,彼善於此則有之矣。 曰:「王者之迹熄而《詩》亡,《詩》亡然後《春 孟子曰:「可以仕則仕,可以止則止,可 孟 子

禮之本,出於民之情,聖人因而道之耳。

⁰ 「志」,涂刻本作「忠」。

河南程氏遺書附録

明道先生行狀見《伊川先生文集》。

門人朋友敘述序見《伊川先生文集》。

之度。 學,窮性命之理,率性會道,體道成德,出 然,老儒宿學,皆 孔、孟,從容不勉。 豪勇自奮,不溺 外物豈能遷?」當世先達許其志操。 奇 一作「異」。 泂 嘗賦《酌貪泉》詩,曰:「中心如自固 間 劉 質,明慧驚人,年數歲,即有成 立之曰:「先生幼集有「而 於流俗。 自以爲不及,莫不造門 踰 冠 應應 從汝 書京 南周茂 師 聲 字。 及長, 望 叔 藹 處 問 有

願交。

教之。 科者。 以 教令集無「令」字。 先生爲政、集無「爲政」二字。條教精密,而主之 寧、元豐間,應書者至數百,登科者十餘人。 官晉城,距先生去已十餘年,見民有聚 萬衆,罪入極典者纔一人,然鄉間猶 弟至有恥不犯。 城,其俗朴陋,民不知學,中間 出 「者」字。 而不析異者。 誠心。 守皆禁密大臣,待先生莫不盡禮。 釋褐,主永興軍鄠縣 朝夕督厲,誘進學者,風 先生擇其秀異,爲置學舍糧具,聚 也。 晉城之民,被服先生之化,暴桀子 其誠心感人如 問其所以,云守程公之化集有 爲深恥。 迄先生去,三年間,編户數 簿。 熙寧七年,立之得 此 幾百 永興 靡日盛。 年,無 帥 以 爲令晉 府 不 П 了, 其 衆 遵 熙 而

薦爲御史,神宗召對,問所以爲御史。

憤肆 公執 君相。 歎賞,以爲得御史體。 臣 對 荆公方怒言者,厲色待之。 爲之愧屈善談。 下之事,非一家私議,願公平氣以聽。」荆公 揚己矜衆,吾所不爲。」嘗被旨赴中堂議 掇拾 曰:「使臣拾 駡,無所不至者。 政,議法改令。 臣下 疏入輒削藁,不以示子 短長,以 遺 補 闕, 言者攻之甚力,至有 沽直名,則不能。」 先生獨以 神宗厲精求治,王 裨 費 先生徐曰: 朝廷, 姪。常曰: 至 則 一誠,開 可 神 ; 天 事 納 荊 宗 發 使

所欲。 大從之講學者,日夕盈門,虚往實歸,人得失經術通明,義理精微,樂告不倦。士大先生經術通明,義理精微,樂告不倦。士大便養。歸洛,從容親庭,日以讀書勸學爲事。

南還 先 生在 至 集無 御史,有 「未至」二字。 南 士游 而 執政 附 會之説 門者、 先 方自 布

> 異論。 親乞汝州監 都 進,乃抗章,言先生新法之初,集作「行」。首爲 先生被命判武學,其人已位通顯,懼先 人爲先生歎息,而先生處之恪勤 下,且其人素議 先生笑曰: 局。 先生高才遠業,淪 虧 「是豈誣我邪?」復 闕,先生奏言 匪 其 懈, 屈卑亢, 行。 以便 生復

民以其出處,卜時隆污。聞訃之日,識與不之,未赴闕,得疾以終。先生有天下重望,士

執事安得不謹

今皇帝即位,以宗正丞召。

朝廷方且

用

識,莫不隕涕。

鮮 穢 作「得」。 夫始知所向。 知入德。 ,開示本原,聖人之庭户曉然可入,學士大 ,况堂奥乎 自孟軻没,聖學失傳,學者穿鑿妄作,不 造其 先生傑然自立於千載之後,芟闢榛 ? 藩 然高 閾 集 才世希,集作「希世」。 作 闡 者 蓋 集無 「蓋」字。 集

易多 邪 而 導誘掖,惟恐其不至。 賢不肖,皆使之集無「之」字。 嘗見其一有「有」字。 生,莫不感悦 氣不復 自有畦畛。 善,咨嗟奬勞,惟恐其不篤。 恕,終日怡悦。 先 生 萌 德 於 性 而 胸 充 望其容色, 中。 化服。 完 忿厲之容。 粹 立之從先 風 故雖桀傲 和 格高邁,不 之 聽其言教 款曲 氣 生三十 接 人有不 盎 自 人温 不恭,見先 於 盡 ,則放心 事標飾 面 -及,開 -年,未 然, 背 聞 無 人 樂

期 先 後 育 盡 生以足 ?,至無貲以 及己子。 誨 其 導,期 歡 太中公告老而歸,家素清窶,僦居 禄養,族大食衆,菽粟僅足,而老幼各 中 於成· 外幼孤 食無 遣 人。 重 窮無託者,皆收養之,撫 肉, 嫁女娶婦,皆先 衣 無 兼 副 女 孤 洛城 長 遺 過 而

戴之如父母。立之嘗問先生以臨民,曰:先生達於從政,以仁愛爲本,故所至,民

問 不肖,佩服先生之訓,不敢忘怠。 使 御史,曰:「正己以集無」以 民 集作「人」。 各 得 輸 其 情 字。 集 有「又嘗」二 格物。」 集作「忽」。 雖 一字。 愚

惜哉. 則憂形顔色。 康之意,其言感激動 所,見民疾苦,如在諸己。 不用於時,然至誠在天下,惟 人,時命不會如 先生抱經濟大器,有開物成 嘗論 此, 所 美志不 人。 以 致君堯、舜,措俗成、 千五百年,一 聞朝廷興作小失, 行,利澤不 恐 物 務之才, 不得 生斯 施 其 雖

生兄弟 先人高 恥 「情」字。 末 世俗 集無此上四十三字。 立之家集無「家」字。 薄 取 爽有 好 尤 以 朋友道衰,聞先生之風,宜有 歸, 密。 奇 操,集無 教養視子姪,卒立其門户。 先人早世,立之方 此 與先生有累 上五 字。 與 數 先 世 歲 生 乏 集有 。 先 愧

立之從先生最久,聞先生教最多,得先

生行 誼 號 朔 及知者,大懼堙没不傳,以爲門人羞,輒書所 作「悉」。 派推裂 (陲,不得 ,天下莫不 事 肝 一言一行,足以 最 膈 與於行服之列、哭泣之哀,承 集無 聞,至於集作「乎」。 集無此上二十七字。 此 「最」字。 垂法來世,而人所 詳。 先 委曲 先生大節 生終, 纖 細 計 繫 集 不 高 悲 官

知

,以備採

摭

也。 殖 之學,以誠爲本。 速 無間,純亦不已者,其在兹乎! 之運行,陰陽之變化,所以然者,誠而已。 軻 也 察乎地 一,所以 天 久矣。 死 聖 而 沛國朱光庭曰: 地之所 人自 不 然者,誠 廣 自子思筆之於書,其後孟軻倡之。 得其傳,退之之言信矣。 博持載, 誠 以 ൬ 位 而已。 明,其静也淵停,其 仰觀乎天,清明穹窿,日月 ,萬物之所 Щ 嗚呼! 川之融結,草木之蕃 人居天地之中,参合 以 道之不明不行 育,何 蓋誠者 大抵先生 莫 動 天德 由 也 俯 斯 神

> 道 也?

胸中。 毫釐,權之不失輕重。 以爲高,學際三才而不自以爲足,行 聖人之誠、孰能與於斯? 忘,修身慎行則不愧於集無「於」字。 本於誠。 德,雖天資穎徹 不足以動其心,真可謂大丈夫者。 於六經之奧義,百家之異說,研 政愛民則 友於兄弟則綽綽有裕,信於朋友 所得之深,所養之厚,能至於是 不自以爲異,識照古今而不自 先生得聖人之誠者也,自始學至於成 天下之事雖萬變交於前,而燭之不失 故 如保乎集無「乎」字。 推 而 ()絶出 事親 則 等夷,然卓然之見,一 凡貧賤富 誠 才周萬 孝,事君則誠 赤子。 窮搜抉,判 以 貴死生,皆 歟 集有 則久要不 物 爲 屋漏 貫 非 得 而 「與」字 神 得 不 忠, 然 明 白 夫 臨 至

而

德豈 小 嗚 呼! 補 哉 ? 天之生斯 方當聖政 人,使之平治天 Ħ 新,賢者彙進 下 ·, 功

非

澤天下 間 其 甚 將 軻 見而 以 矣。 補 以 助 來,千有餘歲 斯 知之,尚能似之,先生爲不亡矣。 ,然而以斯道倡之於人,亦已較著,其 天地之功,可 孔 道 覺 子曰:「朝 斯 民 ,先王大道得先生而後傳 而 謂盛矣。 聞 天 道,夕死 奪 之 速 雖不得高 可 可 矣。」自 謂 不 幸 位 以 之

子,所 益遠 其 剛 思 學,初見先生於磁州。 索,集有「微」字。 接人,和 眉 河 謂完人者,若先生是已。 目清峻,語聲鏗然。 恕蓋始恍然自失,而知天下有 間 邢 以 氏恕 有 妙造 容,其斷義,剛 曰 : 先生德性絕人,外和 看義; 其氣貌,清 恕早從先生之弟 其言近,而 而 明 不 成 夷 犯, 德 粹 測之 君 其 ; 内

之從政,其視 州 人,雖爲郡僚佐,又止歲餘而去,至使田 ,問村民,莫不 先生爲澶州幕官 民 如 稱先 子,憂公如 生,咨嗟歎息。 ,歲餘罷歸。 家。 其 恕後 誠 蓋 父野 先 過 心 感 生 澶

> 何 郡 |哉? 皆 又 知 如 其 何 姓 哉 ? 名 又 使 稱 先 歎 生 其 行 賢 乎 天 使 先 下 ', 又 生 爲 如

卑, 筦庫 苟 皆宗師之,講道勸 之際,有以自 不 惑, 間里士大夫皆高仰之, 樂從之游, 人之區藪。 黄憲、劉迅之徒不足道 必合集作「由」。 知名 心醉斂袵 而名益高 以爲養。 既 不 有 用 識,必造其門,虚 在仕者皆慕化之,從之質 於 而 於天下。 乎 養其渾 誠服 居洛 朝 規 廷,而 義,行李之往來過 矩 幾十年,玩心於道德性 準 於是先生身益退 浩 也。 以 繩 冲 奉親 而 融, 洛實别都 蓋 往,實而 之故 真 加 集無 顔 氏 禄 而 洛者 歸, 之流 學 乃士 疑 位益 仕 土 解 於

「凡」字。 君實以 今皇帝 爲 政 門 事 之利 即位、太皇太 下侍郎,用吕公晦 者存,害者去 后 同 聽 叔 復 爲 斷 起 尚 司 凡集 馬 左 無

將 嗟,爲朝廷惜,士大夫下至布衣諸生聞之, 派 莫不相弔,以 前 大集作「白」。 先 生亦 爲哲 用之。 以宗正 人云亡也。 **訃至京師** 丞 召。 執 政 ,諸公人人歎 日 須其 來,

枉 十有七年。 謂 操 極 下 古 悉,上下與天地同流,其化之如時雨者,先生 舜、三代帝王之治,其所以包涵博大,悠遠纖 下固已晏然。 防戍城寨斥堠控帶之要,靡不究知, 其吏事 左右内外,用之無不宜。蓋其所知,上極堯、 ,資人材以成治功之時,如先生之材,大小 ; 通 决 至行師 已默而識之,至於興造禮樂,制度文爲, 外之夷狄情狀,山 嗚呼 儒 文 法 全才矣。 簿 用兵,戰陣之法,無所不講 今太母制政下令,不出房闥,天 書,又皆精密詳練。 惟先生以直道言事不合,去國 方大講求政事之得失,救偏矯 而 所 有 川道路之險易,邊鄙 不 試 【其萬 若先生,可 一,又不 ,皆造其 究

> 於高 年,此 有志之士所以 慟 哭 而 流 涕 也

内直 之政可達於天下,一邑者天下之式也 害,所欲必得。 政,視民 去久集無「久」字。 可 廷,與道行止,主於忠信,不崇虚名。 外方。 以 成 都 必至,●勇於力行,不爲空文。 如子,慘怛教愛,出於至誠,建利除 范祖 其學,本於誠意正心,以聖賢之 禹 故先生所至,民賴之如父母 而思之不忘。 曰: 先生爲 人,清明端潔 先生嘗言,縣 其 其爲

朝

學

析 館 志 行鄉黨。 集 無「餘」字。 爲枝 有不遠 ,賙贍族人必 先生以親老,求爲閒官,居洛陽殆十餘 詞 家貧,疏食或不 要其用在己而 千里 年,與弟伊 盡其力。 耐 至者。]1] 士之從學者不絕 明於知天。 先生講學於家,化 繼,而事 先生於經 親 不不 其教 務 養其 務 解 於

0 學」,涂 刻 本作 一道 時 亡,上自公卿,下至閭巷士民,莫不哀之,曰 師也。 天下日望先生入朝,以爲且大用。 而 之者無窮,從容以應之,其出愈新,真學者之 奥,一天地之理 智自得,去聖人千有餘歲,發其關鍵,直睹 心 氣和,志定而言厲,望之可畏,即之可親,叩 而《中庸》之學不傳,後世之士不循其本 曰 不幸也,其命矣夫 人常以其出處爲時之通塞。 於末,故不可與入堯、舜之道。 非 成就人才,於時爲多。 孔子之道 ,盡事物之變。 不可 學 也。」蓋 既除宗正丞, 雖久去朝廷, 故其貌 自 先生以 及聞 孟 子 肅 而 没 其 堂 獨 用 而

書行狀後

游酢

遠圖,進退之大節,伊川季先生與門人高弟建安游酢曰:先生道德之高致,經綸之

録云。 既論其實矣,酢復何言? 謹拾其遺事,備採

然猶 也。 憤不啓,不悱不發,則師資勢隔,而 久矣,人善其所習,自謂至足,必欲 疑,使内外動静,道通爲一,讀其書可考而知 益之意,懇懇如不及,逮先生之官,猶以 事 聞 易與耳,故從之游者,多能道邊事。 其才,謂提騎卒數萬,可横行匈奴,視叛羌 明 屑與之言。先生謂之曰:「道之不明於天下 扈,以「定性未能 雖復多聞,不務畜德,徒善口 於道。其視先生雖外兄弟之子,而 先生論議,乃歸謝其徒,盡棄其舊學, 誠 其後子厚學成德尊,識者謂與孟子比 秘其學,不多爲 夫子張子厚友而師之。 先生生而 有妙質,聞道甚早。 不動」致問。 人講之。 。子厚 耳而 其 先 生 意若曰: 少時 如 先王之道 已。」故不 年逾冠 既 爲 虚 孔 書抵 門不 破 心 以 而 白喜 求 爲 其 從 得

擢爲御史,睿眷甚渥,亟 可馴致。」子厚 志有淺深, 今之 時, 並 且. 推 用其言 亦 當 其 各有得焉 隨 所 承德音,所 其 「故關 自 資 先 而 # 中 誘 而 奴 以 中,暢於 無父母妻子,同 金 忠信 持 詣 物 京 故 師貿用物,計金之數可 如 四支,見之者信慕,事 期 人亦 而 歸 不忍欺之。 列聞之,莫不 衆始歎 服 嘗 駭且 當二 自

怖 之裕 灑 散,部伍猶肅 先生以師 常先期畢事。 御 與賤者同 萬 然 蓋,時所巡行,衆莫測其至, 先生 如 如 夫競起,姦 也 在 起 少長 律處之,遂訖去無譁 塵 居 嘗董役,雖祁寒烈 外 整如常。 親 飲食,人不堪其 異時. 宜不 闡 人 ,視之如 夫伍 乘 能勞苦。 虚 ,中夜多 爲 盗 傷, 者 者。 后,不 故 難 及 又 了, 不 ·譁,一 遇 ,而先生 人自致力, 氣象 及役罷夫 可勝 事 擁裘,不 清 夫或 則 數。 越 伍

文身,自 初 至 號能 鄠 有監 殺 酒税者 衆皆憚之, 以 賄 雖 播 監 聞 然怙 司 州 力

生平生與 人交,無隱情,雖 強健 必 託

者

1,猶可

得

而

議

也。

乃若伯淳,則如美玉然

反

復視之,表

裹洞

徹,莫見

施瑕

同

然

心慕

其爲

人,當

語

人

日

一一一他

人之賢

執

政辭遂

屈。

是

時

有

同

在臺

列者,志未

必

作淫

巧以蕩上心,所傷多矣,公之言非

是。」

學,唯當務爲急,辭

命非

·所先·

也。」神宗爲之

動

顔。

會同天節宮嬪争獻奇巧,

爲天子壽

先生既言於朝

、又顧

謂

執政

成戒之。

執政

日

宫嬪實爲,非上意也,庸

何傷?」先

生

日

獻

納必據經術,

事常辨於早而

戒

於漸

抵

類此

之者革心,大

蓋

誠

心

發

於

誚

既

而

澶

淵

遣

奴

持

一百千。

奴

日

神宗

縱言及

於辭

命。

先

生日:

「人主之

發之也。

學者躬行之多,與洛

之,雖識

有

暗

明,

堯、舜之道

庶

或

幾

乎

熄

矣。

趣

爲 卒以善去。 子使必成其美,又大抵類此 始習爲常。 甚悉,其人從之,至今遂爲定令,而天下縉 將發之。某勢窮,必殺人。」言未訖,先生 未 能殺人?」其人默不敢言,後亦私 禄,詎肯爲盗? 安,輒爲言曰 嫡 "「人之爲言,一至於此! 敢 孫,未果承重。 發 先 州從事有既 蓋先生御 生至 「外人謂某自盗官錢,新 一,將 萬一有之,將救死不暇 與 先生爲推典法意,告之 小人使不麗於法 之同 孤 而 事 遭 足下 祖 其 償其所盗 母喪者 人 食君 心 助 主 不 「, 身 安 突 之 君 紳 簿 自

教 衣 茹其 士大夫多棄官從之學,朝見而夕歸,飲 幽之操,確乎如石 御冬,累 ,要出於爲己。 、實,既久而不能去。 其徒有貧者,以單 先生雖不用,而未嘗一日忘朝廷。 年 而 志 胸 不 而 士之游其門者,所學皆 變,身不屈。 中之氣冲 如也。 蓋 先 其和, 所至 然久 生 之

> 倀 詠昔人之糟粕,而身不與焉,及措之事業, 以治國平天下。 理,愿者有立志,●可以修身,可以齊家, 仕 心 然無 到 者忘爵禄,魯重者敏,謹 自 據 得 無 而 已也。 求 於 非若世之士,妄意空無,追 外 以 故 甚 細者裕 貧 者 忘 ,强者無 飢 寒, 則 口 拂 已

明,萬 夫 ! 呼 慮 體 者謂先生行且大用 見其形 ! ,默契於 敷 ! 歟 方朝 ! 物覆焉; 道之行與廢,果非人力所能 哭而爲之贊曰:天地之心, ", 非 陽自 天地之化,其太和之運 廷 此 以 圖 其 此舒,陰自此凝,消 歟 任 隤然博厚,萬物載焉,非 和 真 歟 (儒,以 不 矣。 然,何穆穆不已,渾 夫子之德 不幸而 惠天下,天下有 敷 先 以,其融 息滿 其太一之 爲 生 卒。 也。 確 虚,莫 心滌 然 以 渾 其 高 悲 鳴 識

[「]愿」,涂刻本作「懦」。

歟 乎 無 涯 -1 9 孰 而 百世之下,有想 謂 能 此 言之士,莫足以 道 未施 此 見 民未 夫子而 頌 覺 其 不可 而先覺者 美 歟 得者,亦 1 逝 嗟

哀詞

能

觀

諸天地之際歟

吕大臨

經,以 之學 行。 流 玩於腐儒諷誦之餘,隱於百姓日用之末。反 風 斷 異端 己,則罔然無得,施之於天下,則若 善政,泯 嗚 人儀章 呼 絶 争衡,猶不與此 -度數爲能 而 没 不 去聖遠矣,斯文喪矣。 得 而 聞。 不可 盡 見; 以章句 一儒術。 明 師 訓詁爲能 使聖人之道 賢弟子 先王之 傳授 不 窮遺 可

小官有所不

膚

然 强 心 識 ,躬行力究。 先生負特立之才,知《大學》之要,博 洞 見 道 體 察倫 其 造於約 明 物,極 也 其 雖 所 止 事變之 涣 聞

> 病,不 感不一 衆 可 成 並立而不能移,聖人復起 也,吾志可行,不苟潔其去就, 至,不欲以 弗之措也。 慢也。 也, ,知反之吾身而 欲以 和 知 知 氣充浹,見於聲容,然望之崇深,不 遇 應以 事優爲,從容不迫,然誠心懇惻 其自任之重 善成名。 時 是心 之利爲 自 而 足。 寧以一 不 己功。 也 而不與易。 窮。 其 致 寧學聖人而 物不被澤爲 雖天下之理 於 吾義所安, 其 自 也,異 信 其養之 之篤 至 雖 己 未

皆以 也。 也。 也。 智自得,合乎天,契乎先聖者,不 斯文也。 所自得者名先生之德,先生之德未易名 元豐八年六月,明道先 先生之德,可形容者,猶 使學不卒傳,志不卒行,至於此極 夫位 一天地,育萬物者,道也。 振已墜之文,達未行之道者,先 生卒。 可道 傳斯 미 門人 也 得 1者,天 道 學 其 而 道 獨

也,亦各伸其志爾。汲郡呂大臨書。

明道先生墓表见《伊川先生文集》。

伊川先生年譜

見 鄰 好 時 功,且乞召對,面陳 王 道 高 道生於明道元年壬申,伊川生於明道二年癸酉。 ,處以 何學論》試諸生。 海陵胡翼之先生方主教導,嘗以《顏子所 |道爲心,生靈爲念,黜世俗之論 同 識 齋,首以 .受業於舂陵周茂叔先 非禮 皇祐二年,年十八,上書闕下,勸仁宗以 先 生名 學 職。 師 不 頤 禮事焉。 動。 了, 字 見《文集》。 見《語 正 所學。 得先生所試,大驚 叔 録 既 吕 明 而 生。 不報,間 希哲原明與先 道 年 四 $\dot{+}$ 先 方之士,從 見哲宗、徽宗《實 生之 四 ,期非常之 五. 游太學。 一,與明 弟 即 幼有 也。 游 生 延

> 恩,輒 術,通古今治亂之要,實有經世濟物之才,非同 間 者日 父表弟張載暨弟頤爲稱首。」 徒有偏長。 臣 年,已與殿試,自後绝意進取,往來太學,諸生願得以爲 省進士程頤,年三十四,有特立之操,出群之資。 先生之居,敦請爲太學正。 廷 《明道行狀》云:「神宗嘗使推擇人材,先生所薦數十人,以 雜記》: 文集》。 方領國子監,親往敦請,卒不能屈。 近 試 益 報罷,遂 臣 推 「治平三年九月,公知蔡州,將行,言曰:『伏見南 又按《吕申公家傳》云:「公判太學,命 衆。 與 屢 使在朝廷,必 薦 族 见《吕 ; 自 人。見《涪陵記善録》。 不 ·復試。 氏童蒙訓》。 以爲學不足,不願 爲國器 先生固辭,公即命駕過之。」 太中公屢當得 伏望 舉 進 臣嘗與之語 特 士 以 治平、 不 嘉祐 仕 拘 次 衆博 旌 士 洞明 也 嘉 熙 任 用。」 曲 四 士 祐 師 子 寧 年 見 又 即 四

與呂申公同薦劄子曰:「臣等切見河南處士程頤,力學好上其行義於朝。見哲宗、徽宗《實録》。按:《温公集》光,尚書左丞吕公公著,及西京留守韓公絳,元豐八年,哲宗嗣位。門下侍郎司馬公

古今而 真儒 古,安貧守節 不 有 真 未 宗 筵 藴 德 擇,仁義在躬 立不倚之風; 諫官朱光庭又言, 言乎德,則并 道。」又謂: 於式士類,裨益風 總。 制 得 必 時 ,足以發揚聖訓; ,達當世之務,乃天民之先覺,聖代之真儒。 ,啓道天聰, 禮 聖人之傳,致思力行 能過之。 起陳摶、 者之高蹈, 作樂之具。 是以聖人之道,至此 無 「頤以言乎道,則貫徹三 物之不知; 包衆 种放,高風素節,聞於天下。 而 ,言必忠 識 頤之道 不矜。 聖世之逸民。 慮明徹 正君 頤 美而無 乞訪 兼掌學校,足以丕變斯文。」又論: 化。」又按:《胡文定公文集》云: 道德純 信, 心,爲天下福。」又謂: ,則有摶、 若用 以 至 問 動 言乎 非 而傳。 其至言至論,所以平治天下之 知幾其神之妙; 備,學問淵博,材質勁正,有 遵 善之或遺 斯 伏望特加召命,擢以不 禮 才 放所不及知者。 人,俾當勸講 日之積, 義,年 則開 一才而 况當天子進學之初,若 物 逾 以 無 有經天緯地之才, 五 揆頤之賢,摶、 成 言乎學,則 十,不 言行相 務 毫之或間; 頤 必 俾之日 而 觀其所學 究先 無 能 求 輔 顧 一是 次,足 仕 理 博 侍 王 養 而 祖 進 放 聖 之 通 以 經 之 無 中 時

練 推 官 西 京 或 子 監 教授。 見《實録》。 先 生

專

俾真儒

得專經

席

,豈不盛哉

! 十 一

月丁巳,授

汝

州

新

聖

再 辭 尋召 赴闕

見程

以

爲陛下 故事。 書郎。 之要,陛下至明,遂可自觀其人。 尚有以爲陛下言者。 優禮高賢,而使天下之人歸心於盛德也。 臣願陛下加所以待之之禮,擇所以處之之方,而 何,①處之者當否, 下,四方俊乂,莫不翹首 以德名顯於時。 而潛神積慮之功深,静而閱天下之義理者多,必 士,皆將 「臣伏聞聖恩特除程頤京官,仍與校書郎 頭,學極聖人之精微,行至君子之純 聽 盡其用 兀 此 相 今臣 先生 祐元 臣 招 所以 而 ,則所得不獨頤 爲朝廷 辭 年三月, 未 陛下復起頤而用之,頤 品 日 而將議 得 品 願陛下一召見之,試 而 人見,未敢 出 矣。」除 進 向風, 焉。 神宗時,布 至 頤 京 則陛下此舉, 以 人而 臣以頤: 然 宣 観朝 師。 非 德 已,四 爲 祗 廷 趣召以 頤 抱道 王 郎 粹,早與其兄 衣被 命。」王巖 以 所 也 然臣區區 巖 海潛 繫天下之心。 欲 ,足以見陛 以 叟奏云: 養德之日 秘 召 言,問 來,待 待 使高 成陛下 有嘉言以 光隱德 書 之者 一之誠 自 省 爲國 賢 叟 詔 顥 校 奏 伏 下 之 得 如 俱

云

0 待 原 誤 作 「侍」,據四 庫 本《二 程 遺 書 改

疏論 郎 之而不 出 主 以 上在 言接 皆選老成厚重之人,不使侈靡之物、淺俗之 備講 始受 美耳。 辭。」劄子三道,見《文集》。 后 一若言 氣質,薫陶 處 充崇 尊 隨 ,以上富於春秋,輔養爲急,宜選賢德,以 面 先生辭卑居尊,未 語 官,因 於耳 儒 宫中動息,以 西 事 默之 喻 陛下 悔 可 政 規諫 監 重道之心,寅 行,敢 授受之間 將 際,其 殿 目 之命。 德性 見 使陪侍 以 説 ,仍置經筵 而 爲 義 書。 後 其三,請令講官坐講 不就職 固 崇 (命之以 兩得之矣。」於是召對。 被命 且 己 語講官,其 其二,請上 宿 政 見《實録》。 精 直 上 殿 而先論事 畏 矣。 官, 又按:《劉忠肅公文集》有 ? 奏,論 陳 祗應. 説 祗懼之德。 則頤 既 如 書。 説道 而 不可 爲非是、蓋 内 當 或 先 左右内侍宫人, 經筵 命 先生 之而 臣 義 生再 小 下 用 十人, 有違失,得 ,所以涵 無 三事: 以以 一辭不 愧,陛下 辭 以 不 太皇太 願 而 -知先 使伺 養人 而 通 聽 日 獲, 其 後 直 其 養 生 章 與

受命。

賓吏師 先生,謂不宜使在朝廷。」 學,教人以經,三舍科條固已 《文集》。舊《實録》云:「禮部 文,以 官召 殊非 《文集》。 延天下道德之士; 鐫解 大概以爲 貳,看詳國子監條 導少主,不宜疎 一殿問 而教之,更不考定高下; 教養之道,請改試爲課,有 四 專委任; 月,例 起居, 齋, Ŧi. 學校 月, 立觀 因 以 差 禮義 勵 略 暑 得 光 同 如 熱 行 制。 法, 從 相 孫 此。 深罷講。 檢, 容]精密 覺、 先之地, 尚 如是 見《實録》。 額,以 納 以 書胡宗 乞令講官以六參日 一, 宜 顧 誨 者 厚 以以 先生奏言: 臨 切 風 去 亦 制 愈 所 而 仍舊 及 和誘; 教 ; 輔 謂 數 尊賢 先 月 未 或 先 上德 生 使 至 帝 子 及 因 一所定, 條 之争, 堂 ,則學 聚 是 監 置 省 一,以 士 深 待 繁 輔 長 見 見 詆 以

爲宗社生靈長久之計,惟是輔養上德;而輔六月,上疏太皇太后,言今日至大至急,

説 養 上 之意。 之道 習業。 義 講 日 離 理,仍選臣 `,直至中秋,不接儒臣,殆非古人旦夕承 正 非非 講 謂 月. 徒 解 乃 以 俟 涉書史,覽古今而已, 釋 口 邇英 初 僚家 數 以 秋 行,爲益 涵 迫隘暑熱,恐於上 即 十一二歲子弟三人, 養薰陶,成就 令講官輪 既 少。 日 又 聖 要使 人 自 德 侍 一體 建 Щ 非 侍 陳 月 步 今

間

不

罷

弼

懌 於后 太皇 宜 罷 上 史官入侍,餘日講於延和殿 之,使得積誠 達,所繫尤 而 請 德,未必 太 講 自今,一 后 日 時 字. 大。 無補,且 臣 臨之。 月 再 意 史官皆 以 又講 講 感上 使講 不惟 於崇 讀官 入,使上不 心。 省 官欲有 ,則後 例兼 政殿,然 察主 皆不報 他 :所言 楹 E · 得 職 垂簾 進業,其 後 舒 易 請 宰 泰 而 悦 以 臣 亦

且言人 受。 八談道 見《文集》。 月,差兼 德 出 判 楊 時 領 登 日 訴 聞 訟 鼓 事 道與 院。 非 用 禄 先生引 人之體 仕 不 同 再 前 常 夷 説 辭 甫

> 足以 以 辭,人亦不以爲是也。」 辭受取舍,人鮮知之。 則 夷 甫 布 固 行道乃可受,不然是苟禄也。 解。 衣人朝 切受之。 蓋 前日 神 宗 及伊 所 欲優其禄,令兼數 以 JII 不 故常公之受,人不以 仕 先生爲講官,朝 者爲道 也,則 然後世 高, 如 今日 廷 鼓院 爲非 道 亦 學不 之仕,須 欲 使 染院之類 前 明 先 他職 君子 生之 其

英閣。 説 非 宗始就邇 暑 時 主 請 給 遂矣。 事 上知見。 若臨之意也。 熱,乞就崇政、延 召講官至簾前 而 中顧 二年,又上疏 不知尊君之道。 先生 英,而 臨 然 臣 復 祖 以殿上講讀爲不 職 上 宗 講官立侍,蓋 問問 當輔導,不 以 疏,以爲 今臨之意,不 論 來 和 上 延 並 殿 進 若以 和 學次第。 是 修 或 講 得不辨。 其 讀 殿 展 他 從 可,有旨修展 、言爲 垂 Ŀ 邇英,則 寬 過 凉 簾 坐 時之便耳 以 又奏邇 處講 是 講 事 尊 君 自 臣 則 且 讀 爲 所 濔 英 7

思存 誠 先 生在 冀 以 經筵 感 (海當 動 上 意。 進 講、必宿 見《文集》。 齋 預 而 戒 其 潛 爲

失?」 先 問 終 於此 見胡 貧賤。 得 貌 食瓢 日 義,乃復言曰:「陋巷之士,仁義 非 日 説 魯君用 不爲富貴所移? 不恭。 先 日 極 就 有 當講「顏子不改其樂」章。 常常 氏《論 生 莊。 不 醫 盡 飲 人君事也,將何以爲説。 不知者或誚其委曲已甚。 於 官 人主崇高,奉養備極,苟不知學,安能 捨 懈,上雖喻以少休,不去也。 心竭力,而於何所乎?」上或服藥,即 曰 語 生日 文義之外,反復 吾 以· _: _ 問 如此 季氏,魯國之蠧 時文潞公以太師平章重事 詳 起 説 君之嚴 布衣 ,非後世之監乎?」聞者歎服, 居,見《語録》。 潞 ᅦ 且顔子,王佐之才也 公四 哲宗 職輔導,亦不敢不自 視路 推 朝大臣,事幼主,不 亦常首肯之。 也,而 明 公之恭,孰 然 ,歸之人主。 門人或疑 及講 入侍之際,容 先生曰:「不 富於周 在 躬, 既 ,或侍立 人或 可能 見《文 爲 此 忘 畢 公。 重 以 其 章 文 得

> 水, 此 曰:「然,誠恐傷之耳。」先生曰: 也 __ 心 必 以及四 見《邵 避 螻 氏闻 蟻,因 海,則天下幸甚。」見《語録 見録》。● 請 之日 嘗 聞 1:「有 上 在 宫中 是 願陛下 乎?」上 起 行 推 潄

四

四

字,中 枝。 避。」見《語録》。 折。」上不悦。見馬永卿所編《劉諫議 成之,不可以不戒。 臣下尊之過甚而驕心生爾。 生講罷,進言曰:「人主之勢,不患不尊, 「温公聞之亦不悦。」或 先生進 人以黄覆之,曰:「上藩 日 講罷 曰:「方 時神宗之喪未除,而 未退,上 日 : 請自今舊名嫌名皆 「恐無: 春 發生,不可 忽起 此 事。」所 此皆近習輩 邸 憑 語録》。 嫌 檻 講 百官 名 無 0 戲 書 也 且云: こと先 故 析 有 以 勿 冬 養 患 容 摧 柳

^{● 「}聞見」,原誤作「見聞」,今正。

❷ 「卿」,原作「鄉」,據陳刻本、涂刻本改。

是,同朝之士有以

文章名世者,疾之如讐,

與

生亦以天下自

任,論

議

褒貶,

無所

顧

避

由

而

真侍講也。」一

時

人

問之,先生曰:「某起於草萊,三辭 諫。」在職累月,不言禄,吏亦弗致,既 諸公入侍經筵,聞先生講説,退,相與歎曰 知之,俾户部特給焉。又不爲妻求 :「吾平生不啜茶,亦不識畫。」竟不往。 或云:「恐無此事。」文潞公嘗與吕、 先生言節序變遷, 今特設宴,是喜之也。」見《文 以金製水桶,問之,曰:「崇 除喪,有司又將 「若上所御,則吾不 士歸其 封乎?」見《語録》。 「除喪 講官啜 而 、門者甚盛, 茶 時 用 以 、觀畫。 吉禮 思 開 不 邑 方 樂 封。 獲 而 一, 則 切 致 先 諸 敢 經 而 宴。 范 生 筵 慶 請 先 後 或 公 因 見 不 好 録》云: 馬光。 《吕申公家傳》及先生之子端中所撰《集序》。 肉爲非是,議爲素食,衆多不從。 輪爲食會,皆用肉食矣。 例,行香齋筵,兩制以 遂以鄙語戲程頤,衆皆大笑。 了,却往弔喪?」坐客有難之曰:「子於是日哭則不歌,即 御史吕陶言: 公掞輩銜之,遂立敵矣。 食,遂具蔬饌。 范醇夫輩食素,秦、黄輩食肉。 又鮮 日,喪之餘也。」子瞻令具肉食,曰:『爲劉氏者左袒。』於是 不言歌則不哭。 奏狀亦自云:「臣素疾程某之姦、未嘗假以辭色。」又按: 其黨類 、佛,胡爲食素?』先生曰:「禮,居喪不飲酒,不食肉。 是時,程頤言曰: 「國忌行香,伊川令供素饌。 巧 爲詆謗。 「明堂降赦、臣僚稱賀訖、而兩省官欲往奠司 内翰蘇子瞻因以 今已賀赦了,却往弔喪,於禮無害。」蘇軾 上及臺諫官並設蔬 元祐 「子於是日哭則不歌,豈可賀赦 是後蔬饌 見《龜 結怨之端,蓋自此始。」又《語 初,崇政殿 鄙 山 亦不 一日,門人范 語 語 于綽 子瞻詰之曰:「正叔 戲 録 正叔。 ~》、《王 行。」又《語録》云: 説 饌 《傳信録》云:

受命,今日乃

爲

妻求

承受張茂則,嘗招諸

龜

Щ

語録》。

改

賀

爲

慰。

及

先

生又奏請罷

宴曰:

事

用樂可

矣。

嘗聞

後苑

宫物

也。」先生曰:

至

賀

表。

公繫

年

録

又按:

蘇

侍 軾

才

0 賀 表 陳 刻 本、 涂刻本作「表賀」。

書程 然以

叔

以

一糲,遂

舊

正叔門人朱

醇 Œ 粗

夫

當

排 食

右丞沮 過其門者 時 伊川 吕 蘇 申公爲相 黨、蓋不相知耳 止,毁及伊川。 有力,故極詆之。」又曰:「朝廷欲以 ,無不肅也。」」又按: 凡 事 有 宰相 疑,必 蘇子容曰:「公未可如 質於伊 劉 諫議《盡言集 ĬΙ 游 進 退 酢爲某官, 》亦有異 人 此,頌 才,二 論 觀 蘇

警,致市井目爲五鬼之魁,請放還 知。」 典 分,遍謁 乎?」翌日,宰臣 生退 生汙下憸巧,素無 大臣亦多不悦。 后不 刑。 當獨 先生曰: 詣 日 宰 貴臣、歷造臺諫、騰 坐。 赴 ·臣,問 講 「二聖臨 且 ,會上瘡 上不 人主 以 而諫議大夫孔文仲因 鄉 先生言,奏請問疾,由 行,經筵 御殿, 有 朝,上不御殿,太皇太 疹,不 疾,而大臣 知否。 口 坐已累日 陳 間 説, 亂 田里,以示 以以 不知 曰 : 僭横 償 奏 不不 可 先 恩 忘 是 先

事皆用軾意。」又《吕申公家傳》亦載其與呂大防、劉摯、王又《文仲傳》載呂申公之言曰:「文仲爲蘇軾所誘脇,其論八月,差管勾西京國子監。見舊《實録》。

已乞去職,若復召 實非敢望頤 下進學,故其講説語常繁多,草茅之人,一旦入朝,與 下 之美事。 殿,自布衣除崇政殿説書,天下之士,皆謂得人,實爲稀 云: 知爲小人所給,憤鬱嘔血 伉 存 使頤受誣罔之謗於公正之朝,臣每思之,不無愧 之官,如頤之賢,乃足以輔導聖學。 其言皆誣罔非實也。 請 接,不爲關防,未習朝廷事體,而言者謂頤大佞大邪,貪黷 此二人者,非爲欺罔以誤聖 亦 素推 ·共知。 不爲 求,奔走交結,又謂頤欲以故舊傾大臣 直稱,然意不曉事,爲浮薄輩 同 「元祐九年,奏曰:「臣伏見元祐之初,陛下召程頤 駁文仲 服 無據,新録 頤之經術 司馬光、吕公著皆與頤相知二十餘年,然後舉之。 而纔及歲餘,即以人言罷之。 也。 所論朱光 臣 頤勸講 皆删 ,故不知者指以 久欲爲頤一言,懷之累年,猶豫不 蓋當時臺諫官王巖叟、朱光庭、 庭 之,失其實矣。 事 ",必 而死。」按: 一聰也。 語 有 甚 補於聖明,臣雖終老在 所使,以 激切。 爲頭 頤 至如 舊録固多妄,然此 在經筵,切於皇帝 黨。 頤之經術 又《范太史家 害善良,❶ 且 以以 臣輩,叨 云: 陛 意氣 下慎 「文仲本 也。今臣 役臺 備 行 擇 晚 講 誼,天 八人相 賈 乃 對 傳 果。 職 以 便

■「善」,涂刻本作「忠」。

無所 則所授官不當得。」三年,又請,皆不報,乃乞 致仕至再,又不報。 憾 「臣本布衣,因説書 矣。」先 生 既 就 五年正月,丁太中公憂 職 得朝官。 再 上 奏乞 今以 歸 罪 田 罷 里

人

尋醫 政,纔進禀,便云:但恐不肯靖。 黨道不同,互相非毀,頤竟爲蜀黨所擠。 監,遂除直秘閣,判西京國子監。 五月改授管勾崇福宫。 而 召。」先生再辭,極論儒者進退之道。見《文集》。 呈,程頤服除,欲與舘職判檢院。 王公繁年録》云:「元祐七年三月四日,延和奏事,三省進 監察御史董敦 而蘇軾在翰林,亦多附之者,遂有洛黨、蜀黨之論。二 七年服除,除直秘閣,判西京國子監 逸 奏,以爲有怨望輕 見《舊録》。 簾中人其説,故頤不復得 簾中以其不靖,令只與西 初頤在經筵,歸其門者甚 今又適軾弟轍執 未拜,以疾 躁 語

命 先生 元祐 再 九 辭 年,哲宗 不 就 初 見《文集》。 親 政,申秘 紹聖間 閣 西 以 監 黨 之

> 論 放 歸 田 里

臧氏?」見《語録》。 孫與邢恕之爲爾。」先生曰: 、謝良佐曰:「是行也,良佐知之,乃族子公 ,故人情厚不敢疑。 四 年十一 月,送涪州編管。 孟子既知天,焉用尤 「族子至愚 見《實録》。 不足 門

責

尹 即謁告,欲遷延爲尋醫計,既 欲 仕,蓋已决矣。 受一月之俸焉,然後唯吾所 恩,不如是,則 復通直郎,權 云:「先生歸自涪州,氣貌容色髭髮,皆勝平昔。」十月, 德郎,任便居住,制見《曲阜集》。 正月,徽宗即位。 此 焞深疑之。 除乃李邦直、范彝叟之意。」建中靖 爾。」見《文集》、《語録》。 元符二年正月,《易傳》成而序之。 判西京國子監。 先生曰:「上初 何以仰承德意? 移峽州。 又劉忠肅公家《私記》云: 四 還洛。《記善録 加 即 月,以赦 先生既受命 國二年五 供職。 然吾之不能 位 一首被 門人 三年 復宣 月, 大

仕,疑 追 所 西監供職不久,即嘗致仕也。 復官 依 舊 致 仕 前 此 未詳 未 嘗 致 仕 而 굸 依 舊 致

學 監 得官 亂衆聽,而尹焞、張繹爲之羽翼。 於是有旨追毁出身以 也。」見《語録》。 徒,復隸黨籍。」先生於是遷居龍門之南,止 官,又云叙復過優,亦未詳。 者 司覺察。 ,雖嘗明 曰:「尊所 崇寧二年四月,言者論其本 《語録》云:「范致虚言程某以邪説 Œ 聞,行所知可矣,不必及吾 罪 罰 來文字,其所著書,令 今復著書, 而 事下河南府體究,盡逐學 叙 復 過 因 優; 非 姦黨論 毁 已 詖行,惑 〕追所復 朝 四 政。 門 方 薦

궄 後 生 傳》成書已久,學者莫得傳授,或以 盡《易》,其作傳只是因 寢疾,始以 曰:「自量 「先生平生用意,惟在《易傳》,求先生之學,觀此足矣。 Ŧi. 年,復宣義郎,致仕。 精力未衰,尚 授 尹 而寫成,熟讀詳 焞、 張 繹。 覬 見《實録》。 尹 有 味,即 焞 少進 曰:「先生踐 爲 可見矣。」又 耳。」其 請。 時《易 先 履

> 蓋 語 未能無失也。」見《語録》。 録 》之類 出 於學 者 所 記 所 見 有 淺 深 故 所 記 有 I 拙

黨事起,不與先生往來,及卒,亦不致奠。」 見《語録》。 五 「道著用 日所學,正今日要用。」先生力疾 見《實録》。 大觀 便不是。」其人未出寢門 一作「門人郭忠孝」。 尹子云: 元 年 於疾 九 月 革,門 庚 午,卒於家,年 人進 日: 「: 非 而 微 也。 先 視 先 七 生没。 忠孝自 生平 + 曰 : 有

此乎? 用 於聖人氣象差少從容 其嚴厲如此。 瞑目,二子立侍,不敢去。 曰:「朱公掞見明道於汝州,踰月而歸,告人曰:「光庭 人 材而成就之,則予不得讓焉。」見《語錄》。 《中坐了一月。』游定夫、楊中立來見伊川。 也。 、尊嚴師道者,吾弟 初,明道先生嘗謂 使及用於元祐間 日暮矣,姑就舍。」二子者退,則門外雪深尺餘 晚年接學者,乃更平易,蓋其學已到至處,但 爾。 則 明 久之,先生乃顧 也。 不至有今日事矣。」先生既 道 先生 則已從容 若接引後學, 日: 惜 曰:[二子猶 一日先生 其早 異 日 死,不及 侯仲良 隨 能 坐 在 使

先生之行,我之道蓋與明道同。 没,昔之門人高弟,多已先亡, 者。 也。 曰: 曰: 簡易,不爲矯異,不爲狷介,寬猛合宜,莊重有體。 者、求之於此文可也。」見《集·序》。 德美者。然先生嘗謂 川才大,以之處大事,必不動聲色,指顧 事自任,悉力營辦,細事必親,贍給內外親族八十餘口。」又 匐以弔喪,誦《孝經》以追薦,皆無此事。 生之學,本於至誠,其見於言動事爲之間,處中有常, JII 歲 盗 踰 人謂伊川 母 人必倍矣,增價則反是。1已而果然。 鑄 而 「陝右錢以鐵,舊矣,有議更以銅者,已而會所鑄子不 「先生於書,無所不讀,於事無所不能。」謝良佐曰: 食雖簡儉,蔬飯必潔。 伊 則 利多費省,私 起 ,謂無利也,遂止之。 ĬΙ 之。 權歸公上,非國家之大利乎?」又有議增解鹽之直 E 守正則盡,通變不足,子之言若是,何也?」謝子 伊 一價 川日 卑則 鑄者衆; 「將累人矣。 鹽 易洩,人人得食,無積 伊川聞之曰:「此乃國家之大利 太中年老,左右致養無違,以 費多利少,盗 張繹 使韓、 日 無 司馬 富當國時 衣雖紬素,冠襟必 鑄者息。 而集矣。」或曰: 異時 我昔狀 有 尹焞 公既相,薦伊 能 而 欲 形 不 吾 E. 民不敢 或 知 明 ·售者 容 猶 説 疏 一伊 「先 其 我 道 口 家 匍 通

> 以有 定。 ·役法當討論,未可輕改也。」公不然之,既 由是觀之,亦可以見其梗概矣。」 行也。」及司馬 公大變熙、豐, 復 祖宗之舊, 而數年紛紛不能 伊 JII H

祭 文

张

繹

要也。 兮,此心終 作「道會」。泯然無際。無欲可以繋覊兮,自克 何 知其 也。 ; 尚德 ; 獨 心 一作「某等 立義者以爲不可犯, 可親? 行 喪於利 嗚 者以 、難也; 呼 在吾先生,曾何有意? 斯 德輶如毛,毛猶有倫」,「無聲無 世 不得 害, 爲卓絶之行,而忠信者以爲孚 ,一作「於世」。 不 嗚呼 利 不立意 得 害生於身、禮義根於心。 而 耐 而名 禮 形 義 也 以 先生之道,不可得 也。 以 爲言兮,知言者 而達權者以 而 爲 伊言者反 惟 衆乃以爲迂也 虚 泰 也, 心與道合, Ш 故先生 惟, 以 爲 爲 臭」, 不可 而 識 踽 病 名 伊

拘

也

惟

踽

此

!

也

夫

者

Ŧī. 0

和兮,嚴霜以爲清 維。 爲 高 兮, 日 也 月 以 爲 明 也 ; 春 風 以 爲

或可推。 之儀。七分之儀,固不可益,七分之心,猶 見於文字者有七分之心,繪於丹青者有七分 孕化育,以蕃以滋。 心,何日忘之? 先生有言,一本上有「昔」字。 生之, 君親其臨我兮, 夫子其成之。欲報之 吾先生,淡乎無味,得味之真,死其乃已。 於禮,學者趣之,一作「趨之」。 自某之見,「作「某等受教」。 七年於茲,含 在昔諸儒,各行其志,或得於數,或 而今而後,將築室於伊、雒之濱,望 天地其容我兮,父母其 世濟其美。 獨 觀

五字,有一「當」字。❶ 行,地不言而 而 聞也。 嗚呼! 一本上有「某等」字。 百物 夫子没 洗心去智,格物去意,期 生。 而微言絶,則固 惟 與二二三子,一本無此 然天不言而 不 四 可 默 時 得

> 情 ? 以 行,不待誄 之志,一作「某等之志」。不待物 契斯道 傾。 凄風一奠,敬祀於庭,百年之恨,併此 在 而後徵。 先 生 一爲未 然而山 也。 頹梁 而後見; 嗚 呼 壞 1 何 先生之 !以寄

自體究。」故祭文有七分之語云。 傳》授門人曰: 城,是以後。 人。乙夜,有素衣白馬至者,視之,邵 也,乃附名焉。 敢送者,故祭文惟張繹、范域、孟厚及焞 尹子曰: 又按《語録》云:先生以《易 先生之葬,洛人畏入黨, 蓋溥 「只説得七分,學者更須 亦 有 所畏而 薄暮 出 溥 四 無

奏

先生之墓,以畢吾此生也。

一無「吾」字。

狀節略

胡 安國

伏見元祐之初,宰臣司馬光、吕公著秉

0 一」,陳刻本、涂刻本作「益」。

義。 感 勸 召 政 學 門人高弟,莫獲繼 間 門人,如楊時、劉安節、許景衡、馬伸、吴給 行,舉動必由 等,稍稍進用,於是士大夫争相 當國,急於得 講,不爲辨辭,解釋文義 通聖心者,固 命,擢以 志於利禄者,託其説以自售,學者莫能別 者向之,私相傳習,不可遏 其修身行法,規矩準繩,獨出諸儒之表, 不次,遂起章布 乎禮; 人,首薦 不可 焉。 奉身而 得 雖崇寧間 河 而 南處士程 ,超居講筵。 聞 ,所以積其誠意, 去,進 也。 也。 淬礪。 曲 及當官而 退必合乎 其後頤之 頤 加 了,乞加 防禁, 自司 而 其

乎 以 絶如綫,可謂孤立 之學,近日盛行。 其 、説滿門,人人傳寫,耳 壬子年,臣嘗至行闕,有仲并者言伊 自 是服 儒 冠者 臣語之曰:「伊川之學,不 而以爲盛 以 伊 ĴΙΙ 納 門 口 行,何也? 人妄自標榜 出 ,而以爲盛 豈 111

其

真僞,而河、洛之學幾絶矣。

無 及於伊川 夫 有 以 爲 屈 伊 服士人之心,故衆論 、洛之學者,皆欲屏絶其 ,臣竊以爲過矣。 洶 洶 徒 深 前 加 詆 乃上 消。

然,則或以六經、《語》、《孟》之書資口耳,取 欲使學者蹈中 世資,而 頤兄弟始發明之,而後其道可學而至也。 可易之至論也。 孟 途,而其義愈不明矣。 之,然後其義可思而得。 然《中庸》之義不明久矣。 所以處己,中庸 非有甚高難行之説,此誠不可易之至 爲師,庶幾言行相稱,可濟時用。 夫聖人之道,所以垂訓 甘利 禄,●愈不 庸,師孔、孟,而禁使不得從頤 所 然孔、 以接物,本末上下,析爲二 士大夫之學,宜以孔、 孟之道不傳 得其門 不然, 自頤兄弟始發 萬世, 而 則或謂 無 人 久矣,自 非 此亦不 矣。 論 中 高 庸, 也 明 明

❶ 「甘」,涂刻本作「干」。

之學,是入室而不由户也。不亦誤乎?

高 則 行己 顧 則 怪 知 其旨,而知求仁之方,入德之序。 知 一介 孝弟 聖 體 視 也 語,淫説鄙論,豈其文也哉? 接 闊 人之大用; 用之一源; 夫頤之文: 其 不 顯 步,豈其行也 物,則忠 餘 以 於家庭,其辭受取 則 取 與 亦 誠 於諸經、《語》、《孟 於《易》, 諸 於《春秋》,則見諸 與 動於州里,其 人同 人,雖禄之千鍾,有必不 哉? 爾,然則 則 因 捨,非 理 頤之行:其 以 幅 事 然則狂 \approx 明象, 親 其 行 巾大袖 則發 從 道 事 兄, 義 明 而 而

東國 當 四 之餓 西 路,重 人者,皆道 都 之阨。 有 夫、魯國之黜 昔者伯夷、柳下惠之賢,微仲 邵 以 雍、程顥 蔡京 其道 學 得 德行,名於 不行 政 及 臣 弟 爾。 1,深可 曲 頭 加 關 本朝 當 排 惜 中 抑 世 也 自 故 故 有 嘉 尼,則 會王安石 張 有 祐 載。 西 以 西山 來, Ш 此

> 之哉 六經 當 乘 委官校正,取旨施行,便於學者傳習。 尊德樂義之意; 以此四人加之封號,載在祀典,以見聖世 臣愚伏望陛下,特降指揮,下禮官討論 有 弟子質疑請 書,頤有《易》《春秋》傳,顥雖未及著述,而 間 禁暴誅 書 以 疏 今雍 而 銘 作 推 亂、奉 詩,並 所 尊仲尼、孟子之道,使邪説 著 益答問之語,存於世者甚多,又 而 有 天 詞伐罪之時,猶有崇儒 仍 行 完 皇 下之道術 詔 於世,而 極 館閣裒集四人之遺 經 世 ***** 傳 定, 書 者多 載 豈 有《正 失 日 者 (其真。 故 重 小 羽 不 道 事 得 翼 雖 補 門

河南程氏遺書附録終

程氏學拾遺李參録。參,端伯之弟,學於伊川先

生。此書十卷,其五卷乃劉質夫《春秋解》,其五

卷雜有端伯、質夫《人關》諸篇。

第一

中爲給諫。此篇本與《師訓》、《入關》等篇相雜,朱公掞録拾遺朱光庭字公掞,從二先生學,元祐

疑朱公自記所聞,又抄諸人所記以附其後,今不

可考,特拾其遺如此云。

第二

第五

馮氏本拾遺汝州馮理,字聖先,學於伊川先生,

此,雜有《入關》等篇。

自號東臯子。其子忠恕,字貫道,學於尹氏,編

第六

朱公掞問學拾遺本别爲一篇,而多與前篇重

複,今已删去。

羅氏本拾遺延平羅從彦,字仲素,楊文靖公

門人。

第 三

陳氏本拾遺延平陳淵,字幾叟,楊文靖公門人。

河南程氏外書目録

五五三

第七

第十一

胡氏本拾遺胡文定公家本,又有别本,文其言而

時氏本拾遺時紫芝所集,號《程子微言》,凡二十

五卷,多改易本語者。

每章冠以「子曰」字者,今亦取其不見於諸篇者附

于此。

第八

游氏本拾遺游定夫察院家本。

第九

春秋録拾遺吴人王蘋信伯,學於伊川先生,集録

諸言《春秋》者爲此篇。

第十二

傳聞雜記 《王氏麈史》、《吕氏家塾記》、《發明

義理》、《酬酢事變》、《范公日記》、《朱公手帖》、

《邵氏聞見録》❶、《上蔡語録》、《龜山語録》、《庭

聞藁録》、《侯子雅言》、《涪陵記善》❷、《和靖語

氏童蒙訓》、《雜志》❸、《汪端明記》、《孔文仲疏》 録》、《震澤語録》、《晁景迂集》、《晁氏客語》、《吕

右《程氏外書》十二篇,熹所序次,

聞見」,原誤作「見聞」,今據涂刻本改。

第十

大全集拾遺建陽印本。

「善」下,涂刻本有「録」字。 ·雜」上,涂刻本有「吕氏」二字。

三五四

除,得此十有二篇,以爲《外書》。 能無所遺也,於是取諸集録,參伍 俗本紛更之繆,而於二先生之語,則不 篇,皆諸門人當時記録之全書,足以正 手所記,其淺深工拙,又未可以一概 生之言,非有精粗之異,而兩書皆非 當精擇而審取之耳。 亥,新安朱熹謹書。 或不能審其所自來,其視前書,學者尤 其曰《外書》云者,特以取之之雜, 始熹序次《程氏遺書》二十五 乾道癸巳六月乙 夫先 相

論。

可繕寫。

三五 Ŧī.

河南程氏外書第

朱公掞録拾遺

性静者可 以 爲學。 淳

學在知其所有,又養其所有。 淳

於一 是,是乃理也,循此理乃可進學至形 實是實非能辨,則循實是,天下之事 歸 而

上者也。正

學如不及,猶恐失之」,不得放過 也。 正

忠信」爲基本,「所以進德也」,「辭修」

誠意立,「所以居業也」,此乃乾道,由此二句 至聖人也。

得 意 則 可 以 忘言,然無言又不見其 可

淳

意。

Œ

心得之,然後 可 以 爲己 」 物。 淳

君子敬以直内,義以方外」,爲學本。

默而識之」,吾不得而見之矣,得見善

問者斯可矣。

治其器必求其用,學道者當如何爾。

學始於不欺闍 室。

大率把捉不定,皆是不仁。

學者多蔽於解釋注疏,不須用

功深。

去不仁則仁存。

謂禮,知此之謂智,誠此之謂信。 仁載此四事:由行而宜之謂義,履此之

事 尺,而後至於百尺,習化其高,矧聖人 於斲輪,誠至則不可得 , 豈可得而知? 神也者,妙萬物而爲言,若上竿弄 淳。 而知。上竿初習 、誠至之 瓶 數 至

忠信者也。 人必以忠信爲本,「無友不如己者」,無 「子以四教:文、行、忠、信。」忠

信禮之本,人無忠信,則不可以爲學。

食,則 祭訖 夫。每月告朔,茶酒。四時:春以寒食,夏 刻木牌,取生前行第或銜 共坐也。 東,左昭右穆而已。 潔不喧處。 拜之,感霜露 以端午,秋以 而 廟門,非祭則嚴扃之,童孩奴妾皆不可使褻 近也。 ,則藏主於北壁夾室。 士大夫必建家廟,廟 稱 家 姑婦之位亦同。 有 設席坐位皆如事生,以 也。 重陽,冬以長至,此 無。 寒食則又從常禮。祭之飲 祭器坐席,皆不 男女異位,蓋舅婦 必 太祖之設,其 位而已。 拜墳則十月一日 東 向 時祭也。 '; 可 婦各從 太 位 雑用。 生 祖 主 取 每 皆 無 面 地

者,仁而已。 也。若顔子簞瓢,在他人則憂,而顔子獨樂在外,皆憂也。「樂天知命故不憂」,此之謂在外,皆憂也。「樂天知命故不憂」,此之謂

> 君以碩鼠、狡童之類。 其意思止於禮義而已。其言未必盡善,如比不作《詩》者未必皆聖賢,當時所取者,取

者,如「瞻彼日月,悠悠我思」。詩。亦有時而迫切取興,有一事含數件事《詩》有取其意思可取者,如《無衣》之

天厭吾道也。

奥如此,人豈易到? 達之,故發此歎辭,非謂孔子不言。 其意淵

又不知古作甚字,又近唄字。薄賣反。而作」。文如此順,恐後人編簡脱錯。嗅字矣,翔而後集。」子路聞之,竦然共立後「三嗅矣 期而後集。」子路聞之,竦然共立後「三嗅

「日知其所亡,月無忘其所能」,今人不

爲也。

信之不篤,執德無由弘。

「立則見其參於前也,在輿則見其倚於

衡也」,然後可以祈益。

底意,不惟豳國當如此。又成王中變,自然《七月》、《豳風》大意,憂思深遠,有終久戈矛,與子同仇。

發起周公言終久意思。「一之日,二之日」,

可謂 此是終久底意思。 須,君子之奉,殆及君子同享。 時 語 辭 悲則 變月言日。「女心傷悲」,采蘩女功之 如此。 思慮意 今人尚道甚時如何, ,當女功事,思 此不須執辭, 慮 又如何,不 一家之所

|薄伐西戎」時如此。 | 《出車》「喓喓草蟲」,意是南征西夷怨,

《采薇》「彼爾」,成役。成役維何,「維常之華」,言與將帥相承副,如常棣之華。路, 」,喻君子之憑依士衆,小人則腓也。《易》 群」,喻君子之憑依士衆,小人則腓也。《易》 解,喻君子之憑依士衆,小人則離也。《易》

《皇華》,送之以禮樂,君不能自行,故遣

言此詩是如此,不必詩中求。 使以諭誠意於四方。若無忠信,安得誠意?

歸,於女信安乎? 得無以我公歸乎?《九罭》「遵渚」不宜刺朝廷,言公之不

詩若還以樂天知命處之,則一時都無

事。其中也有君子情意不到處。

詩可以怨,譏刺總是。

《小弁》與舜之怨别。舜是自怨,《小弁》

直怨「我罪伊何」。

大要則止乎禮義,其情則是國人之情。

《考槃》,觀其名早已可見君子之心,處

處,至於其心,寤寐間永思念,不得復告於之已安,知天下决然不可復爲。雖然如此退

兮」,草木藂茂貌。山有薈蔚之草木,便朝躋《候人》言不稱其君臣相遇。「薈兮蔚

君,畎畝不忘君之意。

薈蔚言其材,婉孌言其德。而采之,室有婉孌之少女,人便斯飢而思之。

石,登高以升車,今捨此履卑,如舍申適褒。各自爲用。如后妾各自有職分,之子却遠此各自爲用。如后致,我天運艱難,故「之子妃妾,貴賤亦當均被,我天運艱難,故「之子妃妾,貴賤亦當均被,我天運艱難,故「之子如。 申后宜待之以禮,今反薄。鼓「聲虧於外」,我之誠意反不能感動於君,此有鶖間於外」,我之誠意反不能感動於君,此有鶖間於外」,我之誠意反不能感動於君,此有鶖相於外」,我之誠意反不能感動於君,此有鶖相於外」,我之誠意反不能感動於君,此有鶖相於,之子却遠此為時,之不若也。鴛鴦眼東,如舍申適褒。

送」不見用。「將其來施施」,思其來,當有賢廷當有賢者,今「彼留」乃小人,賢者却「咨能衣人,有用底物,喻賢者有益於人。言朝間。不謂丘中更豐美,但言「丘中有麻」。麻間。不謂丘中更豐美,但言「丘中有麻」。麻

其玩 者以 悦 者,却反在鄉國,故思其「來食」。 ,而無實效及於民。 人口,而不足以濟 好 施 惠 圃 澤 不 也。 切於用,賢者則如麻麥之衣 「麥」, 人,如小人在位,徒 人所 又「貽我 賴以 佩玖」,止以 食, 「李」徒 亦 能 喻 悦 能 賢

丘 中有 麻」,不是所宜有 處。 本 無

答,徒有「葭菼揭揭」,似「庶姜孽孽」。 言眾非取魚之意,不能得大魚,興莊姜 茀以 處,含怒不妬争意。「施罛濊濊 説於農郊」,言其勤政。 敖敖」兩句先言莊公。 僭,故「庶士有朅」,言「國人閔而憂之」也 朝」、勸勉莊公、使「大夫夙退 不説 碩 人頎頎」,「碩人敖敖」,疑「頎 使驕上僭,却言其勤 衣褧衣,非婦 已下始言莊姜「翟 鱣 政,見莊姜賢 鮪發發」, 無無 人服 驕 使君 頎、 不 H 見

君

中

眾中又隱無子意。 罛,小器也 鱣鮪,大魚 也。 葭菼,冗

之法。 於中野。 責之。《序》言「衛君無道,夫人無德 此美,乃賢美人貽之。 意,自牧歸 其人者,以仁人君子望之。 「泥中」,泥塗之 故字,以其職而言,以其爲方伯連帥,故暴 也。 也。 式微》。 自牧歸荑」,卑以自牧之意。 以爲君若不在此,我胡爲在此,斥黎 大率詩意貴優柔不迫切,此乃治《詩 乃是脅君以歸,又迫切時幾乎駡 微衛君之「躬」,指其人也。又切指 順。 式,辭。● 「信美且異」,此非是女 如此深美之,所 微,微衛君之「故」, 荑, 以 能 柔 露 切 如 順

節短 也。 旄丘 地地 延蔓相屬,叔伯何故却不相救卹? 名,前高後下。 「誕之節兮」,言葛

0 辭」,原脱, 據陳刻

我黎之臣子非無車,但汝不與我同故也。何字之一作「文」。意,黎在衛之西,狄在衛之北。

矣,何嗟及矣」,嗟時也。「中谷有蓷」,藉,菼葦,當在水,不當在以門其性之濕都無,言其恩意已絶。「啜其泣其乾猶未甚,但遇爾艱難,我便不善。去濕則其性之濕都無,,過於乾底意。「暵」,暴也。

紽類,自是衣服禮數制度,非三德也。「三英粲兮」,粲然,光明貌。英乃若五

才能却不能君長我庶民。「甲」,長也,「我蘭」,蔓生草,柔弱不能自立,須依附「我蘭」,蔓生草,柔弱不能自立,須依附

王失信,故諸侯背叛,構怨連禍,而使王師傷「兔爰」,兔奔走意。《詩序》閔周,由桓

離于羅」,如諸侯不軌,周人受害。敗,却周人受其禍難。羅本以罝兔,今却「雉

怨,成何義理 有? 婦人猶勉之,正也。若謂夫從役,婦便 求,貪土地也。 貪人土地,未嘗有以義興師 者,汝豈不知德行? 動人情思,總意包其間。 意,又日月陰陽相配而不相見,又旦暮所見, 音」,相應和之辭。「日月」取其迭往迭來之 之懷思,自罹此阻 男怨之辭,言雄雉尚得其配匹,己反不如,我 「不忮不求」,何所用而 雄雉于飛,泄泄其羽」,雙飛之意。 ? 若以 隔。 戰國間惟是報怨,不然 義發師,婦人何怨之 次章女怨。「下上其 不臧? 「百爾君子」責爲政 動 衆。言汝 忮,報怨也。 此 但

狡童》、《褰裳》,此兩節都只一意,●别

● 「節」、涂刻本作「篇」。

我於巷,非 ボ 下 我,又俟我於

比君 各有所取,此則取其不能與賢人圖事。 况目之狡童? 我」,即是鄭國人「臣罪當誅,天王聖明」。 之中,憂君之心則至,然謂之不合道者,後 無 王之心以紂爲聖明,何况比君爲禽?● 異 義 爲 然謂 又况目之曰狡童? 言「不 君 但作詩者未必皆聖人,孔子 爲 狡 童 一,於 義 有 害。 離 騒 與 又 文 面

其間。 進 旋右抽,中軍作好」,不必言射,猶言高 不以禮。 清人》一篇,却是詠歌其事,含情意在 「消」、「彭」、「軸」莫也是地名? 克之 「 左

《摽有梅 》,汲汲惟恐不及時。

中似如此者亦多。 不因色。 女,却失却本意。 有女同 此則是設辭,下言「彼美」結。 車》前説 忽不娶齊,謂齊大非偶,却 忽不 娶齊女,後言 他詩 齊

丰》,以諸事豐備。 此詩主意,言男則

> 相配。 堂,非不有禮。 家因事不得將迎也。「衣錦」、「裳錦」即是丈 女怨思失期意。 古之錦疑今之綾,是褧錦相副之物,如男女 夫,若婦人則惟欲其顯,安有惡其文之著? 須 言女。 「叔兮伯兮」,故「駕予與行」,都主男 是俟 「將」,迎,不可訓 作送,但 女

煌煌」而不至。 《東門之楊》言婚姻 楊、最得陽氣之先者、言人反 昏時,❷今則 明 星

不及時。

有而言者,如周詩多言南。 人君多言南,凶喪多言北。 凡説 婚姻男女多言東,東取 又有各就其國所 生育之意。

羔裘豹袪」不是相稱,猶君臣民須一

² 0 况」,陳刻本、涂刻本作「可」。 姻」,涂刻本作「自」。

作梁棟用,至於輪輻,非檀可爲。得進,亦自致身於清潔之地。 檀美材,須是《伐檀》。 檀,材可適用者。 言君子雖不

許昏後,以禮 阪,●所以致民如 染色。言以禮則 上又不能使人殺禮,故使人至淫奔。 其人甚遠」。大抵《丰》、《東門之楊》盡是已 東門之墠》。 不足,不能成昏,至於過時後, 坦 此者,正謂其室家則 除地曰墠。「茹藘」可以 平如 (墠,以 色則姦 婦人脯 阻 邇 如

不思欲得以禮如此,即「子不我即」,❷故待脩棗栗若以禮時,則是踐履此室家之道。豈

禮不得也。

此惟美其能請命一事。以篡國殺君不以爲之。七與六,衣中一箇數目,無以六爲節。之使,故美其可美也。當時使來到國,故請之使,故美其可美也。當時使來到國,故請

- 「姦」,涂刻本作「艱」。
- ❷ 「即」,涂刻本作「但」。

《頌》之善止於此,其他則可知。 《頌》,不録其《風》,此則爲君諱也。觀其可取。魯《風》詩非無大惡,然聖人録其如此,亦以見當時之善,雖大惡有如此詩亦如此,亦以見當時之善,雖大惡有如此詩亦如此,亦以見當時之善,雖大惡有如此詩亦

澤於民,使晉人從之。 朱襮」,見其美於外,如桓叔在下,反見其德「揚之水,白石鑿鑿」。同介甫説「素衣

之上却無。 《采苓》。 苓是甘草,喻讒最好,若首陽

河南程氏外書第一

河南程氏外書第二

河南程氏外書第一

朱公掞問學拾遺

於事亦難,天地之大也,人猶有所憾。 子貢問爲仁,孔子告以爲仁之資,非極 「在邦無怨,在家無怨」,在理可使無怨, 伯淳

力言仁也。正叔

有卒,先後之序也 「知及之,仁不能守之」,無得也。 有始

凡下學人事,便是上達天理。 正叔

彼我,乃曾子所言也。 伯淳 毋意」,毋私意也。 毋必爲,毋固滯,毋

人無遠慮,必有近憂」,思慮當在事外。

言其體,天道也, 恕言其用,人道也。正叔 忠者天下大公之道,恕所以行之也。 忠

其言之不怍,所爲言之不愧。 伯淳

大人」,如此尊嚴而 「畏天命」,則可以不失付畀之重。「畏 亦自可畏。「畏聖人之

言」,則可以進德。 伯淳

周,至也。 君子周至而不阿比。正叔

動容貌」,舉一身而言也。 動容周 旋中

矣」。正身而不外求,故曰「籩豆之事,則有 信矣」。 禮,「斯遠暴慢矣」。 「出辭氣」,正由 「正顔色」則不妄,「斯近 中出,「斯遠鄙倍

司存」。伯淳

「尊五美,屏四惡」,爲政在己。 聞道」,知所以爲人也。「夕死可矣」, 伯淳

是不虚生也。 伯淳

性與天道」,非自得之則不知,故曰「不

三六五

可得而聞」。伯淳

如「形而上者謂之道」,不可移「謂」字在

「之」字下,此孔子文章。伯淳

毅,則無規矩,毅而不弘,則隘陋。 伯淳

「弘」,寬廣也。「毅」,奮然也。

君子以矜莊自持,不與人争。正叔

「九思」各專其一。伯淳

何莫由斯道也」,「可離非道」。伯淳

·吾斯之未能信」,不先自信,何以治

人? 伯淳

里仁爲美」,里人之所止。伯淳

「見賢」便「思齊」,有爲者亦若是。「見

不賢而内自省」,蓋莫不在己。伯淳

生理本直。「罔」,不直也,亦生者,「幸

而免」也。伯淳

者」,雖篤而未能有之。至於「樂之」,則爲己「知之者」,在彼而我知之也。「好之

之所有。正叔

敬則是不知,不遠則至於瀆,敬而遠之所以民亦人也,「務人之義」乃知也。鬼神不

爲知。伯淳

弘

而不

「先難」,克己也。伯淳

龍。木乃仁也,龍乃聖也,指木爲龍可乎?聖乃仁之成德。謂仁爲聖,譬猶雕木爲

故博施濟衆乃聖之事,舉仁而言之,則「能近

取譬」是也。伯淳

「能近取譬」,反身之謂也。伯淳

「以能問於不能,以多問於寡,有若無,

實若虚,犯而不校」,顏子當之。正叔

則吾又何校焉,是以君子未嘗校也。伯淳彼之事是,則吾當師之,彼之事非是,

爲是。正叔司馬牛多言,故及此。然聖人之言,亦止此司馬牛多言,故及此。然聖人之言,亦止此司馬牛問仁。子曰:「仁者其言也訒。」

貧不怨則諂,諂尤甚於怨,蓋守不固而

有所爲也。伯淳

君子爲善,只有上達,小人爲不善,只

有下達。伯淳

「古之學者爲己」,爲己,在己也。伯淳

「不怨天,不尤人」,在理當如此。伯淳

樂取於人爲善,便是與人爲善,與人爲

善乃公也。正叔

知性善以忠信爲本,此先立其大者。

伯淳

公孫丑問孟子,加齊之卿相,恐有所不

施舍之勇,知守氣而不知守約也。曾子之所勝而動心。北宫黝之勇氣,亦不知守也。孟

伯淳。謂勇,乃守約,守約乃義也,與孟子之勇同。

在内也。志帥氣也。持定其志,無暴亂其告子「不得於言,勿求於心」,蓋不知義

氣? 氣專在喜怒,豈不動志? 氣 者反動其心」。 然志動氣爲多。 兩 事 也。 志 志者,心之所之也。 專 且若 則 志專 動 氣氣 在 淫 專 故「蹶 辟 贵 伯淳 則 動 者 不 志, 趨 動

伯淳 者乎? 然而未爲盡論,但不至阿其所好也。 壤,固賢於堯、舜,而觀生民以來,有如夫子 壤,固賢於堯、舜,而觀生民以來,有如夫子 事,不至阿其所好。」以孔子之道,彌綸天

物也。伯淳 「所存者神」,在己也,「所過者化」,及

三六七

王者之政。 田鑿井,帝力何有於我哉? 驩虞」,有 所造爲 而然,豈能久也 如天之自然,乃 ? 耕

色形,所有也。 聖人人倫之至,故可以

伯淳

踐形」。伯淳

「盎於背」,厚也。正叔

此亦妄人也」,是以義斷。 在聖人如天

地涵容,但哀矜而已。子厚

「又何難焉」。 「自反而忠」,而横逆者猶若是,君子曰 此一事已處了,若聖人哀矜,

又别一事。正叔

「不下帶」,言近也。正叔

不祥」,凶也。 君子好成物,故吉。 小

人好敗物,故凶。 正叔

日月之明,但容光者無不照。正叔

兒之心,不若保民如赤子爲大。 保民如赤子,此所以爲大人,謂不失嬰

> 身,踐履也。反,復也。 湯、武,反之也」,「湯、 復則至聖人之地。 武,身之也」。

伯淳

羞惡則有所不爲。 知所止,乃義之端。

伯淳

舜明於庶物,察於人倫」,然後「由仁義

行。 正叔

於民則可,於物則不可。 仁推之及人,若「老吾老以及人之老」, 統而言之則皆仁,

分而言之則有序。 正叔

體,敬爲用。敬則內自直。誠合內外之道 坤六二《文言》云云,坤道也。誠爲統

則萬物流形,故「義以方外」。

聖人齋戒,敬也,「以神明其德」。

惡人

齋戒,亦敬也,故可以事上帝 先見則吉可知,不見故致凶。

幽贊於神明而生蓍」,用蓍以求卦,非

伯淳

謂 著而 後畫卦。 伯淳

祗與底同,使底至也,無至於悔。 巽以行權」,義理所 順處所以行權。 伯淳

伯淳

安安」,安於理之所安者。伯淳

聖人無過。「湯、武反之」也,其始未必

人心,人欲,道心,天理。正叔

無過。

所謂「如日月之食」,乃君子之過。

善也。 不知,知之至也,知之至,故未嘗復行。 大學之道,在明其明德,明德乃止於至 知既至,自然意誠。 顔子有不善未嘗 他

人復行,知之不至也。正叔

皆有理,至其理,乃格物也。 致知在格物。」格,至也。 然致知在所養, 物,事也。

養知莫過於寡欲二字。正叔

詩》 君子所不可及者,其惟人之所不見乎! 相在 爾室,尚不愧於屋漏。」君子

> 慎 獨。 伯淳

敬 則自然「儼若思,安定辭」,其德可以

安民。伯淳

有餘便是過。 慥,篤實貌。

正其理則萬事 以貫之也。 正叔

「君子而時中」,無時不中。

荀子曰:「養心莫善於誠。」周茂 伯淳 叔

謂

養邪? 荀子不知誠。」

「荀子元不識誠。」伯淳曰:「既誠矣,心焉用

河南程氏外書第二

河南程氏外書第三

陳氏本拾遺

朝聞道,夕死可矣。」死得是也。

言三月。此孔子所以惜其未止也。不踰矩」,聖人也。聖人則渾然無間斷,故不「三月不違仁」,言其久,過此,則「從心

聖人,天地之用也。

「養心莫善於寡欲。」多欲皆自外來,公

欲亦寡矣。

而歆動之,有「吾與點」之氣象。「興於詩」者,吟咏性情,涵暢道德之中

「老者安之,朋友信之,少者懷之」,乃天

道也。

由孟子可以觀《易》。

「復其見天地之心。」一言以蔽之,天地

以生物爲心。

人之一肢病,不知痛癢,謂之不仁。 人聖人無一事不順天時,故「至日閉關」。

之不仁,亦猶是也。

蓋不知仁道之在己也。

知仁道之在己而由之,乃仁也。

新,监言者可见。一作「凡言克者,未能有诸己也」。私則能有諸己,是「反身而誠」者也。凡言仁私 「克」者,勝也。 難勝莫如「己」,勝己之

有諸己則無不中於理。君子慎獨,「敬以直必誠之在己,然後爲「克己」。「禮」亦理也,者,能有諸己也。一作「凡言克者,未能有諸己也」。

復禮則事事皆仁,故曰「天下歸仁」。 人之視内,義以方外」,所以爲「克己復禮」也。 克己

己,一作「克仁」。則「心廣體胖」,「仰不愧」,「聽」,次「言」,次「動」,有先後之序。人能克最先,「非禮」而視,則所謂開目便錯了。次

「俯不怍」,其樂可知,有息則餒矣。

邦」,私也。「公生明。」「一言可以興邦」,公也。「一言可以興邦」,公也。「一言可以喪

中庸。中庸乃高明之極。伯淳理也。天理固高明,不極乎高明,不足以道理也。天理固高明,不極乎高明,不足以道「極高明而道中庸」,非二事。中庸,天

不爲也」,此言義不言命也。 而無命。.「行一不義,殺一不辜,而得天下,在外者也」,此言命也。至於聖人,則惟有義在外者也」,此言命也。至於聖人,則惟有義是求有益於得也,求在我者也」,此言義也。 是求有益於得也,求在我者也」,此言義也。

「人心惟危」,人欲也。「道心惟微」,天

理

也。

思至於再則已審,三則惑矣。 爲惡之人未嘗知有思,有思則爲善矣。

「艮其背」,止欲於無見。若欲見於彼而

行。時行對時止而言,亦止其所也。 者,事各止當其所也。若鑑在此,而物之妍媸者,事各止當其所也。若鑑在此,而物之妍媸各當其所也。若《在此,而物之妍媸

也。背無欲無私也,故可止。不失其時」,皆止其所也。「艮其背」,乃止不失其時」,皆止其所也。「艮其背」,乃止

之道可以無過謬。言「學」與「大」,皆謙也。不能無謬亂,既贊《易》道,黜《八索》,則《易》也。孔子未發明《易》道之時,如《八索》之類,也。孔子未發明《易》道之時,如《八索》之類,

則不好勝,至於是邦,宜必聞政。「良」乃善心,「恭」則不侮,「儉」則無欲,「讓」子貢善形容孔子德美,「温」以接物,

學而知之者,所以教人也。三十有所立,四孔子,生而知之者也,自十五以下,事皆

言則 以知 百,耳 喻,無所 事則滯於一事,不能貫通。耳順者,聞 順心通也。 五. 不通。 十 知 天命 七十從心,然後至於命。 凡人聞一言則滯 而 未 至命, 六 + 於 聞

爲也。 馬。聖人之化,亦由是也。 知羈靮之制在乎人,而不知羈靮之生由於 以孔子之言觀之,則顏子之言出於有 仁矣。顔子之志,則可謂大而無以加矣。然 地之化,付與萬物,而己不勞焉,此聖人之所 至於「老者安之,朋友信之,少者懷之」,猶天 今夫羈靮以御馬,而不以制牛, 願無伐善」,則不私矣,「無施勞」,則 心也。 人皆

見孔 之。」言使我至此者天命也 路不悦,故夫子陳之曰:「予所否塞者天厭 子,亦其善心也,聖人豈得而拒之? 子 孔子之見南子,禮當見之也。 南子之欲

孔子曰:「二三子以吾爲隱乎?

吾無

隱乎 言,必降而自卑,不如此則人不親。賢人之 若此,猶恐衆人以爲高遠而不親也。 孟子則可見矣。 言,必引而自高 爾。」 無知之謂 ,不如此則道不尊。 也 聖人之教人, 觀孔子、 聖人之 俯 就之

不皆然,終始兩端,皆竭盡矣。 知,極其遠者,雖聖人亦如是矣。 其與人莫 人,問知,子曰知人」。 叩其兩端」者,如「 舉其近者,衆人 樊遲問仁,子曰愛 之 所

尊,聖賢之分也。「不爲酒困」是也 聖人愈自卑而道已高,賢人不高 則 道 不

雩,詠而歸」,言樂而得其所也。孔子之志 事 莫不遂其性,曾點知之,故孔子喟然歎 孔子不取。 於「老者安之,朋友信之,少者懷之」,使萬物 ',而能知孔子之志,故曰「浴乎沂,風乎舞 子路、冉有、公西華皆欲得國而治之,故 曾點狂者也,未必能 爲聖人之 E :

仲尼「三年有成」,因周之舊。

喜怒在事,則理之當喜怒也,不在 血

氣,則「不遷」。

於義理無害,雖貧亦樂,有害則慊慊一有

則]字。不樂。

之,故其言如此 聖人不敢有忘天下之心,知其不可而猶爲 易之也, 今所以周流四方, 爲時無道故也。 孔子言:如使天下有道,我則無所治,不與 也,孔子雖欲行其教,而誰可以化而易之? 桀溺言:天下衰亂,無道者滔滔皆是

猶是也。《堯曰篇 所常言,故弟子聚而記之。夫子得邦家,亦 二帝、三王之道,後世無以加焉,孔子之

語之而敬,故「不惰」,言其好學也。

瞻之在前」,過者,「忽然在後」,不及

也,「如有所立卓爾」,聖人之中也。

之所當爲。所當爲者,上告天子,下告方伯, 以討其罪爾。 「子在,回何敢死?」死當爲,先死 非回

也。鄭聲使人淫溺,佞人使人危殆,故遠之, 舉前代之善者,準此以損益之,此成法

於法度之中。大德如孔子。 然後可守成法。 「不踰閑」者,不踰矩也。「小德」,出入 小德如顔子,有

一不善,是亦出入也。 聖人之教,未嘗私厚其子。 學《詩》

禮,止可告之若此,學必待其自肯。

可。「吾將仕矣」,未爲非信也 必信,行不必果,惟義所在」,此之謂 而孔子未嘗不欲仕,但仕於陽虎之時則不 孔子與惡人言,故以遜辭免禍。「言不 也。然

公山召我,「而豈徒哉」? 是孔子意:

亦有實知其不能改而不往者。佛肸召亦然。使不叛則已,此則於義直有可往之理,而孔子他雖叛而召我,其心不徒然,往而教之遷善,

事各正其名,則其治如「示諸掌」。皆非也。知孔子不欲觀之説,則於天下知萬皆非也。知孔子不欲觀之説,則於天下知萬

家所切,喻當權。 何爲媚竈? 奥,尊者所居,喻貴臣。竈,一何爲媚竈? 奥,尊者所居,喻貴臣。竈,一

處。 肯。 若, 退 子路言「子之迂也」,又曰「末之也已」,及 日身後又何如也。 曾子便别。 (思,終合於孔子,只爲他信,便自然思量到 獨曾子便道不可。 孔子弟子甚多,亦不能皆合於孔子。 某自涪陵歸,見門人皆已支離,不 孔門弟子,自孔子没後,各自離散,只 如子夏、子張欲以所事孔子 但得箇信時,便自有長 自子貢以 上,必 知 皆 事 其 有 如 不 有 進 他

也。此一段莆田本。

「皆不及門」,今不在焉。

「棠棣之華,偏其反而。豈不爾思? 室「德不孤,必有鄰」,一德立而百善從之。

是遠而。」只取不遠之意。

在是也。察,乃「共之」,「三嗅而作」,使子路知我意不察,乃「共之」,「三嗅而作」,使子路知我意不雉在山梁得其時,而民不得其時也。子路不「山梁雌雉,時哉! 時哉!」此聖人歎

志」, 者, 是任理而不任意否?」曰:「是。」 也,發而不當,是私 别,志是所存處,意是發動 固」與「毋必」相 何用禁止?「毋意」與「毋我」相 自别 「毋意」,毋 也。 意 近,須要分别不 非禁止之辭。 發 意 而 也。 當 即 處。 又問: 是 聖 同。 理 如 人 也, 先 絶 聖 近 意 非 意 與 此 承 志 兀

河南程氏外書第三

河南程氏外書第四

程氏學拾遺

李參録

得,况於事物乎?而已矣。「思曰睿,睿作聖」,聖人亦自思而也,欲以窮至物理也。 窮至物理無他,唯思也,欲以窮至物理也。 第至物理無他,唯思「格物」者,格,至也,物者,凡遇事皆物

臣、父子、兄弟、夫婦之類皆是也。人爲能盡人之道,故可以踐形。人道者,君氣,頭圓足方以肖天地,則形色天性也,惟聖氣,頭圓足方以踐形」者,人生禀五行之秀「惟聖人可以踐形」者,人生禀五行之秀

忠,公理則忠矣。以公理施於人,所以恕也。公,故能好惡人。公最近仁。人循私欲則不公,故能好惡人。」仁者用心以

義,皆欲順利之而已。 利爲主。謂之利者,唯不害之謂也。 一篇之 爲本。」故者,舊也,言凡物之初,未嘗不

以順

天下之言性也,則故而已矣,故者以利

太平而未得見也。「武王不泄邇,不忘遠」「文王望道而未之見」,謂望天下有治道

也。」何謂理? 何謂義? 學者當深思「人心之所同然者何也? 謂理者,謂遠邇之人之事也。

也,

義

性,不假存養,其惟聖人乎!」
存心養性,佛本不至此。」先生曰:「盡心知存心養性,佛本不至此。 晉人高尚,不足道矣。俗,亦皆篤行君子也。晉人高尚,不足道矣。 漢之儒者,所以從學者數百人,非惟風

河南程氏外書第四

質夫云:「頻復不已,遂至迷復。」

三七五

三七六

河南程氏外書第五

馮氏本拾遺

勝 合。 廟 爲災。人事常隨天理,天變非應人事。 羸弱,則必有疾。 寒暑雨,天之常理,然人氣壯,則不爲疾,氣 而云隕霜; 不云夷伯之廟震, 而 也。 人事 分明是有意於 《春秋》書災異,蓋非偶然。 如漢儒之學,皆牽合附會,不可信。 勝,則天不爲災,人事不勝, 非天固欲爲害,人事德 人也。 天人之理,自 云震夷伯之 不云霜隕, 則天 有相 如祈 不

皆未 先 儒 盡 不見於書者,有則不可知, 自 孔 子 如 贊《易》之後,更無 王 輔 嗣、韓康伯,只以莊、老解 人會讀《易》。 見於 (書者,

不

止於此一

事

不覺多,就上減一德亦不覺少。 之,是何道理? 兀子,若減 只就上穿鑿。 如學者見問,儘有可商量,書則未欲出之也。 今時人看《易》,皆不識得《易》是 隻脚亦不知是少,添 若念得不熟與,就上添 某於《易傳》,殺曾下工夫。 譬如不 隻 何物 德亦 識 脚 此 亦

增損則不成矣。私室。主之制度則一,蓋有法象,不可增損,私室。主之制度則一,蓋有法象,不可增損,

不知是多。

若識,則自添減不得也

然且爲之,是「無勇」也。無勇雖因上文,然在」,言其他所祭者,如天地山川皆是也。「祭如在」,言祭相正,言祭相正,言其他所祭者,如天地山川皆是也。「祭如在」,言祭自己祖先。「祭神如神

者須是玩味。若以語言解著,意便不足。某《論語》、《孟子》,只剩讀著便自意足,學

始作此二書文字、既而思之、又似剩。只有

些先儒錯會處,却待與整理過。

祈天永命,道家之長生久視,儒者之入於聖某嘗謂世間有三事,工夫一般。 國家之

他不是不得,只是却不見全體。 釋氏之學,正似用管窺天,一直便見,道

人,理道皆一。

若是直放猛,不知道理,撞出來後,如何處置。不信神怪事,亦不得便放猛,須是知道理。

不得飲湯也? 《月令》儘是一部好書,未易破他。柳子不得飲湯也?

四時改火,不得不然。蓋水之爲患常

火,用木各異,必据時之所宜,不必盡考也。之也。世間風俗,蓋訛謬之甚耳。四時取火,只是將出新火,必盡熄天下之火然後出少,火之爲患常多。龍見而雩可見。寒食禁少,火之爲患常多。龍見而雩可見。寒食禁

得已處,然後歸之於命可也。

儒者只合言人事,不合言有數,直到不

此不易之道。 合葬須以元妃,配享須以宗子之嫡母,

河南程氏外書第五

三七八

河南程氏外書第六

羅氏本拾遺

「倬彼雲漢、爲章于天」、亦是形容聖人也。「赤舄几几」、只是形容周公一箇氣象、不可逐句看、《尚書》、《論語》可以逐句看。「赤舄几几」,只是形容周公一箇氣象,正氣象。大抵古人形容聖人,多此類。如意。「雍雍在宫、肅肅在廟」、亦只是形容文章。「雍雍在宫、肅肅在廟」、亦只是形容之。

皆由天理也。 「不識不知」,言文王化其民,日用不知,

兩人同聞,安得一箇知,一箇不知?「與子游聞之」,當作「於子游聞之」。若

之貞」,則《坤》便只有三德。

利」字不

聯「牝馬」爲

義。

如

云「利牝馬

「黄」,中色,「裳」宜在下,則「元吉」。陰必從陽,然後「乃終有慶」也。

待而亨,惟謙則便亨。

他卦皆有悔凶咎,惟謙未嘗有,他卦有

「征國邑」而已,故曰「志未得也」。「上六鳴謙」,乃有求者也,有求之小,止於得正而有德者,故鳴謙者,乃「中心得也」。多而增益其寡,天理也。「六二鳴謙」,處中多而增益其寡,天理也。「六二鳴謙」,處中

出 外必蹇,來者在 謂也。「蹇蹇」,不暴進,内顧之象也。 尤」,「來連」,「朋來」,「來碩」,皆反身修德之 「朋來」則衆來,言朋來未免於有思也。 外 則 《蹇》「以反身修德」,故往者在 無 事 矣。「連」音平,連 内也,在内 則 有譽。 則 無 外也,在 窮也。 暴進 至於 「 無

敬事

而信」以下事,論其所存,未及治

「來碩」,則來處於大人之事也,故曰「從貴」。

闔闢便是易,一闔一闢謂之變。

天下國家者,以知人爲難,以親賢爲急。 堯之親九族,以明俊德之人爲先。蓋有

善學者,要不爲文字所梏。故文義雖解

錯,而道理可通行者不害也。

者、唯曾子、有子不名。伊川《論語》、曾子、有子弟子論譔。所以知

路有聞,未之能行,唯恐有聞。」説在心,樂主「學而時習之」,「鷹乃學習」之義。「子

發散在外。

伊川

誠孝也。推此,亦可以知爲仁之本。明道守? 守身,守之本也。」不失其身而事親,乃曰:「孰不爲事? 事親,事之本也。孰不爲曰:「孰不爲事? 事親,事之本也。孰不爲有不中理,或至於犯上,然亦鮮矣。孟子孝弟本其所以生,乃「爲仁之本」。孝弟

具,故不及禮樂刑政。伊川

後學文,然有本則文自至矣。明道 「行有餘力」者,當先立其本也。有本而

「致身」猶言致力,乃委質也。明道

人安重則學堅固。伊川

禮之用和爲貴」,有不可行者,偏也。

伊川

驕。然貧而樂,非好禮不能;富而好禮,非貧而言好禮,則至於卑,富而言樂,則至於如此。子貢引切磋琢磨,蓋治之之謂也。若如此。子貢引切磋琢磨,蓋治之之謂也。若

樂不能。明道

「爲政以德」,然後無爲。伊川

而省其所自得,亦足以開發矣,故曰「不愚」。回於孔子之道無所不説,故「如愚」。退

從也,「察其所安」,所處也。察其所處,則「視其所以」,所爲也,「觀其所由」,所

三七九

三八〇

見其心之所存。在己者能知言窮理,則能以

此察人如聖人也。明道

「君子不器」,無所不施也。若一才一

藝,則器也。伊川

也。伊川從之」,而「可以爲君子」,因子貢多言而發從之」,而「可以爲君子」,因子貢多言而發子貢問君子,孔子告以「先行其言而後

行其言,吾然後信之。毋川「先行其言而後從之」,謂觀人者彼能先

「周」謂周旋,「不比」謂不相私比也。

伊川

伊川之,明辯之,篤行之」,五者廢其一,非學也。學」則不進,故「殆」。「博學之,審問之,慎思學」則不進,故「殆」。「思而不」則無得,故「罔」。「思而不

修天爵則人爵至,「禄在其中」矣。子張學干「尤」,罪自外至也,「悔」,理自内出也。

禮之本。 之過,則去本遠矣。儉乃文不足,此所以爲 此,故「憂道不憂貧」,此所以告干禄也。 必 若顔、閔則不然矣。「君子謀道不謀食」,「學 文者稱實而爲飾,文對實已爲 也禄在其中矣」。然學不必得 禄,故告之以 得食,亦有「餒在其中矣」。 奢自文生,文過則爲奢,不足則 伊川 此,使定其心而不 兩物,奢又文 禄,猶耕 君子 爲 利 ,知其. 爲 禄 之不 伊川 儉。 動 如

伊川 諸己而已,豈有争也? 故曰「其争也君子」。 仁者如射,射而不中,不怨勝己者,反求

飲也。若下堂而飲,則辱之甚,無此。毋川「下而飲」,非謂下堂而飲,離去射位而

加采,如有美質而更文之以禮。伊川「素」喻質,「繪」喻禮。凡繪,先施素

地

而

灌以降神,禘之始也。「既灌而往者」,

「不知」者,蓋爲魯諱。如自此事而正之,其於自始以至終,皆無足觀,言魯祭之非禮也。

天下,如指掌之易。伊川

邪正,辯威儀云云。伊川一,故曰「不同科」。 所謂五善者,觀德行,别一,故曰「不同科」。 所謂五善者,觀德行,別「爲力」猶言爲功。 射有五善,爲功不

伊川爲諂也,聖人道弘,故止曰「人以爲諂也」。「事君盡禮」,在他人言之,必曰小人以

反側」,是「哀而不傷」。明道而不淫」。「哀窈窕,思賢才,求之不得,展轉而不淫」。「哀窈窕,思賢才,求之不得,展轉

事,未嘗不再三言之也。毋川似。重言之,所以深責之也。如今人嗟惜一似。重言之,所以深責之也。如今人嗟惜一「成事不説」至「既往不咎」者,大概相

善。堯舜湯武,其揆一也。征伐非其所欲,成湯放桀,惟有慙德,武王亦然,故未盡

所遇之時然耳。伊川

「里」,居也,擇仁而處之爲美。

明道

若欲有名而爲之之類,皆是以爲利也。●

·知者利仁」,知者以仁爲利而行之。

至

知者知仁爲美,擇而行之,是「利仁」也。

心有其仁,故曰利。毋川

在,「小人懷惠」,惟利之所在。伊川土」,惟事之所在。「君子懷刑」,惟法之所土。「君子懷刑」,惟法之所

而已。伊川廟,如子貢之才可使於四方,可使與賓客言廟,如子貢之才可使於四方,可使與賓客於字子以瑚璉之器答者,但瑚璉可施禮容於宗子與現達之器答者,但瑚連可施禮容於宗子貢問「賜也何如」,賜自矜其長,而孔

雕開之對。明道未能自信,不可以治人,孔子所以説漆

● 「也」下,涂刻本有小注「伊川」二字。

子貢常方人,故孔子答以「不暇」,而 又

問 「與回也孰愈」,所以抑其方人也。

也。 其在勉, 不喻,則亦可使慕之,皆有教也。 「曰吾與女弗如也」,使子貢喻其言,知 聞 一知十」,「聞一知二」,舉多少而言

子貢所及。伊川 者也。「無加諸人」者,「己所不欲,勿施 人」者也。 「不欲人之加諸我」者,「施諸己而不願」 此「無伐善,勿施勞」者能之,故非 於

得 貢 聞 親達其理,故能爲是歎美之辭,言衆人不 也。 「夫子言性與天道,不可得而聞」,唯子 伊川

伊川 棁之事,不知 蔡」與采同。 也。 山節藻棁,諸侯之事也。 大夫有采地,而爲山節藻

「三月不違仁」,言其久也,然非成德

之事

所謂令色。 祝鮀之佞」,所謂 當衰世,非此難免。 巧言,「宋朝之美」, 伊川

蓋踰涯分也。伊川 「上知」,高遠之事,非中人以下所可告,

而遠之。 也,故有非鬼而祭之、淫祀以求福,知者則敬 施爾也。 民之所宜者務之,所欲與之聚,所 明道 人之所以近鬼神 而褻之者,蓋 惡

惑

勿

深者,不能如此形容之。母川 之體也,動則自樂,静則自壽。 知如水之流,仁如山之安。 非體仁 動静,仁 |知之 . 知

也 器 伊川 而天下之物莫不皆然,天下之事亦猶是 觚之爲器,不得其法制,則 非觚 矣。 舉

宰我言:如井中有人,仁者當下從之

所履,可欺以其方,難罔以非其道。明道否?●子曰:君子可使之往,不可陷以非其

道者也。伊川中庸之德,不可須與離,民鮮有久行其

「脩己以安百姓」,亦猶是也。伊川、大小而言、博施濟衆亦仁也,愛人亦仁也。「堯、舜、其猶病諸」者,猶難之也。博則廣而無極,衆其猶病諸」者,猶難之也。博則廣而無極,衆其猶病諸」者,猶難之也。博則廣而無極,衆

人於文采,皆不曰吾猶人也,皆曰勝於

人爾。至於躬行君子,則吾未見其人也。

伊川

泰伯知王季之賢,必能開基成王業,故

爲天下而三讓之,言其公也。明道

命,使紂賢,文王爲三公矣。 伊川下,故泰伯以天下之故而讓之也。 不必革下,故泰伯三以天下讓者,立文王則道被天

「惟仁者爲能以大事小。」仁者欲人之善而矜凡人有所計校者,皆私意也。 孟子曰:

下。「犯而不校」,亦樂天順理者也。伊川人之惡,不計校小大强弱而事之,故能保天

而惟疾之甚,必至於亂。明道人而不仁,君子當教養之。不盡教養,

爲學三年,而不至於善,是不善學也。

明道

● 「下」下,涂刻本有「而」字。

三八三

三八四

洋洋乎盈耳哉,美之也。 亂 治 也 師 摯始治《 明 道 關 雎》之樂, 其

洋洋盈耳」,美也。 孔 子反魯,樂正,

河 雅》、《頌》各得其所。 蹈 海,由樂正,魯不用,而放棄之也。 禹 了,吾無間然矣」,言德純完,無可非 其後自太師而 下,人 伊川

間

明道

多 事 也 以義而致利 人不當以利爲心。 也。 門人一 「子罕言利」,非使 論 伊川 語 \Rightarrow 斯可矣。罕言仁者,以其道大故 一部,言仁豈少哉? 紀録,盡平生所言如此,亦不爲 《易》曰: 人去利而 「利者義之和 就 蓋仁者 害 也 一、蓋 大

他 無 知也。 吾有. 知乎哉? 與「吾無隱乎 無 知 爾 也」者,盡以 同。 伊川 告人,

告鄙夫也。 叩 就也。 伊川 兩端」猶言兩 頭, 謂 始終

> 欲 將 至,有開 鳳 鳥 不至, 必先 河不出圖,吾已矣夫」者 也。 伊川

伊川 不 道」,知其所往也。 重者也。 不 變也。 以 權衡 可 與 入無權 「權」與權 而 共學」,所以 知輕 衡 重矣,聖人則是 「可與立」者,篤志 ,則不能知 衡之權同,稱物 求之也。「可 輕 重。 而 權 聖 固 知 衡 與 人則 其 執 也 輕 適 而

也。 明道 寢食不當言語,時必齊如也,臨祭 則敬

色斯舉矣」,不 明道 至悔吝; 「翔 而 後 集」,

審

擇其處。

知之也。 子俾子路復審言詳意,故三嗅 世,反不得 山 梁 伊川 雌 其所。 雉得 其 子路不達,故共 時, 遂其 性 而 ; 起,庶子路 而 具 人逢 孔 亂

先進」,猶言前 輩 也; 「後進」,猶 言後

故 輩 欲救之以質,故曰「如用之,則吾從先進」,取 文者也,故曰「君子」。 日 誠意之多也。 也。 「野人」。 「先進之於禮樂」,有其誠 「後進之於禮樂」,習其容止 孔子患時之文弊,而 意 而 質 也, 而

其

明道

當 子欲從古人,古人非質朴也。 進 [時之人自謂得宜,而以古人爲質朴,故孔 於禮樂,君子也」,謂 先進於禮樂,野人也」,謂其質朴。 其得 宜 伊川 周末文弊, 「後

者,皆從於陳、蔡者也。 人有「德行」者、「政事」者、「言語」者、「文學」 無及孔子之門者,思其人,故數顔子以下十 從我於陳、蔡者,皆不及門」,言此 明道 時 皆

賢者,固不止此,曾子傳道而不與焉,故知十 哲,世俗之論也。 四科,乃從夫子於陳、蔡者爾。 明道 門人之

閔子之於父母 良 弟,盡其道而處之,故

> 人無非間之言。 JII

也,然而行不掩焉,是無實 過猶不及」,如 琴 張、曾 也。 哲之狂, 明 道 皆 過

才高者過,過 明道 則一出一人, 卑者不及,

失之毫釐,謬以千里。伊川 義,墨出於仁。 則怠惰廢弛。 師、商過不及,其弊爲楊、墨。楊 仁義 雖天下之美,然如此者

出於

也哉? 曾子少孔子,始也魯,觀其後明道,豈魯 明道

之篤 人也。 之,可以至於聖賢,然其始必循轍 苟不履聖賢之迹,則亦不入其奥,故爲 正子爲善人信人。 至於百年,乃「可以勝殘去殺」也。 厚者是與。 善人,非豪傑特立之士不能自達者也 論篤,言之篤厚者也,取 君子者乎? 有諸己之謂 於人者,惟 色莊者乎? 信,能 孟子 迹 而 邦必 充 以 後 實 樂 能

三八六

乃可也。明道未可知也。不可以論篤遂與之,必觀其行事

伊川能克己復禮,則天下稱其仁,非一日之間也。「一日克己復禮,天下歸仁」者,言一旦

「宿」謂預也,非一宿之宿也。毋川子路之言信,故「片言可以折獄」。毋川

心者也,故孔子因問而告之。母川子張少仁,無誠心愛民,則必倦而不盡

也,又勞勉之。毋川曰:「以左右民。」師保左右,先之也。 勞,勉曰:「以左右民。」師保左右,先之也。 勞,勉「先之勞之」者,昔周公師保萬民,《易》

明道「無倦」而已,未嘗復有所告,姑使深思之也。「無倦」而已,未嘗復有所告,姑使深思之也。子路問政,孔子既告之矣,及請益,則曰

大爲小,以高爲下,則言不順,至於民無所措凡有物有形則有名,有名則有理。如以

手足也。●

爾之言,本不知朞月三年之事。」伊川爾之言,本不知朞月三年之事。」伊川郡山。 然青月三年之説,今世又不同,須從年也。然朞月三年之説,今世又不同,須從年也。然朞月三年之説,今世又不同,須從年也。然朞月三年之説,今世又不同,須從年也。然朞月三年之説,今世又不同,須從年也。然八里年之説,今世又不同,須從年也。然八里年之說,今世又不同,須從年也。然八里年之說,今世又不同,須從年也。然八里年之說,今世又不知人。其次不知人。

而後仁」,化浹也。母川三十年爲一世,三十壯有室也。「必世

也。如國有政,吾雖不用猶當與聞之也。「其事也。」言季氏之家事而已,謂之政者僭冉子謂季氏之所行爲政,孔子抑之曰:

❶ 「也」下,涂刻本有小注「伊川」二字。

亦可以爲士。明道事。小人對大人爲小,非爲惡之小人也,故之事。「言必信,行必果,硜硜然」,小人之之事。「言不必信,行必果,咥べ然」,小人之

「切切」如體之相磨,「偲偲」則以意。此則近於仁,亦猶不得中行而與狂狷也。伊川者質朴,「訥」者遲鈍。此四者比之巧言令色「剛」者堅之體,發而有勇曰「毅」,「木」

明道言告子路,故曰「切切,偲偲,怡怡如也」。

原憲,孔子高弟,問有所未盡。蓋克伐其時可矣,如小國五年,大國七年云。毋川「善人教民七年,亦可以即戎」,聖人度

於無,故止告之以爲難。伊川怨欲四者無,然後可以爲仁,有而不行,未至

「邦有道穀,邦無道穀,耻也」,此汎舉

危猶獨也,與衆異不安之謂。邦無道,行雖則「危言危行」,「危行言遜」,乃孔子事也。也。「直哉史魚」,不若「君子哉蘧伯玉」。然

危而言不可不遜也。

明道

嚴厲其行而不苟,言則當遜。毋川「卷而懷之」,乃「危行言遜」也。「危行」者,「直哉史魚」,不若「君子哉蘧伯玉」。

以 者 心,而不知召王之爲不順,故 此爲作《春秋》而言也。晉文公實有 則正,故正掩其譎。 孔子言之以爲戒。 「正」 桓公伐楚,責包茅,雖其心未必尊王,而 事功而言也。 正行其事耳,非大正也,亦猶管仲之仁,止 晉文公譎而不正,齊桓公正 伊川 譎 掩 其 而 勤王之 不 正 其 事 齊

二弟也,桓公兄而子糾弟也。襄公死,則桓之人,固可從乎? 曰:「桓公、子糾,襄公之桓公殺公子糾,管仲不死而從之。殺兄

同,古字通用。

子

從 糾,不正 《左傳》獨言子糾,誤也。然書齊人取子糾殺 君嗣 公當 事,亦義也。 君,又殺之,故書子,是二罪 之者,齊大夫嘗與魯盟于蔇,既欲納糾 公,則曰 止曰糾,不言齊,以不當有齊也,不言子,非 太宗,可謂害於義矣。 子 立 也。 齊 也,終從於正,義也。 此 小白,言當有齊國也 以 《公》、《穀》並注 如魏徵、王珪不死建成之難,而 ^ 春 秋 **>** 知 伊川 之 也 四處皆書納糾 也。 ^ 召忽不 於子 春 管氏 秋 糾 **>** · 負 始 以 書 所 則 事 爲 柜

「君子固窮」者,固守其窮也。伊川

也。若夫真知,未有不能行者。母川「知及之,仁不能守之」,此言中人以下

死者,言民之不爲仁也。毋川 民於爲仁,甚於畏水火,水火猶有蹈而

諒與信異,自大體是信,亮必爲也。爲仁在己,無所與讓也。明道

明

道

明道

曰 : 似 也。 「君子不亮,烏乎執?」伊川 「性相近」,對「習相遠」而言, 諒 上智下愚才也,性則皆善。 固 執 也, 與 亮 相近 自 暴 孟 猶 自

相

道。東周衰亂,所不肯爲也,亦非革命之謂「吾其爲東周乎?」若用孔子,必行王然後不可移,不然則可移。毋川

也

明道

行五者於天下,其仁可知矣。明道以得衆,信爲人所任,敏而有功,惠以使人,以得衆,信爲人所任,敏而有功,惠以使人,「恭則不侮」,蓋一恭則仁道盡矣,又寬

所以愚, 而 往者,度其終不足與有爲也 栗,剛 佛肸召子,必不徒然,其往 六言六蔽」,正與「恭而 非 而無虐」之義。 能 仁 而愚,徒好而不知學乃愚。 蓋好 仁 無 禮 義 而 則 也,然終不 不好學,乃 勞」,「寬

二《南》人倫之本,王化之基,苟不爲之,

詩無以言」,故猶「正墻面而立」。明道則無所自入。古之學者必「興於詩」。「不學

也,是亦教誨之而已矣。」孔子不見孺悲,所孟子曰:「教亦多術矣,予不屑之教誨

「君子不施其親」。施,與也,言其不私以深教之也。明道

其親暱也。伊川

與人交際之道,則子張爲廣,聖人亦未

嘗拒人也。明道

爲人師法矣,非謂此可以爲人師道。「日知其所亡,月無忘其所能」,此可以

行,切問近思在己者,則仁在其中矣。明道學不博則不能守約,志不篤則不能力

伊川

「聽其言也厲」,則如東西南北正定,地道也,也温」,中心和易而接物也温,備人道也。「望之儼然」,秉天陽高明氣象。「即之

蓋「非禮勿言」也。君子之道,三才備矣。

明道

「小德」如援溺之事,更推廣之。毋川「大德不踰閑」,指君臣父子之大義。

學既優則可以仕,仕既優則可以學。優

裕,優閑,一也。伊川

焉。」推此言之,子張過於薄,故「難與並爲仁彈之而成聲,作而曰:「先王制禮,不敢不至子張既除喪而見,予之琴,●扣之而和,

矣」。明道

「綏之斯來,動之斯和」,以夫子德性而言。子貢言「性與天道」,以夫子聰明而言,

因其順利而道之。 明道 「因民之所利而利之」,若耕稼陶漁,皆

「予」,原作「子」,據涂刻本及《禮記・檀弓》改。

0

則能格物而窮理。伊川謂「知言」是也。必有諸己,然後知言,知之謂「知言」是也。必有諸己,然後知言,知之

今之城郭,不爲保民。●

此孟子所以四十不動心,小人反是。明道君子道弘,故可大受,而不可小了知測。

不爲阿好而言,謂其論可信也。毋川不爲阿好而言,謂其論可信也。毋川,必有若等自能知夫子之道,假使污下,必

赤子入井,其顙有泚,推之可見。毋川大子入井,其顙有泚,推之可見。毋川之端緒。

必至於是,故直之也。 伊川未嘗有如此等言,但孟子拔本塞源,知其流未嘗有如此等言,但孟子拔本塞源,知其流墨子愛其兄之子猶鄰之子,《墨子》書中

,即是廣居。 「廣居」,「正位」,「大道」,一也。不處小

節

也。人子事親,豈有大過曾子? 孟子之心,事親若曾子而曰可者,非謂曾子未盡善

皆可見矣。明道

曰「君子而時中」。毋川久,可以速則速」,此皆時也,未嘗不合中,故了可以仕則仕,可以止則止,可以久則

❶ 「民」下,陳刻本、涂刻本有小注「明道」二字。

孔子於孺悲,所謂不屑之教誨者也。

伊川

桎梏而死」者,君子不謂命。母川命皆一也。「莫之致而至」者,正命也。

恕者入仁之門。伊川

仁,理也。人,物也。以仁合在人身言

之,乃是人之道也。伊川

「充實而有光輝」,所謂修身見於世也。

伊川

馬時伸。存了,猶云只此便有至理存焉。此段伊川語,得之存」,猶云只此便有至理存焉。 「不下帶而道古人於一帶,必皆有意義。 「不下帶而道「帶」蓋指其近處,「下」猶舍也,離也。

使中人以下知所畏懼修省,亦自然之理耳。「經德不回」,乃教上等人。禍福之説,

若釋氏怖死以學道,則立心不正矣。明道

河南程氏外書第六

河南程氏外書第七

胡氏本拾遺

伊川曰:「『維天之命,於穆不已』,忠忠乎!『天地變化草木蕃』,不其恕乎!」明道曰:「『維天之命,於穆不已』,不其

心敬則内自直。

也;

『乾道變化,各正性命』,恕也。」

匹夫悍卒見難而能死者,有之矣,惟情

思慮,不得至於苦。

慾之牽,妻孥之愛,斷而

不惑者鮮矣。

合天人,通義命,此大賢以上事。

人之多聞識,却似藥物,須要博識,是所

切用

也。

便不是。

爲天下,安可

求

近效?

才計

較著利

害

則 們自做,未必不勝如吾曹。」仲良曰:「若然, 相用之爲君子,孰不爲君子? 人豈肯甘爲小人,在君相變化如何耳。 才難,變化人才易。今諸人之才皆可用,且 在 朝 無紹聖間事也。」尹子親注云: ,欲盡去元豐間 程子與侯仲良語及牛、 人。 程子曰 李 此 事, 此等事教他 段可疑。]:「作 因言 若宰 新 温 公

世事與我了不相關。明道

義者。君子勇於義,小人勇於氣。 勇一也,而用不同,有勇於氣者,有勇於

日,先生進曰:「願陛下推此心以及天下。」 伊川在經筵,已聞上盥漱噴水避蟻。 他

叔以告,先生曰:「勿陷人於惡。」

程子葬父,使周恭

叔

主

客。

客欲酒,恭

風竹便是感應無心。如人怒我,勿留胸

中,須如風動竹。

何所?」 (不於此致力盡心,而於不亦過乎?」曰:「不於此致力盡心,而於或謂伊川曰:「先生於上前委曲已甚,

顯人過惡之意。 聖人之責人也常緩,便見只欲事正,無

聖人凡一言便全體用。

聖人,責己感也處多,責人應也處少。

二年。雖是子,亦天子之民也,不當殺而專殺其子如何? 律:徒一年,以理考之,當徒律:孫告祖當死,此不可告,明矣。然則父有人疑祖殺其父,則告之,其罪如何?

其自視也惟恐不中節,豈不勞哉? 吾嘗見一貴人,吾進退以禮,而彼巍巍, 殺之、是違制也、違制徒二年。

當顏子之時,不爲顏子所爲,非中也。顏子「君子而時中」,謂即時而中。如禹、稷

亦然。

主,便心不動。 孟子,故問不動心有道。如數子者,皆中有孟子,故問不動心有道。如數子者,皆中有

才也。 有偏正 惟自棄自暴,則不可以爲善。 以爲善。 氣以復其善爾。 之曲直,其性也,或以爲車,或可以爲輪,其 之謂性,禀於氣之謂才,才之善不善由氣之 性無不善,其所以不善者才也。 也。 然而才之不善,亦可以變之,在養其 故孟子曰:「人皆可以爲堯、舜。」 乃若其情,則無不善矣。 故能持其志,養其 氣,亦可 受於天 今夫木

倫者,天理也。彼將其妻子當作何等物看,儒者事?」子曰:「此所以與儒者異也。人謂希有。在欲而行禪,希有亦如是,此豈非或問:「維摩詰云『火中生蓮花』,是可凡聲皆陽聲,大鳴則大震,小鳴則小震。

三九三

年而 望望 及 所以爲常也。今夫人生百年者常也,一有百 必 厚尤所切齒者此耳。」 爲釋氏者 有 而言之,至以天地爲妄,何其陋也! 死 然 不死者,非所謂常也。 以 ,以成壞爲無常,是獨不知無常乃 爲累者,文王不如是 有始者,必 有終,此 釋氏推其私 所 也。 以 爲 有 常 生 智所 張子 者 也。

大也。

坎之象。」
物不得,故水有離之象。火能入物,故火有物不得,故水有離之象。火能入物,故火有乎?」曰:「此言甚有味,由人如何看。水離明:「張子曰『陰陽之精,互藏其宅』,然

無不合。 無不合。 作《易》,自天地幽明至於昆蟲草木微物

則當立也。今糾争立,故皆不言子,及殺之,糾。且糾與小白皆公子,非當立,而小白長本。書子糾事,五處皆言糾,獨《左氏》言子本。《春秋》有三《傳》及三本正《經》,共是六

而秦王奪之,魏徵去建成而事秦王,不義之白,皆非正,去就輕也。非如建成既爲太子,年君稱之。以此校之,則管仲之去糾事小然後言子糾,蓋謂既已立之矣,故須以未踰

習飛。也,時習之,則所學者在我,故説習如禽之也,時習之,則所學者在我,故説習如禽之「學而時習之。」所以學者,將以行之

恕之爲道也。即是仁之本,蓋謂爲仁之本當以孝弟,猶忠即是仁之本,蓋謂爲仁之本當以孝弟,猶忠「孝弟也者,其爲仁之本與!」非謂孝弟

飾過則失實,故寧儉,喪主於哀戚。

也。」然未至於仁也,以其有欲字爾。人。」恕也,近於仁,故曰:「賜也,非爾所及人。」報也,近於仁,故曰:「賜也,非爾所及「我不欲人之加諸我也,吾亦欲無加諸

也」。亦有不當「愚」者,比干是也。邦無道,則能沉晦以免禍,故曰「不可及

「仁之方」,方,術也。

之節,蓋言顏子經天道之變,而爲仁如此,其「三月不違仁」,三月言其久,天道小變

能久於仁也。

問:「何以不得比?」曰:「爲有不通處。」又問侍郎: 得其所。」又問:「伊川如何?」曰:「却不得比明道。」又 問 再論河南二先生學術。 動,徐曰:「有一二事,恐門人或失其傳。」後來在長沙, 「先生言伊川不通處,必有言行可證,願聞之。」至完色 其樂,不知所樂者何 人物,因問程明道如何。 至完曰:「此人得志,使萬物各 何以言之,曰:「昔鮮于侁曾問:「顔子在陋巷,不改 《胡文定公集》記此事云:安國嘗見鄒至完,論近世 至完却曰:「伊川見處極高。」因 伊 111 却問 E 「尋常説顔子所

> 深也!」 至完日: 或曰:「樂道。」伊川曰:「若説顔子樂道,孤負顔子。」鄒 具。」」又《震澤語録》云:伊川問學者,顔子所樂者何事。 神祠廟宇,人始知爲善。古人觀象作服,便是爲善之 又曰:「浩昔在穎昌,有趙均國者,自洛中來。 樂者何?』侁曰:「不過是説顔子所樂者道。」伊 「曾見先生,有何語?」均國曰:「先生語學者曰:「除却 『若説有道可樂,便不是顔子。』以此見伊川見處 「吾雖未識伊川 面,已識伊川心。 何其所造之 浩問: 極高。」 JII 日

「樂山」「樂水」,氣類相合。

「文莫吾猶人也」,文皆欲勝人,至躬行

則未嘗得也。

「成」。此樂之本也。古者玉不去身,無故不『」。 此禮之文也。中心斯須不和不樂,則『」。 人無禮以爲規矩,則身無所處,故曰『與」。 人無禮以爲規矩,則身無所處,故曰讀,其善惡是非勸戒,有以起發其意,故曰讀,其善惡是非勸戒,有以起發其意,故曰

三九五

三九六

蹈。 亦 徹 養之者備 琴 爲吉士,由養之至也。 以養其血 瑟 矣。 自 成 氣,故其 童 理 人 義 學, 以 (才高者爲聖賢,下者 養 四 其 + 心 而 禮樂 出 仕 , 所 作 以 舞 教

利是辨,則忘義矣,故「罕言」。利,不能全不較論,但不至妨義耳。乃若惟利,實無二義,以其可利,故謂之利。聖人於所謂利者一而已。財利之利與利害之

集」,不止擇君,凡事必詳審也。「色斯舉矣」,知幾莫如聖人。「翔而後

亦可以爲成人,又其次也。
不忘平生之言」,信也。有忠信而不及禮樂,也,若文之以禮樂,則無不正者。今之成人也,若文之以禮樂,則無不正者。今之成人也,若文之以禮樂,則無不正者。今之成人以爲成人矣」,成人之難也。 武仲之智非正以爲成人矣」,成人之難也。 武仲之智非正以爲成人矣」,成人之難也。 武仲之智非正以爲成人,又其次也。

伊川先生將屬纊時,顧謂端中曰:「立一

已久。 云: 乎?」曰:「立廟自伊 或 Ш 敢 昂曰"「明道不得入廟耶?」師聖曰"「我不 子 可 喪,明道之長孫昂, 容私。 <u></u> 以 也。 謂 此一段差誤。 義起矣。 蓋 師 况古者有諸侯 指 聖 今繼伊 明道先太中而卒,繼太中主祭者伊 其 日 適 : 况立 子 ĴΠ 明 端 非 廟自伊川 道 自 彦 端 (奪宗、 ĬII 既 以當 也 彦 始。 死 而 語 立, 庶姓奪嫡之説 其 始乎?」尹子親注 又明道長子死 何?」議始定。 絶 長 侯 而 師聖 子不當立 没 不可 既 除

其 見其 、身。」《易》曰:「知至至之。」 能 學者必知 進 也 所 故 以 孟 入人德。 子 不知 示 明 所 乎善,不誠 以 人 、德,未

别本拾遺

明道見神宗論人材。上曰:「朕未之見

「上日朕未之見也」一句。然曰:「朕不敢! 朕不敢!」此段見《行狀》,無也。」明道曰:「陛下奈何輕天下士?」上聳

復出此。

文外者也。」」此一條已見於《大全集》,然頗有缺誤,故逆於心,曰:『此《中庸》之理也,能求於語言逆於心,曰:『此《中庸》之理也,能求於語言

矣,不必及門也。」
方學者曰:「苟能尊所聞,力行所知,則可方學者曰:「苟能尊所聞,力行所知,則可以之事,止南崇慶黨禁方嚴,子徙居龍門之南,止南

公在温公《通鑑》局中。
曰:「吾嘗聞之夫子,有所指而言之也。」時范目,「吾嘗聞之夫子,有所指而言之也。」,祖禹《人有篤志力行而不知道者,信乎?』」祖禹或問范祖禹曰:「或謂夫子有言曰:

河南程氏外書第七

三九七

三九八

也是

河 南 程氏外書第八

游 氏本拾遺

問文中子「圓者動,方者静」。 先生曰:

此 正倒説了。 静體圓,動體方。」

還肯 其義不謀其利,明其道不計其功。」 死否?」曰: 問:「管仲設使當初有必死之理 「董仲舒道得好,惟仁人正 子,管仲

問 知崇禮卑。 曰:「崇的便是知,卑的

便是禮。」

間 無 窒 問: 礙處否?」曰:「此語固好,然 「充塞 乎天地之間,莫是用於天 孟 子 却 地

問 「寢不尸」。 曰:「毋不敬。」 是

説

氣之體。」

私。 得不見? 妾,靈公既以夫人處之,使孔子見,於是時豈 古者大享,夫人有見賓之禮。

「天且不違,况於鬼神乎?」鬼神言其功

用,天言其主宰。 「天下雷行物與无妄」,先天後天,皆合

乎天理也,人欲則僞矣。

「古人善推其所爲而已矣」,此特告齊宣

云爾,聖人則不待推

至孟子時,不得不辨也 不尊之。後弟子各以其所學行,異端遂起,

仲尼聖人,其道大。當定、哀之時,人莫

之義。

鼓萬物而不與聖人同憂」,聖人有爲之

歲寒然後知松柏之後凋」,只取堅不變

然學者不恁地 因論「持其志」。 不 · 得。 」 先生曰: 「只這箇

南子

雖

功,天地不宰之功。

王者天下之義主也,故孟子所以勸齊之可以 民塗炭,諸侯是時能行王道則可以王矣。蓋 民塗炭,諸侯是時能行王道則可以王矣。蓋 孟子時,七國争雄,而天下不知有周,然而生 孟子下之義主也,故孟子所以尊周爲本。至 五子下之義主也,故孟子所以勸齊之可以 王者天下之義主也,故孟子所以勸齊之可以 五子下之義主也,故孟子所以勸齊之可以

蓋別有所樂以勝之耳。伊川顏子簞瓢陋巷不改其樂,簞瓢陋巷何足樂?食穩便。因謂「君子食無求飽,居無求安」,食穩便。因謂「君子食無求飽,居無求安」,

是。 能 有 曰 勝之者皆可食,但君子有不忍之心爾。 而 兩 『見其生不忍見其死,聞其聲不忍食其 説 生,殺之則不仁,此説亦不然。 豈有人爲蟣蝨而生耶? 問:「佛戒殺生之説如何?」曰:「儒者 一説,天生禽獸,本爲 人食,此 一説,禽獸 大抵 説 故 力 不 待

放之則害義。」」毋川忍殺,放去。頌中有二句云:『殺之則傷仁,肉,是以君子遠庖廚也。』舊先兄嘗見一蝎不

至於塞乎天地,皆不孤也。也。爲善者以類應,「有朋自遠方來」,充之也。爲善者以類應,「有朋自遠方來」,充之

■ 「美」、涂刻本作「義」。

三九

仁在己,讓不可也。若善名在外,則不

可不讓。

匹婦之諒亦無也。 乃知其仁也。若無此,則貪生惜死,雖匹夫 管仲不死,觀其「九合諸侯,不以兵車」,

河南程氏外書第八

河南程氏外書第九

河南程氏外書第九

春秋録拾遺

《詩》、《書》、《易》如藥方、《春秋》如治法。《詩》、《書》、《易》如律,《春秋》如斷案,復作《春秋》? 蓋《春秋》聖人之用也。《詩》、《書》、《易》言聖人之道備矣,何以

同

母

與不同母乎?

先儒穿鑿,不可用。 元年,標始年耳,猶家人長子呼大郎。

子時,唯可尊周,孟子時,方可革命。時變一或言絕筆後,王者可革命,大非也。孔

然也。前一日不可,後一日不可。

弑其君買,皆從《傳》説。 范文甫問趙盾弑其君夷臯,又問許世子

《春秋》書戰,以戰之者爲客,受戰者爲 生,以此見聖人深意。蓋彼無義來戰,則必 上告於天子,次告於方伯,近赴於鄰國,不如 上告於天子,次告於方伯,近赴於鄰國,不如 是而與之戰者,是以聖人深責之也。若不得 是而與之戰者,則與之戰之者爲客,受戰者爲

義。禽獸則知母而不知父,人必知本,豈論《公羊》説《春秋》,書弟謂母弟,此大害

走也。定公至六月方即位,又以見季氏制位,與僖、文等,同辭則其惡自見,乃所以深位,與僖、文等,同辭則其惡自見,乃所以深

四〇

看,有何意味乎?《春秋》之法,不見聖人所寓微意。若如是始隱,孫明復之説是也。孫大概唯解

之社稷,而身從父,則義矣。其父而不與其國,委於所可立,使不失先君期瞶得罪於父,不得復立,輒亦不得背

戰于郎,潞公甚喜。 嘗因説伐顓臾事,對上言《春秋》重兵,如來 《春秋》大抵重嫡妾之分,及用兵土功。

河南程氏外書第九

河南程氏外書第十

大全集拾遺

物 事 嘗無怒也,「一怒而安天下之民」; 聖人未 無哀也,「哀此煢獨」,聖人未嘗無懼 而 懼」; 聖人 聖人未嘗無喜也,「象喜亦喜」,,聖人未 但中其節,則謂之和 聖人未嘗 無欲 未嘗 也,「我欲仁,斯仁 無愛也,「仁民 也, 而 至 嘗 愛 臨

燭無疆」,可乎? 隱可也,仕不可也。人之道,至卿不傳。楊子雲仕莽賊,謂之「旁見聖賢,雖曰尊子弓,然而時相去甚遠。聖見聖賢,雖曰尊子弓,然而時相去甚遠。聖曹卿才高學陋,以禮爲僞,以性爲惡,不

劉子文之學甚支離,只立名做法語,便

不是了。

語之外,别立得這箇義理,便道中庸矣。道,游酢於《西銘》,讀之已能不逆於心,言

一作「到」。

性,日則自然一般生底氣,便與人氣接。 向日與向火意思别,火只是一箇酷烈底

月五星。」 問星辰。曰:「星是二十八宿,辰是日

遂亦甘,只是要相地脈如何。 共溝,扶溝水皆醎,惟僧舍井小甘,不欲令婦 及如在襄城,寺中水醎,寺外即甘。一日觀 又如在襄城,寺中水醎,寺外即甘。一日觀 又如在襄城,寺中水醎,寺外即甘。一日觀 又如在襄城,寺中水醎,寺外即甘。一日觀 之,又一縣無水。 、以一縣無水。

如今方發。 冬桃,今視之似先春,其實晚桃也,直到

若淵、

亦

南 京三十六岡 改葬,只是臺中人爲之,

要得自振其術以營利也

不招此禍? 利,然偶獲禍。 有 人葬埋,至有毁伐其親之屍 其事雖未必然,然据理,安得 以 祈 福

冬至與諸友賀,先生不出,云有司法服,

慰乃出

爲,必得於師 《子夏易》雖非卜商作,必非杜子夏所能 傳也。

人,因人論德行,大體通論易道,而終於「默 而 [成之,不言而信,存乎德行]。 易因爻象論變化,因變化論神,因神論

見「天地之心」也,乃天理也,此賢人之事也。 復者反本也,本有而去之,今「來復」,乃

惟聖罔念作狂」,如《周官》六德之聖,

通明之謂也。

徽柔懿恭」,四事也。 徽懿皆美也,懿,

> 深也,淵則深中有奧意 《周禮》不全是周公之禮法,亦有後

世隨

美中似有寬裕意,研其意味乃得之。

時添入者,亦有漢儒撰入者。 如《吕刑》、《文

侯之命》,通謂之《周書》。 學者有所得,不必在 談經論道間,當於

聖人氣象,不可止於名上理會。 行事動容周旋中禮得之。 學者不學聖人則已,欲學之,須是熟玩

講論文字。

易學、後來曾子、子夏學得職到上面也。

君實近年病漸較 **愍放得下也。**

物,則物理盡 「 致 知 在格物」,格,至也,窮理而 至於

《書》意,有錯用却處。」嘉仲問:「項籍作紀, 人格言。 先生曰:「司馬 如作紀本《尚書》,但其間有曉不得 遷爲 近古,書中 ·多有前

如是,只是

問"「班固嘗議遷之失,如何?」曰"「後人如何?」曰"「紀只是有天下方可作。」又

議前人固甚易。」

天下寧無魏公之忠亮,而不可無忠臣之

義。昔事建成而今事太宗,可乎?

薛公言黥布出上策,則關東非漢有,非

也。使出上策,亦敗。

社 將 則 戰 稷 奪 其 無主,獨當其任,義不可棄社 而 趙 國,夫人距戰,是也。 殺之,非姊殺弟也,代國夫 子姊爲代國夫人,襄子既殺代 身爲代國夫人, 一稷以與弟, 人 殺 賊 也 王,

非矣。此所謂太丘道廣。陳寔見張讓,是故舊,見之可也,不然則

若太宗,言以功取天下,此尤不可,最啓僭奪取之不正。又妻殺其夫,篡其位,無不至也。宗、肅宗皆篡也,更有甚君臣父子? 其妻則宗、肅宗皆篡也,更有甚君臣父子? 其妻則

篡。若是,則今後父有事,安得使其子?成,史所書却是也。肅宗則分明是乘危而後世以爲聖明之主,不可會也。太宗與建之端。其惡大,是殺兄篡位,又取元吉之妻。

書》讀之,便有一箇支離氣象。 疑有誤字能,亦有至言,然只是一箇氣象。 今日《新《新書》且未説義中否,且如與小人説

間,諸人遂爲之警動,敬而遠之。無有自信者。如游酢、楊時等二三人游其無有自信者。如游酢、楊時等二三人游其

間,先生曰:「毋書某名。」詰其故,曰:「以 使者與一 語之曰:「使者安可不乘?」既 及泥濘,則不 之曰:「某不忍乘,分明以人代畜。 者游二峽,使者相强乘轎,不可。 先生自少時未嘗乘轎。 閒人遊,若錚客。」當時 得已也。」二使者亦將 頃在蜀,與二使 至,留 詰其故,語 竟不乘轎 不乘, 若疾 題 某 病 壁

亦 不 留

致 詞 訟 村 藏 酒 肆 賊盗 要之
富米麥, ·州 縣 極 有 害。 聚閒 人, 妨農 工.

得

死

也

邪

?

勤 會 封 衣 今最宜與他正人畜分,不宜使畜産而 號 服 職 夫人品秩爲 夫 正 士卒效 大 叔 河 謂子厚在 之塞,莫 命。 準。 彼龍,水獸 一禮院 非上天降 正叔 所定龍女衣冠,使依 語其 鑒之靈 也,何力 非,此事 用人之 官 官 焉? 合理 中

害

貯 溝 食之安得 ·渠,洩地之氣,然後少可也。 州 中 汝之多癭,以 諸 無 處,水例皆重濁,至有水脚如 瘦? 地 治之之術,於中開鑿 氣壅滯。嘗有人以器 膠者, 數 道 雜

能 律 律 改也。 否,但 者,言今之人析言破律。 介甫言律是八分書,是他見得。 恐非 惟近年改了一字。 也。 學者 以傳世來,●未 正 舊言指 叔 謂 律 斥乘 又有 便 之或 是 學 輿 此

> 極 言 理惡者死,今改 _ 場凶惡, 無禮於上,猶不當死,須 E 情 理,亦 非 也。 今有 是 反逆 人

志, 也。 則不到於亂。 酒 志之爲 是麴蘖爲之,以 力 極 乃知 可 怪 飲 亂 酒 其 須德持之,未 氣。 人 苟 持 其

箇 百千年。 火時 石炭穴中遺 發 於 今火山蓋爲 Ш 間 也 火,則連蔓火不絶,故 Ш 中時有火光 心必是 有 此 數

其同 不 致 食 不死者,只是其心打得過。 動 敢取,今當不可容,然亦只如此者,蓋自相 而 .行者有不食魚而病死者,有食魚亦 其 病。 昔聶 氣 要之,山中陰森之氣,心懷憂思 覺 血 唱 也。 不 如太一 信鬼神之説,故身 湫 或 魚,自 食 而 唐 病 以來 殺 湫 或不 不 以以 魚 病

0 來」上,涂刻本有「已」字。

拾,然衆人不取,以神爲畏,而特不殘及於此吞魚之魚不衆也。伯淳嘗到其水濱,魚可俯食及亦有死傷也。若晉祠之魚則極多,必是

也。

李人家買乳婢,亦多有不得已者。或不 等。或以勢要二人,又不更爲己子而殺人 之子又足備他虞,或乳母病且死,則不能爲 之子又足備他虞,或乳母病且死,則不能爲 之子又足備他虞,或乳母病且死,則不能爲 之子又足備他虞,或乳母病且死,則不能爲 之子又足備他虞,或乳母病且死,則不能爲

凡人有斗筲之量,有鍾鼎之量,有釜斛内,却不理會得日月,此冥然而行者也。 今人居覆載中,却不知天地在照臨之

器 與天地並 之量,江海亦大矣,然尚 量 所拘 ,故至多不盈,至少不 到滿後自然形見。 有限。 本朝 虚。 惟聖人之 向 凡人 敏 中 號 爲 量

> 也。 溺 有 有度量,至作相,却與張齊賢争取一 作三路運使,及退,隨語室中人曰:「何不 動,又干他身分甚事? 王隨德行,李淑文章。 自 十萬囊彙故 今人何嘗不動? 照 面,看做 也。 得三路運 王隨 至作相,蕭 只得綾寫 亦有 使無?」皆量 德 行 端公欲 妻,爲 卷與 所 便 以 得 其 動

受姓之祖,其流之盛,固有定分也。王、李、趙,雖其出不一,要之其姓蕃衍,此亦程、蘇之姓傳於天下者不蕃,至於張、

却未必全信,却是後世觀史者已信矣。後世遂以爲誠然。如丁謂天書之類,當時人日再中,只是新垣平詐言也,史册實之,

起峰。 太行山千里一塊,石更無間,故於石上

天爲黨也。澤州北望有桑林村,蓋湯自爲犧天下獨高處,無如河東上黨者,言上與

四〇八

師之比。 牲處。湯十一遷,所居皆言亳,卻似今言京

知性命,是果報知之。 佛畢竟不知性命。 世之人相詆曰爾安

之恥 以 理,若是常華,則無此理,卻是妄也。 否?」曰:「只如 死爲無常,有死則有常,無死卻是 問:「古人所謂衣冠不正,無容止 今學佛 者 反 株樹,春華秋枯 以 爲 幻妄,此 乃 無常 誠 今佛氏 是 爲 爲 常 身 理

閉眉合眼,林間石上自適而已。要之,釋氏之學,他只是一箇自私姦黠,

欺詐天下,人莫不溺其説,而不自覺也,豈不 赦 不 原,爲其罪重也 明言吾理,使學者曉然審其是非,始得。 釋氏之説,其 歸 欺 及 詐。 至釋氏 今在 ,自古至今, 法欺 詐 雖

> 何養? 謂 要敗陽氣,其意尤不美,直如此奈何不下。 省,舉事皆反常,不近人情。 子舍之,而僧絶其類。 者,❶得入於形器,故後來只去就上結果,其 幻,卒歸之無。 説始以世界爲幻妄,而謂有天宫,後亦以 窺測因緣轉化。 之大惑耶 幼者 ? 何 佛有髮,而僧復毀形,佛有 長? 原釋 其始亦只似譬喻 祖 以至剪帛爲 若使人盡爲此,則老者 只 是 至如夜食後睡 箇 黠 衲,夜食欲 ,其徒識 胡 天爲 亦 能 卑

來京師印卻便是這本。 大宗小宗圖子,六七年前被人將出,後

河南程氏外書第十

● 「者」,陳刻本、涂刻本作「看」。按"若作「看」,當屬」

河南程氏外書第十一

時氏本拾遺

也。 狗」,非也。 仁」,如何?」曰:「謂『天地不仁,以 同憂,聖人則仁,此其爲能弘道也。 **芻狗」,是也。** 天地何意於仁? 鼓舞萬物而 或 問:「老子言『天地不仁」,『聖人不 聖人豈有不仁? 謂『聖人不仁,以 所患 百 不與聖人 者 姓 萬 不 爲 物 爲 芻

子。 若 始 而後嫁者也。」」先生曰:「今母保養赤子,其 何 推 此 嘗學來? 心誠求之,雖不中不遠矣,未有學養子 或問: 「《記》曰: 『《康誥》曰 「若保 心 保民、設 當保養之時 不中 其所欲,亦不遠。 ,自然中所 欲。 赤 大

> 欲。 當 其杖直 説昔楊軾爲宣州簽判,一日差王某爲 日 晚 學者今日無 民能言,却不知其情。大抵只是少察。」 ,便决替了。 ,有同姓名者來陳狀 可 添, 赤子不能言,尚能 唯 有 , 乞分産。 미 減 減 杖直 盡 中其 軾 便

無事。

字之誤也。《大學》「舉而不能先,命也」,命當作怠,

命也。理,性,命,一而已。」柱,理也;其曲直者,性也;其所以曲直者,性,盘性便至命。因指柱曰:「此木可以爲解理,盡性,至命,一事也。纔窮理便盡

則不能爲恕矣。」 可問忠恕之别。曰:「猶形影也,無忠

郭忠孝議《易傳序》曰:「《易》即道也,

又何從道?」或以問伊川,伊川曰:「人隨時

變易爲何? 爲從道也。」

中立問四象,子言四方。 范文甫問四象,子曰:「左右前後。」楊

是,引《春秋》則非。

於古人。董仲舒論事先引《春秋》,論事則於古人。董仲舒論事先引《春秋》,論事則

王道與儒道同,皆通貫天地,學純則純

王純儒也。

伸也。』疎遠小臣,一旦欲以新間舊,難矣。」曰:「然則宜如何?」曰:「『尺蠖之屈,以求或問劉蕡,曰:「浚恒之凶,始求深也。」

曰:「《關雎》、《麟趾》之意安在?」

或問:「貞觀之治,不幾三代之盛乎?」

德至於無我者,雖善言美行,無非所過

之化也。

教人者,養其善心而惡自消。治民者,

導之敬讓而争自息。

天地之化,一息不留,疑其速也,然寒暑

之變甚漸。

善學者,取諸身而已。自一身以觀天地。身,五臟六腑毛髮筋骨之所存,鮮或知之。世之人務窮天地萬物之理,不知反之一

能養浩然之氣者也。」之氣。」又問。曰:「觀張子厚所作《西銘》,之氣。」又問。曰:「觀張子厚所作《西銘》,

之, 魯者終有守也。 子謂尹焞魯,張繹俊。俊,恐他

日過

焞。」先生欣然曰:「各中其病。」 意,焞不如繹。能終守先生之學,繹亦不如如何?」尹子對曰:「聞先生之言,言下領如何?」尹子、張子見。先生曰:「二子於某言

先生曰:「勿信吾言,但信取理。」 王信伯問學於伊川,曰:「願聞一言。」

與居,則失之矣。《易傳》曰:「聞之成都隱也?」曰:「三陽皆失位。」先生異之,問其姓造桶者前視之,指未濟卦問。先生曰:「何先生過成都,坐於所館之堂讀《易》。有

頌觀過其門者無不肅也。」 毀及伊川。宰相蘇子容曰:「公未可如此。 朝廷議授游定夫以正言,蘇右丞沮止, 者。」《酉室所聞》云:田夫釋耒者,誤

爲切問近思之學。」坐,公掞不語。伊川指顯道謂之曰:「此人坐,公掞不語。伊川指顯道謂之曰:「此人朱公掞以諫官召過洛,見伊川,顯道在

良久曰:「累高必自下。」 張思叔請問,其論或太高。伊川不答,

尹子問范淳夫之爲人,子曰:「其人

如

玉。

子 七 日 有 猶 死 蘇 而 ,雖蛆 復蘇者,故禮三日 食其舌鼻猶不害。 而 斂。 唯 然趙 伏 地 簡

有殺之之理。甚者,遂致并腹腫背冷。故未三日而斂,皆

知德斯知言,故言使不動。孟子知武

王,故不信漂杵之説。

學者要先會疑

取十年快樂。」 伊川曰:「邵堯夫在急流中,被渠安然

看師雍曰:好。」

「樂意相關禽對語,生香石曼卿詩云:「樂意相關禽對語,生香

濁者是也。天地之常,莫不反本。人之孝,天者親上,輕清者是也。本乎地者親下,重或問:「孝,天之經;何也?」曰:「本乎

亦反本之謂也。」

《元經》,天子之史也,書帝正月,非也。

遣。章來欲見其子,先生曰:「母子無絶道,死娶其婦者?」他日,王氏來餽送,一皆謝子死,章納其婦。先生曰:「豈有生爲親友,皆氏之子與明道之子,王氏壻也。明道

胸中無事如此。」有朝士入朝,倒執手板。先范堯夫經筵坐睡。先生語人曰:「堯夫

生曰:「此人胸

中不是無事。」

然君乃其父之罪人也。」

曰:「他人食飽,公無餒乎?」皆我之性,更不復知我身之爲我。」伊川笑皆 無經正問曰:「据貴一所見,盈天地間

以疾。

則爲墨氏兼愛。故曰:「親親而仁民,仁民不能克己,則爲楊氏爲我,不能復禮,

或問涵養。曰:「若造得到,更説甚

而

愛物。」此之謂

也。

涵養?」

動以天理故也。故大略如此,又須研究之,《易・無妄》曰:「天下雷行物與無妄。」

則自有得處。

可知。如堯、舜、禹之相繼,其文章氣象亦自 質弊,故捄之以文;非道有弊也。後世不 質弊,故捄之以文;非道有弊也。後世不 質弊,故捄之以文;非道有弊也。後世不 其大學也。後世不 三代忠質文,其因時之尚然也。夏近

心定者其言重以舒,不定者其言輕

之法,自合立廟,不可使從宗子以祭。立宗必有奪宗法,如卑幼爲大臣。

以今

曰:「不然。觀乎聖人,則見天地。」楊子曰:「觀乎天地,則見聖人。」伊川

朱公掞爲御史,端笏正立,嚴毅不可犯,

班列肅然。蘇子瞻語人曰:「何時打破這

敬字?」

曰:『每食必飽。』」生曰:『頭亦有奇特事。』理請聞之,先生『何如?』理曰:『夜間宴坐,室中有光。』先十年聞先生教誨,今有一奇特事。』先生曰:一尹子曰:「馮理自號東臯居士,曰:『二

後來所改

有之。」 代之治,不可復也。有賢君作,能致小康,則府體究。學者往别,因言世故,先生曰:「三府體究。學者往别,因言世故,先生曰:「三惑亂衆聽,尹焞、張繹爲之羽翼。」遂下河南惑亂衆聽,尹焞、張繹爲之羽翼。」

不使則亡。」一作「無」。

成。』太中乃許。」『顥已得堯夫墓誌矣。堯夫之學,可謂安且之,太中、伊川不欲,因步月於庭。明道曰:之,太中、伊川不欲,因步月於庭。明道曰:尹子曰:「邵堯夫家以墓誌屬明道,許

吕與叔作《横渠行狀》,有「見二程盡棄

棄其學而學焉。」一本云:「於是盡棄異學,淳如也。」恐是 言,幾於無忌憚。」按《行狀》今有兩本。一本云: 弟則無是事。 議 其學」之語。 論,謂頤兄弟有同處則可,若謂 尹子言之,先生曰:「 頃年屬與叔删去,不謂尚存 學 表 於 叔 頤 平 斯 兄 生

又問聰明如何磨去。曰:「使之則有,「學而至聖,爲奪造化者,以此。」死。學入聖域,其數亦隨氣斡轉。」先生曰:《酉室所聞》云:「聖人氣數順,無橫逆

公能 史論事,公論與之。 先生曰:「近日盡逐學徒,恐非公仕進所利, 時舉及門求見,先生辭之。 説,朝廷下河 棄 崇寧間,言者范致虚 官,則官不必棄也。」建炎間 南府盡 逐學 伸欲先棄官 徒。 攻先生爲 後數月, 伸伸 元 一而來, · 爲御 祐邪 馬伸

其 心 孟 子, 贵 鄉 有出入?」先生聞之曰: ,惟心之謂與」,語 范 却能識 夫之女 心。」後嫁耿 讀 孟 人曰:「 子 氏而卒。 **>** 出 「孟子 「此女雖 人 無 不 時 識 不 莫 識 知

改 栽 也 與 培 ? 未改爾。」 之,不然須 或謂 先生曰:「譬如 孔子尊 别 周,孟 種 子欲齊 樹 賢 、聖何心,視天命 有 可栽培之理 王 行 王 政 之 則 何

即直前捕執之,無物也,久之疑疾遂愈。有患心疾,見物皆獅子。伊川教之以見

毛 曰 班 ,化雖未成,而 「有之。 班 或 然通 問: 昔在涪,見村民爪甲 身。 世 停 氣 夜 有 類 開 人 相感,其 關 化 延 虎, 虎, (情已 理 食其 漸 有之乎?」 通 變如 矣。」 牢 中之 虎

公掞 日 也 门問之。 ,祀明堂禮 温 公薨,朝廷命伊川先生主其 公掞 成 曰 : 加 二蘇 「往哭温公,而 往 一哭温 公,道遇 喪 程先 事。 是 朱 生

> 於是 蘇 爲 也。」子瞻令具肉 叔 子 |||糟 以 疑 曰: 相 瞻 陂 爲 伊川 范淳夫輩 詰 他 ,凡事有疑,必質於伊川。 裹 慶 之曰: 日 叔 弔 禮 國忌,禱 有力,故極口 孫 不 居喪不飲 通 同 「正叔 食素,秦、黄輩 也 日 _0 食,曰:「爲 於相 言 不 酒食肉。 其 : 詆之云。 好佛,胡 蘇 國寺,伊 Щ 悵 野。 然 劉氏者左袒。」 自 食 而 忌 進 爲 川令供素饌 是 肉。 反 退 日,喪之餘 食 時 素 人才,一 曰 吕 時 ?? 正 申公 謔 麋 伊

母 乎 喪 曰 ,?!伊 未 : 先亡,獨 正 葬 伊 ĴΙ 讀 叔 ĴП 主 喪 不可 喪 不 温 禮 · 答。 禮。 公喪 何 以 其熟 治 太 鄒 事,子瞻周 喪 中康 至 禮乎?」 也 完 <u>.</u>! 聞 寧, 之 又 視 日 何 日 無 爲 闕禮 讀 軾 伊 喪 JII 聞 禮 居 乃

相 盡 信 用 先 如 范淳夫嘗 此 生之論。 |與伊 先生謂 ĴΙΙ 論 門人曰: 唐 事,及爲《 「淳夫 唐 乃 鑑 能

人不志此,必志於彼。故科舉之事,不患妨月之中,以十日爲舉業,餘日足可爲學。然或謂科舉事業奪人之功,是不然。且一

斯 與 州 也 傳録 可建屋之極。 極之語。 極猶 或謂漢史天子建中和之極,學者甚 屋之極。 曰:「此亦有禮。● 學者須識 有中 和 斯 此 有 氣 極 象。」此一 中 如 和 猶 有 段,温 木 木 病 材 材 中

用墓師,以五色帛埋旬日,視色明暗,卜地氣程氏自先生兄弟,所葬以昭穆定穴,不

否

曰「更有商量」,伊川則直曰「不然」。明道先生每與門人講論,有不合者,則

謝顯道崇寧間上殿不稱旨,先生聞之

喜,已 如 何人?」先生曰:「由、求之徒。」或云建 而 就 監 門 之職。 陳 貴 問 謝 顯 中 間 道

尹子曰:「先生謂侯師聖議論,只好隔

壁聽。」

功

惟患奪

志

年九月 者語 大承 劣。」厚既 體 傾殂。」 生 ,坐竹床,舉手相揖。 日 : 家 氣湯則小愈。 尹子 也。 人曰 疾 曰:「先生年七十四,得 還,十 去 : 十六日 『侍講 而 氣 七 是年九月,服之輒 復者安候 人 病 日 ,視,先 不比常時。」時 有 焞喜,以爲疾去。 吅 生以 門 也 者 風 頤 白 痺疾,服 報 愈 夾被 大觀 利。 先 覺 牛 羸 先 被 元

罷 不肖,浩然歸 歸。 司 馬 熙寧末 温公辭 重。 ,申公起 副 吕 樞,名 申 公 知 河 亦 冠 陽 以 論 時,天下 明道 新法不合, 以 詩送 無賢

●「禮」,陳刻本、涂刻本作「理」。

四 五

樞府。 得 及申公自河陽乞在 「吕公世臣,不得不歸見上。 司馬公諍臣,不 復 不退處。」 爲 人以二公出 詩 與 温 公, 京宫 處爲優劣。 蓋 恐 祠 其 ,神宗大喜,召登 以 不 二先生曰: 出 爲 高 也

已是多也。」聖賢以和氣生,須和氣養。常人之生,亦藉故夭?」曰:「衰周天地和氣有限,養得仲尼《酉室所聞》云:「顏子得淳和之氣,何

外養也

語云: 安。 武》未 與與容與之貌。」又問:「孔子言舜之《韶 問踧踖如也。 與與,容與之貌,有雍 問:「踧踖如也,與 盡善,何也?」曰: 曰:「恭而安。」王信伯問伊川,又曰: 「此聖人之心有所未足。」 與如也。」曰:「恭而 容 氣象。」又王信伯 》盡善, 武 王 之

分,後人更須自體究。」 伊川以《易傳》示門人曰:「只説得七

釋氏談道,非不上下一貫,觀其用處,便

問:「吕與叔云『不倚之謂中」,先生謂作兩截。

近之,而詞未瑩,如何?」曰:「無倚著處。」

矣。 聖人之都,其風雖變,而典法 舉而行之,無難矣。」 後,聖人之國,亦被夷狄之風,則典法隨 都,風化所厚,聖人之國,典 似不異,何以分先後?」先生曰:「聖人之 不能者,皆由典法不備。 之風,又言先聖流風遺俗盡,故次以陳,兩 三代之後,有志之士,欲復先生之治 陳經邦問: 「《詩説》言唐、魏已變先代 故典法尚存,有 尚在。 法 所存。 陳,舜 唐、魏 而 之

乎?__ 「世推文章 生顧 體。 思叔曰:「《商税院題名記》,是公所爲 李邦直卒,委思叔作祭文,多溢 張思叔作《商税院題 思 叔 ·,位登丞輔 唯 唯。 他 日 别 編簡見其才華,廊 名記》,先 製 祭文 用之,日 生以 美。 為得 廟

蒲輪未至且躬耕。」先生聞之曰:「於張繹有范温譏張思叔曰:「買取錦屏三畝地,

何

加損也?」

示之。其後發塚者相繼,而淳夫墓獨完。丈,不置一物,葬之日,招左近父老犒以酒食范,天堂人之葬,先生爲之經理,掘地深數

愚》。伊川曰:「是起争端。」改之曰《東銘》、愚》。伊川曰:「是起争端。」改之曰《東銘》、

《西銘》。

内直則其氣浩然,養之則爲大人。●

「遁」是觀人之言而知之,亦可以考其書,然孟子「知言」,即知道也。「詖」「淫」「邪」

本意唯爲觀人之言也

社,棄配食於稷。諸侯之國,亦各以其有功土地之神,如何變置?」曰:「勾龍配食於或問:「旱乾水溢,則變置社稷。社稷

河南程氏外書第十一

祀之,今以其水旱,故易之。」之人作事,唯實而已。始以其有功水土,故曰:「所配者果能致力於水旱乎?」曰:「古水土者爲配。旱乾水溢,則變置所配之人。」

精一便是執中底道理。

及也,無事而爲之,則妄動也。」 兵,妨農害人,其失甚矣。有警而爲之,則無於農隙。魯之八月,夏之六月也。盛夏閱於農隙。魯之八月,夏之六月也。盛夏閱 或問:「孔子何譏大閱?」曰:「講武必

子言《左傳》非丘明作。「虞不臘矣」,并

「庶長」,皆秦官秦語。

河南程氏外書第十一

●「之」下,涂刻本有「至」字。

四一七

程 全 書

河 南程氏外書第十二

傳 聞 雜 記

予嘗曰:「死生之際,惟義所在,則義所以對 死 死者也。」程伯淳聞而謂予曰:「義無對。」 也,何以知可不可哉? 可 以死 ,可以無死,死傷勇。」夫人之於 蓋視義爲去就耳。

之,遂聚廳喫食,分廳向火。 飯」之語。 熙寧初,程伯淳入臺爲裹行,則反 御史俸薄,故臺中有「聚廳向火,分廳喫 右二事見《王氏麈史》。王得臣字彦輔。 伯淳爲予言。

三省同議,其他乃有司之事,兵部尚書之職。 程正 叔先生曰:「樞密院乃虚設,大事

> 然藝祖用此以分宰相之權。 神宗改官制 亦

四一八

循 此意。」

可爲者,患人不爲耳。」 制 民之産一事不得爲,其他在法度中,甚有 治平中,見正叔先生云:「今之守令,唯

右二事見《吕氏家塾記》。

吕希哲字

原明。

必欲學而至於聖人。 二程之學,以聖人爲必可學而至, 而

君乎?」 正叔云:「是公平生未嘗欺人, 温公薨,門人或欲遺表中入規諫 可 死後 語。 欺 程

右二事見吕氏《發明義理》。 同上。

而不可叙齒以拜,蓋 程正叔言:同姓相見,當致親親之意, 昭穆高下,未可知也

吏報 善傳 德音 聖旨權 上 叔 藥,❷恐未能久坐,令講讀 曰: 略講畢,奏云: 馬宗道云:●「上前日微 旨,權罷 兀祐二年正月二十五日戊寅, 罷 别無 講。 講 事。」自初御邇英至是,始發 臣等甚驚,聖躬 日。 「臣等前 二十七日 日 少進説。」是日, 臨 傷 别 赴 食物,曾 庚 無 講 内侍 辰,資 筵,忽 事 香? 至資 取 善 傳 正 勤

田 民 行之,其恕乎」,因言人君當推己欲惡,知小 家詩二首於殿壁,其詩云云。 飢寒稼 月十五 穡艱難。 日戊戌,正叔講「一言可 明宗年六十餘 進説甚多。 即 位 一,猶 終 書 身

月就寬凉處講讀。二十八日,移講讀就三月二十六日戊寅,正叔獨奏,乞自四

内云: 窗。 之義。 敦封 至榮,豈可使講 駁,以爲延 已得旨,而吕公方入,令修延義 四 此待别有擘畫,未知何所 持國、微仲進呈,令修邇英閣,多置 月六日丁亥,講 和執 讀 小 政,得 臣 ·坐殿· 讀依 舊邇 上,違 賜 坐 也 英閣 一啜茶 成造 閣 勿 已爲 顧 簾 軒 褻 子

朱漆,釣牕前簾設青幕障日,殊寬涼矣。邇英新修展,御坐比舊近後數尺,門南北皆一五日丙申,邇英進講,文公以下預焉。

右《范太史日記》范祖禹字淳夫。

投之河中。數次朝中不遇,故因循至此,專資善堂見畜小魚,恐近冬難畜,託淳夫取來,先生離京,曾面言,令光庭説與淳夫,爲

- 「馬」,涂刻本作「馮」。
- ❷ 「勤」,涂刻本作「動」。

南程氏外書第十二

延

和

奉手啟,幸便爲之。

右《朱給事與范太史帖》朱光庭字

公掞

禮。]伊川先生謂邵伯温曰:「元祐后之賢 之言得之矣。」 爲不可 母也,於元祐后 是善事我,子行夫婦之禮焉。太后,於哲廟, 旨,復哲宗元祐皇后 宜其妻,父母不悦,出。 也,論者之言,亦未 可者曰:「上於元祐后,叔嫂也,叔 元符末,徽宗即位,皇太后 ,非上以 叔復嫂也。」先生喜曰:「子 姑也。 。 爲 孟 無 氏 子不宜其妻,父母 理。」伯 母之命,姑之命,何 位號。 垂簾聽政,有 温 時 曰:「子甚 有論: 無 復嫂之 其 固 不

謂留守韓康公之子宗師兵部曰:「顥以言新丞伯淳爲汝州酒官,以檄來舉哀府治,既罷,元豐八年,神宗升遐,遺詔至洛。程宗

此時,范醇夫、朱公掞、杜孝錫、伯温 晦 然,衣冠之禍未艾也。君實忠直,難與議 部 顥 者,若使自變其已甚害民之法則 與元豐大臣同。若先分黨與,他日可憂。」兵 曰:「二公果作相,當何如?」宗丞曰:「當 丞 而 法 三 三 泣。 不 叔解事,恐力不足耳。」既 曰:「何憂?」宗丞曰:「元豐大 不敢當。 便 兵部問:「今日朝廷之事如何?」宗 司 了, 件 **海君** 大 念先帝見知之恩,終無以報。」已 臣 實、吕 同 列 皆 晦 謪 叔 官 而皆驗。 作 相 顥 獨 善矣。 矣。」兵部 臣 除 同聞之。 宗丞論 皆嗜利 監 司, 不

法行矣。」 荆公遽曰:「兒悮矣。」伯淳 坐,大言 曰:「新法數爲人沮,與程君議。」雱箕踞 暑,荆公與伯淳對語,公子雱囚首跣 冠以出,問荆公曰"「所言何事?」 荆公置條例司,用程伯淳爲屬。 . 日 :「梟韓琦、富弼之首 1於市 足,攜 一日盛 IE. 荆公 則 色 新 以

雾不樂去。伯淳自此與荆公不合。曰:「方與參政論國事,子弟不可預,姑退。」

不恭。 侍 盡 IE 少休。」頓首謝立不去,時年九十矣。● 甚恭,進士唱名,侍立終日。上屢曰:「太 召 吾與潞公所以不同也。」識者服其言。 程正 叔 。」正叔曰:「潞公三朝大臣,事幼主,不得 上講,色甚莊,以諷 曰:「君之倨視潞公之恭,議者以 兀祐初,文潞公以太師平章軍國重 吾以 叔爲崇政殿説書。 布 衣 爲上 諫,上畏之。 一師傅,其敢不自 正叔以 師 潞公對上 道自 或謂 爲 重 事, 居 師 ? 未

御 不 以爲有才,知變通,適用之。君子如司馬君 俗學,不通世務,斥去。 法, 並用君子小人。 史面 拜 副 伯淳先生嘗曰:「熙寧初,王介甫 樞 折 介 以去,范堯夫辭修注得罪,張 甫 被責。 君子正直不合,介甫 介甫性狠愎,衆人 小人苟容諂佞,介 天 以 祺 行 以 爲 實 甫 新 以 爲

人無隙可乘,其害不至如此之甚也。」其勢久自緩,委曲平章,尚有聽從之理,則小刻薄,故害天下益深。使衆君子未與之敵,俟不可,則執之愈堅。君子既去,所用小人争爲

欲與之言,而老父徑去。 色甚 父曰:「心存誠 及岸,同舟有老父問曰:「當船危時, 舟中人皆號哭,伊川 一莊,何也?」伊 伊川先生貶涪州,渡漢江,中流船 敬固善,然不若無心。」伊 川曰:「心存誠敬 獨正襟安坐如常 耳。 君 幾覆 已而 Œ 老][[坐

畫 伯 廬,廳後無門,由旁舍委曲以出。先人既没 立標準,若循循不已,自有所至矣。」先人敝 必有 温 鑿 宗丞先生謂 理,不可改作。」伯温 壁爲門。 侍講先生見之曰:「先生規 伯温 曰:「人之爲學,忌先 亟塞之。 伯 温

❶ 「九」,涂刻本作「八」。

立 之,恐其或有立 不至倉卒傷人。 案 仕 , 侍 而 後 講 决,或出 日 : 也 每决人未經杖責者,宜慎 凡 於私 所 部 怒,比具案,怒亦散 公吏 雖 有 罪 亦 當

文,康節先生之子。 右七事見《邵氏聞見録》邵伯温字

子

爲 子 得 自 舍我其 未欲平治天下也 不得與於斯文」,則是文之興喪在孔子,與天 何 不覺耳。 與 矣。 !」於「天之將喪斯文」下,便言「後 於斯文也。天之未喪斯文也,匡 孔子曰:「天之將喪斯文也,後死 誰 ?」聽天所 蓋聖人德盛,與天爲一,出此等語 孟 子 可 如 地 位 命,未能合一。 、欲平治天下,當今之世, 未能 到 此 , 故 明道 曰 人 者 死 其 天 者 如 不

曰 充擴 或 問 明 得去則爲 道先 生, 如 恕。」「心如 何 斯可謂 何是充 之恕。 擴 先 得 牛

> 不 去 去 底 時 氣 象? 如 何? 日 曰 : 一:「天 天 地 (地閉 變 化 ,賢人隱。」 草 木 ·蕃。」「 充 擴

撐 這 也 拄 漢 胡 肚 明 敢 説將 道 問 裹 有 先 何 去。」 爾許大事。 生 謂 云:「只 浩然之氣。 他 若是 道 孟 箇 不 子曰:「難 難 理會得 言 也 底,便 便 知

成。」 病 在。」 明 横 渠嘗言: 道 티 : 一吾十一 可 知 五年學箇 是學不 成,有 「恭 而 安」不 多 少

爲 字, 何 盗 家之利。 八千。 ?]又曾有 鑄 貫 却是自家體 者息。 鑄 明道 陝西曾有議欲罷 得 利 嘗 伊 多 貫爲 日 盗 \prod 議 : 費 鑄 曰 貼 解 吾 無 省, 者 出 鹽 利。 若 來。」 學 息,權歸公上,非 鈔 私 鑄 雖 鑄者 欲 增 伊 銅錢者,以謂官 有 高 鈔 ĴΙ 所受,『天 : 衆 其價者 價 日 賣 費 此 數須減 增增 多 便 利薄 理二 利 是公 中費 脯

事。」後來温 歲人溢 歲 鹽 切未可動著役法,動著即三五年不 帶累人去裏。 入必 出 既 敷。」已而 衆 温公初起時,欲用伊川。 ,低價易之,人人食鹽, 公欲變法,伊川 使韓、 増鈔 價,歲額果 富 在 時 使 人 吾 虧,減之而 鹽 語 伊 猶 不停 能 之 可 ĴΠ 得定 日 以 日 積 成

如

之類。」 之謂 道。 性」處便闕却?」 明道曰:「闕 温公作《中庸解》,不曉處闕之,或語 一明道 笑曰: 甚 由 處?」曰:「如『强哉矯』 自得裏,將謂從『天命 明

疊去。」未幾變之,果紛紛不能定

做 ,只是這 明道嘗論吕微仲曰:「宰相,吕微仲須 漢俗

來?」思之切矣。 瞻 彼 但優游玩味,吟哦上下,便使人有得 明道先生善言《詩》,佗又渾不曾章解句 日 月,悠悠 我 終 思。 日 : 「百爾君子,不 道之云遠,曷云 知 處 能 德

差却。」

行。 不忮不求,何用 不臧 上歸 於 正 也

道先 非聖人之言也,心安得有出入乎?」 察得理義之悦我心,真箇猶芻豢始得。」」 芻豢之悦我口」**,**最親 曰:『此一句淺近,不如「理義之悦我 何?」謝子曰:「吾昔亦曾問 生曰:「『操則存,舍則亡,出入無 孟子曰:『養心莫善於寡欲。』此 切 有滋味。 伊 然須是]1[先 心,猶 時 句 明 體

佛 ? 得恁地? 只是家常茶飯,誇逞箇甚底?」 如人睡初覺時,乍見上下東西,指天説地,怎消 問莊周與佛如何。 佛説直有高妙處,莊 伊川 周 曰:「周安得比他 氣象大,故淺近

曰:「恁地 吾曾歷舉佛説與吾儒同 同 處 雖多,只是本領不是,一齊 處問 伊 ĬΊ 先

相 别又一 謝子 ·與伊 年,做得甚工夫?」 ĴΙΙ 别 年,往 見之。 謝 日 伊 川 也 日 只

四四四四四四

有向 來 去 病病 箇 人爲學,『切問 進處。」伊 矜 痛 字。 盡 在 曰 這 川點頭,因語在 : 裏。 何 近思」者 故 若按伏 ? 日 也 得 : 一坐同· 這 子 箇罪過,方 | 志者日 細 檢 點 得

你且去尋討看。」
你道無來,你怎生信得及? 待向你道有來,問:「有鬼神否?」明道先生曰:「待向

子 乎 無 有 生者,以 施之養生則可,於道 事 所 事 去 者 焉 以 念 謝 ? 子 異於釋氏,此 而 其 助 日 勿正」,何謂乎? 正心待之,則 不 則 留留 近於留情。 「吾嘗習忘以 情也。 也。 則有害。 學道則 先事 故聖人心 養生。」明 且. 而迎。 出 異 習忘可 八於是。 入起居,寧 如鑑,孟 忘則 道 以 『必 曰 養 涉

前 舊 伊 日 苗 履 Ш 官 見 曰 力 伊 至 川,語及一 多,今官 何自待之輕 高 武 而 乎 帥 自 ? 愛, 苗 位 日 不 愈 肯 高 此 則 向

> 是以 當 愈 鷹 思 犬自 所 以 期 報 也。 或 者 饑 則 爲 用 飽 則 揚

慮 ? 恰好著工夫 早在。」伊 曰 : 近日 伊川 十 ĬΙ 年 事 E 也 前 直是會鍛鍊得 如 往 「是則是有此理,賢却 何? 見 伊 某對 ĴΠ 日 人, 説了又恰道 本 作 天天下 伯 淳 **一發得** 0 何 思 伊 111

開,将來可望。| 明道初見謝,語人曰:「此秀才展托得

開,將來可望。」

昔伯淳教誨,只管著他言語。伯淳曰:每進語相契,伯淳必曰:「更須勉力。」

邊,只怕人執著一邊。」

與賢説話,却如

扶醉漢,救得一

邊,

倒了一

和氣。 明道先生坐如泥塑人,接人則渾是一

專

正叔視伯淳墳、當侍行、問佛儒之辨。

是 ? 不可 正 叔 謂 0 指 佛氏無見 佛 墻 氏 韋 只從墻外 E : 處。 吾 儒 見 了, 從 裹 却不肯入來做 面 做,豈 有 不

讀書,慎不要尋行數墨。」覽,亦自爲害。故明道先生教余嘗曰:「賢覽,亦自爲害。故明道先生教余嘗曰:「賢

者,方其 頭力去,將如之何?」尹子反以告夫子,夫子 生,見行則學,聞言則識。 曰 「可謂益友矣。」 「何以教我?」謝子曰:「吾徒朝夕從 謝子見河南夫子,辭 服 也 ,顏色悦澤,筋力强 而 譬如有人服 歸,尹子送焉 盛 旦烏 烏 先 問 頭

便是 許 多。」謝 惻 明道! 隱之心。」惻然有隱于心 見 子不覺 謝 子 身汗 ,記問 面 甚博, 曰: 赤。 先 生 「 賢 曰 : 却 一只 記 此 得

> 哥。 若 伯 醇 接 謂 引 正 後 叔 學, 日 <u>፡</u>፡ 隨 異 人 日 才 能 成 尊 就 師 之, 道,是二 則 不

敢讓

只 轉 却 伯 醇 常談《詩》,並 兩字,點平聲。 掇 不下一字訓詁, 地 念過 一,便教 人 有 省 時

悟。又曰:❷「古人所以貴親炙之也。」

日: 説錯 哀也 般話,伯 了,可 哉 那七 無可 醇貴之。 云:「一日三點檢。」伯 説,便不得不説?」 見不曾用功。」又多逐人 其餘時 多會甚事? 邢 曰: 無 可 蓋倣三 醇曰: 説。 面 F. 省之 伯 説 醇 可

書。伯醇云:「子厚却如此不熟。」 張横渠著《正蒙》時,處處置筆硯,得意

即

或舉伯醇語云:「人有四百四病,皆不

[「]是」,涂刻本作「見」。

[「]又」,原作「石」,據涂刻本改。

四 二六

由 自 家 則 是心 須 教 由 自 家

與 語,直是道得下。 伊]1] 與君實語,終 日 無 句相合; 明道

熟,一 因 道 易理 出謂 夫 ? 道 此知太玄都 差,惟堯夫不然,指一二近事 云: 知天? 大哥你恁聰明!」伊川 歎其心 云:「待要傳 「起處 「堯夫怎知某便知?」又問 堯夫曰:「堯夫之數,只是加一倍法,以 爲 堯夫易數甚精。 日因 要學 知 加 知易理爲知天?」堯夫云:「須 無偏繫如 天。」 倍之數 起。」堯夫愕 須 監 不濟 試 是二十年功夫。」明 因 無 與某兄弟,某兄弟 事。」堯 如 説 事,以其説推算之,皆合。 此 何? 今年 自來推長曆者,至 然。 謂堯夫:「知易數爲 夫 驚 撫 雷 曰:「都忘之矣。」 他 了當面 起 日, 甚處起, 甚 其 道 伊 處 可 背, 那 JII 聞 問 伊 還 曰 : 説 得 伊 久 明 ĬII][] 知 其 工 明 必

> 舉 明 道 云 : 忠 恕 兩 字, 要 除 箇 除

不 得

慈 不 明 · 孝。 道 語 云: 事親者, 病 卧於牀,委之庸醫, 亦 不可 不知醫 比 於

不

伯 醇 先 生云: 别 人 喫飯 從脊皮上過,

我 先 《喫飯從 生 范 先生以 夷 般是人。」 叟 肚裏去。」 欲 前 同二 輩 程 爲 去看

辭。

明

道

云

又

何

劚

地

黄。

明

道

率

右三十七條 見《上蔡語 》謝 良 佐

妨 ?

顯道,二先生門人。

明 道 云:「必有《關 雎 ·》、《麟趾》之意,然

後 可 行周公法度。」

先

生

曰:「明道

當言:

學者不

可

以

不

詩》,看《詩》便使 人 長 格價

明道在潁昌,先生尋醫,調官京師,因 往

潁昌 行。 教。 長 者凋落,多從佛學,獨先生與謝 及先生,故 定夫及先生,先生謂不可不一見也 者,可往從之。」因使人送明道處。 南矣。」先是,建安林志寧,出 曰:「學者皆流於夷狄矣,唯 石,然亦未嘗不稱 進。」 容易。」及歸,送之出門,謂坐客曰: 潞公云:「某此中無相益。 1從學。 時謝顯道亦在。 明道 明道甚喜,每言曰:「楊 每言楊君 其善。 謝爲 伊 聰 人誠實,但聰 ĬΙ 明,謝 入潞公門下求 有楊、謝二 自涪歸,見學 丈不變,因歎 有二程先 君 志 於是 如 君 寧 一吾 乃 最 水 悟 君 投 同 牛 會 語 道 不 之訓 洫 吾 日

得

之法以治之,未及興工而

先生去官。

先生

扶溝地卑,歲有水旱,明道先生經

畫

溝

四 字。 明 道 常曰:「顥常愧 先生作縣,凡坐處皆書「視民如傷」 此四字。」

伊 川二十四 Ŧi. 時,吕 原明首師事之。

先生門人 右 也 四 條 見 龜 Ш 語 録 》楊時字中立,二

> 成,豈不有命與? 狹也,而道之興廢繫焉。 邑人子弟教之,亦幾成而 之民,凶年饑歲免於死亡,飽食逸居有禮 利,必有繼之者矣。 夫爲令之職,必使境 一以以 爲經畫十里之間 則 ,然後爲盡。 非矣。 扶溝之地盡 此吾所以不敢不 故吾於扶溝,興設學校,聚 然知而不爲,而責命之興 ,以開其端。 爲 溝 廢。 是數事者,皆未及 洫 必必 盡 夫百里之施 後之人知其 心也 數年 乃 義 内 至

右 一事 見 ^ 庭 聞 藁 録 》楊公之子 逈

廢

所記

在 朱公掞 春 風 中 坐 來 了 見 明 箇月。」 道 於汝,歸 游、 楊 謂 初 人 見 \vdash 伊 光 JII

庭

門,門門 伊 賢 JII 輩 瞑 尚 外之雪深一尺。 在此乎? 而 坐 ,二子侍立。 日 既 晚,且休矣。」及出 既覺, 顧 謂 \Box

多。 記 以 得 曉 若還記,却無許多也。」 ·許多?」先生曰:「只爲不記,故有 悟 伊 人 川先生在經筵,每進 主。 講 退,范堯夫曰 入講,必 : 「先生怎 博 引 廣 許 生 喻

事,有不透,其顙有泚,其憤悱如此。 明道先生謂謝子雖少魯,直是誠篤理會

右三事見《侯子雅言》侯仲良字師聖,

二先生之内弟。

善。」吕堅中録云: 猶 理 太洩露天機否?」伊 自 也 ,至著者象也,體用 和 不 静嘗以《易傳序》請問曰: 解悟。」祁寬録云: 伊川曰:「亦不得已言之耳。」 川日 一源,顯微無間」,莫 : — 伊 ĬΙ 如此 日 「汝看得如 分明 ❶□至微者 説 此甚 破

> 之義。」伊川正色曰:「如何?」和 只是樂否?」伊川 和 静 嘗 請 曰 : 日 某今日解 樂亦没 得『心 及處著。 静 廣體 E 「莫 胖

思叔詬詈僕夫,伊川曰:「何不動心忍工夫?」 和静偶學虞書。伊川曰:「賢那得許多

性?」思叔慙謝。

暇日静坐,和静、孟敦夫、名厚,潁川人。

張

物不可著,才著物便摇動。」 「清静中思叔侍。伊川指面前水盆語曰:「清静中

過。 事 傾 ? 側 皆亂 惟酒無量,不及亂。」聖人豈有作 但 日置酒,伊川 恐 也。」 亂 其 氣 血 致疾,或語言錯顛 曰:「飲酒不妨,但 容貌 亂 不 者 可

伊川歸自涪州、氣貌容色髭髮皆勝平

❶ 「和静」,當爲「和靖」之誤。尹焞,號和靖。下同。

即 也 須學 大 凡 人 學者 問 何 學 以 處 得 患難 此。 貧賤,若富貴榮達, 先 生 曰:「學之力

朩

也

説 復 明,光於四海」,非堯、舜大聖人,不能 事 於無形」,又如『事父孝故 『冬温夏凊,昏定晨省』,以至『聽於無聲,視 告來洛,見伊 之道,止於孝弟。 公遂來見和静,以 曾見尹焞否?」曰:「未也。」請往問之。 以此語 地察,天地明察,神明彰矣」,直至『通於神 堯、舜之道,何故 鮑若雨、劉安世、 不過此。」 白伊 JII ĴΠ ,問:「堯、舜之道 此爲問。 孝弟非堯、舜不能 伊 |I|止於孝弟?」伊 劉安節數人自太學謁 曰 : 事天 和 「極是。 静 八明,事 曰:「堯、舜 孝 縱 母孝 盡 弟 盡 JII 使某 此。 日 而 故 自 諸 己

語。 尹 名焞,字彦明,伊 右八事《涪陵記 111 先生門 善録 》馮忠恕所記尹 公

> 舜僞也,似此馴 馴致之道,然他却 乎爲士,終乎爲聖人」,此語 問伊川, 睹 致,更有 理,然其 臭』否?」伊 、恐懼乎其 游定夫酢 間 何 如定 般數?」伊 有 Ш (所不 多 夫之問 問 致 日 少般數。」謝 : 伊 以性爲惡,桀、紂性 ,便不錯了?」 聞」,便可]1[固 JII 曰 : 伊 是。」 曰:]1[「戒慎)馴致 有 日 日 後 何 如 : 謝 荀子 既 於 不 乎 雖 顯 可 其 云 無 即 道 也,堯、 謂 亦 可 有 聲 所 良 佐 是 不 始 馴 此 無

《易》從甚 川 地 「六經蓋 徒,又使其親戚王元致問 固 自涪 是。 下, 曰: 楊子安侍郎 陵歸,過 只爲! 藥 處起 也, 「從這裏起。」子 開 ? 無 眼 襄 學禪,不信伊 時 病 即 陽, 安 方揮 是 病。」王 所 子 難於和 用 扇, 安在焉。 乎? 安 伊 屈 ĬII 無 111 静 服 每 先 以 先 語 以 子 扇 生 力 歸 生 安 後 柄 日 日 攻其 問 至 畫 伊

伊 悔 洛 更 喜 不 中]1] 更問 懽 日 子 也 安 此 待 舉 先 他 畫 以 生舉示子安,子安由 問 從 告 甚 時, 和 處起?」和 静 只 先 與 生 嘿 且 然 静以 日 得 : 似 此 告伊 某 箇 遂 當 子 服 ĬΙ 安 時

頷之。 謂 人 得天下,皆不爲也」,奚以命爲?」伊 説著 也 以 然 又論 ? 下 伊 和 説, 111 和 静 與 便 動 若 静 和 每 多 静之際,聞寺 딩 : 聖 静 曰 人 論 : 箇 「『行一不義、 只有 義 動 動静只是 命。 字。 箇 僧撞 義。」 和 説 静 動 鐘 伊 日 殺 理,陰 亦 命 Ш 然。」 和 不 日 ĴΙΙ 静 陽 伊 大 辜 爲 E 賞 死 111 何 中 : 而

坐 輩 先 相 應。 在 生受學,志 伊 此 謝 顯 川每見人静坐,便歎其善學。 相 盍 從 道習舉業, 若 行 只 甚 之? 是 篤 學 某 已 明 請 知 言 道 問 名,往 語 焉。 故 故 日 謂 其學 扶 日 之 溝 曰 : 心 見 _ 且 明 口 静 不 爾 道

> 傳 形 其 ,其製乃似今道士謂 得 袖 樣。 謂?'」先生在洛中,常裹昌 亦 先 如 生 不知今人謂之習伊 常 曰 人。 伊 所 JII 常 戴 愛衣 紗 之仙 巾,背後 皂, ĬΙ 桃 學 巾 或 者 者 塼 望 大 褐 之 然 紬 如 袖 不 方 曾 鐘

淵 只 得 莫是 點 先生 頭 常 上 問 下 伊 <u>ا</u>ال 理 否?」 □「高 伊 飛 JII 戾 日 天, 到 魚 這 躍 裏 于

頂

何

1黎巾。

所問 答。 皆大。 郭 日 忠孝 伊 且 ĴΙ 每 須切 語 見 之 伊 曰][[問 問《 而 子 近思』。 從 論 事 語 於 ₩, 此 伊 多 Ш 少 皆不

思 令人 盡 叔 心 曰 : 到 先生日 知 知天 性、 知 「...「張 處休了 知 天 天、 便了, 思 更無 事 叔 天 莫 日 更 存 伊 省 心養 於伊川 Ш 事 日 性 否?] 伊 事 坐 夫 釋 **+** 也 理 氏]]] 會 只

敢 曰 非 了子何似 -禮,乃 所 顔子? 以 事 天也。 顏子猶視、聽、言、動 子何 似顔子?」 不

先生嘗問於伊川:「如 何是道?」伊川

請

曰 : 「行處是。」

夫 道?』明道先生曰:『於君臣父子兄弟朋 婦上求。」 先生曰:「有人問明道先生:"如 何 友 是

者。 成,來呈伊川 伊 伊 可 工夫也。」劉《傳》既成,來呈伊川,門人請觀 作。」謝久從伊川學,其《傳》竟不曾敢 川 ĴΠ 昔又有蜀人謝湜提學字持正,解《春秋》 伊 曰:「却須著某親作。」竟不以劉《傳》示 ,必對曰:「已令劉絢作之,自不須某費 昔劉質夫作《春秋傳》,未成。 川没後,方得見今世《傳》解至閔公 伊川曰:「更二十年後,子方 每有 人問 出

Ш

人

卒。 張 初 思 以 叔三十歲 文 聞 於 鄉 曲 方 ,自見 見伊川,後伊 伊川後,作文字 <u>ј</u>П 年

> 甚少。伊川每云: 「張繹朴茂。」

影 ? 於趙言下有箇省覺處。」 中致敬時,其心收斂,更著不得毫髮事 是主一,願 語,然不若近 益 整衣冠、齊容貌 性 而何?」又曰:「昔有趙承 一不甚利,伊川亦令看敬字。 先 只收斂身心便是主一。 伊川 生 日 先 日 時看得 生善喻。」先 : 『主一則是敬。』當時雖領 初見 而已。 伊 更親切。」寬問:「如 ĬΊ 時,教某看敬字,某 趙舉示先生,先生 生曰:「敬 議 且如人到神 從 趙請 伊川 有 ii益,伊 學,其 甚 祠 形 何 此

好人,能惡人。」伊川曰:「善涵養 公而 之端,非仁也。」謝收去,先生曰:「某謂 問曰:「愛人是仁否?」伊 仁,汝謂仁是如何?」謝久之無入處,一日 已。」伊川 謝 收問學於伊川,答曰:「學之大無 何謂 也?」先生曰:「 JII 曰:「愛人 乃仁 仁者 再 如

字 伊 明 的 説 却 温 患 與時 ĴΙΙ 道 公謂 無 是 不 著心 曰 : 何 如 日 著 先 ? 明 心 生 ,他必不受也。]又曰:『著心,只那 只教他常把 於中, 『司馬端 處 道 曰 何謂 ~,明道 甚 也?』温公曰:『只 某近日 司 明 覺安樂。」明道 一、伊 馬 ,却只是揀 温 串念珠,却似 ĴΙΙ 有 公 常歎其 箇著 平 生 用 得 心 未 舉 處,甚安。』 止 心 有 省 箇 似 甚 力。 一箇中 苦 好 伊 日, إال 字, 試 著 每

還 此 故 還 鄉 中 蔡 州 子貢不受命而 可 對 謝 年 必 顯 取 曰:「太學多士 獲 取 道 解 國學 也。 久住太學,告行 且欲改經《禮記 解 伊 貨 ĴΙ 殖 曰 所 蓋 :「不意子不受 萃,未易得之,不 如是 於伊 »° 也。」 ĴΙΙ 一伊][[顯 問 道 命 復 如 若 其 將

]1[明道 韓 持 ~, 預 或 戒 與 伊 諸]1] 子姪,使置 善。 韓 在 潁 昌 室, ●至於 欲 屈 致 修 伊

> 子彬叔,名宗質 次,有言 到 之風衰矣。」持 治 日 暇 : 窗 「汝輩從長者行,敢笑 户 日 . 貌 與 皆使 不 持 莊 或 親 國遂皆逐去之。 敬 口 爲 者 之, 游 西湖 其 伊 誠 111 語 命 敬 П 如 諸子 如 視 此 先生聞於持國之 此 厲 侍 韓 聲 氏 行 孝 叱 先 之 謹 行 生

貴。」 粹 做 曰 到 處 道 有 有曰:「莫大之惡,成 給 王 事 介甫爲舍人時,有《 何 義 中,誰 不 重,不 可 ? 看 輕王公; 得破?」 伊][嘗 日 於斯 雜説 志 意 「若使 須不忍。」 》行於時, 足, 介 不 驕 甫 又 只 富 其

所 再 \mathbf{E} 得 : 親 炙 伊 可 尹 ĴΙΙ 焉。 去 ん、張 歸 同 自 見謝 久之,伊 如 涪陵,謝顯道 所 良佐問之,此 戒 , 謝 JII 謂 曰:「此 先 自 生 蔡州 口 及 來方會得 見吾 張 來 思 洛 叔 有 中 先 何 繹

0

生説話也。」張以告伊川,伊川然之。

事。 常 議 見 伊 官 口 得 生 日 意 人。 以 事 伊]1] 母黨之女,登科後其女雙瞽,遂娶焉, 不 既 「知又何妨,此不害義理。」伊 然其 是 求]1[有 周 害 而 告之。 ,持身嚴苦 來 伊 恭 涪 密 叔 進]1] 洛 陵 理? 告 行己。 鋭 曰:「某未三十時,亦做不 中、監水南 行 人日 者其退速。」每歎惜 伊]1] 又 後 自太學 塊坐一 : 日 日 數 : 年, 勿 糴 以 早年 此 場, **令** 室,未嘗 父 周 禽 尹 母 以 以 登科,未三十, 獸 遺 彦 酒 就 體 不 ĬII 明 之。 席 「窺牖。 伊 偶 若 歸 知 有 111 倡 洛 也 賤, 得 所 周 愛過 豈 先 屬 此 又 以 幼 會 其

問 生 Ш 日 温 堯、 日 州 賢 鮑 舜 懣 伊 若 一,只 之道孝弟]1] 雨 爲 遣 商 將 霖。 之 堯 見 與 而 先生。 鄉 舜 己 做 矣 人 + 天 鮑 輩 道 如 学弟 來 何 久從 ? 見 做 先 且 伊

> 孝,故 豈 地 子下 生?」伊川領之。 生 某説,不 也 \sim 曰 敢 一。」諸公釋然,歸 : 曲 日 道 父母只一箇 :「某以 禮》『視 ,便見得堯、舜 箇而已字,豈欺我哉? 輒 諸 事天明;事母 爲 人謂 過 他 如 於無 説。 諸 子 是。」 道 公遠 靳學,不 理。」諸公尚 萬 形 次 以 道 孝,故 來依 之大,孝 告 聽 日 有 一, 先 伊 於無 以教渠,果 少差,便 先生之門 受學, إالّ 事 生 弟 聲」, 疑焉,先 地 孝 不 見 伊 察。一只 能 經 伊 111 不誤他 亦 盡 III 否 日 是 牛 也 ? 爲 此 伊 事 日 先 某 教 意 父 孟 111

損 豐者,皆 禍 參 大 ·; 其 益 酌 之,晚 睽 者 王介 是 又 必 用 元 甫與曾子 能 是 意 年 祐 變之,况又元經他手 做 更 亦 他 改。 成 黨 相 睽 中 固 當 以 鞏善,役法之變, 自 時 子 伊 可 若 瞻 111 杜 使 定 常 子 絶 役 言 法,凡 後 古 今 定,必 知 議 日 Ħ 皆 所 也 裁 無 元 之 曾

四三四四

度 不 巾 口 行 此 坐 元 役 祐 法 術 大弊, 故 也 須量 伊 ĴΠ 宜 每 損 F 益 : 青 此 苗 段

言,政 見之。 爲?」詰 敢 謂 留 意。」彬叔 黄金藥楪 昌 曰:「某今年有 某 遽言。 子 潁 見韓持國。」蓋韓八十也。春中往造焉,久 與 彬 昌,韓早晚伴食,體貌 伊 伊 謂 乃 叔]1] 111 此 朝 翁 與 侍 我當以 論 一,重二十兩,似可爲先生壽,然未 曰:「先生遠來,無 爾 遂 道 韓 國 食 間 0 歸 持 義 朝 如 如 一債未還,春中須當暫往 Œ 他事使子侍食,因從容道吾 國善 名相,必曰 交,故 再三 韓 所戒,試啟 月 謂 「嘗約 謝 日, 彬 不 過 叔 遠 加 而 李文 因 候韓年八十一往 日 --敬 别 之。 而 以 弟子 爲 來, 奚 一日,韓 先生 意。 我 , 賀 不 正 以 我 敢 日 是 有 潁 面 密 乃

> 焉。 問 過 以 大,某特入城置少茶果,將以 途,遇一老人負茶果以歸,且 也 欲 蓋 子 我 中 生乎?」伊 |杯,炷 į 於伊 人 其誠意,復與之同至其舍,語甚款,亦 來,信息甚大。」又嵩 所 初 者 董 伊 未嘗夙告也。 晚歸。 向 「, 但 ĴΠ 平日未嘗出菴,是日 ĴΙΙ 日 香以 一, 伊 是 聞 ĴΙΙ 出 久不 又一日, Ħ, 其名,謂 異之。 待。 JII 謂 日 ·與物 袁 富韓公來 是日 1 劉詰之。 曰:「先 其爲窮經之士 \Box 接,心静 静 忽戒灑埽,又於劉丐茶 : L山前 伊伊 則 自明 或 見焉,不遇 ĬΙ 有董五 生欲 子真 人 曰:「君 奉待 不值 來,款 而 也 來 明 來,信 尋 三正正 也 也 上經,隱 一, 特 ',慎 語 非 還 而 至 無 伊 息 程 往 ĴΠ 者 叔 先 中 造 甚

❶ 「政」,涂刻本作「正」。

先

生

嘗

問

伊

]1[

^

春

秋

解

》,伊

][[

每

曰

王子

真

全期。

來洛

中,居

於劉

壽

臣

袁

亭

呈於 做也。」自涪陵 已令 伊 劉絢]1] 先 去 編 生 歸 復 集,俟其 ,方下筆,竟不 請之。 來。」一 伊 111 能 日 日 成 「當 書 劉 集 劉 須 成 集 自

終

亦不

出

竟亦 則 來 朋 事 Ш 精 心 日 見 友間 也 某 獨 「只不消)。] 伊 先 何 人意否?」 所 孟 處一 孟 敦夫厚 益 最 日,語之曰:「子胡不 生 願 ? Ш 好講學。」然三公皆同 見, 曰:「先生令某來見二公,若彦 厚 室,糞穢 嘗謂學者曰:「孟厚 學不 見思叔之心,便是不消見某之 初時 來 如 思 伊 説得 在]1] 不 叔莫不消見否?」 此 治。 又 ,假使埽 也 從王 似,其後須没 嘗獻書於伊 見尹焞、張 工氏,而 灑得潔净,莫 · 齒也。 不 治一 舉業 ĴΙ 先 敦 繹 事 室, 生 明 夫 特 ? 生 伊

他

於

前 輩 寬 不言 因 問 伊 短 111 每 謂 見 永 X 叔 論 如 前 何 畫 ? 則 先 生 汝 輩 曰 且.

> 取 他 長 處

甚衆 乃 輩 道。 渠撤 歸 可 陜 有二程 横 師之。」逐 去虎皮,曰:「吾平日爲諸公説 一夕,二程先生至,論《易》。 西 渠昔在 近到 日虎皮出,是日更不出 京師 ,深明《易》道,吾所弗 坐虎 皮,説《周 虎皮 易》, 也 者,皆 次 及, H 横 聽 亂 横 汝 從

幹,先起下階。 時 必 先生曰 有用 : 世。二 昔與 伊 ĴΠ 范 謂 范 元 日 長 二二君 同 見 伊 看 ĴΙΙ 尹 彦 偶 明 有

也。 令如 分。 日: 日 示 嬪 『折六分。』怪其太甚也,有旨,只令折 又一 舊。 明道 御 次供進偶 市 曰:「切勿語人,朕曾食之,此 有 一説仁 日 又禁中 鬻者,請買之。」上 思生 宗一日 覺 荔枝,有司言已供 進膳,飯 藏 府 問:『折 曰 中 「習使然 有砂 日 米 示不 石,含 折 盡 幾分?」 也。」 可 近 死 以 罪 密 却

之,來 羊 曰:「不可。 日,夜 ,暴殄無窮。」竟夕不食。 歲 中甚饑,思燒羊頭。 必 增 今次取之,後必常備。 上 供 之數, 流 禍 近侍乞宣取,上 百 姓 無 日 窮 殺三 又

云,尾説渠判然無疑。伊川曰:『楊時也未先生曰:「楊中立答伊川論《西銘》書云

待,尹秀才肯待。」

判然。』」

曰 : 授。」 伊 更有 元及第便是了也。]先生曰:「不敢望此。」蘇 ĬΙΙ 一子謂 裏?」先生疑之,日去見蘇,乃指先 時某亦習舉業,蘇 先生曰:「某纔十七八歲,見蘇季 後半年,方得《大學》、《西銘》看 狀元及第便是了否? 曰:「子修舉業,得 唯 復 生 這 明 見 學 狀 教

子 : 日 兀 益 某 先生與思 尋常 尚 不 逮 有未得處,久之乃得 見 思 處 叔 叔 同 共學之久,一日,伊 否 ? 如 凡 爲 有 請 我言之。」 問 未達,必三 如思 ĬΙ 叔 先 問 生 則

> 雖 益 他。」伊 先 愚 退。 生 鈍 才 ĬΙ 説 伊 自保 笑曰]1] 便 必 點 守 :「也是,也是。」自 謂 頭 · 得。 諸 會 郎 意, 若 曰:「張 思 往 叔 往 造 則 秀才如 妙 某 後 未 每 只 此 日 敢 是 不 某

若夫自得,尤難 箇 無其人也。」 也,豈不難哉? 川曰:「豈便敢道他有得處,且只是指與 曰 岐 : 「學者久從學於門,誰 徑,令他尋將去不錯了,已是忒大 歟。 南方學者從 其 若論隨力量 伊 人。 JII 既久,有 謂之得者,便是已有 最 一 是有得者?」伊 有見處,則不 歸 者。 或 得 問

徵 也。」伊 太宗、 至何代?」温 如 何 司馬温公修《通 ?!温 ĴΠ 肅宗端 日 公日 公曰:「唐 的 此 □ 「管 如 復 鑑 何 何 ? ×, 疑 一种,孔 初 伊 温 JII 也 伊 公 子與之。 111 曰 伊 日 問 日]1] 皆 日 修 某 篡 魏 :

管仲 徵 忍 於 只 死 魏 雖 徵 是 以 初 亦 有 事 成 過,善 然。 讐 功 業 補 何 伊 者 所 此 ĴΙΙ 也。 取 聖 曰 耶 魏徵 人 : ? 所 管 初 取 實 温 仲 其 無過者也,功 公竟如 知 反 非 正 而 也 舊 反 業 説 正 魏 雖

多,何足法乎?

舜 何 如 疑 FL 則 ? 爲 無。 子『是吾憂也』,若疑則 法 與 如 於後 叔 舜 問 夫何故? 而 伊 世 己。 Ш 我 日 伊 猶 : Ш 人所當憂,不得不 未 曰 : 某見孟 免 爲 「聖人憂則有之, 無之矣。」 鄉 子 亦 有 憂之如 疑 處

悶

道 理 先生 而 作 耳 已明後,無不是此 順 洛 曰:「某不 先 先 敢 生 生 河 比 竹 聞 曰: 曰:「近 先兄」,由 木 無 不 務 悟 識 通 時 有 則 明 然 是 人説 過 句 事 道 後 推 句皆 也 可 之,决無 每 寺門,墻上 伊 至不踰 見伊 是這 JII 如 孔 自 子謂 箇 111 比 此 矩 説 孔、 道 語 有 也 六 理,道 學 也 孟 人 問 題 明 +

> JII, 被 過,必曰好語 象。] 又謂 曰 要不悶, 言一句 : 也。 人不守本分也。」 「看伊 伊川 守本 曰:「只爲人不能 便 ĴΙΪ 寬 推 此 曰 : 分 到 語,豈不是 極 日 寸才 後 處, 明 時 説 先 之問 田 看 生 明 盡 盡 悟 之,明 盡分。」先 聞 之 分, 則 分字是大小 此 隨 句 句是? 便 行 道 不 復 曰 生 明 消 問 謂 道 説 氣 凡 寬 伊 只 每

真。 此 曰: 日 爲子出此二篇。」今傳之者是 有之,但不 : 甚 一體 善。」伊 先生一 先生 似 太 用 日 洩 欲示 日請 _; __]1] 源, 漏 作《詩 伊 天 問: 人。」再三請, 顯 機。」 川《 微 序》二篇,昔 「曾 易 無 伊 序》 間 作否?」 Ш 日 既 也 乃 先生 成, 得之, 伊 人 汝 傳 其 告 111 看 中 之不 伊 得 曰 日 如 111 有

إال 先生一 伊川問之,先生曰: 日看《大學》有所 二心 廣 得 體 欲 胖, 舉 似 只 是

四三八

不得。」伊川曰:「到這裏,和樂字也著自樂。」伊川曰:「到這裏,和樂字也著

語》。● ^{寬字居之。} 右四十一條見祁寬所記《尹和靖

學者 之忽 生 鮑 便是仁乎?」伊川 公可盡之。」伊川沈思久之,曰:「思 能 時 某 守官 所 有 侍 至公,便是仁。」 先 難 生云: 所 坐,歸,因取《論 及 得,遂見伊川請 西京,見伊 也。 初 見 天心 曰:「愛人,仁之事耳。」先 伊 111 ĴΠ 所 語》中説仁事致思,久 問 先 以至仁者,惟公爾。 仁 益曰:「某以仁惟 生,一日有 日 :「仁者愛 而至此 江 南 人 人

日 唐 鑑》議 伊 伊川 此 ĬΙ 書 論多 自涪陵歸、《易傳》已成,未嘗示人。 使人抄范 如 何 ? _ 與 伊]1] 伊 純 同。 夫《唐 Ш 曰: 如中宗在房陵事之類。 鑑》。 厂足 以 先 垂 生 世 問

> 生 :: 此? 天機 多閲 門 著者象也。 歸,伏讀 篋以出 曰:「何事 弟子 也。」伊 某亦不得已而言焉耳。」 「某 請益 ,身自發之,以示門弟子,非 數 日出《易傳序》示門弟子,先生受之 也?」先 固 骨體 日後,見伊 ,有及《易》書者,方 JII 欲 歎美曰:「近 用 有 所問,然不 生曰:「至微者理 源, Ĭij 顯微無 伊川 日 敢 學者 問問 間」,似 命 發。」伊 所 :所請 小 何 見。 奴 也 太 取 不), 至 及 露]1] 先 敢 書

耳。」先生初 之斯和」,是亦感與 大,人當自識之。」先生曰: 明道 嘗 謂 聞之,以 人曰:「天下 應乎?」曰: 問,伊 『綏之斯來, JII 事 日 只 一:「此 然。」 是 感 事 與 動 甚 應

伊川必再三喻之,蓋其潛心甚久,未嘗容易門弟子請問《易傳》事,雖有一字之疑,

❶ 靖,原作「請」,據涂刻本改。

問: 物 則對以思叔之語。 曰:『堯、舜其猶病諸!』後因侍伊川,伊 無心,故不憂。聖人致有爲之事,故憂。』」 而 「鼓萬物 不與聖人同憂」之意於張 先生又云:「見王信伯云: 而 不 與聖人同憂」,如 伊川曰:『不然。 昔時一 思叔,思 天地 問「鼓 何説?」 叔 以 ĴΙΙ 對 萬

伊

無 乎?」伊川曰:「馴此可以至矣。」後先生與周 懼 始乎爲士,終乎爲聖人」,●可以明之。」 恭叔以此語問 事?」恭叔請問,伊川曰:「如荀子云『學者 :乎其所不聞」,及其至也,至於『無聲無臭』 游定夫問 伊川。 伊川:「『戒慎乎其所不睹,恐 伊 ĬΙΙ 曰:「然其間 亦 豈

伊 日 如 ĬΙΙ 此寺鐘、方其未撞時、聲固在也。」伊川喜 曰:「試諭之。」適聞寺鐘 昔嘗請益於伊川曰:「某謂動静 且 更涵養。」 聲,某曰:「 理。 譬

> 有人説無心。 伊川曰:「無心便不是,

只當云無私 心。

學,是歲登第。「定夫」字誤,當作「顯道」。 少。」伊川笑之。 知學也。 某讀禮太學,以是 川問:「試有期,何 游定夫忽自太學歸蔡,過扶溝見伊川。 **豈無義無命乎?」定夫** 定夫請問,伊 應試 以 者 歸 多,而 也?」定夫]1[日 即 鄉 復 舉 者 歸 是未 曰 : 太 實

坐,伊 伊 乾、坤二卦亦不須,况六十四乎?」 後世尚不能了。 曰:「聖人分上事。」曰:「若聖人分上 川曰:「聖人設六十四卦,三百八十四爻, 伊 昔見伊川問《易》,乾、坤 川復曰:「子以 ĬΙ ·所戴帽,桶八寸,簷七分四直。 乾、坤二卦,豈能盡 爲 何人分上事 卦斯 也 "?!對 ?] 既 事 可 矣。 則

0 爲」字,原無,據涂刻本補

河

南程氏外書第十二

長。 有 所公共,某何敢秘其説? 肯 理 未 和 舜之道。」伊川令與和静 舜 如 無聲』,『孝弟之至,通於神明』。 容易 静對 如 喻 之道,孝弟而已矣。』恐孝弟 累學者。」伊 此 何?」鮑復見伊川,伊 能 説。」鮑又曰:「尹 鮣 説。」伊 和静 盡孝弟之道者,惟堯、舜能之。」諸 曰:「此 雨 曰:「且如孝子『視於無形, 與]1] 川後問之,和静 何所 同 志 數 疑 某思慮不 ? 人 秀才直是秘此道,不 語商量。 見 孝以 ĬП 但恐一語有差,則 伊 曰:「某亦 11 事親 不 諸 日 · 及。 。 且道 : 足以 人 問 「此道 弟 見 此 和 盡 不 聽 以 箇 堯、 堯 衆 過 於 事 道

張 道 説 輩 某守不定如某。」伊 ,某不疑; 頭 尋常商量 知 張 尾。 思 叔 某 事,有疑 與 某 必 和 所 待 静 説,張某不 再三 侍 處否?」對 ĬΙΙ 伊 問問 111 然後 伊伊 疑。 ĴΙ 日 曉。 張 問問 「張 某 曰 : 然但 聰 某所 明 恐 賢

> 語 》堅中字景實 右 + 四 條 見 吕 堅 中 所 記 ^ 尹 和 静

伊 道 人 云 ĬΙ 有 非如釋氏,一見了便從空寂去。」」 『若熟看《語録》,亦自得』者此 「須是熟看《語》、《孟 曰: 問: 問:『且將《語》、《孟》緊要處看 『固是好,若有得,終不浹洽。 將孔子之言切要處思索如 》,玩 味 也。 咀 嚼 如 何 當 何 時 ? 蓋 伊 ? 吾 門 111

日

性。 同?」曰: 率性之事,天命之性無 問:「伊川説『人之生也直』,是『天命之謂 謝顯道云:『順理之謂直。 伊 川説上一截,顯道説下 待 於順 理 竊謂 也。」二説 截。」 順 理 是 異

公解《中 無 _0 問:「如 先生 古三 》,至『人莫不飲食 何 「明道 謔 語 猶 ? 有 日 謔 語 鮮 明 若 道 能 伊 聞 知 味 111 司 一,有 則 馬 温 全

疑了。」伊川直是謹嚴,坐間無問尊卑長幼,疑遂止,笑曰:「我將謂從『天命之謂性』便

謝。伊川云:「上穹尊嚴,安得易而侮之?」瘦』是公詞否?」少游意伊川稱賞之,拱手遜一日偶見秦少游,問:「『天若知也和天

今人年長則健忘,豈可不知其故哉?」 先生曰:「伊川年四十以後,記性愈進。

少游面色騂然。

信州周憲所記。 右五條見《震澤語録》王蘋信伯,門人,

曰:「是禮也。君子所以貴乎禮者,爲其以説之見伊川先生,論曾子易簣事。先生

哉?」先生曰:「然。」 是禮,古人孰不然? 蓋曾子獨有傳焉爾。 是禮,古人孰不然? 蓋曾子獨有傳焉爾。 後世之士自賤其身而絕於禮,此事始廢。或 後世之士自賤其身而絕於禮,此事始廢。或

右一事見《晁詹事文集》説之,以道。

張載臣所畏,邢恕從臣游。」 神宗問明道以張載、邢恕之學,奏云:

多。」明道曰:「使見吕晦叔,則不得不少,伊川謂明道曰:「吾兄弟近日説話太

《張子正蒙》云:「冰之融釋,海見司馬君實,則不得不多。」

不得

丽

與焉。」伊川改「與」爲「有」。

川曰:「賢是疑了問? 是揀難底問?」游定夫問伊川「陰陽不測之謂神」。伊

惟 書,三代以後,無此議論 印行《唐鑑》一部。 兀 祐 中 客 有 見伊 先 111 者, 生曰:「近 几 案 間 無 方 他 見此 書

右五條見《晁氏客語》不知何人所録。

欺,不可使好賢之心少替。」公敬納焉。有悔薦之意。伯淳曰:「願侍郎寧百受人正獻公既薦常秩,後差改節,嘗對伯淳

無用處。」 卷經中道理受用。儒者讀書,却只閒了,都卷經,便要一一例川嘗言:「今僧家讀一卷經,便要一

有高才能文章,三不幸也。」科,一不幸,席父兄之勢爲美官,二不幸,伊川先生言:「人有三不幸:年少登高

仁,原明侍講之孫。 右四條見《吕氏童蒙訓》日本中字居之盛,歎曰:「三代威儀,盡在是矣。」 明道先生嘗至禪寺,方飯,見趨進揖遜

信,若是親見,容是眼病。曾親見邪?」伊川以爲若是人傳,必不足曾親見邪?」伊川以爲若是人傳,必不足

叔以 本, 彦明獨能「力行之」。 自貶屈,常以伊川教人,專以「敬以直内」爲 生没,思叔亦病死。 高 尹彦明與思叔 識,彦明 以 篤行,俱 同時師 彦明窮居教學,未嘗少 事伊川先生。 爲 先 生 所 稱。 先 思

此,且 耶 ? 也。 日,因讀《易》至「敬以 妄作,不愧屋漏矣。 以直内」,若用此理,則百事不 不習無 因說往年先生歸自涪陵,日日見之。 彦明嘗言: 先生教人,只是專令用「敬 先 更涵養,不要輕說。」 不 生 深 利」時, 以爲 則 然。 習之既 更無 直内」處,因問 且曰: 睹,當更 久,自然有所 敢輕 不易見得如 無 爲,不 先生: 計 較 敢 也

里巷居三十年餘,世間 生問康節之學。」伊川答書云:「某與堯夫 先生没,不可見,康節之友惟先生在,願 「某平生所 晁 以 道 常説: 願學者,康節 頃 嘗 事無所不論 以 書問 先生 伊 也 惟 Ш 先 未 康 因 嘗 同 先 生 節

字。 子所處,只説義如 知 法 初 河 當行不當行者義也,得失禍福命也。 行,當如何做?」先生云:「只有義命兩 南府鞏縣 崇寧初,家叔舜從,以黨人子弟補外官 ,請見伊川先生,問:「當今新 何耳。」 君

同耳。」 人云:「先生所欲同者,非同己也,正欲道之 如此,是先生亦欲人同己。」先生不答。 道見伊川先生,論難反復。以道 日 門

先生,先生召食,食五 崇寧元年,叔父舜從至洛中,請 品 亦甚豐潔 坐間 見 伊 問][[

> 詳,既而微笑云:「只被公家學佛。」 事甚衆,先生一一 酬答。 臨行,又請教,語 甚

强,安肆日偷」,蓋常人之情,才放肆 蕩, 伊川先生甚愛《表記》中説「君子莊 自檢束則日就規矩。 則 敬 日 就 H

右八事《吕氏雜志》同上。

曠

字及數耳。」

遠矣。 録》及《震澤語録》,❶恐當以邵氏所記爲正 伊 岸旁有問者云:「達後如此? 舍後如此?」 風 作浪 川先生意其非凡人也,欲起 伊川 親見吕舍人十一丈説。按:此段已見《邵氏聞見 湧 先生自涪州順 ,舟人皆失色,而先 流 伽 歸, 生端 揖之,而 峽 坐 江 峻急, 不 舟 動 去

畏曰:「今時事已變。」先生曰:「時事雖變,某 之甚厚。先生曰:「某罪戾之餘,安敢當此?」 伊川先生自涪州歸,過襄州,楊畏爲守,待

0 聞見」,原誤作「見聞」,今正。

四四四四

安敢變?」此乃劉子駒處見其祖所録,今省記此。

事汪端明記

不過 語。 欺以 開 侍 門,不獨交口 好,而常啟以無近酒色,上意未 因 求 政 聽,推難引之迹,❷以眩惑淵慮。 除朝籍,再見而升經筵。 、殿説書程頤,人物纖汙,天資憸巧。 以勿用小人。 藉 講席,觀某陳説,凡經義所在,全無發明,必 ,元無鄉曲之行; 借如 如 所無 左諫議大夫孔文仲言: 此。」又如 事,汎濫援引,借無根之語,以 有。 曰:「雖使孔子復生,爲陛下陳説 褒美,又至連章論奏, 每至講罷,必曲爲卑佞附合之 曰:「伏望陛下燕閒之餘,深 豈惟勸導以所不爲,實 奔走交結,常在 臣頃任起居舍人,屢 ●謹按通 有信向,而 上德未 公卿之 摇 直 貪 見 亦 有 撼 贖 郎 矯 常 嗜 聖 而 請 崇

> 之應答。」又如陛下因咳嗽罷講,及御邇英,學 宣 細 王 候問聖體,横僭過甚,並無職分,如唐之王伾 頤無日無此語以感切上聽,陛下亦必黽勉爲 士以下侍講讀者六七人,頤官最小,乃越次獨 叔 一問,容臣一 敷 文、李訓、鄭注是 奏,慮煩 聖聽、恐 開陳。 有所 也 當陛下三年不言之際, 疑,伏 乞非 時 特賜

醜 則 以害善良,晚乃自知爲小人所給,憤鬱嘔血 舐,然所載經筵進説,尤見先生所以愛君之心,有門 云:「文仲本以伉直稱,然惷不曉事,爲浮薄輩 弟子所不及聞者,故今特附于此。 此 詆無根之語,則爲浮薄輩所使,而晚乃悔之者也 疏,不掩防微納忠之善言,乃其 右孔文仲《章疏》按文仲所言,雖 伉 《吕申公家傳 直所發,而 而 死。」然 極 所 其 使

河南程氏外書第十二

,無忘臣之論。」又如曰:「臣不敢子

明道先生文集目録

第

銘詩

顔樂亭銘

偶成

游 鄠縣 Щ 一詩序

白雲道中

遊紫閣 馬上偶 山 成

獼猴

草堂 高觀谷

游 長 |嘯巖中得冰以石敲餐甚佳 重雲

> 凌霄 三峰

前

却

不

見蓋

爲仙掌所

蔽

長

嘯

洞

北

口

望

大

頂

如

列

屏

幛

比

到 山

雲際 Ш

下山 偶成

是 遊 之西窗戲作五絶呈邑令張寺丞 也得 小松黄楊各四本植於公署

春雪

晚春

新 早 桃 晴 寒 花 野步 菊

環翠亭 西 湖

象戲

中秋月

九 日 訪 張 子 直 承 出 看 花 戲 書 學舍

四 四 Ŧī.

五 首

送吕 贈 王求甫鐵 晦 叔 如意

陪陸子 贈 司 馬 君 實

履遊白石萬 固

戲題

題淮

南

寺

和家君早寒之什

和詠草

邵 堯 夫打乖

和 和 堯夫首尾 吟 吟

遊 月陂

和堯夫西街之什

秋 日 偶 成

代少 和 王安之五首 卿和王宣徽遊崇福宫

小

園

野 軒

藥軒

汙亭

和 花 晚 輝亭 庵

子直

示以

新詩

軸

偶

爲

四 韻

奉謝

和 諸 公梅臺

後 日 再 和

郊行 即 事

春 日 江 上

下 白 徑嶺先寄孔周翰郎 中

盆荷

栅 陳公廙園 韓 持國 資政 修禊 湖 事 席 上 獨 上 酌 賦

見贈

哭張子厚先生

奏疏表

第二

四四六

乞留張

載狀

上殿劄子

論

王

霸

劄子

第四

墓誌 銘

李 寺丞 墓 誌 銘 邵康節先生墓誌銘

華陰侯 程 殿 丞 墓誌 先生墓誌銘 銘

再上

疏

諫

新

法

疏

請修學校尊師

儒 取 士

程 郎 中 墓誌

程 部公 墓誌

澶 娘墓誌銘

第五

南 南 廟 廟 試 試 佚 九 敘 道 惟 使 歌 民 賦 論

第三

謝

澶州簽判表

論養賢劄子

論

十事劄子

辭

提

刑

表

書

記

祭文

行狀

南

廟試

策

五

道

明道先生文

集

目

録

祭富鄭公文

晉城縣令題

名記

答横渠張先生書

祭彭侍郎文

故 À 部侍郎致仕彭公行狀

四四四 七

明道文集卷之

銘 詩

亭 銘

顔

樂

爲孔周翰作

昔 清 破昏 賈善諭,發帑以 其 孰 榛,井堙 顏之生。 人有心,予忖予度。 泉澤物,佳 誰 識 師 ? 爲 天之生民,是爲 醒 聖賢之分,古難其 門 而 聖以道化,賢以學行。 之嗣。 圯。 周 木 爰闕里,惟 ·成 鄉 金。 陰。 追古念今,有 閶 蚩 物 巷治以闢,井渫 千載之上, 顔惟孔學。 載基載落,亭曰 則。 蚩,弗視 明。 顔舊 非 學 有 :惻其 啃 弗 萬世心目, 非 孔 履。 之遇 師, 巷汙 心 而深。 顔 有卓 孰 樂。 有 於 良 覺

> 嗚 百 道之無疆 呼正學,其何可忘? 世 之下, ,古今所常。 顔 居 孔 作。 盛 水不忍廢,地 德 彌 光 風 不忍荒。 流 日 長。

Л

四

八

偶 成時作鄠 縣主

人不識予心樂,將謂偷閑學 雲淡 風 輕 近午天, 望花隨 少 年。 柳 過

前

111

旁

游鄠 山詩序❷

飫雲山 得官,遂請於天官氏 復秀出,常恨遊 僕自幼時,已聞秦 以 僧素· 志。 賞無 ,願主簿書於是邑,謂 今到官幾二年矣,中間 便。 山多奇占,有扈者尤 嘉祐二年,始應 厭 舉

0 字。 顔 樂亭」,據文意當作「顏樂亭銘」。 注文「銘」當爲大

除刻本作「游鄠縣山詩十二首」,下小字「有序」。

0

此題

詣 潭 重 止 登 舍 西 高 産 始 吉 得 期 被 人之數,因請 同 面 雲 諸 草 南 遊 觀 有 往 知 往 會 符 因 聞 境。 · 堂。 下 詰 ,經李氏 登 在 車 ,會探吏失期。 移 Ш 周 貮 爲近邑,常 倉 紫閣 院 騎 變化 旦,晁公西首 Ш 奔 望 車晁公來遊諸 廥 視 是 麓者 已留草堂,走白邑大夫張君。 所 走 仙 出 霎遂 晚 自 初 定 五 還 外 掌 以 人 心, 花 田 憇 以 幹 往 雨 霽 乘間 太 П 固 莊 徜 下 罪 者 氣 辜 平. 抵 二日早,晁公以書見命 無 息 僕 没官 自 院,見待已 鞭馬 明 負 ·谷 徉 高 兩 暇 居 西 Щ 日 泉 復並 駕池上,夜宿白雲精 於花林 觀 息。 至,其餘佳處,都 至山 其 Ш Ш 人 府符 石。 谷 水 來,始慮 先是,晁公見 太 惟 Щ, , 探 益 平 Ŧī. 水 久。 方 白 其 而 奇 谷 石穴,窺 東遊紫閣 年二 竹 晁 命 雲 絶 想 不 間 遂 公 量 特 則 月 得 已 殆 息 奉 其 時 在 簿 石 陪 租 民 約 初 未 非 於 徧 夜 由 Ш 書

> 際。 池, 共 往 出 水 頂 人 者久之,遂宿大定寺。 上,西望藥 積雪; 境。 十· 二 間,水聲清泠可愛,坐石掬 成 谷 長 觀雲頂、凌霄、 下山緣 遊 嘯 詩 篇,姑存之以誌遊覽之次第云 太平宫故 洞 石 章 復東北來雲際下 過 道 Щ 東澗 甚 自 虎 式北 巇 人 溪 渡横橋 下 基 Щ 眺大頂,千峰 西 羅 而 至歸 視 南 漢 歸 凌晨,登 下 口 三峰; 悸 ,復憇於重雲下 凡 深澗 馬 至 四 E 水 往 重 登 萬 台 日 率 總 上 往 雲 東嶺 爾 戀 方 步 閣 得 戀 石 候 亂 П 長 目 磷 不 語 石 望 磷 短 能 極 H 訪 間 詠 往 於 無 初 去 大 鳳

白雲道中

吏身拘絆同疏屬,俗眼塵昏甚瞽矇。辜

❶ 「雲」下,涂刻本有「轉西」二字

四四九

程 全 書

負 終 南好 泉石 年 度 到 Ш 中。

馬 上 偶 成

路嶮 巇功業遠,未能歸去不男兒。 身勞無補 公家事,心冗空令學業衰。 世

遊 紫 閣 Щ

底,寒雨 仙掌 下山 遠 相招,縈紆渡石橋。 腰。 樹色千層亂 天形一 瞑 雲生澗 罅 遥

吏紛難久駐 ,回首羨漁樵。

獼 猴 山僧云: 「晏元獻公來,獼猴滿 Щ

羸 到 此 聞 説 何曾見,始覺毛蟲更世 獼 猴 性頗靈 , 相 車 來 便滿 山 迎

鞭

高 觀 谷

轟 雷 疊 鼓 響前 峰, 來自 彤雲翠 藹 中。

千尋濕,落石珠璣萬 壑積陰成氣象,鬼神憑暗弄 顆 紅。 威 縱 風 有 虬 噴 龍 崖 難 雨 駐 露 洞

足,還應不是旱時功。

草 堂寺在竹林之心,其竹蓋將十頃

讀 華 陽真 參差 八 浩 上 臺 殿 一,神仙! 緑雲中 居 在 四 碧琳 面 篔 宫 簹 徑 通 曾

長 嘯 巖 中得 冰 以石敲餐 甚 佳

老仙笑我塵勞久,乞與雲膏洗俗腸。 車 倦 人 煩 渴 思 長,巖 中冰片 玉 成 方 0

四 五〇

游重雲

長嘯洞北回望大頂如列屏幛比到山

前却不見蓋爲仙掌所蔽

將仙掌都遮斷,元恐塵中俗眼看。行盡重雲幾曲山,回頭方見碧峰寒。

凌霄三峰

生谷底,老松如箸見崖顛。結根不得居平逢雲静得見日,若有路通須近天。陰吹響雷長嘯巖東古寺前,三峰相倚勢相連。偶

地

, 猶與

蓮花遠比肩

明道文集卷之一

雲際山

南藥東邊白閣西,登臨身共白雲齊。

上

方頂上朝來望,陡覺群峰

四

面

低

下山偶成

襟裾三日絶塵埃,欲上籃輿首重迴。

是吾儒本經濟,等閑争肯出山來。

天

是遊也得小松黄楊各四本植於公署之西窗

戲作五絕呈邑令張寺丞興宗

問近郊行樂地,潢溪山水照人清。中春時節百花明,何必繁絃列管聲。

莫謂 冗官難自 心 閑 不 爲 適 管 一,暇 絃樂,道勝豈 時還得肆游 因 行 名 利 樂?

四五

不

四五二

功名不是關心事,富貴由來自有天。任

是榷酤虧課利,不過抽得俸中錢。

得 無 能 有 閒 生 得 主 簿 遇 唐虞聖,爲 ,嬉遊不 負 艷 政 陽 仍 天 逢守令賢 縱

應 野 叟猶 獄 訟 相笑,不與溪 己 聞 冤滯雪, Ш 田 作主人。 農還喜土 膏 匀 只

春 雪

望, 霑。 伴 肌 絮 鳥 艷 或 月 錐 化 珠璣 何 覘 同 遼 帶 共 復 城 風 月 利 黏 亦間 雪 將臨 價增樵市炭,興 鶴 成 洒 霜 直 料 兼。 途鋪 嫌? 面 把 尾, 峭 刃 瓊 片痕才著瓦,斜 争 越女縑。 群 和 瑶 密霰 銛。 陰 雨 比,誰 作 久 人酒家帘。 仍 寒 、退潜。 廉 先 落英 怯 疑 纖 集 開 鵠 闡 時 鷺 勢漸穿簾 飄 只 江 賞, 鬭 撏 知 漢 霙 駐 舞, 足 桃 光 忽 初 銀 飛 散 李 凝 透 彌

> 終滋 崗 著牆 消 恨 閻 沓 時 陰 失 粧 重 憂 認 近 添。 靈 權 瞻 亦 ? 履 巧, 訝 嫩 火 聊 悲 地即 歲老農 薪 昂 炎。 謙。 畫 積勢方平壠 太 乏經 驚 難令木氣殲。 頭 (韓,助 粉,蓋地豈成 佔佔。 玉 雷 端來荐 朔雲雖借便,水 占。 朝備, 裹 亦 震 虐 髯 遠 惜竹 淹 有 ·融釋,空復助 澌澌 衣因 水 飛 如 寒威 鹽 頻敲 難 流 東 廉 何 恃 ? 已 遮 欺 君莫惆 暖拈。 墜簷。 后 葉,愁花 面 徒 紈 驟 煦 可 自 降 律 扇驚 高 無厭 洳 1奮,春 悵 峰 初 暗空 擷 漸 重 旋覆 塵 疑 不 杲 芳 復 裹 勇,旋 曀 猶 游 日 積 氣 縱 木 一,崑 尖 苫 待 潤 沓 亦 任 窮 女

晚 春

歡,况復多聚散 人 生百 年永, 青陽變晚 光 景 我 逾 春 半。 ,弱條成老幹 中 間 幾 悲

不爲時節驚,把酒欲誰勸?

桃花菊

得 開 花近歲方有。 佳 存留 名共堅節,曉霜還獨對樓臺 仙 人 金蘂天偏與,漏泄春香衆始 紺髮粉紅 不比常花羞晚發,故將春色待 腮, 近自 武 陵 源 E 猜。 來。 秋 兼 此

早寒

燠 輕 須 且 火 蓛 暖 蔌, 著輕 親 夜成霜特地嚴, 遠峰 爐 裘次第添。 潤 經曉静尖尖。 初覺冰 澌 朝來寒氣人 結 視蟾。 出門 八書簾。 未 敗葉卷 要 貂 狐 風 乍

新晴野步二首

青帝方成萬物春,如何淫雨害芳晨?

威 乞求共指雲間 猶 料 峭 放 閑 日 Ш 9 悔 色 恨 已 輕 嶙 嫌 峋 0 陌 上 燕遊 塵 莫 消 道 盡

Ŧ

風

孫樂,亦有羲皇更上人。

興, 光 聲人意融 出 却恐騷 岸, 陰 曀消除六幕寬,嬉遊 雲 和候,草色花芳杳藹 人合厚顔。 頭 斜 日影 銜 山 何 緣 間 事 情 我 若 水 心 論 閑。 底 詩 斷 家 霞 鳥

西湖

横 地 波乍見心先快,島嶼將 舴 能 艋 潩 使遊 水橋邊 有 人意不齊? 時 經 鴨子陂, 雨 飲 虹 尋路 樓 霓。 臺 欲 只 如 迷 在 何 郡 咫 盡 城 尺 西 日 塵 0 無 埃 風 煙

❶ 「閑」,涂刻本作「開」。

四五三

環翠亭

曠 層層出 直疑天宇外,周旋如在 城 居 削 不 玉 見 排 萬 青 Ш 面 重 为 因 面 同。 畫 起高亭破 屏中。 暫得 登臨 遠空。 凝嵐 已忘 散 虚 藹

中秋月

去,

四

時佳致屬賢公。

日 「陰魄」 雲静 正 好 中 風 · 時。 吹, 髣髴窺瑶 清 光 溢 四 闕 垂。 ,分明露桂枝。 金行 方盛

象戲

遴英同

醉賞,誰復歎官羈?

馬尚存周戰法,偏裨兼備漢官名。中軍八面大都博奕皆戲劇,象戲翻能學用兵。車

九日訪張子直承出看花戲書學舍五首

笑,雄如劉項亦閑争。

將軍

重

河

外尖

斜

步

卒輕。

却

凭

紋

楸

聊

自

平日邀相見,過門又不逢。貪隨看花

須知春色醲於酒,醉得遊人意伴,應笑我龍鍾。

自

狂

直

使華顛老公子,看花争入少年場。

我疎慵老山野,却騎歸馬背斜暉。 貪花自是少年事,沉酒定嫌醒者非

中,叢深不知處。 下馬問老僕,言公賞花去。只在

近

袁

中得意張公子,十日花前醉不醒。桃李飄零杏子青,滿城車馬響春霆。

就

贈王求甫鐵如意

妖言莫信傳張惡,虚氣休將碎唾壺。借

顧

問閑窗静抓背,何如争勝擊珊瑚?

送吕晦叔赴河陽

公再爲蒼生起,不是尋常刺史行。 曉日都門颭旆旌,晚風鐃吹入三城。知

贈司馬君實

得賢 人均 龍 出 閑 處 卧 洛波清, ,始知深 意在 今日 蒼生 都 門獨 餞 行 願

陪陸子履遊白石萬固

望 得賢 季 一,我亦 春 侯殿 月,上 條 Ш 奉 蒼蒼河 命來 心 方,四年不更慰 閔 侯疆 雨 流黄,中蒲 愁 0 黎 0 蒼。 情 誠 民 形勢天下 使 感 望 車 格 元 天 四 意 出 豐 疆 順 走 戊 ٠̈, 0 群 午 帝

> 穰。 見朱施 央。 石 態 興 光 幼,迤邐千騎明戈槍。 俗 石 舞 詔 亦 元 似 萬 ,得此樂事真 漫 歌 不 書 何 那 所 盡 尚, 才下 能 得 迎 臨 郎 .固皆勝地,主人爲我攜 聖主寬憂小臣樂,自可放蕩舒 君 戀 忘? 好 溪 輝 王。 久 車 朝陽。 客動 此 雨 坐石遍巖谷,幽處往往聞 侯 戀 馬 已霧。 鄉? 故 來 未 不 人 ,日景定爲遊 雖 (難常。 曉 知岐路忙 相 邀頭自是謝康樂,後乘獨 知有 他 填 見不道舊 病麥還青禾出土, 時 、康莊。 賓客,衆喜 我辭 會 初聽 合 虚觴。 人長。 重相 佳境已惆悵,侯 鳴鐃入青靄 一,爲 扶提 人生 雨 語,辜負 汩 更爲 + 况逢佳 絲 乘 胸 歡 没 里 野農 高 簧 腸 喜 苦 將 望 雜 殊 百 遠 Ш 豐 慚 漸 老 日 白 鼓

- ❶ 「侯」,陳刻本、涂刻本作「陝」。
- ② 「情」,涂刻本作「精」。

戲題

却是去年春自去,我心依舊去年春。

曾是

去

年

賞

春日,

春

光過

了又

逡

巡。

題淮南寺

人不是悲秋客,一任晚山相對愁。 南去北來休便休,白蘋吹盡楚江秋。道

和家君早寒之什

泥 憑 北 酒 户 力 滿 温 地 牛 清霜 肌 羊收牧下 骨,陡覺風威著 結曉寒,平明 前 Ш 飛霰 面 急須 顔 酒 趁 柴關。 間 日 里 藏 相 薪 呼 乍

炭

,凍後高枝不易攀。

和 詠 草

吟野 輪 驚 平 草,恐當作「火」。 地 詩 漸 人空怨王孫遠, 有 覺 輕緑,已蓋六街 東皇意思匀, 且憐愁醉柅舊作「枕」。 極 陳 無舊 目萋萋又一 根 初 塵。 動 夜 來 莫爲枯榮 春。 新 0 香 忽

和邵堯夫打乖吟二首

多 巷 攜卷,天爲詩豪剩借春。 生顔氏 打乖 非是要安身,道大方能 (樂,清風千古伯夷貧。 儘把笑談 混 客求 世 塵 親 墨 俗 妙 陃

二幣未回伊尹志,萬鍾難换子輿貧。 且因經聖賢事業本經綸,肯爲巢由繼後塵?

子,德容猶足慰鄉人。

「又」,陳刻本、涂刻本作「只」。

0

命 世 , 先生不是打 藏千古, 已 占 乖 西 軒度 + 春 時 止 時 行 皆有

和堯夫首尾吟

處 命人 裏乾坤 ?,先生非是愛吟詩。 何 先]與,消] 都 生非是愛吟詩,爲要形容至樂時。 寓 物,開 長 隨 時我不悲。 來風 月更輸誰 直到 ? 希夷 死 生 無 有 事 醉

和堯夫西街之什二首

得,直須乘興數追陪。 心 次每 同樂, 先生 容參劇 林外 相 論 與賞西街,小子 青 坐隅還許 Ш 眼 重 開。 侍 親攜 餘 時 盃 泰 几 身 杖來。 檻 閑 前 難 流 水 行 兩

到 隣家賞 先生高 池 蹈隱 館 ,便將佳 西街 風 句 寫 月 瓊 猶 瑰 牽 賦 壯 詠 才。 圖 E 暫 讓

> 甚,水邊曾未兩三盃。 心先快,劇韻仍降字占挼。只有一條誇

大

遊月陂

閑 物 計 但 相 已隨秋氣改,一 照 月陂堤上 逢 佳日 林 下泉 約 四 、重陪。 聲 徘徊,北 樽聊 静 自 爲晚 來。 有 凉開 中天百 世 事 無 水心 尺 端 臺。 雲 何 足 影 萬

秋日偶成二首

得,我心處處自優游。 顔 上 利 П 樂,不 名群蠛蠓,古來興廢幾浮 寥寥天氣已高秋,更倚凌虚 見長安李白愁。 兩 温 事 百 到 退 尺 頭 居 樓。 須 陋 巷 有 世

物 静 觀皆自得, 閑 來無事不從容, 四 時 住 興 睡 與 覺 東 同 窗 日 已 道 通 紅 天 地 萬

四五七

四五八

有 形 ,男兒到此是豪雄。 外 思 風 雲 變 態 中。 富 貴 不 淫 貧 賤

代少卿和王宣徽遊崇福宫

泉飛。 春常在 穆, 職,蕭洒自忘機。 童護玉衣。 冕旒臨 仙仗儼周 睿祖開真字,祥光下紫微。 醮夕思飆馭 瓊霜曉未 秘殿,天日 鶴笙鳴遠吹,珠蘂弄晴暉。 圍 嗣 照西 晞。 ,香晨望絳闈。 聖嚴追奉,神遊 畿。 木文靈像出,太 朱鳳 銜 威容凝粹 衰遲愧宫 星 遂 蓋 此 瑶草 , 清 歸。 醴

和王安之五首

小園

似 庾 園 閑 基 坊 址 西 小,全勝浥澗路途賒 曲 奉常家,景物 天 然 占 知 窳。 君 陋 巷 恰

野軒

居

去城之遠

易,隔墻無

用

少游

車。

白樂天有詩戲盧中丞浥澗山

心

猶

樂,

比

我

僑

居

事

已誇。

且

喜杖

藜

相

過

向紅塵生野思,始知泉石在胸中。 誰憐大第多奇景,自愛貧家有古風。

汙 亭

强潔猶來真有爲,好高安得是無心?

汙亭妙旨君須會,物我何争事莫侵

藥軒

是微風入庭户,清香交迭滿檐楹。囊中數味應千種,砌下栽苗過百名。

好

晚暉亭

亭下花光春正好,亭頭山色晚尤佳。欲

知剩占清一作「春」。風處,思順街東第一家。

和花菴

期公在康濟,終奈此情何? 席 ,滿目自雲蘿 得 意即 爲 適, 静 種 聽 花非貴多。 禽聲樂,閑 招 月色過 區 才丈

子直示以新詩一軸偶爲四韻奉謝

静 麗,不解繼春容。 吟《梁甫》意,真似卧 治劇君能佚,居 寡和 閑 知高 隆 我更 中。 唱 慵。 ,深情見古風。 自 惟 降藻

氣,不妨游衍莫忘歸。

和諸公梅臺

景 暖 風 急須 前 H 乘 事 興賞春英, ,淡雲微 莫待 雨 此 ?空枝謾 時 情 寄聲。 淑

後一日再和

風雨梅臺上,已減前時一半春。常勸嬉遊須及辰,莫辭巾屨染埃塵。

秖

應

郊行即事

十 逐 亂 分醉, 紙恐風 芳原緑 紅穿柳巷, 野恣行時,春 困 花 臨 流 片飛。 水坐苔磯 入遥山 况 是清 碧 莫 四 明 解 量 好 盏 天 酒 興

春日江上

微茫 幕 倒 見 遮天外日 新蒲 興 嫩柳 (逐歸 滿汀洲,春入漁舟一 風 槎 帝輕 汗 漫 颺 游。 竹 間 不 樓 畏 蛟 棹浮。 望 螭 窮 起 遠 波 岫

四五九

浪,却憐清泚向東流。

下白徑嶺先寄孔周翰郎中

騎 通 西 已登吴坂峻,飛雲猶認華 驟經微 國 城 上 雨 樓 過芳郊,轉覺 臺 壓 巨 濤。 長 山 欲 高。 河氣象豪。 問 甘 門前 棠 舊 岐 路 風 歸

盆荷二首

化,主人邀客醉香醪。

言 光 朝 無 遠 日 庭下竹青青,盆一作「圓」。 明。 趣? 漣漪 自覺有餘清。 尤緑净,凉 吹 影 夜 荷水面平。 倒 來生 假 Ш 翠, 波 誰

紅芰對

西曛。」

海 供 地 未知清 宵影,瑟瑟 難 容大池沼,淺盆 衡茅岑寂掩柴關,庭下蕭疎 興 (有誰 凉 風 安? 助 聊 曉 作 寒。 小 0 波 不 校 瀾 竹數竿。 蹄 澄 涔 澄 與 皓 月 滄 狹

陳公廙園修禊事席上賦

客,水曲 盛 集 有清音。 蘭 亭 舊 香篆來還去,花枝泛復沉 風 流 洛 社 今。 坐 中 無 俗

未須愁日暮,天際是輕陰。

酬韓持國資政湖上獨酌見贈

肱 語 飲水程夫子,宴坐焚香范 至 誠 對 無内 花 酌酒公能樂,飯糗羹藜我 外 ,却應分别更迷真。 使君。 愧我未能忘外樂,緑 八自貧。 韓詩云: 曲 若

哭張子厚先生

新息斯文約共修,如何夫子便長休 如何夫子便長休

明道文集卷之一

知何限,豈獨交親念舊游?

古聲名聯棣萼,二年零落去山丘。

寢門慟哭

山東無復蒼生望,●西土誰共後學求? 千

■「山東」、涂刻本互乙。

四六一

明道文集卷之二

奏 王霸之辨❶ 疏 表

論

曲 若履大路而行,無復回曲。 者,必先立其志,正志先立,則邪説不能移, 繆以千里」者,其 不同,在審其初而已。《易》所謂「差若毫釐 心 者之事也。王道如砥,本乎人情,出乎禮義, 堯、舜之道也。 而王則王矣,假之而覇則覇矣,二者其道 徑之中,而卒不 臣伏謂: 得天理之正,極人倫之至者, 用其私心,依仁義之偏者,覇 初 可與人堯、舜之道。 不 可不 審也。 覇者崎嶇反側於 故治天下 故誠

> 故仲尼之徒無道桓、文之事,而曾西耻比 異端 仲者、義所不由也、况下於覇者哉? 覇者之心而求王道之成,是衒石以爲玉也。 不能惑,故力進於道而莫之禦也。 苟以

四六二

行,則或出或入,終莫有所至也。 然欲行仁政而不素講其具,使其道大明而後 創法垂統,非可繼於後世者,皆不足爲也。 則皆駁雜之政,乃以一曲之見,幸致小康,其 君,有可稱者,論其人則非先王之學,考其時 堯、舜之心自任,然後爲能充其道。漢、唐之 陛下躬堯、舜之資,處堯、舜之位,必以

先其所後,後其所先,皆不可以適治。 人事之理,知堯、舜之道備於己,反身而誠 不可慢,時不可失。 夫事有大小,有先後。察其小,忽其大, 惟陛下稽先聖之言,察 且志

之,推之以及四 德」,又曰「一哉王心」,言致 成天下之務,《 書》所謂 [海,擇] 同 一尹 心一 躬 德之臣,與之共 暨 一湯,咸 而後 可 有 以

爲也

議 事 其人而居之,則不若闕之之愈也。 盡 錮之弊,爲生民 其命亂矣! 參之哉? ',君子所不能同', 豈聖賢之事, 而 正邪之辨,致一而不二,其能勝之乎? ,則聰明 古者三公不必備,惟其人,誠 不 欲爲聖賢之事,而使庸 專 既任君子之謀,而又入小人之 長久之計,非 而 志意惑矣。 夫極聽覽之明, 今將救千古深 人參之? 蓋 以 庸 謂 小 人 人之 不 則 口 得

則爲 古以 顧 莫大焉 理所當耳,其 來 害大矣。 或謂: 党,豈若 何 嘗 有 大 君舉動,不可不慎,易於更張, 臣 動皆稽古質義 師 循 獨以爲不然。 聖 苟 人之言,法先王之治, 簡 卒致 敗 亂 所謂更張者, 而 者哉? 行,則爲 慎 自

> 甚 之勇 將大有爲 1 智 熙寧二年上 體乾剛 加 返成禍 ,時爲監察御史裏行 而 獨 患者乎? 斷 霈 然不 願 疑 陛 則 下 萬 奮 天 幸 錫

論遣張載按獄❷

求 加 繫教化之本源於治政之大體者, 廷必欲究觀其 學,優禮賢俊,爲善之人,孰不知 侍之臣 振 公事 議 延問,屢形天獎,中外翕然知陛下崇尚 論,則足以盡其所至。 臣 以其學行論 伏聞差著作佐郎張載 竊謂 載 學業,詳試其 經術 薦,故得召 德義久爲士人師法,近 器 往 對。 能 明 勸? ❸儻使之講 蒙陛 則 州 推 事 今朝 下 勘 古 有 儒 親 苗

「王」,原誤作「生」,今據四庫本《二程文集》改。

0

- 此題涂刻本作「乞留張載狀」。
- 「治政」,陳刻本、涂刻本作「政治」。

義

謂

體 進矣。 以獄 爲,臣 史裹行。 苗 之用 治獄,雖足以 徒使四方之人謂朝廷 ,謹具狀奏聞。 振 ,便足了 罪 ,正可試 吏之事試之,則 夫 今所論 於朝廷尊賢取士之體,將有所失。 犯明白 推 按 事。 詔 見其 諸 者朝廷待 伏 能 情狀已具,得一公平幹敏之 作 熙寧二年閏十 吏,非 鈎 乞朝廷别 訟。 深練覈之能,攻摘斷擊 抱道修潔之士,益難 以 士之道 獄 所 儒 以 術 非 賜選差,貴全事 盡儒者之事業。 一月上,時爲監察御 賢業進 爾。 謂 儒 蓋試 者之不 人, 之以 况 當 自 而

論 君 道 作「上 殿劉子

夕

所

善惡 在 乎君志先定,君志定而天下之治成矣。 之歸 臣 伏 謂 辨 忠 君道之大, 邪 之分,曉 在 然 乎 趨道 稽 古 之正 正 學 所 故 明

> 是,則 養聖德 制,一作「滯」。 則守善而或移 不必勞以 燕,必有誦訓箴諫之臣,左右前 後已也。 知極於明,信道極 先王之治爲必 亦戒乎漸習。 是故古之人君,雖出 以 延見,開陳善道,講 勿貳,去邪勿疑,必期致 理 定 不先 成其德業。 志 聖智益明,王猷 ; 者 又擇天下賢 然天下之事,患常生於忽微,而 職 盡 事 不爲流俗因 則 心 ,俾日親便座,講 可 多 誠 伏願陛下: 惟 法,不爲後世駁雜之政 於篤,一本此句在上句上。 意 聽 在以聖人之訓爲必當從 , 擇 磨治體 而 允塞矣。 俊,使得 易惑; 善 循 世如三代之隆 而 之論 禮 以以 古 陪 志 命老 後 論 廣 執 侍 所遷惑,自 意不先定, 道 無 聞 人從容閒 之 法 義,以 成賢儒 非正人, 聽 也 從, 所牽 任 輔 朝 志 如 而

賢

0 人」,陳刻本、涂刻本作「之」。

乎。 之訓,法先王之治,一一作「正」。 廉 耻 而 蓋 今四 篤誠忠厚之教尚鬱也。 亦 海 朝廷尊德樂道一作「義」。 靡 靡 日 入偷 薄,末 惟陛下稽聖 心 俗 誠意 嘵 嘵 之風 體 無 人 乾 未 復

請 修學校尊師儒取士劄子

剛

健

而力行之,則天下幸甚

然耳。 古者 本。 從 美,士人微謙退之節,鄉間無廉 幾於廢 校之不修,師儒之不尊,無以風 繁而奸不 而 臣伏 宋興百 ? 道德以同俗,苟 熄,惟朝廷崇尚教育之,則不日 竊以去聖久遠,師道不立,儒者之學 止,●官雖冗 謂:治天下以 方今人執私見,家爲異説 年,而教化未大醇,人情 而 師學不正,則道德 正 材 風 不足者,此 俗、 耻之行, 勸養勵 得賢 文離 而 之使 才 蓋 未 刑 復。 何 學 雖 盡 爲 經

> 訓 ,無復統 一,道之不明不行,乃 在於此。

及百執事方岳州縣之吏,悉心推訪,凡有明 皆中於是者爲 之道,皆有節序,其要在於擇善修身,至於化 朝夕相與講明正學。 其家之有 遺,萃於京師,館之寬閑之宇,豐**其** 先王之道,德業充備,足爲師表者 成天下,自鄉 忠信,周旋禮樂,其所以 志好學、材良行修者,皆以名聞。 尚。之士,朝廷當厚禮延聘,其餘命州縣 理,其教自小學灑埽應對 臣 謂 無,以大臣之賢典領其事 宜先禮命 人而可至於聖人之道。 成德。 其道必本於人倫,明 近 一侍賢 誘 掖激 以 儒 往 ,各以類舉, 勵 一,修其 其高蹈 ,其次有 漸 ,俾群 廪餼 其學行 摩 孝 成 就 悌 平. 儒 卹 敦 篤

物

又其次取 材 識 明達、可進於善者, 使日

刑」, 原誤作「形」,今據四庫本《二 程 文 集》改

0

業大 受其 役。凡其有父母骨肉之養者,亦通其優游 學、民之俊秀者入學,皆優其 來,以察其行。其大不率教者,斥之從役。 天下之學,始自 、明、德義可尊者,爲太學之師,次 業 稍 則 舉 藩府,至于列郡。 其 賢 傑 以 備 廪給 高 任 擇士之願 而 以分教 蠲 擇 其 其 身 往 學

其 之制 異 學之師,行鄉 觀 可 而 推經明行修、材能可任之士,升於州之學,以 歲與學之師,以 教之。 行、材 开於州 其 爲 日則十室之鄉,達於黨遂,皆當修其庠序 實。 ,爲之立師,學者以次而察焉。 人師者,使教於縣之學,如州 漸自太學及州郡之學,擇其道業之成、 能 加 學 其學不 三物賓 荒行 當者,復其家之役。 飲 鄉飲之禮會其鄉老。 酒之禮,大會郡士,以經義 -明、行 虧者罷歸,而罪其 興 其 士於太學,太學又聚 不修與材之下者罷 郡守又歲 更與 郡之制。 學者衆 縣令 師 與 每

> 其 歸 以 以 時還鄉里,復來於學 爲 郡 守 學 師 之 罪 ; 升 於 太 學 者 亦

得 衆所信 升於太學者,一 太學者,皆滿三歲,然後得充薦, 後 朝 辨論 備數論薦 廷問之經 太學歲 服者,雖不處於學,或處學 其等差而 論其賢者能者於朝 以 考其言,試之職 歲而 命之秩。 後薦; 凡 其 處郡 有 以 謂 學行 觀 而未 其自州 縣之學 其 材 之選士, 人,亦 超 郡 與

學之師 長,蒞事未滿半歲者,皆不薦士師,皆取學者 失 其 在 縣之學,則先使其鄉里長老,次及學衆推之。 有 、懷奸罔上者,師長皆除其仕籍 者 太學者,先使其同 廉 亦 耻 凡選士之法,皆以性行 奪 禮遜 與州縣之長,無或專其私 官二等,勿以 ,通明學業,曉達治道者。 黨、次及 赦及 去 端潔 博 職 居家 論。 士推之。 ,終身不 ,苟不以 州 孝悌 縣之 其 州

成否之分數爲之賞罰。

子。 於朝,其在學賓興考試之法,皆如選士。 州郡之師。 秀者升於太學,其升而不當者,罪其 者,不授以職。 太學,在外者各人其所在 其有當補蔭者,並如 凡公卿大夫之子弟,皆入學,在 太學歲論國子之有學行 每歲,諸路别言一 舊制 州之學,謂 惟 路 不 材 監 選 京 或 能 於 之國 師 司 子之 學 者 與 者

路及 之。 等。 七歲 罷 爲二等之法。 修進,中於論選,則 年,年及三十以上,所學不 凡有 近 上者聽授以 而不中升選者,皆論致太學 國子自入學,中外通及七年,或太 侍 雖歲 以 職 聞 任 滿 之人,其學業材 國子之大不率教者,亦斥 處之太學,其論試 願 筦庫之任。 留學者, 不復使親 成者, 亦 自非 民 聽。 行 政。 應 而考察之, 辨 亦 其 其 薦者 如選 其下 後 在 而 學業 外學 學 爲 士 罷 者 五 諸

> 者,中選則增其秩。 之法,取其賢能而進用之。凡國子之有

官

史裹行。 特留宸意,爲萬世行之。 之本 豈惟 無 實材學升進,去其聲律小碎、糊名謄 義 也。 得士浸廣,天下風俗將 理之弊,不數年 臣 謂 臣謂 既 一以道德仁義教養之,又專 帝王之道,莫尚 間, 熙寧元年上 學 者 日 靡 於 人 然 此 醇 ,時爲監 願 丕 正 録 一變矣。 Ŧ, 以 一切 察御 化

諫 新 法 疏、熙寧三年三月四日

謂 貽後 事 去提 理 明者見於未形,智 悔 顯白 舉官事,朝 臣 近累上言,乞罷預 |易知 悔 而 ,若不 後改 夕以 因 則 覬,未 者 機 爲 防於未亂 害 俵青苗錢 亟 已 决,持之愈堅,必 蒙 多。 施 行。 利 蓋安危之 息 况今日 臣 及汰 竊

以 則 本 未 便 威 有 在 言 力 乎 取 不 人 信 情 强 言 治 萬 邦 亂 語 協 之 必 和 機 勝 則 繫 乎 所 而 事 爲 近 必 始 日 成 所 衆 聞 固 心 尤 不 暌 爲 乖 口

已燭 心。 奉 欲 柄 偏 遂 臣 行之官,徒使中 伏見 行 尚 見 權 而 必必 事 持 其 盡 制 古 體 輕 沮 難終 重,未 必,是 究 公議 置條 濟 知 例司 致 是 見 因 外 輿 非 其 小 物 疏駁 情大鬱,衆論 情,愈致驚 可 事 在聖心 而 大臣之奏,舉 先失 臣 竊 非 謂 作 吝 駭 、是乃 益讙 改張 動 陛 下 劾 若 由 古 衆 舉 不

衆 失 糶 臣 機 於 與與 糴 所 志 之法 舉措 上言 伏望 其 外 遂 兼 座 再 使 汰 行, 下 賜 使 失 議 奮 施 則 人 論 而 神 儲 行 何 之擾,亟 廢 明之 蓄之資自廣 名 百 則 爲, 而 天 威 沸 下 推 孰 斷 騰 幸 去息 若 其 審 沛 成 伏 之仁 大 在 敗 乞 時 朝 恩 爲監 檢 之 廷 而 未 先 况 會 新

> 本意更 若不 方鎮 章 史 申 奏。 沮 裹 不明 明 毁 行。 法 顥 朝 乃言: 於天下。 意,使中 廷 上 ~法令, 語 及 『大臣論 程 朝 外 如 顥 廷 具 此 疏 知 申 則異 安 列,事 則 明 使 石 (議何 是 知 日 當包含。」此言尤爲 縱 法 由 使 意,不 邪 顥 帖 息 ? 説誣 至 中 得 民 書 謂 之疏 臣 而 ***** 略 害理 詔 駮 論 大 以

臣

御

四

六

八

再 上 疏 熙 寧三 年 四 月 + 七 $\bar{\mathsf{H}}$

公議 能 足 水 順 不 不 ·, 行 就 道 可 以言智矣。 事 前 致 臣 二二小 其 則 功者; 或 聞 能 事 所 政 有 無 無 天 臣 異 爲 未聞 不 下 事 蓋 出 實與大計 者 成。 也 之理,本 自 ,名分不 也 輔 古興 ; 弼大臣 捨 故 况 日 而 治 用 諸 於措置 : Ė 之於 簡易, 雖 人各有 賤 ,中外人情 智者 陵 有 險 受貴 失 專 阻 若 而 宜 任 心 0 禹 行 獨 沮 睽 之 之以 則 交 决, 戾 不 妨 廢

⁰ 之 陳 刻 本、 涂刻本作「至」。

者之所 之福 日 正 베 者 益 興 利之 乎 摇 ? 不 動 矧復天 臣 行 凡 此皆陛 日 也。 此 時 進,尚德之風浸衰 皆天下之理 未順, 設令由此僥 下 所 當 地 仰 震 測 連 不 倖,事 年, 天 宜 介,尤 意 有 四 小 成 俯 方 非 有 人 朝 察 而 成 110 X 廷 智

降 點刑獄。❶ 責 臣 時權 奉職 監察御 不肖,議論無補,望允前奏,早 史裹行, 由是罷爲權發 遺京 西 1路同 賜 提

事

者

也

辭 西 京 提 刑 奏狀

獄 俞 已瀝 不 臣 澼 伏 懇 蒙 煩 瀆 誠 聖 不 恩, 輒 敢祗受, 再 差 陳 權 請 發 願從竄 遣 京 西 謫 路 日 提 冀 點 允 刑

紀

伏 自 供 臣 職 出 E 自 來 冗 散 每 過 有 蒙 論 陛 列 下拔 惟 濯 知 以 寘 憂國 在 言責 愛君

> 直,每 爲 幽 義 無私 (主不當自聖,則未嘗爲諂諛之言, 心 則鬼神。 加 不 交,則不忍爲 優容,故常指陳安危,辨析邪 敢 以 臣之微誠,實仰臨 揚 己 矜 阿黨之計 衆 爲 事 照 陛 明 下 則 亮 知 IF. 陛 其 下 臣 愚 知

心, 憑,使不以言之是非,皆得進職 論大臣之非,不能裨補聖明,是臣 恩典 已抗 自此弛廢。 曾微回天之力。 亦將安用? 如 伏望陛下 然臣學術 章自 過 其 頒。 見利 劾,屏居 臣雖 開 寡陋 使臣粗 忘義, 靦 白 况 智識 無狀,敢以 日 臺諫之任, 近以 俟 知 之照,厲嚴霜 命。 面受之, 陛 廉隅,必不 濶 力 豊 意 陳 疎 死請 徒 時 而 朝 去,臣 刑 原廢職 政之失,併 廷 敢 下 有 之刑 書 綱 蒙 捧 有 未 紀 耻 土 恐 臣 IE. 之 投 緇 所 如 願

就

而

此

既

0 點」 原誤 作 典」,據下篇首句及文意改。

74 六九

四 七〇

諸

至

紛,奈何?」 爲治之實。 之利皆歸之,既不得志,又不失陛下獎用,何爲肯退 獄,人稱其平正。 荒 1 唨 煕 ※寧三 Ó 安石 今當邪説紛紛之時,乃用襄 實 年 E 四 此輩小人,若附公著,得 所 月上。 「陳襄、程顥專黨吕公著,都 甘 分 上 謂 臣 王安石 無 任 知制語,顥 티 : 瀝 行其志,則 人 血 情 祈 無 聽 提 助 如 天 此 而不 天下 點 陛 之 刑 紛 下 廢 徒

論 + 事 劄 子 師 民 食 傅 四民 六官 川 經 澤② 界 鄉 分數 黨 貢 士 兵役 爲善?

」乃以爲愈書鎮

寧軍節

度判官事。

聖王 哉 ? 其偏 民之 物 稱 理 則小 之法 要道,則 臣 事 蓋無古今無治亂 雖 竊 增 康,此 二帝、三王 可 謂 損之制 改。 前聖後聖,豈 聖人創 歷代彰灼著明之効也。 後世 不 然 能 法, 至 無 如生民 盡 皆 乎 隨 其 爲 本 道 不 時 諸 之理 治之大原, 同 則大治 因 人情, 條 革 有 而 踵 窮 共 苟 或 極 或 貫 牧 乎 用 則 作

> 若夫裁 者 服 施 者,豈亦遽當改革哉? 爲之論,而未足以 然儻謂今人之情皆已異於古 復於今,趣便目前,不務高遠,則 所賴以生,非 飲食宫室器用之類,苟 如 ,固可概舉。 其 知 何耳。 實 泥 成運 ,此則 古 而 動 陋 不 周 然行之有先後,用之有緩速, 有古今之異,聖人之所必爲 能 儒 濟當今之極 旋 施 之見,何足 曲 之於今, 當 惟其天理之不可易, 便於今而 則 一, 在 弊 以 姑 朝廷講 也 亦 王之 論 欲 恐 治 循 有 洂 謂 非 道 名 求設 法 如 大 哉 不 而 度 有 衣 可 遂

學。 其 德 、業,故 今師傅之職不修,友臣之義未著,所 古者自天子達 舜、禹、文、武之聖, 於庶人,必 須 亦皆 師 友 有 以 所 成 以 從 就

⁰ 諸」,涂刻本作「謫

川」,陳刻本、涂刻本作「山

者也。 尊德樂善之風未成於天下,此非有古今之異

所以未至,此亦非有古今之異也。紀小正。今官秩淆亂,職業廢弛,太平之治也。至唐,猶僅存其略。當其治時,尚得綱二帝、三王未之或改,所以百度修而萬化理三者必奉天建官,故天地四時之職,歷

可 則 足者,蓋無紀極。 者流離餓殍而莫之恤。幸民雖多,而衣食不 制,今則蕩然無法,富者跨州縣而莫之止,貧 均,此爲治之大本也。 産,使之厚生,則經界不可不正,井地不可 不 衣食日蹙,轉死日多,此乃治亂之機也,豈 也 漸圖其制之之道哉? 天生蒸民,立之君使司牧之,必制其 生齒日益繁,而不爲之制, 唐尚能有口分授田之 此亦非有古今之 恒

古者政教始乎鄉里,其法起於比間族

然,行之則効,亦非有古今之異者也。 黨、州鄉 睦 刑 法 が 鮮 犯,廉 遂, 以 相 耻易格, 聯屬統治,故 此 亦人情之所 民相 安而 自 親

校而人材多廢,此較然之事,亦非有古今之貢士不本於鄉里而行實不修,秀民不養於學今師學廢而道德不一,鄉射亡而禮義不興,庠序之教,先王所以明人倫,化成天下。

異者也。

此亦至明之理,非有古今之異者也。
徒之役,毒遍天下,不更其制,則未免大患,之外,不漸歸之於農,則將貽深慮;府史胥也。今驕兵耗匱,國力亦已極矣。臣謂禁衛也。今縣兵耗匱,國力亦已極矣。臣謂禁衛

餘積,况其貧弱者乎? 或一州一縣有年歲衆,地力不盡,人功不勤,雖富室强宗,鮮有以爲國非其國。臣觀天下耕之者少,食之者古者民必有九年之食。無三年之食者,

之凶 古制 久不至是,因 何道處之,則其患不可勝言矣。 均田 千里之災,或連年之歉,則 即 務農,公私交爲儲粟之法,以 賊 以 縱 幸 横 -爲可 飢 羸 恃也哉? 滿 路 豈可 未知 如 固 不 宜 日 朝 幸 昔 爲之 漸 廷 有 何 從 以 方

備。

此亦無古今之異者也

生,日 數 何 孤 故 之業,以救之耳。 人能變而通之,則無以免患。 而 貧 逾 衣食易給,而 已哉? 百萬 疾病,變詐巧僞,以自求生,而常不足以 古者四民各有常職,而農者十居 益歲滋,久將若何! ,游手不 此 在 民 此亦非有古今之異者也。 酌古變今,均多恤寡 可貲度。 無所苦困。 事已窮極,非聖 觀其窮蹙辛苦, 豈可謂無可奈 今京師浮民, 八九, 漸 爲

阜豐,而財用不乏。今五官不修,六府不治,任,治於五官。山虞澤衡,各有常禁,故萬物聖人奉天理物之道,在乎六府。六府之

之職,使將養之,則有變通長久之勢,此 則將若之何! 禁,而川澤漁獵之繁,暴殄天物,亦已耗竭 用 有古今之異者也。 所資,天下皆已童赭,斧斤焚蕩,尚且侵尋不 之 無 節 取 之不 此乃窮弊之極矣。 時 豈 惟 物 失 其 惟修虞衡 性 亦非 林 木

益 人人求厭其欲 數不足以旌别貴賤,既無定分,則奸 未修,奢靡相尚,卿大夫之家莫能中禮,而 争亂之道也。 販之類或踰 敢踰僭,故財用易給,而 哉? 古者冠婚喪祭,車服器 此亦非有古今之異者也 王公,禮制不足以 則先王之法,豈得不講求 而 後已,豈有止息者哉? 民有恒心。 用,等差分别 檢飭 詐 人情 今禮制 而 名 此 商 莫

數、施爲注措之道,則審行之,必也稽之經訓爲三代之法有必可施行之驗。如其綱條度此十者特其端緒耳,臣特論其大端,以

迂疎無用之説哉? 惟聖明裁擇!而合,施之人情而宜,此曉然之定理,豈徒若

論養賢劄子

賢之地,以容徐察其器實高下而進退之也。 善」。今天下之大,豈爲乏賢? 己求 字之職,名實未正,欲招賢養材以輔時贊化, 出焉。 故曰「大舜有大焉,善與人同,樂取於人 將何從而致之也? 臣歷觀古先哲王所以虚 極 而 其要,朝廷亦以行之爲艱而不爲也。 未 ·治,何嘗不盡天下之才以成己之德 知所以致賢之道也。 三代養賢,必本於學,而德化行焉,治道 臣 臣今欲乞朝廷設延英院以待四方之賢 本朝踵循唐舊,而館閣清選,止 竊 以 議 當 代者,皆 知得賢 是雖衆論紛然,未 而朝廷 則天下治, 一爲文 以 無 也 養 爲

> 經畫 凡公論推薦及巖穴之賢,必招 彙並進,野無遺賢,陛下尊賢待士之心,可謂 爲輔弼,爲公卿,無施之不 後使賢者就位,能者任職,或委付郡縣,或師 切 給 無負於天下矣。 表士儒,其德業尤異,漸進以 觀其材識器能 臣,互與 有政治則委之詳定,凡有典禮則委之討論 磨,日 俸,而 |得以奏陳,而治亂得以講究也。 相接,陛下時賜 盡 不可 其 遽進以官,止以 材,行其 也。 取進止。 察以累歲,人品 志,使政 召對 稱 也。 帥 應認 詔 致優禮,視品 臣 府 以 若是,則引 職 及 命名。 益分, 治 司 俾群 近侍 道, 之任 凡 然 之 可 居

謝澶州簽判表

誅戮 論 曲 議 蒙 無 弘 補 貸 職 仰 業 荷 不 修 鴻私 ; 或 期 有 於 典 糜 刑 捐 罪 莫 在

可報謝。中謝。

瀝肺 世! 無 固 誓竭疲駑, 取 不 退。 願沽直買名。 肝,曾無裨補毫髮。 猥 臣 屢進 陛下 性質朴魯,學術空虚,志意粗修,智 加 濶 惟 風 講圖大政,博謀 知 疎之論,愧非擊 憲之任。 直道以事君,豈忍曲 豈敢冒 臣 既 既 寵 遭 群 不能繩 搏之才,徒嘗刳 以居? 遇 材 明聖 過 愆糾繆, 惟是奉 學 聽 一, 亦 侍 而 識 SII] 思 臣

形奏述、恭俟誅夷。 權 之遠荒,解 微,察臣 清明,普日照臨,洞正邪之心迹,辨真僞於 口 成之賜,義固 憲章尚屈,更奉發中之詔,俾分提憲 不惟沮諍論之風,亦懼廢賞刑之實, 自劾之章繼上,闔 忠誠 其 ,等於乾坤,涵容之恩,重益 ,恕臣狂直,不忍寘諸重辟 察視之官,處以便安之地。 此蓋伏遇皇帝陛下極 門之請冞堅。 天意 幽 之 未 谕 生 投 天

> 之羞 不回 於 Ш ,信道愈篤。 嶽 或能自進於尋常,庶可仰 臣 敢 不 日 願 新素學, 狥 小夫之志,不爲 力蹈 栅 所 於萬 知, 儒 秉 者 心

明道文集卷之二

明道文集卷之三

書

答横渠先生定性書

思之矣,敢貢其説於左右。 此賢者慮之熟矣,尚何俟小子之言! 然嘗此賢者慮之熟矣,尚何俟小子之言! 然嘗

烏可遽語定哉? 馬可遽語定哉? 馬可遽語定哉? 馬可遽語定哉。 既以内外爲二本,則又 性爲有内外也。且以性爲隨物於外,則當其 性爲有內外也。且以性爲隨物於外,則當其 所謂定者,動亦定,静亦定,無將迎,無

> 明, 也。 也。 外物之心,而求照無物之地,是反鑑 學,莫若廓然而 作「物」。 人之情各有所蔽,故不能適道,大率患在於 非惟日之不足,顧其端無窮,不可得而 規規於外誘之除,將見滅於東而 人之常,以其 鑿也。」與其 不見其人。」孟氏亦曰:「所惡於智者,爲其 自私而 曰:「貞吉悔亡。 明則尚何應物之爲累哉? 《易》曰:「艮其背,不獲其身; 兩忘則 夫天地之常,以其心普萬物 川用智。 用智則不能以明覺爲自然。 非 澄 情順萬 自私則不能以有爲爲 外 然 大公,物來 無 而是内,不若内外之兩忘 憧憧往來,朋從爾思。」苟 事 事 · 矣。 而 無 無事則定,定則 而 情。 順 而 生於西也。 應。 故 無 行其庭, 應迹, 今以惡 君子之 而索照 心; 《易》 除 也。 聖

物之當怒。是聖人之喜怒,不繫於心而繫於聖人之喜,以物之當喜,聖人之怒,以

四七五

哉 ? 外者爲 物 第能於怒時遽忘其怒,而觀理之是非,亦可 私用智之喜怒,而視聖人喜怒之正 見外誘之不足惡,而於道亦思過半矣。 也 夫人之情,易發而 是 ,而更求在内者爲是也? 則聖人豈 不 應於物哉? 難 制者,惟怒爲甚。 烏 一爲 今以 得 如 以 何 自 從

聰明裁之! 大要,亦當近之矣。道近求遠,古人所非,惟辭,又吏事匆匆,未能精慮,當否佇報。然舉

記

晉城縣令書名記

故其善惡皆見於後世。自秦罷侯置守令,則古者諸侯之國,各有史記,一無「記」字。

與古史之意一作「事」。異矣。 與古史之意一作「事」。異矣。 與古史之意一作「事」。異矣。如漢、唐之有天下,皆 其餘則泯然無聞矣。如漢、唐之有天下,皆 數百年,其間郡縣之政,可書者宜亦多矣,然 數百年,其間郡縣之政,可書者宜亦多矣,然 數百年,其間郡縣之政,可書者宜亦多矣,然 數百年,其間郡縣之政,可書者宜亦多矣,然

之政 矣。 矣。 况因循不職者乎? 所施設,亦教令未熟,民情未孚,而更書已至 固 定而後下,其民之服循 然後可使去惡而從善。 倉卒苟簡 而 河則 儻後之人所志不同,復有甚 使皆知禮義者,能自始至,即 不變。今之爲吏三歲而 夫圖治於長久者,雖聖知爲之,且不能 盡其法而去之,其迹固無餘矣。 而就,蓋必本之人情 噫 ! 漸漬,亦必待久乃淳 則其紀綱條教,必審 以易息之政,而復 代者,固已遲之 而爲之法度, 者,欲新 皇皇然圖 而

聞焉。無以託其傳,則宜其去皆未幾,而善惡無

以 觀 降二十一人,第其歲月之先後而記 無之,乃考之案牒,訪之吏民,纔得自李君 題前政之名氏以爲記者,尚爲近古。 爲 其名而不忘其政,後之人得從而質其是非 師戒云耳。 故欲聞古史之善而 來者請嗣書其次。 不可得,則因 之, 謂 而 俾民 今有 斯 而 邑

祭文

祭富鄭公文❶

十九 賜 緋 文教 魚袋程 日 維 庚 元 昭告於太尉文忠公之靈 申 豐六年,歲次癸亥,十一月壬寅 上顥, 謹 奉議 郎監汝州鹽酒 遣 外甥張敷,以 税 清 輕 酌 車 庶 都 朔 羞 尉

> 完 其餘 休老者以血 節,艱於永肩。 不齎咨而涕漣? 理,亦爲曲全。 猶十有三年。 勳業揭乎日月,聞望塞乎天淵,優游里第者 四世,皆上聖之主, 時歷七紀, 膺太平之安。 行乎重熙累洽之運,而 儒大聖,多處非其位 出 乎 嗚呼! 事繫天下之重,位極人臣之班 雖有鉅賢碩輔,僅或濟 嗚 唐、虞之際,而 呼 ! 氣既衰而志遷。 粤稽古昔,得全實難; 世之常態 於人之職,可謂 然而捐館之日,遠近聞之,孰 屏伏者以憂責不及而 尚以公之没也,爲有憾焉。 姬、吕位 丽 孤騫。 ,苟於自便,終始之 身享乎尊富安榮之 一乎文、 惟公年彌 無負; 時之險艱; 孰如我公,道 武之間 惟 在天之 怠懈 一虁、契 生逢 高 真 而

● 「鄭」,涂刻本作「韓」。

志愈厲,身久退

而

誠

益堅。

惟是愛君憂國之

1 4

遇,顧 實 嗚 寓 洛 道 望棺,葬不 之没爲憾者,蓋非偶然。 乎昔日之當權。 前,萬物已莫累乎心胸,而朝廷之念,獨 呼 、鄙文,禮 ,賤居在 極 祭册之聖詔,極於哀憐。 ! 相 晝夜之拳拳。 哀哉 期於義理 臨 陳菲 汝。 墓。 官守有制 具。 伏惟 宜 引 ,非見私 乎易名之謚 領 迨乎 恭祭道 尚饗 西風 欲往 顥愚不肖,辱公禮 瞑 悲慟 於趨附。 目之旦,屬 周,後期 則士大 無 典,號 何數 路。 公薨於 夫以 無 ! 纊之 斂 爲 有 所。 進 誠 公 不 摭

祭彭侍郎文

呼 ! 之,實妻以子。 之良? 悠 哀哉 悠 胡 彼 ! 不 蒼 愸 昔我穉齒,爲公所器。 二姓之歡,疇可倫擬? 顧 遺 佑 以以 有 慰 常 士 0 大 如 夫 何 之 不 望 淑 教之誨 ? 殲 嗚 時

> 之悠 不得 + 年,顧 揚。 往,神魂 愛終始。 淚 如 飛翔 流 水,不到公之堂; 我 望南 謪 河北、公薨 浦之蕭條, 建 號 想 康 丹 旐 義 動

天,不徹公之喪。

之厚 伏惟 觴。 盛德之輝光? 長,公爲不亡; 乎國史; 磊落明白 式,被三朝之注倚; 尚饗 兮, 公其來饗兮,慰余之悲 惟公德尊本朝,行高當世,爲四 知 何 時 雖竭 惟寓愚之誠兮,因 之可忘? 掀 無 風 揭 誼 能之鄙 天 傳於後 地。 嗚 傷 辭, 呼 ! 縦綿 人,事 長 遠 何 言 致 哀 足 國之矜 百 恩禮 業存 哉 乎 以 世 斉 之 增

故户部侍郎致仕彭公行狀

中世有爲吉州刺史者,因家焉,今爲廬陵人。公諱思永,字季長。其先京兆人,唐之

又通判睦

州

會

海

尚 不得志、未老、以東宮官退居臨 書治經術,以能詩名於世,慷慨有大節,仕 湘 , 公其次

子

也。

文稱。 號泣 尚 未冠、居尚書喪、以孝聞。家貧無以葬、晝夜 陵,知者無不咨歎。 於常兒,未嘗爲 書 每 ,營治歲終,卒能襄事,扶喪數千里 公性淳粹明重,材質瑰秀。 撫其背曰:「興吾家者,必是兒也。」 戲弄之事,數歲已自知 終喪,益自奮勵,力學有 孩提時即異 爲學。 歸 廬

計 去,民化公之誠,相 知洪州分寧縣。 務,移知廣州南 其賢,交薦之。 臣言其材,遂監泰州 天聖 五年,舉進 秩滿,遷大理寺丞,監 海 二邑素號難治 縣。 戒 士擢第,授南康軍 以 角斜 以母 毋 犯法 水大上,夜敗台州 鹽場。 喪 去 ,至於無訟 ,前令比 職 當路 洪州 服 判官。 以 益 除 罪 鹽 知

於道。

異。 召寮屬 行。 城,郡人多死。 朝夕暴露,未嘗憇息。 祭之,問疾苦,賑饑乏,去盗賊,撫羸弱。 其勞,城成,遂爲 以爲害也。 其居。公視故城庳壞,僅有髣髴,思爲遠圖 工伐木以助之。數月而公私之舍畢復,人安 始至也,城無完舍,公周行相視,爲之規 不憚勞苦,至忘寢食。 將至,吏民 後去台還睦,二州之民,喜躍啼戀者 而謂之日 當與諸君圖之。」程役勸 皆號訴 詔監 : 永利。 郡 司擇、 瀕海 民貧不能營葺者,命 於道 盡葬溺 天子嘉之, 良吏往撫之,公遂 而無 公悉、 死者,爲文以 城,此 动,民 心救養, 錫 書 水所 其 忘 交 羧

役,吏緣爲奸,貧者尤被其害。 未幾,就 移 知 潮州。 潮 民 公爲之法,役 歲苦修堤之

官」,原誤作「官」,據陳刻本、涂刻本改

官員 均 而 以以 外 費 郎 省 謂 尋召爲 斜 民 封 大 非 悦 侍 公朝之事 御 代 史。 還 知 ,仁宗深然之。 極 常 論 州 内 降授官 時 爲 賞 都

以

堯

隳

恨。」 行。 非 取 使, 言其 下 則 政 佐 宜 得 或 悦 行 爲 遷 事 濫 以 物 公曰 家之 公日 恩,以)秩者。 忠,當蒙聽納,不宜加 於 衆 此 朝 闕 妃 議 是 單 廷 一祐祀 族 人 員,堯佐 讙 福。 御 耳 恩 失 進,王守忠以親 益 「苟二人之命 動 , 0 明堂 史中 矣。」遂 公方從駕宿 宜 o 僥 且言. 疏入,仁宗震怒,人皆爲 無 以 公帥 朝 倖 前 丞郭 意 先事 暮待 0 妃族 獨 孤 既 口 勸 寒,獨 日,有傳赦語,百官 抗 得罪, 命,守忠亦 肆 列言之,皆 秉政 景靈宫,亟 疏 侍帷 不 赦 諫 罪 極言, 行 官 爲 命出 果 幄 吴奎 内 堯 仁宗怒解 雖 被 然 臣 佐 至 而 赴 求 日 寵 用 上言,不 티 : 不 皆 守 鼎 爲 時 宜 事 可 爲 公 忠 節 張 鑊 待 參 救 危 皆 陛 皆 H 無 故 度 知 堯 命 而

> 公治狀,爲諸路 發官庾以 弛 司 佐 歲 封員外郎 守忠之 復大 活饑莩,卒無流 歉 望 出 遂格 一作「州」。 守宣 公至,修紀 州。 公猶 之最 前 以 守 綱 體 汎 以 量 撫 贓 恩 安 敗 罷 凋 撫 瘵 郡 使 職 政 上 奏

守將 義恃 疲懦 羲 誠待之,論 邊患遂 湖。 畏 儂 智高 將 公, 者各 險 除 而 不 息 即 北 驕 人, 連 能 遣 路 以 陷 制 將 親 轉 禍 州 請 而 信 帥 運 福 郡, 八州 持 群 使 公 皆 至 嶺表 書迎 蠻 誅 | 悚懼 知 部 之。 爲 勸 謁 用 亂 奏黜 感 兵, 公行部至 禮 先 丁 服 移 甚 溪 守 餉 請 文駡 令之 鑾 饋 自 酋 仰 辰 悛 殘 彭 辰 於

: 「裒 時 大農以 民 取 賞, 利 誘諸 吾 不 路 忍 心爲。」 使, 以 遂 羨 無 餘 所 爲 獻 獻 南 公

曰

革

推

仕

州

仕

暴

荆

0 單」,涂刻 本作「覃」。

間 治。 方 館 刑 寇 日 諸 即 之於稠人中如己物,民 人以 出 度,至有吏盜官錢千緍,付獄已三歲,猶縱 守 賜 ,誅取珍貨奇玩 軍 捕 入自若者。 部 平,公以 詔 公命三省其二,使者恨 歲有中貴人祠峨嵋,常留 、盗者遂絶。 獲 交子貿易,皆藏於腰間,盗善以 公權 卿 三品服。 歲餘, 安 勞 (撫,吾. 領 ,使疏其 進 府 出 公命窮治之,一日 人辭,仁宗諭之曰: 工 事 爲 無 二罪 部郎 ,例至數百萬 0 益 、黨類,得 憂矣。」至蜀,會 前 州 中 病苦之。公得其狀, 而 政多務姑息,寖 路 人 召 轉 知畏法,蜀 爲 十餘輩,悉黥 運 怒 錢, 度支 成 使。 而 而 都 獄 去,公不 益 **判官** 中 出 始 小刃 城 具。 一於民 數 乃 失 部 直 都 大 取 其 + 隸 蜀 法 遠 闕 史 升

餘 任 天章 中遷 閣 兵部 待 制 郎 充 中 -, 召還 陜 西 都 爲 轉 户 運 部 使。 副 使。 河 朔 歲

明紀 者 謀 奏 爲 嗣 年,邊圉帖寧,人民 更其法,自是絲績之利,歲歲 産 頗 位 帥 籍之高 以 律,而三關爲甚。公爲帥,方重嚴正 恩 以 軍法從事,驕兵大戢。 升 公鎮 給 下,民懼 事 高 中 陽 仍 時 不 浹 進 狃 敢藝植,故 和 秩 於承 諫 河 議 平,治兵 增益 北 大 夫。 益 舊以 貧。 英宗 桑 者 在 犯 麻 鮮 鎮 公

其 幾 疏 列者六七人,皆以 有 餘,復召權御史中丞。 迄公去未嘗作,人以爲德政之感。 江 與大臣持議不合。 施 不 稱 南官 極 行 論 親之議,諫 可,且請 公惡邊臣之邀功啓事者, 其 ,徙知江 而 事 大臣 言 召 持 還 官 寧 益 之甚 言 罪 御 府 切 由是以病請 事者。 至。 去。 史以 時 力,故不果。 潮 典 公始拜 追崇濮 與 英宗深 上未之察,更爲 禮 江 未 寧 屢 解 中 舊 加 加 王大號,復 IE 兵 留金陵歲 相 多 聽 司 任 裁 公因 火災, 一,求爲 納 正 力 繼 求 陳 事 論 遂

四八二

記。會英宗不豫,公方憂懼,不復自言。解憲職,以章言者五,進見而面陳者,多至不

其

終始焉

廷計。 州。 歲 政 亦有 家開言路之法。」因 而 公言其所從來。 其首爲濮園議 公亦謂帷箔之私,非外人所知,誠難究詰,然 下,而之奇欲扳公爲助,乃曰「公嘗言之」。 風聞者以 移揚州。 府 御 罪之,則後無 用度,●務從 以 史蔣之奇奏發大臣陰事,其説蓋盛於都 郊祀推 今天子踐祚,正拜御史中丞,請裁損出 、取之。 翌日,降授給事中,知黄州,道徙 而 執 廣 恩,復 政以之奇所論,冥昧 熙寧三年,上書告老,遷户 聰 故謗言一興,而 ,違典禮以犯衆怒,不宜更在 儉 明也。 聞 三問 (約,以 Ι. 矣。 極 部 陳大臣 圃 寧甘 今必問 侍 稱 公奏益急,且曰: 郎 先志,上嘉納之。 ·, 知 重 朋黨專恣,非 其 謪 人以爲信,且 亳 不敢 所從來, 不可質,迫 州 部 太平 未 廢 侍 滿 朝 或 因

> 郎 致 仕 朝 廷 憐 Ź, 故 詔 辭 甚 美 所 以 寵 耀

勳某,爵某,食邑若干。 得人心如此。公任官四十五年,累階至某,一。金陵之人奔走供事,往來哭於道路,其一月過金陵,二十六日以疾終,享年七十有一月過金陵,二十六日以疾終,享年七十有

自然。 者,必歸之公。 蓋資禀有過於人者也。故其仁厚誠恕,出 少矣,然其德性之美,心術之醇 可堪,而公處之裕然,故世稱有大體 公精慎,長於政事。 其事業磊落,見於時者爲不 遇 繁劇,他 世 尤尊之, 精 人若 吏治 不 於

將就學舍,得金釵於門外,公默坐其處,以伺年八九歲時,尚書爲岳州從事,公晨起

❶ 「出入」,涂刻本作「山陵」。

訪者。 之不言。 衆請出釧爲翫。 貲,惟持金釧數隻,棲於旅 釧 止 百金耶?」吏歎 公詰其狀,驗之信,則出付之。 金,公笑不受曰:「我若欲之,取釵不過於數 |此耳,非有失也。」將去,袖釧者揖而舉手, 墜於地,衆服公之量。 有一吏徘徊 衆莫知也,皆驚求之。公曰: 駭 客有墜其一於袖間者,公視 而去。始就舉 久之,問故,果墜 舍。 同舉者過之, 吏謝 時, 釵者 貧 以 數百 無 數 也 餘

之德。

之色、 論清 去,風俗爲之化。 本之天性。 與朋友交,盡信義,始卒無移改。廉潔純儉, 己子,爲擇善士而嫁之。 平生無聲色奇巧之翫。其氣宇高爽,議 濟,而 撫宗族有恩意,外甥孤女,●收視之如 戲 侮之言 端莊恭謹 居母喪,貧甚,鄉人争饋之,皆謝 見者皆知畏 後居顯仕,自奉養不改其 ,動必由禮,未嘗有 守常一,不妄遷習。 重 然襟度 惰 夷 慢

> 變。 曠,不可 以 遇事明白 忠信,動 澄 · 撓,與人處,雖終歲莫見其喜怒之 ,不事襮 無 疑忌,即之温然,有大雅 飾,接人無貴賤高下,

奪, 或疵 推 其仁恕之善見於天下,自 中,則知思天下之寒者矣。」蓋 耳。」又常教其子弟曰:「吾數歲 所不爲。」居憲府,多所論奏,未嘗以語人。 **矯情悦衆,揚己取譽。** 其誠 "「吾不爲他學,但 喜善嫉惡,勇於斷决,不爲勢利誘,不以 其少言,惟謝之,終不 爲政本仁惠,吏民愛之如 長者。 至其 持 守剛 常曰: 幼 即 朝 勁,不 學 自 廷至於 「牢籠之事 源流如此,宜 父母,惟 平 辨。 時,冬處 心 可 毫 士人,0 以 每 謂 待 髮 不 遷 喜 被 物 X

甥」,陳刻 本、涂刻本作「姻」。

陳 刻 本、 涂刻本作「庶」。

請 求 誌

於 盛 德

信之。 寧 威 正若此,凛乎其丈夫也。故歷事三朝,人主 處者。 武 移 公迄去,未嘗問其有無。 潮 州 州 宅,舊 傳 多 》怪,前 其達 後 守 理 臣 守 無

世。 李伯英,次即顥之室,又次適太常博士田祐, 年矣。次曰衍,俊敏有高才,方舉進士而卒。 謹 詢、訢尚幼。 次適著作佐郎齊域,而歸李氏、齊氏者皆早 五女子:長適知鄂州嘉魚縣胡從,次適宜春 所尊。二男:長曰衛,前趙州軍 郎諱容之子也,封延安郡君,有賢行,爲宗黨 和厚,以親老不忍去左右,解官歸侍者十 孫四人: 公娶晏氏,故相元憲公之姪,而刑部 孫女五人,俱未嫁 曰該,曰諮,並試將作監主簿, 事判官, 侍

期,得公之官次行事於其家,若公之道德,

則

之喪,葬於和

州

歷

陽縣某鄉某里某地

前

公終之明年,嗣子將以某月某日,奉公

君子,以 顥 所 親 炙 圖不朽。 而 知 者 謹 謹 狀。 加 編 録

明 道文集卷之三

明道文集卷之四

墓誌銘

邵堯夫先生墓誌銘

噫! 先生知我者,以是命我,我何可辭?者,又聚謀其所以葬。先生之子泣以告曰:者,又聚謀其所以葬。先生之子泣以告曰:家。洛之人弔哭者,相屬於塗,其尤親且舊家。洛之人弔哭者,相屬於塗,其光親且舊

葬其親於伊川,遂爲河南人。先生生於祥符繼楊氏。先生之幼,從父徙共城,晚遷河南,漳。祖德新,父古,皆隱德不仕。母李氏,其人。大王父令進,以軍職逮事藝祖,始家衡人。大王父令進,以軍職逮事藝祖,始家衡

而堯夫,其字也。娶王氏。伯温、仲良,其二辛亥,●至是蓋六十七年矣。雍,先生之名,

先生之官,初舉遺逸,試將作監主簿,後子也。

先生始學於伯原,勤苦刻厲,冬不爐,夏又以爲潁州團練推官,辭疾不赴。

定居之意。
先生始學於伯原,勤苦刻厲,冬不爐,夏定居之意。

學益老,德益邵,玩心高明,觀於天地之運化,學,力慕高遠,謂先王之事爲可必致。及其先生少時,自雄其材,慷慨有大志。既

■「祥符」,原誤作「符祥」,據文意改。

四八五

子所 言,必 諒,通 風 其惡,故賢者悦其德,不賢者服其化,所 迎 春秋 異於人 貴賤親疎之間,群居燕飲,笑語 之可知其賢,然不事表襮,不設 鄉里化之,遠近尊之,士人之道洛者,有不之 講學於家,未嘗强 堵,不蔽 順 陰 公府,而必之先生之廬。 致, 俗、成人材者,先生之功一有「爲」字。 ,浩然其歸。 陽之消 以告子思,而子思所以授孟子者耳。 時行遊城中, 依於孝弟忠信 雖兒童 而不汙,清明坦夷,洞徹中外,接 七十子學於仲尼,其傳 ,顧吾所樂何 風 長 雨 以 奴 躬爨以養其父母,居之裕 隸 在洛幾三十年,始至,蓬蓽 達 乎 ,皆知懽喜尊奉。 士大夫家聽其車音,倒 以 ,樂道人之善,而 如如 萬 語 耳。 物 人,而就問 之變, 先生德氣粹然,望 病畏寒暑,常 可 終日 防畛 然後 見 者日 其與 「不取 者,惟曾 ·, 正 多矣。 法常登及 頹 人 然 以 而 衆。 如 其 厚 以 其 無 其 屣 不

> 獨先 後此 然而 淳 之道,就所至而論之,可謂安且成矣。 而入 今穆、李之言及其行 挺之得之於穆伯長,推其源流,遠 雖 餘 門 同 不雜,汪洋浩大,乃 千 者歟? 名其學者, 豈所謂門户之衆, 各有所 生之學爲有傳也。 尊聖人,所 餘歲, 各以 語 師 其 成德者,昔難其居。若先 因 道 材 之 而 不立,學者莫知其從 事,概可見矣。 所 人者,門户 先生得之於李挺之, 宜 其 所 有 者 自得者多矣。 則衆矣。 こ字。 有端緒。 而先生 爲 牛 况 因

附 古律詩二千篇,題曰《 於先塋,實其終之年孟冬丁酉也。 難 高 厲空。 先生從 先生有書六十二卷,命曰《皇極 嗚呼先生,志豪 探 容。 幽 索隱,曲 有 問 撃壌 力雄。 有觀 暢 集》。 以以 旁通。 濶 飫 步 先生之葬, 以 長趨, 經世》; 在古 銘曰: 或

不整遺,哲人之凶。

鳴皐在

南

伊流

在

有寧一宫,先生所終。

李寺丞墓誌銘

其 太 祖 人世父 師 避 尚書。 亂 予友李君仲通,諱敏之,世居北燕。 也。 南 徙,今爲濮人。 令考遜,用子貴,贈吏部尚書 曾祖令珣,祖護,皆以丞相故 丞相文定公廸 贈 乃 高

至誠及物,其能有是乎?

之時。 未 得,殊爲高深。方勇勵自進,不幸短命,惜夫 觀 言,無隱情,惟聞人之過則未嘗復出於口 安靖寡欲,居貧守約,裕如也。 而 【群書,尤精於《春秋》、《詩》、《易》。 見其止也。 無惰容,望之者皆知其君子人矣。 仲 舉動 通生而有賢資,端厚仁恕,見於孩 齊整,不妄言笑,燕居終日,泊然 死之年纔三十矣! 好古力學,博 其後 與 所 人 提 0

仲通之德,蓋完於天成,孝友之性,尤爲

間言。 絶異。 喪,哀 嚴,不能使之無犯。 之人無賢不肖,皆失聲痛 必慚悵累日,痛 段過 侍太夫人疾,衣不解帶者累月,及居 群從聚居, 臧 甚。 中外數百口 自 惟偶爲 獲使令者衆,雖馭之過 飭 勵 惜,或爲隕涕。 ,上愛下信,人 及仲 仲通所責,則 通之亡,濮 無 非 其

郎,調 數 厲果斷,不可以非義回屈。 君仁信久矣,願爲之死。 不足破矣。」乃遣人諭 張,吾知其無 健賊,詔捕之累 乏,與其令謀曰:「劉右鶻、石門羅 未始見其喜怒。 邑,朝廷患之,命御史督視。 仲通外甚和易,遇物 虔 (州瑞 金縣 能 年矣。 爲也。 及其出辭 主簿。 二盗。 小八不能 當説 然召我 會劇 如 始用蔭補郊 氣,當事 恐傷 使自効, 皆曰:「 賊 仲 連二盗 亦 戴 之,雖 有以 通 小 姓者 爲, 我服 則 時 1 爲信 社 家 賊 承 攻 則 以 皆 李 自 尉 害 齊 莊 人 爲

當以 乎? 高 因 者言,將 周旋,卒得其死力,遂斬小八,盡平其黨。 危,仲通堅處不變,未滿歲而所均者萬七一作 謗 弊,仲通爲法以平之。豪猾惡其害己,共爲 有古循吏之風。邑之舊田税不均,貧弱受其 其羅姓者,果復爲害。 抗論甚力,久始見從。仲通又自言於朝,請 廷嘉之,遷衛尉寺丞,仍升一 人,彼亦吾人也,何憚乎?」乃將二盗,與之 其立]明之見,剛勇之氣,發於事者,亦可 語,借勢於上官以摇其事。 「彼欲爲惡,雖不召將至。 一仲 甲二百來見我於邑中。」衆皆恐懼 千室。 功,縻以冗職,可絶後 誅 通 劉、羅二黨。 即以其符誥與之,且約 事業雖百未 仲通宰江 仲通以爲 施 患。 任。 ,概是二節,則 且. 人皆爲 寧之上元, 書奏不報。 失信不義, 日 吾信 御史用 知已。 ·,仲通 仲 某 於 通 間 朝 邑 日

> 列矣! 乎哉? 人之 時 媿於古人,况使得與古之人並,而 慕遠耳。 乎? 向若天假之年,成就其所學,自當 如吾仲通之材之美,古獨 則 吾 知其果 不 後 親炙 曾、閔之 可 於聖 以 多 無

而

其家以誌文來屬,其可辭乎? 夫人王氏祔焉。夫人,太子中舍杲之女,賢 生二女,皆夭,卒無子,以兄之子孝和爲嗣。 慧靖淑 二月庚寅,葬於濮州鄄城縣遺直鄉之先塋。 作「學作」。兮,所貴者資。便儇皎厲兮,去 食以終身焉,蓋後仲通六年而亡。 美一作「純粹」。 惡不齊。 二氣交運兮,五行順施。 仲通平生相知之深者莫如予,故將葬 仲通以治平三年五 ,雅有法度,及寡居,益 禀生之類兮,偏 兮,會元之期。 月終於家 駮其宜。 剛柔雜揉兮,美 銘曰: 自晦 聖 ,熙寧七年 雖 重,素衣 仲通営 有鍾粹 可學

嗚呼!

人非有古今之殊,特患夫忽近

道 而 勇兮,其 遠 不實聖所悲。 而 造 展 可 矣仲 知。 孰能 通兮,賦 德 使我 何完兮命何 材特 無愧辭,後欲有 奇。 虧? 進復 秀 甚

華陰侯先生墓誌丝

考觀

銘詩

親 交以 卿 故自陝而西多宗先生之學。元昊盜邊 祁 以 就學者日 人,宦學 官 賢 寒酷 老 氣節自喜。 卒 而 書幣迎致,有善其禮命者,亦時往 先 家益貧,思得禄 生姓侯氏,名可,字 暑,未嘗廢業 無 結轍 四方,因徙家華陰。 衆,雖邊隅 所 遇 西使,服先生之名,莫不 既壯,盡 因 ",博 喟 遠人,皆願 養,勉就科舉。 然太息曰:「丈夫之 易前好, 極 群 無 少時 可。 書 一受業。 1,聲聞 篤 倜 其 志 爣 先太原 一時名 ·願見。 爲學。 應之。 四 不羈 諸侯 再試 馳。

事。 事 孫 . 止 威敏公奉命出 先生奮然從之,振旅 於 是乎?」 征、習先 會 蠻 酋 奏功。 儂 生之賢,請干 智 高 攻 陷 二廣。

薄民 事 生抗 未閲 義理 是用 後皆避人遠去,不復爲害 先生日夜治器械、發徒衆 活既衆,人亦知化。 調 多虎暴,農者不敢朝暮耕,商旅俟衆 稱其家之有無,與 氏,貧人至有老不得嫁者。 迹 知 一,嚴 議 貧,絲帛之賦 歲,邑無過時 巴州化成縣。 初 而追之,遠或數百里,所殺 雖父母之疾,皆棄去弗視。 命 計司,争之數十,卒得均 其禁戒,或親至病家,爲視醫藥,所 武 爵 ,言事者以 之約 反倍他所,日 之女,遂變其俗。 巴俗尚鬼而廢醫,惟巫言 巴人娶婦,必責財於女 曰: 爲非宜 ,親執弓矢,與之從 先生爲立制度 「踰 之。 益 是者有誅。」 ,遂改文資 不 先生誨 凋 可 而後行。 弊。 巴山 旁郡境 勝數。 先 以 土

四八九

殿。 獄。 莫能 其 留 計 狡 惟 至 能 溉 者,監慶州折博務。 不 而 知涇陽縣。 人。 M 以利 ,以微文細故 之人,疾其不自己出,渠功有緒而 ,遂復簽書本官事。 顧,卒言於帥 歸 ,議復鄭白 省第折博之最,就 論者惜之。 始 去,一郡患之。 暴,持郡 之,失業者復安其生。 自守而 再 命計工興 先生晨馳 誘 調 貧 耀 至則鑿小鄭一作「期」。 下,畏恐 民 州 舊利 吏短長 華 而 爲先 元豐 府 、役,旋復專總其 質 原 至其家,發櫝出券,召其 而誅之,聞者快 其 主 歲滿,授儀州軍事 生罪,遂罷其役 未 改大理評事。 己未季夏,先生以 生 先生暴其罪,荷校 而 簿 田 幾,召至闕 爲 韓忠獻公鎮長安, 禍 一券,多 奸 ,交爲之請 有 利,前 郡 富 胥趙 至萬 人 事。 下 泉以 不 部使 服 後 分美 ·,得 至誠 畝 占 爲守 讒 邀 判官。 地 者丐 疾 利 毁 廣 先 置 歲 功 對 用 貪 籍 終 交 害 灌 薦 生 於 者 主 責 不 便 薦

於家,享年七十有三。

然。 於自然,非勉强 之急,憂人之憂,謀其道不謀其利,忠於君 中 源。先生發强壯厲,勇於有爲,而平易仁恕 不 顧其身,古人所難能者,先生安而行之,蓋 理,陰陽氣 樂之形聲,《詩》之比興,《易》之象數,天文地 在己也。 面 懷 數,意其 以屈於人,視貪邪奸 紀洞然。 遇人之善,友之助之,欲其成達,不啻如 先生純誠孝友,剛正 博物强記,貫涉萬類,若禮之制 人改改 運,醫藥 至於輕 所及 而 後 財樂義,安貧守約,急人 算數之學,無 Ē 佞 若 雖 明决,非 甚 寇賊仇怨, 貴 勢,視之藐 不究 其義 其 顯 度 淵 攻 毫

乎 歸 一家如 ?」未斂而 而 顔 少 _ 0 與 死 矣,其 申顔爲友,易衣互出 顔病,先生徒步千里,爲之求醫 先生至,撫之而瞑。 目 不 瞑。 人曰: 而 謀食 其 顔 謀 待 以 侯君 葬 其

之。 先 者,先生顧顔之孤妹爲憂,未遑卹己,遂以 天 寒,先生與 世 圖 近世朋 而 未能, 顔死無子, 又不克葬, 先生辛勤 足則 友道薄,臨患難,鮮不愛其力,聞 賣 其子單服以居。 衣 以益之,卒襄其 適有 事 饋 白 時 嫁 金 方

百

先生之風,可以激頹波而起廢疾

渭

先 死矣。」遂留不去。 聞 還,悉散其所餘,曰:「此金鄉里所以資應詔 以 門曰:「吾父病亟,醫須百千乃爲治,賣吾廬 者,必以先生爲歸。 也,不可 而 生日 與之。 鄉 不 日自遠歸,家人方以窶告。 人有病 售。」先生憫然 先生家無甔石之儲,而人有不得其所 以爲 子 **嘗隨計詣京師**,里中出 於逆旅者,先生曰:「吾歸 行 他利 |則 未能 ,當與同舉者共之。」且行, 病者瑜,貧無以爲車乘 ,計囊中裝 非 留留 力能 則將困。」因推其 友人郭行者詣 也,誠使 適 當其數 金贐行,比 然 則彼 杰盡 也。

> 多矣。 馬 與之, 躧步而歸。 其克己濟物,若是者

四,令之曰:「高 騎,馳涉虜境,日暮猝與虜遇,乃分其騎 迹,受命即 舉,互言於朝。 中,虜嘗寇邊,主將出兵禦戰,轉運使以 忠獻公上其功,朝廷賞以減考績之年。 翌日,詣軍門輸 熙河未開之時,一作「前」。 族,纖細備具,聽之者宛如在目前 尤詳於西北形勢,談其山 論 源之地。先生馳至境上,召其酋豪 見,疑以爲大兵誘己,終不 塵不驚,而開地八千頃,因城熟羊以 少喜穰苴、孫武之學,兵家事無所 以 朝 行,人皆爲之寒心。 廷恩德,爲明利害,皆感悟喜躍 時虜去未遠,遣先生 土納 爾旗幟 一作「聽」。 旋 韓忠獻公請 川、道路、郡 Ш 敢 命,願 徐 先生 撃。 行。」虜 爲 一按 以 先生 秦 無 無之。 不通。 藩 六百 治平 視其 縣部 州 循 爲 數 **沁此字**。 籬 環 + 謀

間

甚。 苦 久者已數 ,乃先生發其謀也 蕃 其 酋 後 反 覆 十歲,公家之費不貲,雜羗離怨益 釋 ,繁其 其 縻 、親愛而質之,多至七百人, 而 歸 之, 戎人感一作「悦」。

服

也。」嗚 勿爲 其自樂者深矣。 之文,尤長於詩,晚益翫心於天人性命之學, 興 育者幾二十年。 絃 浮 誦,其所以 平生以勸學新民爲己任。 呼! 屠事。 死而不忘於正,可謂至矣。 焚楮貨,徼福覬利, 成就材德,可勝道哉? 病革,命其子曰:「吾死,慎 官之所至,必爲之治學舍, 主華學之教 非吾 先生 志

孫 其 比 隱 作 部 德 其 員外郎。 弗 大王父諱元,王父諱暠,當 幼。 封 媲 耀 永 先生之官,自評事四遷爲殿中丞, 壽 劉氏 父諱 縣 母刁氏,追封福昌縣太君。 君。 ,早卒,封 道濟,潤州 二 子 : 延 曰 孚, 曰 丹徒令,贈尚 長縣 五代之亂 君。 淳。 繼 皆 書 以 妻

> 年仲春 階 舉 生 之道爲詳,故得論載行治之美,以 宣 前 夫 奉 八日, 郎, 人 袝 勳 焉。 葬 騎 於華 都 顥,先生女兄之子也,知先 ·尉,服! 陰縣保德鄉 錫 五. 先塋之次, 既終之明 韶後人。

風 與 南山崇崇,其下也先生之宫。 Щ 無 窮 惟其 銘

E.

程 殿 丞 墓 誌 銘

父, 氏之孫,贈大理寺丞諱道、天水趙氏、長壽縣 曾 少 開 廉 孫,尚 師 封 孝 可謂 人。 謹 諱 程 羽、清 聞 氏 能 書虞部 世風不 居 守其家法者矣。 永 少 河 寧 師 太 員 之博 貴 衰,子孫多好善。 外 君 重於朝,始賜第 郎 張 到,土 諱 氏 襄 希振、高 叔諱 風 陵 渾 太君賈氏之 瑜 厚 密 字叔、 一, 世 而 京 縣 師,爲 吾 以 君 叔 崔 忠

太君任氏之子。

令事。 其材, 調永 簿。 敗 營創治 刼 莫窺其跡 卒不自言。 守吾事 日 政,公從容開贊,一 丞,簽書 長圍以 以 縣 去。 未 贊善大夫 邑,道州寧遠 州 少 奇兵由水中旁出賊後,合戰甚苦,賊 遂監 逼城。 也。 以 既 ,夜以繼日。 零陵簿,益 冠,爲荆 至止之日,邑無城壁,府無兵械,公經 磁 謙 族兄廣平文簡公廕 而 州 解 代還,得爲汝州龍興令。計省言 城獲完,足矣,尚當以爲利乎?」 同 晦 判官公事。 州 公激勵士卒躬冒矢石,捍守 賜 守者皆論功丐賞、公曰:「 南 不伐,率皆此 鹽 Ŧi. 最 監 郡大治。 池 以 完集未幾,蠻寇大至,設 品 當 才 利 歲 服 賊 著。 尉 課 ",即以 太守武 衝 羨 就 部 時 類。 事雖出公,而 溢 試將 移 谿 使者 幹 知 人,不 蠻 以 敏 改 叩 嘯 年勞,升 作監 命 大 州 稱 動 理 公 知 依 寺 城 累 攝 主 乃 焚 再 政 人 爲

縣。 轄 即 縣 上 乃以考課遷 書 未行,暴疾,終于京師,實嘉祐七 時 願 長 就 壽 監 太 臨 君 殿 以 春 中丞。 秋高 便奉養。 還 公懼 朝,知 改舒 有 遠 濮 州 行 年 州 皖 之 雷 口 月 監 澤

十八日也

益 奉事,恪恭朝夕,未嘗少懈。 肅 幸短命,未究所施,殁之年方四十三矣。 言笑,進退動 篤。 然。 公姿儀偉秀,風度平雅,端莊謹厚,不 嗚呼! 三歲而 止,皆有法 孤,長壽太君 行足以勵俗 度, ,才足以有爲,不 教養 衣 善與 冠 嚴 人交,久 整 至 理 恂 望 而 之 妄 怕

皆爲 師古 推 其賢。 儒學。 ,仲適襄陵賈芮,季適汝南周 公娶張氏,封福昌縣君,和慈孝睦,族人 三子: 三女:長 日 預 以以 適 前 疾 常 廢 州 軍 曰 純 事 顗 明 推 日 宫 顓 王

公於河 熙 南 寧二年八 府 伊 陽 . 月 丙 縣 神 申,公之從兄司 陰 鄉 先塋之次。 農 顥 葬 以

四九四

誌,既又繫之以銘曰: 父命,得預役事,又掇公之官世行業而爲之

乎古人。山可夷,谷可堙,斯言不泯。 謹於奉親,勤於事君,端於立身,無愧

程郎中墓誌

爲開 野。 公即尚書之仲子,母曰孝感太君、長安太君, 博陵崔氏封高密縣君,是生尚書府 氏、襄陵太君賈氏,是生虞部府君諱希振,娶 對人。 氏 宋興、先少師 璠 少師諱羽,其媲曰清河太君 ,字仲韞,姓程氏,世居中 以 勳德顯重 ,賜第京師,始 君諱 ·山之博 遹。 張

族兄 爲常州户 廣平 公生數 曹掾。 ·文簡 歲 公庭 而 時朝廷遣使安撫二浙,表言 孤 試將 教 養於伯兄。十六,以 作 監 主 簿。 始冠

> 他境。 城,人大饑。 制。 富,多彊猾,小民困於浸漁,爲令者常苦其 以謬誤自陳,得改洪州之豐城。江 公辨之朝,公曰:「吾豈與吏辨者乎?」曹吏 移公興元府西縣。公具得行賂狀。 審官吏,●謀去公以緩其事 移其獄,公拒弗與,根索益急。 其情,即 醉,宿旁舍,因誣 謡頌,聞於京師。 大豪陳順謀去其母,紿之 當途者交薦之,遂改京官,知壽 公才,就除 公召諭之,不從,謂曰:「民餓且死,令亦不 公至未幾,皆斂手莫敢犯,盗 增治芍陂,以廣灌溉,人賴其賜,道 命捕置,果已亡去。 明 州 邑豪吴氏以貲得官,藏粟閉糴 司 以爲嫁,使其黨證之。 法。 力抗 暴 權至能使 守 吏即 順乃持 州安豐。 數 賊 爲 活疑 一水嘗 人或勸 亦 漫奏, 公察 金謂 監 越 獄 路 司 逸 難 邑

❶ 「謂」,涂刻本作「謁」。

祈 敢 請 自 保 命。 禄 於是富 位 當 杖 人争出 爾 以 取之。」吴氏大懼 粟、民 用 以 濟 哀哀

貴人,前令多務姑息,往往侵暴邑人。 之有方,皆斂戢 憂,服除,知永安縣,兼陵臺令。 滿 而 正直,誣以 簽 公卒不自辨。 以 書 謀 河東節 葬其 非罪。 先 還朝,通判和 就法度。 度 世 洛人不 判官公事。 求 知 直其事, 灌聞道路, 内韓贄守洛,醜公 河 南 州 丁長 伊 奉陵寢 闕 安 縣 公待 太 皆 中 君 秩

謹。 日 和 得 歷 之間 奸跡暴露,有司猶薄其罪,但坐杖背,❶羈 捽 陽 未久,崇奉者稍稍自遠 免杖,人皆神之,謂果不可得 至庭下 公始戾止,會守 先是,蔡州 四方響動,奔走奉事,唯恐不至。 時朝廷當 ·, 布 妖尼惠普,以左道惑衆,數 獄 有赦,惠普即 械 於 以 前 謪 •使 去 而至,郡 權 具 詐疾以 道 領 而 守禮 所 郡 刑 以 也。 事 俟,卒 之甚 其後 图 置 居 年

> 之狀。 衆。 通 者如 受知昭陵,嘗以金字書賜之,江、淮之間,從 天下之惑。 罪 判 而 刑之。 隰 熙寧乙卯夏四月,代還。 市,公亦按置於法。 州。 故其 有識、 歲大饑,力爲 有李 奸 謀 之士以謂 洞元者,爲神怪之説,妄言 詭 説,皆 由是遠 賑 掀 微 揭呈 助 公之斷 甲申, ,所存活者 近悚服 露 不 以 乃 疾終 能 E 甚 復 解 其

思之。 多,不復忘廢。 途,人物名氏,目 所斷獄,人自以爲不寃,故前所涖去,久 恩意,輕財好義,中懷豁如。 而 有愛、敏而不苛、區繁劇 公資質瑰壯,明辨剛决,接人誠厚,動 識用高爽,有大過人者。 豐城大邑,公爲之三年,識 所一 見,耳所 劇 材長於治民 ,常有餘 暫 凡是 聞 閱 裕。 Ш 而]1] 年 人,嚴 其 雖 道 其 有

❶ 「背」,原誤作「皆」,據涂刻本改。

四九五

於河南,享年五十七。

四九六

尉 民 丞 Ħ. 半 九遷爲比部郎中, 其 餘 政 事 條 理 , 從 以年勞賜 可 知 矣。 五. 品品 官 自 服 衛

二子: 以 適國子博士張昭立,次早亡,其二未嫁。 曹氏 始娶倪氏,事姑不謹,公以義罷遣。 曰 魏襄悼公利用之孫,封仁 顧 日 頢,皆太 廟 齋郎。 四 壽縣 女 君。 長 繼

坐,且命顥論公之官世才行以誌其墓。 兄司農葬公河南府伊陽縣神陰鄉,祔於先殁,家人奉以從事。熙寧十年仲秋丙申,公死,慎勿爲浮屠事,及用陰陽拘忌之術。」公死生不惑流俗邪妄之説,常曰:「吾

程邵公墓誌

H 元 仲秋 ,越三日 邵 i公,廣 之 四 藏 日 平. 程 死 作「葬」。 顥之次子也,生於 於 煕 寧首禩 之於伊 仲夏 陽 縣 之 治 神 + 平 陰 始 四 鄉

祖塋之東。

年,而 兒哉 許 有所不爲, 莊謹,不妄瞻視,未嘗有戲慢之色。 之從容,故敏 或授之以詩,率未三四過,即已成誦矣,久亦 聰明 雖有喜相侵暴者,亦莫之敢 兒,相與狎弄歡笑跳梁於前,泊乎如不聞知, 讓之性,蓋出於自然。 不復忘去。 有奇質,未滿歲而温粹端重之態,完然可愛, ,後雖以 日發而 邵公,其幼名也,端慤,其名也。 人不 皆老於學者之所難能 見其有喜怒好欲。 百 則 方厚淳美之氣益備。 雖警悟俊穎,若照徹内 事 於見知,而安於言動 確乎其 誘 迫,終不復移矣。 (守也。 與人言則温然,及其 大 侮。 是豈: 也 凡其 ,而吾兒之 其始言也 蓋 特 外, 孝友: 小 厥 異 日 坐 生五 於常 視 有 立 而 生而 群 所

則吾之慟,亦不特以父子之親也。任,嘗意是兒當世吾兄弟之學。今則已矣,則吾不知其所至也。吾弟頤亦以斯文爲己資乃成於生之初。嗚呼! 使其降年之永,

之迫, 其 精 局者歟? 不能長,亦宜矣。 參差不 一者間或值焉。 夫動 刊 齊矣。 刻之不暇 静者陰陽之本,况五氣交運,則 天理然矣,吾何言哉! 賦生之類,宜其雜揉者衆, 吾兒其得氣之精一而數之 以其間值之難 也,惟砂書於磚 ,則其數 以其 以 葬 誌 H 或 益 而

悲夫!

澶娘墓誌銘

軍 熙 寧 而 生,故 澶 几 娘,廣平程顥之幼女也。 年 季 命之日 秋之丁未,死於十年季夏之壬 澶。 其第, 四 + 其父佐 七。 生於 澶淵

> 安静 午。 下之,宜其死也。」噫! 미 初,誠欲利者也,然當視其氣之彊弱,爲 過 固 未至,吾容當責命於天,言之以爲世戒云耳。 劑。 有莫可計者,命矣夫! 否,疾之重輕,爲劑之大小。 沉遠 其質端而厚,其氣温 一作「劇」。善醫者論之曰:「痘 , 殆如老成, 衆皆意其福 是亦命歟? 而良,其舉動 始病痘瘡,工藥之 今概以大藥 且 人理之 知思, 瘡之 藥之

「穴」。銘曰:神陰鄉先塋之東,與其姊嬌兒同兆。 一作神陰鄉先塋之東,與其姊嬌兒同兆。 一作澶娘既死七十五日,而葬於河南伊陽縣

覚に長とり 精氣本於天,形魄歸於地,謂之往亦可矣。 合而生,非來,盡而死,非往。然而

明道文集卷之四

明

道文集卷之五

南廟試佚道使民賦民得終佚,勞固無怨。

終。 勤 政 服 陶 勞之事,功收於後,自無怨讟之因 而 人,役以農 列則 其事 乎教風。 敦 莫不勉勉以從令,于于而勸 敕 厥惟生民,各有常職。 人情莫不樂利 從上也輕,蓋豐餘之自得。 驅之稼穡。 ,俾當時之服循。 勤 疇之務; 而 知所勞者爲乎己,圖 無利, 且爲生之本,宜教使 聖政 則重煩其力。 時雖畢 爲能使民。 教本於農,雖 勞而獲養, 力,樂於 功。 所利者 蠢爾農俗 惟 歲 志 王 以 事之 存乎 以 謹 則 佚道 在 極 便 良 以 樂 勤

> 怨疾。 或 惰 加 擇 賦 可勞而勞也,敢憚 以 戒 其不 一,然而 初勤 俗 樂 ? 趨 勸 因 所 時 利 無

Щ

九

而

利焉,自全終佚

繹騷。 以爲 途。 道 而 之悦民,下安其教; 饒俗。❶ 農於墾殖,縱極 事 謂農之勞而不務。 欲,豈聞力穡之逃! 者,順民而不勞。 焉, 趨。 則雖冥 率,或名官而 在服勞而 大抵善治俗者,率俗以敦本; 雖 異夫! 不奪其時,導以 得非 勞何怨? 而懼。 雖 納 雖上之行,抑民所願,或 勤劬,異有國之力征,自 於豐 至,顧有憾以曾無。 志取豐益 道皆出於優佚,令無 申 趨其利則雖勞而樂,害 同周《詩》之戒事, 勸 勿謂民之冥而 富之道,教以 ,是皆俾民有樂 厚 ,業其安固。 生之利; 三無知, 便 將 善 體兑象 佚之 衆樂 安之 求 使爾 勤 使 躬 其 噟 其 民 於

■「俗」、陳刻本、涂刻本作「裕」。

雖復教令時頒,科條

日

出,嚴

刑

以

董

其

南廟試九敘惟歌論

之臣 舉其 焉,厚生焉,此其所以秉統持正 節 事有次叙,而民歌樂之也。 也,後世不及焉,功也,萬世所利焉。宜 叙惟歌。」其指言乎是也。 命者也。 金木土穀, 所 知之,或言或歌可矣。 ,其歌之之民 論 焉天順之,下焉民樂之。 賴 曰:民受天地之中而生者也。 在《書》禹之謨曰:「九功惟 而 民所賴 養之者也。 ,日聞其道 丽 生者 修之有道,行之有 也。 舜、 噫 1 樹之君,使修 禹 正德焉,利用 日被其澤, ,而制天下之 明其 舜之君,禹 叔,九 道 水火 一,聖 其 其

經 ,何也? 經爲道 今去聖久遠,踰數千祀,然 得非 其 發明天地之秘,形容聖 於道 乎? 道之大 可覆 原 而 一人之 舉 在 於 之

> 其 中。 也。 之,在《洪範》之九章。 如是,則民浩浩然,于于然,驩娱於下而歌頌 教而率之,明利用之源而阜之,開厚生之道 之修,人也,非天也。雖然,五事 用而致乎? 焉,民居其中,享其利 也。五事修,五行叙,則 之道也。 見於是乎! 事,統之以大中,終之以福極,聖人之道,其 自然得其性矣。 而養之,五行協於上,六府利於下,三事舉於 政 · 也, 矣。 王者既修五 修焉,其功之叙也; 修人事而致天道,此王者所以 然 當 五材之生,天也,非人也。 蓋五行者天之道 推 事 是則天之道,亦王者之所 本 而致五材,則又舉正 夫 而安焉,豈非皇極之道 明 和焉,其德之行也。 其生材也美焉,阜 其 日 次、 五. 也,五事者 行,次二日 著 正 其 則五 跡 一德之 Ŧi. 者 材 事 治 Ŧi.

或曰:子之言五行然矣,然六府之兼乎

四九九

Ŧī.

ŏ

穀 其本,則 也,不可一日 君之所致者氣也,民之所 叙,五材既豐,民並用焉。 春秋》之文,求聖人之志,災之書者十一,● 介,何 也 五氣 ? 答 無之,此六府所以兼穀 之生 日 : 而已,夫何惑焉? Ŧi. 行, 用者形 氣 然穀者、民之所 也 ; 五 也 材 也。 五. 形 竊原 氣 也 要 生 既

何 勤 有 行失其序,則六府失其宜。 一,無麥苗、大無麥禾之書者各一。 乎? 勤 次叙之有乎? 乎. 如是也。 可 以見聖人之心,重 由是言之,則舜之德其 民失其所,則 物失其宜, 一時 政 尚 而謹 何 蓋言 歌 民 詠 則 至 之 尚 Ŧī. 大水之書者七,不雨之書者九,大旱之書者

脱誤。

或問行於後者當如何? 曰:五事本

之用

威

勸

之以

九

歌

,俾勿壞,其終之之道

遂

其

生,九功之德皆歌之矣。

戒之用休,董

也

道

是而

已矣。

也。

地平天成矣,萬

世永賴矣,其

民

陶

其

爾。 也。周之六官各主其 以 是亦舜之政也。 也,其道則具於經矣。 也 德,節之以政。 謹 謹 而 論。 明 之, 此 篇 六 經 夫何 古之五 府 爲 道 外 遠 推 事 也 哉 而明之, 道 正 可 時 是 ? 各司 用 而 而 己 顧 也。 治 其 矣」 力行 勤 之。 方, 而修之, 兩 此 處 何 其 教 可 疑 之 如 略 復 有

南廟試策五道

第 一 道

有養。 乞言。」厚人倫之義 不足,黎民 問: 後世 禮 老 曰:「凡養老,五帝憲,三 則 而 不 不 然,教 得其 也。 化之不 養,饑寒轉 是以 鰥 明, 寡 衣 死 孤 於溝 王 食 獨 有 之 皆

❶ 「災」,陳刻本、涂刻本作「火」。

之,惟 服 ? 之時,其 所食 帝 往 堯 所養何老? 往 何 而 而 禮 是。 上 ? ,不可聞 今將考古養老之禮 歲凡幾行之? 所處何學? 所衣 已,虞、夏、商、 宜誦 而 何 周 行

所

聞,

悉著於篇

厚,鰥 此 純王 純 海 壞,教化 商、周之盛 其化,孰有怠 躬事之,優庶老而時養之。 老吾老以及人之老,幼吾幼以及人之幼,此 純 之外,何修何飾 王之政爾。 之心 嗚 王之政也。 寡 呼 不明 孤 王者高拱於穆清之上,而化行於裨 也。 獨 王,由是道 率是而 ,播棄其老,饑寒轉 於親 無不得其養焉。 純王之心,純王之政,此疑缺字。 使老者得其養,幼者得其所, 尚慮其未也,則又尊國老而 而致哉? 而慢於長 行。 也,人倫以正,風 而欲王道之成 風行海流,民 者哉? 以純王之心,行 後世禮 死者往 虞、夏、 猶 俗以 往 廢 法 陶 却 而

教修 説,敢不道其所 欲將明上意,故訪諸生以古之道,俾 行 而 舉,方欲 求 及前 稽 抑 聞 講 有 ,以裨一二哉? 甚 墜 典 焉 爾。 風 今朝 天下 廷 清 講 明 明 政

乎 子,秋饗耆老,與夫 食: 所 序; 庠;夏后 處: 兼用之。 周人,國老養於東膠,庶老養於虞庠是也。 致仕者,亦皆養之於其鄉 事之,謂之五更,皆一人爾。大夫士之以 之,謂之三老,孤卿之有年德者,天子 服 商 則饗燕食之禮,三代之制 則有虞氏,國老養於上庠,庶老養於下 蓋古者擇三公之有年德者,天子以 此古之略也。 則 人,國老養於右學,庶老養於左學, 氏, 一歲所行之數:則禮所謂 深 燕縞玄之衣,四代 國老養於東序,庶老養 釋菜釋奠之禮, 若夫潤 里之庠 飾 也 所 則 周 服 序 在 人修 焉。 亦 春 也。 乎 其 饗 於 以 父事 所 兄 時 時 孤 而 西 所

矣。謹對

第二道

其是非 焉。 《纂例》、《微旨》、《義統》,今之學者莫不觀 者必有所取舍也。 唐陸質學於啖、趙、號爲達者,其存書 既遠,諸 秋》,所以褒善貶惡,爲後王法也。 若夫諸儒之所失,與陸氏之所得,學 問: 昔者孔子傷時王之無政 儒異論,聖人之法得之者 試爲條其大要,庶以質 而作《春 自去聖 寡。 有 至

是也。 行乎 者至寡,至於棄經任傳,雜 殊説,互相彈射,甚於仇讐。 春秋》者,蓋 對:《春秋》何爲而作哉? 去聖踰遠、諸儒紛紜、家執異論、人爲 孟子有言曰:「《春秋》,天子之事。」 七 百餘家矣。 以符緯 然聖 《開 其王道之不 元秘書》言 人之法,得 膠 固

> 大矣。 以觀其道之所至焉。 微其傳矣。 學,積三十年,始大光瑩,絕出於諸家外, 獨 通 未能盡聖作之藴,然其攘異端,開正途,功 唐陸淳得啖先生、趙夫子 使 聖 惜夫其書之粹者,在乎《集傳》, 人 之 今所存者,請概言其一二,亦 心 鬱 而 不 顯 而 吁 師 ! 之, 可 講 痛 求 而 亦 可 世 其

意,其詳其備 賦 執殺,盟會如聘,禘郊蒸嘗,歸 三,❷書圍者四十四,入者二十七。聖 心役 焉。 也。 《春秋》之法,大者在乎侵伐戰取,圍 其間書侵者五十七,●伐者二百 然諸家之論,前矛後盾,未見 復 納 災 人之 四 其 能 人

其」,涂刻本作「旦」。

[「]五」,陳刻本、涂刻本作「三」。

[「]四」,原作「一」,據涂刻本改

其 氏之説曰:《春秋》紀師,何無曲直之辭 之源,原情之法,此表裏之論也。 差者甚者,則在乎其文矣。 日 而 一言發明聖人誅之之心者也。 、禍亂之道耳。 傳之,三《傳》往往從而美之者有 一之也。 不一則禍亂之門闢矣。 彼豈有是哉? 此則見聖人 獨陸君 先儒 其餘若盟 矣 若 徒 絶惡 夫其 用 未 隨 ? 啖 有 事

若會,其法皆用是也

書次於 ,異乎所謂 餘若書鄭伯之克,謂克下之辭,明 郎 則言 如二君 非 有俟而 與 能 殺 次,則意將 者屑 屑 之論 君 爲 臣

> 區之談矣。發言侵言伐之例 賊 師,紀名紀氏之類,亦皆度越於諸家遠甚 矣。且取邑之條,則云力得之,不是其專奪 與稱罪致討之異,遠乎濶略之言,賊害之語 異乎不用師徒,不宜取之淺矣。 爾,防兵亂之源,殊乎 旨義之衆,莫可歷數,要其歸,以聖人之 所謂 則 過信 其餘稱將稱 日 次 無 止 名 一者區 行 師

乎! 對問之下,不能詳悉,故獻其略。謹對。焉,幸得見其幾者矣。則子厚之願掃其門,宜而所得也深。噫! 聖門之學,吾不得而見道公,不以己得他見而立異,故其所造也遠,道。

第三道

外郡縣,内群有司,此治其小者,内公府,今之官,則治其小者有屬,治其大者無屬。指也。自建官以來,未有無屬焉者也。舉問:官之有屬,猶身之有臂,臂之有

哉 ? 陳前 治其 古何以可,而 名,何選, 與其長等爾,非所 之未見其益歟? 外 究當今之便 或存之,直他官而已,非所謂 刺 古治大有屬之法, 部 **豊**因 此 何職,古何 其 治 故 其 今何以不可。詳之於説,以 屬 常 大 者。 謂屬也。 刺部之屬 何 而 恬 其 以 莫之舉 治 輕 可施於今者 有, 其 重 公府之屬,今 ,向嘗增之,直 而今何以無。 小, 勞 屬也。 歟 佚之不 且 ? 有 1,皆何 請 抑 屬 侔 悉 舉

之一官 之三公之府,諸侯郡國,各有其 者棟 政,後世改易不常。 相 助 ,外臺刺舉之重,則反無之。 也 而 對:竊觀治天下之道,如構室焉,其大 梁 承上者,榱桷 一局,各有 也。 棟、梁豈能獨立哉? 屬焉。 也。 今則外之一 置官亦如是矣。 至於公府機 此 郡 屬,以成 誠 一邑,内 其所 小 大重 務 其 之 古 與

故常未之更爾。輕之貿焉,非必謂無益而莫之爲也,直因循

亦其屬 其位其職,則繫其長之所任而分治之耳 舉之任也,其屬則其臣 其爵位有尊卑之差矣。 法,可施於今者,則周冢宰之職有小宰焉,小 亞其長者也。其下亦嘗創賓從之名者矣,是 漢之三公,開府辟 牧伯之臣 之之道,則周六官以下,其屬皆命於天子, 史,外則刺部,亦各自用其吏爲掾屬。 宰之下皆其屬也,其餘 省官爾,非丞相之屬。 有長史司 下之目, 嚮者漕計之司,嘗爲之置 也,第旋去之耳。 直焉,東曹 則府 則 其 以其省名矣。 卿 召; 而 下,其 西 策謂前古治大有屬之 唐之藩 爾。漢之三公,府 外則牧伯之國,今刺 五官亦各有屬焉,然 曹之掾焉; 近世宰相之官,兼 君 鎮,亦自薦 選 今其屬者,乃 副 於其 矣, 内 副 或 其選 則 則 延 爾 御 則 誠

謹對。 役者備矣,其職亦幾矣。 之問焉? 事,則賢明之佐,謨謀於廟堂之上,又何細吏 流,而易其官之名,則可矣。 之孤,六卿之丞,共其事者爾。 其治文書掌勞 今公府任其 若夫刺舉之屬,則在選任之爾。 小 事者非 苟欲慎其選,清其 無 也,直無若三公 若欲夫預 聞 政

第 四 道

嗚呼 農 泛 問 弊。 無 歲 無之。 責 加 何策之爲先? 以直所 農 ! 雖有智者,或任非其責,噤不出一語。 困,貨愈籠,文愈密,而旱乾水溢 問:今天下費益 忍而視斯民之殘也! 無困,文無密,以拯斯民之殘,敢 又未嘗得清源端本之術,少紓其 何修而 廣,財益匱,食加 後 可? 今欲使財 勿疎 無 冗, 勿

> 養焉。 農 似 爲甚盛也。 制,今不能收功於旦夕也,試取其切近於體 務者言之。 有所未立,法度似 加 困 對: 今土地之廣,人民之衆,較之近代,未 ,貨愈籠,文愈密者,何也? 天下大器 然近歲費益廣,財益匱,食加冗, 群 有所未舉爾。 生 重 畜 一,惟 君上所 殆基 三代 之 本 制

乎? 遺 在汰 貨不得不籠。貨之籠,則文不得 鮮,財不得不匱,農不得不困矣。 益 謂費益廣者,不曰待哺之兵衆乎? 亦費之一端爾。 愈密者,弊雖煩,而其原一而已。 重 廣也。 其冗而擇其精。 乎? 今財之匱,食之冗,農之困,貨愈籠,文 爲今之計,兵之衆,豈能 費益、 游食之徒煩乎? 廣,則取於民者衆,實於府者 費既廣,財既匱,農既困 戎狄之遺 党 無用之供 遽 不密矣。 彼食冗者 去 能 其始在 夷狄之 之 遽絶之 哉 所 厚 則 費 ?

ヨン

哉 源 在 禁其 ? 而 損其數。 在 末 備 而驅之農。 於 我 然其所以制之者,有其道 而 圖 其 無用之供厚,則在絶 後 游 食 之徒 煩 也 其 則

繫乎歲數之常,亦吾有備焉爾。謹對。 貨利可寬,文法可損矣。雖旱乾水溢之變, 不以爲舊説之迂而忽之,則財以豐,食以足, 不以爲舊説之迂而忽之,則財以豐,食以足, 生,皆濟時之大利。顧縉紳議之熟矣,惟

第 五 道

遲。 敷 ? 疾 世云者,較諸善人則已疾,合諸聖人則已 成。」何其効之疾歟? 百年,亦可 三者之効,不能 問 又曰:「如有王者,必世而 善何術而遲? :子曰:「苟 以 勝殘 去殺矣。」何其 齊 有用我者,三年有 王何務而必世? 又曰:「善人爲 一,然則 聖 後仁。」 効之 何 道 遲 邦 而 必 願

> 遠矣。 也。 以 成於上爾。 樂者,雖上所以教民也,然其原則本於民,而 膚,淪於骨髓,然後禮樂可 年而成,大法定矣。 夫民之情,不可暴而使也,不可猝而化也,三 焉,相繼而 得聖人之道而行之,宜其緩且久也。 於室」者也。 殘去殺矣。」夫善人者,所謂「不踐迹,亦 之才,施於天下,其易矣,猶必曰三年而 「王者必世 遲 以 與! 然方之善人之効,則聖人之治,其 前 對: 聖人之道,無所苟而已矣。 仲尼曰:「善人爲邦百年,亦可 代已然之迹 而後 往,則百年而後可至治矣。 則聖人之効所以疾,善人之効所 既不循前 仁」,則蒙謂作禮樂之時爾。 ,質於此 漸之仁,摩之義,浹於肌 人之弊而守之,又不 得 三者。 而興 也。 以聖 以 蓋 有 不人 疾 有 人 禮 勝 也 成

明道文集卷之五

「政」,涂刻本作「訓」。

0

五〇七

五〇八

再

解

免表

伊川先生文集目録

第一

奏疏

爲太中上英宗皇帝應詔書

爲太中上神宗皇帝書

代彭中丞上英宗皇帝論濮王稱親疏

代富弼上神宗皇帝論永昭陵疏胡本代吕晦叔上神宗皇帝應詔疏

「不遵聖訓」、「遵」誤作「尊」。

上仁宗皇帝書胡本脱二句,云:「非不憂慮

天下也,以陛下憂慮天下之心。」

第二

表疏

辭免西京國子監教授表

第二

論經筵第一劄子

《辭免崇政殿説書表》後。

乞再上殿

論

經筵

事劄子此篇

胡

本誤在

辭免館職狀

第三

辭免崇政殿説書表此篇胡本誤在《辭免館

職狀》後。

再辭免狀此篇胡本誤在《論經筵》三劄後。

乞六參日上殿劄子

上太皇太后書此篇胡本誤在别卷。

辭免判登聞鼓院奏狀此篇胡本誤在《論開

樂御宴奏狀》後。

再辭免狀

論冬至稱賀劄子此篇胡本誤在《乞就寬涼

處講讀奏狀》後。

532

又上太皇太后 疏此篇胡本誤 在别卷。

乞就寬涼處講讀奏狀此篇胡本誤在《乞六

參日上殿劄子》後。

又上太皇太后書此篇胡本誤在别卷。

論開樂御宴奏狀此篇胡本誤在《論冬至稱

賀劄子》後。

乞歸田里第 狀此後胡本並同。

第二狀

第三狀

乞致仕第

第二狀

辭免服除

直

秘 閣

判 西

京國

子監狀

一狀

再辭免表

謝管勾崇福宫狀

申 河 南府乞尋醫狀

辭 免 再除 直 秘閣判監狀

再 辭 免狀

第三

謝

復官表

學制

 \equiv 一學看詳 文

論改學 制 事 目

回禮部 取問 .狀

第四

論

禮

部

看

狀

雜著

顔 子 所 好 何學論

賑 濟論

漢文殺

薄

昭

論

爲 修立孔氏條 太 中作試漢州 制 學 生策問三首

印 銘

四箴并序

楔飲 詩序

五〇九

遺 金閑 志胡本無

蜀 守記

養魚記

答富公小簡

上富鄭

書

胡 本 無 誠

能

」至「之休」二十

二字。

上河南帥書

書養魚記 後

聞侯舅應辟南征詩 爲太中書家藏寶字後

游嵩 Ш

第五

書啟

爲家君上宰 相 書

謝 吕晦 叔 待 制 相 見 書

爲 家 君 請宇文中允典漢州學書

再書

答橫渠先生 書

再答

雜記 謝 王佺期寄藥 三首胡本無

> 答朱長文書 答人示奏草 上文潞公求龍門庵地

書

上韓持國資政求撰兄墓誌書 小 簡

上孫叔曼侍郎求寫兄墓誌:

答楊 時 慰書胡本無。

謝韓 康公啟

又謝簡

答吕進伯簡

與呂大臨論中書胡本去注文「子居,和叔之

子」六字,卻於本文「子居」上加一「邪」字。

答楊 時論 西銘書

代人上宰相論鄭白渠書

Ŧī. 0 問名

納采

上謝帥師直書胡本篇首無「某皇恐」至「閣

納吉

下」十四字,篇末無「匪惟」以下二十四字。

與金堂謝君書胡本無。

答周孚先問胡本無。

答張閎中書

答楊時書胡本無。

答楊迪書

定親書

答門人書

答鮑若雨書并答問胡本無。

第七

河南程氏世系之圖

行狀

葬説葬圖

成婚

請期

下穴昭穆圖

記葬用柘棺事 葬法决疑

作主式

祭禮胡本無。

四時祭

始祖

先祖

禰

第六

答求婚書

又書胡本無。

禮

婚禮

墓誌 祭文

五.

五.

明 明 道先 道 先 生行 生門人朋友敘述序 狀

宋太師 明道先生墓表 致仕潞國公文彦

博 題

孝女程氏墓誌

爲家君祭司馬温公文

爲家君祭吕申公文 爲家君祭韓康 公文

爲家君祭李屯田九縣君文

祭劉質夫文

祭楊應之文 祭李端伯文

祭朱公掞文

第八

墓誌 家傳 祭文

先公太中家傳 書先公自撰墓誌後

> 家世舊 事

叔父朝奉

墓

誌 銘 上

谷

郡

君

家

傳胡本

「皆」字。

改葬告少監文胡本「姪」作「猶子」。《祭四十

郎文》同

祭席仁叟文 祭張子直文

祭四十一郎文

祭李邦直文

祭李通直文

以知之,載之六經,丁寧教告,纖 秦、漢以 具備,宜若人人見而知之。 天下,民日用之,聖人慮後世不足 年壬辰七月,孤端中序曰: 右伊川先生文八卷。 下,泯没無 傳。 惟伊 道之在 政 然][[和 先 自 悉

生以出類之才,獨立乎百世之後,

伊

JII 後

七年而終。

先生既没,昔

薦,責涪州。 今上嗣聖,得歸,遂居

紹聖治元祐諸臣罪,先生坐嘗爲所

不復起,居於洛陽,天下尊仰之。

詆,遂以罷去。

其後朝命屢加,終

昔之論者,謂孟子之功可 先生名出己右,與其黨類巧爲 而同朝之士有以文章重於時者,忌 召爲崇政講官,哲宗信而敬之。 元祐初,大臣以先生道義薦諸朝, 亦無以自脱。先生獨能如醉之醒 豈若後世沉深固結,雖豪傑之士, ,夢之覺,其功豈不優於孟子哉? 辨異端、闢邪説 學士大夫翕然宗師之,聖人之 未遠,異端之害教 百年,至先 也 生 而 也 當是時 同 復明。 未深 於禹 既 見其 之通 其德

去聖人

如

以其

天下

道

蔽

曀

千

四

傳》六卷、《繋辭説》、《書説》、《詩 聞斯道,姑用記其言,且又使姪昺 道蓋與明道同。 出處之完潔,雖於先生之道未能備 編次其遺文,俾後之學者觀其經述 之於此文可也。」不肖 曰:「我昔狀明道先生之行,我之 之門人高弟皆已先亡,無有能形容 、《改正大學》、《論》、《孟》說各一卷,別行。 、純全,亦將庶幾焉。 先生有《易 美者。 明,論議之純 然先生嘗謂 異時欲知我者,求 一,謀慮之宏深, 孤 門人 既 説》、《春秋 無以 張 嗣 繹

五三三

伊川文集卷之

奏疏

爲太中上皇帝應詔書❶

帝陛下 詔。 下幸甚! 郎,職分郡寄,敢不 深 願 許上實封言時政闕失及當世利病。 來,水潦爲沴,八月庚寅大雨 披忠瀝懇,上達天聽? 也。 惟陛下寬其狂易之誅,賜之省覽, 臣 **一**珦言: 承祖宗大業,嚴恭天命,祗畏警懼之 天下 士民 伏覩· 欽 八月八日韶 竭 聞德音,苟有知 其區 臣雖至愚,官爲省 區之誠,以 1,應中 勑, 外 以 見,孰不 此 臣 比 則天 蓋 應 僚 年 明 皇 以 並

> 爲也。 言,亦世有之。 沴,聖心警畏,下明詔以求政之闕,誠聖 之祥,高宗之時,有雊雉之異。二王以 異,長保隆平。 衆論,求所以 變,則必警懼,以省躬之過,思政之闕, 和,繫政事之所致。 徒以爲虚語,豈復有如商之二宗興王道於既 之下頌其聖明。 商宗之休實,鑒 衰者乎? 而修政行德,遂致王道復興,皆爲商宗,百 臣 然臣觀近古以來,引咎之詔,自 聞水旱之沴,由陰陽之不 臣 願 當天心,致和氣,故能 其如人君不由於至誠,天下 昔在商王中宗之時,有 陛 後代之虚飾,不獨消復災診 今陛下嗣位之初,比 下因此天戒,奮興善治,思 是以自昔明王,或 和 ; 消 陰 遇災 新之 明 年 桑 爲 弭 廣 陽 之 陰 # 戀 懼 穀 延 不

治平二年」。

[●] 此題涂刻本作「家君應詔上英宗皇帝書」,下有小字

於 今日 永保 丕 基 於 無 窮

安危 佐 以救當世之弊,而 下之勢所 政之闕 元 治 元者,悉心以 伏 亂 觀詔旨: 失,陳一 之機,臣 甚急者 ,在安危治亂之機。 請 副 事之利 時 陳, 政 條 陛下勤求之意也。 毋有所諱。」臣 闕 其大端 失,當世 病,徒爲小補,不 利病 若 竊 所謂 夫 惟 可 足 指 以 天

六者,所謂安且治者

之虞 信之 也。 得 設有之,不足爲慮,蓋有殲滅之備 而 領 百 不 人而 職 ,舉之而 也。 可 教,率之易從,勞之不怨,心附於 庶務,天下之治,如網之有綱,裘之有 所謂 百姓安業,衣食足而有恒心,知孝悌忠 有 摇 職修,惠養有道,朝廷政化宣達於下 之,不 也。 民 安且治者: 有條,委之而不紊也。 心 化行政 能 和 而 害、蓋 陰 朝廷有綱紀權 肅,無姦宄盗賊之患 陽 順,無 倉 廪實 水 而 加 郡縣之官, 早 持, 府 蟲 無 庫 上 螟之 總攝 響 充 應 固

以

口

朝

振,蠻 官用 蓋甲兵利而儲備豐,將善謀而士素練 夷戎狄無敢不服,雖有 於 上,民 食足於下也。 之,不足爲 武 備 修 而 威 此 靈

共理者. 散,莫可總攝,本原如此,治 治 害,或昧 成俗,舉世以爲當然。 莫能稱其職,况庸常者乎? 之官,選不以 廷 又 雖 加 則 有師保左右之也。 非 衆 雖 難格,率之於惡則易揺 甚 今之事, 言而 有惠澤,孰 如此,天下斯 而反之,一從其自然, 而 塗。 自足者益 重斂繁賦 道,更易之數,雖 一皆反是。 人用 能 無 寡。 消 可知 宣布 聊 其善惡勤 政治廢亂,生民 削之不息。 矣。 司牧者治 以 朝廷 達 循常苟安, 狃 將安出 而困之陷之之 歲 百姓 於 時 民 紀 惰,趨 惟 月,驅之於 下 謂 綱 邦本, 其事 ? 才者 ? 窮蹙,日 天下户 汗 困苦 所 郡 漫 利 尚 與 以 縣 離 澼

道

非

所 苟 生; 况 宄,逼凍殍 根 勞擾多事之際乎? 在必 安,設或 如 不漸 是 應。 邦 善教 ?則爲 遇大饑饉 或 以今無事之時,尚恐 思利 奈 冷盜賊。 何 ? 而 ,有大勞役,奸 天下安危,實繫於此 志動 今兹幸無大故 民 無 生 乘 業 間 力不 極 隙 雄 則 木 能 尚 萌 則 呼, 制 爾 女 慮

隙 旱,不知何 竭 則又甚焉。 不稔,便致流轉,卒有方數千里連數年之水 二三,困衣食者十居六七,統而較之,天下 下,計平時之用,率無三年之蓄,民間 可 於外,雖欲爲之,末如何矣。 知矣。 保民之道,以食爲本。 以 以萬室之邑觀之,有厚蓄者百無 豐年樂歲,飢寒見於道路,一穀 待之? 姦盗蜂起於内,夷狄乘 今自京師至於天 空匱 . 虚

用 而 好 尚 不 戎 幸 可 狄强盛,古未有比,歲輸 侍; 二虜無謀,厭小欲而忘大利,故我 窮天下之力以 養 兵,而 金帛以 兵不足 修好

> 乎 ? 曠 將 十 得 至於此,興衰 而 何以 人 萬 以 日持久,終有 民 之衆,宿於邊境 紓 危乎? 轉亡; 朝夕之急。 濟乎? 可 0 知。 饑 窮 驕惰之兵,縱無奔潰之患; 饉 極 若其 以此觀之,天下之勢,安 一之虞。 愁怨,而姦雄 饋 連 餉 衡 不 又况征斂興 而 繼 來 財 競起。 則 用不充 必 興 發 事 數

乎 常然,姑維持之而 者,不識朝廷 爲 言者既已多,朝廷 至仁格天地 而偶然邪? 1 動 也。 凡此數端,皆 今天下 嗚 ,保持之以至於今,歷 幸然之事,其可常乎? 制置 呼 尚 ! 無 遂以 有 已,雖聞 事 能 貽 朝 危亡之虞,而 使之然邪? 天 爲果不足憂 下 廷 至深至切之言, 之 宜急思所 患 · 必 一時 抑 未 也,可 既 由 以 先皇帝 至 亦 已久, 救 於 於 天 是 時 不 以 幸 是

❶ 「人民」,涂刻本互乙。

子孫保守,不敢不念。陛下承祖宗大業,可事至,則爲之晚矣。中人之家,有百金之産,之道。不然,臣恐因循歲月,前之所陳者一

不懼乎?

相協 其用 者 陳 臣 也 欲用之,非責任宰輔,其孰承而行之乎? 也,明教化也。 日 本 立志,二曰責任,三曰求賢。 善算,非君 以爲所尤先者有三焉,請爲陛下陳之。 勸農桑也,實倉廪也,備災害也,修武 也 心,非賢者任職,其能施於天下乎? 今言當世之務者,必曰所先者: 制 於事 志先立,其能聽 此誠要務,然猶未知其本也。 者用 也。 有其本,不患 而 今雖納嘉 用之乎? 寬賦 謀, 備 君 役 無

故

也。

任 治 ,以聖人之 矣。 三者之中,復以 所謂 訓 立 爲 志 可 者 必信,先王之治 立志爲本, 至 誠 君志 心, 以 立 爲 可 道 而 自 天 必

治 ? 於衆多之論 克其終,或安於積久之弊而 剛 立志不篤,則不能自修,况天下之大,非體乾 下 行,不狃滯於近 健 如三代之世,此之謂也。 人,其能 然 加 或欲 治乎? 而 規,不遷 莫知適 爲 而 自昔人君,孰不欲天下之 不知所措,或始鋭 用。 感於衆 夫以 不能改爲,或 此皆上志不 П 一夫之身, ,必期致天 而 立 不

果得 無 俾之再任,於今未聞 數易之害治也,詔廉察之官,舉其 而 所舉不得其人也,故詔以飭之,非不丁寧,然 以 而 當 今之任人未嘗選擇,一 天下不從,請舉 人有善政邪? 其 其 臣觀朝廷,每有善政,鮮克堅守,或行之 人 任 乎? 者 如 弗聞 曾少異於舊乎? 近 也。 苟 年一 有 誠 應詔者。 陛 無之, 二事以明之。 用薦舉之定式,患 下以爲 朝廷負生民 豈天下守令 有善 又 自 以 後 朝廷 政 守 所 者 **\$** 舉

據 不 變舊 天下 易其言,則天下幸甚 王 非 或失,其害則大。 於今日也。 深沉固結之弊,爲生民長久治安之計,勿以 故 鎮,亦將震慴,莫敢違也,况郡縣之吏乎? 天下何 奉 不 王之治,稽經典之訓,篤信而力行之,救天下 立,奮其英斷以 爲 臣 承 昭 師古,苟安襲弊,卒至危亡者則多矣。 已 然,無 易也。 爲 願 不 以 甚 訓 難 從 見 陛下以立志爲 平. 典,將大有 其 何?」如此 ,勿以衆 此亦 可 若曰人君所爲,不可以易,易 効? 歷 疑 且 觀 必行之、雖彊大諸侯、跋扈 在 也 以 前 臣以 陛 若曰:「非 П 爲 爲而致敗亂者乎? 史,自古以來,豈有法 願 下 ! 爲惑,則三代之治可 則是政令不行矣,將 善 先,如臣 验下不以臣之疎賤 而 爲不然。稽古而 而 른 行 之, 不欲必行 苟陛下之志先 前 何 所陳,法 不 使 也,奈 惟 天 行, 事 動 先 望 先 藩 如 而 而 下

道

衆, 梅,其 之,則曰濟川作舟楫,歲旱作霖雨, 恭默不言,蓋事無當先者也。 爲先者也。 成天下之務。 自古聖王,未有不以求任 也。 一人不可 所 相 謂 須倚賴 責 在商王高宗之初,未得其 任 以獨治,必賴 者 之如是。 夫 以 海 此 輔弼之賢,然 宇 聖人任 及其 之 廣 和羹 得 輔 億 説 惟 相 後 輔 兆 而 鹽 命 能 之 則 相

才; 和 慎,則必得其賢,知之明,則 則其自任切而功有成。 之專,任之專,故禮之厚 師 信之篤,則 知之明; 傅之禮 禮之厚,則體貌尊 故當之者, 夫圖任之道, · , 坐 知之明,故 人致 而 自知禮尊 論 其誠; 以 道,責之以 慎擇爲本。 信之篤,信之篤,故 是故推 而其 任 而 而 之 任 勢重; 責之重。 仰 專 天 專,責深 誠任之,待以 成 下治,陰 擇之慎,故 則 而 責之重, 得 不 而 盡 擇之 疑 勢 陽 其

重 雖 則 摇 姦 挺 諛 ,亦將息其邪謀,歸附於正 然 巧佞, 以 天 知其 下 爲 交深 己 任 而 故 不 能 可 間 稱 勢 其 職 重 也 而

厚,則 篤 也。 不敢 禮之不厚,而責之亦不重矣。 之者自知交不深 是故任之不盡其誠,待之不以 得其人; 人懷疑慮; 任 之不慎,故知之不明, 走,若吏史然,文案紛冗,下行有司之事。當 信之不篤,故任之不專,任之不專,故 姦邪 有爲,苟循常以 ,上懼君心之疑,下虞群議之奪,故 自任 後之任相者異 其勢輕而 知不 之人 以 天下之重 明,則 亦 不 易摇, 知 而 專,則 八於是。 其 其勢輕,動 圖自安爾。 用之猶豫; 易摇 平. 責不重,則 知之不 不得盡其能; 禮 其始也不慎擇, H 伺 其禮 明,故信之不 懷顧 擇不慎 君子弗 間 信不 不 隙 慮,不 人。僕僕 稱 篤 其 蓄 則 願 如 職 是 趨 不 擇 處 縮 肯 則 不

者乎? 誠 海之大,未始乏賢,誠 其由,蓋取之不以其道也。 爲賢,而 鄉,德推 吁 道 所 賢 口 名實,如前之云。 己心,則謂 道,其施 古以來,豈有 績」,蓋詢行考實,人焉廋哉 必 降 如 以 而 而 有 禮 何 任之? 難之也。 難之,及其陳 若 , 求 爾。 曰 蹈 用 於朝廷,節見於事爲,其言合聖人 用 非 (徳志) 之以 是 之才而 之卒 經典之訓,及用之於朝,反致 任之 皋陶爲帝舜 而 或失其 履道之士,孝聞 臣以爲知 求,其 道之士 道 敗 製, 傷明害政,不亦宜 雖 用之,曾一 厥 九德,載采采,則 事 人,治亂 知之惟 有 能 泉、夔、伊 皆可 者,古亦多矣。 謨 差乎? 人誠難 廣 不循核 曰:「在知人。」禹 聰 ? 大率以言事 艱 得 明, 所 於家,行著 歷觀 ,亦繫取 而 繋 若乃人 H. 揚 周 用 本末,稽考 何 之比 乎? 日 側 前史,自 也 此 以 二底 哂 合於 稽 君 敗 知 之 其 四 迹 以 亂 於 口

五一九

肯自 所謂 必 患 責之盡 以 其 爲,不能者可勉求 責 盡 不得爲者,君臣之志 不 任 願 能爲 其 ,此由失待任之道也 宰 陛 職 輔 下 ,患其不得爲。 爲 如 先 不患其不爲,患其不能爲,不 臣 ,待之盡其 前 所 而能,惟 陳 既 不通,懷顧 禮 蓋不爲者可責之 堅 不得爲則已矣。 ,任之盡 求 治 之 慮 志 其 而不 誠 則

也。 典 髦 廣,豈無賢德可 之政,審慮之, 持 訪 陛下責任之而已。 曰 之 當 可 問 以 訓 以 爲 度 如 今天下之事,爲安爲危,爲治爲亂 今執政大臣皆先朝之選,天下重望,在 可 討 歲 ,則願示之以必爲之意,詢之以 論 以 非 月乎? ? 不 取 力行之,時 爲 則,道豈遠哉? 以 有 禮問? 也,患不能 先 當 臣願陛下召延宰執 有 王之政 爲 不可 以 朝廷之上,豈 可 救其弊乎? 也。 後,事 以 病 考觀 則 不 天 不 求 有 當 從 所 下之 無 可 爾 經 英 緩 爲 維 容 如

> 聖 之疎賤而易其言,則天下幸甚 欺以爲治矣。 唐文宗之時,大權漸奪,天下將亂, 也 在 明,執政忠良,無是事也。 ,姑守常 君 相 協 心 而 勤 已, 史册書之,可爲明鑒 求 則 力 在 爲 陛下 之 而 릲 深 願 思 陛 如 而 下 而 曰 明 木 今陛 牛 無 辨之。 以 僧 妄爲 孺 臣 下

任 ? 非 如 邦 生於林,非匠 得之物,未有不求而 能而任之? 夫,百職群僚,皆稱 下之治,無他術 士,傑出 人君搜擇之有道 何 家 爾。 張官置吏,未嘗不取 所謂 賢者在 群 求賢者: 夫古之聖王 類,非若山 求之有道 位,能 者採伐,不登 也。 一,其可 其任 者 朝廷至於天下,公卿 得者也。 林之物 在 而 職 而已。 르 士也,顧取之之道 得 於用。 而 圃 廣 己。 雖天下常 金生於山 用 生 何以 所 乎 而 况賢能之 以 何 無 能 得 以 極 自 稱其 用 得 致 也, 易 腎 天 乎? 足以 適由 先得賢,雖陛 此也。以今選舉之科,用今進任之法,而欲 不乏邪?● 盡自其中,曾不虞賢俊之棄遺於下也。 之道爾。 析,而言大概。 史,自古以來,稱治之君,有不 矣。此所謂勞於求賢,逸於得人也。 天下之賢,置之朝廷,則端拱無 之志,又思責任之道,則以求賢爲先。苟不 亦遠乎? 得天下之賢,興天下之治,其猶北 下無遺賢邪? 爲 偶幸,非知 今取 有 意邪? 規 求不以道,則得非其賢,間或得才, 士之弊,議 臣 規守常,以資任人,而能致大治者 臣以爲治天下今日之弊,蓋 願陛下如臣前所陳,既立求治 下焦心勞思,將安所施? 投名自薦,記誦聲律,非 其 將 抑雖有之,吾姑守法於上,不 科 才而取之也。 舉 者 所得之賢,已足治 亦多矣。 以 爲而 求賢 朝廷選任, 轅適越,不 臣 不 天下治 爲 歷觀前 果天 求賢 暇 誠 事 者 由 條 得 而

之,用賢之驗,不其甚明? 乎? 有國家之興,不由得人者乎? 由此

篤 可求? 也。 無不可致。蓋上心所好,奉之以天下之力 方殊域之所有,深山大海之所生,志所欲者, 靡景從。 爲不然。 爾。 若使存好賢之心如是,則何巖穴之幽不 若曰非不欲賢也,病求之之難也。 何 夫以 設若珍禽異獸環實奇玩之物,雖遐 山林之深不可致? 人主之勢,心之所嚮,天下風 所患好之不 臣以

補 力。 師 取士爲意。 ,貴達 ? 今朝廷未嘗求賢,公卿大臣 夫人君用賢,亦賴公卿 今世 所 恥。 無賢,求之何益 相先引彙,世所罕聞; 大率以 爲任己 大臣 ? 可 夫以周公之 亦 推 也,士將 不 援 訪 以 薦 道 達之 求 求

❶ 「治」上,涂刻本有「致」字。

一,其

自

五三二

用,莫有遺也。 其聖且好賢,知人之明,宜天下之賢皆爲之 宜賢者在 不求賢以自輔也。 其用意 後之人其才不及周 任 與周 [下之多也,乃曰天下無賢矣。 足 矣, 公異也!2 尚乃日不暇給,●恐失天下 尚 以其不求,且知之不明, 汲 汲 求 欲其 公,而自謂足矣, 賢 以 助皇明 自 輔 也 噫 燭 出 以 ! 雜 循 曾曾 不

之士。

何

天下有遺棄之才,朝廷之上,推賢援能者登 隱,不可得也。 自下及上,❸孰不以相先爲善行,薦達爲急 進之,蔽賢自任者疎遠之,自然天下嚮風。 誠能專心致志,孜孜不倦,以求賢爲事,常恐 然亦繫上之所爲而已。 陛下

如此 務? 矣。天下之賢,其有遺乎? 則士益貴 搜拔 既 廣, 而守益堅,廉 雖小才片善,無 既得天下之賢 耻 格 而 所 風 隱晦。 教厚

今世人情淺近,積慣成俗,朝廷進 人,苟 則

天下之治不足道也

也。 選擇,期於得人爾。 設或大敗厥職 勞心任 下知人之明也。 放,先朝用 不次,則求 之子,有才名,在位多言其能,陛下擢之,當 久不行也。伏見近日陛下不由言薦,擢范 免疑惑,反自以 仁置之言路,在今世爲非常之舉。 常 然臣願陛下自信勿疑。純仁果賢,則 法 人,雖未 摭小差,衆議 范 仲 則 得其 爲過。 淹是也。 如用之 亦曰吾知之失也,當益務 蓋拔 (効,亦 此所 而 囂沸。 十得五,才不可 設非 無 無媿於天下矣。 顯 以非常之舉,曠 君 効,則亦 如真廟耀 心 純 篤 仁名 信 寧 吾 陛 純 种 於 臣 混

給」,陳刻 本、涂刻本作「食」。

意」,陳刻本、涂刻本作「心」。

自下及上」,陳刻本、涂刻本作「自上及下」。 拔」,涂刻本作「羅」。

用; 疎賤 此 無過,不復以簡擢 恐或有差失,遂抑聖心,以爲專守常規,可以 獨憂之。 在陛下自信勿疑 求賢 而易其言,則天下幸甚。 得賢也 何者? 而失,尚愈於不求。 ! 方陛 陛下始奮英斷拔一人,誠 爲意,則天下將何 而已。 下用純仁,識 願陛 誠持是 下不 者皆喜,臣 望 以臣之 心, 三焉 何 ?

誅,無 術 視今,猶今之視昔,則天下不勝幸甚 不能用,百世之下爲譏。● 誠,萬一有毫髮之補於聖朝,臣雖被妄言之 苟安之弊,思永世之策,賜之省覽,察其深 禦之策,教化根本之論,可以爲陛下陳之,顧 知 三者不先,徒虚言爾,三者既行,不患爲之無 也。 有興利除害之方,安國養民之術,邊境備 臣前 所 願陛下以社稷爲心,以生民爲念,鑒 悔 所陳三者,治天下之本也。 恨。 昔賈誼 爲漢文言治亂,漢文 願陛下勿使後之 臣 非不

無任兢皇戰汗,激切屏營之至。狂瞽之言,惟聖明裁恕。干冒宸嚴,臣

代太中上皇帝書

具位臣程珦皇恐昧死,

再

拜

上書

陛下。

以至德承洪業,以大孝奉先帝,聖心切至,天倫之本,無越於斯。人無知愚,靡不知忠孝為臣者莫不欲忠其君,而常負不忠之罪。何爲臣者莫不欲忠其君,而常負不忠之罪。何爲臣者莫不欲忠其君,而多獲不孝之譏,爲君者,莫不欲孝其親,而多獲不孝之譏,爲君者,莫不欲孝其親,而多獲不孝之譏,

- 「譏」下,涂刻本有「病」字。
- 小字「治平四年」。 此題涂刻本作「爲家君上神宗皇帝論薄葬書」,且下有

孝矣。 其説者 慰安。 違 以 其 不能 掘 過度,至使陵中不復容物,赤眉之亂 苟爲崇侈以 全,事 宗所傳 保完其陵墓者,其故何哉? 之如之何,其亡也安厝之如之何,然 歷古之失爲先帝深慮,則天下臣子之心無 下 王者,居天下之尊,有四海之富,其生也 來 不 ,人情所 共 觀 孝 深 知 識 迹 漢武之葬,霍光秉政,暗於大體,奢侈 所謂歷古之失,臣觀秦、漢而下,爲 願 慮 者 嗣 昭 此 霍 以 謂 然 君,能盡孝道,爲之遠慮,至今安 迫爾。 陛下以至孝之心 明 然,存諸 光厚葬,千古不免爲罪人。 致 狗己意,乃以 臣 赤眉之暴,無異光自爲之,爲 鑑 後害也。 以 而 疎 苟若務合常情,遂亡遠慮 不能 簡 賤 策。 復敢 行之者,無他,衆議 二君從儉,後世 安親 嗚呼 區 盡至孝之道 獨魏文帝、 區 爲 冒 心, 萬 遂見 嗣 可 而 死 自古 謂 唐 不 鮮 奉 以 君 謂 發 太 養 帝 鑑 難 其 至 克 進 不 不

> 及, 是乃 者也 當大事之際,乃以 言曰: 足 魏文 圃 觀之,可以 取 如 命所 厚 法。 此苟循 死者無終極,國家有 於 作終 其 人 指 情 見明君賢 人情,辜負 制,及唐 陳 而 深 薄 興廢之言爲忌 切, 於 臣 先君 虞 非 所 世 所 往者,不 一廢興。 慮 也, 忍言, 南 深遠。 所上 不 諱 自 願 亦 莫 封 · 忠 昔 惑 古 陛 事, 之大 敢 人 人 下 乎 臣 有 議 取 皆

崇厚 鐵 慮 非 儉 魏文之制 珍 , 0 所 德,損陛下之孝道, 寶奇異之物無 臣 陵寢,以 承 宜 竊 奉 也。 慮陛 明器 遺 詔 伏 盡 下 所須,皆以 願 孝 嚴 追念先帝,聖情 心。 陛 飭 得 下 有 人 無 臣 損 壙,然後昭 司 益 愚 瓦木爲之,金 抑 於實, 凡 以 至 爲: 百 情,深 規模 罔 有累於後, 違先 示遐 極 爲 銀 盡 帝 必 永 之 銅 依 欲

0

[「]永」,陳刻本、涂刻本作「遠」。

於其君乎? 陵旁居人尚能道當日儉素之事,此所以歷數 中,歷觀漢、唐諸陵,無有完者,惟昭陵不犯。 不 陵崇大,雖使無藏,安能信於後世? 患於數百年之後,漢薄后陵是也。 之明高 刊之金 陵,得不窮深極遠以 遺簪墜履,尚當保 子之於父,豈有陛 百年,屢經寇 然。 天下既知之,後世必知之。 於曠古。 石,如是 誠以厚於先帝,無厚於此者也 亂 則陛下之孝顯於無窮 而 至於紈帛易朽之物,亦 而 下欲厚其親,而臣反欲 獨 慮之乎? 藏之,不敢不恭,况於園 全也。 夫臣之於君,猶 臣嘗 或曰: 臣 遊 以 能 陛 薄 秦 爲 Ш 爲 下

法 帝之福 死 慮 所 且 無敢 不悔;以臣言爲是而從之,則可以 陛下嗣位方初,群臣畏威,臣苟不言,必 補 言者。 ,大陛下之孝,安天下之心,示萬世之 豈 不 厚哉? 陛 下 以 臣言爲妄而罪之,則 爲 先 臣

> 懼之極,臣昧死頓首謹言。 深察之,天下不勝 臣 哀誠内激,言意狂率,願陛 大 願。 臣 無 任 踰 下 越 詳 狂 覽 恐 而

代彭中丞論濮王稱親疏

0

不得不爲陛 致陛 大臣 事之臣奏章交上,中外論議 違 |下聖心疑惑,大義未 臣思永言: 伏見近日以濮王 亂 典禮,左右之臣 下 ·明辨其 事 明。 不能 沸 騰。 開 臣 一稱親 待 陳 此 罪 理 蓋 事,言 憲 道 執 ,而 府, 政

爲伯,陛下,濮王出繼之子,於屬爲姪。此下,仁廟之適子。濮王,陛下所生之父,於屬爲嗣,承祖宗大統,則仁廟,陛下之皇考,陛竊以濮王之生陛下,而仁宗皇帝以陛下

且下有小字「治平二年四月」。 此題涂刻本作「代彭思永上英宗皇帝論濮王典禮疏」

之私 以 然 親 天 則 義 則是非之理昭然自明,不待辨論 變易者 理滅矣。 尊大,使絶其等倫? 無 乃仁廟 地 雖 而 心哉? 以 出 聖意必欲 大 異於諸父,稱王則不殊於臣列,思 也 繼 義 ,情厚本宗,以濮王寔 也。 生人大倫 陛下仁廟之子,則曰父,曰考,曰 固 非人意所能 稱之者,豈非 若更稱濮王爲親,是有二親。 如如 乾坤 如此 推 陛下大孝之心, 定位 而 移,荷亂 已,此豈 生聖躬, 曰伯 而後見 · 不 可 大倫 陛 得 也。 下 有 而

尊崇之正禮,使濮王與諸父夷等,無有殊别。 稱 言事之臣 崇之道 下於有過之地,失天下之心,貽 而 親 執 之非 政 蓋 大義 ,乃以非 大臣不 "**,** 而 又不 所當,典禮之正,天下之公論。 不 能將 能 知 禮不正之號上累濮 詳 爲 順 據 陛 陛 典禮,開 下 下大孝之心,不知尊 推 所 生 明 亂倫之咎。 之 大 至 義 王 恩, 17,雖 一,致陛 明 知

> 心。 人情。 至情。 所繫,若其無别,斯亂大倫 與伯叔不同也。 盡 此 行於父母之前,亦. 生之義,至尊至大。 忘本宗,盡其恩義,至情也。 陛 絶於私恩? 是故 下 至誠 既明大義以正 之心所 在 心, 喪服,恩義别其 以 故 此乃人情之順,義理之正 難 所 盡父子之道,大義 無 安 繼主 嫌間。 雖當專意於正統 統緒,復存至情以 而 重 於大義,所 違 先王制禮,本緣 所生,蓋 至於名稱 也 臣 明 生存 以 也 統緒 贵 盡 爲 重 不 所

稱 同, 下,言親義非 則是陛下明 父也,在於人倫,不可有貳,故避 加 親 以 而 ,則是親 今濮王陛下之所生,義極尊重 親爲 所以不稱父者,陛下以身繼 稱,有損 知稱父爲 與父異。 一,不止謂父。 無 决不 此乃姦人以 益 可 臣以謂取父義, 何哉 也 父而 大 既 邪 統 親 避 無 説 稱 父而 與 以 復 廟 父

無 所 稱 則 不損所生之重? 稱之於仁廟,乃有嚮背之嫌,去之於濮 生 甚 與 正定之名黷於所尊,體屬不恭,義有大害。 一,深恐非當。 輕。 稱 父 正 今宗室疎遠卑幼,悉 同 决 絕無小益,徒亂大 孝者以誠爲本,乃以 然 不 可; 不 稱 取 父 皇 義 倫 親 疑 則 加 王, 於 似 其

自

於大統

無嫌。

嗣 禮 以 濮王 尊崇,不愆禮典。 國太王,如此 미 加 下之敢易? 生之義,則不臣 數,必 見。 襲 爲當以濮 殊名,無以别於臣列。 ,此甚非 臣 必 料陛下之意,不必須要稱親 况當揆量 皆 伸 祭告 稱 王之子襲爵奉祀,尊稱濮王爲 爵秩之命,豈陛下之敢. 情 則敻然殊號,絕異等倫。 知禮之言也。 當 自 , 請 事 言者皆欲以高官大國 明, 體 舉 姪嗣皇帝名,敢昭告於 别立 盡致恭之禮, 以 臣以爲不然。 爲 先朝之封,豈 殊 率。 稱,要在 借 上 止 加 則 如 凡 既 得 其 謂 推 加 置 百 濮 臣 陛 於 尊 所 盡 不

> 於仁 者以太字爲 不 皇 獨 伯 正 皇 父濮 今日之事,可以爲萬世之法。 無 國 嫌 太王 疑,此則不然。 貳之失,天理 自 然在濮國 人 蓋繫於濮國下 心 極尊崇之道, 誠 爲允合。 復恐議

孝 稱,所以深懷疑 愛濮王之意非肯以不義加之,但見誤 蓋 今復聞以濮王爲親,含生之類,發憤 下,而天下傾心愛戴者,以陛下仁廟之子也。 億 如 官 已,前者既去,後者復然,雖 不言自絶, 在乎得四 兆 天下不知陛下孝事仁皇之心格於天 在位亦必繼進,理不可奪,勢不 此,終難固持。 涵被仁恩。 今親之稱,大義未安。 群 海 情 之歡 慮,謂濮王既復稱 洶 陛下嗣位之初,功德未及 仁宗皇帝在位 懼 異 心 論 胡 爲 咱 使臺臣不言, 言事 以 囂 不 親,則 日 可 者論 正 夫王者之 久,海宇 遇,事 無益之 地,尊 痛 致名 列 體 不 廟 天 百

設如仁 右之臣 於上 當 側 以 人情。 稱 之,陛下雖加 如何 親 懼 使 ? ? 稱 億 故先 也 濮 不能爲陛下開明此理,在於神道 皇在位,濮王居藩,陛下既爲家嗣,復 是則 臣 兆 ? 王,則仁皇豈不震怒? 料 之 聖 名稱,濮王安肯當受? 神靈 君 陛下仁孝,豈忍 П 謂 臣 指 事 兄弟 如在,亦豈不然? 斥 死 謗 如 立致釁隙,其 讟 事生,事 致 如 濮 斯。 王 亡如 濮王 之 皆 靈 視陛下 以 事 一豈不 由 此 不 不 存。 觀 遠 左 安

冀 計 孝,以陷陛下。 夫姦邪之人,希恩固 下化德,人倫 祐陛下, 示天下,則祖宗濮王之靈交歡 得 搜 已,尚 求 伏願陛下深思此理,去稱親之文,以 務爲 享 圖 福 自 巧 自 無 今既公論如此,不 飾 安,正言未省,而 窮,率土之心,翕然慰悦,天 正,大孝之名光於 , 欺罔聖 寵,自爲 一聽,枝 身謀,害義傷 於上、皆當 巧辯已至, 梧 無 萬 言者 徊 世矣。 徨 激 百百 明 垂

使陛下之心無由而悟。

白 辨之,勿用 藏 使 形 姦 ,天下不勝大願 ,陰贊陛 人 伏乞將臣 與 議 其説,則 下者,皆姦 此章,省覽數遍,裁自宸衷, 其 措 心 自 用 1然聖 意,排 人 也。 心 開 拒 幸陛下 悟,至 人言, 理 察 隱 明 而 迹 無

代吕晦叔應詔疏❶

之意。 言自 或 去 中 朝 外 恩,久忝近侍,雖罪釁之餘,敢不 進 廷 臣 伏覩 者,誠 草萊之人,尚思效其忠懇,况 ,無所補報,退就閉冗。 僚直言朝廷 今月 見陛 十三 下寅畏 ~ 闕失。 日 詔 勑 天命 臣自言事 以 有 彗 尚 出 恐 敢 得罪, 東 竭 臣 懼 品 方 其 世 修 品 产, 愚 荷 省 以

字「熙寧八年十月」。

[●] 此題涂刻本作「代吕公著應韶上神宗皇帝書」,且下有

誠,以應明詔?

己。 既 如 以 求 天聽自我民聽。」豈非政之所致歟? 無 何言? 下祗若天戒,思當除者何事,而當新者何道。 來,亦可 政之由,則 變,孰從而來?《書》曰:「天視自我民 而 亦為 明明 日舊 除穢 而 有警畏之心,當思消弭之道。 其應者,蓋上天之意,非徒然也。 自非大無道之世,何 能 順天,在陛下而已。晏子所謂 不 自 也。」又曰:「所以 政既善,無所 伏觀前史所載,彗之爲變多矣,鮮 若以爲當求自 虚設。 禳 足以 新者蓋寡,大率蔽於所 而去」也。 經爲誣矣,臣復何言? 自辨 若以爲政之所致,則改以 也 可 《傳》曰:「天之有彗, 除 視是 新,則在 除舊布新。」臣 ,則天爲誣 嘗不遇災 而 爲 陛下思之而 且以今日之 欲 非 感於 可祝 矣,臣復 今陛 韶之 以 而 如 一願陛 邪 懼 日 視, 作 所 所 而 非 有 而 ? 下

> 辨爾。 哉 ? 惡存 爲 己之自處,然後質之人言,何惑之不 能省己之存心,考己之任人,察己之爲政,思 Ī, 圃 能辨其惑,則知所以應天自新之道矣。 敗亡至 臣以 好亡,憎治 爲辨之非艱,顧不得其道 而 不寤,天亦不 而 喜亂 哉? 能 亦 戒 惑 也 也。 而 可辨 豈 不 誠 能 其

臣請爲陛下辨之。

心也。 興 也。 错豈能自知? 尊,其撫之治之之道,當盡 得,鋭於作爲,快於自任,貪惑至於如 法令舉條綱 視之如傷,動敢不慎? 不順於天,一事之不合於理,如此,王者之公 (夜寐 勤身勞力,適足 所謂省己之存心者: 人 若乃恃所據之勢,肆求欲之心,以 ,適足以 爲可喜,以富國家强 若是者,以天下狗其私欲 招後 以 悔 致 兢兢然惟懼一 以是 負 其至誠惻怛之心, 一作「貪」。 君 而 因 致 兵甲爲 億 善治者 兆 敗,夙 此,迷 一政之 以 爲

五三〇

乎 ? 者也 未之 聞 苟有 也 之,則天之所 願 陛 下 内 省 戒也,當 於 心, 有 改 近 於 而 自 是者 新

之,則天之所戒也,當改而 欲 懼或失也。 願陛下考己之任人,有近於是者乎? 察,恣欺而 欲,逆心者求諸道,巽志者察其非,尚 天下之公而不以己,求其見 而惡異,偏信而害明,謂彼所言者吾之所大 也,悦 所謂考己之任人者: 夫王者之取人,以 圃 不悟。 望之,信而惑之,至於甚惡 此王者任人之公也。 推是而往, 鹿可以爲 自新者也 Œ 而 若乃喜同 不求其從 孜孜焉 馬矣。 苟有 而 不

以不合而去之,更用後來之人,皆昔未嘗以衆矣,進之於朝亦多矣。及乎既有爲也,皆舍一以公議,天下謂之賢,陛下從而賢之者方陛下思治之初,未有所偏主,好惡取

之言亦罕聞矣。 亦已甚矣。在任人之道當改亦明矣。 世之賢,暮隙則有一作「爲」。 之難,雖至明不能無失。 資,而不聞怫逆之言,可懼之大者也。 己意之私乎? 愚,始之未嘗賢者皆賢,此爲天下之公乎? 爲賢者也,然後 自論議無違之後,逆耳 夫以居至尊之位,負出 議 論 無 違。 然至於朝合則爲不 無窮之罪,顛 始之 所賢 ·怫心 者皆 世之 知人

蹙乎? 之口 察, 悦乎? 爲愁怨乎? 民生爲阜足乎? 陛下以今日之事,方於即位之初,民心爲歡 心爲本,以厚民生爲本,以安而 則天之所戒也,當改而自新者也。 非不能言也,顧恐察之不審爾。 所謂察己之爲政者: 爲政之道,以 政事爲安之乎? 爲擾之乎? 不擾 苟 爲本。 有不 億兆 爲 順民 窮

所謂思己之自處者: 聖人謂「亡者保其

矣。 者非 爲妄。 存 也 至矣,天下之言不足恤 言,如此則聖王保天下之心也,上帝其鑒 心 矣。不識 亡者乎? 所自. ,當改而自新者也。 者 或以爲已安且治,所任者當矣,所爲 其 也,亂者有其 人,所 知 自古以來,何 也。 陛下平日自處,以天下爲如 惟其 由 苟有憂危恐懼之心,常慮 自謂 者非 治 治安 嘗 者 其道,唯恐不聞 有 也, 矣, 以 而危亡卒至者 如此則天之所戒 陛 危亡 下 爲 必 憂 不 天 以 而 何, 下 所 則 至 斯 者 之 之 任 多 言 聖 危

當改者何事,所當新

者何道,固

可見矣。

乎? 老 以 心,而蔽 辨 人乎? 衆人之言可使同也。 感,而 事 所謂質之人言者,當有其方。 下民之言亦可爲 之以 先 朝 足 衆人之智,其 數 以 + 古 其 年,久當大任,天下共知 蔽 爾。 也。 口 臣 勝乎? 察之以 以 欲訪 爲在 欲 的詢之於 是不足 一人之 外 之下民 其

> 子,陛下聞之於有爲之前,而 下 非 之間者,亦可訪 禮而問之,宜 欺 妄人也,知 可信 也。 其 非 也。 覆 以是數者參考之, 敗 及天下所謂 邦家 不在 者 也 今日 臣 督 則 利 人 願 所 害 君 陛

乎? 宗,百世之下頌其聖明。 宗之時有桑穀之祥,高宗之時 之休實, 韶,自新之言,亦常 陛下必能上應天心,召迎和氣。 誠,則天下徒以 二王以爲懼 可 ,將永保丕基於無窮。 以 天下之人,一聞詔音,莫不鼓舞相 臣 動天,在陛下 鑑 願 後 陛 而修政,遂致 代 下因此天戒,奮然改爲,思 爲 之 虚 虚語,其能感天 -誠意 有之,倘 飾,不 天下幸甚! 而已。 王道 近世以來,引咎之 獨 人 消 復興,皆爲 有 君 復災診於今 昔在 臣以 雊 心 不 雉 由 爲 弭 商 之異 慶, 唯 商宗 災 於 \pm 變 至 商 中 謂 至

日

誠

五 三 三

代 富 弼 上神宗皇帝疏 稿 0

而 有 力行之,不勝大願 所 甚切,不忍不言,昧 臣 丽 伏覩太皇太后山 死 」 陵有 以 聞 期,老臣之心 ,惟陛下 深思

陛下之心乎? 始則不知其詳,後則 當損墜。 復深 知之者,無不痛 而 宫之厚度不盈尺,異日以億萬鈞之石,自 骨,大止數寸,不過二三十年,决須摧毀。 能 人之私意,以巨木架石爲之屋,計不百年, 墜,其將奈何? 聽 慮博訪,凡 事 往者營奉昭陵時,英宗皇帝方不豫,未 擴中又爲鐵罩,重且萬斤,以木爲 朝 廷罔 心 百 其 然不知其 後 飲 規 思之及此,骨寒膽喪。 學陵始爲石藏,議者 恨 無以爲計。 書 ,况老臣之心乎? 出匠 制,失於迫卒,不 者之拙謀 士民之間 臣 竊 况 有 高 梓 必 中

下

壞

此 爾 意 主 事會,當爲之謀。 事 今也不幸,太皇太 大 臣 已 悟 昭 陵 之 后奄棄天下之養, 事 獨 陛 下 未 知 因 之

袝。 己。 陵。 皇帝 厚陵石藏之制,仍 議,奉太皇太后合祔昭陵,因得徹去鐵罩, 思安親之道,爲後日之慮,決於聖心 祖之法,循而行之,可無疑 莫大之孝。 石墜,不能 歷代 既合禮典,又 夫以周公之制,仲尼之訓,歷代之舊,藝 神謀聖慮,超越 竊 以周公制合葬之禮 諸 陵,雖 爲害。 復 何 更 順 不 難 别 萬 盡 人情,雖 救 哉? 古,昭 仁 加 一用,亦 皇 裁 也。 必 處,使異日 在 仲 無 憲太后亦合安 多 至之禍 陛 尼 老臣 知之人必不 行 善魯 下 之。 勿 . 斷 願 之而 雖 陛 太祖 人之 成 循 陛 木 用 浮 下

⁰ 此 小字「元豐三年」。 題 涂刻本作「代富弼上神宗皇帝論 永昭 陵 疏,下

理? 爲愚乎? 訓 聰 敢 宗子孫歷世延永,是合葬非不利也 心,責嚴 同穴,未聞 應,貴賤 ,不度事 以 明 者 爲非是。 唐中宗 7,0在 善善 當 且陰 宜,而 思 以 同 陛 但恐有以 爲 愚惑之論,卒祔乾陵。 庸昏之主,尚能守禮法,盡 下 忌 今天下臣 陽之説,設爲可信,吉凶之 睿斷 規規於拘忌者,爲賢 也。 7,不難 獨 陰陽拘忌之説,上 國家忌之,有 庶之家,夫婦 辨 也。 不 其後高 莫 乎? 遵聖 何 孝 義 不 惑

豈獨 愚暗,不能 後 所 皇帝得安全之道,於太皇太后極崇奉之意, 者,欲陛下守經典之訓,遵藝祖之規,使仁宗 世乎? 保者名節而 ,'老臣之心哉? 天下之心莫不然也。 信,試以臣之所陳,訪於群臣,必無以 老臣位至三公,年將八十,復何 曉 復恐陛下謂 達 已,肯以不是事勸陛 事 理。 臣 臣誠 心雖忠切, 至愚,然 下 臣 取 求 而 所言 識 譏 哉 陛 爲 於 ? 慮

> 非者。 之類,孰肯爲此意乎? 碎於巨石之下而 若以臣言爲非 不恤 乃 ", 則 爲 是 是 使仁宗遺骨 也。 凡有 血 聖 體 氣

乎? 情,無一 下 ? 大願 地神靈,必加誅 今遇可爲之時,若更惜情顧己,不能極言 瞽之蔽,不能早知而救之於始,已 臣事仁宗皇帝三十餘年,位至宰 惟陛下深思而 可 且陛下不知則已,今既聞 忍 而不 爲之理,况陛 殛死,何面 力行之,則天下不 目見仁宗 下 之,在常 · 至 仁 爲 大 相 於地 大 人之 孝 勝 天

遂 遂生 之再三,其意甚切,義不可 爲 顧 忠孝罪人 富公見託爲 慮,不克上。 此 奏,頤 惜乎其不果於義 以 拒 拙 於文 數 日 一之間, 辭,辭 也

) 「聰明」,涂刻本作「聖聰」。

上仁宗皇帝書
皇祐二年

草莽賤臣程頤,謹昧死再拜上書皇帝

闕

默 士 死 秋 者,旋復拔擢過其分際,此 地 治亂之因,未有不由是也。伏惟陛下德侔天 言,故視益 諫, 天下治,昏亂 忠臣, 雖 也。 明並 而 以 博采芻蕘,故視 不言哉? 非 盡 臣 桀、紂暴亂,殘賊忠良,然而義士 當言責 其 伏觀前古: 聖明之主, 無不好聞 戮 日 節。 月,寬慈仁聖,自古無 蔽 正士。 而 之主,無不惡 也,苟有 明聖在 今臣竭其愚忠,非有斧鉞之 聽 益 益明 群臣 塞、紀綱 上,其仁 可 而 以 聽益 千載 雖 聞 裨 有 如 廢 聖治,何忍默 過 以言 聰 1,紀綱 天, 而 比,曷嘗 失,忽棄 遇言 天下亂 布 事得罪 衣 不 事 正 之 顧 之 害 Œ 直 而

> 多,而 所懼 議天下之事。 實天下之幸。 心 虞 腹 也 ~,瀝肝 也。 陛下因謂賤士之言無適用者。 所 儻或陛 慮進言者至衆 膽,不見省覽,秪 臣請自陳所學,然後以臣之學 下 少 留聖慮 豊 成徒爲 盡 ,則非臣之幸, 有 取 ,此臣之 臣 狂 雖 愚 披 必

道 故道 天之大命在夫子矣,故彼得自善其身,非至 應 者蓋寡焉。 康,行之不醇。 衰而不振,魏、晉之屬,去之遠甚,漢、唐 之也至易,三代以上,莫不由之。 舜,仲尼述之爲仲尼。其爲道也至大,其行 爲聖人,賢者由之爲賢者,堯、舜用之爲堯、 非 時 大 而 非大成,不苟於用。 臣所學者,天下大中之道也。 作者也。 成,不苟於用,顔 道必充於己,而後 自古學之者衆矣,而考其 出處 無常 回、曾參之徒是也。 然亦有 ,惟義所在。 施 不私 以 自秦而下 聖人性之 及 其身, 所謂 小

聖 也。 所 者,生逢明聖之主,而天下有危亂之虞,義豈 思致天下於三代,義不得自安而作也。 可苟善其身,而不以一言悟陛下哉? 人 謂 則 亮感先主三顧之義,閔生民塗炭之苦, 不 私 不 其 出 身, 也。 應時 在於平世, 而 作者、諸葛亮及臣 無所用者亦然。 如臣 故 日 是

危亂而 之積 臣請 爲 安乎? 薪之下而寢其上,火未及然,因謂之安 明 臣 其 請 不思救之之道? 如曰安且治矣,則 未然。方今之勢,誠何異於抱火厝 議天下之事。 危乎? 治乎? 不識陛下以 亂 乎? 烏可 今天 下 知

出

處無常,惟義所在

延息以待,一歲失望,便須流亡。以此而言,食。今天下民力匱竭,衣食不足,春耕而播,固本之道,在於安民;安民之道,在於足衣固本之道,在於安民;安民之道,在於足衣《書》曰:「民惟邦本,本固邦寧。」竊惟

方有 路 求,竭民膏血,往往破産亡業,骨肉離散。 財 後 必 本未得爲 人觀之,猶可 轉 用,常多不足,不足則責於三司,三司責 壅蔽陛下聰明,使陛下不得 不忍使之困苦 運。 事,則多非時配卒,毒害尤深。 轉運何 固 也。 傷 所出 痛 臣 一至於是。 料 ; 陛 ? 陛 下爲 誅剥 下仁慈,愛民 民 臣 於民 而 竊 知 父 疑 爾。 母 左 急令誅 今國 如子 豈 右 或 不 衆 家 前 兀

矣。 姓困 忘爲 踰 明道中,不知國家何以待之? 瓦 至天下,率無二年之備。 解 百 .苦,愁怨之氣上衝於天,災沴凶荒,是所 備,必有九年之蓄,以待凶歲。 萬、既無以供費、將重斂於民,而民已 强 之勢,深可虞也。 民無儲備,官廪復空。 敵 乘隙於外,姦雄生心於内, 太寧之世,聖人 卒有 臣觀京師緣邊 坐食之卒,計 連 歲 凶災,如 况 則 今百 猶 土 崩 散 以 不

憫哉?

懼哉 下承祖宗基業,而前 召 金之産,子孫不能 也 陛下 能 保 其 守,則人皆謂之不孝。 必 有土崩瓦解之勢,可 無乎? 中民之家有 陛 不 +

哉 ? 飢 屢起,儻稽撲滅,必多響應,幸而尋時盡能誅 誓。 敢 民,苦毒尤甚。及多逃散,重以軍法禁之,以 策 「無恒産而 至人心大怨,皆有思寇之言。 天下太困。 兵則用不足,省其戍則力弗支,皆非長久之 今日之計乎? 寒 以 也 既 聞 果能 戎 非民 **狄强** 聖 切 前者昊賊叛逆,西垂用兵,數年之間, 以 一聽,顧 於内,父子不 無 有恒心者,惟士爲能。」彼庶民者, 一盛,自古無比,幸而目前尚守盟 金 蓋内外經制,多失其宜,陝西之 良 常厭: ,政使然也。 則夫沿邊豈宜無備? 恐陛下 其欲乎? ·亦頗 相 保, 當 知之。 。 悖逆之深,不 能 時秦中 尚 必 能 料 故曰: 顧 其 -,寇盗 忠義 益以 常 爲

> 堪矣。 慮乎? 剪。 魂飛 景祐以前。 圖,遂且 兵,内釁將生,言之可駭。 越。 尚賴 况爲患者,豈止西戎? 其謂制之無術乎? 詭 社 不知朝廷議者以爲如 辭 復有加曩時之役,臣愚切恐不 稷之福 稱順。 西 向 若 虜 更相 亦 今天下勞弊,不 疲, 臣每思之,神 牽制,未得 何,亦嘗置之 彼 知 未 可 能 比 休 遠

可痛 者,以陛下聖明 Ш 我太祖之有天下,救五代之亂,不戮一人,自 月易失,因循不思,事勢觀之,理無常 古無之,非漢、唐可比,固知趙氏之祀安於泰 下宜早警惕于衷,思行王道。 也。 然 臣竊謂今天下猶無事,人命未甚危, 而損陛 臣料群臣必未嘗有爲陛下陳王 下之聖明,陷斯民於荼毒 ,豈有言而不行者乎? 不然,臣 爾 恐 道 雖 歲 陛

堯、舜之仁也。然而天下未治者,誠由有仁竊惟王道之本,仁也。臣觀陛下之仁,

敷 ? 而 罪者,則終身棄之。 所,未嘗以一喜怒殺一無辜, 官吏有犯入人 王之道也。」陛下精心庶政,常懼一夫不 几 邪侈而 下必深惡之,然而民不知義,復迫困窮,放辟 可行於今邪? 下愛人之心哉? 也」? 三代之民,無是 而 方,爲盜賊,犯刑戮者,幾千萬人矣。 凶年飢歲,老弱轉死於溝壑,壯者散 而 無 民不被其澤,不可法於後世者,不行 則教化,聖人之妄言邪? 則何異於刺 仁 人於罪者,非陛下陷之乎? 政 爾。 州縣之吏有陷人於辟者,陛 故 必謂歲使之然,非政之罪 人而殺之,曰「非我也,兵 是陛下愛人之深也。 孟 病 子曰:「今有仁 也。 豈三代之政不 必謂 豈陛 心 而之 獲 其 然 其 先

者,未之有也。

賢 求賢 也 ,本爲治也。 天下之治,由得賢也。天下不治,由 世不乏賢,顧求之之道如何爾。 治天下之道,莫非五帝、三 今夫 失

> 相; 所得大小 帝、三王、周公、孔子治天下之道者,各 令。各得其任 之術者,使爲刺史,有治縣之政 王、周公、孔子治天下之道 有卿大夫事業者,使爲卿大夫,有爲 而用之。 ,則無職 有宰相事業者,使 不 舉,然而天下 也。 求乎 者,使 明 ·弗治 爲 於 爲 以 縣 郡 宰 其 Ŧi.

聞

心

以 以 I, 者 爾; 其善也,不亦 則未嘗學之。 教化之本,豈嘗知之? 止一二人而已,又所得不過 也。 取 來,得人不少」,愚瞽之甚,議者至今切齒。 明經之屬,唯專念誦,不曉義 詞賦之中,非有治天下之道也,人學之 科第,積日累 國家取士,雖以數科,然而賢良方正 最貴盛者,唯進士 難乎? 譬如胡人操舟,越客爲御,求 久,至於卿 往者丁 居其位,責其 科,以詞 博 度建言,「祖宗 相,帝王之道, 聞 理,尤無 强 賦 記之士 聲律爲 (事業, 歲 用

使墨論墨,固以墨爲善矣。

以 聖人之道乎? 玉工 皆云 而 王 思以治後世,而 爲是矣。 無 無 示 道 玉 惡 八音之美,其曰 而 人? 術 哉? 八音,聞見限也 爲是乎? 工,日 可行,其 人主往往惑於其言。 時異事變,不可復行,此則無知之深也。 今天下未治 求之失其道 何則? 王道之不行二千年矣,後之愚者 玉也, 示衆人, 曰石 猶 從衆人之言乎? 詰 愚者謂 以衆人爲然乎? 誠 識 不然 瞽者以五色之鮮, 與 由有君而無臣也。 爾 不可行於今。 不識也。 宜也。 苟欲1 今有人得物於道, 取 彼非 也。 謂衆 聖人垂 士必得,豈 必以玉工 則 憎 詢 則將 豈 當以 聾 人 Ŧi. 色 者 以 守 世

曰:「以齊王,猶反手也。」又曰:「師文王,下憂慮天下之心行王道,豈難乎哉? 孟子臣觀陛下之心,非不憂慮天下也。以陛

者也。 祖 豈 匹夫猶當行道以顯父母,况陛下貴爲天子, 慮之難· 陛下居天子之尊,令行四 諸 身行道,揚名於後世,以顯父母,孝之終也。」 苦不避也。今陛下行王政,非有苦身體勞思 年於外,三過其門而不入,思以利天下,雖 王政,奚啻反手之易哉? 大 考, 侯 國 不發憤求治,思齊堯、舜,納民仁壽,上光 之位,一國之地 五. 垂 年,小 也,何憚而不爲哉? 休 無 或 窮? 七 年, 凡 , 五年可 必 所謂孝,無 爲 海 昔者大禹治水,八 政 《孝經》曰: 如風之動,苟 以 於天 \pm 天下。 下 大於此 立

當 端,條而舉之,不可得 言,願得 不及歷指政治之闕 以 臣 王 道 以謂:治今天下,猶 也。 面天顔 然 而 ,罄陳所學。 门, 但 行王之道,非 而 明有 治也。 理 危 亂 故臣 亂之虞,救之 如或有取 絲,非 可 前 二而 所陳, 持 其

爲

下 其大用之; 不虚受陛下爵禄 其置之左右 若行 , 使盡其 也。 而 不 効,當 誠 服 苟 實 罔 上之誅, 可 用,陛 亦 下

曾祖 矣。 使 不 則 自 博 家録先世之勳臣,父珦又蒙延賞,今爲國 遇之厚,群臣無比,備存家牒,不敢繁述。 祖 羽、太祖朝年六十餘、爲縣令,一言遭遇、聖 識 [特加拔擢,攀附太宗,終於兵部侍郎。 士 近 可,此乃自負陰私,懼防詆訐 臣 上 陛下問 進 事 臣料天下受國恩之厚,無如臣家者。 希 見,宜 一側。 以 非 振,既以父任,後祖遹復被推恩。 來, 思爲 有横草之功,食君禄四 一群臣,群臣必謂寒賤之士,未 自臣 無 疑 思之,以爲不然。 也。 國 家盡 或者更爲 死,未得 者 世,一 强 也 詞 其路爾 臣 言 百年 高 子 其 臣 或 臣 顧 祖 可

心,以生民爲念,黜世俗之論,期非常之代望陛下出於聖斷,勿狥衆言,以王道

極,臣 功。 陛下特留意焉。 之視今,猶今之視昔,則天下不勝幸甚 賢,然臣之所學,三子之道也。 昏,料陛下亦嘗笑之矣。 臣雖 之策,不至於道 王,而不用仲舒之策; 昔漢武笑齊宣不行 一頤昧 死頓首謹言 ,而不聽王通之言。 臣愚無 隋文笑漢武 任 孟子之説,自 踰 越狂 不敢望三子之 陛 狷恐懼之 下勿使 不 二主之 用 致 仲 後 不 望 舒

伊川文集卷之一

伊 川文集卷之一

表 疏

辭 京國 教授 元豐

免

西

子

盘

表

八年

+

月

承明 國子監教授者。 道,伏蒙聖恩,授臣 命,不任震驚。 臣 頤言: 今月 臣 日 愚 中 謝 汝州團練推 陋 准 小 汝州 儒 牒, 晦 官,充一 處草野,忽 送 到 西 京

舉? 聞 焉能 伏念臣 所 教人? 降 才識迂 命,不 豈 敢 疎, 敢當受,謹 貪 學 冒 術 寵 膚 榮, 淺 奉表 致 自 朝 辭 廷 治 免 於 不

以

誉

過

足

再 辭 免 表

禮部 符,奉聖旨,不 臣 頤 言 今月 許辭免恩命者。 日 准 汝 州 牒 備 中謝 到 尚 書

之至。 其 道 充取 貪寵 位 拔 足道哉? 盡 舉也何爲? 之以官,則天下 用,足以爲後世之光。 其 ,則天下聳動,知朝廷急賢,不特濟一時之 一人於 献 畝之中,宜得英異之才,寘之於 ,雖聖賢 臣之心 辭 禄,以速戾厥躬? 伏以皇帝陛下 也。 冒 以求 臣願陛下 犯 臣之受也 亦將爲陛下出。 · 何望? 天嚴,臣 真賢,求之以 嗣 擴知臣之明 位之初,方圖大治,首 一何義? 是以 今乃取庸常之人,命 後世 無任 罔虞刑 何 戰 其 况 親? 臣 恐 如臣者,何 方,待之以 以 雖 激切屏 照四方, 威,而必 至愚,敢 朝廷之

辭 免 館 職狀元祐元年閏二月二十四 H

闕 事具 伏 子 聞 恩 不 念臣 監 敢 命 命,義理未安。 公當受。 存。 祗命 教 震 伏蒙聖恩,授臣宣 驚,不 草萊之人,既蒙賜召,禮合見君 授,方再 伏 而來,未獲進 伏候 望 知 一聖慈,令臣 具 所 、勅旨。 况 辭免,奉聖旨,令乘遞 措。 祖宗 德郎,秘書省校書郎 臣 見,遽然有此除授。 人 朝 昨 見。 蒙 布 衣 恩 所降 被 ·, 授 召 西 1者,故 , 先受 「京國 馬赴 命,

可

不慎哉

?

觀

乞 再 上 殿 論 經 筵 事 劄子

蒙俞 德 程 音 頤 允。 新 除 右臣 授 臣 汝 臣 崇 昨 州 輒 政 有 日 團 殿 愚 H 練 説 一殿 推官, 誠 書。 解 昧, 昧 免前 死 西 臣 京 上 雖 聞 降 國子 瀝 天 恩 懇 監教 聽 命 辭 避 授 面 奉 臣

> 之明 經筵 何者 曯 竊 遽加 然 蓋非常之舉,朝 荷或 以 臣 知 擢 方 不當,則失望 任? 獲 則哲 進 對 今取 帝 於頃 廷責其 堯 臣 所 刻 於今而 於畎畝之中,驟置 難 之間 報效,天下之所 0 雖 、陛下 貽譏於後, 陛 下 見 聖 其

賜 無舉 才不 爲不誤,臣之受命 子三道,言經筵事 俞 足 允,臣無 動之過,愚 臣 亦 用 未 也 敢 任 固 必 臣 可 辭 得 爲 聽 去就之宜 其 無 所 只 乞再 言 辭 愧 避。 而 ; 所言 是, 令臣 如 則陛下 伏 此 而 上 望聖 非 殿 則 是 用 慈 進 朝 其 廷 臣 劄

貼 黄

臣

不

候

命

下,

便

有

奏陳

蓋

欲

朝

廷

處 於未授之前,免 煩 回 .改成 命

貼 黄

如 以 臣 昨 H E 上殿,只 (乞旨) 揮 許 臣 實

川文集卷之一

五四

五四二

無 封 異 劄 子 進 呈 逐 分 明 貼 黄 亦 與 П 陳

論經筵第一劄子

者,亦必延名德端方之士,與之居處,使之薰 昔 與 必 周 成 智長,化 正 者 成 性。 周 王 事 臣 伏 公輔 所聞 故 成 觀 與 日 自古人君守成 王之所 心 必正言,左右前後皆 二少 作 成。 「傅」。 成若天性 以 今士大 成 成 王 德 而 由 由 ,習慣如 幼 大夫家 致盛 而 周 習之, 公之輔 IE. 治者,莫如 善教子 自然」。 人,故習 所 養 弟 見

親 道 而 於天禀,而輔養之道不可不至。 寺人宫女之時 己。 非謂告詔 伏以皇帝陛下春秋之富,雖睿聖之資得 大率 以言,過 日 少,則 之中,親賢 而後 自 然 諫 氣質 士 也,在 大夫之 所謂 人變化 涵 養 輔 時 德器 養之 薰 多,

> 乞頻 乎 ? 意略 開經 福 情 殿 備 講 成 則生愛敬,此所 與近習處 在深宫之中,爲益豈不甚大? 物 召 訪 讀 就 出 既 態 問 筵,講讀 見,從容宴語。 天下之事,無急於此。 不 今主上冲幼,太皇太后慈愛,亦未 稼 相接。 罷,常留 欲 但時1 乞朝 久熟則生褻慢,與賢 皇帝習讀之暇,游息之間 穡 數行 艱 見講官,久則自 廷 如 以 二人直日 難 慎 此 養 ,群官列侍, ,積久自然通達。 選賢 而責 成聖德,爲宗社 不獨 德 夜則 輔養之功,不 漸 之 取 磨 士 然接 進 士大夫 儼 道 竊聞 止 義 然 人 以 熟。 至 至 時 直 待 而 間 比 生靈之 處 退 宿 勸 之常 於内 久熟 亦 H 大 敢 於 講 抵 情 便

貼黄

爲 未 功 煩 則 如 臣 易 竊 此 料衆 此 發然後禁,禮經 乃淺 人之意,必 近之見。 以 所 爲 夫 非。 幼 皇 帝 而 古 習 尚 幼,

以自能食能言而教者、蓋爲此也。

第一

身體 規過 體 師 道 之法 而 後 臣 之教 世作 聞 不 復 \equiv 知 訓 代之時? 無 養 事 (德,傅 聞 無 傅, 焉。 本, 德義 傅 人君 知 其 求 必 之道 治 德 有 義; 而 師 固 不 保,保其 傅保之官: 己 知 疎矣,保 正 君, 身 知

臣,並 器 臣 上前 慎之心。 好之過; 古,皇帝陛下春秋之富,輔養之道當法先王。 以爲: 翫皆須質朴,一 伏惟 選年四十五已上厚重小 要在 保身體者,在 傅德義者, 臣欲乞皇帝左右扶侍祗應宫 太皇太后陛下,聰 侈 靡之物不 應華巧奢麗之物 在 乎 乎 接於目,淺俗之言不 適 防 起 見 明 心之人。 居 睿 聞 哲,超 之宜 之非 不 得 ··, 節 存 越 人 服 至 千 内 畏 於 用 嗜

> 翦 人 11 伺 桐 候 於 之戲 皇帝 耳。 調護聖躬,莫過於此。 起居。 則隨 及乞擇 事 漁規. 凡 内 動 臣 ,違持養之方則應 息必使經筵官知之,有 + 人,充 取進 經 止 筵 祗 應, 以 諫

貼 黄

食,皆當使經筵官知之。 皆在經筵,皇帝在宫中語言動作衣服飲

第三

前 之君 苟 百 自古同 非 官 王之德 無 畏懼 知 臣 患 道畏義,所 竊 不 治 莫敢 以 以 驕 人主居崇 寅 蜀 肆 ; 畏 所 仰 英 祇 養 視 繫 明之主,自 如 懼 也。 萬 高 爲 此,其惑 之位 方承 故 首 周 奉, 持 公告 從 然 可 古 所 威 滿 知 欲 以 成 福 假 來,未 王 之 隨 中 柄, 稱 得 此 常

五四三

有 不 尊 賢 畏 相 而 能 成 其 聖 者 也

令坐講 皆 歲 輔 坐, 月積習,自成聖性。 養聖德,莫先寅恭,動容周旋,當主於此 皇帝 而 不 講 取進止。 陛下未親 惟 者獨立 義 理 ,於禮 爲 庶 順,所以 政,方專問學。 臣 爲悖。 竊聞經筵臣寮侍者 養主上尊儒 欲乞今後,特 臣 以爲 重

貼 黄

不 · 坐。 講 竊 欲 聞 乞别 講官 在 御 人 案旁, 指 書,講 以 手 官稍 指書,所 遠 御 案 以

貼 黄

臣

竊

意

朝

廷

循

沿

舊體,只

以

經筵

爲

坐

筵: 美 事 天下 臣 治亂繫宰 以 爲 天 相,君德 下 重 任 成 唯 就 宰 責 相 經 與 筵。 經

由

此言之,安得不以爲重

辭免崇 政 殿 説

德音,已嘗瀝 通直 郎, 臣 頭言: 充崇 懇解 政 准 殿 閤 避。 説 門 書 告 者 及繼 報 伏 有 臣 蒙 陳 昨 聖恩, 奏,愚 上 殿 誠 面 除 奉 臣

竭,天聽不回。

中

謝

其 不 感動 今臣 前古 恨弗 必 欲善辭説 信 欲 ,冒犯天威,而盡 則 君臣 獲。 志行。 可 道 通 人主之心 竊 未 以 於 也。 神 道合 儒 於進對之間,爲 臣 行 於 何 者 明 自 臣 乎? 光於 得 家室,善未 人哉? 昔抱道之士,孰 是 靡不 以 以 經 其區區之説 欲 四 由至誠感動,信以發志。 苟 術進 [海,久 進 有此遭遇。 不 ·度其 信 而 一時之觀 説 思義 於鄉 誠 於人 誠之未至,而 不 而 ·願之? 黨,何 主之前 無 喜 然臣竊觀 斁, 臣 則可矣, 時 足以 而 愧 知 顧

德,爲 免 以 旁加收擇,期得出類之賢,寘諸左右 海宇之廣 當 以 輔 聞 重任 伏 廟 養 以 社 (聖性。 ,賢俊至多。 皇帝陛下春秋之富,方賴 生靈之福 所 有 勸講之職,任莫重焉 臣 如臣之愚,實 願 朝廷 博謀 謹 左右 輔 懼 奉表辭 群 成聖 不 前 竊 臣 足 後 惟

再 辭 免 狀

上

辭 免。 臣 臣 准尚 蒙恩授 聞 古之人見行 書省劄子,奉聖旨,不許辭 通 直 郎,崇政 可而 後仕。 殿説書,尋具表 臣 雖 免者。 至 愚,

乞許 道 讀 可 書爲 用 ,未聞進止,伏望聖慈,更賜省覽。 則 臣 儒 辭 臣受命,不敢 避 ,敢不先民是憲? 所 貴 朝 廷 復 辭; 無取人之失,小臣盡 或狂妄 臣 近 進劄子二 無 如小有 取 則

> 誠 進 願 退之道 賜 開 納。 臣 Ш 伏 野之人,不 候勅旨 能 文飾 傾 竭

悃

乞六 **參日上殿劄子**元祐元年四 月

厥辟, 德。 講 明 臣 出 經 竊 入起居者焉。 義 以 朝 ? 廷置勸 所 以 薫陶 講 之官,輔 宜 性質 朝 夕 古所知 納 導 誨, 人主 謂 以 承 一,豈 輔 弼

止

勸 問 筵 輔 甚 齊聖,而欲 數月之間 講 聖 ,每遇六參日,宰臣奏事退,許講 非 養之道,豈 之禮 先王輔導養德之意。 體 自 來 數 暑 亦當然。 ,講讀官無 旦夕承 熱罷 日 미 疎略? 對儒 講,直 弼。 伏望 由 臣 進見。 今乃數月不 聖慈 一,不惟· 至 如 中 方主上春秋之富 此 特賜 秋, 臣 有益 夫以 欲乞未 方 俞允。 讀官上 接儒臣 文、武之 御 人主,在 經筵。 御講 一殿

五四五

上太皇太后書元祐元:

太 后 六 陛下。 月 日, 具 位 臣 程 頤 味 死 再 拜上 書 太

半。 往 揚巖 之初 蓋 命。 斯 勸 太后陛下臨朝,求賢願治,大臣上體聖意,搜 之不足,不願仕 道爲事,於兹幾三十年矣。 0 時 臣 人者,處賓師 臣 屢 促臣 ,未有意於仕 臣門下學者,促臣行者半,勸 穴,首及微 臣 勿 以 愚鄙之人,自少不喜進取,以 行 爲 爲 行者則曰:「君命召,禮不 者 當塗者稱 召 則 而 也。 曰:「古之儒 賤,蒙恩除西 之位,不往所以 不 也。 往 薦。 及皇帝陛下嗣 惟 辭避方再, 臣 子 當英祖 於 思、 者, 京學官。 斯 孟 規 時 召 臣 而 朝 位,太 其君 軻 之 讀 俟 勿 遽 自 暨 則 臣 則 一神宗 駕 行 有 顧 書 也。 可。 不 皇 者 召 於 學 求

> 言及朝 親 於 方 有 己 常憲 仕 以 之微賤,食土之毛 奉 德音,擢至經筵,事出望外,惘然驚惕 義 也 政。 是 辭,遂蒙召對。 進 以奔走應命 陛下視臣,豈求 至 簾前,咫尺天光,未嘗敢 而 爲 臣於 到闕,蒙恩授館 王 民, 進者哉? 斯 時,尚未 召 而 不 至,邦 有意 既 以 職, 而

爲 乞聽 小 或 萌 以 常之遇 矣。 斯 妄也,臣於是受命 有 未 審 時,●雖 可 臣 辭 用, 也。 尚 竊 避。 ,使臣自擇所 慮 内思,儒者 章 再· 故 陛下貪賢樂善,果於取人,知之 則敢 以不才而辭,然許 又 進其狂言, 上,再命祗受,是陛 不 就職? 得 處 以道 供 亦無過 職 以覬詳察。 學輔 或 而 來,夙 國之心,實 狂妄無 於此矣。 人主,蓋 下不 夜 取 畢 日 精 以 則 如 E 臣 非

[「]以」,陳刻本、涂刻本作「於」。

❷ 「曰」,陳刻本、涂刻本無此字。

舜之治,廟社固無窮之基,乃臣之心也。竭慮,惟欲主上德如堯、舜,異日天下享堯、

覽,不勝幸甚 品 惟至愚,蒙陛下特達之知。 道,敢有不盡? 有之矣, 至於愛君之心,事君之禮,告君之 區之誠, 臣 本 山野之人,禀性朴直,言辭鄙拙 庶幾毫髮之補。 上賴聖明,可以昭鑒。 遭遇如 惟陛 下留意省 此,願 臣 則 効 自

可 世之見,以聖人之言爲可 公。周公之爲,萬世之法也。 而 至急,爲宗社生靈 欲興致太平,前代英主所不及 道,開納忠言,委用耆德,不止 必 日,天下之事不足慮也。 伏以太皇太后陛下,心存至公,躬行 歷觀前古,輔 勿 狃 滯 於 近 長 規 久之計, 養幼主 勿遷惑於衆 必信,先王之道 臣以爲今日 之道 臣 惟 也。 維 是 願 持大業,且 莫 陛 輔 但能 備 養 下 至大 擴 於 上 日 高 周 德 慎 古 大

> 端爾。 者鮮。 講,知書内侍可以 求賢德哉? 書史,覽古今也。 成。後世不復知此,以爲人主就學,所 古人之意,人主跬 以旦夕承弼厥辟,出入起居,罔有不欽」。 已。又曰「僕臣正,厥后克正」,又曰「后德 道,而位勢使之然也 有道之君至少,其故 歷考前史,帝王 涵 臣,不德惟臣」,又曰「侍御僕從,罔 之書,舉言常伯,至於綴衣虎賁,以 養氣質,薰陶德性,故能習與智長 所謂:「 若止於如是,則能文宫 篇之中,丁寧重複,惟 周公豈 大抵 才質,鮮不過人。 不 充 步 人主受天之命, 欺我哉?」周公作《立 輔導,何用置官設 知涉書史,覽古今,乃 不 何 可 . 哉? 離 正 皆輔 人也。 人可 在 禀賦 然而 養不 此 爲 (, 化與 匪 以 蓋 知 自殊。 正 得其 完德 備 以 事 所 恤 政 勸 惟 兹 涉 以 而

伏惟皇帝陛下,天資粹美,德性仁厚,必

先 言 稍 本之論 同矣。 以 者立 爲 薰聒,使盈耳充腹,久自安習,若 之法,以豫爲先。 歲 職 便當以格言至論日陳於前。 他 所 鑠於外,欲其 長,私意一作「思慮」。 以 有 , 豈有太早者乎? 言惑之,不能 案傍,解 來,六侍講筵,但見諸臣拱手默坐,當 宋 益幾何? 或以爲主上方幼,且當如此。 令主 也。 古人 但 釋 恨 純完,不 數 與周 生子,能 人之幼也,知思未 輔養之道 人也。 行 而 偏 公輔養成王之道,殊 退。 미 好 食 若爲之不豫 得 有 生於内,衆 能言而教之大學 雖未 如 也。 未 此 至 固 曉 故所急在 雖 爾 有之, 有 知 此不 彌 及 所主 且. 口 年 臣 辯 乎 雖 當 知 講 不 積 供

遊 禹 須 ,作傲虐」。 過 泉 慮 或又以爲主上天資 陶 未嘗 此 尤 忘 且舜之不爲慢遊傲虐,雖 非 規戒,至 至論 至美,自無 夫聖 曰 無若 莫 聖 丹 於 違道 朱 舜 好 至 愚 慢 而

> 殿。 亂,年 哉 ? 儆戒 亦 爲慮豈 常乎? 當 不六七年,復欲治乾陽殿。 知之, 之道不得 以 亦長矣,始惡隋 不深遠也哉? 所以聖賢,雖 唐 豈 太宗之英 禹 不 而 不 如 知 睿, 是 明盛之際,不 煬 乎 况冲幼之君 也。 侈 躬 ? 麗 歷 且 蓋 毁 艱 處 是人心 難 宗高 心 其 開那 廢 層 豈 力 之位 規 有 果 觀 平 拂 常 可 廣 禍

此。 然未 苑清 不親 也? 蓋踰 通 今乃三月不 一見儒 違之道,可少懈乎? ,不三五次,便當習熟。 有 又 儒 涼 三月。古人欲旦夕承弼,出 伏自四月末間,以 今士大夫家子弟,亦不 深 處, 士。 益,亦 人 召見當 獨 初秋 對對 使 與與 漸涼,臣欲乞於内殿 日講 天 臣,何其 衆 下 暑熱罷 官,俾 見 知 若不 不同,自 太 皇 -肯使 與古人之意 陳 講,比 ·如此 太 説 人 經 后 然 起 道 至 情 用 義 時 居 或或 中 意 累 意 7,待 秋 縱 後 異 易 如 月 而

來 其 伏 自 假 然, 既 是 開 輔 導 且. 官 乞依 都 舊 不 爲 輪 力,將 次直日 安用之? 所貴常 得 將

員

古也。 切。 内 臣 爲,必無不當。 覺 知 日 亦 令二人入侍,一 讀之書,亦使讀之,辨色則入,昏而 二已下,端謹 嚴 其 至 勿禁止,唯須言語 故周 二人,隨逐看承,不得暫離。 開 益 憚 資 發之道 臣欲乞擇臣 善堂、呈所習業。 公輔成王 年纔十三,便令罷去,歲月之間 穎 蓋自 真 人更休。 悟者三人,侍上左右。 廟使蔡伯希侍仁宗,乃 ,使伯禽與之處。 寮家子弟,十歲已 有方,朋習之益, 必正,舉 講官常 每人擇 動 必莊 加 常情 有 罷歸。 年宫 教 聖人 最 上, 勸 笑 仍使 上 爲 常 使 所 師 所 + 至

而 自 又 來 間 字 H 臣 講 十日 讀 則 史官 至 經 筵,亦 人立 一侍 止 於 默 史 坐

講讀 臣,動 之初, 之職 得 甚熱,而 士講 學,不得不改。 游 講 和 前 欲乞今後, 祖宗之時, 之職,置來已久,乃是講説之所。 就崇政殿講説,因令史官入侍。 次,與文彦 其志 爲 時 置 疑 便? 論, 官、 御 虞 言 至 宜 作 得 座。 簾 講官 内 亦 心泰 有 肄 動 乎? 臣 多 春 博 失,旁立史官,言出 下 偶 只於延 必 太皇太 觀 近三十人在其中。 在殿上,蓋故 然 夏之際, 已流汗。况主上氣 同 體舒,乃 書 之所 講 在 赴 欲乞特降指 欲發於言, 施 官 經筵。 和 彼, 乃 后 於 進 殿 每 人氣 能 執 視 燕 説 講 遇 爲 悦 政 處 遇 讀 政 事 典 懌。 之 也 不 宰 敢 揮,宰臣 也。 事 故 時 惟 輒 後 臣 乎 稀 崇政 今則 主 則 省 四 書 ? 漢、唐 赴日 體嫩 楹 殊 深 邇 簡 F. 察主 月 口 英 垂 無 可 聖 間 殿 深 方 使 前 弱 迫 簾 慮 義 月 尚 命 説 即 妨 對 問 經 F 體 1 狹 理。 也 未 儒 進 書 乞 兩 問 欲 大 筵 康

間 業 可 煩 勞聖 於於 忇 事 意 陛 躬 不 下 限 少 聖 以 有 聰 日 當 未 數, 奏 必 . . . 但 無 旬 便 補 月之間 得 上 兼 聞 講 意 官 滴 亦 輔 則 不 導 往 之 可

職 戒 謂 之 蒲 者 敢 雖 可 兼 不 「, 非 於 則 蘆 事 也 言告君之道 兼 見 領 他 武 喻 别 他 也 職 今講 紛 思 亦 官 教 職 也 紛 存 臣 悲 其 如 蓋 讀 前 近 其 謂 誠意,不能感而 誠 而 不妨講 是。 官共五 惜 乃 復 思 後 擊 以 ,只以 無 覬 人才,不 兩 差修國 慮 之 誠 古人 感 讀,此 得 待 化 則 人,四 人 動 告 進講 之也。 哀 專職 所 於 至 衆 欲使之閑爾 子 誠 以 上 尤不思之甚 上 人 未嘗 人皆兼要職 監 齋戒 輔 心。 人也。 言之。 前 意 太學條 今夫鐘,怒 導者 之 而 然 1敢不 若使 感 告君 執 後 故 夫告於人 而 制 善 宿 聖人 誉 也 又以 政 者 人 其 誉 Ź 齋 而 是 獨 也 豫 何 擊 以 意 爲 亦 辭 於 不 臣

> 使天 夜 未 職 鑒 雖 者 説 聞 精 能 輔 知 不 徒 下 導, 遽 之,必以 思 能 以 罷 知 竭 以 曉 頰 極 朝廷 朝 誠 也。 舌 且 非 廷之大,人主 過當。 乞免臣 感 專 爲迂誕。 以 道 人 在 爲 衰學廢,世 輔 重事 不 修國 今諸 導 亦 陛 不 淺 子 之 不 臣 下 平 以爲 惟 監 所 重 高 ? 俗 事 條 兼皆要官 識 ,置二三臣 何 閑 此 理 制 遠見,當 嘗 所 理 當 俾 聞 非 也 然 臣 此 知 月. 專 學 夙

者,覬 不自 書,聞 哉 聰 説 竊 近 於人主之側, 年信從 以聖人之學不傳久矣,臣 則 度量 陛下 聖人 聖 如 能 陛 傳 人 者 · 擇 臣 ,以身任 道 之 於後 下 亦衆。 未 道 於 臣敢 世。 使 以 有 草野之中 道。 臣 臣 可 方將區 不 不 得 言 行 以 天下駭笑者 虞天幸之至, 以 爲 之 其 聖人之學 品 信 望 所 幸 蓋 駕 學 得 豈 何 以 其 H 之於 不 特 其讀 説 報 雖 臣 上 得 以 聖 遺 多 聖 之 賜 沃 備 明 示 幸 聖 學 人 而

問? 臣當陳聖學之端緒,發至道之淵微。

誅 陛 殛 下 聖 鑒 臣 愚 高 不任怨悃惶懼 明 必 蒙 照 納。 待 罪之至。 如 其妄僞 願從

辭免判登聞鼓院奏狀元祐元年八月

言。 專任 賜省覽, 不 差 令辭 傾 敢重 臣 瀝 兼 免。 臣 前 悃 疊叙 權 今月二十二日, 件 臣 誠 惟求 判登聞鼓院。 冒 昨 勑 上 陳。 瀆宸嚴,臣 於六月中 命 義理之當,不以 煩天 不 敢 伏望聖慈將臣 聽。 當受,伏乞特降睿旨,許 所進 無任 准尚· 竊 臣 以 不 文字,論之甚詳, 書省黄牒,奉 勸 敢避斧鉞之誅 臣 講之官,體宜 微 前來文字再 賤 而 廢 其 勑

貼黄

講 説 日 自 來 或 鼓 有 院 急 官 訴 出 訟 人 以 必 時 須 留 若 滯 使 兼 伏 領 望 聖 遇

慈特賜詳爽

再辭免狀

大本。 人主 盡 伏 臣 廢 爲學,今時之務,皆所 竊 世之盛談。 勸 天 鼓 闕。 威 謂 院, 候 愚 講 其區區之誠。如陛 勅 不 圃 ,甘從顯戮。 失朝廷用 之列,天下聳然知 臣 奉聖旨 若得專心致志,窮研聖學,以 **豈特一時之美** 旨 勝至 談道德,出 准 尚 願 書 今復命臣 不許辭 人之體。 省劄子,以 伏望聖慈矜察,特 則坐司局 既荷 事? 下擢 免 兼判鼓院,使臣 未諳,使 陛下崇 朝 者。 况臣 臣 廷 臣 足一作 而領 辭 微 寬大之賜 禀性 草野之中,置之 免兼 臨 儒 賤 訴訟 重道 小官 事 朴 將」。 權 許 備 局 愚 判 留留 顧問, , 必 辭 登聞 唯 臣 則 爲 敢 冒 免 致 侍 愚 後 復 知 凟

論冬至稱賀劄子元祐元年

爲: 講 下。 喪之禮。 敢不言。 ,職在以經術輔導人主,見此違經失禮,不 節序變遷,時思方切,若受表賀,大失居 臣欲乞特降中旨,改賀作慰。 臣伏 取進止。 萬方後世,輕笑朝廷,無以 聞冬至 日,百官拜 表 稱 賀。 臣備員 風化 臣 勸 天 以

貼黄

蓋前非,改過不吝,成湯所以稱聖也。受賀表,不欲改更,此甚不然。後是可以臣竊慮聖意,以去年冬至及今歲旦已

又上太皇太后疏元祐二年春

臣頤傾竭愚誠,冒聞天聽,狂妄之誅,非

所

敢

心者。 取 臣彷徨疑慮,不能自已。况臣所言,非出己 講 雖蒙覽,而未察愚意。 意,皆先王之法,祖宗之舊,不應無一事合聖 親道德之士,豈可以狂妄之人置之左右? 廷寬大,不欲以言罪人,然主上春秋方富, 言甚多,如皆不可用,其狂妄亦甚矣。 事,已踰半年,不蒙施行一事。 昨於去年六月中,嘗有奏陳,言輔導人主之 之列,夙夜畢精竭慮,思所 一事最切者,復爲陛下陳之。 伏 臣竊疑文字煩多,陛下不能 念臣 草 萊 賤 士 蒙蒙 臣不敢 陛 下 以 臣愚竊思,所 拔 補 擢 詳覽;或 再言,止 報 ,置之勸 萬 雖 朝

每遇 禀,便得上聞。 無 進説,不惟省察主上進業,於陛下聖聰,未必 補 臣前 政事稀簡,聖體 兼 講 上言,乞於延 官輔導之間,事 臣今思之,太皇太后雙 康 和 和 殿講讀,太皇 時,至簾下觀 意不 少有 日 當 講 太 后 垂 奏 官

品

之

岢.

有

他

哉?

惟

欲

有

補

於人主

爾

乞只就 聽 政,隻日若更親 垂 簾 日 聽政 臨 罷 講 聖體 讀,亦 不 恐煩勞聖躬。 倦 時 7,召當 臣

簾

至,如何開益 日 欲 講官至簾前 ,問當主上進業次第,講説 使天下知陛下於輔養人主之 所

道,用

意

如

此。

延

對

儒

臣,自古以爲

美事

事 陛 太皇太后省察主上進業,雖或使之講説,亦 經筵,賜坐啜茶,蓋 ,且非定制。 下試從臣言,後當知其 如其 人主崇儒重道之體。 (無益,罷之何晚? 不謬。 此 時之 自來 今

前 間,有當 無 然此禮。 ,可以陳説,所繫甚大。 奏知之事,無 臣所以再言此一事者,蓋輔導之 由 上達。 若得時至 簾

陛 極 無 下 陳 他 聖明,不以臣之微賤 輔 事。 養 下必謂 少主之道者,故陛 此甚 不然。 主上幼冲,間 蓋從前 而 忽其言。 下未深思爾。 日 不曾有 講 讀足矣,更 察臣 爲陛 晶 下 願

> 披 瀝 肝膽,言盡於此。 伏望聖慈采納,天

下 幸 .

乞就 **寬涼處講讀奏狀**元祐二年三月二十六日

便。 宜 月後,侵晨講讀,亦 謹 欲乞特降聖旨,移 臣伏見邇英閣講讀, 録奏聞,伏候勅旨 甚 有 就 暑 人夏漸熱。 氣,恐於 寬涼處,貴 聖 去年 得 體 穩 非 几

貼 黄

嫩,尤須過意慎護。 雖祖宗以來只在邇英,緣主上聖體 祖宗法度固有不可改 少

者,至於講讀處所 即無不可從便之理

貼 黄

隻日 講 如 别 讀 無穩 與 雙日 便,只乞就崇政 垂簾自不 相 妨 或 延 和

五五五三

五五四四

又上太皇太后書元祐二年四月

月日,具位臣程頤,昧死再拜上書太皇

太

后

陛

下

爲是, 聖意 爲陛下辨之。 修 不 和 貼 可。 展 殿 黄 「,在臣· (稱,如 ,臣官非 邇 臣 則 近言, 英,苟得寬涼,則臣志願遂矣。 臣 竊 誤 本謂 聞 自 别 主 給 邇英講讀漸熱,乞移就寬涼 諫静,不辨尚 無 可 上 若臨之言止 邇 事 不恤 穩 英熱 中 知 便處 顧 見, 、恐於聖體 臨有言,以 所,只乞就崇政 然有所甚害,不 臣 職 於移惑太皇 可 當 也。 輔 非 延 今以 和 導, 宜 講 安 得 或 臨 太 於 今聞 讀 處。 得 后 不 臨 爲 延

知學。在位者不知學,則人主不得聞大道,臣竊謂自古國家所患,無大於在位者不

日新。 此。 人 朝 俗淺士,以守道爲迂,以稽古爲泥,適足惑亂 詢於有道之士,古必訪諸稽古之人。 若夫世 久 簡策所無之功業,不止維持歲月,俟人主 陛下有簡策所無之盛德,則天下亦望陛下爲 英主之事,如陛下者乎? 壞紀綱者乎? 前 大而已。 大。 主之聽 史,請陛下歷觀簡策,前世 廷 道義之言難進。 臣非 不 能 進德在於求道,圖治莫如稽古。 治謀 敢以諛言悦陛下。 蓋望陛下致海内於治安,詒孫 致 致 善 治之道,當使聖德 治 有以至公爲心,孜孜求治爲 不 人君功 聞 道 此陛下所自知 一德高 母 則 竊聞陛 后臨 淺 日躋 下, 俗 朝, 之 下 善善 道 繫 論 謀 有 博 也。 覽 於 必 治 於 長 不 易

不革 淺, 高識遠 一,臣以 近年以來,士風益衰,志 爲 見之士 非 興隆之象,乃陵替之勢也。 益 少,習 以 趣汙下,議 成風 矣。 此 論 風 鄙

説爾 之善意則 增益聖德者有幾, 見,豈能獨任哉? 大 主,以隨俗爲知變,以習非 行 之意,不過謂講官不可坐於殿上,以 大率淺俗之人,以 八患也。 也。 夫殿 臣不暇遠引,只以本朝故事言之。 有矣。 苟如是者衆,則 上講説,義 如顧臨之言是也。 順從爲愛君,以 而損 臣不知進道德之言,足以 陛 理之至當,古者所 下之遠圖,移陛 人 爲守常,此 君 雖 卑折 有 臣 尊君 高 今 料 世 Ħ 爲 常 爲 臨 下 之 之 尊

當以 意。 便 不 臨 正 是 爾 謂 講 可 坐講。 更甚 講官 爲 《書》,邢昺講《春秋》,皆在 此乃祖宗尊儒重道之盛美。 太祖皇帝召王昭素講《易》,真宗令崔 非 法 是 矣。 不可 萬 避 立講之儀,只始於明 世帝 殿 坐殿 邇 上 英講 王 也 上 所當法也,而 一,則 讀,只 若 避 昭 素布 自 殿上 仁宗時,亦 殿 ,則不應置 衣之士,其 臨 肅 豈獨子 上。 以 大后 爲 當 非。 從 孫 之 時 頤

> 官也。 美事爲 義 爾 臣 從來侍宴皆在殿上,而 重? 言,然中心惟欲輔養主上重道之心, 主 美 爲優 殿 崇政説書之職。 明王,光耀史册,不止此 所損豈不甚大? 與臣之心, 未諭: (事,而使主上獨不得爲,若主上信以爲 ,日常則不可。」夫於義苟當, 崇儒之道,甚 説 或不可 禮昭素之事,及有崇政設職之意。 書,然亦必不肯於不可講説之處 真宗、仁宗 其義 法。 臣每進講,未嘗不規勸 何其 也 如臨之意,則是禁止主上 時 亦 有 臨之意 雖以 時 異 殿上説書,亦是常 不 重 也! 皆宴講讀官於崇 可 於 殿名設職,不 也 講經獨 此 必 事 且 日 者。 講 : 而 彼 不 主上,以 經 른 臣 日 得 與 今 常 必 在 飲 時 臨 口 事。 如 不 何 須 政 殿 之見 之事 宴 前 未 祖 得 祖宗 在 説 孰 代 敢 復 本

臣始言之,執政大臣未以爲非也,及臨

矣。 世 以 帝 道。 則必 是者 謂 强 觀之,漢 戒清身數日方得朝見,可謂自尊矣。 今世俗之人,能 君之意,故不敢言爾,恐非以道 皆如是 極矣,尊嚴至矣,不可復加 主 功 桓 昏 謙 尊則不 言 業益 聖 人君唯道德益 「, 亦 榮爲不能尊君,以周 不 不知道 亂之主,百世 屈 則 矣 也。 然。 明 明帝 或 是 卑,先王粹美之道不復見於世者, 習 · 尊。 有之。 而 周 特以 蓋非 之人益進,不合理之言日聞 1熟見 從之。 賢明之君,百 宣帝稱天,自 漢明 爲尊君之言,而不知尊君之 陛 難知之事,不應四五 若謂 所賤 聞 下 高 帝 以 ,亦恐不能無 則益尊,若位勢則崇高 信臨之言,而又迫於尊 於 四 也。 臣 桓 度之, 五大臣 也。 宣之臣爲能尊 一榮, 世所尊 比 如臨之見, 上 親自 過禮則非 以 一帝,群 皆以 事君之義。 損 也, 臨之言 1執業 然以 爾。 人所見 爲是, 則 周 臣 禮 後 雖 君 必 理 齋 可 爲 官

正由淺俗之論易信而得行爾。

業,敢 惶 此 明 懼 之。 之道。今臨之意,則以古先之事爲不足 淺 之誅,不可 之際,而其 之門,絕稽古之路。 行 不 下明示好古求道 今日之事足矣,不可更有進 獲鄙 近, 懼 ? 可 ,然希慕之心,不可無也。 至 無 待罪之至。 雖 夫先王之道,雖未能盡行,然稽古之心, 亦將 不 臣 言 鄙 也。 於聖鑒矣。 辨乎 職 日 陋之人, 見陛 避 當辨 勉思 所 猶學 進 ? 獻納 也。 明 義 若陛下以 弊 者於聖賢之事, 萬 理,不 之意,使朝 如是。 誠 風 義 方主上春秋之富 一以 不 日 如 敢默 下 ·敢任其 革 是 使勸 臣言爲是,則 臣言爲非 聖 一則將 也。 此乃進學 慮 爲 廷 講 臣無任 此乃塞進 高 卑俗之見, 在 益 官稍 見道 雖 明,不 ", 則 孰 位 未 學 大 皆 懇 願 思 進 求 能 狂 法 於 切 日 知 陛 妄 職 德 善 益

論 開 樂御 宴奏狀●元祐二年夏

講 職在以經義輔導人主。 臣伏覩有司 排備,開樂御宴。 事有害義,不 臣備員 敢 勸

行。 慶之事。 乃常道也。 故事,祖宗亦不盡行,或以故而罷,或 臣愚竊恐祖宗之意,亦疑未安故也 夫居喪用喪禮,除喪用吉禮,因事 失禮意,害人情,無大於 今若爲開樂張宴,則是特爲 此 因 丽 雖 一喜 事 行, 而 日

퍊 有當隨 况 所未遑,今不得復作,前所未安,後不得 益 先朝 而 朝廷之事 漸 自古太平日久,則禮樂純 美 事損益者。 至 事 爾 亦何 *,更 雖祖宗故 無 嘗 若以爲皆不可 損 必 行? 益 事, 之理,得 固 臣 備、蓋講 有 前 不可 改,則是昔 爲 日 所 是 改者, 言 求 乎 ? 復 損 殿

> 上 日 講 所言冬至受表 説 是也。 故 賀 事未 是 也。 安, 則守 而 不 改,臣 前

事 慈特賜聽納,自中降旨,罷開樂宴。 之不已者,蓋 而 用,於義爲安,冒瀆天威,臣 臣前後累進狂言,未嘗得蒙采 職之所當,不敢曠 一無任。 廢。 用, 直 伏 望 候 而 聖 言 大

乞歸 田 **里第一狀**元祐二年十一月 初六日

方敢 既 西 知 京 是責 或 傾瀝懇誠,仰干天聽 臣 昨 子 任崇 監 命,禮當奔 政 傳 殿説 聞 有 走就 書,忽奉 言 事 職。 官 言臣 勑 今已到任 差權 罪 狀 同 管 臣 勾

遂 蒙 朝 竊 念臣 廷 擢 任 本草萊之人,因二三大臣 ,真之經筵,授以朝階。 論 今既 薦

0 開, 原 誤作「聞」,據四庫本《二程文集》改

伊川文集卷之一

五五七

五五八

許臣 朝 無 有 廷 罪 任 一納官 不 務 存寬厚,在 使勸 歸 田 講 里,以安愚分。 則 臣 所 義 受之官 所 難 處。 理 冒 當 伏望 瀆宸嚴,臣 還 奪。 聖 慈 雖

貼黄

説 只因説書授以朝官。 而 去,極 書,却以朝官去,乃其分也 若臣元是朝官,朝廷用爲 無義 理。 既罷 説 書 説書,雖罷 臣 獨取 本 無官 朝官

第 二 狀十二月十八日

聞 子 命 道,以 惶 臣今月十四日 懼 ··, 不 臣乞歸 · 知 所 田里,奉聖旨不允所乞者。 安。 准 河南府送到 須至 一再竭 悃誠,上煩 尚書省劄

臣昨自崇政殿説書受勑權同管勾西京

天

聽

受官。 之心 望 臣 愚竊意 正 司馬光、吕公著、韓絳等以行義稱薦,蒙朝 何 或 '事,必! |聖慈,俯鑒丹誠,許歸田里。 誤朝廷之 竊以爲不然,始聞其善而用之,陛下急賢 子 也,後見其惡而去之,至公之道也。 監 朝 今既有罪惡,是無 是罪惡有實。 廷顧惜事體,以嘗旌用,不欲放 傳 罪。 聞 因 尚 諫 叨 官 禄位,有 有言。 竊念臣 行 義,自 臣 献 何義 雖 畝之人,因 當 不 理 追 知 奪, ? 所 棄。 伏 臣 以 廷

第 三 狀元祐三年春

退之大節。 黜 陟之至 臣 竊 公; 以 黜陟 見 道合則從,不合則 善 失當 而 用 見 見 則 亂 所 不 由 善 生 去, 而 退 進 儒 退忘 者 人 進 主

義,則道所由廢。

守。 當 誅 道 如 請 敢不 是以 道 旋 三月,未奉 以 不用矣。 以 温 而 夷,必期俞允。 道不用而徒兹苟 . 固請? 使去。 求苟安。 人言,至於黜逐。 苟遂丘園之請 足。 不敢遑 愚 臣 顧 無狀,蒙陛下擢 一作「聞」。 信其惡 寧,繼 以 臣非不知享禄勝 與其至於瀆而 讀 伏望聖慈,矜察 書爲 上 而使之在官,恐非黜陟之 俞音。 敢忘天地之恩? 封 禄、殊 儒 朝廷信其惡矣,愚 章,願歸 自衡茅,寘之勸 粗 乖 在 知 加罪,曷若 於躬 進退之義。 臣 至 廉 田 誠,俾 耕, 義既當去, 耻 里。 不 貧 待命 因其 完 敢 匱 图 講 避 素 枉 臣 臣

乞致仕第一狀

臣伏自到任,三具奏陳,乞歸田里。待

察其 不 廷 古爲 聖朝之舉。 羞苟 使輔導人主,非常之舉 竊 義,前後陳述 命又已三月,未 敢 以朝 顧 懇誠 乞歸 得,不顧去就之義,實懼萬世之下,非 惜 臣陳力,不能 廷特起臣於 献畝之中,❶ 事 體, ,特賜俞允。 田 臣是以屢冒天威,必期得請。 里,只乞令臣致仕。 盡 既 矣。 得指 已招 則致 不敢 揮 來,不 也。 其仕,禮 重 在 既以罪去,若包 臣 一疊 欲 放棄。 所 也。 煩 伏望聖慈, 真之經筵, 以 瀆聖. 求去之 竊 臣 恐 聽。 笑 更 朝 自

第 二 狀

未 得 指 臣 自 揮 須 到 任 至再竭 請 懇誠,仰 歸 田 冀省察。 乞致 仕

- 「竊」,原作「切」,據涂刻本改。
- 「竊」,原作「切」,據涂刻本改

五五九

里。 議。 未 失 招 義,復齒仕 進 逐隨 議 誠意不至,上不能 宜有令德 動 古母后臨 惟陛下用人之意,不其深乎? 以 始,一新政 行己 爲大過,二三大臣之薦,未爲甚欺。 ,乃爲聖明之累,則臣之罪大矣。 勸 延,雖不得 臣若得去,則天下後世當謂:陛下 時 ? 講 古之君子,用之則其君尊榮。 至,使陛下高古之盛美,翻 方皇帝陛 有 之職。 1.耻、進 朝,未有 重望,爲 足以 毀潛 ·列 ? 事,首及人才,擢臣 獲 觀陛下好賢之心,可謂至矣, 下 退 上有道、明哲保身之士 輝 加 臣是 嗣位之初 能 顧 朝 光 取信人主,下不能鎮服 罪釁陰積,招延未幾,斥 義之人。 廷 千 爲如此之事者,豈止聳 以 光。 古。 累上 、太皇太后臨朝 而 臣 封 則 既 草野之中,處 乃德義 歷觀簡策, 爲天下所譏 章 朝廷之舉, 遭 遇如 今臣 願 尚 不修, 猶 故臣 前 歸 以 此 浮 不 日 \mathbb{H} 何 之 自 之

之累請,不止自爲,亦所以爲朝廷也。

激。 顧 如 下 質之聖賢,考之經義,爲當然爾。况去就之 瀆之罪。 義,豈獨臣 於後,安肯失禮害義,以自毀於後 得行於時,尚當行於己,不見信於今,尚期 遍詢 惜 以 事體 爲非義,是臣 臣豈然哉? 不 輔 知臣者,不以臣 ,不欲使歸 如以爲義,則乞從臣之請 臣 知之? ,臣之請 臣 所學偏謬,不 學道者所 田里,只乞令臣致仕 身傳至學,心存事道,不 爲 義乎? 爲 忿躁,必以 共 敢 爲 知 世乎? 避 非 也 或朝 臣 愚 義 爲沽 妄 乎 願 信 廷 陛 蓋 煩

辭免服除直秘閣判西京國子監狀 元祐七年四月

道。伏蒙聖恩,授臣左通直郎、直秘閣、權判臣今月一日,准河南府差人送到官誥一

從容 西 忝於所生,惟堅持於素節。 至於五請而 逐之人,將胡 夜 靡 京 ,以須替罷。 遑 國 子監 惟 是 者。 未 内 顔 聽 省。 以 贵 臣 未及任滿,遽丁 立 昨 始蒙 可 朝? 被 力 責 辯 招致之禮 命, 當 未終 以 自 出 求 心喪制 劾 家艱 伸 爲 一,旋爲 而 ? 外 引去。 官 已降 遂且 思 無 黜 夙

除

書,上體眷恩,内深愧懼

廷羞 揮 納。 官,今來所降誥命,不 矜 無 動 所 招 許歸田里。 矣。 膀毁。 伏乞朝廷檢會臣 愚 益 伏念臣志存守道,識昧隨時,俗所 誠,追寢恩 於明時,徒取笑於後 今復授以 昨蒙擢 命。 職 任 前 敢 广, 既 任,適 臣 來 祗受,已 以 五次奏陳,特賜指 昨 世。 足 人言 因 重 1)於河 伏 被黜 爲 憂既 朝 望聖慈 南 廷羞 爲朝 忌憎 已去 府 寄

再 辭 免 表

許 十九 命,義實難安。 辭免者。 閣 日 權 臣 河河 頤 判 言 南 西 斥逐之人,分當遠引; 府 京 昨 中謝 送到 或 蒙聖恩,授臣 子監,尋具狀 尚書省劄子,奉聖 左 辭 通 免。 直 甄 郎、 收 旨 今月 Ž 直 不

秘

躍 商、周之治,儒者逢 舜、禹、湯、文、武之道,則天下享唐、虞、夏、 之,●得以 於草野之中,而授臣 以求志,不希聞達以干 然有許國之心。❷ 伏念臣力學有年, 講學侍人主,苟能致人主得 一時,孰 在 以 · 時。 以身任道,唯 職 講 過 歲 説 皇帝陛下 餘 於 之職。 此? , 夙夜畢 臣 知 臣 詔 是以 切 起 耕 堯、 思 臣 養

- 切, 涂 刻本作「竊」。
- 躍, 涂 刻本作「慨

五六二

論 意 慮 於先王 實覬 蓋 通 非 不 聖 徒 傳之學復 心 爲 徯 辯 辭 交 發志之孚, 明於今日,作聖之效遠 解 釋 文 義 方 唯 進 欲 沃 積 心 其 之 誠

終於 臣。 明言 忠戀之誠雖至; 時 難 上 遇 應 朝 也 也。 臣 見 而 喪 屢懇請 見嫉,世 自二年· 嗟公論。 欲爲繼古之事 制 如臣 臣知陛下聖資樂學 而 何狂 不 退身當 至愚 春後 而 俗之常 思 未 簡,敢 志 不得已也,去就之義當 道 從,俄 贵 來,臣 既 遂於 大 成成 免衆 乖 爾 態; 則 遭憂 每 於 覬 希世 難 初 名高 幸? 事 進 П 容, 心。 而 誠 説、陛 ? 道 一之功,人皆 罷 自以 跡 毁甚,史册 豈 不 宜 去 義 孤 當當 其 能 捨 下 謂 者易 致 王 獲 取 常 千 銜 然 信 載之 哉 恤 於 罪 首 知 躓 既 爲 明 其 於 之 肯

後 更有望於殘 自 惟 衰 邁 之軀 年; ,得就安閑之地 行 道 致君,甘息 心 聞 於聖 今傳

> 理, 乎 ? 主。 累 也。 世 子所 難 世 謂 奏,特賜 處 敢冒 臣 不 朝廷特起之士乃貪利苟得之人,甚 豈 謂 臣 ·用則 猶羞之, 况朝 期 前 非 萬 是 H 矜 指 苟自重,實懼上累聖明,使天 死,上還 爲 亦 貸 朝 揮 壟 已矣。 廷 尚 斷 不 俾 也 恩 知 甄 廷乎? 若復無耻 命。 其 升 儒 不 ? 伏 肖, 者 恩 乞檢 在 進 以 雖 使 臣 退 苟禄位 甚 之 無 會 隆 勸 當 臣 可 受之 學 前 可 下 如 義 孟 後 後 是 則

貼黄

去,無 侍 區 者 進 品 經 E 退之道,爲臣 閣 臣 路 家 報之心 自 傳忠孝,世 豈 效。 無 也 愛 惟 去就 君 今日 受國 報 之義,覬 或 冒 恩,擢自 之 死 心 ? 爲 望 陛 草 有 義 下 萊, 補 陳 迫 儒 乃

貼黄

臣求去與辭官前後七章,陳説進退之

非出私意。伏望聖明,特賜省察。義,既已詳明,言亦盡於此矣。皆據經義,

謝管勾崇福宫狀元祐七年五月

言,惟 見 心。 崇福 月 西 職 不 願 犯,慮其瀆而憂懼交深。 京 次。 存於國 十日,准 敢 患 天聽至高,言已盡 宫者。 國子監。 臣 固 腰 盡敬主之意,深陳古義,蓋 昨 違 跨, 體。 蒙聖恩,除臣左通直 朝 勑 拜 誤蒙一 命 特 受 兩具表狀免辭,乞歸 幸蒙寬貸,豈敢頻 ,所降勑牒,臣 授左通 未 甄 得, 録, 直郎、 而誠孚未格; 再 候 非特畏於刑 露 痊 封 管 損 己 郎直秘閣 章 勾 日, 領 煩? 訖。 存 西 \mathbb{H} 謝 君 報 不 京 里。 章 恩 伏 臣 權 國 敢 嵩 威 ·, 實 之 就 爲 更 判 難 遜 Ш 今

申河南府乞尋醫狀元祐七年八月

切 日 宫。 府,伏乞依條施行。 懼久稽朝命,●欲乞尋醫,謹 謝恩就職次。 尋具奏聞,爲 頤 昨 准 勑 授左通直郎、管勾嵩 今來已滿百日 患腰跨,拜受未得,候 具. ,未得痊安。 申 山崇 西 京 痊 損 福

辭免再除直秘閣判監狀元祐九年春

者。 道,尚書省劄子一道 左通直郎直秘閣權判 祇荷 臣今月 |睿恩,不任惶懼 十 四 日, 准 西京國子監,專主 伏蒙聖 河 南 府 一思,授 送 到 官 臣 誥 依 前

❶ 「切」,涂刻本作「竊」。

恭以

皇

帝陛下親政之初,萬邦黎

獻,至

五六三

然則 其道 臣 于 重 傾 一, 收 道 耳 海 四 隅 而 用 録 事 方 聽 蒼 當 於 無 傳 生 其 退 不 議 今 夷 察,足 藏之中。 人,乃允 聽 ,反累聖政 狄 政 鑾 未 貊 以 公論 及兩月,而 之人 聳 兹見陛下 動 (), 莫不 泛天下。 爲 盛 念及 聖明 美之事 仰 然 首 勸 而 宗崇 以 學 處 觀 不 得 儒 舊

南 義 表 望 誤 改 常 者 此 聖 恩 府 狀 命 進 程 職 非 寄 慈 祠 文字 退 任 伏 特 出 之 納 **,**曲 雖 宫 念 私 賜 仰 臣 義 臣 意 遂 省 憐 即 冒 荷 以 去年丁憂服闋之初 舊 覽 以 已 以 瀆 於義 於 物, 所 尋醫得 付 極 宸 甄 則 降 外, 詳 深鑒 嚴 未安, 收,敢自 知 誥 明。 臣 不 臣 命 去。 丹 曾 無 不 所 但 兩 誠 得 任 以 渝 方安 恐 具 將 敢祗受,已 經 辭 其 微 奏 已蒙朝 聖 臣 者 節 愚 辭 賤 覽 前 分, 之言 守 免 蓋 來 ! 於 既 守 忽 陳 辭 廷 伏 河 古 被 授 免 繫 儒 而

再辭免狀

其 敬莫大乎是。 上 有道 許 日,河南府 權 親 辭 判 辭免者。 政之 , 危言危 西 也 臣 京 昨 初,臣· 蒙 或 送到尚 聞 聖 子 行 臣是以不避斧鉞之誅,而 恩 命 監 未 ; 惶 邦 極其 授 書省劄 懼 尋 無 臣 ··, 不 具 言, 道 依 狀 前 子 知 危 而 辭 左 行 所 遽 免。 通 措 道 爲 言 直 孫 孫 奉聖 今 郎 臣 言 月 直 聞 必 則 今 旨 + 秘 不 主 邦 不 閣

爲 免。 者,蓋守古義,非出 闋之初,辭免表狀 日 是 所 臣 陳 臣 ,則受爲非義。 昨 進 誠 被 退之義 至 愚 恩 不喻 命 爲 ,特賜省覽,則 即 私 是乎 朝廷之意。 臣 具 意。 奏陳, 兀 ? + 今奉聖旨,不 年學聖人之道 爲 乞將 非 不知 知 乎 臣 臣 ? 以 所 1 若 許 憂 臣 以 以 前 辭 辭 服

命 前 陛 廷 不 尚 議 儒者進退之道。 賤,然臣之言,本諸聖賢之言, 後世,有誦其言、思其義,而 冀 朝 下 以 知 義 日 以 再瀆宸嚴。 使臣 木 非 臣 所 微 廷 理 義 經省覽,而輔臣莫以告也 微賤,去就不足爲輕重,故忽棄其言, 之人,使去宜 陳 也。 誠,感悟 以何義受之? 爲 而 非, 受,致朝 故 臣 是 臣 聖 雖朝廷不見省察,臣恐天下 品 無任 臣 心。 品 狂 也 廷於過 愛君之意 妄不 謹 豈可 臣竊思之: 昧 以進 死 知 舉 處教導 乎乎? 義 以 臣之進退,守 不 退儒者之道 聞,不 ? 理 能自己, 臣誠 之職 若以 豈 狂 敢受 非 妄不 ? 臣 朝 微

謝 復官表元符三年十月

誥 道 臣 頤 言:今月二十 伏蒙聖恩 ,授 臣 日,准 通 直 河 郎 南 權 府 判 送 到 西 京 官

> 國子監者。 造,復畀舊官? 始 竄遐荒,分甘終廢; 仰荷恩私 ,伏增 愧 懼 豈 期 中 洪

敢

知

後世 心。 無 寬恩,如安居於樂土, 牽復之恩。 不 照 ,以上報於深恩 臣敢不益 竊念臣天資愚暗,自致放投 念先帝 兹蓋伏遇皇帝陛下 善其身,勵 經筵之舊,推 忽遇非常之宥 精 所學 - 道大兼 至仁 期 既 愛 有 仰 容, 傳於 物 繼 荷 之 明 於

伊 川文集卷之二

五六五

伊川文集卷之三

學制

三學看詳文元祐元年五月

会省試、免解三等旌擢。今不用舊考察法, 等,以不犯罰爲行,試在高等爲藝,有注官、 等,以不犯罰爲行,試在高等爲藝,有注官、 學校,禮義相先之地,而月使之争,殊非教養 之道。今立法改試爲課,更不考定高下,只 論番請召學生,當面下點抹,教其未至。所 輪番請召學生,當面下點抹,教其未至。所 藝,以不犯罰爲行,試在高等爲藝,有注官、 一、三學制。看詳舊制,公私試,試上

講說,有專經者,亦許通那。

"大三學制。看詳太學舊制,博士二人,

"大一人,六人分講六經,餘四人分講《論語》、

"大一人,六人分講六經,餘四人分講《論語》、

"大一人,六人分講六經,餘四人分講《論語》、

"大一人,六人分講六經,餘四人分講《論語》、

"大一人,六人分講六經,餘四人分講《論語》、

"大三學制。看詳太學舊制,博士二人,

今立法,到吏部人方許入律學。 專意經術,並令入太學,乃學古入官之義。 者知爲政之方。其未出官及未有官人,且當 一、律學制。看詳律學之設,蓋欲居官

《六韜》、《尉繚子》,鄙淺無取。今减去,却添一、武學制。看詳所治經書,有《三略》、

迫

卧

榻

人《孝 經》、《論 語》、《孟子》、《左氏傳》言

給 進 許應舉。 長 長 取,深害義理。 服 假 ,不許應舉。 ,行服。 夫尊祖之義,人道之本。 一學制。 貢舉條貫,乞朝廷指揮修改。 今立法,學生遭祖父母 後來改法,雖祖父母喪,亦 看詳舊 來 條 制,有期 若許居喪 親 喪, 尊

士,人數雖减,成才必多。

論 改 學 制 事 目

千四百人爲額 所减罷官,乞與比類差遺,俸給如舊,及依元條年限改官。 治學事,及增置 事 , 所 窄,至兩 以 、舊制八十齋,每齋三十人,學生以二 别 舊 人共 置 來 正 博 職事人。 録 士 每齋五間,容三十人,極 十員。 , 只 是講説考校,不治學 ,暑月難處,遂更互請 其 正 今已立法,博士分 録並合减罷 甚

> 假出外。 朝廷選通儒爲教導之官,去利誘,來實學之 未足,而齋舍未能遽增,所容止可 齋,所容千五百人。在朝 人,除學官職事人及諸般占使外,可爲 額 優寬而 學者失所如此,而 己。 今欲 以 七 間 廷 爲 廣教之意,雖 願留者,止 一齋,容 如 此。 Ŧi. 爲 爲 + 解

放蕩 幾何? 路,旅寓他土,人心日偷,士風 使萬餘人捨父母之養,忘骨肉 外處解名比之,五百人額當 逐次科場一年之限。 限,以拘留之。 解額五百人。又患來者遽去,復立一年之 後欲得舉人入學,遂設利誘之法,改作太學 者幾何? 一、國學解額,嘉祐以前 所破産幾何? 父母 近日朝廷 骨肉離別悲念以至失所 然而 少年子弟遠父兄而 知 人數歲 有 其 萬餘 之愛,往 非 百人,自 日 薄,所 (歲增添,以 便,已改 人奔凑。 費 來 元 財 道 豐 去

言。 者幾 冒濫之弊,因而 志,風俗亦當稍厚。况人於鄉里,行迹易知 各安鄉土,養其孝愛之心,息其奔趨 應,餘四百人分 今欲量留 何? 以 萬 少革。 一百人解額,以 餘人聚之京 在 州 郡 解 額 師 窄 處,自 弊 待 在 害 學 流 然 不 浪之 者 士 可 人 取 勝

因依。 少 處 立。看詳外有三學制,皆是庠序之事,與他 條 ,觀文可 貫 、近年編修勑條,並立看詳,要見 體 今來國子監勑令,是有司所行條 面 見義理,乞更不立看詳 不同。 今來條立所存,舊 文 貫 删 甚 己 改

回禮部取問狀

一、本部看詳創法,有司推行之際,須手分,依下項所問事理,具印狀送尚書禮部。準尚書禮部帖子,仰國子監修太學條制

賓、吏師二齋,不言無人 録 得:祭酒司業以下, 堂、待賓、吏師立 委,合與不合亦虚 在學若干歲月? 有條目事 以下,如何供億? 實,方可經久施行。 一齋,並 朝 廷如 如 條目合有幾 何 即 繋創 延 虚 何進用? 請 ,若無其 <u>寸</u>, 今來尊賢 ? 即 尊 又待 未 禮 其 見 X 學 立

也。 或一至,或時來,或淹留旬時,不可必其久速 求見,道學者願得矜式之意,延請居於堂中, 爲模楷。 者不遠千里而至,願一 瑗、張著作載、邵推官雍之輩,所 士,不必遠引古者,以近時言之。 人,專主供億,無其人則虛之。 學者所矜式者,長貳 不獨學者得以矜式而已,又以見長貳之 勘會學制,尊賢堂以延天下道德之士, 有如此之人至於京師 以下尊禮之。 識其面,一聞其言,以 ,則長貳造門 所謂道 居之鄉,學 如胡太常 學 德之 録

貴 之士,取善服 爲教,不敢足諸己,既上求古之人,復博采今 類,無人則虚,理自當爾。 億,只是灑埽堂室,供給飲膳,學録專主,所 化人之要道。 整肅,不須更立條目。 義,如恐不及,乃爲教之大本, 如此待之,即是尊禮。 只於一處立文,自 待賓、吏師體皆相 所謂供

미

架不 若 設 卧 七 限 舍 即是立限,比舊更窄。 間,繫咸二十四齋,●止容一千六百餘人, .依新立條貫,一齋七間,修截得若干齋 與不設三十卧榻? 榻,暑月難處 '楹,其看詳文却稱七間爲 , 只於齋舍立定可容人數, 每齋改爲七 同。 無 、看詳文稱朝廷廣教之意,不當 妨 又稱舊制每齋五 闕? ,未見得: 又條稱若學行著聞,及曾 其太學見今屋宇, 又條稱三舍,每齋 今來各展兩間 間 一齋,有此 ,至兩人共 間 有

計

+

得解人,並免試使人内舍,如何容著?

可也。 及曾得解 學舍,除學官職事人及諸 限,蓋謂不當立定二千四百人之限。 不惟暑月難 每齋七楹,則是七間,别無間架不同。 爲美觀,不務實事,非聖朝立事之意。 窄,苟欲人數之多,使學者不安其居,乃是 舍多少,則繫朝廷處之。 人數,自是據地位所容,難爲强使之多。 可容。 著不得之理。 餘 齋,每齋置三十卧榻,並是量 勘會看詳文,稱朝廷 蓋無立定限數之意。 舊來常是二人,或有三人共 人 免試 處,兼褻瀆至甚。 人學,逐齋人數自定,即無 雖使未及,徐 廣教之意,不當有 般占使外,可 若不恤 其學行著聞 一度丈尺,算 若逐 齋 一榻, 爲五 圖 見 舍 所 徒 寬 之 今 齋 稱

0 咸 陳 刻 本無此字 容

五六九

行

擇 ? 其 行 推 考察,若曾犯罰,及課曾在退等,合與不 聞於朝廷? 高 上 只於内舍推擇才學行 筆,竊 擇 舍,上舍學行 等 能 爲 ? 及狀 ,聞於朝廷,未見得: 用 如 制考行 他 推 其 今來看詳文稱 人文字,如何防察? 擇 行 如 有 何 能,其條 才器堪爲 藝 不 推恩? 當,及生員 藝爲衆 以 目 不 時 事 不 犯 又既 用 用 所 罰 實,各合 長貳 者 稱 舊考察法 爲 在 不用 者 行 齋供 長 如 :', ,升爲 貢狀 舊 如 何 課 合 法 何 推 在

筆

爲

考驗 恩 但 朝 推 以 數 取 今來 廷 擇 於案 學行才器堪爲時用者,聞 所 勘 自繫朝廷裁處,有司不當立法。 任 會舊考察法,專據文簿,計校等差,所 立 繋長 籍 用 法,只委長貳,以公議 ? 貳鑒裁。 在朝廷豈 自古推賢進善未聞 長貳 可不信所任 公明 於 推擇。 朝 與否 廷。 如 用,而 此 凡 則 所 所 所 狀 推 繫 今 專

> 課 學行才器之人,推擇不當,自有論 供課與舊來公私試不同,別無 更不須繁文勘 防閑 竊 能 明有長諭察視,不得交互課卷之文。 用 各隨 之事,有則自當罰格 甚失庠序之體 人之所 會 犯罰 有 難 退 爲 等之類 更立 陞 若更苛細 條 ~,其在 .黜,自少代 如律之文, 目 齋 既 供 曲 推 兼

察舉 文即 本監 詳 本監 假 來 仕 在公之人,其家各曾仕宦,及見仕宦,亦是 有 立 宦 條 人家 文未 家子 舉人本 舉 止是採察仕宦家子弟爲 稱仕宦家子弟,據文即 採察,牒開 一、舉人及仕宦家子弟,鬪毆 人 家子弟,亦 盡。又稱舉人及仕 弟,如 子弟,即 貫 是廣南,因游學在 封 何却 府 立文亦是未 在 或 令國子 本貫 其 中。 雖作工 施 監 舉 宦家子弟,據 若本監不 盡 採 人者,即 西川 察? 使酒等, 一商諸 兼看 本 部 採 若 色 今 看

有犯牒與本貫施行,有無迂枉?

及重 此 不言子 否。 爵 若爲工商之類 爲品官家立法,皆是仕族之體,未嘗更開 類,豈復能責其士人行檢? 者 世 如 是 是 而 證 固 其業,後世法度不立,失守易業,仕 或 弁,即不言若充軍及遭黥杖者之類許 兩 爲工商雜類者有矣。此朝廷當禁 以 者。 大 又雜令品官家雖 事而言及者,必 般 本 未嘗立文許其然也。 體 弟 如舊 爲不明,即可改及爲若。古者 所 ,猶言舉人若仕宦家子弟也。凡文若 豈 勘 立 爲 法 衣 會監 有先言舉 卒僕乞丐者之類 不 服 時 則如 勑 令五 可 稱舉 亦 須以 品 何也。 不請券,並 謂之立文不盡 人,以及 人及仕宦家子弟,蓋 以 重及輕,未 上子孫 况自來條制, 略舉 既 許 流 仕 聽 落 婚聽 宦 <u>-</u> 驛 人驛,即 之 而 族 四 有 與否。 於非 欲厚 假 之貴 假 事 未 民 理 以 輕 以 説 凡 能 各 ? 與 以

使之一

鄉

知

戒,所益

甚大。

安得 最恥 開 成,或治家不暇應舉者,皆不及也。 族子弟。 風 封 教 常當 聞 便 府或本貫施行,或者疑辭,量可而 於鄉 見 由 若指定爲舉人者,則 迂 仕 工,立 枉 族 ? 始 文所 必云牒 ,所以立法之意,欲 以 爲 本 警, 貫 者,蓋 年少 H. 暴 學 所 并 人之惡 行 云牒 業 罪 包 爾 而

見。 無法。 接引 時 ? 何處 齋 引入游覽堂舍,觀禮儀,聽絃 如 如 觀禮 今看詳 願 若願觀光者,無時得入,即 何 何序齒 亦 又言 觀 新制 相 非學校之體。 光者既不得 儀、聽絃誦? 見? 願 士人願觀 稱 如何令坐,皆未有法 觀 四 若願 講 方 説者,未見令何 士人願 觀之人衆,至位 人齋 講説者,聽 若限 又其 即即 觀 以 誦,唯不 (觀聽 光者, 時 未見得, 掌儀 堂 繫 則 得 掌 上 新 疲 在 儀 相 制 於 何 於

五七二

煩文。 者即 下。 見之人,相見自有常 善者,固 者 四 許 理 無 更立 諸 叙 來 廷 士 威 衆 通 時 有 立 方之士, 齋絃誦之聲,即 以 是賓 學,而 數 客,不當升堂,掌禮之時 以 得 處所? 觀 從 本 儀濟濟,即是觀禮儀。 爲盛談,流傳天下 往年胡博士瑗講《易》,常有外 太學之大,掌儀 人之説。 來賓客不得過客位,天下之士 光之法。 所 不憚 時 客 勘 之 極 不得見其規制,視其法度 會 明 學制通客之時,自有明文 其 間 非 太 有 不 過 煩 所 學 觀學 學 是聽絃 當。 也 謂掌儀疲於引 過 首 儀 制 數番 者 ",坐位 善 ,門吏白 况又更休,願 設 八人之多,又早 0 之 誦 出 使美化 何 而 地 入往來, ',常輪一人 行廊 自 必 른 自 有 直學,後 須 將 可 大行, 接,亦 爵 人 無之間 樂使 以 使觀 所 监 齋 觀 少 流 來 徒 中 長 請 講 延 晚 不 報 X 願 無 即 光 以 聞 化 聽 須 所 説 繒 觀 接 是 及 之 聞 有 今 朝 天 不 無

> 者,多 講 旬 立 日 一聽户 或 間, 至 外者甚 來 千 者莫知其數,堂上 數 人 泉, 孫 當時《春秋》之學爲 殿 丞 復 説 示 容, 春 然 秋 後 \approx 謝 初

盛,至今數十年

傳

爲

美

事

支破。 舊 條「比類」二字? 今要見如何 、合支用 條 制 裁 度支破 所 不 載者 ? 長 大 貮 何 删 裁 去 度

類」字, 重 以 比 能 類 立 具 法, 必必 朝 載 本 所 廷 則關 ? 但云裁度 多 勘 之任長貳,自當 拘 舊 會本 防之意多; 條, 礙 長 監 或 删 支 貢 無 去「比 審量: 費 類 去二字, 隨 有體 例 比 類 宜 類支 亦 二二字。 應 須 則委付之意 用, 裁 給 度。 條 用 若 制 比 所 贵 須

論禮部看詳狀

准都省送下禮部狀,看詳三學制,國子

詳 監 朝 廷 勑 ,今却將禮部 只見禮部 勒 已 於某月 送 國子 監 日 看 面辭説,未盡 長貳 ,與長貳 詳 事節 與 逐 同 元 狀 修官 見元初立法之 供 開 去訖。 同 析 共 如 再 後 竊 行 慮 看

堂 詳 何 各合有幾 准 前 師 多 稱 不 何 .延請? 用 誤 ,然後祭酒以下 士,不應有遺,却 學 相 進 ,待賓、吏師立 禮部帖子,取問 所駁之事 士大夫 似 認立法之意 用 何 淡逐逐 ??!本 、學制 妨 ? 學校 尊禮學録以下, 有賢 ,却已改换了前來所難之意, 所 其人在學若干歲 ,尊賢堂、待賓齋、吏師 延 開 爲 可尊,朝 齋, 請 析 延請的 見 修條制所,「今來尊賢 雖 於學校立法,俟其自至京 供答。 禮 即 是 部 未 尊 朝 何 所問 見得 廷 禮。 如 廷 必 今來送到禮部 自 何 褒 須 门,與立 當 月? 祭酒 凝顯之 再詳所駁, 供 待 褒 億 朝 顯 齋等, 廷 士 以 法 朝 一,苟未 以以 所 下 意 廷 條 遺 文 依 勸 却 看 全. 如 如 先 目

興起; 方得 部 學若干歲月,故本所如此供答。 段 詳 如 學之禮請 善,君子所樂; 禮之實,不知 或 留 敢言已無遺也。又云「若一至,或時來 此,尊賢之道,可謂 之士,一見其人,足以 雖古盛治之世,賢才並 去來,不應如 文義 引 速或久,繫其人所處之勢,固難 旬 狀稱,全文具 此」,似不知君子出處之道。 時 尊 所 得其一至,猶 禮 , 始非尊禮之實, 亦恐道德之士 中間 供狀,只至 而 ? 截 不 云 如 此 一回 應 斷 道 亂國之聘,夫子 __ 何乃謂之實也? 禮 有 要切 部 「矜式 此蓋 德之士,出處去來 至矣。 遺之説 取 〉矜式; 足爲益 問 用,尚旁求 義 大 狀 而 理 禮部 为内。 而 大 已」字便住,將 禮 都 聞其言 非 取問 今來 亦往 大意 况 本 部 將 博采 朝 淹 所 删 夫 以 必 狂 其 禮 供 與 去。 久 爲 也 謂 或或 用 乎? 部 從 答 不 非 足 道 出 應 太 爲 以 德 在 淹 嘗 看 尊 處 又 如

言 校之事,●將付之儒 文不同。 人以吏文格之,則新修之學制,皆不可用。 乙 無 : 人則虚,有司 尊 賢 今來禮部,蓋 堂 稱 無 無 人 則 臣 所 執 虚 欲全用吏文。 以 治學者,與 守。」切緣學制 待 賓、 吏 師 若使 尋常吏 是學 齋 中 不

云「難議施行」,不言所以,伏乞朝廷詳酌。一、禮部看詳,四方士人願觀光一事,但

間 年,可 逐 更互請假出外,今年尤甚。 須至遣出 爲七間,止容得一千六百餘人,有八 人,不聞有訴窄狹者。今新立條制,每齋展 齋所容人數之法,亦須乘學者稀少之時 數, 豈有學者自訴窄狹之理? 以 禮部看詳:舊法,每齋五間,容三十 應舉者,往往遷出。 勘會自來暑月齋舍中難處,須至 應是在學已及 朝廷立定 今來立定 百 齋 餘 舍 X

> 衆。 數目 百。 要立定數目? 數目定論? 太平日久,則文風益盛,學者益 其餘事,皆是且據今日學舍爲之,安用 算 之員,增至唐生員之數,未爲過 計 大未 異日朝廷 故唐至貞觀六年以後,學生增至三千二 不 有定論。 惟 寬 凉 美化大行,事力克盛,❷學生 兼 夫今日 是 齊 整 所設學官職 又 也。 云 即 何 事 是 必 須 人 齋 須 立 及 舍

禮部乃云,三舍升補法,爲最完密,不可 重 竊 下人所以 以 |修,及争競之端,獄訟之興,皆由 舊法,惟三舍升補 一、三舍升補 議論,❸言者所以 推擇 法, 事, 禮部 爲言,朝 最 爲 所 於此 未 駁 廷 便 最 所 詳。 以 以 天 而

0

議論」,涂刻本互乙。

以

至增添

牀榻,皆有法度,並

是據間

架丈尺

漸

次

修展,某年只幾人。

豈有

旦

遣出之事?

[「]切」,涂刻本作「竊」。

[「]克」,涂刻本作「充」。

時,天子擇宰

相

而

以

專任長貳爲不

可

委任

以

求

秀之道。

訟。」夫案文責跡,有司之事,非庠序育 (去來,不知幾千人矣。應授官者纔一人, 又如此。」夫朝廷養士,唯欲 ,至今七年,得推恩授官纔 差殊,争心所以 ,則人無辭以犯分,義訟所以息也。 夫人之美行,天之尊爵,莫過 又云:「今來一切略去此法,惟令長貳 且立之以格,考之以文,則 稱者升爲上舍,緣行藝若 不知前日有書此而蒙考察者 以二千人之衆,七年之久,通 可見。 任 書行藝考察之法不 據,恐人情不服 ,是不知治體 起也。 之政,宰 其 看 授之賢才,重其 詳 相擇諸司 成材之多,豈 人 云: 之甚。 ,其中選 於仁 一行 别 人 可用 長 案 材 致 義 法 古之 無 官 論 争 忠 艱 以 跡 法 苟長 得以 先王 專任 果 爲 舍在 於諸 功 能 矣,或非其人,不若使防閑詳 則按文責跡,入於罪 考,長貳就其中而 學官就其中 官守法而不得有爲,前日考察之法是也。 而 王爲治之道也。 足 山 所 委之治,諸 成 齋,而 貳 制 循 治 以 長貳。長貳自委之屬官,以達於下。 制其上,此後世所以不治也。 以 長貳,則上下之體 法,待 守也。 非 者 成 成 也。 也 人,不知教育之道,徒守虚文密法, 人才乎? 由 而 人而行,未聞 正 司長 此世俗 後 論之,不得有易 録 難者必 世 論之,不得有易也。 博士以及長貳諸齋所 官各擇其屬 朝廷授法,必達 矣。 自古以來,未有 鄙 順,而各得致其功,先 論 日: 是事成於下,而 立不得人之法也。 , 烏足以言治道?

乎?

信,樂善不倦。

推

擇行藝衆所

考驗,即

無

事

實可

爾。

何其

少也?

ΙĒ

由

其

以

艱

難

爲貴?

難

來

廢

則

禮

部

用

意

൬

授

以

事

', 治

乎下

也。

學官所

取,

易之

F

如

是而

取

今欲朝

廷.

長貳得人則善

密,上下相制

書 之人 亂。 此 疾病稍久,或他事故則出,無可奈何,不當以 久,不免别 專 來 詳禮部所駁之意,却是不知太學有四堂, 經 云「諸經輪 ?」博士之 分講 一授,不足爲勞,人專 四 經,不 講 限 夫人講 諸 、分講《論語》、《孟子》,難 授,安得却 經 惟 部 互講説,若治經家法不 那 看 博 一經則終一經,是一家之學,比 四 職,比之他官,極 己勞,如 詳 處各講《論 士代講,學者 爲 博 有疾 紛 士 亂? + 經,所從自一。 語 故 人, *, « 在假, 所從,亦安 又云「一人日 爲 以 六 孟 清 同,愈見 施 人 子》。 簡 月 行。」今 分講 日 日 能 若 講 稍 紛 又 自 六

以

知

員

來

其 間 豈 其 乃是禮部未喻 中 無隳業苟求之人? 禮部 更 不 看 引 詳:「武學人學之法,難 試 立法之意。 便入外舍,尤 亦是禮部未詳外 乞自朝 爲 疎 廷 以 簡 詳 施

> 須試 舍之 法。 又不許請 其 外 含立 假 法, 隳業之人,無 己 甚 詳 密 由 不 久容 過 月

已歷 也,可 緣太學生秖是布衣之士,或未出官人。 是已從 史。又云:「太學博士,通 學 行文案治,期 經,乃可議律。 專 却 官人願入,亦是能自折節之人。 博 意法律。」夫法律之意 令講經 一、禮部 以爲政 士,却 仕者,所 讀史,不唯事 治民。 看詳:「律學本以教習法律、 止 以教官須 會貫 取 專意法律者, 胥吏之事 承 務 所 通。 郎 以 宜 情迂 以 經義者,士人之事 律 · 蓋本諸 取 稍 上 -學必 幕 重 濶 職 難 兼 使 州 經。 以 律 兼 施 縣 妨 學皆 官 先 設有 治 行 廢 經 生 口

律

《六韜》、《尉繚子》,却合添習《孝 元立法减去《三 語》、《孟 禮 子》,於事 部 看 略》等,蓋爲鄙 . 詳 情 迁 武 濶 學 難 制 以 淺 减 無 施 去 取 行 ○ 三 經 *, « 略 勘 今禮 論

部 之漢明帝令羽林通《孝經》,唐太宗使飛騎受 經 以 爲 論語 有 取, 》等,蓋欲武勇之士能 恐 是 不 · 曾 研 究。 其 知義 添 人《孝 理 一,比

經,尚未足爲迂濶

改也。

一、禮部看詳:「未有官人,不許入律學,即舉人盡當遣出。」但立入學之法,先在學,即舉人盡當遣出。」但立入學之法,先在學,即舉人盡當遣出。」但立入學之法,先在一人,且令人太學,再治經術,最爲善意,不可人,且令人太學,專治經術,最爲善意,不可人,且令人太學,專治經術,最爲善意,不可之,是一人,是令人太學,專治經術,最爲善意,不可之,是一人,是一人,不許人律學,即舉人盡當遣出。」但立入學之法,先在學,即舉人盡當遣出。」但立入學之法,先在學,即舉人太學,專治經術,最爲善意,不可之,不許人律

公勤 庫官 主 職 簿 事 不不 本 專管莊土支收文案諸事,最爲繁重。 幹敏之人。 一、禮部看 職 至繁重,難 外 ,准備本監 詳: 立法 以 或 不依常制 不 逐時 依常 子監 差委幹當, 勑 制。」舉官 ,舉官所貴得 主 簿 書 皆須 勘 庫 書 會 官

> 人。 旨,不唯於體 其所見,聽 可却引舊條,破難朝廷? 旨,勑條不許。 禮部 又引 朝 非是,兼亦於法無文。 廷 本所 既 取 日 舍。 修條 修 立 若 即 上 令逐 差官修條,即 條, 須 損 事 不 益 先 曾 舊 申 申 明 明 取 杰 得

許其臨 學。 納官、却無此法。蓋進納 雜,又不可絶人進善,所以願納誥身,乃 富民,只納數百千,便得爲士人,即恐 繫舊法。」竊詳元初立法之意,蓋爲助 官人,難以 又不可侵議進納條貫,所以專指 今來禮部駁難,必爲專指助教。 一、禮部看詳:「助教雖緣進納,亦 政治民,難 却令繳納誥勑,繫牴 爲不許 入學。 自齋郎 牾 助教 以 監學立 勘 上,朝 其餘 流 教 會 繋 許 類 皆 F. 有 進 混 是 條

薄惡,士人不修行檢,或無異於市井小人,朝竊以朝廷欲厚風教,必自士人始。 近世士風一、禮部看詳,大率以檢察士人爲不可。

戒 蓋 是 是 游 皆 欲 依 子文具《回 備 立 不 有 府 風 廷 法之意 學規 迁 學 用 是 朝 舉 爾 量 在 犯 或 教 未 本貫 之 宜 在 常 顯 廷 蓋 京 枉 於外,自有條法。 人 嘗 意 惡,失士人之行者,難爲 有法檢束,士人知所戒懼爾。 欲 憲。 禮 西 條 可 有 禮部取問狀》。 待 士人有所忌憚,而天下. 部 施行,即 ,習俗漸化。 川,若有 貫 法 牒 所 今令本 學 又云:「假有舉人本貫 以 有 以 本 者之道 今來 教 西 貫, 更 勵]1] 云 不説. 監 所 則 立 檢 牒 或 採 勘會學生在學,有 犯 牒 也。 今禮 法,更加 束 如 廣 本 更令本監察訪者, 訪 之 本貫,欲 却 何 南之説 - 貫者, 舉 及 也 牒 施行事節 部 人及仕 牒 難 廣 增 因 知朝 近 乃 或 開 云 南 益 本 其 年 者 封 是 施 監 , 使 是 况所察 族子 廷欲 牒 方 疑 府 行 廣 鄉 察 誤 之 犯 又 開 有 测則 類 辭, 南 訪 詳 認 知 蓋 弟 則 帖 厚 封 檢

> 廢, 行之理。 屋亦何異 見繫出賃,收掠房錢,難 干,未見支錢米去處。」 云: 皆有俸錢,禮部合知支錢 甚明白,賢愚 須 新條添置學 用 禮 命官 ? 部 新條明 正 看 所 録。 詳 共 生,充 稱 知,繫 載 其三 於閑慢處支撥, 以 切 正 舍 舍升 在 施 去 緣 録 升 處。 人, 朝 行。」錢既 自 補 補 來 廷 給錢 法 又云: 舊 職 取 法, 事 不 舍。」又 米 可 事 無 屋 可 屋 支, 理 以

者,長 至過 『比類』二字,即臨 删去『比 有支破。 貢 類」二字,只令長貳 禮 審 部 詳 看詳: 比 合依 類 時輕重 支給。❷ 舊 舊 存『比類』二字。 條 多寡 錢 裁度支破。 今 物, ,有所依 來 格令所 所 修 做,不 新 緣 禮 不 條

0

[「]鉗」,涂刻本作「糧」。

先 部取問 字?」●本所供答稱 有 帖 狀》内。 子 取 其事理甚明,乞自朝廷詳酌。 問 本 所 因 ,勘會本監支費,文具《回 何删 去舊 |條||比 類二二 禮

守其 所以 同。 喪 不奔,自非不孝、甚惡之人,不應至此。 行。」學生遭祖父母喪,非 條 仕,不聞禁冒哀守常也。 之人情法意,皆所未安」。 不許解官行服。 不 ,遭祖父母喪給長假 常。 許 又云:「今乞修改貢舉條貫,及立 厚 奔,深害人理。 人 禮部勘 倫。 舉 人應舉,乃是求進。 立法固當教以尊祖 會,「官員在職 今若獨令舉人不得應舉,考 奔喪等事 官員與舉 竊以官員在職,蓋 有君事官守,安然 ,遭祖父母 律禁冒 ,若祖父母 人事 ·, 難 學校 議 到 體 哀 喪, F 施 不 求

事 又 比比 令 一 人專講 禮部看 E 是 煩 詳: 勞。 經, 新 無輪講 兼 月 制,博 課 法。 先 士减去二員 須考較,緣又 又添分治學

> 少。 限,辯 考課 皆不相識,今則人人相接,易爲誘 逐説 修 暇應答,難以 無日力不足却成苟簡之事。 之,用功甚多。 慮 半月,已甚優游。又有 私試排比名次,衆人争計 校大體。 改 日 一日只請三番,計人數十日可畢。 法制 書治學,事不爲煩勞。 力不給,却 卷不少,又令五 理事節 當面 ,無致訟之端。 ,自有牒訴 施 點抹教告,爲益最多。 當面讀過,指其瑕病,用 成荷簡。 行。」自來學中 人爲 長貳察其當否之法, 番請召, 學事 高 如聽 亦生員請 下,必銖 改試爲課,乃 自來學官學生, 清簡 訟之所,今來 - 生員 益 對 博 益,恐不 面 整 銖 舊 點 會假 來 今限 士 力 而 抹, 學 其 H 校 公

正。」自慶曆學制,逐齋置學諭。蓋學正者,一、禮部看詳:「改齋諭爲學諭,名稱不

「本」上,涂刻本有「一」字。

0

五七九

難 差,與舊法不同,難議施行。」帖子稱舊 屬與其長互相防檢,非先王之道 欲朝廷重倚任,故使長貳自委其屬。 互相防檢,無所容私。 令博士參預,不唯知接生員,親於長貳,亦或 今來改作學諭,本爲正名。又云:「長貳 不同,非是名稱不正。 太學之正 ,大率唯是欲密爲防檢,恐其有私。 也 學諭者, 教諭 新條立意,大率唯是 齋諭之名,不成意義 爲學者也 禮部 若使 [令繫 義 選 所 各

可爲 無闕。 並 司 經屏斥之人,不許人保,今條内稱 之人,不許爲保,今條内删去。 徒,今條稱私罪情重。 難 無 保 以 删 者。 舊條 執 改因依,兼慮士行無闕,立文太泛,有 禮部看詳:「保官狀式,舊條 用 勘 徭 稱未及七十,今條内稱年若干。 會。」私罪雖不至徒,有情重不 人與歸明無異,相隱之人及七 舊條稱徭人并相 又舊條 自來 稱 容隱 士 稱 私 曾 罪

> + 曾經屏斥在其中矣。 以 上, 自 有 海 行格 式 既 云 士行 無 闕 則

者皆麗其中。 設盗賊之法。 是包括在内。❶ 慢、兇恣、受賕、鬬毆之類,亦是有犯名教,亦 端,犯名教者皆是,包盗在内。 合如何施行? 一曰盗博鬭毆,今删 此一項。」切緣學校所以 一、禮部看詳:「學規舊制,不齒之罰, 他犯可言者,自合分立條項 况有行止乖惡一條,凡言之醜 若謂行止乖惡,注云乖惡多 今却分立。 去盗字。 檢束學者,❷不 兼行 又緣謗訕 即未委犯 止乖惡,舊 惊 口

伊 川文集卷之三

是」,涂刻本作「合」。

無

切緣」,陳刻本作「切念」,涂刻本作「竊念」。

伊川文集卷之四

雜 著

生,得此論,大驚異之,即請相見,遂以先生爲學職。 顏子所好何學論、先生始冠,遊太學,胡安定以是試諸

矣。其中動而七情出焉,曰喜怒哀樂愛惡禮智信。形既生矣,外物觸其形而動於中其本也真而静,其未發也五性具焉,曰仁義何? 曰:天地儲精,得五行之秀者爲人。聖人可學而至歟? 曰:然。學之道如聖人可學而至歟? 曰:然。學之道如

非禮 梏 其 情。 欲。 日 無自生矣。故顔子所事,則曰:「非禮勿視, 弗失,則居之安,動容周旋中禮,而邪僻之心 於是,顛沛必於是,出處語默必於是。 久而 之果則守之固。 之之道,在乎信道篤。 人也。故《洪範》曰:「思曰睿,睿作聖。」誠 心,盡其心,則知其性,知其性,反而誠之,聖 力行以求至,所謂自明而誠也。 子之學,必先明諸心,知所養,一作「往」。 然後 其心,養其性而已。 其情始合於中,正其心,養其性 則曰:「得一善,則拳拳服膺而弗失之矣。」又 「不遷怒,不貳過,有不善未嘗不知,知之 情既熾 勿聽,非禮勿言,非禮勿動。]仲尼稱之, 、性而亡之,故曰情其性。 愚者則不知制之,縱其情 而益蕩,其性鑿矣。 仁義忠信不離乎心,造次必 中正而 信道篤 誠 凡學之道,正 則行之果,行 ,則聖矣。 而至於邪僻, 故學必盡 是故覺者約 故 日 性 其 其

五八一

五八二

未嘗復行也。」此其好之篤,學之之道也。

是也 之謂 之謂也。 化之者,入於神而自然,不思而得,不勉而 之以年,則不日而化矣。 神。」顔子之德,可謂充實 聖人,相去一息。 必 短命死矣。」蓋傷其不得至於聖人也。 至者,守之也,非化之也。 人則不思而得,不勉而 思 大,大而化之之謂聖,聖而不可 而後得 視聽言動皆禮矣,所異於聖人者,蓋聖 孔子曰「七十而從心所欲不踰 ,必勉而後中。 孟子曰:「充實而 中,從容中道,顔 故仲尼曰:「不幸 以其好學之心,假 而有光輝矣,所 故曰: 顏子之與 知之謂 有 所謂 光 子則 矩 中 未 輝

知之者也。反之者,學而知之者也。」又曰:『堯、舜性之也,湯、武反之也。』性之者,生而學而至,其有稽乎?」曰:「然。孟子曰:或曰:「聖人,生而知之者也。今謂可或曰:「聖人,生而知之者也。今謂可

麗辭爲工,榮華其言,鮮有至於道者。 遂失。 不求諸己而求諸外,以博聞 之學,與顏子所好異矣。」 不達,以謂聖本生知,非學可至,而 孔子則 生 而 知 也,孟子]則學 而 知 强記 也。 爲學之道 巧文 則 後 人

漢文殺薄昭論❶

節,或舍君而全孝,惟 恩則無義,並 論 也。 古人謂忠孝不 忠孝,恩義,一 行而不相悖。 兩全,恩 理也。 所當 而 義有相奪,非 己。 不忠則 故或捐 非 親 以 盡 無 至

之公器,惟善持法者,親疎如一,無所不行。矣,義則未安。司馬温公以爲:法者,天下善唐李衛公以爲:漢文誅薄昭,斷則明

也,昭 皆 心可 明 義 設 全后 有 미 使 義 執 罪, 门則 而 不誅也。 |薄昭盜長陵土,則太后雖不食而 也 ,義當而謂之屈法,不知法者也 可也。 後重 也。 一之論,未盡於義也。 不可 命使往治,昭執而殺之,太后之心 非恩之正,害恩之正,則不 有所不行,不害其爲公器也。 輕 此之謂 赦也。 或與忿争而殺之,則貸昭以 其殺漢使,爲類亦有異焉。 得 其宜 能 后若必害其生,則存 權。 ,義豈 蓋先王之制 有 義既未安,則非 屈 乎? 死,昭 得爲義 也 不 法 八八 若昭 主 . 得 慰 昭 可 於 議 傷 不 於 母 以

賑 濟 論●

以 論 其 食之,廪有竭 (本,救] 不制民之産,無儲蓄之備,飢而 目前之死 而 飢 亡,唯有節 者 不可勝 濟 i 則 所 及 也 今不 後發廪 廣。 暇

> 處事。 至矣。 矣。 食? 責怒之,於是流 欲辨之亦不能也。 盡,殍者滿道。 豆,或食以粥 數年前,一親戚爲郡守,愛恤之心, 常見今時州 倉廪既竭, 雞鳴 而 飯 起、親視俵散、官吏後至者、必 民 來 愚常矜其用心,而嗤 則殍死者在前,無 縣 歌 者與之,不復有辨 穀貴之時,何 濟饑之法,②或給之 咏,至者日衆。 人 未幾 不 以 其 不善 可謂 救 願 中 穀 米 之 得 雖

來矣。 納、午而後與之食、申而出之。給米者午即 日 當擇寬廣之處,宿戒使晨 得一 救 食則不死矣,其力自能營 ·饑者,使之免死而已,非欲其豐肥 比之不擇而與,當活數倍之多也。 人,至巳則 食者皆不 闔 門不 也 出 凡

- 此題涂刻本作「與人論立賑濟法事」。
-) 「常」,涂刻本作「嘗」。

須官 哀矜之,一也。 誉 濟 手,無是理 給,勿使至飽 寬 饑 廣居 員 當 親 分 嘗, 處,切不得令相枕藉。 也。 兩 ,俟氣稍完,然後一給。 處 恐生及 平日當禁游惰,至其饑 擇 羸 人石灰。 弱 者 作 稀粥 不給 如 作 浮 第 卓 餓 粥 浪 一先 晚 飯 則 游 兩

爲太中作試漢州學生策問三首❶

爲教 皆 若 取 治 之之道當 事 悦人耳目而 經 可勉 ,將何異乎? 止於治聲律, 問: 桁 人 爲 勤 而至也。 士之所以貴乎人倫者, 務。 如 勤 何 如 E ? 文章 是? 爲禄利 夫所 如不可學而至,則古聖人何 後之儒者,莫不 經術 則 豈其欺後世 謂 華靡 而已,則 則解釋辭 道,固若大路然,人 其詞,新 與夫工技之 以 邪? 訓 以 明 奇其意, ,較先儒 爲 文章、 道 然學 也

> 謹修而 異乎? 此 則 詳著於篇 檢於行者,設 可 短 爲 曰「不遷怒,不貳過」也。 至於道乎? 長, 儒 立 之本,諒諸君之所素存也。 可能 或 異 E : 説 乎? E 以 如 仲尼之門,獨稱 勉强之可也;通諸身者,❷姑 爲己工而 是則在 况無諸中不能强於外也, 修 己。 身謹 與今之學,不其 顔子爲好學, 如 行 是之學,果 而已。 幸明 辨 夫 而

也。 本。 亨利貞。 要,各舉其 同,義可異乎? 或爲二: 曰大亨也,利於貞 然 問: 而 或 聖人之道,傳諸經學者,必以 諸經之奥,多所 爲 以言之。 四 : 曰 所以異者何謂? 元 夫《易》卦之德 也,亨 難 明。 也, 也。 《春秋 今取 利 其 也 其 經 詞 曰 大 既 貞 元 爲

[●] 此題涂刻本作「爲家君作試漢州學策問三首」。

[「]身」,陳刻本、涂刻本作「心」。

賢。 世。 諸儒 也。 在? 其篇有幾? 法邪 爲法也,亦存其失以 之美刺,聖人取 褒貶之法,所 可 也 ? 晉武公身爲并奪、《無衣》美之,其教 ,惟毋泛毋略 所 諸君之於經,必各有所治,人言其所學 如 《書》爲王者軌 、盤庚之遷國、穆王之訓刑、爲是而 傳,謬亂多矣。 爲 非 貶 夫古人之學貴專,不以泛濫爲 而 其 則 可 明矣,所褒者 戒 止乎禮義者,以爲法 邪? 範,不獨著聖王之事 示戒爾、《五子之歌》是 考之,完合於聖人者, 《禮記》雜出 何事 ? 《詩》 於漢 於後 安 以 可

本 ? 無間 務 繇 何 由 有 ,固當講明。 數,何 矣。 問: 而 然而 可 儒者積學於己,以待用也。 以 行 道 民産不制,何術以濟乎困 以 郡 若夫朝廷之治,君相謨之,斯 寬乎力役? 衣 而言,守之職豈不以養人爲 食 不足, 風 比 間 俗 無 何 窮? 法 當世之 緣 ,教化 而 吏 口

> 爲,上副聖朝之寄,何所施設 厚 耳目之所接也。 體 君從事於學,既勤 抑爲之者不得其道邪? 世 ? 獨 要,至於民一作「風」。 無 自唐 其 人? 而上 世 豈古之治不可 願 且久,爲 有 陳高論 循 俗一作「之」。 吏,著之史册 思 ,得以矜式。 政之方,固當 而能 欲 仰 行 及斯? 希 於 利 前 今 病 明其 哲 邪? 何 之 諸 皆 今

修立孔氏條制❶

廷必賴其用,即令嗣子奉祀事。他官,位在中大夫之下。如有高才重德,朝奉聖鄉,世襲奉聖公爵,以奉祭祀,不使更爲一、添賜田并舊賜爲五百頃,設溝,封爲

一、所賜田,蠲免税賦,依鄉川厚薄,召

此題下,涂刻本有小字「元祐元年十月。奏狀闕」。

0

Ŧī. 八六

人 種 佃 其佃 户 , 並 免差 徭 1夫役。

州 例。 、奉聖公表章慶賀、進奉聖節,並依兖 朝廷頒歷賜衣等恩數,並依 兖 州 知

州。 每遇大禮,許入覲陪位

、奉聖公差當直兵士二十人。●

及教導其 、奉聖公宅教授一人,主導翊襲封之 嗣 子。 吏部 於舉 到 學 官

簿尉兼管。 一、置官一 員,主其家事,或只令仙 源 縣

選差。❷

四 箴 并 序 **③**

禮 所 四 以 者 勿視,非禮勿聽,非禮勿言,非禮勿 養其中 身之用也,由 顏淵問克己復禮之目,夫子曰:「非 也。 顔淵事斯語,所以 乎中| 而 應 乎外,制 進於聖 於外 動。」

箴以自警。

人。

後之學聖人者

宜

服

膺

而

勿

失

也

因

爲之一作「之爲」。 遷,制之於外,以安其內。 心兮本虚, 視 箴 應物 則。 無迹,操之有要,視 蔽

交

於

前,其

中 則

克己復禮

聽 箴 而

誠

矣。

其正。 人有秉彝,本乎天性, 卓彼先覺,知 止有定; 知 誘物化,遂亡 閑 邪存誠,非

禮

勿聽。

- 0 「二」,涂刻本作「三」,句下有小注「一作二十人」。
- 官」下,涂刻本有「内」字。

言箴

出悖來違。 其所召。 静 專。 人心之動,因言以宣,發禁躁妄,内斯 矧是樞 傷易則誕,傷煩則支, 非法不道,欽哉訓辭! 機,興 戎 出 好; 吉凶 己 肆物忤, 榮辱,惟

動箴

克念,戰兢自持。習與性成,聖賢同歸。於爲。順理則裕,從欲惟一作「爲」。危,造次哲人知幾,誠之於思,志士厲行,守之

印銘

卯 孫 爲 是稱。 姓 頤 我 銘 祖喬伯,始 惟 我皇考,卜居近程,復 程 伯之後,崇寧癸未歲二月丁 封於程,及其後世,以 一一一一一 伯,子 或

襖飲詩序

晦,未嘗不在人也。 而右軍之書,復爲好事者所重爾。事之顯後人所稱慕者,何哉? 蓋其遊多豪逸之才,

知後日之視今日,不若今人之慕昔人也哉?類,所命皆儒學之士。既樂嘉賓,形於咏歌,有「不媿山陰」之句。諸君屬而和者,皆有高致。野人程頤不能賦詩,因論今昔之異,而致。野人程頤不能賦詩,因論今昔之異,而為之評曰:以我好賢方逐樂之心,●禮義爲為之評曰:以我好賢方逐樂之心,●禮義爲為之評曰:以我好賢方逐樂之心,●禮義爲為之評曰:以我好賢方逐樂之心,●禮義爲

❶ 「我」,涂刻本無此字。

五八七

遺金閑志❶

有用之物,若沉水中,則不復爲用矣。」 乎?」予曰:「人得之,❷乃非亡也。 「水中囊中,可以一視。人亡人得,又何 墜之矣。」予不覺歎曰:「千錢可惜。」坐 亡矣。僕夫曰:「非晨裝而亡之,則涉水 曰:「千錢微物,何足爲意?」後一人曰: 人應聲曰:「千錢失去,甚可惜也。」次 相從者六七人。予以千錢掛馬鞍,比 元 豐 庚申歲,予行至雍、華間,關 吾 歎· 就 西 中二 學者 人 舍則 夫 而

善矣。然觀先生之言,則見其有體而無用言如何?」予曰:「最後者善。」與叔曰:「誠耳,其不同如此也!」與叔曰:「夫數子者之目上聖至於下愚,不知有幾等。同行者數人至雍,以語與叔曰:「人之器識固不同。

死,爲之涕下。 九月,❸因閲故編,偶見之,思與叔之不幸早也。」予因書而志之。 後十五年,紹聖乙亥秋

蜀守記4

差勝也。
勝蔣堂。」言最善之中田更優,不善之中程猶醫言曰:「彦博虧虧,猶言「不如」也。 田况,程戡鈞、文潞公,語不善者,必曰蔣堂、程戡。 故超人稱近時鎮蜀之善者,莫如田元

不善之迹。所謂善者,得民心之悦,固有可予嘗訪之士大夫,以至閭里間,察其善

0 0

此題涂刻本作「雍行録」。

[「]人」上,涂刻本有「使」字。

此題涂刻本作「記蜀守」。「紹聖」至「九月」,涂刻本無此七字。

善焉。 也。 年爲政。 樂,毀后土廟及諸淫祠,伐江瀆廟 所不樂者, 衆口 至今人言及蔣公時事,必有不樂之言。 其尤失人心者,節遨樂也 所謂 後闕 最不善者,乃可謂至善者 所同,惟三事 而 己 前蔣 木修 減 者 也。 數 府 損 問 舍 遨 其

養 魚 記時年二十二

竟日。 見其 人之仁,養物 不盈尺不中取,❷市不得鬻,人不得食。 書,觀古聖人之政禁,數罟不得入洿池,魚尾 觀之,戚戚焉,吾之感於中也。 其中,大者如指,細者如箸。 煦沫也,不忍,因擇可生者,得百餘,養 書齋之前有石盆池。 始舍之,洋洋然,魚之得 而 不 傷 也 如 是。 家人買魚子食猫 支頤而觀之者 物獲如是, 吾讀古聖人 其 所 也 , 終 則 聖

> 乎! 乎 困 無此二十字。 和甲午季夏記。 作《養魚記 多,萬類天地中,吾心將奈何? 斛之水,生汝之命。 遂其性,思置汝於彼,而未得其路,徒能 嚼,吾得免爾於此。 吾人之樂其生,遂其性,宜何如哉? 1 耶 ? 細鈎 感吾心之戚戚者,豈止魚而已乎? 推是魚,孰不可見耶? 》。 一無此上十一字,有「爾乎」二字。 密綱,吾不得禁之於彼; 魚之一無「之」字。 生汝誠吾心。 吾知江海之大,足使 於是時, 魚乎 魚乎 汝得生已 炮燔 寧有是 思是 以 爾 斗 魚 阴

書養魚記後❸

吾昔作《養魚記》,於兹幾三十年矣,故

「至」,涂刻本作「最」。

0

此題涂刻本無。

五八九

藁

中

幾於自 觀昔日之所知,循 己 偶 見之。 未正月戊戌,西 棄者乎? 竊 自 示諸 今日之所至,愧 歎 齋南牕下 少 小子,當以吾 而 有 志 負初 不 忍 爲 心,不 毁 戒。 去。 也

爲 太中書 家 藏 寶字

元

豊

嚴 賜第 州 正 臣 字,❷其六乃開 在 家 被 小事,多不親書。 取 天府,而常事之小者,皆親書之,自來大臣領 恭思太宗皇帝以介弟之貴,晉王之重,尹 者, 難,諸父繼亡。 眷 「特異,前後 ,外姻守之。 先 士之重, 乃其遺也。 臣 一少師 雖 封文移,皆緣祭祀及貢舉事。 以 所 聖 細 寶藏之物,既 臣時未冠,復在遠方,京. 賜 府 心 故 故 親 僚 可 太宗 必 筆 事 見矣。 ?親,誠 太宗皇 多 遺 矣。 書 於盗手,於今 孝 蓋 天 帝 惟 恭 於 聖 於 存 虔之心 祀 中 開 事 -,遭 封 之

> 爲後聖法。 户,臣程珦 之基,豈不由是心乎? 大夫致仕 急賢 好 上柱 題 士 元祐四年己巳十一月癸未,太中 8 之 或 心 永 也 年縣 嗚 愚臣 開 呼 或 1 竊 伯, 謂,是心 成 食邑 萬 世 九 也 無 百 宜 窮

詩

聞 侯 舅 應 辟 南征詩●時年十八

制 生 园 獨 奮 夏, 辭 孟 華 人稱 奔競至道離, 茫茫學者争 軻舌,扶持聖教增 孔 子 生關 西。 光輝。 當 途 聞 志 驅 聲 期 馳 交 周 薦 禮 先

2

此題

涂刻本作「聞舅氏侯無可

應辟南征詩」。

⁰ 此 題 除刻本作「爲家君書家藏太宗皇帝寶字後」。

遺」,涂刻本作「親」。 「二」,涂刻本作「三」。

題」上,涂刻本有「謹」字。

斯民。

威。 征南 書將期來者知。 牘,蒼生無福徒爾爲。 才未得天下宰,良謀且作軍 垂。 聖皇赫怒捷書緩,虎侯秉鉞驅 南垂凶寇陷州郡,久張螳臂抗天 今朝有客關 道大不爲當世用,著 中 内至,聞從大幕 師。 熊罷。 蕞爾 小 鑾 宏

游 嵩 Щ

何足殄,庶幾聊吐胸中奇。

斷 好 山教不見,如何天意異人謀。 鞭羸百里遠來遊,巖谷陰雲暝不收。 遮

謝 Ŧ 佺期寄藥

病 身。 至 一誠通聖 我 亦 有 作「化」。 丹君信否? 藥通神,遠寄衰翁 用 時 還 解 壽 濟

雜

説

Ξ 首

哀衿之心無有異也。❷ 弛焉。聖人之於民,雖窮凶極惡而陷於刑戮, 言命所以安義,從義不復語命。 父母之於子,愛之至也。 情有替也,誠無息也。 子不孝,則愛心 以命安

夫子没,則漸異也。 己以求合聖人之教,是以卒歸於不異也。 於仲尼? 惟其不敢信己而信其師,故常舍 仲尼之徒, 豈皆聖人? 其見豈 能 盡 及 同

伊 11 文 集卷之四

0 雜 説三首」,涂刻本通作 題,無「首」字。

涂刻本作

五九

義,非循理者也。

伊川文集卷之五

爲家君上宰相書

伏 大治者 代聖君賢相,莫不持此 惟美惡之謚 雖 於朝廷,而至要莫先於謚法。 下懼爲惡,二者爲政之大權也。 勸 惟閣下以上賢之資,爲聖主之輔,深功厚 嚴 得 其 ,可警於 珦 無, 道,而天下樂爲善; 聞:古之君子相其君而能致天下於 他術,善惡 一定,則榮辱之名不朽矣。 一時; 爵賞雖重,不及於後世。 明 以 而 勵世風。一作「也」。 勸懲之道至焉 懲得其道,而 何則? 然行之必始 刑罰 故歷 爾。 天

> 之罪,而布其誠懇於左右。 然此而不得彰顯,以至於泯没,則於閣下,豈 於此而不得彰顯,以至於泯没,則於閣下,豈 勸懲之道,而天下之善惡明也。今若有善人 勸問之道,而天下之善惡明也。今若有善人

職,俾 開納, 經訓。 遭遇,受聖祖非常之知。 之使行。 藩,親自選擢,俾之輔佑,於時真宗皇帝親受 以 相之旨,至於没身,不許告老。 衰老,瀝懇 而姦臣盧多遜惡其方正,皆因 俟真主之興。 伏念珦之曾祖,當五代之亂,棄官避世, 處 稱其忠厚,待以 太宗纂緒,顧遇益隆,凡所獻替,無不 庶僚 暨於還朝,復將大用,而先祖 辭避,乃特爲改置交明 心之右。 我朝受命,首赴闕庭,一言 制 腹 辭 及太宗皇帝之在 心,前後 丁寧, 歷事兩朝,受 四方之事,薦 復 兩 元 殿 學 示 欲 終用 相 自以 士之 之。

年祀浸遠,遂至湮晦,近三請於朝廷,而有司能論請,以至於今,未有易其名者。 珦大懼得美名。 而當時有司失於舉行,門生故吏不恩三聖,終始一節,存没異遇。 考於謚法,宜

引條

例,以既葬爲限

宗皇 之後 例。 寬大之量,周通之才,比於嗣宗,誠亦無 文。 旨,特許追賜。 請 而 何嗣宗得請於無例之前,而先祖見抑於有 竊惑焉。 爲惡者得以 之後時,遂廢其禮,則是爲善者未 帝 以德言之,則先祖清儉之節,淳厚之德 竊見近 夫聖人作謚之意,本以彰善癉惡,若以 眷遇 若以先祖 若以官言之,則三品以 如 日王嗣宗輩,亦是已葬,朝廷 此 自隱也。 獨珦之曾祖以條例爲限,某 ,累將一 非 兩府 柄用 况國家推恩,率循舊 而 ,至於老疾 異之耶 上,皆應令 ? 必見褒, 聖 則 媿。 太 例 恩

> 念之哉? 未已。制詞具在,遺旨如存,繼聖之朝,得不

選擢之意,感神宗恩遇之厚,念真皇受經之 朝賢 骨,不足以報厚德矣。 如此,則恩滿 舊,副主上繼志之心,力賜主張,許循近例。 而恩舊之臣,豈不存念? 惜之乎? 居宰執之任,褒賢勸善,是所職也。 若使本 其心媿恥,若己揜之。 心,而自任之重也。故人有一善,晦而不顯 世,以分别其賢愚善惡。 懲勸於天下,尚猶 一政一令,靡所 士名跡湮晦,以爲朝廷之闕,閣下得不 古之聖賢,生非其時,身無其位,不得 矧主上以至孝御天下,祖宗之朝, 泉 更易, 底,光生後昆,則珦闔門粉 ·論古之人,觀其言,考其 一器一玩,弗忍遺棄 今閣下當明盛之時 何哉? 有至仁之 伏望閣下體聖祖

謝吕晦叔待制相見書❶

戚鄉 卿大夫乎? 公卿大夫,故干進者顯榮,守道者沉 處乎今之世,才微學寡,不敢枉道妄動,雖 自守窮閻,名必聞,才必用。 今之時,士求 間 竊 間,鮮克知其所存者,矧敢期知於公 以古之時,公卿 大夫求於士,故 晦。 士 親 於 頤 雖

矣。 以之自輔,以 方,盡待之之道,異日登廟堂,翊明天子治, 甚幸甚。 就之。非好賢樂善之深,孰能 厚禮 人,不善文詞,姑竭其區區,少致謝懇。 頤 , 媿不足以當之。 伏承閣下屈近侍之尊,下顧愚陋,仰 晦 願 於賤貧,世莫之顧,而公獨降禮 閣下 福天下, 豈不厚 持是好賢之心,廣求之之 噫 ! 公卿 與 如是乎? 不下 鄙 朴之 土 幸 以 久 荷

爲家君請宇文中允典漢州學書

立學。 噫 ! 於下, 地。 本。 廷深念其然,究思治本,詔京師至於郡 善其心而驅之以力,法令嚴於上,而教不明 代盛治由教 義大行,習俗粹美,刑罰 子明道 民 也。 民生八年則入於小學,是天下無不教之 中允 故古者自家黨遂至於國,皆有教之之 是可 民 雖未能如古之時,比屋人人而教之, ,故賢能群聚於朝,良善成風於下,禮 既天下之人莫不從教,小人修身,君 放 明公執事。 以 僻 而致也。 美風 而 入於罪,然 俗 而 後世不知爲治之本,不 竊以 成善治 雖設 生民之道,以 後 而不犯。 乎 從 ? 而 往 刑 此三 縣皆 者 教爲 之。 朝

「相見書」,涂刻本無此三字。

者 之吏奉承之何 漸 雖 處 口 矣。 未 足 明 以 能 以 倫 教 是朝 爲 詳 爲 理 備 鄉 而 士者矣。 廷爲教之意,非 如古之教,亦 里法,出 安德義,知治亂之道,政化之本, 如 爾 誠能 可 以 教之由 得 備 不 朝廷 其大端近古 正 士 也。 用,如是,則 始,使爲士 顧 州 而 縣 有

學古爲政之道,不敢 則 得豪傑之士,學術足以待問,行義足以率人, 簿書期會爲事,勉 爲,然少承父師之訓,久從士大夫之後,涉 才之意,以學校爲先務。 何 以 珦 庸瑣之質,叨 爲衆人之矜式? 思所以 恩領郡,雖 斷 斷 副 然念教道之職,非 俗吏之爲,●專 朝廷明教化育賢 才不足 以 以 聞 有

能 義 則 也 爲 奉 鄉 身 竊 聞 而 愚 里 退 執 重 謂 執 ,不爲榮利屈其志,歸 事懿文高行,爲時 豈特今人之難能 事 非 甘 於退 處 而樂於自善 所 ? 推, 仕不 安田 古人所 間 道道 也 難 合

> 之心 素藴 道 也。 導後進,使其 蓋 以自任也 之心,諒無 光, 道 則 ,則推 既 蓋聞賢人君子,未得其位 跡 不偶, 雖處 也。 其道以淑諸人,講 (教益) 日忘天下,不 而 去就之義,不 此鄉人所望於執 教行。 明,其傳益 出 處雖 以行 得 明聖人之學, 廣,故身雖 不 異,推 事 無 道 然 所 濟 而 己 發 物 執 在 事 及 施 執 隱 爲 其 所 而

依歸。 之望 勝幸甚。 於時,而所及 風慕義,亦將奔走門下。 下之樂也」 一、枉屈 珦是以 不獨一 軒馭,來憇郡庠,俾後 敢布 執事豈無意乎? 人者固已博矣。 郡學者漸被善教,四方之 其 品 區之意,願 是執 事之道 或賜 孟子所謂 執 進子弟 事 允 雖 從 士 得 未 鄉 天 用 聞 人

「俗」上,陳刻本、涂刻本有「如」字。

0

五九五

五九六

再

甚厚, 再 謙巽,未許臨 軒 凂 從。 聽 近 且承 者 覽 内 省 書 燕居休適,感慰深矣。 不度,方負媿惕,辱教 其 屈。 鄙 懇, 區區之意,有所未盡,輒 陳 於左 右, 之答, 然而 輒 欲 過 詞 邀 敢 持 意 致

耶 既 賢 之賢 未 彼 於衆人之口。 所 者 有 ? 鄉 以 又 曰 以 先生也,吾將奉之以教郡人。 人,足以取則爲治者,於是聞執事之名 憂念遠方,愛養元元之意;既 **珦至郡** 不然者也。 必將 類至,惟賢能致賢,彼賢豈 ❷賢者雖 化導鄉 之初,延 珦退而三思三省之。 豈特守之爲乎? 八里,教 有 爲而退,豈將 見僚吏士民,首 育後 進。 自古賢者, 於是决之 自善其身 我 既 則 屑 始 詢 道 而 耶 日: 티 : 州 朝 ? 郡 廷

> 而 不 弗 疑 從 以 請 於 左 右 贵 意 執 事 未 賜 深 拒

抱道德 鄉所宗仰,適當《觀》上九之義 怪,獨善其身者異 未得安然平定無所 謂 之安逸,而不以化導爲意乎? 如是之深,賢者存心如是之仁,與夫索 雖不當位,然爲衆人所觀,固不得安然放意 上九以陽剛之德,居無 生,君子無咎。」象曰 無 己 咎。 無與於天下也,必觀其所 珦竊觀在《易・觀》之上九曰:「 而 聖人又從 不居其位,爲衆 矣。 慮也。 而贊之,謂志當在此,問 :「觀其 今執事 位之地,是賢 人仰觀法式者也。 觀聖人教示 (生,志未平也。) 居 生,君子矣乃 豈得圖 是鄉 人君子 後賢 爲 隱 觀 一身 行 其

得

又」,涂刻本作「而」。 其」,涂刻本作「具」。

接」。 其筋力也哉? 祝,則其羸廢可 養皆眉壽之人,其禮有 人贊之之意,思賢 人之願,不勝幸甚 見諭「日 此大不然。 幸 知。 作 人 \exists 執 古者庠序 君 事 蓋資其道德模範,豈尚 子 觀《觀》爻之義,詳 扶,有杖,有 近 ,所當 多 爲養老之地, 微 用心,勉從 疾, 憚 鯁噎之 於 鄉 聖 所 應

及精微。

牽勉病軀,不能周

悉。

答横渠先生書

照,而 象,而 謹嚴。 其 賾,豈後世學者所嘗慮及也? 餘所論,以大概氣象言之,則有苦心 略,幸不責其妄易。 累書所論,病倦不 無寬 考索至 如「虚 裕 一此,故 無 温 厚 即 氣 一作「和」。 意屢 則 虚 能詳說,試以 觀吾叔之見,至 偏 無」之語,●深探遠 而言多窒,小 之氣。 然此語未能 非 鄙 極 明 力之 見 出 睿 無過 正 所 道 而

> 思慮 時 見,當以 者,如揣料於物,約 有之。 ~,涵 泳義理,他日自當條暢。 來書爲據,句 明所照 者,如 見髣髴 目 爾 所 句 觀,纖 能 而 無差乎? 論,字 微 盡識之矣。 字而 更 何 日 願 議 考索 完 庶 拜 養 至

此否? 미 「聖人之悟,前後矛盾」不 料 也。 謝生佛祖禮樂之説,相知之淺者,亦 何 吾 叔 更見問 ? . 知 謂 大哥書中 何,莫不 \pm 至

再 答

益 請 未安。 於 (左右。 昨書中 此 所 非 今承 侍 示 坐之間,從容辨 盈 之意,❷於愚 幅之諭, 詳 意未安, 味 が,不 三反 鄙 敢 再

- 下「虚無」,當爲「無無」。
- 「昨」下,涂刻本空一字。

五九七

京 也 党 ,相見且請 尺 書 所 可 道 熟議,異 哉 日當請聞之。 况 + 八 叔、大 哥 皆 在

爾。 句。 可驟 不私 道如 惡得 當以「必有事 欲以思慮求之,是既已自累其心於不神矣, 正 無思則無所事矣。 所見言之。 能 心,勿忘勿助長也。」此信乎入神之奥。 具道 遠地 同語也。 是,何遽及神乎? ,不私之至則神。 而求之哉?」頭以爲有所事,乃有思也 此説與大哥之言固 内一事,云已與大哥議 未 所云 [孟 由 焉而勿正」爲句,「心」字屬下 以孟子觀之,自見其次第也。 拜見,豈勝傾戀之切? 孟子之是言,方言養氣之 子曰: 自養氣至此 無 氣完則理正,理正 殊,但恐言之未詳 「必 而未合者,試 有事焉 猶遠,不 餘意 而 則 若 勿 以

心 爾」。 所 論 此 言恐未 勿忘者,但不 便。 既 ·舍其 有存 虚 於 明 小 善 而 應 不 之

穿叩之處,厚纔寸餘。

遠

不過二三十年,决

應,乃 舍 則 可 何 存 謂 而 虚 明 不忘乎? 安能 善 應 邪

?

?

虚

明

善

上富鄭 公書

伊]1 程 頤齋心裁書,再拜獻於致政 司 空

相公閣下。

者 之拙謀、中人之私意。 必當損墜。 莫復置思。 於左右。 太后厭代,心誠有所迫切,無路上達,敢 鄉里士子趨進門下。 鐵幾 頤 頤 鄙 頃歲見治昭陵,制度規畫 萬 蓋非公無可告者,非公無肯爲 野之人,未嘗請謁 斤,以 以巨木架石爲之屋,計不百年, 既 又觀 木爲 陵 今者來自 骨,大不 中之物,見所 宰執而下,受成而已, 有 位,故 及三寸,其 Ш 中,聞 出 謂 不 鐵 匠者 以 獲 太 從 相 皇 罩 聞

可不 然每一念之,心悸魄喪,或終夕不寐。 於遠慮。 之忠孝,於仁皇非不盡心,惟其蔽於衆論,昧 須 之不信,况仁皇天下父母乎? 鄰之間,有如是事,可謀爲而不以告人,必謂 摧 痛 朽, 使人聞於魏公,魏公不以爲意。 哉 壓於梓宫。 以天下之力,葬一人於至危之地, 陵土既復,●固知無 於時 私 心惶駭 可 不不 以 奈 今鄉 魏 能 何。 公 自

足疑者。 之道,狥 古,昭憲太后,亦合安陵。 陵,乃是再啓。 有改,近取諸唐,帝、后亦或同穴。 會,可爲之謀。夫合葬之禮,周公已來,未之 今也不幸,太皇太后奄棄宫闈。 俗法則皆享福之永。 太祖皇帝神謀遠慮,超越萬 稽典禮則 此爲可 至 得 因此 行,無 一於乾 尊 親 事

\$\frak{T}\$\f

况 之休。 再三陳之,不憂朝廷之不悟,獨繫公爲不 顧主上素未知爾。 保其安全,雖陷一作「蹈」。 臣,恩遇無比。料公之心,苟能使仁皇聖體 之,天祐忠孝,必俾公熾昌壽臧,子孫保 莫大之孝,任此 陵 墜,不能爲 石槨之制 一言之易,肯顧慮而不發乎? 竊惟公事仁宗皇帝三十餘年,位極 ,仍更别加裁 害。 事者,非公孰能? 救仁皇必至之禍 以公言之重,竭 處,使異 禍患,所不 事理至 日 誠 誠 成 雖 避 致 能 無 主 木 也。 疆 爲 H 壞

 爲爾。

答富公小簡

昨日妄有布聞,方懷煩瀆之懼。乃辱教

● 「復」,涂刻本作「覆」。

五九九

苟不見從,是忘忠義。 若見取,雖執鞭門下,蓋所欣慕,况受賜乎? 誨 未敢拜貺。 者之賜,禮 加加 賜 酒 食 不 謹復上納,瀆冒台嚴,第深戰慄。 · 敢辭。 仰 荷台意之厚,不勝媿 然頤方有言於左右。 公之賜也,實爲頤羞, 悚 公 尊

可慮也

上河南帥書❶

謂 道。 語,頤 台聽。 大不然。 衆,豈徒然哉? 復來,公可高枕矣。」是常言也,未知奇 其不來,乃其所以來也。 兵法曰:「攻必取者,攻其 一道,爲利大矣,何必負載 頤 能料之。 公到鎮之初,必多詢訪。 荷德既深,思報宜異,輒以狂言,凂聞 誠 使彼得出 當曰:「虜既 河外、 空矣, 不意,破 復 再寇河外,必不 又曰:「彼興大 來 蕩數 而 衆人對公之 所不守 歸 何 量,足以 ,然後爲 利?」是 也。 勝之

衆論既一,公雖未信,而上下之心已懈矣,是利也? 竊恐謀士悦於寬憂,計司幸於緩責,

六〇〇

儒將。 彼聞 往,則一二年間,便可致完實,長久之策也。 自古乘塞禦敵,必 知有備 嚴 寧捐 備 今日之事則異矣,願公念之。 而 不來? 力於不用,毋惜 而 絶意 ,則疆 當使内 用 驍 場 猛 安矣。 地之人信可恃 功 ; 招 而致悔。 徠撫養,多在 豈 獨 莫若: 使 敵 而 願 使

答人示奏草書

堅,何可已也? 然於愚意有未安者,敢布切如此,欽服! 欽服! 子弟當勉公以速且辱示奏藁,足以見仁人君子愛民之心深

❶ 「南」,涂刻本作「東」。

輕財 亦宜 覬其有不忍之心而已。淺見無取,惟公裁之。 竊 能守,保民者爲迂。秦、漢而下,莫不然也。 苟私利於目前,以兵制民,以財聚衆。 古之時,得丘民則得天下,財散則人聚。 將爲寇亂可也。不惟告君之體當如是,事勢 民爲先,力言百姓飢且死,丐朝廷哀憐,因 慮 爾。 而 廟堂諸賢,未能免此。 觀公之意,專以畏亂 重民,懼之以利害,則將恃財以自保。 公方求財以活人,祈之以仁愛,則當 爲主。 惟當以誠意感動, 頤欲公以 聚財者 後世 懼 愛

答朱長文書或云:明道先生之文。

勸 難 勿 前 多 期 相 作 去之遠,未 也 詩 文。 中 前 而 奉書,以 知 見答之辭,乃曰 何日 足下 復爲 會合,人事 心 虚 :「爲學 氣 損, 奉 固

JII

文集卷之五

也。 此可論,而爲吾弟盡其説,庶幾有小補也。 以足下處疾,罕與人接,渴聞議論之益,故因 恐不記書中之言,故却録去。 使吾日聞夫子之道而忘乎此,豈不善哉?」 没而無聞焉。 之,猶庶幾曰不忘乎善也。 通 上能探古先之陳 而 某於朋友間,其問不切者,未嘗敢語也。 默識之,固未能 此爲學之末,宜兄之見責 迹,綜群言之是 也。」又曰:「使後 此疑未得爲至當之言 苟 不 非、欲 如是,誠懼 其 也。 見 心

之人,始執卷,則以文章爲先,平生所 乎? 然其包涵 人之道有不足矣。 有闕焉。 也,直以不當輕作爾。 多於聖人。 蓋有是言,則是理明,無是言,則天下之理 向之云無多爲文與詩者,非止爲傷心氣 如彼耒耜陶冶之器,一不制 然有之無所補 盡天下之理,亦甚約也。 聖人之言,雖欲已, 聖賢之言,不得已也。 ,無之靡所闕,乃 則 爲 後 得 生

離 用 真 之 贅 失正,反 言 也 害於道必矣。 不 止 贅 而 已, 既 詩之盛莫 不 得 其要 如 待 所

則

無

李、杜。 唐,唐人善論文莫如韓 二子之詩,存者千篇,皆吾弟所 愈。 愈之所稱,獨 見 高

學之末乎? 以輔翼聖人,爲教於後,乃聖賢事業,何得 也,可考而知矣。 某何敢以此奉責? 苟足下所作皆合於道,足 爲

君子所存,非所汲汲。 子「疾没世而名不稱焉」者,疾没身無善可 其不忘乎善而已。 之心,乃非區區懼 云 合道之文者,知道者也。 爾, 又言欲使後人見其不忘乎善。人能 非謂 疾 無 **然名也。** 其 此乃世人之私 無聞於後,欲使後 名者,可以 在知道者所 心也。 属中 以 人見 爲 稱 夫 文 爲

道 是 ,然後能辨是非,如持權衡以較輕重 非、欲其 又云:「上能 心 通 默 探古先之陳 識,固未 能 也。 迹,綜 夫 11 群 一,孟子 言之 通 乎

> 所謂 重 乎道,而較古人之是非,猶不持權 工,竭其 精 謂 思而後見也。 「億則屢中」,君子不貴也 知言 目力,勞其心智,雖 是 也 揆之以 學者當以道爲本,心不通 道 使時 則 是 中, 非 衡 了然,不 亦 而 酌 輕

六〇二

改。 代 勿訝辭 臨紙 遽: 面 話 過 書,不復思繹,故言無次序,多註 煩矣,理或未安,却請示下,足

以

上文潞公求龍門菴地 小 簡

之地 谷,❶松齋之名,傳之至今。 其上,爲避暑著書之所。 頤 野 竊 見 人率易,敢有 勝善上方舊址,從 干聞 唐王 頤 欲 來荒 龜 雖 構書堂 得 不才,亦能 葺 廢 幺 爲 於 無 居 西 於 用

⁰ 構」,涂刻本作「剏」。

爲龍門 Ш 一添勝 跡於後代,爲門下之美事 可

否

1,俟命。

上 韓 持 國資政求撰兄墓誌

頤 輒 特顧 遇之厚,敢以哀誠,上煩台聽

家兄學術才行,爲世所

重,自朝廷至於

非所敢逃。

草 者 誌 發明其志意,形容其德美者,則鮮矣; 其道者則鮮矣; 有文者亦衆 非 述,以傳不朽。 野,相知何啻千數。 少 也,而 名尊德 然念相知者雖多 重,足以取信於人者則 今將歸葬伊川,當求 也 ,而其文足以 也, 能 能 言 知

頤

輒

持垂顧,敢以哀誠,上煩台聽

其 出 才德,言足以 道 門下,受知最深,不幸早世,當蒙哀 不 頤 竊謂: 得施 於時,學不及傳之書,遂將泯 取信後世,莫如閣下。 智足以知其道學,文足以 惻 家兄素 彰 没 其 顧

鮮

矣。

如是,誌之作豈易哉?

於西 孫 成 與 無聞,此尤 以其名。 敢忘 人 山 有終,知其 ? 展季得顯於 願丐雄文,以光窀穸,俾伯夷不泯 深 捐軀 可 殞命,未足爲報。 生必當 哀 也。 東國。 念其 恭 惟 閣 死 則死生受賜,子 愛其 下 至誠 率妄之罪 人必 待物, 欲

上

孫叔曼侍郎求寫兄墓誌書❷

知最深。 没無聞,此尤深可哀也 功業不得施於時,道學不及傳之書,遂將泯 家兄學 不 幸短命,天下孰不哀之? 術 才行,爲時 所重,出 入門 下 又其 ·, 受

切 惟自昔有道之士,名或未彰,賢人君

- 此 題涂刻本作「上韓持國資政書」。
- 題 冷涂 刻 本作「上 孫 叔曼侍郎書」。

六〇四

求真 之筆 子爲 死 葬 無 知其生必當念其死,愛其人必欲成其名。 來,道足以 生 伊 地 、蹟,以賁窀穸。 之發 受 川,太一資政韓公爲誌其墓,思 共久其傳。 賜,子孫敢 揚 流 而 光後 後 顯 世 恭惟閣下,名足以 於 倘蒙哀矜,曲賜開允,則 忘 ,致誠待物,與人有終, 後世 ! 内 者多矣。 循 率 妄, 取重 得 今 戰 大 將 一將 賢 越 願 歸

曹。

九月十二日

答楊時慰書

迅 死 慰問,及寄示祭文哀辭,足見歲寒之意。 速,忽將三月,追思痛切,不可堪處。 滅、兄長喪亡、哀苦怨痛、肝心摧裂。 頤泣啓。 頤 罪惡 不 ·弟,感 招 禍 變, 不 遠 日 承 月 自

此,天乎奈何! 頤悲苦之餘,僅存氣息,筋家兄道學行義,足以澤世垂後,不幸至

慮。 所 骸 幸 支 伏紙 老 離 而 尤 經此 摧咽,言不倫次。 倦 執 煩惱 筆 ,飲食起 况 哀 誠 居 頤 非 如 泣 書 常,不 啓楊 所 能 君 煩 盡 法 深

頤自作,徐當寄去。 十月二十四日葬,韓持國爲誌,行狀

謝韓公啓●

薦賢,固必有知人之哲。允諧公議,始厭竊以朝廷取士,所以爲致治之先,公卿

衆聞。

忘懷於白首,竊有志於斯文。時和歲豐,已道之端倪,明善誠身,未得古人之髣髴。徒頤也不才,少而從學,致知格物,粗窺聖

❶ 「公」上,涂刻本有「康」字。

下

情

园

品

之至。

還,不 明 可 常之遇。 侍,密宸 落之初,乃元 足素望; 揚 以 報稱 ? 知 所 文 扆之光輝。 言揚 荷恩爲愧,惴 ? 措。 陛 進 惟 老告猷之會。 德 登,被德音之温 末 殫 進 緣 素 敢 望 考於近世 學 履,徒 分則 有 勉 覬 副 豈 心 ? 逾。 切 厚 虞 而 向 厚; 知 若 過 來 屬 風 何 聽 過 西 嗣 可 行 此 謂 悃 清 猥 皇 爲 以 訪 幅 非 人 被

又 謝 簡

萬

牆

開

備

逢

偶

按

所

懷,

敷宣罔既

報 素 止 ? 萬 猥 福 頤 蒙 末 惶 過 由 恐 頤 展 聽 執 再 覿 薦 拜 耕 ~,伏冀 啓。 献 之 於於 畝 仲夏 上 ,於門下未嘗有 朝 爲宗社,善護 ,沾被恩 毒熱,伏惟 命, 何 臺 寢 日 以 候 興。 之 動 稱

答吕進伯簡三

自愛。 員於此, 時 此 部 諭 坐馳 生靈、 不逮。 相 早暵,賴賢使者措置,受賜 往 來, 别 神 累 之幸。 爽。 夙夜自 想在 與叔 年 ', 區 所欲 勞 每 勉 竭,未見其補 過 止。 區 道者 成休功,乃 從、至慰 企渴之深,言 秦人瘡 非 面 至 何 所 不 幸。 瘵 時 涯 盡 願 未 不 望 1 引素門 望 賜 復 盡 惟 儒 意。 書, 干 頤 者 而

苟遷就於法中 爲 之拘,不得有爲者,舉 今日官,當於今日 別紙見諭,持 -, 所可 法爲 爲者尚多。 事 世皆是也 要,其 中 ·, 圖 來已 所 設 先兄明道之 以 久矣。 施。 頤 觀之, 舊 法 既

❶ 「在」,陳刻本、涂刻本作「亦」。

六〇五

駭矣。 鄙 爲 志則不可,求小補,則過今之爲政者遠矣。 人雖異之,不至指爲狂 之未嘗大戾於法,衆亦不甚駭。 (邑,及民之事多,衆人所謂 見如此,進伯以爲如 盡誠爲之,不容而後 何? 也。 至謂之狂,則大 去,又何嫌乎? 法 所拘者,然爲 謂之得伸其

後 則 事 祇 以配食,誣瀆天地。天下之妄,天下之惡,有 失已甚。 天母地,昭 久 大於此者乎? 患 傳 於汾 ? 、懷憤鬱,無所控告,遇公而伸爾。 ,典憲不能相及,亦可料也。 荷公知遇之厚,輒有少見,上補聰明,亦 願以其像投之河流。 雅,●既爲非禮。 因唐妖人作《韋安道傳》,遂爲塑像 聽矣。 事之道,當極嚴恭。 公爲使者,此而不正,將正何 勿請勿議,必見沮矣。 後世 慎勿先露 復建祠宇,其 漢武遠祀 願公勿疑。 王者父 ", 先露 毋虞 地

與日大臨論中書此書其全不可復見,今只據呂氏

録到者編之。

道,大本與達道,豈有二乎? 天下之大本,和者天下之達道」,則 謂「天命之謂性,率性之謂道」,又曰 名,别而言之,亦不可混爲一事。❷ 病,已悉所諭。 先生曰:中者道之所由 大臨云: 大臨云: 謂中者道 中者道之所由 但論其 所同,不容更有一 之所 出 ,此語有病。 由出,此 中 性 如所 與 有

❶ 「脽」,原誤作「雎」,據文意改。

混」,原誤作「泥」,據涂刻本及下文改。

容更有二名,别而言之,亦不可混爲一事」,

道在中外,别爲

一物矣。

所謂 [論

其所同,不

先生曰:中即道也。

若謂道出

於中,則

⁶³⁰

性曰 言其體 混 此 乎? 語 而 道 爲 固 ,達道言其用,體用自殊,安得不爲 無 即 性也,命也,道也,各有所當。 病。 未安。 若謂: 性與道,大本 在天日 l命,在· -與達道 人日 性 大本 一,循 可

道」之義同,亦非道中别有中也。也。在天爲命,在人爲性,由中而出者莫也。在天爲命,在人爲性,由中而出者莫也。在天爲命,在人爲性,由中而出者莫

可乎 假此以 名。 從稱 非 也者,所以狀性之體段。若謂性有體段亦不可 方圓之所出。 ? 出於中? 明彼。 先生曰:「中即性也」,此語極 若只以 方圓既 如 中 稱天圓 爲 蓋中之爲義,自過不及 如中既不可謂之性,則 不可謂之天地, 性,則中與性不合,與「率 地方,遂謂方圓 則 未安。 萬 即 物 天 而 道 立 决 地 中 何

> 可乎? 偏之謂 出於中,則 近之。子居,和叔之子,一云義山之字。 德,字亦未安。子居對以中者性之德,却 〇又曰: 合 性之謂道」其義自異。 而言 中。 觀 天圓 道無 此 中 義,一 止 地方,謂方圓者天地 不中,故以中形道。 可 '言體, 作「語」。 性道 而 不 謂 不 可 可一 不 ○又曰: 與 可 性 作 所自出 若謂 與 同 可 性 道 爲 同

先生曰:不倚之謂中,甚善。語猶未榮大臨云:不倚之謂中,不雜之謂和。

不雜之謂

和,未當

之中。 心。 當其未發,此心至虚 大臨云:喜怒哀樂之未發,則赤子之 以 此 心 應萬 物之變,無 無無 所 偏倚 往 而 故 非 中

[「]即」,原作「而」,據涂刻本改。

[「]自」,陳刻本、涂刻本作「無」。

當爾。 義也。 於權 義 有 長短 安可言由中而出乎? 心名之曰中。 中者道之所由出也。 始者有 其赤子之心,乃所謂「允執其中」也。 「率性之謂道」者,循性而行,無往 也。 物 又安得 衡之審者,正 ,物皆然,心爲甚。」此 孟 以此 皆非 此心之狀,可以言中,未可便指 存 子 見於此,便指 乎其 曰: 指 心 如權、如 道 應萬事之變,亦無往 所謂 (間,則 權 體 以至 然後 而 以中形道,正此意 此心名爲中,故前 度乎? 今細思之,乃命 輕 言也。 先生以爲此言未是 虚 知 重 輕 無所偏 心度物,所 長 重,度 若論道體,又 故大人 短皆 倚故 失其 然 而非 而 名 大 不 以 後 非 也 也 此 未 臨 失 中 其 理 知 理

而已。 非止 安,以是自信不疑,拳拳服膺,不敢失墜。 行,將無所不合。 教,反求諸己,若有所自得,參之前言 知,其心固有不同矣。 未發之際 無時,何從 及乎? 者,無過不及之謂也。 堯、舜相授以 迷謬,幸甚。 喻,輒露所見,求益左右。卒爲賜教,指其 竊恐辭命不明,言不逮意,致高明或未 今承教,乃云已失大本,茫然不 無毫髮之異也。 取 大臨 此義,大臨昔者既聞先生君 純 求之此心而 而已。 를 一無僞,可與聖人同 而 守之乎? 天下,亦云「允執其中」。 聖人之學,以中爲大本。 聖人 當是時也,此心即赤子之 大臨前 由是而之焉,似得其 智 已。 周 何所準則而知過不 然推 萬 日所云,亦取 求之於喜怒哀樂 此心之動,出 物,赤子全未 孟子所 乎? 知所 云, 子之 非 諸 向。 中 所 深 往 雖 謂 此

中。 此。 心,純 左 之罪,敢不承 覺辭氣迫窘,無沉浸醲厚之風,此則淺 病,而聖人氣味殊少。」大臨反 言之。今言赤子之心,乃論其未發之際, 謂之中。」大臨思之,所謂和者,指已發而 大臨前 純是義理,與天下之所同然,安得不和? 然不動,感而遂通天下之故」。 此心所發 明至平,其察物甚於權度之審。 孟子所謂 子之絶 所謂循性而 有「竊謂」字。 若謂已發,恐不可言心。 恐恐 來教云:「赤子之心可謂之和,不 無僞。 日敢指赤子之心爲中者,其説 四,四者有一物存乎其間,則不得其中。 煩 「物皆然,心爲甚」,心無偏倚,則至 往答,●只令義山持此請 純一無僞,無所偏 教? 即天地之心,神明不 行,無往而非理義,言雖 大臨更不敢拜書先生 即《易》所謂「寂 而思之,方 倚,可以言 來教云: 測。 即 教 可 如 孔 陋 無 即

義山,傳誨一二,幸甚! 幸甚! 蒙塞未達,不免再三凂瀆,惟望乘間口諭

有異者得爲大本乎? 推此一言,餘皆先生曰:所云非謂無毫髮之異,是有異

可見。

也。

以爲言,固未嘗以已發不同處爲大本也 義亦然,更不曲折。 先生與大臨之言未有異也,但解赤子之心 心體昭昭具在,已發乃心之用也。 發之前,謂之無心可乎? 先生謂凡言心者,皆指已發而言。 生以赤子之心爲已發。所謂大本之實,則 句不同爾。 無僞,與聖人同。 大臨云:大臨以赤子之心爲未發,先 大臨初謂赤子之心,止取純 一有「處」字。 恐 孟子之 一一較其同異,故指 竊謂未發之前, 此所深 然則未

「往」,陳刻本、涂刻本作「枉」。

0

六〇九

六一〇

疑未喻,又恐傳言者失指,切望指教。

微 故」是 中」語未甚瑩。 性也」,已是分而爲二,不若謂之性中。 之,雖曰有差,亦不失大意。 發而言,此固未當。 之未瑩 反一作「及」。 寂然不動」是也。 ,言愈易 也。 第二書所以答去者,●極分明矣。 先生曰: 乃 惟 求諸言,却是認已發者爲説。 差。 是 觀 以 其 擇之未 所論 謂 有指 所謂 所 聖人氣 見如 意,雖 用而言者,「感而遂通天下之 心一也,有指體而言者, 精爾。 傳言者失指,及 味殊少,亦不須言聖 何耳。 以 已發者爲未發, 凡言心者,指已 又如前論「中 大 抵 論 反 覆 愈 「性 精 即 觀 詞

答楊時論西銘書

便爲人借去,俟更子細看。《西銘》之論,則前所寄史論十篇,其意甚正。纔一觀,

發。 爲用也,反謂不及,不亦異乎? 「愛無差等」,本二也。 與孟子性善、養氣之論同功。二者 且謂言體而 於無父之極,義之賊 止私勝之流,仁之方也。 無分之罪,兼愛而無義。 殊,墨氏 未 西銘》之爲書,推理以存義,擴前 然。 豈 墨氏之比 横 則 渠 二本 不及用。 立 言, 哉哉? 而 分殊之蔽,私 誠 無 也。 彼 有 分。 <u></u> 欲使 過 西 子比 分立 無别 「老幼及 者, 銘 人推 而 乃 而 而 明 勝 同 在 推 聖 所· 人, 迷兼愛,至 而行之,本 理 而 之,過矣。 亦前聖所 理 失仁; 正 理 一,以 未發, 而 一也。 分 未

代人上宰相論鄭白渠書

某聞: 天下之事,有甚難而易者,有甚

「以」,涂刻本無此字。

公復 後。 關 填關 昔 易 閣 力 事 之利,神宗皇帝賜對便殿,大稱聖心,付以 思神宗皇帝知其利而欲興之意,與先祖 止,不終厥功。 求治功,興葺遺利。 秦、漢而下,皆獲其利。 田於何所? 了, 興役 中 下 而 韓 而 欲罷 衣食關 引 遂爲沃壤,無 之水,溉瀉 難 嘗尹長安矣,必聞其事。 被沮之恨,某未嘗不憤歎至於流涕 涇水 者 踰 秦兵,使 年, 獨 中,億萬之口。」此兩渠之功也。 以 繫 池陽谷口。 功已有敘, 溉 陝右之人,至今爲恨。 鹵之地 在 田 X 鄭國説以 上之人, 時先祖殿丞,建明鄭、白 年, 民 四萬頃 熙寧中,神宗皇帝講 得其饒 秦以富强。 鄭國在 而害能 爲 鑿 前 與 涇 收常 不 水 前,白渠起 者 歌之曰: 溉 爲 至漢,白 巧 田 而 某 爲 盡 鍾, 也 其 每 沮 其 注

高 仰 今則又非昔年之比也。 溉 之功,幾 盡 一廢矣。 涇水低下,渠 民 用 困之, 口 物

> 鬱。 塵 千萬斛,所濟豈不甚大? 旅 斛 抱 以天下事爲己任。 自幼小稔知其事,人微處遠, 湮 之興 湧貴, 恨泉下 釣 幸遇 聽。 儲 職 僕 則某平生志願足矣。 偫 此之由。 射相公,以經緯之才,逢時 倘蒙采録,或致成功,不使先祖 爲 急。 某是以敢不避狂妄之誅 今方外 誠 使秦中歲增穀數 某,關 有 無 不 由 西陋 順 自 之羗 伸 得君 儒 其 也 憤 百 師

上 謝 帥 師 直

頤 知,不敢爲世俗 至愚,學道 頤 皇恐 **F**. 幾 書 五十 所移。 於 知 年, 府 知之罪之,則繫乎 惟 安 是 撫 自 寶 信,行 文 閣 下。 其 所

[「]之」,陳刻本、涂刻本作「乏」。

件」,涂刻本作「備」。

書」,涂刻本作「訴

人焉。

衆,可 知 方論 耳 大? 遂使庸醫輩恣其盲妄,無所忌憚,殺 文,乃云律稱合藥,誤不如本方,若用藥不 使不敢輕妄,致害 者,以故殺傷論,雖不傷人,杖六十。 而殺之者,不可勝數。 律之意,非特矜死者之無辜,亦以警懼庸醫 方殺人者,徒二年半,故 扶 自 溝縣,嘗以醫者用藥,過 所聞見,士大夫爲庸醫反陰陽,背方論 稱之,蓋他 伏覩律節文:諸醫爲人合藥,誤不 勝言哉? 近世以 雖 過劑乃用藥之失,非合藥誤也。 日殺千人,法所不禁,官不當治 來,律雖 人未嘗用此 獨嘉 人命,則其爲益,豈不 祐 存 况天下之大,民庶之 中,族兄太 而 不如本方 實不 律故 劑殺 用。 也 人,送府鞭 中 人如 俗吏 殺 古人造 一嗣宗, 當 傷 如 也。 麻。 介拘 甚 如 時 X 本

今死者之家,莫肯與醫者辨者,其故有

利害爲 爲非 校矣。 也? 也。 設 使馬醫治馬,誤殺馬 殺,隱忍而不辨者多矣。 意,自當從故殺傷之法,此律 之命也。 之詞曰彼無惡意,又曰訟之無益矣,又 不爲之辨,骨肉之義 爲之窮辨,一 也。 也。 慮今而後,難復用藥,●三也。 以 謂己之命,則爲 世之人,雖其父母本非 當官 辨之所以 心,而 習俗之迷人也如是。 此皆至愚不知義理之言。 1者無 也。 不 顧 申骨肉之義,豈繫有 愛人之心 與醫者習熟,不忍訟之,二 骨肉 而杖馬醫者,目所常見, 絶 人毆 矣。 之義, 衆人 而 既 苟 殺之,亦 正 今之士大夫, 觀之,亦 不 死疾,爲醫 欲 一爲 知其冤 能 省 無 事, 辨 彼有 是皆 可 益 故 死 以 意 日 則 不 無 所 惡 己 以 不 益 者 爲 而

「不」,涂刻本作「無」。

爲醫 耳 愛馬乎? 所常聞,衆人不以 所 殺 而 愚惑不思之甚 責醫者,則 爲 未嘗見。 非 也。 也 至以 豈愛親 父母 骨 不若 肉

殺人而 本 與 下之則死,是不下則不死也。今下而殺之, 其 藥 肝 不惡,故罪止於徒,恕之至也。 操 死乃病死,未得爲醫殺之也。 刃 凡人之疾病,誤醫者多矣。若風疾與氣 病而攻脾之類,雖不中病,未能 不加治, 豈爲政之道乎? 而 斷 其喉 何異? 古人立法,原其意 若醫經明言 若聽其 害人。 妄

法之所 依者 柄 醫 而 有 經術 狀披訴。 者乃大下之,又與洗心散,遂至冤死。 不 乎? 加 姪 無 子某爲令醴泉,病陰證傷寒, 政 毫之罪,於義得爲安乎? 者,尚可 民之於令,其義 事聞於天下,高識 伏惟明公居大帥之任,操勸懲之 權其宜 最重。 而行之,况有法可 遠見卓然絶俗。 致令之死 竊聞 而 邑之 邑

> 懇,頤皇恐上訴。 細 皆知戒懼,不敢輕視人命,則公及人之功,豈 中憤歎不平之聲,聞於道路。 上 郡縣必多效之者。 念之乎? 也哉? 天之祐,後昆 匪 重思閣 惟 先兄父子懷結草之報,當 享繁衍盛大之福。 下,天下吏 若使遠近傳之,庸醫之輩 師 豈當任者獨不 誠 能 不勝 行之, 哀 獲

與金堂謝君書

也。 僑居 中 只云忠涪間 ·奉報,計半月方達。冬寒,遠想雅履安和 旋 來 頤 春 答。 爲客次,日以 江 看親,人必不 水穩善,候有所授,能 前月末,吴齋郎 延望,乃知 疑 也。 送到書信 止 行 ., 訪 甚佳 即 悒悒 遞

字,以此無書,故未能,却先了《論》、《孟》或頤偕小子甚安。來春本欲作《春秋》文

落。 十· 一· 所説 亦 先尋繹令熟,只看王弼、胡先生、王介甫三家 文字,令通貫,餘人《易》說,無取 容遺忘,只恐微細 禮 長 月初· 許 且請 矣,宜汲 也 止、蔡般書葬類是 九日 推 **^** 官用 春 汲 頭路。 秋》大義 也。 意尋究,後日 義例,老年 未 知縣推官。● 相 數十,皎 也。 見間,千 精神, 見 若欲治《易 枉費功。 助 如 百 日 有 如 慎 星 所 往 年 年 漏 不

答周孚先問并跋

休息時 助 者, 如 不 長」也。 孟 在道之心 無如禪客。 子所 问: 謂「 先 禪客行住坐卧,無不在道。 若正若助 生 ,便是至忙。」孚先竊謂 一必 舊 市井之人,雖曰營利 有 語 事 門人云:「天下 長,即是忙也。 焉 而 勿正,心勿忘勿 或者 此 猶 至 存 忙 無 有

未嘗閑,若學者須是行住坐卧在道。 謂此語非爲學者設,謂以聖人方之,禪客

也,固當有事,亦當知助長之非。 存無不在道之心,便是助長。方其學

質,一不念則流入於狂。 必至於此。 之徒是也。 克念作聖。」孚先竊 矩,雖不念亦無害也 問"《書》曰"「惟聖罔念作狂,惟 借如顔子,不能拳拳服膺, 若是聖人, 謂, 聖者 則從心所欲不 狂者進 謂 有 取,曾是 聖 踰 資 亦 晳 狂

·,狂愚之稱。 六德: 知仁聖義中和。聖,通明之稱。

狂

Ц; 孚先竊謂 知者 問: 孔 動 樂山樂水,狀仁知之體,動静 子 日 一者静; : 知 知者樂,仁 者 樂 水, . 者 者 述 樂

^{● 「}知縣推官」,涂刻本無此四字。

壽。 也。 動謂 其安止也,故静。 有得於所性則循理而行之,故樂山。 用不息,故樂水。 知之,能知之則務 知之用; 壽謂 仁則能體之,能體之則 其理之無窮也,故樂。 其 達 樂與 理 壽 静謂其無待於外也,故 水謂 窮物理, 也 明仁知之効。 其 周 務 有得於所 樂謂 流 窮 也 物 其 故 故 知則能 理 山謂 無疑 則 性, 動。 運

言意未能體仁知,且宜潛思。

生

也, 莊以涖之者,外設藩 者,見得到也, 仁能守之者, 孳孳於此 此語是告學者,亦是人道之序。 以涖之,動之不以禮,未善也。」孚先竊謂, 以涖之,則民不敬。知及之,仁能守之,莊 雖得之,必失之。 之以 問:孔子曰:「知及之,仁不能守之, 禮 ,觀時應用皆欲中 知及之,仁能守之,不莊 垣以遠暴慢 節 也。 故知及之 或者謂 也;

此是人君事

者,孳孳於此也,此言未能 仁則安矣,所以云守也。 臨 政 處己,莫不皆然。 盡 所 仁,且宜致思。 謂 能 守之

博,問之不切。日月逝矣,功不加倍,祗 之列,親炙模範,時聞 益自歉。 四十年矣。以今日視前日 書,請質於先生,皆得親 春,歸省庭闈 冬,過洛陽,游伊川先生之門,預 孚先舊講習太學,建 紹興丁巳冬,周孚先謹書。 ,期歲復入學,以 海語。 筆開 ,固知學之不 中 諭 越 靖 逮 所 明 或 群 今幾 疑 年 庚 弟 爲 辰

答張 閎中書

進爾 易傳》未傳,自量 然亦不必直待身後,覺耄則傳矣。 精力未 衰,尚 覬有 書 少

六

象數在 也。 則 忽,乃尋流逐末,術家之所尚,非儒者之所務 來 雖 《易》因 非 書 未 管輅、郭璞之徒是 굸 也 出 其中矣。 象 學 《易》之義本起 以 有理而 未 明 嘗 理 不 必欲窮象之隱微 後有象,有象 由 傳 象 也 也 而 於 第 知 數。 患 數。 無 謂 而 受 得 義起 盡數之毫 後 之者 其 義 有 於數 汀則 數。 爾

辭 則象數在其中矣 矣, 理 則 無 可 形也,故因 由 辭 以 觀 象以 象。 明理。 故 日 理 得 既 其義 見乎

答楊時書

來 任 |I|,多在伊 歸 體 頤 得 况 啓 + 安 Ĭij 佳 一月十 相别多年,常 甚 見謀 慰 五 遠 居伊,力薄 日 懷 南 深 康 渴 頤 發 想。 如 未能 來 常, 書 前 遽成耳。 自 知 日 去 .自伊 赴 冬 新

> 及之。 於是? 授。 來期。 道。 也。 天下之道。 三月六日。 春 名迪者好學質美,當成遠 朝 暄 此 廷 兩 赴省試令子,不知其名,中 設 獨與諸孫處,歲計稔則自餘,無 小子大者頃城尉,小者鄢陵尉。 惟 荷能 教官 進 學自愛,不宣。 蓋 修職,則「不素餐兮」,孰 欲 教 人修 身 器, 頤 齊 啓楊 應未 第 家 承問,故 可 治 君 喻 有 或 教 足 北 及 大 平

答楊迪書

故 不 復奉答。 相 别 累 月,思渴 近又收 と書、乃. 前 承 知未 惠 書,恐 行。 已 喜聞 出 京,

暑安佳

精索 若 以 ,未易曉也。 心 前 書 迹 所 有 問 判 心 則 迹之説 象 又云:「有道,又有易,何 憂 亦 古 憂 知 乃 未 僞 能 矣。 無 疑 也 宜

是以能思而 與孔、孟同? 率所論,辭與意太多。 通 如 而 矣。 ?」此語全未是。 른 變易而後合道,「易」字與 勉 之! 卒同 唯其不敢信己而信其師之説, 也。 勉之! 更將《傳序》詳 若紛然致疑,終亦必亡 孔、孟之門人,豈能盡 盛 「道」字不相合也 暑 在 途 思,當 千 百 自 大

答門人書

自愛。

孔 説漂煦,不能自立爾。 於大概尚弗識 觀聖賢 不謂至如是。 論 孟之門豈皆賢 幾盈箱矣。 前者奉答,適病倦不能詳。 ,弗識者多矣。 **豊皆知不足以及之**? 况 設端 哲? 屈 伸 雖多,大率意不 惟其不 此 久速之際乎 固 由見信不篤故也。 多衆人。 敢信己而 後來親知講 ? 蓋爲衆 以衆人 相遠 信 平日 其

> 且思之,致知之方也。 則 師,是故求而 置 不復思,所以 後得。 終異也。 今諸君 姑 求自曉 不可 於頤言,纔不合 '便放 無 庸 下,更 他 恤。

答鮑若雨書并答問

深尤不知者,甚無謂

也

念。 略奉答,思之可 書,審已安康, 示及所疑,百忙 頤 答。 諸 君 其 也。 慰 處,常問 可 中謝君告行 夏暑 知。 知 · 千百善愛。 頤 動 如 啃 ,不暇周 常, 不 忽 煩 領 悉 見 五. 惠

 月十日,頤咨鮑君秀才。

佛氏輪迴之説,凡爲善者,死則復

❶ 「夏」,涂刻本作「袢」。

類。 所,造化之中,自然有爲禽獸之理。 而 自然有復生爲人之理。愚者平居作惡, 凡禀冲氣以生者,未始不同。 至死,其氣冥會於中和之所,造化之中, 生 日恐有此理也。 人之所同者 爲 冲氣已喪。至死,其氣則會於繆戾之 雖 善 無此實應,竊恐有此理。 人,爲 而 惡者 踐履之,故能保全太和 死 則 變 而 聖人先得 爲 禽 何則 潤 故 之 ?

死 矣,能原始則能要終矣。 夫子曰:「未知生,焉知死?」知生則 知

處 説,則似乎有佛氏所謂。 神者妄矣。 「神妙萬物 ,便是來格,但當 《易》曰:「陰陽不測之謂 不知此説如何? 而爲言。」觀此,則 然祖考來格,敬鬼神而 至誠,不當褻近,近 意者,氣類 佛氏 神。」又曰 遠之之 所 感 謂 得 應 鬼

潛心 久當· 自 明

莫能狀者,●此所謂難 大,充塞于天地之間。 害,則無私心。 直養而無害,則塞于天地之間。」嘗謂 地之間,只是到處去得,此言似無氣味。 氣量窄狹,只爲私心隔斷。 孟子曰:「其爲氣也,至大至剛 苟無私心,則 言也。 氣象自可 苟 志 或 以 以 謂 氣 直 意會 塞 自 養 手天 凡 然 而 ; 人 以 而 廣 無

如是涵養。

或謂樂正子從子敖,有激而云,不得不然。 我乎?」云云。 此 無疑,真孟子之言。 樂正子見孟子, 觀 此 篇, 孟子曰:「子亦 都無聖人氣象。 來見

危授命,久要不忘平生之言,亦可以爲成 今之成人者何必然? 見利思義,見

却有也。

人矣。」此言是子路説耶? 孔子説耶?

仲尼言。

家貧親老,不求禄仕,竊恐不然。謂二不孝何如? 説者謂陷父於不義,與孟子曰:「不孝有三,無後爲大。」所

何以知不然? 所謂禄仕,凡所以養

皆同。

定親書

厚,遽賜允從? 穆卜良辰,恭伸言定。有少非華,愧聲猷之弗競。不量非偶,妄意高門。以頤第幾男,雖已勝冠,未諧受室。恭承賢以頤第幾男,雖已勝冠,未諧受室。恭承賢以頤第幾男,雖已勝冠,未諧受室。恭承賢以頤第。 伏以古重大婚,蓋將傳萬世之嗣,禮稱至敬,所以合二姓之歡。顧族望之嗣,禮稱至敬,所以合二姓之歡。顧族望之嗣,禮稱至敬,所以合二姓之歡。

又書

儀物,具如别牋。

已諾婚姻之好。有少儀物,具如别牋。不量衰族,久慕高閎。輒憑咫尺之書,

答求婚書

伊川文集卷之五

六九

伊 川文集卷之六

婚

禮

禮

納 采

其意。使辭曰:「吾子有惠, 貺某室也, 某壻 有先人之禮,使某也敢納采。」 納采,謂壻氏爲女氏所采,故致禮以成

問 名

也。 使者請辭曰:「某既受命,將加諸卜,敢 問名,謂問所娶女子之名,若今之小名

請

女爲誰氏。」

納

吉

得吉兆,又往告女氏,猶今之言定。 曰:「吾子有貺命,某加諸卜,占曰吉,使某 納吉,謂壻氏既得女名,以告神而卜之, 使辭

納 徵

也敢告。」

禮。 人之禮某物,使某也請納徵。」 使辭曰:「吾子有命, 既室某也, 某有先 徵,證也,成也,用皮帛 以 證成娶婦之

請 期

三族之不虞,使某也請吉日。」女氏對曰: 使辭曰:「吾子有貺命,某既申受命矣,惟是 ·某既前受命矣,惟命之從。」一作「是聽」。 使 請期,實告婚期也,必先禮請以示謙。

曰某日。」日猶言甲乙之類。曰:「某使某受命,吾子不許,某敢不告期,又曰:「某使某聽命于吾子。」女氏固辭使

成 婚

曰 : : 就位。 及階。 壻父。 車也。 然當 賓而 命。 擯 照道,今用 之車也。今或用擔子。 ,俟于大門之外,主人俟于門内。 量居之遠近。 出 先,賓從之見于 期 主人固 擯進揖 命某壻名。 乘,前 東面。 主人揖升,介以賓升。 日 燭四或二。 ,壻氏告迎于廟。 引婦車,受命而出,乘馬前引婦 以恭俟。」擯揖 請 再拜,贊即 壻受命于所 事。 以兹初昏,將請 執燭前馬。 賓將至,賓,壻也。 **賓對**今以介對。 廟。 席内 見女氏之先祖。 尊,謂 入門,主人揖賓 初昏禮雖云「初昏 告具。 使徒役持火炬居前 介南 承命。」 醮而受告戒之 曰:「某稱 主 面,贊賓 女氏 賓降,下 車,迎 」擯對 人肅 至于 之 婦

也。 飾。 舉。 位。 外, 肾家大門外也。 前。 辭。 贊者引壻人,贊者,壻氏之女相。 中,北面。 也,於坐席之南北。 盥于南,壻之從者沃婦盥于北。 姆侍奉婦立西席,東面。 及寢門,揖入,壻退就次。 父西面 廟,至于中堂。母南面于房外,女出于母左, 者延賓出就位,贊者以女氏之子姪爲之。 中堂,見女之尊者,徧見女之黨于東序。 戒諸 姆侍扶婦答拜,遂即席。女之從者沃壻 既升, 介以賓辭。 贊者進酌 卒食,相者以 醮女而戒之,母施衿結帨,今謂之整冠 西階之上。 婦降自西階,壻揖,前導,立于車 而先俟 主人請入戒女氏,奉女辭 ,用常爵。 壻搢笏舉婦蒙首,蓋頭也。 婦至,主人壻也。 壻婦興,説服。 于 門外。 擯者 三爵, **贊揖壻再** 及期,期謂早暮之節 出,壻降立 先之者,導之也。 立東席, 用 沃盥,以水濯手 卺, 揖婦以 女之從者 拜,男下女 卒食,興 姆 西 于 助 面 庭 復 贊 婦 門

爲别。 之西 受壻 上。 見。 日 各就其寢。 拜,見屬之尊者長者於東偏,南面 壻拜于婦氏之門。 女侍待呼于外。 服 偏 舅姑人于室。 質明,贊見 是爲見已,不復特見。 壻 卒食,婦降 之從者受婦 幼者賤者,皆見於堂下, 婦 于 婦盤 舅 自 夙興,婦纚笄 阼 姑, 饋。 服 若異宫, 階 進 燭 舅姑饗婦于堂 拜, 饗 出 禮謂 東上,屬 則 奠 衣 康 嫡婦 贄 見諸 西 服 成 還 面 以 云: 父 翌 北 自 又 俟 禮

奠 菜

祝稱婦之姓曰某氏來婦,敢奠菜於□舅某子三月預祭祀,事舅姑,復三月然後奠菜。

葬 説 角圖

一姑某

氏

此段義有未詳。

卜其宅兆,卜其地之美惡也,非陰陽家

矣。 者, 精 脂 危則 村落,遠井窑。」五 道路,不爲城郭,不爲溝池,不爲貴勢所奪 用 先爲計,而專以利後爲慮,尤非孝子安 子孫盛,若培壅其 所 丈,遇石必更穿之,防水 不爲耕犂所及。一本:「所謂五患者,溝渠,道路,避 方位,决日之吉凶,不亦泥乎? 乃其驗也。 色之光潤,一作「澤」。 地之惡者則反是。 畫 塗棺槨,石灰封墓門,此 心 謂 出 至於年祀寖遠,曾高不辨,亦在 此危、 也。 禍 不 則 福 得 又 惟 者也 亦其 已, 在 父祖子孫同氣,彼安則此安,彼 五患者不得不慎,須使異日 審 患既 後 (理也。 思 地 不 根 然則曷謂地之美者? 慮矣。 之美者, 慎, 草木一作「生物」。 可 而枝葉茂, 而 遷 潤 則 拘忌者惑以擇 就 也。 又 其大略也 其 則其 鑿 同 火 既 地 甚者不 葬 葬 理 神靈 葬 必 固 盡誠,各 之茂盛, 至 作 則 作「焚」。 然 安 若夫 厝之 以 「焚」。 四 地之 以 不 其 奉 五. 松

播

त्रा

卵囊甲

寅

或此下第四穴

P

葬 法 决 疑

西,亦左右相對而啓穴也。

棄女還家,以殤穴葬之。

下穴昭穆圖

*

穴七

穴五

穴

亥

壬

凶

日 穴六

穴四

穴

丑

瓣

券臺

穴

坎

癸

*

0

-

西羌庚

井

出

0

数

穴,尊者居中,左昭右穆而

次

後

,則或東

或

具棺槨葬之,不須假夢寐蓍龜

而决也。

葬之

出母不合葬,亦 俗相傳,竟無所出之處。惟《堪輿經》黄帝對 經典,本無證據,古陰陽書亦無此説,直是野 之大,妄謬之甚,在分五姓。 五姓之説,驗諸 莫得預測,水泉交浸,一作「侵」。 天老,乃有五姓之言。 詭誕之説,葬書 以定吉凶,决善惡也。 古者聖人制卜葬之禮,蓋以市朝遷變, 一術,遂至百二十家。 且黄帝之時,只有姬、 後代陰陽家 不可 先知,所 流,競爲 爲 害

者、宫商角徵羽是也。天下萬物、悉配屬之、 有此語? 姜二三姓,其諸姓氏盡出後代。 固妄謬無稽之言。 其所 何得當時已 謂 五姓

不夾「震」字,中門坎離行「坎」作「子」,「離」作「午」。 涂刻本乾至坤行酉庚間不夾「兑」字,艮至巽行甲卯間

六二四

辨 爲宫,以 武 行 有同是一 都 事 庾等爲 吉 無憑據,只信其臆 凶 趙 姓,分屬宫商,複姓 姓 羽 依 是則 此 爲 爲 角、又 法 同 o 非 韻 至 説 四 相 如 爾 聲 求 以 相 文數字, 張 管。 及其 王 等 徴角 其 以 爲 間 柳 商 不 姓 亦

古姓 性 時 則往 姓。 郇 霍、魯、衛、 因官,分枝 爲之制,因生賜姓,胙土命氏,其後子孫 者 一,❷有 變改 本皆姬 ,呼某白黑小大以 ,若用今姓,則皆後代所受,乃是吉 其餘皆爾,不可 往數經更易,難盡 夫姓之於人也,其始也 也。 所宜之地也。 布 姓 毛、聃、郜、 人之分宗,譬如木之異枝。 葉,而 華、 向 庶 勝舉。 爲 姓 雍、 尋究。 取 蕭、亳、皇甫,本皆子 别 益 其 爾。 曹、滕、畢、原、豐、 廣。 亦如 枝 今者用 况復葬書不 而 如管、蔡、郕 後 萬 散植之,其 世 物之 其祖姓 聖 木 X 因 同 人 之 載 邑 乃 隨 形

> 聖制 之。 如何用之? 同 性 設有人父本宫姓,子以 同 所 葬禮聖人所制,五姓俗 而 宜 葬 從俗説,不亦 寧 地、遂言彼 有 今二人同言,則 異 乎 ? 漫乎? 凶 若 功勳 而 此 祖 更賜 人所説 必擇: 吉, 之 裔 商 决 其賢 姓 無 姓 何 是 乃 者 則 理 信 不 舍 將

行 九 葬者未有五姓 家, 而 + 見 於世已,●數 久者千餘歲,其下至數百歲 矣。 歲,有百歲者。❸ 昔三代之時,天下諸侯之國,卿 君卿大夫,史籍所 也。 世 白 古之時,庶人之年不 歲 之家 自 唐 鮮 而 可 矣, 來,五 見者,往 不 人 絶 壽 姓 大 七 葬 往 可 夫 此 之 法 八 得 時

2

❶ 「某」,涂刻本作「其」。

[「]性」,原誤作「姓」,據陳刻本、涂刻本改。

[「]已」,陳刻本、涂刻本作「矣」。「者」下,涂刻本有「不少矣」三字。

足言哉? 夫葬者藏也,一藏之後,不可復 信,將求其吉,反獲其凶矣。 者,謂風水隨姓而異,此尤大害也。 虞矣。不止水一事,此大概也。 欲地之安者,在乎水之利。 改,必求其永安。 久長,壽命短促,大凶之道也。 短,果由於葬邪? 是乃今之法,徒使人家不 則安用違聖人之制 歲者希矣。 苟吉凶長短,不 故孝子慈孫,尤所慎重。 而從愚俗所尚? 水既 進退無取,何 由於葬邪 利 耐 ·; 則 愚者執 今之葬 吉凶 終無 ? 長

大凶。❷ 不可用昏黑也。 食則舍於道左,待明而行,行是必須晴 人,皆無 時皆是夜半,如何用之? 又曰己亥日 至於卜選時日,亦多乖謬。 其 今按《春秋》之中,此 應。 宜忌者不忌,而 而葬書用乾艮二時爲吉,此 日葬者二十餘 按葬者逢日 不宜忌者反 明, 葬

如此背謬者多矣,不欲盡斥,但當棄而勿用,穆,易亂尊卑。死者如有知,居之其安乎?

記葬用栢棺事

自從正法耳。

義 骨,當如 玩之物,尚寶藏固 如 已,又有求速化之説。 是 ? 爾 古人之葬,欲比化不使土親 且非 何哉? 欲其不化也,未化之間,保 世俗淺識,惟欲 密,以 是豈知必 防 損污,况 誠 膚。 不 必 親 信 見 今奇 藏 之 當 之 遺 而

吾自少時,謀葬曾祖虞部已下,積年累

- 「行行」,涂刻本不重。
- 9 「大」,涂刻本無此字。

以 潤如新。 後 栢 久。 棺 骨 尚 而 然意 在 朽 諺 猶 有 又 後 未 松 韓 咸 人。 十 不可 朽者,見亦多矣。 年 保,栢 求 而朽者。 堅莫 有 如 人多以 入土數 栢 後闕 求 完 百 爲 莫 年 栢 如 而 心 漆 不 不 ·朽,而 朽者,

然二

物

亦

心

之

有

數

六二六

作 主 式用古尺。

月,嵩

山法王寺下鄉民,穿地得古棺,裹以

松

棺

,而塗以松脂,特出臆計

,非有稽也。

不

數

年

爲琥珀之説。

疑物莫久於此

遂以

柘

爲

栢

,2乃知古人已用之矣。

已,因

觀雜書,有松脂

入地,千年爲茯苓,

萬

修

主

城圯,得古栢木,皆堅

千

· 栢

萬之説,於是知

栢

最

可

陽

原上有人發東

漢

時

墓,

歲

精精

意

思索,欲

知

何

物

能

寸, 身博三十分,象月之日。 分,後八分。 下勒前爲 辰。身跌皆厚一寸二分。剡上五分爲圓首,寸之 象歲之四 作主用栗。 頷 陷 而判之,❹一居前,二居後。 中 時。 以 取 書爵姓名行,曰「故某官某公諱 高尺 法 於 有二寸,象 時 厚十二分,象 月 日 辰。 十二月。 趺 日之 方 前 四 四

膚,不 患有二,惟 思之至矣。 ', 不 土 知 自是三十四年,七經葬事。 可 惟 潤 備 畏 以 希 土 蟲 何 也 地中之事,察之詳 有 之物 爲 與 也? 污,有 世 水 ?,❸尚 人 而 惟 墓 己。 木堅縫完,則 土 知備 中 則 所謂 多 有 之,蟲 置 矣。 蟲 求安之道, 毋 鐵 蟲 使 地 以 爲 不 中之 土 辟 之 必 能 侵 親 有 土

潤

而


骨


⁰ 相」,涂刻本作「脂」,與上文一 後」下,涂刻本有「聞」字。

土獸土 歌 」,涂刻本不重

領」,原作「額」,據涂刻本及後文改。

中不改。
中不改。





六二九

祭 禮羅氏本有此,諸本皆無之,恐未必先生所著,

姑附於此

處。 焚香 排如 盆 焚香曰: 者注酒,下食二味,或 酒,左手把盤,右手 某官,降赴神位。」奠酒 筯 頃之,再拜。 太祖某官、高祖某官、曾祖某官、祖某官、考 脱手 訖 請 法。 俛伏,興,再拜,左 凡祭,洒 ψ̈́ 次設香卓,次設盤 曰:「孝孫某,今以 「祭事 具時菓,並菜三飣或五 祭前 亞 埽 獻 已 廳 事,設 畢。」 如 日,視滌濯,五 前 以 避位,遂行獻 酒 焚香,跪。 揖 几 盆茅 三 味,隨人家貧 澆 執 仲春之祭,共 案於階 獻 事 酹於灌盆 縮 如 者 飣,盞盤 前 徹 執事者 更起, 下, 更祭服 饌。 事 茅 設 執 華, 富 請 過 匙 安 祭 事 縮 盥

祖妣亦如前式。四時祭。

始 祖冬至祭。

前式。 忘,謹 之祖 曰 以 妣 : 妣,今以陽至之始,追惟報 配。 祭始 維 備 年月日,孝遠孫某,敢 清 祖 祝執辭,出主人之左,東向讀之, 酌 灑 庶羞之奠,尚 埽 廳 事,如時祭,只設 享 昭告于]! 三 本 禮 某 獻 不 位, 氏 如 敢

先 祖立春祭。

居 孫某,今以生物之始,恭請 神 人也,故設二位 位 祭先祖者,自始 [°]餘 如前式。 祖 日 _; ___ 而 下,高 先祖 維 年 祖 月 祖 妣 日 而 以 上, 非 孝 降 遠

■「四時祭」,涂刻本作爲本段標題居前。

祭禰曰:「孝子某,今以成物之始,恭禰季秋祭。

餘如前式。 請考君某官,妣某官某封某氏,降居神位。」

伊川文集卷之六

六三

伊川文集卷之七

行狀 墓誌 祭文

明道先生行狀

氏。 密縣 居再世。 師,諱羽 伯,爲周大司馬,封於程,後遂以爲氏。 書; 五世而上,居中山之博野。 父珦,見任太中大夫,致仕,母,壽安縣君侯 妣,孝感縣太君張氏,長安縣太君張氏。 先生名顥,字伯淳,姓程氏。 君崔氏 祖 ,太宗朝 曾祖 希 振 一而下, 祖 ,任尚書虞部 **遹**,贈開 以 輔 葬河南,今爲河南人。 翊 功 府儀同三司 顯 高祖贈太子少 員外 ,賜第於京師 郎 其先 更部 妣, 先生 日 喬 尚 高

中, 矣?」曰"「二十年矣。」即遣吏取 曰 : 遍天下。 之,謂借宅者曰:「今官所鑄錢,不五六年即 矣?」曰 易辨爾。」問兄之子曰:「爾父藏 地 其年少,未知之。 民有借其兄宅以居者,發 彭公思永謝客到學舍,一見異之,許妻以女。 果得釵,人皆驚異。 日方求之。 踰冠,中進士第,調京兆府鄠縣主簿。 言,叔祖母任氏太君抱之行,不覺釵墜,後數 中藏錢。 如老成人,見者無不愛重。 「此無證佐,何以决之?」先生曰: 十歲能爲詩賦。 先生 : 此錢皆爾未居前數十年所 生 先生以手指示,隨其 四十年矣。」「彼借 兄之子訴 而 神 氣 秀 數歲,誦詩 十二三時,群 爽, 曰:「父所藏也。」令 異 於 宅 故户部侍 常 書, (所指 錢幾 居 兒。 錢 居库 强記 幾 + 鑄 令以 而 何 千 何 未 時 此 郎 何 視 序 能 時 调

也?」其人遂服。令大奇之。

皆狼 不復 光,有諸?」曰:「然。」戒曰:「俟復見,必 咔 男女聚觀、晝夜雜處、爲政者畏其神 之董役,乃治軍 時盛暑泄痢大行,死亡甚衆,獨 白吾,職事不能往,當取其首就觀之。」自是 所至治役,人不勞而事集。 常謂人曰:「吾 先生始至,詰其僧曰:「吾聞石佛歲 須,惟 有光矣。府境水害,倉卒興役,諸邑率 Ш 僧舍有 先生所 法 石佛,歲傳其首放 也 部,飲 食茇舍無不安便。 鄠人無死者。 从光,遠 莫敢 先 現 禁 近

均,比 則 以 避 薦士當以才之所堪,不當問所欲。」再春,以 厚價 不 親 勝 當路者欲薦之,多問所欲。 他邑尤甚。 其 薄其税而買之,小民苟一時之利,久 再 弊。 調江 先 生爲令畫法,民不知擾,而 寧府上元縣 蓋近府美田 主簿, ,爲貴家富 先生曰: 田 税 室 不

死。 簡。 營以 漕司,然後計功調役,非月餘不能興作。 暇及治道? 先生處之有方,不閱月,民訟 税 先 乃得食,比有司文具,則 民獲罪,所不辭也。」遂發民塞之,歲則大熟。 决,計非千夫不可塞。 Щ 止 生曰:「比如是,苗稿 邑,訴訟日不下二百。爲政者疲於省覽, 千百矣。 生白 其事 積,而尚有訴不均者,計其力比上元不 法,邑官不足,益以他官,經歲歷時,文 邑大均。其始,富者不便,多爲浮論,欲 處,日小營子,歲不下數 江南稻 先生察其由,蓋既留然後請 江寧當水運之衝,舟卒病者,則留之爲 ",既 漕司,給米貯營中,至者與之食,自是 會令罷去,先生攝 而 田,賴 無一 人敢 陂 塘以 久矣,民將 不服者。 法當言之府,府禀於 困於饑已數日矣。 溉。 邑事 百 盛 後諸路 人,至者 於府、給券 何 夏 上元 食? 塘堤 行 輒 啻 案 大 奚 劇

之士,苟存心於愛物,於人必有所濟。」賜,如此之比,所至多矣。 先生常云:「一命生全者大半。 措置於纖微之間,而人已受

從。 日。 也。」一府相 三日之朝,府尹率群官將釋服 三日除服,遺 若朝 先生曰:「公自除之,某非至 仁宗登遐,遺 而 視, 除之,所服 詔 無 敢 所命,莫敢 制官吏成服 除 者。 止二月 違 爾。」尹 三 日 也。 先生進 夜不 請 而 怒不 敢釋 盡 曰 : 除。 今

之,使. 艤 如 民 黏飛鳥,取其竿折之,教之使勿爲。及罷官 而 中,中使取二龍。 此 子 舟郊外。 去。 弟 茅 人不惑。 自昔嚴 Ш 不 有 敢畜 有數 龍 池,其 奉 其始至邑,見人持竿道旁, 禽 人共語: 至中 以 鳥。 爲 龍 神物, 如蜴蜥 途,中使 不 自主簿 嚴 先 而 而 生 令行, 奏一龍 Ŧi. 折 一嘗 色。 黏 捕 竿, 大 飛 祥符 而 率 以 鄉 脯 空

> 所養。 黨,使 服 而 之語,兒童所 姦僞無所容。 村遠近爲伍保,使之力役相助、患難 忠信,入所以 擇子弟之秀者,聚 善,則爲易置 先 服 生教命。 儒服者蓋數百人矣。 再朞,就移澤州晉城令。 無失所。 諸鄉皆有校。 事父兄,出所以事長上。 民以事 凡孤榮殘廢者,責之親 讀書,親 俗始 行旅 而教之。 出 甚 暇時親至,召父老 至邑者,必告之以孝弟 野,不 於其 爲 正 去邑纔十 途者,疾 知 句讀;教 澤 爲學。 人淳厚 相 病 餘 恤 先生 者 戚 度 皆 而 了, 尤 不 鄉 與 有 而

死者。 者。 勸 有 人也。」 耻 先生曰:「吾邑安有此? 鄉 曰:「吾常疑此人惡少之弗革者也。」 秩滿,代者且至,吏夜叩門, 民 爲社會,爲立科條,旌 邑幾萬室,三年之間 問之果然。 家人驚異,問 無强 誠 别 善惡 有 稱 之, 盗 有 何 必 以 殺 及 使 知 某 鬭 有

科買,歲爲 民 患 者 ,憚於遠致,以投烈火,愚俗視傚

其價 至 雖 數 至 而 + 賤 河 · 倍。 出 之 東 之。 財 物,至官取之,則其價 先生常度所需,使富家預 賦 富室不失倍息,而鄉民所費比 窘迫, 官所 (翔湧。 儲 多 定 者

遠 常 歲 十不過二三。 糴則價高。 先生擇富民之可任者, 民税常移近邊,載 往 則 預 道

至 雜 使購粟邊郡,所費大省,民力用紓。 ,則告之曰:「此錢令自用 納 錢 百千,常借 以 補 助 而 民 不敢 力。 私,請 縣庫 部 使 者 有

盡 切 役,役及則互相糾 知民 不問。」使者屢更,無不從者。 産厚薄 ,第其先後,按藉而命之,無 訴,鄉鄰遂爲 先時民憚 仇讐。 先 牛 差 有

辭

者

尚 數 焚 止 而 屍, 民 河 東 始信之。 雖孝子慈孫 先生至,晉城之民遂爲精兵。 義 勇,農 隙 而 則 先生去後,郡官有母 習以 教 以 爲安。 武事 丁,然應 先生 教 晉 文 俗 備 死 諭

> 先生從容告語,諄諄 愛之如父母,去之日,哭聲 欲辨事者,或不持牒,徑至庭下,陳 教 遂 廢, 識 者 恨之。 不倦。 先生爲 振野 在邑三年,百姓 **令**, 視 民 先生之 其 所以 如 子。

首。 人 以 正 公公著薦,授太子中允,權監察 所 心窒欲,求賢育材 不知上未食邪?」 來,欲常相見爾。」一日,論議 三見,遂期以大用,每將退,必曰:「 神宗素知先生名,召對之日 薦者 一,先生遽 誠 主當 所上章 意 用薦者,改著作佐郎。 數十 感動 防 水退。 未 人主。 人, 而 疏,子 萌之欲。」神宗 爲先。 前後進説 庭中 神宗 姪 以 父 不 中 嘗使 表 得 先生不 Ĺ 弟 窺 尋以御史中丞吕 從 甚多,大要以 相 推 甚久,日官報 俯 張 其 擇 謂 容咨訪,比二 身拱 載 藁 御史裹行。 飾辭辨 曰 暨弟 人才,先 頻 手 嘗 御 日 求 獨 中 料 生 Œ 午

至 當 於再三。 天下士?」神宗曰 爲 卿 戒之。」 及 因 :「朕何 論 人才, 敢 日 如 是?」言之 陛下 奈 何

道 利。 心 道 進 京 賣 不同心,小臣 列 荆 先 必 必 公寝 欲 平 尚 東 祠 ,數月之間,章數十上。 生 爲 部 愀 神宗 神宗 力攻取勝,由是與言者爲敵矣。 氣 同 德之風浸衰等十餘事。 轉 神宗陳君 時 牒, 和 運 然 王荆公安石 行 而 始疑 司 日 其説 曰:「陛下此言,非天下之福 嘗 差提舉官多非其人及不經 荆 剥民 謂 公多 與大計,公論不行,青苗 (其迂, 道以 「此堯、舜之事,朕 先生意多 先 一希龍 爲之動。 生忠信。 至誠仁愛爲本,未嘗及功 日 而禮貌不衰。 不加黜 益信用,先生每進 不合。 尤極 先 · 責,興利之臣 而言路 荆 生 公與先 一論者: 每 何敢當?」 事 嘗 好 與 出 極 直 論 封 取 輔 生 必 也。 陳 息, 者, 駁 見, 事 雖 論 日 臣 治

> 刑賞混 行之。 節 同 遣京西 神宗將黜諸言者 去,上章及面請 度判官事。 列之罪,獨 先生言既 [路提 矣。」累請 如其妄言,當賜顯 點刑 於先生無責,改差簽書鎮 不行, 至十數, 得罷。 獄 ,命執政 懇 復上 求 既 不許,遂闔門 除 責。 外 章 而 先 補 神宗手 曰:「臣言是 生監 請罪 神 宗猶 司 批 耐 差 待 獲 暴白 寧軍 權 重 遷 願 其 發

後蓋十 務,無 事。 從者,相 又慮其慢己。 始意先生嘗任 爲 不盡 數 守者嚴 與 甚 心,事 歡 既 刻 多 而先生事之甚恭,雖筦 小 屢平反 忌, . 臺 未安,必與 憲 通 心,必不 重 判 獄 而 得 之辨,遂 盡 下,莫敢 力職 不 · 死 事 者前 無 庫 與 細 辨 不 而

股 都 水 河,先生以法拒之。 丞,怙勢 河 清卒於法 滅 視 不 州郡,欲 他 役。 昉請 盡 時 於朝,命 取 中 諸 人 埽 程 以 兵 昉 治 爲 百 外

列 州,見先生,言甘而 親 州官晨集 自歸,弗納 人與之。 澶卒之潰,乃程中允誘之,吾必訴於上。」同 往 以告,先生笑 具以事上聞,得不復遣。 開門撫諭 相 視,畏昉 城 天 必 門, 方 爲 大寒, 約 亂 欲弗納。 吏報 曰:「彼方憚 氣 歸 昉有言,某自當之。」 、懾,既 河 昉 休三日復役,衆歡 清 肆 先生曰: 兵 其 而揚言於衆 虐, 潰 後昉奏 歸, 我, 衆 此逃 將 逃 何能 X 而 事 日 呼 城 歸 渦 即 爾 死 而

以 京城 至。 自用 白 廂 里 帥 兵見付。 可 帥 會曹村埽决,時先生方救護小吴,相 虞。 義 俟 州 烈 帥 先 於 臣子之分,身可塞亦爲之。 士,遂以 劉 生得印,不暇入 河 事或不集,公當親率禁兵以 橋。 公涣以 先 本鎮印授先 生 事 一謂 急告,先生一 帥 城省親 曰:「曹村 生,曰:「君 徑 夜馳 請 走 决 繼 盡 去

也?」果不敢言。

生在職,安有是也?

岸並 不 衆以爲至誠所致。 木横 水方 堤諭 大木自中 徒勞人爾。 之。」衆皆感激自效。 爾 塞,數路困擾,大爲朝廷憂。人以爲,使先 知 進,晝夜不息 奔注,達者百 曹村决 流 士 人 卒 口,則吾事濟矣。」語纔已,木遂横 流 曰 先生命善泅者運 則 而下,先生顧謂衆 : 注 朝 京 少數日 一,卒能引大索 廷 其後曹村之下復决,遂久 城 養 乎 論者皆以爲勢不可塞 而 爾 ? 合。 輩 吾 細 與爾曹以 IE. 日 : 其將合也,有 繩 爲 以 以 緩急 「得彼 渡,决口 濟 「衆,兩 爾 巨

改太 語 竹 正者競揚 矣。」遂求 木 執 政 常 務。 郊祀霈恩,先生曰:「吾罪滌矣,可 日 丞 避 監 薦者言其未嘗敘年勞,丐遷秩,特 新法之説。 局 神宗猶念先 程某 以以 可用 便親 。」執政 養,得 歲餘,得監 生,會修三 不 罷 對。 歸。 西京 經義,嘗 自 又嘗有 洛 是 以 河 醜

六三八

言其 先 詔 佳 改 不 登 也 生 許 對 論 士 新 詣 者 朝 既 執 自 法之初,首爲 數月,右 其 政 而 後 政,復求監 極 手 彗見翼 至 切 批 間 與府 府 還 \Box 同 (軫間, 朝 異論 界知 當 : 薦 執執 程 除 罷 執政 縣,差知 政 詔 某 判 求直 復舊任 屢 在 武 諭 進 彼 學。 以 言 扶 擬 否 E ? · , 先 溝 新 意 神 縣 宗 進 生 連 不 事 者 皆 應 可

之患 得數 數以 年。 挽 治 盗 甚迂,而 舟 生 不 爲 業 立 減 廣 先生爲治,專尚 威。 專 業 人,不復根治舊惡 濟 十 民 蔡河 餘 實風 以 且察爲惡者。 先生始至 發 脇 出 動 取 縣境,瀕 先 舟 生 寬厚,以教化爲先,雖若 扶 人 , 捕 在 溝 物 ,分地而處之,使以 得 官 素多盗,雖 爲 河 自 一人,使引其類 事,歲必焚 不逞之民,不 是邑境 無 强 盗 樂歲 無 者 焚舟 舟 幾 + 復 强

畿邑田税重,朝廷歲常蠲除以爲惠澤。

錢,達 四。 而 而 頑 然 足,於 民 神宗是之,畿 而 先生力陳不可,司農奏其 也。 良 户 善之民憚督責 四等, 是惠澤始 先生爲約 而 邑皆得 畿 均。 , 前 内 而 獨 免 司農 料 先 止第三, 獲 輸 建 免者,今必 議,謂 逋 言, 負 請 天 獲 必 亦 下 除 獲 及 輸 如 者 第 期 皆 役

下,且令實爲之,非吏罪 怒,視貸籍 不已,遂得穀六千石,饑者用 肯,使者遂言不當貸。 貸 使閱實。 饑 不 先生言,濟饑 會大旱,麥苗且枯,先生教 可 ,先生請發粟貸之。 過數工,而 也。 先生爲政,常權穀價,不使至甚 使至 使至鄰邑,而 户 同 當 所 謂 等 以 灌 先 而 П 數 生 所貸不等,檄 之衆寡 畝 盍 鄰邑亦請 先生力言 令遽 闔 ,乃得已。 亦 人掘 境 7,不當以户之高 自 自陳穀 濟。 賴 陳 井 焉 ? 以 民 司 縣 而 杖 饑, 且登 農 貴 溉 先 司 水 怒, 主 其 災 請 生 賤 井 民 貸 不 無

窬。 五六。 邑? 所至 吾薄汝罪。」盜 用之。」先生在邑歲餘,中正 不復爲盜,今何 鄰邑有冤訴 主
史
以 凌慢縣官 捕吏及門、盗 内 且取於民,法所禁也。 侍 有犯小盗者,先生謂 都 請,先生曰:「吾邑貧,安能 知王中正巡閲保甲 ,諸邑供 吅 面 府 首 [目見之邪?] 遂自經。 告其妻曰 願 願 自 帳 得先 ,競務華 新 : 日 : 生决、 往來境上 令有故青帳,可 後 我與太 - , 權寵 「汝能 數月,復穿 之者,前後 鮮 以 改行, 一,卒不 至盛 丞 效 悦 約 他 奉

皆弗 田 民 願 先生以 朝 服 旨 田 用。 民既 當没者千頃 而 官制 改税 君 爲 改,除 不 倦 諸邑已定,而扶溝民獨不服。 不可 作租,不 許 於 追 何 奉 往 括地 一呼,又 也 議 復 ?」先生 往 郎 官 至 加 持 得不 益, 累 朝廷 一,謂先 世 日 加 及 製券 遣官括 賦 聽 民 生日 賣易 乃皆 以 徒知 |:「民 牧 自 遂有 如 地 服 明 私

> 曰: 日 知先生且罷,詣 以 日 責甚急,數日 「程奉議去矣,爾復何恃而 踰月,先生罷去。 而逸,既又遇赦。 不 ,不使人知,老穉數百,追及境上,攀 生矣。」因爲言仁厚之道。 「寧受責,不敢違公。」遂 加賦,而 不知後日增租 而 府及司農丐留者千數。 事 其人復至,謂 先生坐是以特旨罷 集。 鄰 邑 敢稽違朝旨?」 民 奪 去之他邑。 其 犯 田 攝令者曰 人感 盗 則失業 ,繋縣 動 挽 去之 邑人 獄 不 謝 無

朝 Ŧi. 未 德登進,先生特爲時 今上 士大夫視其進退,以 廷 + 行 生民恨 · 有 四。 以以 一嗣位,覃恩,改承議 以親老,求近 疾終,元豐八年六月十五 惜 士大夫識 鄉 望所屬,召爲宗 ト興衰。 監 與不識 郎 局, 得監 先生 ,莫不哀傷,爲 聖 汝 政 日 雖 州 IE. 方 也,享年 小 寺丞。 新 官 酒 賢 税

泣,遣之不去。

形容。 己 理 非 弟 明於庶物,察於人倫,知盡性 然有 物 見善若出於己,不欲勿施於人, 浩乎若滄溟之無際; 誠 人於老、釋者幾十年,返求諸六經 六時,聞汝南周 大道,言有物 雨 金 也。 一,温 之潤 也,如 貫 開 窮 求道之志。 於金石,孝悌 潤 百代未明之惑,秦、漢 神 謂 先生行己,内主於敬,而 生資禀既 其言曰:「道之不 春陽之温,聽其言,其人人 如 知化,由通於禮樂。 孟 胸 良 子没 懷洞 而 玉 茂叔論道,遂厭科舉之業,慨 動 而聖學不傳,以 異,而充養有 未知其 然, 寬 有 通 常。 於 極 徹 而 神明 視 有 其德,美言蓋 要,泛濫 先生 明,異端害之也。 無 制 而 間 至命,必本於孝 辨 和 道 下 爲學,自十 視其色,其 居廣 異端似 行之以 興起斯 而 測 於諸家,出 而 未 純 不 八也,如 其 後得之。 不 有 居 粹 流 藴 文爲 是之 臻 恕; 足 而 如 斯 以 接 五. 行 則 時 忠 精

> 之言,平易易知 學者之所傳爾。 早世,皆未及也。 才明 則 可 無 自 人 河,各充其量 人道。」先生進將覺斯人,退將明之書,不幸 皆正路之蓁蕪,聖門之蔽塞,闢之而 競起,塗生民之耳目,溺天下於汙濁 昔之害近 (也,乘 必 以 謂 不周徧,實則外 智,膠於見聞,醉生夢死,不自覺 入堯、舜之道。 入於此。 之窮神知化,而不足以開物成務。 其 而 迷暗; 易知,今之害深而 自道之不明也,邪誕妖異之説 ,賢愚皆獲其益 先生之門,學者多矣。 其辨析精微,稍見於世者 於倫理, 窮神 今之人人也, 天下之學,非 難 一, 如 因 極微 淺 其 陋 群 後 也。 昔之惑 高 固 先生 飲 雖 可 言爲 而 明 不 於 以 高

病世之學者舍近而趨遠,處下而 平天下,灑埽應對 先生教人,自 致 至於窮 知 至 理 於 盡 知 性 止 循 一,誠 窺高,所以 循 意 有 至於

沛然。 私 以 賢 感 輕 也,至其道之而從,動之而和,不求 所賴焉。 急之時,其待先生,率皆寬厚,設施之際,有 先生處之綽然; 衆憂以 從衆,爲應文逃責之事。 惡以寬,處煩 致 其 ,未施信而民信,則人不可及也。 愚 自 ,未有不以先生爲君子 趨向之異,顧 而 大 、恭,聞風者誠服,覿德者心醉。 善惡咸 能 雖當倉卒,不動聲色。 而 通 先生所爲綱條 卒 得 無 教 而 其 人 得 裕。 於利害,時見排斥,退而 心 也。 而 ,狡僞者獻其 人 當法令繁密之際,未嘗 易從,怒人 先生接物,辨 爲甚難 法度,人可 人皆病於拘 也。 方監司競爲 先生爲 ,而先生爲 誠 加 人不 而 效 物 雖 暴慢者 政, 礙, 不 小人 而 而 省 怨, 間 嚴 之 治 其 物 爲 而

有「三早卒」字。 孝 稱、善睦其族、先一年卒。 彭夫人封仁 日 端 和 懿, 縣 君、嚴一 蔡 州 汝 一有「五」字。 正有禮,事 陽 縣 主 簿 舅 ; 子一 以 日

> 字。 端 事之大概,以求誌於作者,謹狀。元 酉 ,葬於伊 本,治進 適 假 承 川先塋。 士業。一 務 郎 朱 純 有 謹書家世行業及 之。 「四」字。 1 以 女一有「三夭」二 今年 豐八年 歷 十 官 月 行

明道先生門人朋友敘述序敘述四篇,見附録。

八

月日弟頤

狀

篇 敘 多不能盡 之後,傳聖人之道者 美之意,人各用 H. 其事 備異日史氏採録。 附 先兄明道之葬,頤狀其實,❷以 於《行狀》之後。 迹、述其道學者甚衆。 取,取其 其所知,蓋不 (有補於《行狀》之不及者數 既 一人而 而門人朋 同 已,是則 其所 也,而 友爲 以 求誌 同 推 以 文以 尊 孟 銘 稱 子 文

- ■「附録」上,涂刻本有「遺書」二
- ② 「實」,涂刻本作「行」。

明道先生墓表

大宋明道先生程君伯淳之墓

宋太師致仕潞國公文彦博題

説 矣。 世。 先生 志 學不傳,千載無 師 天下貿貿焉莫知所之,人欲肆 夫善治之道,以 死,聖人之學不傳。 刻之石曰:周公没,聖人之道 將 題 開 先生出 鄉 其 生千四百年之後,得不傳之學於遺 先 以 歷古之沉迷,聖人之道得 人 墓,曰「明道先生」。 生名顥,字伯淳,葬 斯 士大夫 道 ,揭聖學 覺 斯民。 淑諸人,以 真 相與 儒 以 道不行,百世 議 示 天不 無善治,士 曰 : 人,❷辨異端 傳諸 於 弟頤 憗 道之不 伊 遺, 而天 後; 不 序 111 先 猶 無 行 其 無 理滅矣。 生 明 哲 善 得 潞 所 真 而 人 闢 也 以 治 孟 或 以 經, 儒 早 久 復 邪 明 軻 而 太

> 斯 勒 Ш 稱 明 人之爲功; ,以表其墓。 石 可 夷,谷可 爲 墓 傍,以 功大矣。 堙,明 知 詔 學者之於道,知所 所至,然後 後 於是帝 人。 道之名 元豐 師 亘 見 採 Z 萬 斯 衆 世 名 Ή. 嚮 議 之 而 ,然後知 十月戊 而 長 稱 爲 存。 之

孝女程氏墓誌

子

書。

書 言笑,風格 出人意;終日安 之後,故宗正寺丞顥之女。 而自 孝女程氏 通 文 瀟 義。 灑 其第二十九,有 坐、儼 趣 舉 向 族愛重之,擇配欲 然 高潔;發言慮 如 齊; 幼 而 宋 未嘗教之 莊 名 静 臣 事 不 得 諱 妄 稱 讀 遠 羽

- ▶ 「楊」,余別太乍「昌」。
- 「復」,涂刻本作「後」。● 「揭」,涂刻本作「倡」。

我? 死。 聞 恨 喜 喪 議,不忍使之聞知,蓋度其不屑也。 願 命 名世勵俗,並前古賢婦,垂光簡册。不幸短 視,頃之而絶。 以賢 異人也。 爾。」盡召兄弟舅甥姪,人人教誡,幼者 聞 盡哀,雖古篤孝之士,無以過也,遂以 ,親族皆以爲憂,交舊咸以爲非,謂自 出 ,何痛如之! 病既革,頤念無以適其意,謂之曰:「 其 其父名重於時,知聞 道 今且惛矣。 門。 而不嫁者。不得已而下求, 嘗有 義, 吾爲 如其 訪 求 嗚呼 高識卓行,使之享年,足 爾言之。」曰:「何不 七八年,未有 我死無憾,獨以不 ! 是雖女子,亦天 遍天下,有識 可者。 母亡,持 勝 素 者 喪 古 地 既 以 中 撫 爲 教 爾 毁 所 未 長 皆

其意,苟未遇賢者而以配世俗常人,是使之與其父以聖賢爲師,所爲尚一作「常」。恐不當衆人皆以未得所歸爲恨,頤獨不然。頤

抱羞 其 月丙 生以 辱以 寅,葬: 嘉 統辛丑 没世。 於伊 九月 頤 ĴΠ 恨其死,不恨其未嫁 先塋之東,是年十月乙 庚戌,其卒以元 豐 Z 也。 丑.

爲家君祭司馬温公文

酉

也。

叔父頤誌

已大。 澤物, 天興殄瘁之悲,明主失倚 姓曾無於間言。 於今古。 贖,人百其身。 狍已者私,衆口爲容於異論; ●合聽 嗚 雖 呼 何天乎之不弔,斯 有志而未終; 藐兹 -公乎! 羸老, 死 老始逢時,心期行道; 生 既 夙 誠 救弊 被 極 貫天地,行 深知; 於哀榮,名德永 人 毗 除 也 之望。如 煩,則爲 而 遽亡! 撫柩 則聖 通 慟 神 其 致 功 百 明。 哀 高 君 可 溥 而

❶ 「爲」,涂刻本作「或」。

四

74

聊陳薄奠

爲家君祭韓康公文

隔。 蒙國 屢空。 哀 企。 壯 刑 友之規,世 不弔,奄及云亡! 度,若海瀆之難量; 故 忠 誠 有 於 以 兹焉 士之 事 推賢獎善, 位 識 四 嗚 方逢時之尚年,遽奉身而 雖 之 君 呼 方 歸 極於將 ,完始終之大節; 知 士,無思不服。 將安倣 樂善本乎至誠,好 葬 惟 感 惟 公: 復 相 恩 ? 阻 日 志則歉 忠義之表,天不整遺; 天 德 高邈之風,非世俗之可 不 臨 寒族有姻家之契,二男 而 賦 · 足 穴; 忠義, 未 垂 於施爲。 醻 周 恭 孝 老之年 學至 陳 急 施 痛音容 世 勇退。 樂施 薄 有 推孝 奠,以 -, 其 一於没 政,作儀 恢 之遽 室 猷 友; 如 弘 쎬 孝 寫 何 幾 之 益

爲家君祭吕申公文

入屢 補 衡 同 無 敬 相 恂 起 聰明,充之能至。 辰, ? ; 藩 悲。 心 臣 涯 所以 出 將 0 更, 於 ; 嗚 胡 國 爲 謂公得志,志 呼 人主。 嗚 輔, 孰 無間 論所斷, 夷 嘉 上天之不弔,不一老之憗遺? ! 呼 求於攸濟? 險一 瑞 命 公禀 言於率 相 從容 操。 哀 生 册 則 學 哉 而 言萬鈞。 公。 語默 土; 存未 異,得 既 富 聖臨 知 貴 百身莫贖,爲有 平 羸老餘生,辱 之間 德 真,仕 處處 伸。 天之 日 如 御 謂 之 視 山 公無 然 人 人望 粹; 則 無 公, 嶽 孰 公 爲 累 位 小 静 是從 所 量 遘 道 知 如 淵 其 以 密 幼 識 位 兹 ; 有 水 所 致 權 怕 出 昌 爲 而

● 「密」,涂刻本作「默」。

臨穴以伸哀,姑托文而披露。 想英靈兮如素。二男論忘勢之交,不偶無醻知之路,阻

爲家君祭李屯田九縣君文

在

、監丹誠

而

來顧

!

與! 所共 聊 土之深厚, 究 其 爲 悲 薄奠,尚 施 嗚 羸老不任遠之,莫由臨 也。 淑 呼 1 德不克久其芳,此親戚交舊 幽 及兹歸葬,去故鄉之沮洳,得水 其來饗 夫婦不幸,皆終盛年,美才不克 安顯慰,其善之報 穴,盡於一哀, 而幸 ·之厚 知 聞

祭劉質夫文

而 後,志將明 不 ·懼其 嗚呼 難 斯 者 道 聖學不傳 蓋蓋 ,興斯文於既絕,力小任重 亦 有 冀矣。 久矣。 以 吾 謂 生百 苟能使知 世之

> 門者衆矣,而 古 止從遊之情哉? 幸遽亡,使吾悲傳學之難,則所 之者廣,則用力者衆,何難之不易也 一,若子者幾希。 信之篤、得之多、行之果、 兹焉歸葬,不克臨穴,姑因 方賴子致力以 以 惜子者,豈 相 「輔,而 ? 守之 遊 吾 不

祭李端伯文

薄

奠,以敘其哀。

矣。 受,期之遠到,而 學,才器相類,志 爲 文,何其艱 憂事道者鮮,悲傳學之難。 能使學者 奠,以敘其哀。 質夫於子爲外兄弟,同邑而居,同 嗚 呼 ! 視效 哉 自予兄弟倡明道學,世方驚疑 而 官制 半年之間 尚 信從,子與劉質夫爲 如 有拘,不克臨穴,寄文 0 相 予謂二子可 嗚 呼! 繼以 天 於斯 有 使予 以 門 大 力 而

六四五

主書

六四

六

祭楊應之文

余情, 年 ? 肉。 誠 屬予衰年,憚於長道,不能臨穴一慟,以 舊之情,悲哀而已? 善志奇藴,曾未得施, 天胡爲厚其禀 謂 南 意 君 ,言契氣合,遂從予游,歲將三紀,情均 忽聞來計,何痛如之! 而 1 嗚 人誰不死? 姑 止 呼 致 ! 於此乎? 菲 昔予 薄之奠。 與君,避 君之死爲可恨也,奚止交 高才偉度,絕出群類; 管城之原,歸祔先兆; 魂兮其來, 逅 嗚呼應之! 相 遇於大江 而 歆此 嗇 骨骨 伸 其 誰 之

祭朱公掞文

不求,不求則何得? 斯道之所以久不明也。嗚呼! 道既不明,世罕信者。不信則

此。 靈 巽之、楊應之相繼而逝也。 之節 由至 信不 深契,痛音容之永隔。 情而已? 世,憂道學之寡助,則予之哭君,豈特交朋之 共學之人,相繼 謂當大施於時,必得其壽,天胡難忱,遽止於 於神明。 篤學力行,至於没齒,志不渝於金石,行可 自予兄弟倡學之初,衆方驚異,君 兮來格 嗚 呼 ! 一誠。 疑。 ,凛凛循吏之風,著見事爲,皆可紀述。 上論古人, 豈易其比? 在邦在家,臨民臨事,造次動静, 非夫豪傑特立之士,能 邙山 哀哉! 之陽,歸祔先宅,思平生之 而 逝。 今君復往,使予 不幸七八年之間,同志 劉質夫、李端伯、吕與 陳薄奠以將誠,庶英 蹇蹇王臣 時甚少 如 是乎? 踽 叔、范 踽 /,獨 質 於

伊川文集卷之七

伊川文集卷之八

墓誌 家傳 祭文

太中自撰墓誌❶

臣,例録子孫一人,補郊社齋郎。歷黄州嗣先世。天聖中,仁宗皇帝念及祖宗舊予性質顓蒙,學術黯淺,不能自奮,以

任,遂請致任。 就閑局,管勾西京嵩 鳳、磁、漢三州事。 縣,冀州,徐州 黄陂、吉州廬陵二縣 永年縣伯。 太中大夫。 由按察官論薦,改大理寺丞 食邑,户九伯。❷ 勳,自騎都尉至上柱國。 沛縣。 官,自大理寺丞十三遷至 熙寧中,厭於職事,丐 尉,潤 山崇福 監 在京 州觀察支使。 一, 知 宫。 西染院,知 虔州 歲滿 興 再 或

人"長婆嬌,幼亡,次適奉禮郎席延年,今爲通直郎,次韓奴、蠻奴、皆夭。女四亡,次顥,承議郎宗正寺丞,先卒,次頤,郡君。男六人"長應昌,次天錫,皆幼郡君。男六人"長應昌,次天錫,皆幼安,封壽安縣君,先三十八年卒,追封上谷安,封壽安縣君,先三十八年卒,追封上谷安,封壽安縣,如亡,次適奉禮郎席延年,

六四七

此題涂刻本作「書先公自撰墓誌後」。

[「]伯」、涂刻本作「百」。

男五 爲 酒 次 孫六人:昂,昪,昺,易,旻,曅。 曾孫 女八人: 長適宣義郎李偲,次適假承務 端本,治進士業,次端彦,郊 朱純之,次適安定席彦正,次未嫁而卒,次 (李偲繼室,次適清河張 馮 次端 兒,幼亡, 人:端懿,蔡州汝陽縣主簿,監 中,治進士業,次端輔,早亡, 次適都官郎 敷,次幼亡。 中李 社 一齋郎。 Œ 臣 西 女 曾 郎 孫 次 京 孫

坐之次,上谷郡君祔焉。 八十五。越三月孟夏庚戌望,葬於伊川先疾終於正寢,^{先居暖室,既得疾,命遷正寢。}享年疾統於正寢,先居暖室,既得疾,命遷正寢。享年

葬日,切不用干求時賢製撰銘誌,既無事 政可 慎寬 以 和 予歷官十二任,享禄六十年。但! 及民,始終得 , 孜孜夙夜, 無勳勞可 免瑕 謪 以 爲 報 幸 國 多 無異 知 矣。 廉

> 實可 用 命,是不以爲有 此文,刻於石,向壁安 紀,不 免 虚 知 詞 也 溢 美,徒 置 累 若 不 或 德 少違 爾 只

遷官爵 家牒。 己。 惟就其闕處,事未至者,皆缺字,使後人加之。 命於後,後十五年終壽。 醇德懿行,宜傳後世者,皆莫敢誌,著之 先公太中,年七十,則自 孤 ,晚生諸孫 頤泣 ĺП 書 及享 年之數,終葬 子 孫奉 爲 墓 命不 誌 時 及 ·敢違, 加 書戒 日 而 所

先公太中家傳

敬過人,責子弟甚嚴,公纔十餘歲,則使治家 丙 其」字。 午正月二十三日,生於京師 性仁孝温厚,恪 先公太中諱珦,字伯温 字君玉 ,既登朝,改後 勤畏慎。 名。 開 泰 舊 府 寧 名温,一有 坊 景德三年 事 賜 父兄謹 第

娶婦 於朝 衆 數 時 寓 始 事 安貧,以 爲 歲 居 不 長 冠 就注 黄陂。 能偕 弟 族兄 朝廷録 ,諸父繼亡,聚屬 事 有 璠 妹既 待諸弟之長。 文簡: 行,遂 小 七歲,從弟瑜六歲,餘皆孩幼。 黄 勞身苦志,奉養諸 木 嫁 陂 舊臣之後,授公郊社齋郎 公所器。 稱意旨,公恐懼 縣 不 乃復 尉。 赴 調 赴 甚衆,無 至長弟與從弟皆得官 任滿,又不能調 開府終於黄陂,公年 調 文簡公義之,爲 若 母 田 無 ,教撫弟 袁 所 可依 容。 開 以以 遂 妹。 後 居 請 口 自

者 之,公弗 甚 之屈,公獨不 其子弟有恃勢暴横於鄉 厚。 , 挾權要勢, 授吉州 聲聞 再 爲 調調 甚 撓 廬 著 潤 與 陵 州觀察支使。 與 接。 潤 部 縣 人争田。 當 尉。 使 劉 者至 途 丞 里者,郡守以 時 事 相 劉 無 守畏 煩 聞 丞 有 有 劇 而 相 侍 不 逼 愧 沆 禁曹元 論 囑 之,待 已貴 賴 薦 下皆爲 公 公 者 顯 以 右 哲 公

> 年,而 然盈 餘歲 田 對立 與他 號 其情,遂皆服。 告諭之,與 訟 難 於庭, 鄉異。 治 庭、公獨呼争者前訊之,不十數語 最 不能决,部 改 獄空者歲 而 爲 大 理 難 以雪 他 邑之衣錦 前令欲 一寺丞,知 辨, 鄉 事 使者 餘。 埋及 而 决 虔尤 視,人遂信服 以 於頃刻之間,人以 虔 江 以 膝,而 鄉 慘酷威之,盛冬使 州 委公。 甚。 西 尤 興 一狡民 爲 人益 國 旁邑 稱 縣 首, 善 根 不 事 連 有 爲古券契, 服。 自 在 争 證 邑 昔 虔 ', 積 盡 爲 佐 公善 争 治 人 神 素

誅,鄉 禮。」公曰: 也。 迎其神以往。 官 投奉神之具於江中,逆流 ,皆莫敢前 公使詰之,對 就移知龔 人忽傳其降,言當爲我南海 「試 自宜 (州事。 再投之。」越 公杖不奉命者 E 至 真, 時宜 過 而上,守懼,乃 歷 潯 州 人 數 州 反 ,及投之, 畏 州 獠 ,守以爲妖 鬼,甚 矣,莫之禁 立祠,於是 毆 希 於畏 範 更致 既

道 去 後守貸死覊置,人皆以公獲免爲積善之報 殿中丞。 治,不須 境。 **慢畏,嘗** 方 時 至也。」遷太子 信 代還在塗,而儂智高 潘 其 過境上,以 師 爲 旦爲 妄。 提 在 點 書謝 中 州 刑 舍。 獄,最 公曰: 歲 作亂,破州 明堂 部 稱 使 既 嚴 覃恩,改 者 聞 未 城 清 嘗

出 已 數千 俟 穀 稱僧伽之弟,愚者相倡,争遺金錢,公杖之而 露 既 可 諸 矣。 右以 境 耕 授 不登,晚 知 而 貨民 徐 是年,遂不 種 州 則 種 了,使 沛縣 時 不 入,民 布 已過矣。 事。 囏 之水中,水未 食。 無 會 卒歲具。 久 有丐於市者,自 乃募富家,得豆 雨 平 盡 原出水。 公謂 涸 而 甲

務 蜀之衝 院,遷尚書虞部員 豐 厨 或 傳, 子博 傳 主吏多 旁午,毀譽 士,賜 外郎 至 緋 一破産。 知鳳 魚袋。 易得 州 公裁 歸監· 爲守 事 在京 減 者 鳳 幾 當 相 西 半, JII 承 染

> 太夫 以待之,所濟甚衆。 饑 曰 民 : 人憂,服除 白褒斜 是 足 以 Щ 爲 谷 禮 權 而 未 判鴻 出 遷司門員 爲 薄 臚 公教 也 寺 _ 0 於路 外 會 郎 漢 口 中不 ļ 爲 崇國 糜粥

事。 爲? 自北 皆圮。公言於帥 爲慮者。 亦不 非 政,使人諭公曰:「 主,使聽命於朝。 美泉也,人甚賴之,時久雨 步之近,漸漬既 不惟勞,且乏用,風俗以之弊。 創築,何害?」乃得請。 二公曰: 可用。 英宗嗣位,覃恩,遷 虜通好,未 磁城,趙簡子所築,東南隅 公度城曲之地,曰:「此去濠 居民、 「役大,法不 久,地脉當變矣。」穿二井,果 嘗發衆 安於久習,婦 府,請發衆治之。 公請於朝者三,不 城壞 庫部員: 治城。 外州當 許 後數月 ,自河以 擅 女晨 (外郎, 自治,何以 興。 歷千餘 水 時 泉惡 ,始概命諸 韓 北,城 且 出 帥 · 報 魏 知 完 歲, 遠 不 水 磁 汲 數 敢 州 蓋

州 郎 用,又築於未凍之前,城得堅固。 則 《甚苦之。獨磁先已畢工,民得復營河役之 中。 治 爲之備,貧室尚患不及。 城。 每歲春首,興役治河,民 是年,二役並 間自 遷水部 秋 興 成

皆服。 怪 中瓦 不 應,吏懼 表,命園中取 輕浮,而公臨 酒方行,衆呼曰:「佛光見。」觀者相 而文見於中, 曰:「石晋之末嘗有此,朝廷豈不惡之?」衆 -可禁。 駭 親 屋及濠水上,冰澌盤屈,成花卉之狀,奇 目,郡 神宗即位 視 代還,知漢 而退。 敦 公安坐 勉,士人 官皆以 之以 曰「君王萬歲」。公知其僞,不 竹爲筩。衆吏持筩走白,殺青 , 覃恩, 遷司門郎中。是歲, 中元節宴開元寺,蓋盛 不 安静。 州事,遷庫部郎中。 從化者甚衆。 爲嘉瑞,請 動 ,頃之乃定。 視事之翌日,上 以 L 漢守 聞。 大 騰 遊 踏, 蜀 興 有 也。 一謝 俗 公 袁 州 城

而取之,終任所獲,布數百匹而已。公始被命,親舊以其素貧,皆爲之喜。公置國公田之人,素稱優厚,至者無不厚藏而歸

就閑局 不報。 公一人。 任,遷司農 州郡,沮公以爲妄議。 惟恐後。 七十,乞致仕 可,公未嘗深論也。 熙寧中,議行新法,州縣囂然,皆以爲不 ,得管勾西京嵩 乃移疾,乞授代,不復視 成都 時李元瑜爲使者,挾 少卿。 一道,抗議指 南郊 及法 公奏請不俟滿罷去, ,恩賜金紫。 山崇福宫。❷ 出 ,爲守令者奉行 其有未便者,獨 朝廷 事 一勢,凌 歸 以 歲 朝 年 滿 皮 願 再

生事爲慮,人皆服公勇决。兩經南郊恩,以家貧口衆,仰禄以生,據禮引年,略不以

[「]踏」,涂刻本作「踐」。

[「]宫」,原作「官」,據陳刻本、涂刻本改。

六五二

百户,勳上柱國。恩,遷太中大夫,累封永年縣開國伯,食邑九呂,遷太中大夫,累封永年縣開國伯,食邑九子叙,遷中散大夫、中大夫。 今上即位,覃

四月十五日,葬于伊川先塋之次。明。詔賜帛二百匹,仍命有司供其葬事。以今左丞蘇公頌等九人,相繼以公清節言於今左丞蘇公頌等九人,相繼以公清節言於今左丞蘇公頌等九人,相繼以公清節言於今左丞蘇公領等九人,相繼以公清節言於

於伊川,始居河南。寧坊,遂再世居京師。嘉祐初,公卜葬祖考亭兆之興平,將謀居醴泉,及貴,賜第於泰京兆之興平,將謀居醴泉,及貴,賜第於泰山少師厭五代河北之多亂,徙葬少監於

亡,次曰顥,任承議郎宗正寺丞,先公五年郡君。男六人:長曰應昌,次曰天錫,皆幼女,封壽安縣君,先公三十八年終,追封上谷公娶侯氏,贈尚書比部員外郎道濟之

次適都官郎中李正臣。四人:長幼亡、次適奉禮郎席延年、次幼亡、卒、次頤也、次韓奴、次蠻奴、皆幼亡。女

治民。 者,士人也無賢愚高下必拜之,賤者 首,不記其曾偶忘也。 平生遇美酒,未嘗不思親 歲,已能親 子孫寶之。 孫,嘗以漆鉢貯錢與之,公終身保藏其鉢, 以不 之加禮。 五十年,崇國未嘗形愠色。 公記其姓名,而 ·獲爲恨。 公孝於奉親,順於事長,慈於撫幼,寬 二歲喪母,●祖母崔夫人撫愛異於他 開府 順顏色,崇國愛之如己出。 開府再娶崇國太夫人。時方 嘗從趙炎者貸錢伍 不知其子孫鄉里,終身訪 遇人與開府同 開府喜飲酒,公 頤 自垂髫 千、未償。 年 亦 至 而 於 生 八

❶ 「二」,涂刻本作「一」。

懼女兄之悲思,又取甥女以歸,嫁之。時小 錢,分贍親戚之貧者。 伯母劉氏寡居,公奉 進士第,爲宣德郎矣。 劉生卒,其子立之纔七歲,公取歸教養,今登 族子於襄邑,偶詢其宗系,知姻 官禄薄,克己爲義,人以爲難。後遇劉氏之 養其子,均於子姪。既而女兄之女又寡,公 養甚至。 其女之夫死,公迎從女兄以歸,教 均諸父子孫。 十一歲,公復撫養,至于成長,畢其婚宦。育 二孤皆再世,亦異事也。前後五得任子,以 一十餘年間皆亡。 始公撫育諸孤弟,其長二人仕登朝省, 嫁遣孤女,必盡其力。 長弟之子九歲,從弟之子 家也。 所得俸 未幾

有常。不妄交遊,於所信愛,久而益篤。在之人,無日不察其飢飽寒煖。與人接,淡而傷其意,至於犯義理,則不假也。左右使令公慈恕而剛斷。平居與幼賤語,惟恐有

果爲學知道者,因與爲友。及爲郎官,故事少,不爲守所知。公視其氣貌非常人,與語,虔時,常假倅南安軍,一獄掾周惇實,年甚

當舉代,每遷授,輒一薦之。

敢慢。 之行,平生不親附權勢,而請謁常禮,亦不 波也。」南昌黄灝有高才,名動江 以人船濟之。乾曜曰:「可謂汪汪如千頃之 公如不聞。 華自負,多肆輕傲,易公年少,常以 「諺云明镜爲醜婦之冤,●君居此照我,何其 也。至於親舊之貴顯者,既不與之加親,亦 不幸也!」遂頗自斂。 不示之疎遠,故賢者莫不敬愛,不賢者亦 聞人有慶樂事,喜之如在己。 寓居黄陂時,主簿貪凶 後公官嶺下,乾曜適倦道路,公 有歐 陽 乾 人也,常日 表,然頗不 曜者,以 不爲皎 語侵公 廢 : 無

❶ 「鏡」,原誤作「境」,據涂刻本改。

六五四

禮重,常目公曰 覊 度 服 稠 人已如此。 廣 坐 無 : 所 不 「長者無笑我。」自少時 狎 侮。 公時 最少, 獨 德 見

去, 莫知 飲然 豈可 所怒,堅請杖之,曰:「吏卒小人,不加以威 官,不以私事笞朴人。• 是使之慢也。」公曰:「當官用刑,蓋 待下,身率以清慎,所至,寮屬 也 退休 自朝廷行考課法,無歲不居上。 自以爲不足;●所能者,雖曲 也 用於私也?」終不從。 居官臨事,孜孜不倦。 後 平生所爲詩甚多,自 所 作, 方稍 編 公之親愛者,常有 録,亦 謙退 歷守四郡, 謂 無 不伐善,常 非 藝 未 有 小 假 工 嘗 敢 平生居 事,人 学耳, 以 即 貪 温 示 棄 縱 恭

年不易者。終身非宴會不重肉。既謝事,遂官至四品,奉養如寒士,嫌素之衣,有二三十自少師以來,家傳清白,而公處己尤約。

好也。 洛陽 禄仕。 乎?」公笑曰:「吾無悶也。」家人欲其怡悦, 餘 領崇 屏 甲會,洛中圖畫,傳爲盛 二子曰: 公之樂不在此 每勸之出遊,時 不往謝。 曰:「藏拙 年。 朝 福,外無職事,内不問家 衣。 山水尋須遍, 晚與文潞公、席君從、司 居常默坐,人問:「静坐既 苟得早退,休閑十年,志願足矣。」自 「遊 方仕 賓客來者 歸來已十年,身心世事不 山之樂,猶不 也。 宦時,每 往親戚之家,或園 更有何人似我閑?」 嘗從二子遊壽安 無 数曰: 貴賤 事 如 見之,雖 有無者,蓋 静 「我貧,未 坐。 馬 亭佛 久,寧無 伯 Ш 康 蓋 公相 相關 舍,然 顧 爲 亦 能 謂 ㅁ 非 舍 亦

) 「朴」,涂刻本作「扑」。

年八十,喪長子,親

舊以其慈愛素厚,憂

[「]以爲不足」,涂刻本作「不以爲足」。

上谷郡君家傳

也。

嘗

有疾,召醫眡脉,曰:「無害。」公笑

及

頭

被

召

叨

備

勸

講,人皆慶之,公無甚喜

闔

門

皇

皇,不

知

所

以

爲生,公不

以

爲

憂

也

不

能

堪,公以理自處,無過哀也。

頤

時未

仕

暠,當五代之亂,以武勇聞 比 始以儒學中科第,爲潤州丹徒縣令,贈尚 土於烏河川, 部員外郎。 作二二一〇。 先妣夫人 以控寇盗,亡其爵位。 姓 母福昌縣太君 世 爲 侯氏,●太 河 東大 原盂 姓 刁氏 劉 氏 曾 縣 偏 人,行 祖 據 父道濟 元, 日 錫 書 第 祖

能。 復出房閣。 子,每以政事問之,所言雅合其意,常歎 女人不夜出,夜出 「恨汝非男子。」七八歲時,常教以 夫人幼 好讀書史,博知古今。 丹徒君愛之過於 刁夫人素 而 聰悟過人,女功之事, 秉 明 有 風 燭。」自是 厥之疾,多夜作 古詩 日 無 暮則不 所 日 日 不

徒累

不德,只

用此

文刻於石,向壁安置。

若

賢製撰銘誌,既無事實可紀,不免虚詞溢美,

得免瑕謫,爲幸多矣。

葬日,切不用干求時

十二任,享禄六十年,但知廉

夜,無勳勞可以報國,無異政

可以及民,始終

慎寬和, 孜孜

夙

歷

始終而已。

書其後以戒子孫曰:「吾歷

官

病,服藥必加

巾。

年七十,則自爲墓誌,紀

履

曰:「吾年至此矣,有害無害皆可

也。」雖

疾

或

少

、違遺命,是不以爲有知也。」不肖孤奉命

溢美,取

誣親之罪,承公志也。

不敢違,於葬既無銘,述家傳所記,不敢一辭

❶ 「妣」,原作「姚」,據涂刻本改。

□「二」,原作「一」,據涂刻本改。

六五五

不 知 人 者久之,夫人涕泣扶侍,常連夕不 寐

養之。 以 收 之色,乃别 必死,使抱 此大時,能爲此事否?」道路遺棄小兒,屢 笞朴奴婢,❷視 視,常均己子。 厚,撫愛諸庶,不異己出。 與 責,必戒之曰:「貴賤雖殊,人則一 自牧,雖小事 不敬愛。 待汝歸,非欲之也。」好爲藥餌 養,得 先公相 去,惟幼者始三歲,人所不取。 先公賴其内助,禮敬尤至,而夫 年 有小 十九,歸於我。● 全其 衆人遊觀之所,往往捨所觀 待 糴 以 如賓客。 商,出未還而其妻死,兒女散 生,願以 以 歸。 未嘗專,必禀而後行。 食之。 小臧獲如兒女。 治家有法,不嚴 時聚族甚衆,人皆有 德容之盛 爲獻。」夫 其父歸,謝 事舅姑以孝謹 從叔幼孤,夫人 人日 内 諸子或 而整。不 ,以濟病者。 曰 : 也 夫 外 人懼 人謙 親 而 幸 我本 不欲 加 恕 觀 汝 戚 稱 收 如 呵 喜 存 其 逐 寬 順 夫 無

叱

至

惟

母

過

夫人勸止曰: 大 寒,有負 炭 「慎勿爲此,勝則貧者困 而 繋者 過 門, 家 人 欲 矣。」 呼之。

之使 食衣服無所擇,不能惡言駡人,非性然也,教 令輩,不得以惡言駡之。 其驚啼,夫人未嘗不 假也。纔數歲,行而 蔽其過 則 止之, 曰: 踣乎?」飲食常置之坐 二,其愛慈可謂至矣,然於教之之道,不 然也 不 先公凡有所怒,必爲之寬解,唯諸兒 掩 而 也。 父不知也。」夫人男子六人,所 與人争忿,雖直 「幼求稱欲,長 常 曰:「子之所以不肖者 [或踣,家人走前扶抱,恐 呵 ·責曰:「汝若安徐 故頤兄弟平生於飲 側,當食、絮羹,皆 不 當 右,曰:「 如 何 ??」雖 患 曲 少 存 其 有 使

0

我」下, 涂刻本有「公」字。

朴」,涂刻本作「扑

繫」,涂刻本作「擊」,下有小注: 「一作擊,

調,寓 衆,儲備 日 其 師 不 狡,前後居者無不苦之。 始寓丹陽,僦葛氏舍以居。守舍王氏翁姥 物,當如己物,必加愛之。」先公罷尉廬陵,赴 反柔良。 居之處,鄰 公歸,問其 :「見人善,則當如己善,必共成之。 教 友 能 女,常以曹大家《女戒》。 游 屈 居 ,不患其不能伸。」及稍長,常使從善 歷陽。 不足,夫人經營轉易,得不困乏。 及遷去,王姥涕戀不已。 雖居貧,或欲延客,則喜而爲之具。 所爲,數曰:「良轉運使才也。」所 婦 里 會叔父亦解掾毗 姥皆願爲之用,雖勞不怨。 夫人待之有道,遂 居常教告家人 陵,聚口 視他 先 庸 甚

乳 時 求 華 得。 相 、公宇多 姥 畫 尚 夫人安於貧約,服 悲泣 苟亡失矣,汝如是,將何爲?」在廬 ,如無所見。 怪,家 叫 號。 人 夫人駡止之,曰:「在當 少女方數歲,忽失 告曰:「物弄扇。」夫人 用 儉素,觀 親族 所 間 在 陵 紛

> 不復有,遂獲安居。 椎乎? 可與之。」後家人不敢復言怪,怪亦曰:「熱爾。」又曰:「物擊鼓。」夫人曰:「有

綫貼上曰「我惜勤讀書兒」,又並書二行: 世子孫知夫人之精鑒 方知夫人知之於童稚中矣。 以罪廢。 第,人競觀之。 夫人曰:「非遠器也。」 處土」。 殿前及第程延壽」,先兄幼 夫人有知人之鑒。姜應明者,中 及先兄登第,頭以 頤兄弟幼時,夫人勉之讀書,因 不才罷應科舉 寶藏手澤,使後 時 名也; 次 後 神 日 果 童

先公覲親河朔,夜聞鳴雁,嘗爲詩 詩,不過三二篇,**●**皆不存。 文章筆札傳於人者,深 夫人好文,而不爲辭章,見世之婦 以爲 獨記 非。 在 日 平 歷 生 何 陽 所爲 女以 處

「二」,涂刻本作「十」。

不已。 文信, 事 驚 遠,有英雄之氣 意轉傷。 飛 起 掩 誰 嘗 卷 能 稱 良 憤 雝 付汝將?」讀史,見姦邪 人沙 唐太 歎 雝 過 塞外,覊 宗 夫人之弟可 見忠孝 草 得禦戎 堂。 妾守空房。 節 早 之道,其 義之士, 是 世 愁 無 稱 寐 名 識 則 逆 欲 儒 亂 欽 慮 寄 忽 才 慕 之 高 迥 聞

其效。 君 謂 癘。 矣。」夫人以景德元年 曰:「今日百五,爲 追 日 二子曰: ,終於江 日,生於太原; 及北歸,道中 夫人自少多病,好方餌修養之術,]封上谷郡 從先公官嶺外, 后紿 寧 ·, 享 爾 病革,召醫視 也。」未 年 皇 我祀父母,明年不 甲辰十月十三一作三十 四 祐 偶 + 四 迎凉 終前 九。 年壬辰二 露寢,遂中 脉, 始封 日 日 壽 月二十 可 甚 安縣 復 命 治。 祀 · 瘴 得 頤

叔父朝奉墓誌銘

葬祖 至少 上世居 崇國太夫人張氏之子,先公太中之季弟。 孫 尚 清 河 ,贈開府 書虞部員外 師 郡 考於 叔 父名 顯 深 太 伊 君張 於朝,賜第京師,始居 州之博野,累代聚居,以孝義 儀同三司諱遹、榮國太夫人張 琉,字 川,遂遷 氏、襄 郎 諱 季 河 希振、高 聰。 陵 南 郡 太君 贈 太 密 賈 子 縣 開封。 少 氏之曾 君崔氏之 師 諱 先君 孫 氏、 羽、 其

智甚高,當自謂

不如夫人。

德者 信 郊 崇國能竭其力。 生,事伯兄丘嫂如父母。 社 人如己, 重之。 齋郎 公天性孝 屢致 調 年四 懷州修武 友淳質,不 欺 於宗族篤恩義,愛幼 十五 而不 一,始以 變。 縣 與 主 事 人接,傾盡 人多 伯 文 簿。 兄 飾 太 秩 笑之,而 滿 中 幼 恩 孤 心 如 腑 事 好

之。 尉,賜 寺丞, 竭 皆此類。喜求民利病,力可行者行之,不能 事,權管勾西京國子監,遂致官事。 公當官 澤州端氏縣令,閱歲即真。 者言之上官,雖沮却不恨。 力,不擇難 嘗捕蝗,徒步執篲,爲衆人先,其不愛力 服 復 銀 四遷,至朝奉 緋。 易,盡心於愛人,故所至 歷河中府龍門、汝州 郎。 積勳 用薦者,改大理 至上 襄城 輕 民 車 愛 縣 都

之見愛於兄,與先君之厚於弟,可見矣。先君六得任子恩,公與二子實居其三,則公年五十始有子,傷從兄無嗣,遂以繼之。

酉,歷年七十有五。是年十月某日,葬於伊天聖元年四月壬寅,終於紹聖四年六月乙長適承議郎劉立之,次適進士王霂。公生於繼從伯父後,次曰顒,太廟齋郎。女二人:舉門氏,追封宜興縣君。繼室張氏,封

川, 祔先塋。孤姪頤號泣而銘其穴曰:

呼! 哀哉! 断瘁以奉公。家無間言,仕有善效,古之勤瘁以奉公。家無間言,仕有善效,古之

家世舊事

豈 殺。 宜子。 卒。由是家中益神其事。 呼使啜茶,視而寫之。 能 日 楚雲,小者曰僿一作「賽」。 識 畫能殺? 者。 少 叔父七郎中影 \師影帳畫侍婢二人**:**一 頤幼時猶記伯祖母指其 抱笏蒼頭 蓋偶然爾。 帳 日 福郎,家人傳曰 亦畫 福郎尋卒,人以 人壽短長有定數, 侍者二人: 奴,未幾二人皆 日 爲 誰,今則 鳳子,一 書 大者 爲 書 無

成都寺院皆無高門限,傳云少師脚短,

當 時 皆去之,至今猶不復用

泉,則 未敢 也。 密,家 貴 記 到 與某有之正同,❷當善守而已。又出 子孫所賣,更易房室,不忍復觀矣。 時,●四 以其上有少師書字,故不忍毁去,然收藏 後遂分而賣之,先公未嘗問也。 頤 小印合示 翁能保之足矣。」不敢受者,所以安其 宛 到 也。 水求見。 醴泉,改葬少師,始求得少監、段太君誥 又如太宗皇帝御書及少監真像皆在,亦 ,居京師,醴泉第宅,大評事諸孫居之, 少師 散失 然如 中子弟 後十年再 翁問 頭 卜居醴泉,第舍卑狹。 、盡矣。 舊,諸房門皆題誰居,先公太中 不意 曰 : 欲 有 得宅否? 「祖物也,可收之。」頤 纔數年, 未 到, 思之痛 嘗 則已爲 見 者。 傷。 四 先公答以 翁卒,比 四 後 先公守 翁名逢堯。 券契皆存, 又二十年, 頤 自少師 叔 少時 再至 少 鳳 有 疑 曰 師 之 甚 所 州 嘗 心 : 房

> 緑 於三 玉枕於四翁女种家,鞍兀於三翁家。 一翁家 少少 師 犀 帶於長 安太監簿家,少 師

六六〇

微 也。 居京 晨 泉,與從曾祖母雷氏將軍之室。 高祖、太評事、四評事,治生事皆淳儉嚴 太評事家人未嘗見笑,惟長 居焉,徙葬少 開顏曰:「善視之。」曾祖母崔夫人亦 則 夕敬畏, ●平居必曳之長裾。 不 師,囊橐至於御書誥勑皆多在醴泉。 少 老嫗白曰:「承旨將軍也。 師 食,拱手而 厭 河 監 北 于 五代兵戈,及宰醴泉,遂 起。 縣城之西。 二婦恐懼,不敢 孫 奉 始 既 烹 事 新 顯 生,長安虞部 飦 婦 雖賜 叔 生男。」 少 姑, 問 有 留 從 謀 所 失 第

敬

涂刻本作「兢」。

姑」,涂刻本作「舅」。

節

⁰ 兀」,涂刻 某」,涂刻本作「珦」。 州」,涂刻本無此字。 本作「瓦」。

事。 太高 盡 性尤嚴峻。 由 少師之待兄弟,崔夫人之事叔舅姑,從世所 見其艱苦之甚,屬少師取至京師,不撤帷帳 也、叔舅姑遂加愛之。後外祖崔駕部過雍 人每勸勉之,竟得羸疾 置囊箧,云暫往 伺其 也。 祖 雷氏不堪其勞,有間則泣於後庭,崔夫 母 食美,取所餘嘗之,然後 楊 二婦晝則供侍,夜復課以女工之 氏前 卒, 省覲,叔舅姑 四高祖母 、而終。 崔夫人怡怡如 李氏 方聽其 知 主 所嗜 内 來。 事

較。 不衰。 時 驢足病 小兒持盤賣菓,爲族中群兒奪 子弟既多,不無侵損於邑人,而邑人敬愛之 ,村婦多持香茶祈蠶於家,因掐取其土以 少師治醴泉,惠愛及人至深。其後諸 祐初,頤 有争忿者,及門則止,俟過 ,呼醫治之,問知姓程,辭錢不受。 過邑,去少師時八十年矣。 取 ,啼而不敢 而復争。 房

乞靈,後禁止之。

千。伯祖殿直輕財好義,待族人甚厚,日責 「驢兒已喫至尾矣。」 文簡公具酒餚,欲觀其器度。 室,唯乘一驢,更無餘資 族父文简公應 舉 來 ,至則賣驢,得 京 師,館 文簡公訴 於 廳 錢 旁 數

伯祖 偶 德宜家,夫婦偕老,享封大國,子孫相繼,豈 也?」强之使就,後累年猶怏怏。 州人。文簡公年少才高,欲婿名家,弗許。 陳氏求婿,必欲得高第者。 祖殿直,亦莫能曉。後登科,有媒氏來告,有 書,授之曰:「壽州陳氏。」不 然哉 曰: 文簡公一夕夢紫衣持箱幞,其中若 「爾夢 如 是,蓋 默 問其鄉里,乃壽 測所! 定矣, 豈 謂 陳夫人賢 以問 可 違 伯 勑

■「從」,涂刻本作「後」。

六六

叔

祖

寺、

丞

常從主人之後,主人中則亦 中,主人遠

六六二

乘驢而來,索紙寫門狀,復乘驢而 。文簡公爲著作佐郎時,賈文元尚少, 叔祖坐,曰: 有知人之鑒,常謂文簡公公輔 「某昨夜夢坐此,有一人 去,坐中有 意。 則亦遠,不差尺寸。 伯

一日侍.

乘驢 比三易藩郡,而賈已登庸,方拜使相。 政,風望傾朝,衆謂旦夕爰立,俄以事罷去, 在先。」及文簡公爲 羨不已。 所説之夢。 人指之曰,此將來宰相也。」頃之,文簡公 而 來,索紙寫門狀,復登驢而去, 叔祖 賈文元曰:「程六當爲宰相。」歎 謂 曰:「爾無羨彼,爾作相 兩制,賈方小官, 及參大 雖古 正 當 如

隔 死矣。」居數月,又指堂前屋曰:「吾去死,如 此 屋 叔 矣。」 祖 寺 又數月,指室中 爾。」未 丞年四十,謂家 幾而卒。 窗 人曰:「吾明 「吾之死, 年

之精於術者,無以

過

也。

叔 祖 多才藝。 與人會射,發矢能如其 11

如 隔

此

紙

儒生 足也。 珠子裝抹胸,賣得十三千,盡以與之。 有儒生造門,即持綿袴與之。 「何以知我無袴也?」蓋於游從間,嘗察其不 一以講 至晚 祖殿直喜施,而 説 醵錢。 年,家資懸罄,而 時家無所有,偶伯祖 與人周。 爲義 其人大驚曰: 不衰。 日苦、 母 有 有

張氏。 之。」先生謂 子驚疑莫測,相與詣縣,請辨之。 父死未幾,晨起,有老父立於門外,問 業醫,遠出治疾,而妻生子,貧不能養,以 我汝父也,今來就汝居」,具陳其 明道先生宰晉城時,有富 某年某月某日某人抱去,某人某 曰:「歲久矣,爾何記之詳也?」 民張氏 老父 曲。 以子,其 之, 張氏 人見 日 與 日

[「]去」,涂刻本作「出」。

子之生,其父年纔 某人抱兒與張三翁家。」先生問 大 乎?」●老父驚駭服罪 年幾何?」曰:「七十六矣。」謂老父曰:「是 老父曰:「某歸 爾年幾何?」曰:「三十六矣。」「爾父而在, 懷 中取 策 進之。 而知之,則書於藥法策後。」 其所 四十,人已謂之三翁 記 曰:「某年月日, 張氏子曰:

皮。 官。 相信 使?」曰: 如此 以伯淳所使人不欺,故假之爾。」師宰之 明道問之曰:「漕司役卒甚多,何爲不 師宰來省其兄,嘗從明道假公僕掘 明道主簿上元時,謝師直 「《本草》説桑白皮出土見 爲江東轉 日 者殺 桑白 運 判

時 曰 :「伯淳亦然。 見取,至言《易》,則皆曰非是。」 君皆通《易》者也。 謝師 直尹洛 時,嘗談經與鄙 往在上元,某説《春秋》,猶 監 司談 經 而 意不合, 一頤謂 主 簿 曰 乃 因

曰非是,監司不怒,主簿敢言,非通《易》能如

改葬告少監文

是乎?]

完否。 具 丘 評 俗,以開發家墓爲事。 祖 郎 珫,謹遣姪頤就墳所,以酒肴之具,祭告于高 日之禍,不得不慮。今將改葬少 昭 事 權 封,使後人不知墓之所在,以圖永安。 少監、高祖母京兆太君段氏之靈。秦人之 告,伏惟鑒饗 墓繼遭盗刼。 司管勾西京國子監 維元祐六年辛未二月癸卯,玄孫 苟不完矣,理當改 少 師墓、 近年以來,太評事、四 輕車都尉 厝。 亦嘗有穴 幸 師 而 賜 ,而遷公 尚完,異 ,固不知 緋 右 魚 承 袋 議

❶ 「人」,涂刻本無此字。

祭席仁叟文

墳。 存 ? 異 夫奉 里,徒增勞於魂夢,逮兹三稔,始獲展 昔我姊之云亡,望君舍而來奔,悼彼中途之 白首逾新。 叙中懷而告違。 息復歸於君門。敦契義之如是,豈淺薄之所 婚姻之重論。 夭逝,各懷哀憤以難 不勝於悽慘, 况死生之隔, 何以喻其悲辛? 姻,游從嬉戲,不殊同隊之魚; 一禮郎 門之親。 宿草雖久,予哀未泯。 年 何其降 月日 席仁叟之靈。 仁叟晚年見信益篤。 河 年不 知吾心 於是君之女以女於吾姪,我之 南程頤 清香一炷,芳醪一巵,君其 永, 訃音 伸。 而丹誠 謹 自我 以香醪致奠於亡姊 表情誠之不替,遂 遽 挈甥女以將歸 於聚散之間,尚 相 未冠,與君 聞 情好恩義,無 照,信吾道 ! 相 於丘 去千 爲 而

饗之,當鑒我心之悲!

祭張子直文

日 驚皇而自失。 月,走介歘來,言君被疾。 之愛憐,感君心之勤眷。 戀。 嗚 南,我居畿甸,❷常爲命駕之約,方切離群 會則盡合簪之歡,别則有索居之歎 我於君 而白首益堅,知余心而中懷靡間。 呼 始及近郊,已聞捐室。 忽承置郵之書,重有婚姻之願,雖 1 妹夫故尚書虞部員外郎張君子直之靈。 而既厚,心存樂善,君於我 與君游從,歲 走十舍之修途,冒如焚之赫 踰 遽報諾音,曾未 觀遣辭之甚遽,已 紀; 撫孤 媚 情 而 在 而 君 信吾 長 彌 睦 在 隆 姻, 幾 女 道

「紀」,涂刻本作「終」。

0

「畿」,原作「幾」,據涂刻本改。

痛死生之永隔。❶

若斯 之德 惟 雖 薄命短,人之所悲,母老子幼,禍兮何極 臨 道 官 君之靈、監斯 路 政 ,俾我心之重 嗚 以興嗟,❷宜親朋之共惜。 謂 有 呼 所享之宜長,胡降衷之莫測? 慈惠幹濟之稱,居鄉里推謹厚 子直 誠 盡 加 來格 惟君之生,爲善是 羇旅之次,肴羞 何君 廳 命之 淳 力 飾 ? 祐 ; 和

祭四十一郎文

惟汝資 弟姊 之靈 視 而 汝 遽 疾 死 妹 叔 耶? 皆 禀善和修謹 嗚 父頤令昂具酒餚致祭於姪四十一郎 死 呼 不 不 ! 克 吾方以罪戾,竄縶遠方,生不獲 獲 壽。 乃 撫 祖 汝 ,無子弟之過,期汝有成 天 乃父 柩 造 冤痛之深, 差忒,至如 ,世積慶善, 衷 是 而 腸 汝兄 平 如 !

> 收 吾無 割。 當教誨之,期於成立, 待之加厚,冀其安室。 致力,慰爾心於泉下。 我,而 以 吾知汝有未伸之志,抱 致其力矣。 我反哭汝,天乎 嗚 呼 則汝爲有後矣。 嗣子循良,今已可見, 又汝婦 ! **宽哉!** 吾將七十, 無 盛年,自今當 窮之恨,吾當 此外

祭李邦直文

諧,遂音容之永隔 洛之濱,葛巾藜 迹,望履舄以無緣。 後 簡 知 編見其 也。 嗚 呼 才 自與公别,於兹 華, 惟 杖, 廊廟 公 日 世 存 惟期與公挂冠之後, 追 以 其 推 念平昔,悲辛填臆。 相 步 文章,位 九 親 年,既 武 何志願之未 固 升沉 登 不 待 丞 之異 誄 輔 而

- 「永」,涂刻本作「遂」。
- 「興」,涂刻本作「猶」。

見,一慟靈筵,聊伸薄奠。重以姻媾,始終異眷。感懷知遇,丹誠莫嗚呼! 哀哉! 頤也少服公名,晚識公面,嗚呼!

祭李通直文先生之婿。

薄奠致誠,尚其來享!
余老矣,有賴於子,而反哭於子,何其酷邪?孝仁厚如子者幾希。宜得其壽,而遽死耶?嗚呼! 余周流天下,閱人多矣,求其忠

伊川文集卷之八

